

6

4-g

3

M

F. $\frac{2}{29}$



Ex Bibliotheca
ajori Coll. Rom.
Societ. Jesu


~~4-g-10e3~~

72.3.15.

IV
4
C

~~Le. L. D. Co.~~

LAVRENTII
VALLAE ELEGAN-
TIARVM LATINAE
LINGVAE LI-
BRI SEX.



Bibliotheca Secr. & Coll. Rom. Sci. Reg.

De Reciprocatione Sui, & Suus, libellus eiusdem.

Ad ueterum denuò codicum fidem ab
Ioanne Renerio emenda-
ta omnia.



VIRTVTE DVCE,



COMITE FORTVNA.



APVD SEB. GRYPHIVM
LVGDVNI,
1540.

STVDIOSO LECTORI S.

Habes lector optime hos elegantiarũ libros multò quàm antehac unquam prodierint, emaculatiores, Ioãnis Renerij opera, cum nonnullis annotationibus, tibi haud parum profuturis, ab eodem in margine additis. Veterum autem autorum exempla, quæ Valla in eorum, quæ de lingua Latina præcepit, testimonium protulit, corrupta serè, deprauataq; erant, ut uix ad eius negotium facere uiderentur, ea optima fide restituit. Vt te quoque maiore beneficio demereretur, loca unde ea sibi Valla desumpserat, ueluti digito indicans, margini adiecit: ut si posthac chalcographorum aut incuria, aut in-

scitia peruerti contingat, tibi sit unde ea nullo negotio reparare queas.
Vale lector, Renerijq; laboribus fruiere.

LAURENTIVS VALS

LA IOANNI TORTELLIO

Aretino, cubiculario Apostolico, Theologo=
rum facundissimo S.



LIBROS de linguae Latinae elegãtia (mi loã-
nes unicũ amicitiae specimen, & omnis sciẽtiæ
decus) olim iam tibi debitos, totiesq; abs te
efflagitados, & tanquam creditore repetitos,
tandem exhibeo: nominiq; tuo dedico, ac uel
ut es alienum persoluo, & (ut longioris moræ dem pœnas)
etiam cum scœnore, eoq; tanto, ut sorti par sit. Nam quum sex
essent libri, quos tibi (cui omnia debeo) repromiseram, nunc
totidem ad illos accedunt, eiusdem, germanæq; materiæ: et quasi
semis si semis additus, explet assẽm lucri. Fecisti itaq; tu longam
quidẽ expectationem: uerũ ipsius expectationis nõ negligẽtia
mea, sed cõsiliũ extitit causa. Nolo enim fraudare beneficũ
meum gratia sua. Siquidem nullam aliã inire rationẽ poteram,
qua libros iniussu meo (ut scis) editos, & in plurima exẽplaria
transcriptos tibi dicarẽ, nisi & repurgarẽ diligẽtius, & (quod
maius est) aliorũ ueluti reliqui corppris accessione perfectos me
emittere testarer, ut nemo nisi ab hoc fonte, et eius riuus nostra-
rum Elegantiarũ aquas sibi hauriendas existimaret, non solum
uberiore gurgite, sed etiam nitidiore. Quo magis & spero, &
opto libros hos abs te in summi pontificis bibliotheca repositũ
iri: teq; curaturum, ut ille, cuius contubernalis es, & studiorum
intimus comes, nõnunquam eos euoluat, & quemadmodum de
parte iam fecit, totum opus laudet: eximium profectò, ac maxi-
mũ laboris mei fructum, ac præmiũ. Nam quis uberior fructus,
aut quod magis opinũ præmiũ generoso animo cõtingere po-
test, q̃ laudari à laudato uiro? ut ille apud Actiũ inquit: Gaudeo
abs te laudari, pater, laudato uiro. E tenim quisnã multis iã secu-

lis laudatior extitit, qui'ue sit magis iure laudandus, quàm no-
strum omnium pater summus Pōtifex Nicolaus Quintus? Qui
non magis prudentissimorum hominū iudicio electus esse, quàm
natus ad illam dignitatem uidetur: quem Deus nobis præbens,
singulari quadam hoc seculum est beneficentia prosecutus: &
quo sospite (ut est hominum opinio) res humanæ futuræ feli-
ces sunt. Adeò nescias, an uirtus eius, an dignatio inter homines
magis emineat: & inter ipsius uirtutes, quæ cui præstet, si qua
modò præstat, & non unaquæq; omnes in se numeros habet,
nisi ut quòd quisq; maxime uirtutem aliquam colit, ita maxime
adesse huic illam existimat: ueluti tu nōnunquam atq; ego pru-
dentia, cum cæterarum rerum, tum uerò literarum. Quid enim
tam arduum, tam difficile, tam profundum, quod non consilij al-
titudine expediat, conficiat, transigat? Tot summi pontifica-
tus, quem prope sacerum, ac naufragum acceperat, negotia,
quibus distringitur, quorum pars quemlibet alium deprimeret,
unus omnia curat, omnia suis humeris sustinet, unus omnia
obit, & (quod magis nostram admirationem auget) non for-
titer modò, sed etiam libenter. Diuina nimirum est in eo inge-
nij celeritas, ac uis. Iam uerò de literis quoties nobiscū, alio'ue
quo erudito, post fluctus occupationum loquitur? Taceo qua
pronuntiandi maiestate, & gratia, quanta memoria, quanta re-
rum copia, quanta doctrinarum omnium peritia cluceat, uel
humanarum, ut historice, ut oratorie, ut grammaticæ, ut phi-
losophicæ, ut poëtice, etiam metricæ: uel diuinarum, ut theo-
logiæ, ut omnis iuris, ut eius quam Græci *μυστικὴ* uocant.
Nihil ita arduum, itaq; abditum, quod eum fallat: nihil ita tenue
in literis, exiguumq; (unde haud secus miror) quod eum fugiat:
eoq; nunquàm minus loqui, magis attendere mihi libet, quàm
quum ipsum audio. Pace tamen eius dictum sit, non minus or-
nat illam dignitatem, quàm ab illa ornetur. Nec ego minus ue-
neror eius uirtutes apud me, quàm datas à Deo Apostolicas
clauces,

3
claves, quum præsertim scientia sacrarum literarum clavis uo-
cetur, ab eodem Deo tributa, quæ aperit, & nemo claudit: clau-
dit, & nemo aperit. Itaq; utraq; manu claves gessat, sapientiæ
altera, altera potestatis. Quare (ut liberè quod sentio dicam)
uel magis mihi letandum, atq; gloriandum erit, si à tam inte-
gro, tam sancto, tam sapienti uiro, quàm si à summo Pontifice,
laudabor. Summi enim Pontifices multi fuerunt, sed qualis hic,
uix unus, aut alter: quem absit ut emerendi fauoris gratia im-
pensius laudauerim, quippe qui sciam & me improbaturos ho-
mines, si mentiar: & illum talem esse, qui nec seipsum ignoret,
& testimonia suarum laudum malit in pectoribus esse, quàm in
linguis. Neq; uelim te hanc ei epistolam ostendere. In qua etsi
laudatur, id tamen non ideo fit, ut has laudes ipse, sed ut cæteri
legant: & (quod ad nos attinet) magna sanè honori tuo, ac
meo fiet accessio ex hac Nicolai pontificis commemoratione.
Etenim si in arcubus triumphalibus, & columnis, cæterisq; id
genus operibus in honorem aliquorum extructis, quò sint au-
gustiora, cernimus interdum alicuius Dei, aut Deo similis ima-
ginem superpositam: cur ipse nō putem mihi faciundum, ut huic
meæ columnæ (non ausim dicere arcui) duodecim passus altæ,
quam ego opifex tibi ob singularem eruditionem, summam
beneuolentiam, maxima in me merita dicaui, imaginem

Nicolai summi Pontificis mea manu sculptam in cul-
mine collocem, ut operis decori quædam etiam

ex ipso præside maiestas accedat? Ita

& nostra in illum reuerentia, ac

religio, & illius in nos

fauor; splendor que

constabit.

Vale.

L A V R E N T I I

VALLAE PATRITII ROMA=

ni, & de lingua Latina bene meriti, in sex

Elegantiarum libros elegans, & do=

cta admodum præfatio.



V V M sæpe mecum nostrorum maiorū
res gestas, aliorumq; uel regum, uel po=
pulorum considero, uidentur mihi non
modò ditionis nostri homines, uerū etiā
linguæ propagatione ceteris omnibus
antecelluisse. Nam Persas quidē, Medos,
Assyrios, Græcos, aliosq; permultos lon=
gè, lateq; rerum potitos esse: quosdam etiam, ut aliquantò infe=
rius quàm Romanorum fuit, ita multò diuturnius imperium te=
nuisse constat: nullos tamen ita linguam suam ampliassè, ut no=
stri fecerunt: qui (ut oram illam Italiæ, quæ magna olim Græ=
cia dicebatur: ut Siciliam, quæ Græca etiam fuit: ut omnem Ita=
liam taceam) per totum penè Occidentem, per Septentrionis,
per Aphricæ non exiguam partem, breui spatio linguam Ro=
manam (quæ eadem Latina à Latio, ubi Roma est, dicitur) ce=
lebrem, & quasi reginam effecerunt, & (quòd ad ipsas prouin=
cias attinet) uelut optimam quandam frugem mortalibus ad fa=
ciendam sementem præbuerūt: opus nimirum multò præclarius,
multoq; speciosius, quàm ipsum imperiū propagasse. Qui enim
imperium augent, magno illi quidem honore affici solent, atq;
imperatores nominantur: qui autem beneficia aliqua in homines
contulerunt, ij non humana, sed diuina potius laude celebran=
tur: quippe qui non suæ tantum urbis amplitudini, ac gloriæ
consulant, sed publicæ quoq; hominum utilitati, ac saluti. Itaq;
nostri maiores rebus bellicis, pluribusq; laudibus ceteros homi=
nes

nes superarunt, linguae uerò suae ampliatione seipsis superiores fuerunt, tanquam relicto in terris imperio, consortium Deorum in caelo consecuti. An uerò (Ceres quod frumenti, Liber quod uini, Minerva quod olei inuentrix putatur, multiq; alij ob aliquam huiusmodi beneficentiam in Deos repositi sunt) linguam Latinam nationibus distribuisse minus erit, optimam frugem, & uerè diuinam, nec corporis, sed animi cibum? Hæc enim gentes illas, populosq; omnes omnibus artibus, quæ liberales uocantur, instituit: hæc optimas leges edocuit: hæc uia ad omnem sapientiam muniuit: hæc deniq; præstitit, ne barbari amplius dici possent. Quare quis æquus rerum æstimator non eos præferat, qui sacra literarum colentes, ijs, qui bella horrida gerentes, clari fuerunt? Illos enim regios homines, hos uerò diuinis iustissime dixeris, à quibus non (quemadmodum ab hominibus fit) aucta respublica est, maiestasq; populi Romani solum, sed (quemadmodum à dijs) salus quoq; orbis terrarum: eò quidem magis, quòd qui imperium nostrum accipiebant, suum amittere, & (quod acerbius est) libertate spoliari se existimabant, nec fortasse iniuria: ex sermone autem Latino non suum immi-
 nui, sed condiri quodammodo intelligebant: ut uinum posterius inuentum, aquæ usum non excusit: nec sericum, lanam, linumq;: nec aurum, cætera metalla de possessione eiecit, sed reliquis bonis accessionem adiunxit. Et sicut gemma aureo alligata anulo non de ornamento est, sed ornamento: ita noster sermo accedens, aliorum sermoni uernaculo, contulit splendorem, non sustulit. Neque enim armis, aut cruore, aut bellis dominatum adeptus est: sed beneficijs, amore, concordia. Cuius rei (quantum coniectura suspicari licet) hoc, ut ita loquar, seminarium fuit. Primum, quòd ipsi maiores incredibiliter se in omni studiorum genere excolebant: ita, ut ne in re quidem militari aliquis, nisi idem in literis, præstans esse uideretur: quod erat cæteris ad emulationem non exi-

Clari fuerunt,
 hic bis repeti
 debet.

guum incitamentum. Deinde, quod ipsis literarum professoribus
 præmia egregia sanè proponebant. Postremò, quod hortaban-
 tur provinciales omnes, ut quum Roma, tum in provincia Ro-
 manè loqui cõsuescerent. Ac (ne pluribus agam) de compara-
 tione imperij, sermonisq; Romani, hoc satis est dixisse. Illud
 pridem, tanquam ingratum onus, gètes, nationesq; abiecerunt:
 hunc omni nectare suaviorem, omni serico splendidiorem, omni
 auro, gēmaq; preciosiorem putauerunt, & quasi Deum quēdam
 è cœlo demissum, apud se retinuerunt. Magnum ergo Latini
 sermonis sacramētum est, magnum profectò numen, quod apud
 peregrinos, apud barbaros, apud hostes, sanctè, ac religiosè
 per tot secula custoditur, ut nō tam dolendum nobis Romanis,
 quàm gaudendum sit, atq; ipso etiam orbe terrarum exaudiēte
 gloriandum. Amisimus Romam, amisimus regnum, amisimus do-
 minatum, tametsi nō nostra, sed temporum culpa: ueruntamen
 per hunc splendidiore dominatum in magna adhuc orbis parte
 regnamus. Nostra est Italia, nostra Gallia, nostra Hispania,
 Germania, Pannonia, Dalmatia, Illyriū, multæq; alia nationes.
 Ibi nanq; Romanum imperium est, ubicunq; Romana lingua
 dominatur. Eant igitur nūc Græci, & linguarum copia se ia-
 ctent. Plus nostra una efficit, & quidem inops (ut ipsi uolunt)
 quàm illorum quinq; (si eis credimus) locupletissima: & mul-
 tarum gentiū uelut una lex, una est lingua Romana: unius Græ-
 ciæ (quod pudendum est) nō una, sed multæ sunt tanquam in
 Republica factiones. Atq; exteri nobiscum in loquēdo consen-
 tiunt: Græci inter se cōsentire non possunt, nedum alios ad ser-
 monē suum se perducturos sperent. Variè apud eos loquuntur
 autores, Atticè, Aeolicè, Ionicè, Doricè, &c. apud nos, id est,
 apud multas nationes, nemo nisi Romanè, in qua lingua disci-
 plina cunctæ libero homine dignæ cōtinētur, sicut in sua mul-
 tiplici apud Græcos: qua uigēte, quis ignorat studia omnia, di-
 sciplinæq; uigere? occidēte, occidere? Qui enim summi philoso-
 phi

id est, commu-
 niter,

phi fuerunt, summi oratores, summi iureconsulti, summi deniq;
scriptores: nempe ij, qui bene loquēdi studiosissimi. Sed me plu-
ra dicere uolentē, impedit dolor, & exulcerat, lacrymarq; co-
git intuentem quo ex statu, & in quem facultas ista reciderit.
Nam quis literarū, quis publici boni amator à lacrymis tem-
peret, cum uideat hanc in eo statu esse, quo olim Roma capta à
Gallis? Omnia euersa, incensa, diruta, ut uix Capitolina supersit
arx. Siquidē multis iam seculis non modò Latine nemo locutus
est, sed ne Latina quidem legens intellexit: nō philosophi stu-
diosi philosophos, non causidici oratores, non legulei iurecon-
sultos, non ceteri lectores ueterū libros perceptos habuerūt, aut
habent: quasi amisso Romano imperio, non deceat Romanē nec
loqui, nec sapere: fulgorē illum Latinitatis, situ ac rubigine passi
obsolescere. Et multae quidē sunt prudentium hominū, uariq;
sentētiæ, unde hoc rei acciderit, quarū ipse nullam nec impro-
bo, nec probo, nihil sanē pronūciare ausus: non magis quā cur
illæ artes, quæ proximē ad liberales accedūt, pingendi, scalpen-
di, fingendi, architectandi, aut tam diu, tantoq; opere degenera-
uerint, ac penē cum literis ipsis demortuæ fuerint, aut hoc tem-
pore excitentur, ac reuiuiscant: tantusq; tum bonorū opificum,
tum bene literatorū prouentus efflorescat. Verumenimvero quò
magis superiora tempora infelicia fuere, quibus homo nemo in-
uentus est eruditus, eò plus his nostris gratulandū est, in quibus
(si paulò amplius adnitamur) confido propediem linguam Ro-
manam uerē plus, quā urbem, & cum ea disciplinas omneis,
iri restitutum. Quare pro mea in patriam pietate, imò adeò in
omneis homines, & pro rei magnitudine cunctos facundia stu-
diosos, uelut ex superiore loco libet adhortari, euocareq;, & il-
lis (ut aiunt) bellicū canere. Quousq; tandem Quirites (litera-
tos appello, & Romanæ linguæ cultores, qui & uerē, & soli
Quirites sunt, ceteri enim potius inquilini) quousq; inquam
Quirites urbē uestrā, non dico domiciliū imperij, sed parentem

Aen. 6.

literarum à Gallis esse captam patiemini? id est, Latinitatem à barbaria oppressam? Quousque prophanata omnia duris, & penè impijs oculis aspicietur? An dum fundamentorum reliquiae uix appareant? Alius uestrum scribit historias: istud est Veios habitare. Alius Græca transfert: istud est Ardeæ considerare. Alius orationes, alius poemata componit: istud est Capitolium, arcemque defendere. Præclara quidem res, & non mediocri laude digna: sed hoc non hostes expellit, non patriam liberat. Camillus nobis, Camillus imitandus est, qui signa (ut inquit Vergilius) in patriam referat, eamque restituat: cuius uirtus adeò cæteris præstantior fuit, ut illi qui uel in Capitolio, uel Ardeæ, uel Veijs erant, sine hoc salui esse non possent. Quod hoc quoque tempore continget: & cæteri scriptores ab eo, qui de lingua Latina aliquid composuerit, non parum adiuuabuntur. Equidem (quod ad me attinet) hunc imitabor, hoc mihi proponam exemplum, comparabo (quantuluncunque uires meæ ferent) exercitum, quem in hostes quam primum educam: ibo in aciem, ibo primus, ut uobis animum faciam. Certemus, quaeso, honestissimum hoc, pulcherrimumque certamen: non modò ut patriam ab hostibus recipiamus, uerum etiam ut in ea recipienda quis maxime Camillum imitabitur, appareat. Difficilimum quidem præstare, quod ille præstitit, omnium imperatorum mea sententia maximus, riteque secundus à Romulo conditor urbis appellatus. Ideoque plures, pro se quisque, in hanc rem elaboremus, ut saltè multi faciamus, quod unus effecit. Is tamen iure, uereque Camillus dici, existimarique debet, qui optimam in hac re operam nauauerit. De me tantum affirmare possum, ut non sperarem tantæ me rei satisfacturum, ita difficilimam sumpsisse laboris partem, durissimamque prouinciam, ut redderem alios ad cætera prosequenda alacriores. Hi enim libri nihil ferè quod ab alijs autoribus (ijs duntaxat qui extant) traditum est continebunt. Atque hinc principium nostrum auspicemur.

De nominibus quorum ablatiui plurales exe-
unt in abus. CAP. I.



DEVS, dea, deabus dicimus: diuus, diua, diua-
bus non dicimus. Item in quibusdam alijs: ut,
filius, filia, filiabus: non priuignus, priuigna;
priuignabus: natus, nata, natabus: non genitus;
genita, genitabus. equus, equa, equabus: mulus,
mula, mulabus: nō asinus, asina, asinabus: nec iuuecus, iuueca, iue-
cabus: nec cetera similia. nō ceruus, cerua, ceruabus: nō lupus,
lupa, lupabus. Itē ut dicimus libertus, liberta, libertabus, ita nō di-
cimus libertinus, libertina, libertinabus: non patronus, patrona,
patronabus: nō concubinus, cōcubina, cōcubinabus: nō pedisse-
quus, pedissequa, pedissequabus: nō seruus, serua, seruabus: nō fā-
mulus, fāmula, fāmulabus: nō dominus, domina, dominabus: nō ani-
mus, anima, animabus: tametsi quidā his posterioribus utūtur. Ci-
cero tamē ad uxorē, & filiā scribēs, duabus animis suis dixit, nō
animabus. Et Curtius de matre, & uxore Darij, dominis nō do-
minabus dixit. Quòd siqui per licentiā aliter loquūtur, non est
mirandum: cum quidam ueteres dixerint dextrabus, pro dextris:
& cabus, pro eis. Sed ego de usu loquēdi disputo, non de abusu.

Epi. 14. lib. 18.
epi. fa.
Lib. 3.

De uerbalibus exeuntibus in atio. CAP. II.

Nomina quæ ueniunt à uerbis primæ cōiugationis, positio-
nem supini habentibus in itum, uel in etum, præter cete-
rorum uerborū legem exeunt in atio, & non in itio, uel in etio:
ut, Veto, uetui, uetitum: inde uetatio, non uetitio. Præsto, præsti-
ti, præstitum, præstatio: non præstitio. Cubo, cubui, cubitum,
cubatio: non cubitio. Domo, domitum, domatio: non domitio.
Sono, sonitū, sonatio: non sonitio. Crepo, crepitū, crepatio: non
crepitio. Tono, tonitum, tonatio, non tonitio: licet dicamus so-
nitus, crepitus, tonitus: non sonatus, crepatus, tonatus. Frico, fri-
ctum, fricatio, non frictio: & ita in cæteris. Sectio tamen cre-
brius reperitur, quàm secatio. Horū participia dissimilia sunt.

Nam

Nam ea, quæ sunt præteriti tēporis, exeunt in itus: quæ uerò futuri, in aturus: uctitus, uetaturus: præstitus, præstaturus. Vnde Lib. 1. Lucanus: Constatura fides superum. Domitus, domaturus: & ita in cæteris. Lauo, & Poto non habet supina, neq; in atū, neq; in iū, neq; in etum, sed in otum: ideoq; formant nomina sua lotio, & potio: inde sunt lotor, & potor uerbalia nomina: & lotium pro urina, prima tamen breui, non longa. Aliquando reperitur lauatum, & potatū: inde sunt lauatio, & potatio: lauatorq; & potator. Iuuo, iuui, iutum, nec in hunc, nec in illum modū format suam deriuatiuum. Cæterum ex alio supino iuuatū, facit iuuatio: ab illo fit iutor, seu potius adiutor. Ex cæteris autem pauca sunt nomina uerbalia in or, ut domitor, nō domator: & Sector, qui significat eum accusatorem, qui ex damnatione accusati dimidium bonorum expectat illius, aut certè aliquam partem.

De hoc nomine Ludicrum.

CAP. III.

Prisc. lib. 7.

Ludicra (inquit Priscianus) & non ludicria, ab hoc ludicri dicimus. Vergil. in xii. - Neq; enim leuia, aut ludicra petuntur Præmia. Per quod uult ludicra tertiæ declinationis, cum contrā notum sit secundæ esse: ut in lege illa frequenter repetita, Qui artem ludicram exercuerit, in quatuordecim ordinibus primis ne sedeat. Ars ludicra, est ars histrionica, & scenica: & (ut sentio) quicquid nomine ludicri intelligitur. Nam ludicrum, quod est substantiuum, non modò ludus histrionicus est, & scenicus, sed quodcunq; lusorum opus, ac ioculare, etiam ludi publici.

De hoc nomine Ficus.

CAP. IIII.

Prisc. lib. 6.

Epig. 33.

Ficus (idem inquit) etiam uitium corporis quartæ est.

Martialis primo epigrammaton:

Cum dixi ficus, rides quasi barbara uerba,

Et dici ficos Cæciliane iubes.

Dicemus ficus, quas scimus in arbore nasci,

Dicemus ficus Cæciliane tuos.

Ex

Ex quo ostendit & uitium, & fructū quartæ esse declinationis, genere autē differre. Ego uerò reperio ancipitē apud Martialem scripturā, & frequentius sic, ut & ipse puto scribendū: Cum dixi ficos, rides quasi barbara uerba,

Et dici ficus Cæciliane iubes.

Dicemus ficus, quas scimus in arbore nasci,

Dicemus ficos Cæciliane tuos.

Ante omnia, cur ille risisset Martialem, quod diceret ficus? An non reperitur ficus, saltem pro arbore, atq; etiam pro fructu, in numero singulari? Non hoc ergo ille ridebat. Quid ergo? quod genere abuteretur? ne hoc quidem. Quippe cum dico ficus, quo genere utar, nemo intelligit. Certè ridebat quod alia declinatione uteretur, quàm ea, qua debebat, ut ex secundo uersu, in quo mutata est declinatio, apparet. Quod si igitur Cæcilianus de declinatione agebat, non de genere, debuerat Martialis ad declinationem, non ad genus respondere, ut est putandum: atq; adeò necesse est eum respondisse. Siquidem (ut ostendi) ille reprehenderat, quod hic ficos diceret, non ficus. Quæ reprehensio si uera est, ut Prisciano uidetur, qui uult ficus magis esse quartæ, quæ tandem modestia poëta fuisset, eum qui rectè admoneat, tam execrabili, etiam uero crimine incescere? ergo coniunxit accusationem imperitiæ cum accusatione flagitij per iocum, & dicacitatem, ut moris sui est, quod ille adeò stolidus, non solum nequam esset, ut negaret ficos reperiri, quos secum semper, & quidem cum dolore gestaret: quod minime mirum est reperiri, quum pro fructu, ad cuius similitudinem morbus appellatus est, in secunda declinatione, & (ut opinor) in genere masculino non modò apud poëtas, sed apud oratores quoq; probatissimos reperiatur: ut Horatius,

Ser. 1. saty. 2.

Pinguibus & ficis pastum iecur anseris albi.

Et Plinius ad Octauium Rufum, Quæ nunc cum ficis, & bole- Lib. 1. epi. 7.

tis certamen nondum habet. Et Cicero de Senectute, Ex tantulo grano

grano fici. Quidam grammaticorum recentium, id est, imperitorum, aiunt pro fructu quartæ, pro arbore secundæ esse declinationis, quum pro arbore sit sæpius quartæ: ut idem de Oratore: Vxorem suam suspendisse se de ficu. Secundæ autem ut apud Iuvenalem: — Ad que

Lib. 1.

Satyra 10.

Discutienda valent sterilis mala robora fici.

Satur. 3. ca. 19.

Macrobius & ipse in secunda declinatione semper ferè utitur, & plurimos ueterum ostendit usos. Priscianus uerò uult pro fructu, & morbo quartæ esse, & hoc autoritate Martialis. Neque ego inficior ultimum illum uersum posse sic legi, ut recitat Priscianus: sed id ioco magis, quàm serio à poëta accipimus esse dictum. Neq; enim seipsum, quòd ficos dixisset, sed illius & nequitiam, & imperitiã reprehendere uoluit: non ignorans ficos & Latine, & usitatè dici. Nec uerò Prisciano faciendū fuit, ut unū Martiale sequeretur, & Cæcilianū nescio quē, ut flagitiosum hominē, sic ineruditum, in eo præsertim loco, ubi iocabatur poëta, nec suam sententiã aperiebat, & tacitè negabat, quod asfirmare uidebatur. Nam nequaquā dixisset ficus quartæ esse declinationis, & generis masculini, quod inauditū est: nec differētiā posuisset generis inter morbu, & fructū, quum hoc ab illo dicatur. Quidā ecclesiastici aiūt pro arbore, ficulnea: ut ibi, Videte ficulneā, et omnes arbores. Quod nusquā alibi (si memoria non excidit) mihi repertū est. Sed adiectiuū ficulneus, a, um, pro materiato ex illa arbore: ut à populus populeus: et à corylus coryleus, et colurnus, ut ab abies abiegnus, ab ilice ilignus dicitur.

Luc. 1.

De nominibus diminutiuis.

CAP. V.

Nomina diminutiva exeuntia in talem uocem, qualis est pisciculus, si ritè formentur, uera sunt diminutiva: ut, Pisciculus, Vermiculus, Passerculus, Fraterculus, Securicula, Lucubratiuncula, Virgūcula, Sororcula, Munusculū, Corpusculū, Tēpusculū, Mendaciunculū, Plusculū. Sin minus ritè formentur, diminutiva non sunt, Auunculus, Cuniculus, Musculus, quādo nō est parvus

paruus mus, Pediculus, uel (ut alij uolunt) pedunculus: & penultima longa Cuculus. Cicercula, nomen leguminis. Nouacula, culter rasorius. Lenticula, uasculi genus. Alia masculina, aut foemina non occurrunt. Seruius tamen super Donatū ait, acus acicula. Acus enim dicitur, qua uestes sarcuntur: Acicula qua mulieres utuntur ad ornamentum capitis. Adiectiua tria, Anniculus, Ridiculus, Vernaculus: anniculus puer, annicula puella, anniculum iumentum, hoc est, unius anni: sicut Bimus, a, um, id est, duorum annorum. Trimus trima trimum, id est, trium annorum. Quadrimus quadrima quadrimum, id est, quatuor annorum, & non amplius. Nec de animalibus modò, sed de inanimatis: ut, anniculum uinum, bimum oleum. De pueris tamen magis loquimur per diminutionē, bimulus, trimulus, quadrimulus, quia intra hos annos adhuc parui sunt, ut bimulus puer, trimula puella: similiter de his, in quibus hæc ratio habet locum: ut, anniculus equus. Dissimiliter in quibus hæc ratio locum non habet: sed dicemus, bimus aries, trimus porcus, quadrimum uinum. Ridiculus homo, ridicula res, ridiculum caput, id est, deridendum. Est etiam sæpe neutrū, significatq; sermonem risus potius, quàm derisus excitantem. Vernaculus, uernacula, uernaculum, quod est domi nostræ, uel in nostra patria natum: ut, lingua uernacula, quàm uulgò dicunt linguam maternam. dictum est à Verna, qui est seruus domi nostræ natus, id est, ex nostra ancilla. Prætere à neutra multa sunt: ut, Umbraculū, Tabernaculum, Spectaculum, Habitaculum, Cœnaculum, Crepusculum, Germiculum pro germine, Crepitaculum, Vinculum, Amiculum pro amictus genere quodam ferè pallio: Curriculum pro cursu: & pro loco, in quo certamen currendi exercetur: nonnunquam etiam pro curru: ut Curtius libro octauo, Aliorū turbati equi non in uoragines modò, lacunasq; , sed etiam in amnem præcipitauere curricula. Cubiculum, quod certè à cubili non uenit, quum intra cubiculū cubile sit, & eius diminutiuum foret

foret cubiliculum. Pulvis & significatione, & formatione legitima diminutivum facit, sed genus mutat apud Hieronymum, ut vile pulvisculum: masculinè tamen posuit Apuleius in quodam suo carmine, de quo meminit in apologia de magia: Misi (ut petisti) munditias dentium, Nitelas oris, ex Arabicis frugibus, Tenuè, candificum, nobilem pulvisculum, Complanatorem tumidula gingivula, Conuerriorè pridiana reliquiae: Ne qua uisatur terra labes sordium, Restrictis fortè si labellis riseris. Conuentus quoq; facit cōuenticulum. Cicero pro Sextio: Tamen conuenticula hominum, quae ciuitates nominarunt. Baculus non terminat diminutivum in hac uoce, quia sua talis est, tamen neutrum habet Bacillum. Cicero secundo de finibus: Bacillum, aliud inflexum, aliud ita natum. Reperitur tamen primum & in neutro: ut apud Ovidium libro x. v. Metam. Esse solet, baculumq; tenens agreste sinistra. Ne Terebra quidè huius uocis est, tamen gignit diminutivum terebellum, non terebella. Auricula uerò ritè formatur, sed significatione dissentit: namq; cartilago illa est circum aurium concavitatem, non autem parua auris. Mentula quoq; quae non paruam mentem significat, sed uirilia. Fidicula pro instrumento torquendi, quod an ritè formetur, nunc uideamus.

Prisc. li. 1. & 3.

Quam merito Priscianus Seruium carpat, & Valla à Seruio stet, uterq; uidetur: nam Ser. in illud Vergil. 6. Aen. Thracia fretus cithara, fidibusq; canoris, sic ait: Fidibus autem est à noiatio hanc fidis, ut sit Pyrrhichius, nā fides iambus est,

Nam fidis, inquit Priscianus, facit fidicula. Nam si esset fides in hac significatione, quo modo Seruio placet, non fidicula fecisset, sed fidecula. Auidius Seruium Priscianus carpsit, utpote unam rem non uno in loco reprehendens. Ceterum ipse fallitur, non Seruius. Nam nec fidis (quemadmodum ueterum autoritas tradit) sed fides dicitur: & si fides dicatur, fidiculam potius, quam fideculam analogia exigit. De autoritate satisfecerit Festus Pompeius, ita scribens: Fides genus citharae, dicta, quod tantum inter se chordae eius, quantum inter homines fides, concordent. Analogiae quoq; ratio fidicula exigit à fides, sicut aedicula ab aedes, sedicula à sedes, cedicula à caedes: non aedicula, sedecula, caedecula: sicut apes (de quo solo nomine facit ille mentionem) apicula

apicula facit, non apecula. Et si quando apis in nominatiuo reperitur, ut ille ait, ueluti apud Ouidium in xiii. Metam. Nō ^{apis} ^{ape} apis inde tulit collectos sedula flores. hoc perquam rarum est, & analogia apes potius, quam apis defendit, quia à pede cōpositum, ac deriuatum putatur. Deniq; fides in nominatiuo inauditum est, ergo fides dicendum est, cuius diminutiuum fidicula, id est, parua cithara, uel cordula. In plurali tortorium (ut dixi) instrumentum ex duobus (ut reor) & obliquatis lignis cōpactū, uel ab extorquenda fide, ac ueritate: uel à nerueis funibus, uinculisq; quibus ad illū modum homines torquēdi alligabantur.

AD hunc locum pertinet, quod nunc subiijcimus: Nomina tertie declinationis exeuntia in er, siue masculina, siue fœminina, siue communia, huiusmodi uocē diminutiuorum sortiri: ut, pater paterculus, frater fraterculus, mater matercula, cuius quasi similis soror facit sororcula, cicercula à cicer tāquam à fœminino, pauper pauperculus, paupercula. Quæ sunt secunda declinationis tam adiectiua, quam substantiua, faciunt diminutiua in ellus masculina, in ella fœminina, in ellū neutra. Culter cultellus. Liber libellus. Puer puellus. Tener, tenera tenerum, tenellus, tenella, tenellū: miser, misera, miserū, misellus, misella, misellū: sacer, sacra, sacrum, sacellus, sacella, sacellū. unde hoc sacellū, pro templo modico. Hinc factum est, ut fœminina quoq; substantiuorū eodem modo, quo adiectiuorū, facerēt diminutiua. Capere, capra, capella. Puer, puera, puella. Liber, libra, libella: licet multo aliud libra, quā liber significet. Hæc diminutiua in ellus, et ella exeūt. Sunt quædā in illus, illa. Inter ea autē priora Priscianus ponit Ala, uultq; facere diminutiū ascella: Cicero tamē inter posteriora. Duo enim masculina, totidēq; fœminina donat hoc genere terminationis: Palus, paxillus: Talus, taxillus: M ala maxilla: Ala, axilla. Sunt tamen & alia in hanc uocem exeuntia.

Cic. de Orato.
per.

Illa quoq; diminutiua, quæ finiunt in aster, imitationem potius, quam diminutionē significant: neq; enim ea ratione di-

citur Oleaster, Pinastrum, Apiastrum, Menthastrum, Siliquastrum, quod sit parua olea, parua pinus, paruum apium, parua metha, parua siliqua: sed quod sylvestria, oleam, pinum, apium, metham, siliquam imitantia: & quo quidam utuntur filiastrum pro priuigno, non paruus filius est, sed imitans filium: & parasitaster, non paruus parasitus (aliter enim non diceretur à Comico, parasitaster paruulus) sed imitator parasitorum: ut apud M. Tullium pro Varenio, Erucius hic noster Antoniastrum est. Et ad Atticum lib. xii. Omnino solet esse Fuluiaster. id est, Antonij, Fuluijque imitator. Et hinc Augustinus appellat philosophastrum: non (ut putato) paruum philosophum, sed imitorem philosophorum: nisi dicas imitationem esse diminutionem quandam perfectionis. Tamen aliud est esse diminutiua, aliud imitatiua. Nec quispiam dixerit oleastrum esse minutam oleam, & pinastrum esse minutam pinum, quam Plinius ait esse mirae altitudinis: etsi quidam nunc solent pusillos homines appellare, Antoniastrum, Luciastrum, Paulastrum, secuti Priscianum, qui præter superiora, hæc addit, esse eiusmodi diminutiua adulationis, & maxime puerorum, ut Catulastrum, Antoniastrum, Parritiolus, Sergiolus. Sed hæc posteriora sunt uerè diminutiua, illa (ut ostēdi) non uera, ideoque nec adulationis: quanquam omnia diminutiua (non minus quam hæc in olus) sunt apta adulationi. Sepe etiam conueniunt, ut, homunculus, homulus, argutus: sed ad rem reuertamur. Pullastra apud Varronem, quæ est parua adolescensque gallina, quod nec ipsum diminutionem significat. Nam maiuscula potius pulla, quam minuscula est: etiam si minor gallina est, non gallinastra dicitur, sed pullastra. Quæ etiam nomina sunt, quæ diminutionis regulam seruat, surdaster, et recaluaster, quorum alterum significat diminutionem surditatis. Non est planè surdus surdaster, sed (ut sic dicam) surdulus: & Recaluaster, qui fronte caluus est, non toto capite, quasi recaluatulus, quod est diminutiuum: in quem modum nequeunt resolui nomina illa, de quibus supra disputauimus.

Ter. i. Adelp.
act. 5. sc. 2.

Circa Valla
Tull. pro Vare
no post Prisc.
li. 3. qui cōra
tionem potuit
legisse, nūc au
tē desideratur,
Illius orationis
meminit Quin
til. lib. 7. c. 2. de
lib. 9. c. 2.

Lib. 16. c. 10.

Prisc. lib. 3.

Varr. de re rust.
lib. 3. cap. 9.

Ex his autem quæ retuli exemplis, liquet non modò in aster finiri hæc nomina, & esse masculina, sed etiam in astra foemini generis: ut pullastra, filiastra apud quosdam pro priuigna: siliquastra pro piperite, quod non uideo quid ex siliqua imitetur: & in astrum neutri: ut, apiastrum, siliquastrum à siliqua arbore ferente fructum sui nominis, quod Græci κέρσιον vocant. Significat etiam siliqua folliculum, ubi grana leguminum includuntur, & si quid leguminibus est simile. Fereq; hæc nomina arborum, herbarumq; diuersum genus habent in primitiuis, à diminutiuis, uel deriuatiuis.

De nominibus exeūtibus in rius, uel riū. CAP. VI.

Tabularium, locus ubi tabule, id est, instrumenta, & literæ reponuntur. Sacrarium, repositorium sacrorum. Aerariū, repositoriū æris: id est, nummorum, simuliumq; rerū pretiosarū, atq; opum. Armariū, ubi reponuntur libri, ceteraq; huiusmodi. Armamentariū, ubi reponuntur armamenta, & arma. Atramentariū, uasculum quod continet atramentū. Calamariū, quidam usurpant pro theca calamaria, ubi calami recōduntur: sed quia hoc tempore pleriq; penna scribūt, potest etiam dici pennariū, nisi malumus appellare thecam pennariam, thecam calamariam, & thecam graphiariam. Penariū, ubi reponitur penus: hoc est, edulia, & ad uictum pertinentia. Viuariū, ubi continentur uel aues, uel pisces, uel fræ: quæ dūtaxat ad uictum spectant.

~~Pomarium, locus pomorum reponendorum: uel locus confitus~~
 pomis: ut Ouidius, Id metuens, solidis pomaria clauserat Atlas
 Mœnibus. — Quidam hoc pomærium uocant. Titus autem Li-
 uius pomœrium ait esse locum ad muros intrā, & extrā, ubi
 ædificare non licet, quasi post mœnia: ut dicimus pomeridianū,
 pro eo quod est postmeridianum: unde Lucanus, Longa per ex-
 tremos pomœria iungere fines. Pomarium igitur aut locus fre-
 quens arboribus pomī: siue fructuū pomī repositorium: aut co-
 pia ipsa arborum pomiferarum.

Lib. 4. Metam.

Lib. 1. ab urb.

Lib. 1.

ra est, significare uel locum ubi illa sunt, uel ipsarum rerum, quæ in loco sunt, copiam: ut alucarium, tametsi potest dici locus ubi sunt aluei apium, tamen potius accipitur pro copia alueorum eodem in loco collocatorum, uel apium mellificantium.

Et rosarium magis copiam fruticum uno loco rosas gignētium, quam ipsum locum, ubi hi frutices sunt, significat: quem locum ne Rosetum quidem appellare possis, cum idem significet quod rosarium, nisi per contentum significetur continens. Plantariū, non locus plantarum, sed ipsæ plantæ, etiamsi enulsæ, aut non confite fuerint. Nec me fallit Seruium separare plantaria à plantis, Plantæ sunt raptæ de arboribus, plantaria uerò quæ ex seminibus nata cum radicibus et terra propria transferuntur:

Ser. in illud 1.
Georg.
Hic plantas terno
abscindēs
&c.

Geor. 1. ad quod sentiendū uidetur allexisse cum Vergilij uersus: — Et uiua sua plantaria terra. Seminariū, non locus, sed semen ipsum, id est, plantulæ. Pampinariū non terra, ubi nascuntur pampini, sed congeries pampinorum, id est, uirentium ramusculorum uitis. uel (ut ait Plinius) palmes qui è duro exit, materiamq; in proximum annum promittit, pampinariū uocatur: certè in hoc palmitē multi sunt pampini. Calceariū, uel calcearium, pro calceis, et uestibus: ut Cibaria pro cibis. Fustuariū, pro fustigatione. Carnarium non locus, ubi caro salsa suspenditur, sed caro ipsa: nisi contentum pro continente accipiatur. Donaria,

Lb. 17. c. 11

nō locus repositorius donorū, sed ipsa dona: licet Seruius dicat, ubi dona oblata sunt: sicut lectisternia dicuntur, ubi homines sedere in templo consueuerunt. Ita in cæteris adhibenda est in similiū nominum significatione accuratio. Et hæc de uerbis, si nāc māsculina, foemina, et communia, officia hominum, qualitatemq; significant. Caprarius, saltuarius, camparius, horrearius, classarius: custos exercitor uel caprarum, saltus, campi, horrei, classis. Sagarius, lintearius, uestiarius: uenditor sagorum, linteorum, uestiū. Proprietarius, Fructuarius, Vsarius: cuius est proprietas prædij, cuius fructus, cuius usus: quæ omnia significant actionē,

posse

Ser. in illud 1.
Georg. Impa-
ribus diuēos al-
ia ad donaria
&c.

possessionemq; numero quidem incomprehensibilia. Pauca autē
 quæ passiue accipiuntur: Legatarius, Cōmodatarius, Depositarius,
 Beneficiarius, Fideicommissarius: qui legatum, commodatum,
 depositum, beneficium, fideicommissum accepit, & si qua sunt
 alia. ~~Et huiusmodi nomina~~ fiant etiam nomina quædam re-
 rum, Calcaria, Sulphuraria: ubi calx coquitur, & sulphur fit.
 Atque hæc à nomunibus ferè proficiscuntur: illa uerò magis à
 uerbis, uel à uerbabilibus in or, ~~actionem~~ in or, ~~actionem~~ orium,
 actionem significantia, accusatorius, petitorius, defensorius, fi-
 deiussorius, institutorius, exercitorius, tributorius. Nam Tri-
 butarius uenit à tributum, Tributorius à tributor, sicut deposi-
 tarius à depositum, Depositorius à depositor. Significat itaque
 Tributarius, qui soluendo tributo obnoxius est: ut Stipendia-
 rius, qui soluendo stipendio: & Depositarius, qui reddēdo depo-
 sito: ut Munerarius, qui dat munera populo, gladiatoribus in
 arena exhibendis. Ideoq; uas escarium dicimus, & uas potoriū:
 quia hoc à nomine uerbali uenit, illud non uenit. Prætor, sena-
 tor, holitor, licitor, nō opinor descēdere à uerbis: sed quia uocem
 uerbaie obtinēt, sicut censor, & quæstor, sic formauerūt sua de-
 nominatiua prætorius, senatorius, holitorius, licitorius, cēsorius,
 & quæstorius. Holitor autem, est qui hortū holerū exercet, quē
 nonnulli hortulanum uocant. Est & holus, unaqueq; herba, qua
 uescimur. Nam sunt & horti non holerum, sed arboribus consi-
 ti, & uoluptatis gratia comparati: ut horti Sallustiani, Pompe-
 iani, Luculliani, Claudiani. Licitor, minister consulis, proconsu-
 lis, præsidis, prætoris, qui fascem uirgarum alligatum, cum secu-
 ri portat: suntq; lictores consulis duodeni, aliorum seni. His ad-
 dere possumus alcator, quod uidetur descendere à uerbo, quod
 nusquam reperitur. Non enim alcare dicimus, sed alea ludere.
 Neutra autem in orium, locum plerunq; significant, ubi aliquid
 fit: ut Deambulatorium, locus ubi deambulamus. Dormitorium,

locus ubi dormimus. Repositorium, ubi reponitur aliquid. Tentorium, locus ubi tendimus uela, aut siquid instar uelorum habet: uel potius ipsa uela, siue uelamenta contra iniuriam cœli. Auditorium, locus ubi audimus præceptorem, aut orantem non in uera causa, aut opus nouum recitantem, aut siquid simile est: uel ipsa turba, atq; ipse coetus auditorum. Tectorium, illinimentum est, & quasi pauimentum parietis, atq; incrustatio. Amatorium, genus ueneni, amorem, uel insaniam ingerentis. Portorium, uestigal portus, uel fluminum, uel lacuum, uel stagnorum. Nam & Portitor ille dicitur, qui traducit homines, ac uehit nauigio uel ad nauem de littore, uel de naui ad littus uel ad ulteriorem fluminis, lacus, stagni uel seu ripam, seu littus: licet frequentius dicatur littus. Potest etiam accipi pro eo, qui portorium conduxit: id est, qui fructus pecuniarios ex portu conduxit, & à uenientibus illos exigit: quæ ratio in cæteris huiusmodi discernenda est. Hoc etiam loco addam, quod quum dicamus dumetum, spinetum, uepretum, similiaq;: tamen dicimus senticetum, non sentetum.

De euentu, iussu, permissu, iugero. CAP. VII.

EVentus in singulari generis masculini, & declinationis quartæ est: cuius plurali M. Tullius sæpißime in neutro genere, & declinatione secunda utitur: ut de Oratore, Ex aliorum factis, aut dictis, aut euentis. Idem de Diuinatione: Si euenta quærimus, quæ exquiruntur extis. Et ad Luceium: Fabulam rerum, euentorumq; meorum. Et ad Atticum: Semper enim cause euentorum magis mouent, quàm ipsa euenta. Quidam planè imperiti euentum aut significare principium: ut apud Ouidium, Exitus acta probat: careat successibus, opto, Quisquis ab euentu facta notanda putat. Illud enim, Exitus acta probat, uox est accusantium Phyllidem argumento, quod ducitur à casu, eosq; Phyllis ipsa execratur, dicens: Careat successibus, opto, quisquis à casu, & non à causis alium laudat, aut uituperat. Similia sunt huic, iussu,

Epist. 11. lib. 3.
epist.

In epl. Phylad
Demoph.

iussu, & permissu tuo, quorum pluralia sunt potius secunda declinationis, in singulari frè nunquam. Neq; enim dicere solemus iusso tuo, sed iussu: non permissu tuo, sed permissu. Horatius tamen, Vt permissu — id est, re permissa, nō autē permissiōe: nec dixi, set permissu tuo, nec iussibus, permissibusq; tuis, sed iussis, permissusq; tuis: nec iussus, permissusq; tuos, sed iussa, permissaq; tua. Verg. — Accipe iussis Carmina cæpta tuis — Et iterum: Iussa tamen diuūm exequitur — Et alibi: — Haud mollia iussa. E diuerso iugerum in singulari secunda, & in plurali tertiæ declinatiōis: nō autem (ut ait Prisc.) iugus iugeris, cum omnes dicāt in singulari iugerum, & in plurali iugeribus. Significat autem mensurā ducentorum xl. pedum in longitudinem, dimidij in latitudinem: uel (ut aliqui uolūt) quantū par boum una die arat: quæ duæ significationes in idem recidūt: tantum enim frè solet una die par boum arare, quantum dixi.

Epi. 1. lib. 1.

Eclog. 8.

Aen. 4.

Georg. 3.

Lib. 7.

CAP. VIII.

De nominibus adiectiuis in tilis, filis, & xilis.

Nomina quæ exeunt in tilis, uel in filis, uel in xilis similitudinem suis participijs unde nascuntur, significationem habent. Vas fictile, quod fictum est à figulo: nō quod fingi potest. Coctiles lateres, qui cocti sunt, & non crudi. Rasi les calathi quasi rasi: nihil extantis, aut redundantis habentes plenitudinis. Vergilius tamen — Et torno rasile buxum. quasi rasibile. Pensilis uua, pensilis lectus, pensiles lychni, pēsiles balnea, pensiles horti, quod suspensi sunt, & in aëre pendentes. Flexilis ramus, flexiles uites, quod flexæ sunt, & lapsu erratico torquentur. Tortilis ansa, quod retorta, & replicata est. Tornatile poculū, quod tornatum est, & torno factum. Textilis uestis, quæ texta est. Sutilis baltheus, sutilis cymba, quod consuta est. Sculptile simulacrum, quod sculptum est. Altilis auis, altilis quadrupes, altilis piscis, qui sagina altus, siue alitus est, atq; saginatus. Stru-

Georg. 1.

b

4

multis

multis. Apertile latus, quod apertū est: ut Ovidius de Tristibus,
Eleg. 11. lib. 3. Aspicias à dextra latus hoc ad apertile tauri.

Tinctile uirus, quod tinctū est, aut intinctum spiculo sagittæ: ut
apud eundē, & in eodem opere: Nā uolucris ferro tinctile uirus
Eleg. 10. lib. 3. inest. Tonfile buxetū, & tōsiles oleas legimus, quod tōse sunt,
& in orbem, ac comam putatæ. Et hæc nomina in participium
passiuū resoluitur, quæ passiuū habet: quæ uerò passiuo carent,
in præsentis participiū, qualia sunt neutra: ut anima uolatilis,
quasi uolās: & quidam uolatilia uolucres uocāt, quia uolāt: ut
altilia animalia, quæ alūtur. Sessiles lactuca, quasi sedētes, quod
licet à participio non ueniat, tamē eiusdē naturæ est, cum in si-
gnificatione consentiat, & à supino nascatur. Umbratilis uide-
tur cōuenire cum cæteris, quasi umbratus: ut uita umbratilis, &
res umbratiles: id est, uita, umbra & opaco marcescens: & res
per inuolucra, & inanitatem, qualis umbra est, ductæ, umbrati-
les appellantur. Versatilis quoq; scena uidetur significare, quod
uersatur huc, & illuc, nō quod uersata est: & axis uersatilis, &
gladius angeli uersatilis, quod uersatur. Quidam autem uersilis
scena, & ductilis dicunt: uersilis quidem quod quum tota machi-
nis quibusdam conuertebatur, aliam picturæ faciem ostenderet:
Ductilis uerò, quum tractis tabulatis hæc, atq; illac, species pi-
cturæ nudabatur interior. Plicatilis crista upupæ, quod plica-
tur, non quod plicata est: & naus plicatilis, quæ plicatur, quum
facta est ex corijs. Fissilis arbor, fissile lignum, fissile robur,
tum quasi fissum cuneis, tum quia finditur, quasi fissibile: ut
Plinius libro x v 1. Hæc maximè fissilia, alia frangi celeriora,
quàm findi. Idem paulò pōst: Nullusq; fissile rimis hoc lignum.
cap. 17. Id est, fissum. Solutilis etiam nauis dicitur (qualis nauis in qua
Eodem lib. cap. 19. Agrippina à Nerone filio per insidias posita, naufragium
De hac solutilli pinæ naufragio, uide Suet. in Nero. c. 34. & Cor. Tac. lib. 14.
fecit) quasi solubilis, quæ facile solui posset. Ego uerò malim
solutilem dicere solutam, & non fideliter consutam. Et secti-
le porrum legimus, non tam sectibile (quid enim non est se-
ctibile?

Elibile?) quàm sectum, & sua sponte concisum, & sectū intror-
sum. Futilis, uanus, uel inutilis: uel à futio futis, unde effutio effu-
tis: uel à suo futum: uel per apocopen ab alio supino, quod ab a-
lijs diuinari malo, quàm à me proferri. Aquatilis, à nomine, uel
à uerbo, animal in aqua degens. Saxatilis, incola saxorū. Piscis
fluuiatilis, incola fluuij, non maris, aliarum uel aquarum piscis.
Pluuiatilis aqua, à pluo, uel magis à pluuia.

*Fututum Intel-
ligit, supinum
uerbi futuo.

De adiectiuis in bundus.

CAP. IX.

PRISCIANUS libro quarto inquit: In bundus desinentia simi-
litudinem habere significant, ut uitabundus, similis uitanti.
Prædabundus, similis prædanti. Moribundus, similis morienti.
Errabundus, similis erranti. Furibūdus, similis furenti. Et paulò
post: Excipitur alternitatis causa Rubicūdus, quod in penultima
syllaba pro b, c habuit, ne sit absonū, si rubibundus dicamus. Sed
uideamus, an Priscianus rectè sentiat: neq; à me primū hæc quæ-
stio mouetur, sed olim ab Aulo Gellio, atq; ante hunc à Tere-
ntio Scauro Adriani temporibus (ut idem Aul. Gellius ait) gram-
matico uel nobilissimo contra Casellium in commentario lectio-
num antiquarum ita scribentem: Ludibundus, errabundus, ridi-
bundus, idem est, quod ludens, errans, ridens. Quod Scaurus
reprehendit, dicēs Ludibundum esse, qui ludentem, errabūdum,
ridibūdumq; qui errantē, ridētcmq; agit, ac simulat. Hoc Aulus
Gellius confutat, atque ita cum Casellio sentit, ut nō simulatio-
nem per hæc nomina, sed è contrario uehementiam intelligi ue-
lit, his quidem uerbis: Sed qua ratione Scaurus adductus sit, ut
Casellium in eo reprehenderet, non hercle reperiebamus. Non
est enim dubium, quin hæc genere ipso duntaxat idem signi-
ficent, quòd ea demonstrant, à quibus producuntur. Quid esset
autem ludentem agere, uel imitari: & paulò post: Cū repre-
hensionem autem illam Scauri notaremus, in memoriam no-
bis redijt, quòd Sisenna in quarto historiarum eiusdem figuræ
uerbo ita usus est: Populabundus, inquit, agros ad oppidum
b 3 peruenit.

Gell. lib. 11.
cap. 15.

peruenit. Quod scilicet significat cum agros popularetur, non ut Scaurus in consimilibus uerbis ait, quum populantem ageret, uel cum imitaretur. Poterat tamen Aul. Gellius magis proprium producere exemplum, quale apud Sallustium in Iugurthino: Ipse quasi uitabundus per saltuosa loca, et tramites exercitum ducere. Si huiusmodi nomina in bundus significarent similitudinem, quid ita adderet quasi, quod similitudinem, imaginemque significat? Pergit idem Aul. Gellius dicens: Sed inquirentibus nobis, quenam ratio, et origo esset huiusmodi figurae populabundus, et errabundus, multorumque aliorum id genus uerborum, postremam, in quam uerba talia excurrunt, uim, et copiam, et quasi abundantiam rei, cuius id uerbum esset, demonstrare: ut latibundus is dicatur, qui abunde letus sit: et errabundus, qui longo, atque abundanti errore sit. Ceteraque omnia ex ea figura ita dici ostendit, ut productio haec, et extremitas, largam, et fluentem uim, et copiam declaret. Haec Aul. Gellius: à quo miror cur descruerit Priscianus, et uni Scauro potius, quam his duobus, tribusue astipuletur. An quia grammaticus Scaurus, et Prisciano similitudine professionis coniunctus, Casellius uero iurisperitus, et Aul. Gellius orator, Apollinarisque philosophus? Puto potius Seruium secutum, quanquam ab eo libenter dissentire solet.

Epibolos, apte
ingeniose.

In uersu illam,
Dextraque ex
humero neruis
moribunda pe
pendit.

Ait enim ille tum alibi, tum decimo Aeneidos: moribunda, morienti similis. Quod ita esse Sallustius ostendit, qui ait: Quasi uitabundus per tramites, et saltuosa loca exercitum ducere. Nullum exemplum Seruius magis contra se proferre potuit, ut modo ostendi. Audi quam subiungit rationem: Nam Iugurtha non uitabat legatum, sed cum uitare simulabat. Ita exposuit, quasi uoluerit uitabundum dici à simulatione, et non à similitudine: non simulabat uitationem legati, sed timorem. Praeterea si qua foret similitudo, ea similitudo, atque simulatio intelligitur per illud quasi, non per illud uitabundus. Addit adhuc

rationem

rationem: Nam quia nomen est, ideo significat similitudinem, non passionem: & alia deinceps, ubi nullum robur rationis est. Sed præter rationes illorum, ipse quoque Priscianus imprudens confessus est, quod negabat. Quæro enim nunquid homo rubicundus (quod ille simile facit cæteris in bundus) similis rubenti est, an uerè rubes? profectò uerè rubens: ergo idem erit rubicundus, & rubens: quæ sententia Cæsellij est, quæ & breuior est, nec minus fortasse uera, quàm illa, siue Aul. Gellij, siue Apollinaris: quum frequentissime sic accipiantur, populabundus populans, errabundus errans. Sed nonnunquam (ut Gellius ait) uehementiam significat: quæ ut breuiter & ipse complectar, idem significat quod participia frequentatiuorum, lusitans, risitans, erritans, lectitans, populitans, si reperiremus: quod quum nō sit, ad hæc (ut reor) in bundus terminata decurrimus.

De nominibus in icus.

C A P. X.

Magnificus, honorificus, munificus, nō ex se gignunt comparatiuos, superlatiuosque; sed ex alijs, quæ in usu nō sunt, ac ne possunt quidem esse, magnificens, honorificens, munificens. Non enim dicimus magnificior, honorificior, munificior: sed magnificentior, honorificentior, munificentior: & in superlatiuo magnificentissimus, honorificetissimus, munificentissimus. Mirificus tamen etiam mirificissimus facit, ut Terentius: - At qui mirificissimum: Patruus tuus pater inuentus est. Et M. Cato, teste Prisciano, cōtra Thermum de Ptolemæo rege optimo, atque beneficissimo. Et Accius in undeci. didascalicon: Atque magnificissimo, excellentissimoque; honore. Omnia ergo à facio sic composita, & terminata, hanc regulam sequuntur, mirificus, maleficus, beneficus, ueneficus, uulnificus, tabificus, luctificus, pacificus, morbificus, sacrificus, & si qua sunt alia: quæ omnia ascititium comparatiuum, superlatiuumque; habent, aliquando etiam suum. Sunt ne alia nomina & eiusdem naturæ? certè sunt: ea, quæ formantur à dico, & à loquor, ut, maledicus, maledicentior, maledicentissimus.

In Phormio,
act. 5. scæ. 6.
Prisc. lib. 3.

Prisc. lib. 17.
& 18.

Benedico non
inueniri miror
Vallam dixisse
ait enim Cice.
pro Sest. Cui
benedixit un-
quam bono &
pro laudo poni
tur, siue bene
loquor.

centissimus. Benedicus autem non inueni, quia nec benedico inuenitur, licet eo Priscianus utatur, & hoc tēpore utamur more Græcorū, quorum autoritate dedimus huic uerbo accusatiuum præter naturam suam, quū postulet datiuū, sicut maledico quod & ipsum nunc ad imitationem Græcorū habet etiam aliquando accusatiuum. De benedico unius uocis loquor, non duarum: nam tunc & aliud significat, & aliter regit. Præterea fatidicus, ueridicus: iuridicus uerò rarum est uerbum: cauidicus magis substantiuum. A loquor fortasse sunt plura: à sequor fortasse nulla nisi pedissequus, quod substantiuum est. Magniloquus, altiloquus, grandiloquus, uaniloquus; doctiloquus, uersutiloquus, fatiloquis faciūt cōparatiuū magniloquentior, grandiloquentior & item cetera. Superlatiuū magniloquentissimus, grandiloquentissimus, & reliqua: sed horum positiua possunt esse tum participia magniloquens, grandiloquēs: tum nomina magniloquus, grandiloquus: præter unum suauiloquens, quod nescio an dici possit suauiloquus. Maledicens planè participium est, sed & maledicus dicimus: quod in fatidicus, & ueridicus non fit: neque in illis superioribus, magnificens, honorificens, munificens, quæ participia esse non possunt, quum hæc fuerit futura uera uox, magnificiens, honorificiens munificiens.

De nominibus in ceus, in eus, & in itius. CAP. XI.

Finita in ceus pauca sunt, materiamq; significant: ut, Herba-ceus, Betaceus, Maluaceus: ex materia herbae, maluae, betae. Arundinaceus, Ferulaceus, Rosaceus, Triticus, Hordeaceus, Testaceus, Tophaceus, Arenaceus, Cretaceus, Argillaceus: ex materia arundinis, rosae, tritici, hordei, testae, topi, arenae, cretae, argillae. Hoc tamen differunt (si quid differunt à materialibus) quod illa magis totum significant, hæc partem. Ager enim cretaceus non idem est, quod creteus: nec arundinaceus surculus, quod arundinacea fistula. Vnum est natum, & positum in creta, aut arundine: alterū ex corpore, ac materia cretae & arundinis

dinis factum: & panis triticeus, hordaceus'ue, non ex solo tritico, hordeo'ue cōpositus est, sed ex aqua quoq; licet triticeus utriusq; harum, de quibus loquor, formarum uideri possit, & magis illius, cuius sunt creteus, arundineus, & similia. Nam triticaceus facere deberet, nisi dicimus euphoniæ causa, ca, syllabam esse sublatam: quod mihi ita uidetur esse, quia disiuncta est species eorū, quæ exeunt in ceus, & eorum quæ exeunt in eus. Huius generis est uinaceus, quum est adiectiuū: ut, uinaceo grano legimus quendam suffocatum. pro acino uuae. et uinacea substantiuum plurale pro granis uuae iam pressæ. Dicimus tamē mons terrenus potius, quā terreus, aut terraceus. Sunt item nomina finita in itius, descendencia ab habentibus t, in ultima syllaba: & si à nominibus quidem, significant materiam: si à supinis uerò, passionem quandam: ut, Cratitius, Stramentitius, Lateritius, Cementitius, Pauimentitius. Item Fictitius, Commētitius, Pigneratitius, Fœneratitius, Conductitius, Conuentitius, Adscriptitius, Dedititius. Ratio fictitia, ac commentitia: quæ ficta, & ad tempus commenta est, & excogitata. Res pigneratitia, aut fœneratitia, quæ data est pignori, aut ad fœnus pertinet. Domus conductitia, quæ cōducta est. Homo adscriptitius, dedititiusq; qui ad aliquam rem adscriptus est, & qui ex numero eorum est, qui se in alterius imperium dediderunt.

Anacreon poeta, Plinio autore lib. 7. c. 7. acino uuae fuit suffocatus.

De natura comparatiui.

CAP. XII.

Comparatiuum pro minore ui accipi, quā ipsum positum habeat, ait Priscianus: ut Vergilius, Tristior, & lacrymis oculos suffusa nitentes. Tristior enim hic ex parte tristis accipitur. Sæpe per se positum pro ipso positiuo: ut, Comites senioris Acestæ. pro senis. In quorum utroq; est causa, cur aliquid nos addamus. Nam illud tristior, planè pro tristis, non pro ex parte tristis accipitur. Vt ait Quintilianus, ~~tristior adg. comparatiuis~~ pro absolutis: ut si quis se appellans infirmuorem, non dixit pro minus quā infirmus.

Prisc. lib. 3, Aen. 1.

Aen. 5.

Quintil. lib. 9. c. 3. de figuris uerborum.

mus.

mus. Et hic senior potius pro ualde senex, quàm tantum senex:
 Lib. 3. c. 1. ut idem Quintilianus de Isocrate, Eoq; iam seniore (octauum
 enim & nonagesimum impleuit annum) præcipere Aristoteles

Lib. 2. pomeridianis scholis cœpit. Et Ouidius de Tristibus,

Sospite sic te sit natus quoque soppes, & olim
 Imperium regat hoc cum seniore senex.

Ser. in illud 6. Ideo cum Seruio non sentio dicente secundum Varronem, Sen
 Aen. lã senior. nior, & iunior comparatiua sunt per imminutionem. Est enim
 sed cruda deo senior non satis senex, iunior non satis iuuenis, intra iuuenem,
 Sec. et in illud sicut pauperior intra pauperem: hoc autem dicit Varro in libris
 5. Tum senior tales referebat suis ad Ciceronem: quam rem à Varrone tractatam confirmat
 peccore uoces. etiã Plinius: Hæc Seruius. Si uerò hoc Varro, & Plinius ait, quis

non cernit sibi ipsi repugnare rationem hanc? Est enim natura
 comparatiui superare in ea qualitate, quam obtinet posituius,
 quæ superatio quoties incolumis est, nō possis tunc dicere factã
 esse imminutionem. Ponamus exemplum huic rei similitum.
 Antiquior te ego sum: id est, maior te natu sum. Item, adolescẽ
 tior te sum: id est, minor natu te sum: ita, iunior te sum: id est, mi
 noris ætatis quàm tu, uidelicet supero te paruius ætatis: quẽ in
 modum accipitur illo in loco Seruij. Ergo nō per imminutionẽ,
 sed propriẽ. Quare ut in iunior fallitur, ita, et in senior falli dicẽ
 dus est: quæ tamen omnia (ut sentio) pro posituiuo accipi solent.

quemadmodum etiam ocyus, pro ocyter. Minus pro non, semper
 ferẽ accipitur: frequentissime tamen iunctum cum sin, aut cum
 quò, pro ut. Sin minus, id est, si non: Quò minus, id est: ut non:
 sicut, Quò secius, etiam pro ut non. Quia de hoc comparatiuo
 minus feci mentionem, aliquid etiam de ipso dicam. Placet autẽ
 mihi non modò à paruum uenire, sed etiam à parum: ut parum
 pecuniæ habeo, nō autem paruum pecuniæ: ergo minus pecuniæ
 ad parum pecuniæ potius, quàm ad paruum pecuniæ uidetur re
 ferri. Addam aliquid e contrario de magis. Ait idem Priscianus,
 omnia comparatiua mittere aduerbia similia uenturo generi.

Atqui

Atqui magis, non in us exit more aliorum, sed in is: quod comparatiuum esse & us ipsa huius uocis indicat, & multò post (nescio quomodo) fatetur hic autor. Prætereo quod à maius nulum aliud aduerbiū est, & aliquod esse debet. Dicimus enim iustus queror, melius scribo, peius canto, plus gaudeo, minus doleo: maius gaudeo non dicimus, sed magis, quod à magnum positiuo comparatiuum esse uel hinc palam est, quòd omnes sic loquimur: magis poterat Pompeius, quàm Cæsar, sed postea maxime omnium potuit Cæsar. Ex quo apparet eiusdem positiui, quod est magnum, comparatiuum esse magis, cuius superlatiuū est maxime, mutata u in g: & apposita i. Quod quum ita sit, cur per magis & positiuum resolui comparatiuum Priscianus uoluit, tacens de cæteris quæ eundem usum præstant? Fortior, plus fortis, uehementius fortis, ualidius fortis, & quæ sunt eiusmodi. Opinor quòd non putabat hoc esse comparatiuum, ut quod à uoce comparatiui recesserat: aut si putabat, absurdum uidebatur comparatiuum per comparatiuum resolui cum positiuo, quum præsertim ipsum magis, more aliorum comparatiuorum resoluum sit, quod fieri nequit. Quod si resolui nequit, ne aliud quidem poterit. Quale est si dicam, quod est istorum maius edificium, aut quod ualidius? absurdum (ut dixi) quibusdam uideri possit, si resoluatur magis magnum, & ualidius ualidum. Adde quòd sicut resoluit comparatiuum per magis, ita debuit resolvere superlatiuum per maxime: fortissimus Græcorum Achilles, maxime fortis Græcorū, nō autē super oēs Græcos fortis. Nam hoc modo supra se fortis erit, quod fieri nequit. Item sine apposito, fortissimus Hercules, non dicitur commodè ualde fortis, sed ualidissime, id est, maxime fortis. Nam quid absurdius, quàm quum exponamus comparatiuum per comparatiuum, exponere superlatiuum per positiuum?

CAP. XIII.

De differentia comparatiui à superlatiuo.

Inter

INter comparatiuum, & superlatiuū ea in primis, quæ apud Græcos, differentia est, quòd comparatiuum refertur ad unū, Prisc. lib. 3. superlatiuum ad plura. Quod reprehendit Priscianus, inquiens: Fit autem comparatio uel ad unū, uel ad plures tam sui generis, quàm alieni: quamuis Græci honoris causa suæ gentis magis, quàm ratione ueritatis, dicant non posse ad multos sui generis fieri comparationem. Alij autem dicunt hanc esse rationem, propter quam non utuntur tali cōparatione, quòd quum ad plures sui generis sit comparatio, superlatiuo uti possumus: ut, fortissimus Græcorum Achilles. Sed superlatiuus multò alios excellere significat: comparatiuus uerò etiam potest paruo superantem demonstrare: unde etiam diminutionem iure accepit apud nos, maiusculus, minusculus: Hæc Priscianus. A quo tam pro Græcis, quàm pro Latinis dissentio. Nam quero à Prisciano, quonam modo Græci distinguerent sensum comparatiui à sensu superlatiui, quum ipsi quoq; comparatiuo genitiuum tribuant, nisi hac ratione, ut hoc ad unum, illud referatur ad plura? Loquor quoties comparatio fit ad eos, qui sunt eiusdem generis. Nam ad eos qui sunt alieni, necessariò quoque utuntur genitiuo per comparatiuū: quum ablatiuo careat. (Quum dico cōparationē more Prisciani, tam cōparatiui, quàm superlatiui intelligi uolo.) Atqui apud Latinos ista ambiguitas non est, quia comparatiuo ablatiuum tribuimus. De hoc paulò pòst respōdebo. Tamen tātī momenti est illa Græcorum ratio, ut eam Latini ad formam Græcæ constructionis imitati sint: hoc est, ut cum genitiuo iungeret comparatiuum utique inter duo (nam superlatiuum dubium non est habere locum inter plura) ut, Aiaceū fuit fortior Telamonius: & manuum melior est dextera. Si uerò tres Aiaces fuissent, dicremus non fortior, sed fortissimus: sicut, digitorum longissimus est, non longior, medius. Horatius, O maior iuuenum— inquit: ad duos enim Pifones patrem, filiumq; scribebat. Ouidius in persona Medæ, quæ duos filios habuit,

De arte poet.

In epist. Med.
ad Iaf.

Quum

Quum minor ex pueris iussus, studioq; uidendi

Constitit ad gemina limina prima foris.

Et Caesar, siue alius pro Cesare, in cōmentario x l. in testamen-
to Ptolemæi patris, Hæredes erant scripti ex duobus filiis ma-
ior, & ex duabus ea, quæ ætate antecedeat. Ideo maior Ajax,
& minor: ille Telamonis, hic Oilei filius. Maior, et minor Atri-
des: ille Agamemnon, hic Menelaus. Maior Cato, & minor.
Maior, & minor Scipio, de duobus Aphricanis. Maior Cyrus,
& minor: siue superior, & posterior: nam tēpus significamus,
non dignitatē maiore, minorem uē. De malis tamē non maior, &
minor dicimus: ut, Dionysius superior, & Dionysius inferior.
Qui numerus quū superat, non per cōparatiuū, sed per positi-
uum, aut per superlatiuū loquimur: ut, Magnus Alexāder, Ma-
gnus Pompeius, Fabius Maximus, Valerius Maximus. Et hæc
est Græcorū ratio, in qua nobis cum illis cōuenit: quod ad unū
sui generis utendū est cōparatiuo, ad plures superlatiuo. Ideoq;
curiosissimus in loquendo, & recōditissima scientiæ Macrobius
in Saturnalibus mihi non probatur, ubi dixit: Age Serui non
solum adolescentium, qui tibi æquæui sunt, sed senum quoque
omnium doctissimus. Non enim est eiusdem generis adolescens
cum senibus, non aliter quā si dicam, ego sum doctissimus Ro-
manorū, & Carthaginiensium. Nam si Romanus sum, tollendum
est Carthaginiensium: si Carthaginiensis, tollendum est Roma-
norum: si neutrum, utrunq; male iungitur. Et Priscianus in pri-
mo: Omnium est breuissimū eorum quæ diuidi possunt, id quod
diuidi non potest. Non aliter quā si dicas, Hæc est pulcherri-
ma suarum sororū, cum sit dicendum, hæc est pulcherrima soro-
rum. nam sororū, ipsa una est, suarum non est. Quid autem ad
plures generis diuersi? Nempe nos qui sextum casum habemus
similimum genitiuo, hunc adhibemus: ut, Achilles Troianis for-
tior fuit: & ego sum doctior Carthaginensibus, qui non sum
doctissimus Romanorum: & tu es doctior senibus, iuuenum

Cæt in cō xj.
aut si mauis li.
3. de bel. ciuil.

Macrobius lib. 7.
c. 15.

Vbi de litera
loquitur.

c longè

longè doctissimus. Græci eodem genitiuo utuntur, ut sit hæc differentia, Superlatiuum ad plura sui generis, comparatiuum ad plura diuersi generis cōparari: quod Priscianus reprehendit, nolens illam differentiam inter gradus hos esse, sed hanc, quod comparatiuus parum, superlatiuus multum excellere significet. Quæ ratio, præterquam quod non satis defendit opinionem Græcorum, atq; adeo usum Latinorum, etiam falsa est. Neque enim (ut ipse uult) quia comparatiuum diminutionem accipit, ideo parum significat, & non potius multum, quia diminui potest, præsertim quum dicat comparatiuum aliquando transcendere superlatiuum: ut, Achilles fortissimo Troianorum Hectore fortior fuit. Sed ego hoc non laboro, quod comparatiuum modò transcendat, modò minuatur: quæ res non mutat naturam comparatiui: aliud animaduertendum est, quo solo ipsi gradus comparisonis ponderantur: quod comparatio unum gradum obtinet, siue primum: superlatio uerò plures, siue ultimum. Atque (ut ego sentio) non ad singulas res, sed ad gradus quosdam illa referenda sunt. Nam ubi fuerint multa eiusdē generis, non tamen cadit superlatio uno eminente, ceteris paribus. Vt si inter plura uascula, aut plura nauigia ad unam magnitudinem facta, aliquod sit longè capacius, & grandius, non rectè dicat, hoc esse omnium maximum. Necesse enim est ubi superlatio est, ibi sit & cōparatio, & aliquod sit maius aliquo, & iterū alterum maius hoc, quod erit iam omnium maximum: ut in Troianis sunt aliqui fortes, & his alij fortiores, atq; alij adhuc his fortiores, qui uocantur fortissimi. Itaq; nunquam citra tertium numerū fit superlatio (At Prisciano uidetur, si cætera paria nauigia aliquod paulò antecederet, dicendum maius ceteris: si multo, maximum omnium). Quid ergo si inter ipsa paria unum utcunq; emineat, eiusdē tamen generis, nō diuersi, quomodo dicendum erit? Comparatiuum non refertur ad ea quæ plura sunt eiusdem generis, & superlatiuum non habet locū inter paria. Malim

ergo

ergo dicere per cōparatiuum, sed in ablatiuo, ut maius ceteris. Nam inter duo (ut dixi) damus genitiuū. Quidam dant genitiuum etiam ubi plura duobus sunt, sed tantūmodo ecclesiastici, præsertim imitati Græcos autores, unde interpretantur. Nulla enim litera est Latina noui testamēti. Dicūt ergo maior discipulorū, minor fratrū, siue quia ceteri pares sunt, unus autē aut excellat, aut excellatur: siue quia nō magni fecerint hanc differentia cōparatiui, & superlatiui, altero pro altero, hoc est, cōparatiuo pro superlatiuo utentes: ut ex loco illo datur intelligi: Qui uult inter uos maior esse, sit uestrū minimus. Cur nō dixit maximus, minimusq; aut maior, minorq; nisi quod pro maximus posuit maior, in quo Græcos secutum scimus? In illo autem (licet huc parum pertineat) Græcum non sequimur: Nunc manent fides, spes, charitas, tria hæc: maior horū est charitas. Cur non aut maior harum, aut maius horum? Græci genitiuum hunc in omnibus generibus unum habent, qui est *ἀγαπῶν*. Veruntamen potuisset Latinius dici, maximum: nisi Græcos imitari maluissimus, Græcos inquā unde traduxerunt, non autem ueteres illos, ex quibus grammatica confirmatur. Nam ut charitas est maior ceteris, ita ceterarum duarum (ut opinor) altera alterā superat: raroq; reperitur numerus trium, ubi non potius superlatio cadat, quæ tres diuersas exigit quantitates, quàm comparatio. Ideoq; Græci contenti fuerunt dicere cōparationem ad unum, superlationem ad plura, quasi omnia inter se aliud ab alio distantia. Quin ipse Priscianus quanquā dissentit, tamen paulō post quasi imprudens, quod negauerat, confessus est, prior referri ad unum, primus ad plura (quod antea Diomedes, Donatus, & Seruius dixerant) ideoq; illud iungi ablatiuo more comparatiuorū, hoc autem genitiuo more superlatiuorū. Quæ non significant melior, & optimus (quemadmodum ipse uult) sicut nec potissimū, optimum, in Phormione apud Terentium: Vbi tu dubites, quid sumas potissimū, sed in his omnibus principalior,

Nulla est noui testamenti litera Latina: hoc est, nullus apostolorum, aut euangelij scriptorum Latine scripsit: omnes enim aut Græcè, aut Hebræicè scripserunt. Quod a Laurētio rectè dictū, perperam Mācinellus interpretatus est.

I. Corin. 13.

Prisc. lib. 3.

AA. 1. sec. 1.

principalissimus, & principalissimum. Quod quum ita sit (ut in summa colligam, & breuiter dicam, ut à principio institui) comparatiuum inter duo esse, superlatiuium inter plura, si modò tria sunt imparia: ueluti si in duas parteis ciuitas diuisa est, ut bello ciuili Pompeij, & Caesaris, rectè dicas, maior pars Quiritium sequebatur Pompeium, minor Casarem: non autem maxima, aut minima, nisi accipias pro ualde magna maximā, & pro ualde parua minimam. Sin in tres partes, ut tēpore triumuirali, dicendū erit, maxima pars Quiritium sequebatur Octauium, pars maxima legionum erat cum Lepido, maxima pars nauium erat cum Antonio, non maior. In quorum utroq; (ne quis putet neminem hoc ignorare) peccauit Lactantius uir Latinus planè, & facundus, qui in secundo libro Institutionum inquit: Vt possis dubitare, quos dicas potissimum stultiores, illos ne qui falsam religionem suscipiunt, an qui nullam? Et in septimo: Vt ea ipsa quæ dicerem non nostris, sed aliorum potissimum literis confirmarem. Potissimum dixit pro potius: duæ enim partes erant, nō multæ: ut apud Quintilianum, Hoc loco quæram necesse est, quæ ratio fuerit, ut iuuenis ad parricidium suo potius gladio uteretur. Tamet si non absurdè hic potissimū dici posset, quasi suo ex omnibus potissimum. Et in illo Lactantij quoq; si tale foret, Non aliorum, sed nostris potissimum, quasi ex omnibus potissimū: eruntq; multæ partes, & totidem quot sunt genera literarum. Vel, Non aliorum, sed nostris potius: eruntq; duæ partes, hinc nostræ literæ, illinc alienæ. Idem Lactantius in primo: Omnes Sibyllæ unum Deum prædicant, maxime tamen Erythraea, quæ celebrior, et nobilior inter cæteras habetur. Cæleberrima, & nobilissima dicendum erat. Cicero autem quodam loco id quod dico, apertissime ostendit, quum ait in Pisonem: Me quum quæstorē in primis, ædilem priorem, prætorem primum, cunctis suffragijs P. R. faciebat. Aedilem priorem dixit, quia tantum erant duo ædiles, sicut duo censores, & duo consules

Cap. 2.

Cap. 25.

Declam. 1.

Cap. 6.

Sules. Ceteri autem ferè omnes magistratus multi, ut prætor, quæstorq; : inter quos se creatum dixit aut primum, aut inter primos. Cuius rei si quis fidem desiderat, bini semper ædiles nominantur à Terentio. Ipse Cicero pro Milone inquit: Septem prætores, octo tribuni plebis, illius aduersarij, defensores mei. Nam quæstores penè singuli singulis prouincijs præficiébantur. Et exemplo Lactantijs admoneor ut dicam illas præpositiones inter, & ex, tam comparatiuo, quàm superlatiuo possè dari, ut constat superioribus, quæ retuli, exemplis, & Quintiliani in Gladiatore: Qui inter nos (ut apparet) fortior fuit. Et in Geminis languentibus: Dij prohibeant, ut ex duobus filijs utilior incipiat esse periturus. De superlatiuo ipse paulò antè protuli exemplum, Celeberrima inter omnes, & nobilissima habetur. Quæ si pares præter unam fuissent, utendum putarem comparatiuo, ut fecit Lactantius. Solemus quoq; interrogando, & dubitando dare Vtrum comparatiuo, Quid autem superlatiuo: ut idem Quintilianus, Ita non tantum utrum idem sit melius, sed quid sit optimum quæritur. Iterum: Ex duobus uter dignior, ex pluribus quis dignissimus. Et Cicero: Quum quæreretur uideretur orator utrum potius, aut quid potissimum dicamus. Tamen aliquando damus Quid etiam comparatiuo: Sed ego ad altiora ducente stylo transeo, & ad ea quæ oratorum magis sunt, quàm grammaticorum, & magis Latine, eleganterq; loqui uolentium, quàm eorum, qui ad normam grammaticæ periti esse contenti sunt. Quare separemus ea, quæ de hac re dicenda supersunt, & eis suum locum assignemus: quæ etsi possent posterius tractari, tamen quia ad materiam graduum pertinent, in hoc potissimum loco exequemur rem dignam auribus studiosorum, de exactissima antiquorum Latinitate, & elegantia à Marco Cicerone, Marcoq; Fabio Quintiliano præcipuè obseruata, duobus luminibus, atque oculis quum omnis sapientiæ, tum uerò eloquentiæ Latine.

Declam. 9.
Declam. 8.

De natura superlatiui.

CAP. XIII.

Igitur superlatiuus adsciscit sibi quisq; relinquit autē omnis, uel cunctus positiuo: ut optimus quisq; sapientissimus quisq; pro eo quod est unusquisq; qui est bonus, ac sapiens: uel omnes boni, & omnes sapientes. Non enim liceret dicere, boni quiq; & sapientes quiq; nec omnes optimi, & cuncti sapientissimi. Idem intelligo si superlatiuus in alio casu ponatur, quā illud quisq; sic, Maximo quisq; animo diuitias despicit. Valentissimi quisq; corporis longē abest à sapientia. At uerò cōparatiuo nō quisq; cōuenit, sed omnis. Vegetius tamē non perpolitus sanē scriptor inquit, Honestiores quiq; milites. pro honestissimi quiq;. Et La-
 tantius de Opificio: Nam etsi ita esset, placidiora quēq; animalia uel nihil fellis omnino, uel minus haberēt, quā fera. Ma-
 luissem ego dicere, placidiora omnia animalia: ut Quintil. in Aegro redēpto: Rus, seruulos, penates, & omnia utiliora pro-
 peranti festinatione parenti addixi. Ex posituius autē illa exci-
 pimus, quæ carēt superlatiuo, qualia sunt, quæ habēt i uel u ante
 us: ut, pius, & strenuus, quæ nonnunquā patiuntur superlatiuū,
 ideoq; utraq; rationem sequuntur, omnis pius, & pius quisq;. Sallustius in Catilinario: Nam strenuus quisq; aut occiderat in
 praelio, aut grauit̃ uulneratus discesserat. Ipse mallem dicere
 strenuissimus quisq;, piissimus quisq;. Quidam tamen Sallustiani
 codices scriptū habent strenuissimus. Carent etiam superlatiuo
 illa numeralia, secundus, tertius, quartus, quintus, & deinceps.
 Nam primus etiam quum numerum significat, superlatiuū est:
 & ultimus. Dicimus itaq; primo quōque tempore, primo quōq;
 die: quod imperitiores putant esse cōiunctionem quōq;, quæ ha-
 bet primam breuem, quum hīc sit longa. Cicero in Philippicis:
 Primo quōq; die consules ad senatum referant. Quanquā hīc
 non tam omnis, quā unus omnū primus dies significatur. Idem
 pro Rabirio: Tertio quōq; uerbo excitabatur. Et pro eodem
 Rabirio: Quinto quōq; anno de moribus nostris iudicaretur.

Cesar

Cap. 14.

Declam. 5.

Philip. 9.

Cæsar commentario quinto: Legione producta cognoscit non decimum quencque militem relictum esse sine uulnere. Suetonius in uita Cæs. Et intercalario mense sublato, unus dies quarto quôq; anno intercalaretur. Quod ineruditi sic pronunciare solent: omni quarto anno est bissextum: omni quinto anno fit lustrum apud Romanos, Græcosq; : omni quinquagesimo anno Iudæi agunt iubileū: quum sit dicendum, quinquagesimo quôq; anno. Vlpianus apud Iustinianū lib. x x v i i. ait, militem quasi millesimum quencq; dictum, id est, omnem qui est ex millenario numero ultimus: tamen accipiendus est non ultimus, sed quisq; ex eo numero. Nam quum dico, Dabo tibi ex ouibus decimam quanq; : non eam intelligo, quæ decima in numerando eueniet, sed unam de decem quacunq; sit: uel (ut absolutius loquar) singulas ex denis, siue ex decem, quas tu elegeris. Itaq; unaqueq; potest esse decima. Et exemplo Cæsaris cōstat decimum quencq; esse unum ex numero denario. Ita dicamus millesimum quencq; esse unum ex numero millenario. Iurisperiti nostri, elegantie Latine ignari, intelligunt militem ex mille maxime strenuum. Vnde puto errorem ortum de uocitandis militibus hoc tempore insigne quoddam dignationis ferētibus. Sed ad rem. Hinc etiam factū est, ut dicamus unusquisq; , & singularis quisque, non singularissimus quisq; , quod non reperitur, sicut nec unicus habet unicior, & unicissimus. Quotus etiam iungitur cum quisq; , sed tamen diuersa ratione à superioribus. Nunquam enim ferè utimur hac dictione, nisi interrogatiuè, & in significatione, quæ est quot. Quotus enim frequenter significat quot, ut Martialis: Dic quotus, & quanti cupias cœnare, nec unum

Lib. 14. circa finem.

Addideris uerbum, cœna parata tibi est.

Id est, quot es, & quot tecum habes. Cicero pro Ligario:

Quotus enim istud quisq; fecisset? id est nullus, uel rarus.

Ouidius de Arte: Forma dei munus, forma quota quæq; superbit: Id est, nulla, uel rara. Nō uenit in mentē, an cum alijs nomi-

Lib. 3.

nibus iungatur quisq;. Hoc tamen scio, non habere Quisq; genitium pluralem duntaxat cum adiectiuo iunctum: ideoq; genitiuo utimur singulari pro genitiuo plurali: idē enim est optimi cuiusque animus, quod omnium bonorum animus. Vnusquisque autem ideo non facile patitur superlatiuum, quia illud Vnus uim quandam, ac naturam (ut paulò antè ostēdi) superlatiui obtinet: potiusq; dicimus, unusquisque bonus, quàm unusquisq; optimus. Atque hæc hætenus de quisque.

De Vt, & Ita cum superlatiuo: de Quò & Eò cum comparatiuo.

C A P. XV.

Lib. 1.

Addamus de ut, & ita, similibusq;. Duplicatur superlatiuū, uel altera ex parte nomen, uel altera ex parte aduerbium, uel utrinq; nomen, uel utrinq; aduerbium cum his indeclinabilibus, quæ nominaui. Cicero de Orato. Vt quisq; optime Græcè sciret, ita esse nequissimum. Idem in eodem: Vt enim quisque optime dicit, ita maxime dicendi difficultatem, uariosq; euentus orationis, expectationemq; hominum pertimescit. Idem de Officijs: Vt quisq; animi magnitudine maxime excellit, ita & maxime uult princeps omnium, uel potius solus esse. Quintilianus: Quod ut longe optimum, ita difficilimum. Et iterum: Non ut quidq; primum dicendum, ita primum occurrit. In quo caueamus, ne pro quidque dicamus quodq;. Multum enim refert inter hæc duo. In Catone maiore utrunq; superlatiuum sustulit Cicero: Vt quisq; ætate antecedit, ita sententiæ principatum obtinet. Quod facere alibi solemus: ut in illo, Homo in primis doctus: non in primis doctissimus: ne duas res superlationē habētes cōiungamus. Iusta igitur causa quare Cicero superlatiuos prætermisit: quæ causa Donato in Eunuchum Terentij non fuit, qui ait: Vt quisq; miser est, ita senior uidetur. Nam præter id, quòd non adhibuit superlatiuum, etiam confusionem quandam fecit ex positiuo, & comparatiuo. Quod ita emendemus, tum per aduerbium: sic, Vt quisque maxime miser est, ita maxime senex

senex uidetur. Tum per nomen: sic, Vt quisq; miserrimus est, ita annosissimus uidetur. Tum per alterum aduerbium, alterum nomen: ita, ut quisq; maxime miser est, ita annosissimus uidetur: uel, Vt quisq; miserrimus est, ita et maxime senex uidetur. Tum per comparatiuum, nam & hoc idem efficit quod superlatiuum, hoc modo: Quò quisq; miserior: uel, quò quisq; magis miser est, eò senior: uel, eò magis senex uidetur. quod ita licere fieri, ex-
 plo probandum est. Quintilianus secundo Institutionum: Cap. 3.
 Quò quisq; ingenio minus ualet, hòc se magis attollere, ac dilatare conatur. Et paulò post: Erit eò etiam obscurior, quò Eodem & lib. & cap.
 quisq; deterior. Iustinus autem, siue Trogus superlatiuum cum comparatiuo miscuit, inquit lib. x v i. Locupletissimus ut quisq; est, ita plures equites in bello suo regi prabet. Ego dicere-
 rem, ita plurimos. quin & ita ab illo scriptum fuisse suspicari libet. Dicebam paulò antè, non licere dicere, In primis doctissi-
 mus: idem sentio de inter primos, & cum primis: licet Sallustius (si modò codex non sit mendosus) aliter dixerit: Ac sanè, quod Circa principi- bel. lugur.
 difficilimum in primis est, & praelio strenuissimus erat, & bonus consilio. Similia his sunt In paucis, cum paucis, inter paucos: item, Super omnes, ante alios, præter ceteros. Sed hæc etsi positiuo frequentius gaudeant, tamen nonnunquam patiuntur superlatiuum. Vt Plin. de absynthio loquens, lib. x x v i i. Cap. 7.
 De usu eius conuenit dicere, herbae facilima, atq; inter paucas utilissima. Verg. in v i i.

—Petit ante alios pulcherrimus omnes Turnus auis, proauisq; potens. Et in eiusdem operis primo:
 Pygmalion scelere ante alios immanior omneis.

De Hòc magis, & Eò magis, Tantum, & Tanto, simili-
 busq;, quomodo iungantur gradibus. CAP. xvi.

HOc magis, & eò magis, idem est, quòd tantò magis. Item quò magis, idem est quòd quātò magis. Quare admoneor, ut aliquid de horum omnium natura præcipiam: Posituios ma-

Off. 1.

gis decere tantum, & quantum: comparatiuos tantò, & quātò. Cicero: Quātò es maior, tantò te geras summius. Non autè quantum es maior, tantum te geras summius. Contrà, quantum potes, tantum elabora: non autem, quātò potes, tantò elabora. Lactantius tamen præter morem oratorum inquit: Quātò frequenter impellitur, tantò firmiter roboratur. Et Boethius in dialecticis dixit, Paulò æquales. Hic pro paulum, dicēs paulò: ille pro frequentius, firmusq; , frequenter, firmiterq; . Tolerabilius quod fecit poëta Catullus, Tantò pessimus omnium poëta, Quātò tu optimus omnium patronus. In superiore Lactantij exemplo, bis peccatum est in utroq; membro. Quidam peccant in altero: ut si dicatur, Quātò frequentius impellitur, tantò firmiter roboratur: uel, quātò frequenter impellitur, tantò firmitus roboratur. Nisi ita uenustè dicas, ut Verg. in x i i.

Lib. 5. c. 7.

Epig. 45.

O præstans animi iuuenis, quantum ipse feroci
Virtute exuperas, tantò me impensius æquum est - Consulere.

Cap. 17.

Et Quintilianus in primo: Quid autem aliud in nostris legionibus cornua, ac tubæ faciunt? quorum concentus quātò est uehementior, tantò Romana in bellis gloria cæteris præstat. Quod non licuisset aliter dicere. Proxime autem ad uim comparatiuorum accedunt illa aduerbia antè, & pòst, siue præpositiones: ut, tantò antè ego ueni, quātò tu pòst uenisti. Et illud nomen alius, & eius aduerbium aliter, & huic simile secus: ut Quintil. At quātò alius fuit ille infelicißimi iuuenis affectus. Et Terëtius: Verùm aliter euenire multò intelligit. Et Cicero: Multò secus euenit. Nam quod dico de tantò, & quātò, idem intelligo de aliquantò, de multò, de paulò, cæterisq; similibus. Rursus quod de tantum, & quantum: idem de aliquantum, de multum, de paulum, & reliquis. Sed quia hæc transeunt in aduerbia, ideo nonnunquam (de his quæ exeunt in um loquor) abutimur pro ijs quæ exeunt in o, præsertim quando nō est illa cōtrapositio duorum, ut superioribus exēplis ostendimus. Iuue.

Declam. 5.
In prolog.
And.

Saty. 11.

Despi

Despiciam, qui scit quantum sublimior Atlas. Terentius: In Eunu. act. 1.
Eius frater aliquantulum est ad rem audior. Quintil. At qui= sce. 2.
dam etiam si forte susceperint negotia paulum ad dicendum Lib. 12. c. 9.
tenuiora, ea conuitijs implent. Ita in aduerbijs, præpositioni=
busq; multum antè, uel multò antè: paulum post, uel paulò post.
Verbis autè semper ferè conuenit per um potius, quàm pro o,
exceptis ab ante, à præ, à post compositis, more eorum unde
componuntur: ut multò præstat, & multum præstat. Sal=
lust. Multò præstat maleficij, quàm beneficij immemorem esse. In Iugurt.
Ita, multum uel multò antecellit: paulum, uel paulò posthabui
tua negotia meis. Tam, & quàm similia, atque eadem uidentur
tantum, & quantum: ideoq; rarò cum comparatiuo iunguntur:
ut Vergilius,

Tam magis illa fremens, & tristibus effera flammis,

Act. 7.

Quàm magis effuso crudeſcunt sanguine pugne.

Cum superlatiuo frequentius: ut, tam hic est omnium optimus,
quàm nobilissimus. Sallust. Quàm quisq; pessime fecit, tam ma= In Iugurt.
xime tutus est. Quod idem ualet, ac si diceret, Ut quisq; pes=

ime fecit, ita maxime tutus est. Terentius:

Nanq; adolescens quàm minima in spe situs erit,

In Heanton,
act. 5. sce. 2.

Tam maxime patris pacem in leges conficiet suas. Solent poni
tam, & quàm separatim, & alterum sine altero, utrunq; in si=

gnificatione uehementiæ: ut Cicero, In tam optima causa non
debeo timere. id est, in tam ualde, ac per quàm bona causa. Et
iterum: Nòdum erat uestris tam grauissimis, tamq; multis iudi=

cijs, ignominijsq; tantopere grauib; còcisus. De quàm, hoc sit
exemplum, Tu es homo quàm iucundissimus. id est, ualde, uehe=

menterq; iucundus. Sed de hoc differendum est latius, ideoq; nò
in eundem locum includam.

De per, & quàm cum gradibus. CAP. XVII.

Idem nanq; ponderis in compositione habent per, & quàm:
sed alterum positiui propriū est, alterum superlatiuū: ut, per=
pulchrè,

Epist. 36. lib. 6.
12.

Ad. 1. sec. 1.
Ad. 1. sec. 2.

pulchrè, perbellè, perdiligèter: quam pulcherrime, quam optime, quam diligentissimè: quorum exemplorum referta sunt omnia. Hoc intelligitur quoties accipitur quàm pro ualde, siue uehementer. At contra, quàm pro quantum nunquam cum superlatiuo, sed semper cum positiuo: ut Cicero, Quàm morosi sint, qui amant, uel ex hoc intelligi potest. Vides ut quàm pro quantum nō potest adiungi uerbo principali, duntaxat in recto modo loquendi: hoc est, quando non figuratè loquimur, ut exprobandi, deridendi uel causa, hoc modo: Quàm citò uenisti: quàm suauis homo es. Loquor autè quoties duo uerba in eadem oratione inseruntur, semper cum uerbo non principali iungi quàm pro quantum: pro ualde frequenter uno uerbo contentum esse: & in duobus, principali potius gaudere, nonnunquam altero: ut, ubi est lucrum, eò quamprimum aduolas: & ibi est lucrum, quò tu quamprimum aduolas. At in hac differentia positiui, & superlatiui aliqui se obijcient, afferentes Terentium in Andria: Reiecit se in eum flens quàm familiariter. & in Eunuchò: Tute scis post illa quàm intimum habeam te. In quorum exemplorū priore est quàm pro ualde cū positiuo: in posteriore quàm pro quantum cum superlatiuo. Ego uerò accipio illud quàm familiariter, pro quantum familiariter figuratè: quasi, ò quantum familiariter: & hoc intimum accipi uolo pro positiuo, sicut proximum. Dicimus nanq; hic est mihi magis proximus: ita, hic est mihi magis intimus. Neq; in hoc toto meo opere tam licentiam poetarum confector, quàm usum oratorum. Neq; si quid aliter penes autores reperiatur, mihi obesse debet, qui non legē scribo, quasi nunquam aliter factum sit, sed quòd frequentissime factitatū est, praesertim à Marco Tul. Marcoq; Fabio, apud quos si quando reperiatur quàm cum positiuo pro ualde, aut cum superlatiuo pro quantum, ausim affirmare mendosè scriptū: ut in proœmio de Oratore: Quàm boni per diu nulli. quasi de ualde bonis, & nō potius de bonis loquatur. Vera scriptura erat,

erat, Boni perquam diu nulli. aut potius, Cum boni per diu nulli. aliter enim uidetur non congruè dici. Quod uitiū scribēdi uti-
nam in paucioribus esset. Quod Cicero ipse illo suo eruditissi-
mo seculo (quod uix credibile uidetur) queritur, ita ut apud
Latinos mendosiores sint codices Latini, quàm Græci. Quan-
quàm apud Græcos longè difficilior sit scribendi, quàm apud
Latinos ratio. Nam cur non sæpius quàm pro ualde cum po-
sitio in illis reperiremus, si probassent potius, quàm respiciēt?
Qua in re non uerebor reprehendere Boëthium, Priscianum,
& elegantiores utroq; Lactantium. Primus super Ciceronis
Topica ita ait: Nosti oblatrantis morsus inuidiæ: nosti quàm
facilime in difficilimis causis liuor iudicium ferat. Mallem di-
xisset quàm facile. Secundus lib. x v i i i. ita: Ideo ex uno libro
Ciceronis tot usus proponere statui, ut docerem quàm frequē-
tissime hac constructione usi sint autores eloquentiæ Latine.
Latinus erat, quàm si frequēter usi sint: uel, quàm frequentissime
usos. Tertius ita libro primo Institutionū: Et quàm multa alia
de Deo nostris hominibus locutus est similia. Per multa ego di-
xissem. Idem lib. v i. Hoc autem duplex sacrificij genus quàm
sit uerissimum, Trimegistus Hermes idoneus testis est. Et in
principio statim libri de Opificio inquit: Quàm minime sim
quietus, & in summis necessitatibus, ex hoc libello poteris æsti-
mare. Puto Ciceronem quàm sit uerum, & quàm parum sim
quietus, potius fuisse dicturum: qui scribens ad Trebatium in
proœmio ita ait: Sed dum fuimus unā, tu optimus es testis, quàm
fuerim occupatus. Nō dixit, quàm summe occupatus: aut, quàm
maxime occupatus: aut, quàm occupatissimus fuerim. Quod
antē dixi de quàm, nō debere illud iungi cum superlatiuo, quo-
ties significat quantum, unum uerbum exigitur possum, &
quæ idem significant, queo, ualeo, licet, & si quæ sunt alia: ut,
scribas quàm optime potes: nec rectè dicas, scio quàm optime
scribas: quod præter auctoritatem summorum autorum, etiam
ratione

Epl. 5. lib. 3. ad
Q. frat.

Cap. 5.
Cap. 25.

In proœm.
Topico.

ratione nititur: quia ubi est uerbum potes, ibi quàm nō iungitur cum superlatiuo, sed cum uerbo: sic, Scribas optime quàm potes. in alijs autem nequit iungi cum uerbo: sic, Scio optime quàm scribas, nisi alter sit sensus. Ergo illud non planè Latinū est, quamprimum mare intraui, exorta tēpestas est: & quamprimum potero, mare intrabo. Sed, quum primum: uel, ut primum: uel, ubi primum mare intraui, exorta tempestas est: aut, ut primum: uel, ubi primum potero, mare intrabo, Latinum erit. Ex his, quæ dixi, colligitur, ubi est quàm pro quantum, ibi quoque poni posse ipsum quantum: ut Cicero de Amicitia: Nisi quòd tanta est inter eos, quanta maxima potest, morum, studiorumq; distantia. Quintilianus in secūdo: Quum aliquid adhibita quāta maxima potest cura, diligenter climauerit. ~~VI, quoq; in locum~~ quàm, uel quantum succedit, nunc sine ita, nunc cum ita. Primo modo sic, ut apud eūdem in x i i. Non omittēda pars hæc orationis, sed exigenda, ut optime possumus. & Cicero in Philippicis: Quas ut honorificentissimis uerbis ipse consequi potero, complectar mea sententia. Altero modo sic, ut apud eundem de Oratore: Hæc ut breuissime dici potuere, ita à me dicta sunt. De positiuo autem nemini dubium erit quàm & ut, conuenire cum possum, ut idem in Philippicis: Sed reliquum cursum uitæ quàm quidem possum breuiter perstringam, et ut potui, breuiter perstringi. Rectè ergo pones quàm pro quantum cum positiuo, & superlatiuo intercedente uerbo possum. Male autem cum comparatiuo, siue sine possum: ut, quàm plura uolumina ille cōposuit. dicendum est cōplura, non quàm plura, ut quidam male scribunt. (In aduerbio quoq; superlatiuo nonnunquam legimus complurimū, pro plerunq;) Siue per possum: ut narraui rem gestam quàm breuius potui: aut, quàm potui breuius. Cuius hic quidē sensus, sed tamē barbarè prolatus est, narraui quàm breuissime potui. Quāquàm hoc secundum potest accipi in eū sensum, qui est, quàm potui breuius, siue (ut apertius loquar) bre-

uius quàm potuiffem. Primus modus sic accipi non potest. Nec hoc quidem barbarie caret, licet huius loci nō sit: Iste est nimis iuuenis ad dandum sibi tale negotium. Quod sic Latinè dicretur: Iste est nimis iuuenis, aut iunior, quàm ut ipsi detur tale negotium: uel, est iunior quàm cui tale negotium detur. Cuius rei plurima ubique exempla sunt. Vt Quintil. Sed hoc apertius est, quàm ut probandum sit. Et ita opus inchoatur Valerij Maximi: Urbis Romæ, exterarumq; gētium facta, simul ac dicta memoratu digna, quæ apud alios autores latius diffusa sunt, quàm ut breuiter colligi possint. Id est, latius sunt dispersa, ita ut non breuiter cognosci possint. Itē Quintilianus in x i i. Ideoq; ne suscipiēde quidem sunt causæ plures, quàm quibus se suffecturū sciat. In eandem rationem cadit ille modus, qualis est, maiorem geris uestem, quàm pro habitu corporis. Vt Curtius: Maiorem quàm pro magnitudine, syluæ reddebāt sonum. Illud hoc loco iocosum inferere non pudebit: Si quis interrogatus, huiusmodi positiui perpulcher, qui cōparatiuus sit, et qui superlatiuus: nō bene respondebit, nisi ita, multò pulchrior, et quam pulcherri-
mus. Ex his autē duobus, de quibus diu differuimus, per, et quàm, cōflatur unū perquàm, quod utri dandum erit, positiuo, an superlatiuo? (utrūq; enim in eo partē sibi uendicat) certē positiuo, uel quia per antèrius est, uel quia indecēs uideretur duo aduerbia uehementiam significātia superlatiuo antèponi. Dicimus itaq; perquàm doctus, perquàm eruditus, perquàm pulcher. Et sicut uerbo solet apponi per, ita pquàm: ut, peruelim, pplacet: perquàm uelim, perquàm placet. Plin. iun. in epist. Perquàm uelim scire. Nisi itèrpositiū sit, quàm, inter præpositionē et uerbū, cū quo illud copulatur. Quale apud Terēt. Per pol quàm paucos reperias meretricibus Fideles euenire amatores. Quod sic resoluitur, Pol perquàm paucos. Boëthius tamē in cōmētarijs lo-
 gicæ breuioribus suplatiuo dedit, dicēs: Apud scriptores quidē Græcos perquàm rarissimos. Et Pōponius de orig. iur. Digest.

Cap. 9.

Epist. 17. lib. 7.

In Hecy.
act. 1. scē. 1.

Iusti

Iustiniani libro primo: Nam ante cum Seruius duos libros ad Brutum perquam breuissimos ad edictum scriptos reliquit. Et facundus scriptor Curtius libro quarto: Bessum quoque Baetrianorum ducem perquam maximo posset exercitu coacto descendere ad se iubet. Sed huiusmodi exempla tam rara sunt, ut dubitem, an librariorum sit culpa. Certe ipse sic loqui non ausim. Aulus quidem Gellius hoc quod praecipimus, semper custodiuit: ceterum ut est in loquendo curiosior, pro perquam in loquendo: ~~perquam in utile: uoce admodum quam suauis: oppido quam libens: nimis quam ineptum: quae aduerbia idem pollent quod per,~~ pro ualde. Visitatus tamen est perquam: ut, perquam utile, uoce perquam suauis, perquam libens, perquam ineptum. Tametsi Caesar commentario x l i i. Quibus rebus oppido quam pauci sub pellibus acquiescebant. Et Seruius Sulpitius ad Ciceronem scribens ita incipit: Posteaquam renunciatum est mihi de obitu filiae tuae, sanequam pro eo ac debui grauiter, molesteq; tuli. Et ad eundem Caelius etiam ita incipit: Sanequam literis C. Cassij, & Deiotari sumus commoti. Nam Cassius cis Euphratem Parthorum copias esse scripsit. Et Brutus quoque Decius ad eundem: Nam suos ualde quam paucos habet. Et iterum in eadem epistola: Sanequam gauisus sum. Quid plura? Ipse quoque Cicero ad fratrem: Nam quod de Pompeio Caninius ait, sanequam refrixit. Non succurrit mihi, si quod aliud exemplum apud Cicerone percerim. Et Titus Liuius nescio an alibi quam lib. x l v i i i. Quum haud facile esset, aut ea quae obijcerentur, aut quae aduersus ea dicenda erant, memoria complecti. Nec enim multa solum, sed etiam pleraque oppido quam parua erant. Haec igitur dantur positiuo, illa uero magis superlatiuo, ~~ut lib. x l v i i i. in eo ferè~~ significato, quo solet quam cum superlatiuo. Sed cum hac tamen differetia, quod huic quam non tribuimus genitiuum illum superlatiui proprium, aut ablatiuum, accusatiuum uel cum praepositione, ut fit sine ipso quam. Marcus Tullius: Acerrimum autem ex omnibus

Epist. 5. lib. 4.
epist. fa.

Epist. 10. lib. 8.
epist. fa.
Epi. 13. lib. 11.
epist. fa.

Epi. 6. lib. 2.

bus nostris sensibus, esse sensum uidēdi. Et iterum: Quem Cras- De Orat. lib. 2.
sus dilexit ex omnibus plurimū. Non dixit quā accerrimū, circa prin.
aut quā plurimū ex omnibus, siue inter omnes.

De Longē, Multō, Facile, Valde. CAP. XVIII.

ID quoq; fit in multō, atque in longē pro ualde, & in facile
pro non dubiē, ut Quintilianus libro secundo: Declamandi
ratio ut est ex omnibus nouissime inuenta, ita & multō est uti- Cap. 11.
liſſima. Idem: Longē omnium, quos quidem mihi audire conti- Lib. 10. c. 1.
git, præstantiſſimus Donutius Apher. Et Marcus Tullius: Sed
ego neq; illis assentiebar, neq; harum disputationum inuentori, De Orat. lib. 2.
& principi longē omnium in dicendo grauissimo, & eloquen-
tiſſimo Platoni. Idem pro Rabirio: Virum unum totius Græciæ
facile doctiſſimum Platonem. Amat etiam longē (ut multō) secū
iungi comparatiuum. Vt Verg. in 1 x. At pedibus longē melior
Lyceus. & ea de quibus antea disputauī, alius, aliter, secus, antē,
poſt: ut longē alius, longē aliter, longē secus, longē antē, longē
poſt. Et composita à præ, ut longē præſtans, lōgē præſtat. Quin-
tilianus: Sed cum longē præcedunt ingenia uiuentium. & cæte-
ra, quæ superlationem quandam habent, & proxime ad compa-
ratiua accedunt, ut longē superat, longē uincit: & ea, quæ di-
uerſitatem, more illorum, alius, aliter, secus, qualia sunt diuerſus,
diſſimilis, alienus: ut lōgē diuerſus, longē diſſimilis, lōgē alienus.
Princeps ne adiectiuum quidem est more poſitiuorum, tamen
quia superlationē ſignificat, adſciſcit ſibi lōgē: ut idem, Nouem
uerō lyricorum longē Pindarus princeps. & facile pro eo, quod Lib. 10. c. 1.
est haud dubiē. Marcus Tullius pro Roſcio: Non ſolū muni-
cipij Larinatis, ex quo erat, ſed etiam regionis illius, & uicini-
tatis, uirtute, exiſtimatione, nobilitate facile princeps. Prætereā
cum præcipuus, cum primus, cum ſecundus, & ſiqua alia ſunt.
Vt Quintil. de Euripide loquēs: In affectibus, cum in omnibus, In eod. cap.
tum in his, qui miſeratione conſtant, facile præcipuus, & adnu-
randus maxime eſt. Sic facile primus, uel facile ſummus. Facile

uero secundus dicimus, non ad ordinem respicientes: sed ad dignitatem: quale est, Tu es facile secundus a rege. hoc est, facile post regem primus. Longè igitur pro ualde, proprium est (exceptis paucis) comparatiui, & superlatiui. Ipsum autè ualde positiui, & uerbi: ut, ualde diues, ualde pauper, ualde laudat, ualde uituperat. Nec ausim dicere, longè diues, longè laudat: nec ualde ditior, ualde ditissimus. Hæc autem, quæ à me de aduerbijs traduntur, non fuerunt interpretata ueteribus grāmaticis. Nā nuper quā iam ista composuissem, inueni in bibliotheca Beneuētana Sergiū super Donatū ita dicentem: Donatus dicit quinque tantum aduerbia positiuo esse iungēda: tam, magis, maxime, minus, & minime: ea scilicet ratione, quoniam uim in se habent comparandi, atque ideo non debent comparatiuis casibus iungi, ne uideatur comparatio geminata. Qui enim dicit, tam doctior, penè hoc dicit, doctus doctior, quod Latinitas non patitur. Probus autè dicit omnia aduerbia, quæ uim augentis, & minuentis in se habent, non debere coniungi nec cōparatiuo, nec superlatiuo, ut sunt ista, ualde, multum, plurimum, per, & similia. Nā ista omnia tantum positiuis casibus debemus adiungere. Idem Sergius longè post ita ait: Comparatiuo, & superlatiuo quinque hæc comparisonis aduerbia non apponemus: ut, tam, minus, minime, magis, maxime, quæ tamen soli positiuo adijciuntur. Hæc quæ tres autores tradunt, & imperfecta sunt, nec omnino uera, ut ex eis datur intelligi, quæ ipse præcepi. Dicimus enim multò fortissimus: &, ego sum tam te fortior, quàm nobilior: & tam omnium sum fortissimus, quàm nobilissimus. Comparatiua uero addi non oportere comparatiuis, ne præcipiendum quidè est. Quòd autem posuit minime, & maxime, & similia Sergius, non rectè posuit. Nā minimum, est proprium aduerbium superlatiuū: minime uero pro negatione accipitur, quasi nequaquam: ut, hic homo est minimum literatus, id est, pauxillum literatus. Ego sum minime literatus, id est, idiota, & nihil prorsus habens literaturæ.

De proprietate quadam Comparatiui. CAP. XIX.

ATque hæc hætenus. Illud ad extremum adiiciamus de com-
paratiuo, consuetiorem sermonem esse per accusatiuum,
quam per nominatiuum in illis, quale est, tu maiorem laudem
affectus es patre tuo, tuisq; maioribus: uix audeas dicere, tua
laus est maior patre tuo. Tamen solemus aliquando sic uti: ut
Vergil. in VII. Haud secus ignipotens, nec tempore segnior illo.
Et Quintil. de Apibus pauperis: Vñ rogo, ne cui minor uestra
dignitate uideatur causa litis mee. Et in tertio Institutionum:
Non debes apud prætorem petere fideicommissum, sed apud
consules: maior prætoria cognitione summa est. Fortasse uide-
tur mollius in obliquo casu: quod si ita non est, uolo tamen an-
notatum esse, quod inconsueta uox auribus hæc uidetur esse: ma-
ior summa pecuniaria est prætoria cognitione, pro eo, quod
est, maior summa est, quam ut apud prætorē peti possit. Minor
causa dignitate uestra: pro eo, quod est, minor, quam ut ui-
deatur digna, quæ apud dignitatem uestram agatur. Et Vul-
canus non segnior illo tempore: pro eo quod est, segniori tem-
pore, quam illud fuit. A quo non dissimile illud est: Ego sum
maior uiginti annis: pro eo quod est, ego sum maioris ætatis,
quam ea quæ est uiginti annorum: uel maioris ætatis uiginti
annorum. nam & hoc licet dicere: quale etiam est, ego sum
maior uiginti annorum, id est, ætate tali: uel, ego sum ætatis
maioris ætate uiginti annorum. Frequentissime autem huius-
modi genere orationis utimur, ubi adest hoc nomen opinio:
ut sum ditior opinione hominum, non quasi opinio hominum
diues sit: cum sic accipi debeat, magis quam opinio hominū sen-
tit, uel quam homines opinantur. Cicero ad Brutū suū sic exorsus
est: Cum è Cilicia decedens Rhodum uenissem, ibiq; de Quinti
Hortensij morte esset allatū, maiore opinione hominū cepi dolo-
rē. pro eo qd est, maiore, quam ille, quē in me homines opinantur.
Nec illud ab hoc multum recedit, quū dicimus, Nihil isto hoīe pe-

Declam. 17

Cap. 11

De clar. Orat.
in princ.

d 2 ius:



ius: nihil tuo patre abiectius: nihil hoc uino insuauius: pro eo quod est, nullus homine isto peior: nemo patre tuo abiectior: nullum uinum hoc insuauius. Rursus in laude, nihil isto homine melius: nihil patre tuo generosius: nihil matre tua sanctius: nihil uxore tua uerecundius: nihil hoc uino suauius. Dictum est de omnibus rebus, non tantum de singulis. Interdum etiã ubi nihil plus comprehenditur in uniuerso, quàm in parte: ut, nihil est te literatius: nihil est illo prudentius: nihil est isto humanius: nihil plus significatur hoc modo, quàm si dicas, nemo te literatior: nemo illo prudentior: nemo isto humanior: quoniam literatura, prudentia, humanitasq; nõ nisi in homines cadit. Quid ergo in neutro genere potius, quàm masculino, & sceminino prolatum est: nempe, quia nescio quid plenius, & suauius in neutro genere est. Ideoq; tali sermone delectati autores sunt, ut ipsorum crebra exempla documento esse possunt, quæ inquirantibus notiora erunt, quàm ut à me huc afferri debeant.

De Compositis à Somnus.

C A P. XX.

AA. 7.

A Somnus composita quædam sunt secundæ semper declinationis, quædam tertiæ. Secundæ, Cicero in Verrem: Hic etiam quum semisomnus stuperet. Et Cælius in Antonium: Ipsum namq; offendunt semisomno sopore profligatum. Et Sallustius in Iugurte. Signo dato castra hostium inuadunt, semisomnos partim, alios arma sumentes fugant. Insomnem, & exsomnem draconem sæpe legimus, & firè hanc differentiam seruatam inuenimus. Hæc admonui, ut in his nominibus, quæ ancipitem in compositione declinationem sortita sunt, tamen sciamus usum frequentiore imitandum. Seneca autem de breuitate uitæ ait: Quàm multi hesiterna crapula semisomnes, & graues.

De Nominibus in osus.

C A P. XXI.

Nomina quæ exeunt in osus, partim à nomine descendunt, partim à uerbo, partim ab utroq; Et ea quidem quæ descendunt à nomine, habitationem, siue uehementiam, copiam uel significant,

significant, & affectionem: ut Animosus, Ingeniosus, Lacertosus, Nervosus, Saxosus, Aquosus. Hæc copiam, siue uehementiã, habitationemq; significant, quòd habent in se uehementiam, ac copiam aquæ, saxorum, neruorum, lacertorum, ingenij, animi. Vinosus, Mulierosus, Libidinosus, Seditiosus, Factiosus, qui affectus est ad hæc, & amat uinum, mulieres, libidinem, seditiones, factiones. Rursus ea, quæ à uerbo sunt, partim actionē significant, partim passionem, partim utrunq;: Studiosus, Fastidiosus, Stomachosus, Iniurius, Contumeliosus, Curiosus, semper actiue ab autoribus accipi solent. Otiosum est in re aperta inculcare exempla, quæ uulgò sunt plurima. Hæc enim accipiuntur pro his, qui operam dant studio, qui fastidiunt, qui stomachantur, qui iniuriam, contumeliamq; faciunt, qui nimis curant: nisi uelimus hæc à nominibus uenire, non à uerbis: ut fraudulosus, qui fraudem facit: quod à fraudula diminutiuo uidetur uenire, potius quàm à fraude: quemadmodum Meticulosus, qui timidus est, à meticulo magis, quàm à metu: & Somniculosus magis à somniculo, quàm à somno: & Siticulosus magis à siticula, quàm à siti uenit. Tenebricosus quoq; reperitur, & tenebrosus: licet quædam ab usu, regulaq; recedant, ut montuosus potius quàm montosus, saltuosus quàm saltosus, tortuosus quàm tortosus. Veruntamen quæ sunt quartæ declinationis assumunt u, ut uultuosus, actuosus, fructuosus. Ideoq; illud in psalmo: Oues eorum factosæ. legendum est factosæ à factus: sicut ediuerso pleriq; scribunt monstruosum pro monstroso. Luca. Monstrofiq; hominum partus—Nec modò in esus faciunt nomina quartæ declinationis, uerùm etiam in arius: ut saltuarius, actuarius, fructuarius: quum nomina secundæ declinationis careant u: ut, asinarius, caprarius. Odiosus, & inuidiosus passiue: ille enim significatur qui odio habetur, et cui inuidetur: nō is qui odit, et qui inuidet. Hæc passionem significat, utiq; quū à uerbo ueniūt, secus quum à nomine. Nam odiū molestiam quoq; antiquitus significabat.

143.

Lib. 1.

In Phor. utrūq;
primum act. 5.
sce. 5. alterum
act. 5. sce. 8.
Epil. 1. lib. 4.

Lib. 3.

cabat. Teren. Nunquam tuo odio me uinces. Et iterum: Si por-
rò esse odiosi pergitis. id est, molesti. Cicero ad Att. Sed quum ho-
ras treis ferè dixisset, odio, & strepitu senatus coactus est ali-
quando perorare. Et in Catone Maiore: In infirmo corpore
odiosa est omnis offensio. Et de Oratore: Verum si placet (quo-
niam hæc satis spero uobis quidem certè maioribus molesta, &
putida uideri) ad reliqua aliquantò odiosiora pergamus. Odiosi-
ora dixit, quasi molestiora. Inuidia autem præter illam signifi-
cationem notam, est uel dicto, uel facto in alterum maleuolentie
conciliatio: ut si quis referat, ostendat uel calamitates suas, ut au-
tori calamitatum odium cæterorum concitet. Et hoc uocatur
inuidiam facere: uel uocare, uel adducere in inuidiam: inde Inui-
diosa res, quæ atrocitatem facti augens, inuisum illud, uel illius
autorem facit. Et inuidia quasi atrocitas, uel detractio: in quam
significationem accipio illum uersum:

In Cato, disti-
chis.

Inuidiam nimio cultu uitare memento.

Nam latentem inuidiam, quia non deprehendo, uitare nequeo:
sed eam, quæ extrinsecus significatur uel uoce, uel gestu, cum
populus indignè ferre se indicat in aliquo nimium, & insolentè
corporis cultum. Ideoq; subiungitur: Quæ si non lædit, tamen
hanc sufferre molestum est. hanc scilicet uel uoce, uel gestu, uel

In Andria,
act. 1. sce. 1.
In Iugurr.

utroq; modo detractioem. Quale illud quoq; Terentianum:
Ita ut facillime sine inuidia laudè inuenias, & amicos pares. Et
illud Sallustij, licet è Demosthene sit sumptum: Inuidiam gloria
superasti. Formidolosus, Laboriosus, Operosus, pariter actiue,
passiueq; accipiuntur. Terent. Egon? formidolosus? id est, ego ne
qui timeam? Sallustius: Regibus boni, quàm mali suspectiores
sunt, semperq; his aliena uirtus formidolosa est. id est, quæ formi-
datur. Cicero: Videtis ut senectus non modò languida non sit,
uerum etiam operosa. id est, Quæ agit, & rebus agendis operã
dat. Idem pro Cælio: Vos laboriosos existimet, quibus otiosus
ne in communi quidem otio liceat esse. Ouidius, — Moles opero-
sa la

In Eunuch.
act. 4. sce. 6.
In Catil.

In Cat. Malo.

Lib. 1. Metæ.

sa, laboret. quæ ab aliquo operata est, nõ quæ aliquid facit: uel, uel
bementis operis, & multarum operarum. Ita res laboriosa, uel
quòd in ea laborem capiamus necesse est: uel, quòd plena laboris
est. Voluptuosus quoque, & religiosus licet à uerbis non ue-
niant, tamen istis similia sunt, ut affectionem significant, & ha-
bitiõnem, siue plenitudinem, simulq; actiue accipiuntur, & pas-
siue. Voluptuosus homo, qui perquam amat uoluptatem. Res
uoluptuosa, quæ in se habet uoluptatem: uel, quæ plena est uo-
luptatis, & qua homo delectatur. Ille recipit, hæc recipitur. Re-
ligiosus homo, qui amat religionem. Sepulchra, & monumenta
religiosa sunt, id est, habent in se religionem. Ille adoratur, hæc
adorantur. Præterea Gloriosus, Famosus, Imperiosus, non nihil
& ipsa à cæteris differunt. Nam licet legamus gloriosam uicto-
riam, id est, plenam gloriæ: & apud Iuuenalem saty. v 111.

Famosos equitum cum dictatore magistros:

& imperiosos populos: hoc est, latum imperium possidentes: tamen dicimus ita gloriosum hominem affectatorem gloriæ, ut
uinosum cupidum uini, & mulierosum nimis appetentem mu-
lires: qualis miles gloriosus apud Plautum, & Terentium: &
Famosum pro infami, & turpi: ut famosa mulier, quæ noscitur
impudica esse. Et imperiosus, ostentator imperij in exercenda
scuitia: qualis Torquatus apud Liuium, qui filium securi
ob imperium contemptum occidit: unde imperiosus appel-
latus est. Verum imperiosus, & gloriosus, quando honestæ si-
gnificantie sunt, pro gloriam, imperiumq; habente, habitio-
nem, plenitudinemq; significant: quãdo inhonestæ, affectionem,
ut dixi. Similiter Quæstuosus, & Sumptuosus ab affectione ma-
gis, quàm ab habitiõne, siue plenitudine ueniunt. Quæstuosus,
est homo auidior quæstus, & lucri, undique lucella queritans.
Sumptuosus, qui auidior est sumptus, quàm quæstus, & immo-
deratũ sumptũ facit: id est, immoderatas impensas. Quæ duo magis
possunt accipi actiue, quàm passiue, magisq; ad hoies pertinet:

Famosos equi-
tum &c. Eroa-
dus, quem ali-
multi impens-
docti secuti sũt
inter quos &
Bud in Annot-
in pand. sumo-
fos legit: ut a-
pud Cic. in Pi-
su. fungosas im-
gines, pro anti-
quissimi gene-
ris stemmare.
Lib. 2, 1, deced-

ut homo quæstuosus, homo sumptuosus. Luctuosus uerò magis ad rem: ut res luctuosa, hoc est, plena luctu. Nescio an liceat de homine misero, & afflicto dicere, homo luctuosus, sicut fortuna huius luctuosa. Ab industria autem non habemus industrius, sed industrius. Nec à uirtute uirtuosus more Græcorum, qui à τῆς ἀρετῆς non deriuant ἀρετὸς, licet habeant ἀρετὸς, sed pro illo dicunt tum ἀρετὸς, id est, bonus, tum ἀσπουδῆς, id est, studiosus, Aristotele quoque, & alijs quibusdā testantibus. Quod Cicero ad Herennium imitatus est, dicens: Ideoq; bonis uiris, id est, studiosis amicus erat. Morosus à more uenit, non à mora. Primam enim habet longam, ut mos moris, significatq; eum, qui nimis exactè, nimisq; ad unguem fieri omnia postulat, ut aliquando ob id indignetur, ac irascatur. Vt Suetonius de Cæsare: Circa corporis curam morosior, ut non solum tonderetur diligenter, sed etiam uellcretur. Idem de Tyberio: Sed affectatione, & morositate obscurabat stylum. Cicero de Senectute: At sunt morosi, & anxij, & iracundi, & difficiles senes. Et idem secundo de Oratore: Me quidem hercle illa ualde mouent stomachosa, & quasi submorosa ridicula: non cum à moroso dicuntur: tum enim non sal, sed natura ridetur. Suetonius accipit pro cupido nimis exactæ diligentie. Cicero uerò adiungit impatientiam, & iracundiam. In significato tamen illo superiore posuit in Oratore: Vsque adeo morosi sumus, ut nobis non satisficiat ipse Demosthenes. Deniq; sic dicitur Morosus à nimia diligentia, & seueritate, ut Curiosus à nimia cura, quoties plus diligentie, quam oporteat, impendimus rebus uel nostris, uel alienis. Nostris, quæ minutissima quæq; disquirimus, & nullius frugis: Alienis, quum de rebus caterorum occultioribus non satis cum pudore perscrutamur aut interrogamus. Sed non tam à cura Curiosus uidetur descendere, quam à curia, cuius compositum est magis in usu incuria: id est, negligentia, tametsi curia à cura dicatur. Atq; ut Curiosus à peruersa cura uocatur, ita Cerebrosus à cerebro

Cap. 41.
Cap. 70.

De Orato. ad
Brutum,

rebbero peruerso. Vnde Horatius:

Donec cerebrosus profilit unus—id est, in sanus, & cerebri per- Lib. 1. Serm. 6.
uersi. Pannosus & ipsum aliquid differentie habet: is enim dici- 17. 5.
tur pannosus, qui crasso panno, ac uili opertus est. Nec hoc nisi
de paupere dicitur: quæ exempla sunt plurima.

De uerbis Inchoatiuis, falso sic dictis. CAP. XXII.

GRammatici autores uno ore uniuersi, qui de hac re scripti
aliquid reliquerunt, aiunt illa uerba in so, ut caleso, frige-
gesco, significare inchoationem. ideoq; inchoatiua: illa in so,
ut uiso, desiderium, ideoq; desideratiua: illa in rio, ut esurio, me-
ditationem, ideoq; meditatiua appellari solent: in quibus omni-
bus ab omnibus dissentio. Sed Prisciano eruditorum nuperrimo Prisc. lib. 8.
potissimum respondebo, qui (ut ordinem sequar) inquit in illo Aen. 12.
Verg. uersu:—Aegrescitq; medendo: significari inchoationem.
Qualem medicum uoluit esse Priscianus, quo curante quis inci-
piat egrotare? Quanquam quo modo curari quis antè possit, q̃
egrotus sit? Necesse est ergo, ut antè egrotare cœperit: & quū
dicitur aegrescere, ut intelligatur inter medendū egriorem fieri.
Et hoc de Turno Vergilius intelligit: cuius augebatur ægritudo
ad Latini salubria consilia. Sicut de Didone prius dixerat:
Expleri mentem nequit, ardescitq; tuendo.

Quid igitur attinet exempla repetere, quum nunquàm in sensu
inchoationis reperiantur? An illud apud Quintil. hoc signifi- Quint. lib. 2. ab
cat? Tenuit consuetudo, quæ quotidie magis inualefcit. Aut illud initio.
Cic. Quanto plura ille miscebat, tantò hic magis in dies cõuale- Pro Milone.
fcebat. Et illud Ecclesiasticum: Qui sordet, sordescat adhuc.
Quo modo potest quid quotidie incipere ualidū fieri, & qui-
dem magis, quod dicitur respectu præcedentis? at inchoatio-
nem nihil præcedit. Aut quo modo quod sordet, potest incipere
sordere? & sordescere adhuc, id est, magis? qd magis? certè quàm
anteà inceperat. Sed quid ibi disputamus, quum dicatur, qui iam
sordet, sordescat adhuc? quasi sordidior fiat, non autem sordere
d s incipiat

incipiat, quia iam sordet. Ideoq; Græcè & hoc, & cætera huiusmodi uerba per uerba passiua explicantur: & illud Græcè sordescat, nihil aliud est, quàm sordidetur. Plaut. in Captiui duo: Ego qui tuo mærore maceror, macesco, cōsenesco, & tabesco miser. Pro eodē penè accipit maceror, & macesco: nisi quòd maceror ad animum magis pertinet, quasi affligor: macesco magis ad corpus. Videtur autem ratio dici uelle potius macesco, ut nigresco, pigresco, agradesco: sed etiam dici potest macesco, ut accresco. Crebresco tamen potius dixerim, quàm crebesco. Verùm ad rem. E diuerso Vergilius:

- Georg. 1. — Maria incipiunt agitata tumescere. — Et iterum:
 Aeneid. 7. Fluctus ubi primo cœpit cum albescere uento. Et iterum:
 Georg. 3. Sin in processu cœpit crudescere morbus.

Vbi quid opus erat dicere, quòd incipiant res tumescere, albescere, crudescere? quum satis, imò magis proprium fuisset dicere, quòd tumescebant, albescabant, crudescebāt: id est, quòd incipiebant, siue inchoabant tumere, albere, siue crudere. Quid ergo significant uerba inchoatiua? Nempe (ut breuiter finiam) quòd uerba composita à fio, calefio, frigesio, sordefio, inualefio, agradesio, & ardesio: quæ ideo in usu non sunt, quia superuacuum esset, duas nos uoces habere idem significantes, nec nisi ubi alterū deficit, alterius præsidio utimur. Calescēs, pro calefiens utimur: & patescens, pro patefiens, quanquam utrunq; reperiatur, patesco, & patefio: quoniam ne in simplici quidem suo reperitur fiens, nec quòd ab hoc formaretur fiendus. Dicemus itaq; calescēs, & caleficiendus. Nec desunt qui fiens utantur, sed in eo, de quo loquor significato: ut in psalmo x x i. Et factum est cor meum, tanquā cera liquefies in medio uentris mei. Quum in alia translatione dicatur liquefiscens. Ex quo liquet eiusdē utrunq; esse significationis. Idiomate quoq; Italico, atq; Hispano (quòd ex Italico oriundū est) adstipulāte, apud quòd penè Latina uoce hæc uerba pronunciantur, & certè in hunc, quem ego dico sensum: quale

quale est hoc, ogni di magrisco. hoc est, omni die macresco : per quod, incrementum asiduum, atq; cōtinuum declaratur, nō inchoatio. Quòd si quid inter huiusmodi uerba in sco, & in fio, intererit, hoc esse arbitror, quòd hæc in sco passionem in se habent, illa uerò extrinsecus allatam. Vt in Aegypto Caesar quum hostes fugeret, elata læua natabat, ne libelli, quos tenebat, madescerent : melius, quàm madescerent. Et quum fores aperiantur, melius patefiunt dicitur, quàm patefciunt. At quum quis in balneo sudore irrigatur, & fores sua spōte aperiantur, magis ille madescit, quàm madesit : & hæc magis patefciunt, quàm patefiunt. Inchoatiuorum autem dicuntur præterita eadem esse, quæ primitiuorum : tamen paucissimis curæ est dignoscere, quando à primitiuis sunt, quando uē ab inchoatiuis, quorum multum differt significatio, licet crebrior sit illa inchoatiuorum : ut, pinguit, macruit, frixit, caluit : idem est quod pinguis factus est, non autem pinguis fuit : macer factus est, & frigidus, & calidus factus, non autem macer, frigidus, & calidus fuit. Nam pinguet, idem est quod pinguis est : macret, friget, calet, idem quod macer est, frigidus est, calidus est : quorum præterita sunt pinguit, macruit, frixit, caluit : uix unquam in hoc significato, pinguis, macer, frigidus, calidus fuit : sed in illo, pinguis, macer, frigidus, calidus factus est, ut etiam in hoc apertius patebit exemplo : Tam citò macruisti ? tam serò pinguis fuisti ? non id significo, quòd tam citò macer, aut tam serò pinguis fuisti, quasi nunc talis non sis, sed quòd pinguis, aut macer factus es, atque etiam talis es, siue tunc eras, si de alio tempore loquimur. Quæ præterita quia à primitiuis non ueniunt (ut significatio indicat) necesse est ueniant à deriuatiuis in sco. Vnde probatur etiam inchoatiua non significare inchoationem. Quare Seruius uiderit, qui his uerbis præteritum non tribuit, quorum frequentius est, quàm suorum primitiuorum. Nam quod ait, quia inchoatiua sunt, ideo carere præteritis, cassà ratio est, quum

Sueto. in Cæs.
c. 64.

Seruius in Do-
ntum.

est, quum hoc uerbum inchoo etiam prateritum habeat. Verum hæc uerba nec inchoatiua sunt, & prateritū habēt. Illud transco, quod multa sunt, quæ pro suis primitiuis accipiuntur: conticesco, adhæresco, delitescō, concupisco, labasco, obdormisco, contremisco, expauesco, & his similia.

De uerbis Desideratiuis male sic uocatis. CAP. XXIII.

Prisc. lib. 3.

Nam quæ idem autor desideratiua appellauit, ipsius quoq; exemplo ostenduntur nequaquam esse desideratiuæ significantiæ. Hoc enim exemplum ille affert. Vergilius in VIII. Nam memini Hecionæ uisentem regna sororis

Laomedontiaden Priamum—Visentem dixit, pro cupientem uidere, quod Græci dicunt δεικνύω. Idem, & in eodem exemplo Scruius dixerat. Simile est, ait Priscianus, facio facefso, capio capesso, lacero lacefso, arceo arcefso, accio accersō: quæ possumus non incongruè desideratiua nominare. Sed quero à Prisciano, cur magis Priamus cupiebat uidere sororem, dum iter faciebat, quàm quū erat in Troia? aut cur magis Priamus, quàm ceteri? aut cur solus? Postremò quis nouit uoluntatem eius? quid agat, uideo: quid uelit, non uideo. Quid ergo significat uisere? Nimirum id quod agit Priamus, ire ad uidendam sororem: quod frequētatiuum ipsius declarat, uisito. Itaq; actum corporis hæc significant uerba, non affectum mentis. Viso, uado ad uidendum,

Epi. 3. lib. 1.

non autem cupio uidere. Cicero ad Atticum: Cupio equidem, & iampridem cupio Alexandriam, reliquamq; Aegyptum uisere. id est (ut ego sentio) ire ad uidendum. Aliter dicendum erat, uiso equidem, & iampridē uiso. Quo certè modo ne Priscianus quidem ipse loqui auderet. Vsurpamus tamen hæc uerba (quemadmodum de superioribus testatus sum) pro eorum primitiuis: ut, nisi sunt legati uisendi causa. id est, uidendi. Quod certè ita exponi non potest, causa uidere cupiendi. Tolerabiliorq; nostra sententia, expositio foret, causa ut eant ad uidendum. Similiter facefso, eo ad faciendum, uel facio. Vergilius:

Haud

Haud mora, continuo matris praecepta facessit.

Frequentius tamen accipitur pro eo ad recedendum, uel recedo.

Vt Liuius libro primo: Facesse hinc Tarquinius, aut Corinthū.

Capesso, eo ad capiendum, uel capio, Lacesso, eo ad laceran-

dum, uel lacero prouocando. Accerso, uel arcesso, utrunque pro

eo ad uocandum, uel uoco. Terentius in Andria: Obstetricem

accerso. Quidam etiam in quarta coniugatione utuntur, ut ibi:

Mitte in Ioppen, & accersi Simonem quēdam, qui cognomina-

tur Petrus.

Aët. 1. scē. 5.

Aët. 10.

De Verbis meditatiuis, non ritè sic uocatis. c. XXIII.

Commodius autem desideratiua, atque optatiua uocaren-
tur ea, quæ nominantur meditatiua in rio, parturio, esurio.

Cicero: Vtinam aliquando dolor populi Romani pariat, quod

iam diu parturit. Et Liuius: Et quod diu parturit animus uester,

aliquando pariat. Affectum significauit, non cogitationem, aut

actum corporis, qui per hoc uerbum meditor indicatur. Vnde

meditatio armorum, meditatio declamandi, meditatio gladiato-

rum. id est, exercitatio. Esurio, cupio edere. Quintilianus: Pater

filios esurit. Valerius Martialis undecimo epigrammatum:

In omnibus Vacerra quòd conclauibus

Consumit horas, & die toto sedet:

Cœnaturit Vacerra, non cacaturit.

Id est, cœnare cupit, non cacare. Vel dicamus hæc accipi pro

primitiuis. Scaturio magis pro suo primitiuo scatet ponitur,

quod est non solum aquarum, sed herbarum, cæterorumq; sua

sponte ubertim nascentium. Quòd si uolumus sua quibusq; apta

tribuere uocabula, nec à consuetis recedere, ea quæ sunt in sco,

appellemus meditatiua, id est, exercitatiua (Qui enim calefit,

sive calefit, quasi meditatur: id est, ut caleat exercetur. Terent.

Nunc uide utrum uis argentum accipere, an causam meditari

tua) ea in so inchoatiua, hæc in rio desideratiua. Atq; hanc

opinor fuisse ueram, & germanam uerborum significationem,

quam

Philipp. 2. cir-
ca finem.
Lib. 1. Dec. 3.

Decl. 12. circ. fi.

Epigr. 78.

In Adelph. 28.
1. scē. 1.

quam antiquitus impositam posteritas deprauauit.

Vbi Infinitiuo, ubi Gerundio potius utendum sit. CAP. XXV.

Quedam orationes infinitiuum magis postulant, quaedam gerundium, quaedam utrūq; Adiectiua magis infinitiuū, siue actiuum, siue passiuum. Substantiua gerundium genitiui duntaxat casus. Nam de accusatiuo mox dicā. Tu es dignus habere opes, tu es dignus honorari, tu es letus me bene ualere, tu es letus me honorari. Rursus, tempus est gaudendi, locus est expositulandi, commoditas est alloquendi. Participia autem, & multa adiectiua à uerbis deriuata utranque formam sibi uendicant: sed participia iuncta infinitiuis, dicuntur seruare uim participiorum, iuncta gerundio uim nominum. Timens nauigare, & nauigandi: cupiens discere, & discendi: doctus, peritus, promptus, consuetus cātare, & cantandi. Timidus, cupidus, auidus nauigare, & nauigandi. Nam illud admonitione non indiget, optima res est agricolare, rectè dici: optima res est agricolandi, dici non rectè: quia illud resoluitur, Agricolare est optima res: hoc resolui sic non potest, agricolandi est res optima: nisi fortè durè, & asserè sic: Ipsa enim res agricolandi est optima. Quare illud non probauerim, qui dixit: non est mihi opus respondendi: quum esset dicendum respondere, ut sit suppositum, me respondere, opus uerò appositum. Item, Habeo à patre mandatum conueniendi te, Latine dicitur. Mandatum est mihi à patre conueniendi te, Latine non dicitur: quia mandatum hīc uerbum est, unde non potest regi huiusmodi gerundium: illic nomen substantiuum, unde regitur gerundij genitiuus: nisi in utraque oratione expositione utaris. In prima quidem, ut sic intelligas, Habeo à patre mandatum conuenire te: scilicet hoc ipsum conuenire te. In secunda uerò ut mandatum sit nomen, non uerbum, aut participium: quasi mandatum adest mihi à patre. Ad quam tergiuersationem confugere non poterit quispīam in talibus exemplis

exemplis: Habeo in tabulis publicis à patre mandatum conueniendi te. Hic non poteris dicere, conuenire te. Item, est mihi iniunctum, ac mandatum conuenire te, ubi dicere non poteris, conueniehdi te. Cicero tamen ad uxorem nouo quodam modo locutus est: *Quum* in animo haberē nauigandi. pro eo, quod est nauigare. Vt libro primo de Diuinatione: Haberetq; in animo nauem conscendere. Itaque subintelligitur propositum, siue uoluntas. Sicut in illo fit apud eundem: *Quum* illius dici mihi uenit in mentem. Et alibi: Non minus ei uenit in mentem potestas, quàm æquitatis tuæ. Vbi quidam uolunt accipi genitiuum pro nominatiuo. Mihi potius placet subintelligi conditio, status, qualitas illius diei, tuæ potestatis, tuæ æquitatis, aut aliquid simile. Ita hic propositum, siue uoluntatem: ut sit, quum haberem in animo propositum nauigandi. Venio nunc ad accusatiuum gerundij. Dicimus itaque, induxi te ad nauigandum, non autem nauigare: nisi more Græcorum, qui quum careant gerundio, funguntur infinitiui cum articulo, raro sine eo: licet nunc quidam frequentissimè utantur: ut, Non ueni soluere legem, sed adimplere. Pleriq; eruditorum dixissent, non ueni ad soluendam legem, sed ad implendam: quos & ipse nunc imitor, imitandosq; omnibus arbitror. Quam enim causam habes, ut alienam linguam secteris, relinquo tuam? Quanquàm ne illam quidem sequaris, quum careas articulis, quibus Græci utuntur. Et quod illi habent *καὶ*, tu malis dicere, quia, aut quoniam, quàm quòd: ut in eodem, Putatis quia ueni soluere legem, quum esset dicendum, quòd. Sed ad rem: Vocauit te ad currèdum, non currere: sto ad prædandū, non prædari: sedeo ad audiendum, nō audire: uado ad uenandum, non uenari. Rursus, iussi te arare, non ad arandum: cogito insidiari, non ad insidiandum: timeo ædificare, non ad ædificandum. Quædam uerba, & adiectiua cum utroq; conueniunt: hortor te studere, & ad studendum: flagitor respondere, & ad respondendum: paratus sum scribere, & ad scribendum:

Pro Quintio.

Matth. 3.

ego aptus sum pugnare, & ad pugnandum: ille est idoneus militare, & ad militandum: quæ omnia rara sunt. pleraque potius huiusmodi accusatiuum postulant, ut bonus, utilis, commodus, malus, inutilis, incommodus ad militandum.

De Differentia infinitiuorum Esse & Fore, & compositorum. CAP. XXVI.

Fore uocē quidē habet infinitiui ut esse, significationē uerō participij, quod est futurum, unā cum infinitiuo esse. Idē est enim fore, quod futurum esse, nō tantum esse: licet fore fores foret, idē sit, quod esse esses esset. Quare cum nomine iungi debet fore, non cum participio, ne duo participia simul confundamus. Spero te amatorem, uel amicum fore: non autem amaturum fore, sed tantum amaturū: ne uidearis hoc dicere, te futurū amaturū quod ratio non patitur, quū futurum superuacuum sit. Idem de participio passiui futuri: timeo te uerberandū fore: satis erat uerberandum, uel adiuncto infinitiuo, uerberandū esse. Participia autem presentis tēporis, & prætēriti uidentur minus cōmunionis habere cum fore, quod ad futurum spectat, quā participia futuri tēporis: tamē plus habēt cōmunionis. Ibi enim ideo non cōuenit, quia superuacua significatio est, quod hic non fit: eō quod sæpe cum istis coniunctū illud fore reperimus, sed ita trāsēunt in nomē, alioqui non congruant diuersorū temporū eodem in loco participia: ut, spero te sapiētē fore: credo me amantē tui fore. nō te. Seruant enim naturam nominis, non participij. Opinor te acceptū illis fore. nō ab illis. Cic. Sperare uideor Scipionis amicitia, & Lelij notā posteritati fore. non dixit à posteritate. Quod si quando reperiatur retinere naturam uerbi, quid mirum? quum etiam nomen ne sit, an participium dubitari possit, & putari potius nomen: ut, ego sum dilectus ab omnibus: & ego ero dilectus ab omnibus. Non enim hoc est participium presentis tēporis, aut futuri, nec tempus perfectum indicatiui, nec futurum subiunctiui, tamen cum presenti iungitur, & futuro. propter quod

De Amic.

quod debet potius nomen uideri: sicut & participium futuri passiuum in nomen conuertitur, tuncq; recipit fore: ut, spero hunc puerum admirandum uirum fore: id est, admirabilem. Cōposita autem à fore nullam controuersiam habent, quia ferè nulla ponuntur sine nomine, & participio. Affore, ut Verg. Affore Aen. 9.
re cernetis. Statius tamen libro primo Thebaidos uidetur accipere pro significatione praesentis:

—Sensit manifesto numine ductos

Affore, quos nexis ambagibus augur Apollo,

Portendi generos uultu fallente ferarum, Ediderat.

Desore, ut Marcus Tullius contra Rullum: Verum arbitrantur non desore, qui illam restitueret. Absore, quod minus in usu est: unde dicuntur absuturi. Consore, & prosore apud Comicos: Prosore, ut Horatius:

Quae nocuere, sequar: fugiam, quae prosore credam. Id est, Epi. 1. lib. 1. profutura esse.

De Gerundijs.

CAP. XXVII.

Gerundia licet à participijs differant, tamen propriè inter participia numerari possunt (sicut supina inter uerba) meritoq; participialia uocata sunt. Nam & casus, & genera in utroq; numero habent, ex quo uerba non sunt, sed participia, siue participialia. Regunt præterea casum more uerborum, participiorumq;: ex quo nomina non sunt. Post se inquam regunt, non ante se. Nam eiusmodi locutio, qualis est: In conuertendo Psalm. 115.
dominus captiuitatem Sion, facti sumus sicut cōsolati: inaudita est, Græca figura decipiente (ut in alijs multis) interpretem. Græci enim hoc loco infinitiuum habent, quod uult ante se accusatiuum. Quod multis modis transferri poterat, uel sic: Dum conuerteret dominus captiuitatem Sion. Vel sic: Conuertente domino captiuitatem Sion. & alijs (ut dixi) multis modis. Quidam imperiti aiunt, casum pro casu poni, quasi Latine diceretur, si esset dominum: quale est illud, In deficiendo ex me

e

spiri

Pfal. 141.
Pfal. 101.

Valla de gerun-
dijs loquēs, ger-
undia à gerun-
dijs non di-
stinguit.

spiritum meum. Et alibi: In conueniendo populos in unum, & reges, ut seruiāt domino. quum (ut ostendi) gerundium nō habeat ante se casum. Sed ad propositum. Differunt gerundia à participijs, quod ipsa significant rei administrationem sine tēpore: illa uerò tempus sine rei administratione. Vt, tenet me occupatio iuris dicundi: gerundium est, nec tempus significo futurum, sed rei administrationem, hoc est, in iure dicundo. Rursus, tenet me cura dotis numerāda, id est, quae numerāda est: participium est, futuri significatiuum, sine administratione rei. Nescio an dicendum sit gerundium esse participium praesentis tēporis more Græcorū: cuius rei hoc argumentum est, quod idem est In legēdo, & In ipso legere, quod Græci melius ἐν τῷ ἀναγιγναισκῶν: & in libris legendis, idem est, quod quum libri leguntur: penē eodem modo, quo de futuro in legendis libris, uidelicet qui legendi sunt. Nolunt autem grammatici gerundium rectum habere casum, sed quatuor tantum obliquos: fortasse & casu recto non caret apud Lucretiū, atq; Vergiliū: -Voluenda dies en attulit ultro. Voluenda, nō tempus futurum intelligit, sed rei administrationem, dies uidelicet quae uoluitur, nō quae uolūda est, aut quae uoluetur. Vnde indicatur gerundium esse participium praesentis tēporis. Iusiurādum enim potest uideri eiusdem casus, atq; etiā uocatiui. Sed de quatuor nunc obliquis differamus, quo in loco breuissimè stultorum quorūdam opinionē reprehendamus, qui aiunt rectē dici, causa essendi rex, essendi regis, essendi regem, quum nusquam essendi reperiatur: & si reperiatur, nō regeret casum, sicut manēdi, uiuēdi, existendi. Et de genitiuo iam exēplum subiecimus: occupatio iuris dicundi. De datiuo tale est, Da operam rebus agēdis. De accusatiuo: ut, Ad accusandos homines duci praemio, proximū latrocinio est. De ablatiuo, Tu delectaris criminibus inferēdis. Cum accusatiuo ferē semper iūgimus praepositionē, praeter quedā pauca, quae sunt: Loco, Conduco, Mādo, Curo, Habeo, pro debeo: & siqua sunt

Act. 7.

Sunt alia. Vt faciendam sepulturam locarent: id est, alteri darent
 faciendam: uel, ipsi locarent se ad faciendum: utrunq; enim signi-
 ficat: nec participium est, sed gerundium illud faciendam: quod Epist. 11. lib. 41
 exemplum sumptum est ex Sulpitio. Cicero de Diuinatione libro sa. epi. Cic.
 secundo: Magis numine deorum id factum est, quam casu, ut ar-
 bitraris: & redemptorum, qui columnā illam de Cotta, & Tor-
 quato cōduxerant faciendam, quasi locarant, & conduxerant ad
 faciendum. Suetonius autem in uita Caesaris: Gladiatores, inquit, Cap. 16.
 notos, sicubi infestis spectatoribus dimicarēt, ui rapiēdos, refer-
 uandosq; mandabat. Curauit iaciēdos lapides sæpe legimus: sed
 ita ferē ut alius curet, alius iaciat: ut Cicero V I I. Verrinarum:
 Recēti negotio ad te literas misit, mittēdasq; curauit. Interdum
 idem qui curat, & qui agit: ut Plinius posterior, Petis ut libel- Epist. 16. lib. 41
 los meos, quos studiosissimē cōparaști, recognoscēdos, emēdan-
 dosq; curem. Et iterum: Continendos cauea, nido'ue curabis. Epist. 16. lib. 9,
 Quintil. in Mathematico: Positus in ea conditione tristissima Ded. 41.
 sortis, ut nec morte dignus sim, nisi me parricidam putetis: nec
 prēmio, nisi innocētem: adeoq; ludibrijs misere sum diuersitatis
 implicitus, ut impetrādum à uobis habeam odij mei fauorē. Pli- Epist. 8. lib. 1,
 nius idem ad Saturniniū: Præsertim quum enitēdum haberemus,
 ut quod parētibus datur, & orbis probaretur. Suetonius in uita
 Caesaris: Vt cōsolandos eos magis imperator, quā puniendos Cap. 61.
 habuerit. Hunc modum loquēdi apud Ciceronem reperisse non
 memini me. In his exēplis, ubiq; gerundium est. Illa autē parti-
 cipia in nomen trāseuntia, putauī ad te scribendum, existimaui
 hanc rem tractandam, censui tibi illud significandum: id est, di-
 gnum scribi, tractari, significari: quæ omnino idem ualent,
 quod scripsi, tractaui, significaui: sed non sine deliberatio-
 ne tamen, nec incōsultō. Dicebant autem antiquiores rogatum
 te uelim, oratos uos uelim, pro eo, quod est rogo, uel oro:
 sicut posteriores (quorum est Quintil.) dicebant, Venio peti-
 turus, uenio oraturus: pro eo, quod est uenio petiturus, & uenio

- oratum. Sed hoc ad supini magis rationem pertinet. Illud autē,
 Ser. in illud. 10. quod Seruius ait gerundium esse, participium est potius, aut no
 Aen. Cui luno men, quum inquit. Simuliter etiā accusatiuo casu utimur, qui
 illachrymans, quod si quæ &c. uolumus absolutam facere elocutionem, & per gerūdiū modum
 aliquid dicere: ut, Petendum mihi est equum, codicem, uinum.
 Aen. 11. Hinc Verg. -Pacem Troiano ab rege petēdum. Nam si dixe-
 ris, petendus est codex, iam non per gerundij modum, sed par-
 ticipialiter loqueris. Hoc non aliter participium est, seu nomē,
 quam illud, petendum est mihi iumētum, præsertim quod gerū-
 dia nō regūt passiue, sed actiue, & nominatiuis carere credun-
 tur, & accusatiuis præpositionem anteponi uolunt, sicut antē
 ostendi. Vt accusatiuus, ita & ablatiuus amat secum præposi-
 tionem: Vt, In defendendo maior labor est, quā in accusando.
 Indagemus (si possumus) cum quot præpositionibus accusati-
 uus gerūdiū iungitur, cū quot item ablatiuus. Accusatiuus iūgi-
 tur frequenter cum ad, rarò tamen cum in. Item frequēter cum
 ob, propter, & inter, rarò cū ante: ut uado ad capiēdum hostē,
 ego ueni ob te, uel propter te redimēdum. Inter nauigandum,
 pro in nauigādo sæpe legimus. Verg. -Et inter agendum
 Edog. 9. Occursare capro, cornu ferit ille, caueto. Idem:
 Georg. 3. -Nanq; ante domandum Ingentes tollent animos.
 Totidem ferē præpositiones ablatiuo gerūdiū seruiunt. In, fre-
 quenter, cæteræ rariu: de, ex, uel è, à, uel ab, & cum. I N, ut in
 Lib. 6. in fin. nauigando. D E, ut de edendo, de migrādo, de agendo. Quintil.
 cap. 6. Sed quia latius fusus est hic locus, mixtusq; cum elocutione, tra-
 Etabitur cū præcipere de aptè dicendo cœperimus. Etiā cum
 Epist. 1. motu: ut Cic. ad Atticum lib. 1 x. Tu quid cogites de trāseundo
 in Epirum, scire sanē uelim. E x, uel è, Vt ex defendēdo, quā
 In Lctio. ex accusando uberior gloria cōparatur. A uel A B. Cic. Ex quo
 exardescit siue amor, siue amicitia: utrunq; enim dictum est ab
 De orat. lib. 2. à discendoq; deterrent. Et alibi: Non distinguit à non dolendo
 uolu

uoluptatem. Plinius posterior: Sermonibus dies transigebat, Epist. 7. lib. 3.
 quum à scribendo uacaret. c v m, ut Quintil. Sed ratio recte Lib. 1. c. 3.
 scribendi iuncta cum eloquendo est. Variantur porro gerundia
 per omnes, quos enumerauimus, casus, numerosq; , & genera.
 Nam (ut ego sentio) hæc omnia habent in genitiuo, ut delecta-
 tio fruendi principatus, fruēda prouinciæ, fruēdi imperij, mo-
 lestia educandorum filiorum, locandarum filiarum, colendorū
 prædiorum: regitq; hic genitiuus aliquando casum. Cicero: In Cat, Ma.
 Equidem efferor studio patres uestros, quos colui, & dilexi, ui-
 dendi. Nam durum fuerat futurum, studio uidendorum patrū
 uestrorum. Et quoties oportet loqui per relatiuum, necesse est
 loqui per hoc gerundium: ut, hic dies attulit initium dicendi quæ
 uellem: nō autem dicendorum eorum, quæ uellem. Illud Titi Li-
 uij lib. x x 1. quis nō uitiosum putaret, ubi tamē summa hone-
 stas Latinitatis subest? Non enim uereor, ne quis hoc me uestri
 adhortādi causa magnificè loqui existimet, ipsum aliter animo
 affectum esse. Adhortandi enim singularis numeri est, uestri ue-
 rō pluralis. Item Cicero libro secundo de diuinatione: Dolebis
 tamen Stoicos nostros Epicureis irridendi sui facultatē dedisse.
 Plautus in Captiui duo: Nominandi tibi istorum erit magis,
 quàm edundi copia. In datiuo, Vaco agro colendo, uineæ pa-
 stinande, nemori succidendo. In plurali una uox est trium ge-
 nerum, ut uaco agris, uineis, nemoribus procurandis. Qui casus
 regimen non habet. Absurdum sit nanq; dicere, do operam co-
 lendo agrum, uel legendo librum. Soluendo nō sum, nunquā
 patitur secum substantiuum. Ideo dubitari potest, an datiuus sit,
 an ablatiuus. Significat autem satisfacere pro eo, quo obligatus
 sum, siue pecunia, siue remuneratione. Vt Quintil. Placamus
 licet nobis fortuna nostra pater, pauperi soluendo non sumus.
 Vult autem semper post se datiuum, licet non semper apponā-
 tur. Interdum etiā alium casum: ut apud eundem, Maximi tum Declam. 8.
 uirorum, & quibus artis suæ soluēdo nō sit humanitas. In accu-

satiuo: ut, eo ad salutandum fratrem, ad salutandam sororem, ad
 salutandum fidus, ad salutandos fratres, ad salutandas sorores,
 ad salutanda sidera. Quod elegantius dicitur, quàm cum regi-
 mine: ut, eo ad salutandum fratres, ad salutandum sorores, ad sa-
 lutandū sidera. Per alias quoq; præpositiones similiter: ut inter,
 sed rarò habet cum gerundio substantiū, rarius regimen. Li-
 vius tamē lib. 2. Et ipse inter spoliandum corpus hostis ueruto
 percussus. Et iterum: Inter accipiēdas de suis cōmodis rogatio-
 nes. De ante, nullum tale impræsentiarum exemplum occurrit.
 In ablatiuo sine præpositione: ut, fit iniuria domino fundi uel
 defringēdo ramo, uel ligno incidendo: res eunt ordine lite æsti-
 manda: id est, quum defringitur ramus, quum inciditur lignum,
 quum lis æstimatur: uel defringēdo ramum, incidendo lignum,
 æstimādo litem. Sed frequētius usi sunt ueteres ablatiuo plurali
 in procem. Off. in tali genere sermonis: ut Cicero: Orationē autem Latinā pro-
 fectò legendis nostris efficies pleniorē. id est, legendo nostra.
 Nam in singulari solebant sæpius apponere præpositionem, ut
 In cōmittendo prælio. Regit autem hic ablatiuus sine præposi-
 tione casum: ut, hos accusando, illos decidendo totam ciuitatem
 labefactasti. Cum præpositione I N, tum regit: ut, in tribuendo
 suum cuique: tum uariat genera: ut, in colendo agro, in pasti-
 nanda uinea, in nemore excidendo. Per D E, simili modo etiam
 regit: ut Cicero in Tusculanis, His præsertim cognitis, quæ de
 nihil sentiēdo paulò antè dicta sunt. Nisi dicimus, nihil esse ad-
 uerbum, non nomen. Et uariatur per genera: ut, de accusatore
 constituēdo, de collocanda filia, de prædio emēdo. Per E X, uel
 E, & A, uel A B, nescio an liceat dare tali gerundio regimen:
 nullū enim exēplū occurrit. Variari autē per genera certū est.
 Cato: Ex cataplasmatibus bibendis, ex aluo leuanda. et, Abstinere
 ab offēdenda Repub. Sed cauendum, ne id uerbum significet
 motum, quale esset Reuertor ab arando: uel, ab arando aruo.
 Redeo à spectando: uel, à spectandis ludis: quum sit dicendū, re-

uertor

uertor ab aratione: uel, ab aratione arui: redeo à spectaculo: uel, à spectaculis ludorum. Per c v m uix locum habet talis oratio, ut non participium sit potius, quam gerundium: ut, sedeo cum uiro coronado: id est, qui coronabitur, non autē qui coronatur. Posset etiam habere regimen, sed nullum exemplū ad manū est. Atq; omnia gerundia cum sociata sunt substantiuis, passiue accipiuntur: disiuncta uerò, actiue: nōnunquam passiue, utiq; sine genere, & sine præpositione in casu ablatiuo, et quasi absolute: ut apud Vergil. — Alitur uitium, crescitq; tegendo. Et alibi: — Aegrescitq; medendo. Et iterum: — Vritq; uidendo Fœmina — hoc est, quum tegitur uitium, quum curatur ager, quum uidetur fœmina. Neq; id modò apud poëtas, uerum apud oratores quoq;: ut apud Mar. Fab. Sed memoria excolendo, sicut alia omnia, augetur. excolendo, dum excolitur, nō autē dum excolit. Nec regit casum, quale foret: uirit fœmina uidendo à maribus: sicut dicimus, uruntur uiri, & equi uidendo fœminas. Accusatiuus quoq; cum præpositione non tantum actiue accipi solet: ut, tu es idoneus ad discendum, sed etiā passiue: ut, hæc res est facilis ad discendum. Sallustius in Iugurthino: Pauca supra repetam, quò ad cognoscendum omnia illustria magis, magisq; in aperto sint. Quidam uerò indoctus hac ætate scribere ausus est: Iamiam urbs in periculo capiendi est. pro eo quod est, urbs iam in periculo est, ut capiatur: siue hostis parum abest à capienda urbe. Quum semper sine substantiuo gerundium accipiatur actiue, aut si à neutro uenit, neutraliter: nisi aliquādo, ut ostendimus, in ablatiuo.

De Supino in tum.

CAP. XXVIII.

DE supinus ita ait Priscianus in compediario quodam opusculo: Sed hoc interest inter amandum, quod est gerundiū, & amatum, quod est supinum: quòd amandum necessitatem amoris significat, amatum autem imitationem ad amorem. Dignum obseruatione præceptum elegantie, si modò uerum:

Georg. 3.
Aen. 11.
Georg. 3.

Lib. 11. c. 3.

Hoc opusculū
in calce operū
Prisc. reposuit
est.

Quidam non
imperiti apud
Prisc. non, ut
Valla, imitatio
nem ad amorē,
legunt: sed imi-
tationem.

In Iugur.

quod minime est, tum autoritate, tum ratione. Nam autoritatis loco exemplum nullum posuit: Et quodnam quaso ponere poterat? Quid interest, uado uenatum, & uado ad uenādum? uado piscatum, et uado ad piscādum? dormitū, & ad dormiēdum? Sallustius: Legatos ad Iugurtham de iniurijs questum misit. Et iterum: Non mea culpa ad uos sepe oratum mitto P. C. sed necessario, nō imitatione. Præterea pro ratione hoc sit, quod Græci pro his duobus nostris transferentes utuntur uno suo infinitiuo cum articulo, πρὸς τὸ πᾶσαι ἔρ, quod nos uicissim transferentes, nunc per gerundium, nunc per supinum interpretamur. Siquid autem inter hæc duo interest, id erit, quod supinū nunquam ferè est sine uerbo significāte motum ad locum, ut eo, ut uenio. Nam illa, do filiam nuptum, do uenū, siue uenūdo ædes, spectatum admissi fuimus, latentem in se motum obtinent. Idem

Prisc. lib. 9.

Priscianus in alio grandi opere, & multi tum ingenij, tum laboris inquit: Frequenter tamen antiquissimi neutro participio futuri addebant esse, & infinitiui futurū significabant, ut oraturum esse, pro oratū ire: facturum esse, pro factum ire: nupturū esse, pro nuptum ire. Quod mihi minime uidetur. Nam ut cōcedam, quod meritò denegare possum, quod Latine, aut certè usitate dicamus, pro eo quod est, cupio filiam meam nuptum ire, & nos factum ire: cupio filiam meam nupturum esse, & nos facturum esse: quum dicendum sit nupturā esse, & facturos esse: dico aliud esse oratum ire, & oraturum esse. Ego quidem cœnaturus sum, non tamen eo cœnatum, uel ad cœnādum. Et scio te cœnaturū esse, sed nō protinus ire cœnatū, uel ad cœnādum. Nam participium futuri cū uerbo substantiuo nō habet actionem illam, & motum, quem habet uerbum eo. Atqui in passiuo fuerat uerisimilius, si dixisset (quo etiam frequenter utuntur autores) idem esse, damnandum esse & damnatum iri. Nam eodem loco dicere possumus, credo peccatū meum resciscēdum esse, & rescitū iri. Item, intelligo, scio, uideo, opinor, existimo

pecca

peccatum meum patefaciendum esse, uel patefactum iri: & cetera uerba huiusmodi. Illa autem quæ ad futurum respiciunt, ut timeo, metuo, uereor, spero, cupio, non idem faciūt, quibus maior differentia est cū passiuo participio futuri: ut uereor peccatum meum patefactum iri, magis quàm patefaciendum esse. Cupio culpam meam celatum iri, potius quàm celandam esse. Item timeo peccatū meum patefactum iri. Et pro illo modo per passiuū participiū futuri substituimus huiusmodi: timeo peccatū meum ne patefiat, uel ut patefiat: quod fieri nequit in alijs uerbis. Non enim licet dicere, scio peccatum, ut resciscatur, sed rescitum iri: uel resciscendum esse. Deniq; (ut eò reuertar, unde egressus sum) ut semel Prisciano respondeā, non idem esse oratum ire, & oraturum esse, alterum presentis temporis est, ut uideo te accusatum ire me, id est, nunc: alterum futuri, ut uideo te accusaturum esse me: & tamen accusatum iri me abs te uideo, accipitur pro eo quod est, uideo te uel accusatum ire me, uel accusaturum esse me, uel abs te accusandum esse me.

De Supino in tu.

CAP. XXIX.

Idem autor, & in eodem, quod supra dixi, opusculo, ita ait: Hoc interest inter amando, & amatu: quòd amādo est in ipso amore, amatu uerò pro amatione, uel pro amore: id est, pro ipsa re accipitur. Et hoc manifestat ipsa etiam interpretatio Græca. Sed an hæc differentia uera sit, & hoc ex Græco argumentum quantum momenti habeat, Priscianus uiderit. Mea autem sententia tum ex superioribus, quæ dixi in gerundio, tum ex sequentibus apparebit. Paulò post subiungit: Accipitur uenatum pro ad uenationem, quomodo uenatu pro uenatione: sicut miserabile uisu, pro uisione: & Nec uisu facilis, nec dictu effabilis ulli. pro uisione, & dictione. Multis igitur modis, sicut & in alijs docuimus locis, nomina sunt hæc accipienda magis, quàm uerba. In hoc ego à Prisc. liberè dissentio, uel ratione, quam postea dicam, uel autoritate, & potissimum Mar. Fab. quem

Lib. I, cap. I.

omnibus sine controuersia ingenijs antepono: qui ait Dictu, factuq; aliud esse, quàm dicto, factoque, quæ Prisc. appellat dictione, & factione, quæ alius in significando figuræ sunt, quàm uisione & uenatione. Præterea Quint. uocat uerba participialia, sicut à multis gerundia dicuntur nomina participialia. Et (quod ad rationem pertinet) supina hæc per uerbum potius à Grecis transferuntur, quàm per nomē: quod si nomina forent casus ablatiui, certè alij casus non deessent. At nemo unquam auditum habet, hic dictus, hic factus, sed tantum dictu, & factu. Propter quod necesse est aliud esse quàm dicto, & facto, siue dictione, & factione: id est, aliud quàm nomen. At uisu, auditu, cognitu, inuies, & omnes casus habent, & hi ablatiui sunt. Hæc parum prudentis, aut certè parum perspicacis est ratio. De qua antè quàm dicam, libet castigare uulgus imperitū grammaticæ professorum, qui uniuersum sanè orbē stulto errore peruertunt, sic semper loquentes, eo lectum: uenio lectu, pergo auditū, reuictor auditu. Qui error unde profectus, & quo ex fonte imperitiæ emanauerit, nescio: summoq; opere hallucinationem publicam admirror, quod tam diu à nemine animaduersus est. Nunc ostendamus quæ differentia est inter uisu, & auditu nomina, & inter uisu, & auditu uerba. Quando sunt nomina, significant sensus corporis, coniunguntur cum adiectiuis, regunt casus, reguntur etiam à uerbo, & participio, subscriuiente quoq; præpositione: ut careo toto uisu oculorū, antea priuatus auditu aurium, non nihil etiam ex odoratu. Hæc omnia absunt à supino: siquidem supinum non rem, non substantiam, non qualitatem, sed actionem, seu potius passionem uerbi significat. Non iungitur cum adiectiuo, non regit casum, non regitur nec à uerbo, nec à participio, sed à nomine tantum, eodemq; adiectiuo, nunquam interueniente præpositione: ut miserabilis uisu: id est, quū uidetur, non autem miserabilis sensu uidendi: facilis uisu: id est, ut uideatur, uel facilis ad uidendum, non autem quod habeat uisum facilem: effabilis

effabilis dictu: id est, ut dicatur, non autē ut dicat: optimum factu: id est, ut fiat, non autem ut faciat: difficile factu, quia difficile ad faciendum est: incredibile memoratu, quum memoratur, non memoratone: dignum auditu, quod est audiri dignū, non ut sensu audiendi potiatu: impossibile creditu, ut credatur, non ut credat: acipenser piscis rarus inuentu, ut inueniatur scilicet, non ut inueniat: res iucunda cognitu, ut uidelicet cognoscatur: absurdum relatu, cum refertur: obscenum aspectu, quum aspicitur: & si qua sunt alia. At homo superbus dicto, & dictis, non dictu. Sæuus factu, & factis, nō factu: id est, quum dicit, non quum dicitur: quum facit, non quum fit. Res uerò sæua factu, & dictu, id est, quum fit, aut dicitur, non quia facit, aut dicit. Scipio clarus administratione bellorum dicitur, & administratu bellorum, quando est ablatiuus, id est, administratione. Cato dignus administratione Reipub. & administratu, eodem modo. At Reipub. digna est administratu, uerbum est: id est, ut administretur, nisi addendo genitiuum facias nomen, administratu Catonis. Quare in illo Vergiliano, quod Priscianus affert:

Aen. lib. 5.

Nec uisu facilis, nec dictu effabilis ulli:

quandoquidē abest genitiuus, non est nomen, ut ille uult, pro uisione, & dictione: sed uerbum, pro eo, quod est ad uidendum, uel dicendum. Nec ignoro à multis legi affabilis, non effabilis, quod putatur sumptum ex illo uersu Accij in Philoctete: Quem neq; tueri contrā, neq; affari queas. Quod si ita est, nomen esse confitebimur, sed tamen nequaquam supinum. Multi scripserūt de cultu agrorū, nomen est: id est, de cultione, & cultura agrorum. Locus autem saxosus non est dignus cultu, nempe ut colatur, uel dignus coli. Homo dignus amatu, puer dignus doctu, liber dignus lectu: id est, qui ametur, doceatur, legatur. Ideoq; quā ex omnibus uerbis passiuis liceat uti talibus supinis, rarō tamen eisdē uocibus utimur loco nominū. Quis enim dicat, tu es priuatus amatu meo, exclusus à doctu meo, doctus sine lectu meo: pro-

fecto

Macrob. in 6.
Saturn. cap. 11.

fectò nemo. Ex quo apparet, quò in usu uulgatissimo sint pro uerbis, ut ille liber est dignus lectu, nò posse inter nomina numerari. Ea tamen quæ ambiguum usum habent uerbi, & nominis, animaduertendum est utram in partem accipi debeant: ut, tu es dignus gubernatu: si pro gubernatione, nomen erit: si pro eo quod est, ut gubernaris, uel dignus gubernari, uerbum: sed nomini accommodare solemus, aut etiam debemus genitiu: uerbo nec debemus, nec solemus. Deniq; ex duobus supinis alterum actiuo uerbo dare possis, alterum passiuo: ut amatum sit ab amo, amatu ab amor.

De Participio præteriti temporis significante actionem: & de præsentis, passionem. CAP. XXX.

Participia quædam in uoce passiuæ actionis: quædam in actiuæ passionis significant. Circumspectus, Consideratus, Disertus, Cautus, Tutus, Ignotus, Argutus, Falsus, Contētus, Tacitus, Profusus, Fluxus, Scitus, & quo nonnulli utuntur, Discretus. Circumspectus est, non qui circumspicitur, quæ solemus appellare cōspiciuum, sed qui circumspicit, & in omnem partem morè Iani spectat: hoc est, prudens, & sagax. Cōsideratus, inconsideratusq; , qui agenda considerat, aut secus: non qui consideratur, aut non cōsideratur. Disertus, qui probè differit, non qui differtur. Cautus, qui scit sibi cauere, non cui cauetur. Nonnūquam tamen res cui cauetur: ut pro Cecinna Cicero, Quò res mulieris esset cautior. Tutus portus, tuta urbs, quòd tucatur alios, non quòd ab alijs defendatur. Tamen sepe passiuè in hominibus: ut, tutus sum ab hostibus, quòd munitus, & sine periculo sum. Ignotus etiam sepe actiuè, ut Quintilianus: Ne quis tamen eret ignotus, non est filij mei nouerca, sed mater. Ignotus dixit pro ignorans, & pro hospite, & alieno, non pro ignorato. Argutus, qui est acuta quadā, & accurata solertia, quasi acutè arguens, & uestigans, non autē ab altero acutè intellectus, & uestigatus. Falsus, qui fallit: ut Terentiū; Censens ullum me uerbum potuisse

Declam. 6.

In Andr. act. 1.
sc. 5.

potuisse proloqui? Aut ullam causam ineptam saltem, falsam, ini-
quam? Aliquando etiam passiue: ut idem, Falsus es: id est, dece-
pius es, ait Pamphilus Carino. Et Sallustius: Nec ea res me fal-
sum habuit. Contentus, qui continet, quod animo satisfacit, non
qui continetur. Tacitus homo, taciturnus: qui tacet, non qui ta-
cetur. Vergilius tamen posuit passiue:

In Andr. act. 4.
sce. 1.

Quis te magne Cato tacitum, aut te Cossæ relinquat?

Aen. 6.

Profusus, & fluxus actiue apud Sallustium: Alieni appetens, sui
profusus, quasi profusor. Nam diuitiarum, & formæ gloria flu-
xa, & fragilis habetur. Scitus qui sciens est, & argutus: unde

In Catil.

scitæ Platonis interrogationes dicuntur, astuta, & uasra, ac cum
magna arte compositæ. Vt apud Terentium quoque: Scitum her-

In Eunu. act. 1.
sce. 1.

cle hominem, hic homines prorsus ex stultis insanos facit. Nisi ac-
cipere uelimus passiue: ut apud eundem, -Scitus puer natus est

In And. act. 1.
sce. 1.

Pamphilo, quasi scitè, & doctè natus. Discretus, qui qualitates
personarum, & rerum momenta discernit, non qui discernitur.

Complacitus autè ab actiua uoce sicut fluxus uenit, habetque si-
gnificationem nec actiua planè, nec passiuam, sicut fluxus, & in-

ueteratus, quod & ipsum ab actiua uoce descendit, inueterasco
(neutralis enim uerbi, & actiui una uox est, sicut passiuæ, et de-

ponentis, atque communis) cui simile est iuratus à iuro. Iuratos
enim iudices dicimus, qui iurarunt: & excretos hœdos apud

Vergilium, ab excreasco. Et exoletus ab exolesco, quod dum est
substantiuum, significat scortum masculinum, & præcipue iam

Georg. 3. Mul-
ti iam excretos
prohibet à ma-
tribus hœdos.

adultum: dum est adiectiuum, significat adultum, sed raro repe-
ritur: ut apud Plautum, Reliqui domi exoletam uirginem. Adul-

Plau. in Medi-
co. apud Priu-
lib. 9.

tus ab adolesco. Defectus quoque qui deficit. Vt Martialis:

Lib. 13, epi. 77.

Dulcia defecta modulatur carmina lingua

Cantator cygnus funeris ipse sui.

Quintilianus, Defectaque labore senectus, magna pars mortis ni-
hil mihi reliquit, nisi diligentiam. Et hæc quidem significationis
actiue in uoce passiuæ: pauciora sunt in actiua passiuæ. Euidens

nego

negotium dicitur, quod uidetur aperte, & intelligitur: nō quod uidet, & intelligit. Indulgentior facies apud Quintilianū pro pulchra, nō quæ alijs indulgeat, sed cui alij indulgēt. Idē in alio loco: Fili indulgentissime uidi te, nec semel uidi. Vnde Statius: Pulchrior haud ulli triste ad discrimen ituro Vultus, & egregia tanta indulgentia forma.

Præterea honorificentissimos, magnificentissimos, munificentissimos ludos quum dicimus, uidemur passionem significare in participio præsentis tēporis: ab honorificēs enim, magnificens, munificens ueniunt, ubi ficens pro faciens dicitur: uel certē à magnificus, munificus, honorificus: quæ à facio componuntur, quod est actiuū, & tamen ita accipiuntur, quasi honorificē, munificē, magnificē facti, non autē faciētes. Sed causa est, quod hæc ipsa à facio cōposita tam actiuē, quàm passiū significāt. Siquidem uocamus hominē magnificū, & opus magnificū: illum qui dem magnanimiter facientem, hoc uerō magnanimiter factum.

Participium præsentis temporis pro præterito
poni, CAP. XXXI.

De clar. Orat.
in princ.

Solent autores nonnunquam pro præteriti participio substi-
tuere illud præsentis: nec solum Latini, qui carent participio præteriti actiui, sed Græci quoq;, qui non carent. Cicero in Bruto: Quum è Sicilia decedens Rhodum uenissē. Non enim quis discedens applicat. Multum inter principium uia, & finem interest. Primum discedimus, postquā uerō discessimus, nauigamus, uel iter facimus: postea quō tendimus, peruenimus. Quomodo ergo dixit decedēs è Sicilia ueni Rhodū: nempe utens præsentis participio loco præteriti, quod deest. Quod probatur per aliquod uerbum, cui non desit huiusmodi participium: quale est proficiscor. Neque enim dixisset, quum è Sicilia proficiscens, sed profectus. Vt idem de Officijs libro tertio: Si exempli causa uir bonus Alexandria profectus, magnum frumenti numerum Rhodum aduexerit. Nec tamen quis in omnibus uer-
bis

bis permissum esse, quod in discedo, uel decedo permittitur, putet: ueluti si dicas, quum amicos salutans, qui Alexandria erant, Rhodum uenisset: dicendum erat, amicis salutatis. Nam is qui recedit, tam diu recedere dicitur, quam diu tēdit ire, dumq; perueniat: quod non idem fit in salutando. Si quis tamen hoc scēpius uti uelit, faciat, sed temperatē.

De Compendio participij. CAP. XXXII.

Habet autem participium talem, tantamq; nonnunquam gratiam, ut sine eo non sit Latina planē oratio: ut est apud quendam persæpe hoc uitium admittentem: Circumdedimus castris fossam, & uallum, ne hostes uenire possint, & nos opprimere. Quasi fossa, & uallum ideo fiant, aut hoc præstare queant, ne hostes uenire possint. Sola ratio est, ac cautio de oppressione. Itaque dicendum fuit, ne uenientes hostes: aut, ne aggressi hostes, nos opprimant.

De Participijs in ens, in substantium transeuntibus. CAP. XXXIII. ●

Presentis temporis participia solent, quum substantiuantur, neutri generis esse: ut, accidens, contingens, antecedens, consequens, decens, conueniens, præsens, continens apud rhetores, pro firmamento rationis. Quædam tamen alterius generis sunt: masculini, ut oriens, occidens, profluens pro flumine, & confluens quò duo flumina conueniunt. Fæminini, continens pro terra, quæ non est insula: ut A' Sicilia ad continentem parum intercapedinis est. Plinius maior libro quinto: A' proxima continente abest v i i. m. d. passuum. Animans quoque: ut Cicero, Requirat, atque appetat, ad quas se applicet sui generis animantes. Nonnunquam tamen hoc nomen in neutro genere reperitur, sed magis in plurali. Consonans, pro litera non uocali. Prægnans uerò unde sit participium, nescio. Alia quoq; quædam huc pertinentia, in nostris de philosophia libris commodius explicantur.

Cap. 31. de Libro loquens.

Quod

Quodd Participium futuri temporis in no-
men transit. CAP. XXXIIII.

NE illud quidē transeundum est, quēadmodum participium passivum futuri temporis trāsit in nomen. AmāduS, dignuS amari: colēduS, dignuS coli: ita et actiuum. Seneca de naturalibus quaestionibus: Nullam autem mentionem fecit cometarum, non praetermissurus, siquid explorati apud illos cōperisset. praetermissurus dixit pro eo quod est, talis qui praetermitteret: nec tempus innuit, sed hominis qualitatem, atq; animi uoluntatem.

Cap. 3.

Quintilianus in undecimo: Neque omnino huius rei meminit usquam poēta ipse: profectō non taciturus de tanta sua gloria. Non alio modo dixit, non taciturus, quā per participium passiuū iam cōuersum in nomen, ut modō dixi, tacendū, dignum taceri. Neq; omnino significauit hoc usquam poēta ipse, profectō rem sibi nō tacendā. Et adhuc Plin. Iunior: Itaq; partē oneris tui mihi uendico, et tanquā parēs alter puellae nostrae cōfero quin-
Epist. 31. lib. 6. quaginta milia nūmūm: plus collaturus, nisi à uerecūdia tua sola mediocritate munusculi impetrari posse confiderē, ne recusares.

De Repetundis, & repetundarum. CAP. XXXV.

REpetundarū, et de pecunijs repetūdis, non habet alios casus: et dubitari potest participium ne sit, siue nomē, an gerundium. Verres accusatus est repetundarū: uel, de pecunijs repetundis. Quum dico repetundarum, subintelligo pecuniarum. Quo nomine pecuniae, et omnia, quibus diuitiae cōstant, cōtineri dicimus. Haec accusatio propriē cadit in eos, qui quū forent magistratus, prouincialibus aut ui, aut dolo eripuerunt pecunias, aut uasa pretiosa, uestē, frumentū, nauigia, nūmos. Mutatur autem e in u: repetēdarū enim erat dicendū. Sed tertia coniugatio praeter ceteras hoc iuris habet, ut literā hanc immutare possit: sicut accusatiuo plurali tertiē declinationis licet mutare eandē uocalē in i, dūntaxat in his nominibus, quorū genitiuus pluralis exit in ium, ut Seruio placet: nam Priscianus lib. 7. plura praeced-

Ser. in illud. 1.
Aen. Tris No-
tus abreptas,
&c.

pa

pta dat. Sallustius in initio Catilinarij: Omnis homines, qui sese student prestare ceteris animantibus, summa ope niti decet, ne uitam silentio transcant. Ita hoc siue participium, siue nomen, siue gerundium à tertia coniugatione natum, mutauit e in u, uel ob hoc saltem, ut differret ab illo, quod dicitur ad res repetendas: ut, sunt missi legati ad res repetendas. quo significatur, aut principi, aut populo crepta esse uel pecorum, uel hominum, uel locorum, aut terrarum, agrorumq; corpora.

LIBRI PRIMI FINIS.

L A V R E N T I I V A L

L A E I N S E C V N D V M L I =
B R V M E L E G A N T I A R V M
P R A E F A T I O.



ACTENVS de nomine, uerboq; & ex his duobus cōposito participio: nunc de alijs partibus orationis, quid singulae proprietatis habeant, differamus: postea de earum disputaturi cōplexu. De quo priusquam ego dicam, non puto mihi dissimulandum, nō defore, qui meos hos cōmentarios antequam legant, sumant'ue in manus, putent respuendos, tanquam aut ea, quae haudquaquam uetustas statuiisset, digna memoratu, continentes, aut uetustatem ipsam partim negligentiae, partim imperitiae condemnantes, quod praeerisset quae essent in primis (ut ego sentio) digna, quae literis mandarētur: aut potius utrunq; faciētes, quod inepta quaedā minimeq; memoratu digna praecipiam, & ueteres illos perfectos sanē, & cōsummatos, existimem minus cōmodē praecipisse. Ego uerō (ut ad illud primum respondeam) nō uideo cur hanc, de qua loquor, materiam se indignam existimasset aut C. Caesar, qui de analogia, aut Messala, qui etiam de singulis literis uolumina cōscripsit: aut Varro, qui
f de

de Etymologia minutissimas tractavit quæstiones: aut Marcellus, Pompeiusq; linguae Latinae indagatores: aut Aulus Gellius publicus penè literarum censor, qui ut magnū quiddam annotasse se præter ceteros apud Cicronē existimat, explicauerunt pro explicuerunt, & esse in hostium potestatem, pro potestate: quæ ipse indigna ducere opere meo: aut Macrobius Gellij æmulus, qui omnes libros uidetur excussisse, ut aliquid in Latina lingua, quod auribus hominū dignū esset, pro sua uirili parte conferret in mediū: aut tres illi tanquā triamui, de quorū principatu inter eruditos queritur, Donatus, Seruius, Priscianus: quibus ego tantū tribuo, ut post eos quicumq; aliquid de Latinitate scripserunt, balbutire uideantur: quorū primus est Isidorus, indoctorū arrogatissimus, qui quum nihil sciat, omnia præcipit. Post hunc Papias, alijq; indoctiores, Ebrardus, Hugutio, Catholicon, Aymo, & ceteri indigni qui nominentur, magna mercede doctes nihil scire, aut stultiorē reddentes discipulum, quā acceperunt. Multos transeo, quum indoctos, quos numero cōprehendere non licet: tum doctos, inter quos sunt Pædianus, & Victorinus: quorū alter ad orationes, alter ad rhetoricos Marci Tullij cōmentaria composuit: sed prior ut ætate, ita doctrina longè antecedit. Postremò non uideo, cur aliquis de grammatica, ac lingua Latina cōponens, hæc suo officio minora existimet, quibus nihil sanè est in grammatica, & Latinitate præstantius, ut proximus liber potuit esse documento. Quod quum ita sit, dicam ne aut eos imperitia hæc omisisse, aut negligentia? minime. Sed C. Casaris, ac Messalæ libri interciderunt temporum culpa: Varronis uerò de lingua Latina dimidiati reperiuntur, in quibus fortasse ea, quæ ego præcipio, cōtinebantur. Ceteri autem, fieri potest ut quæ à superioribus tractata nouissent, sibi non attingenda existimarent. Deniq; multi scriptores ad nostrā usq; memoriā non peruenērūt. Neq; uerò aliquis hoc loco expectet, ut dicā, non esse cōtumeliosum prioribus, si quid ad illorū inuenta post

Prisc. in præfa.
magni operis.

posteriores adijciant: Nulli unquam ab antiquis ad eundē cursum conficiendū uiam fuisse præclusam: Nihil usquequaq; perfectum: Non omnia posse omnes. Non dicā id, quod Priscianus ait, artis grammaticæ uetustissimos quosq; autores maxime errasse, recentissimos uerò & ingenio, & diligētia longè præstittisse. Id dicam, quod uerè possum dicere, me non tam mea uoluntate (quæ ardentissima erat) ad hoc opus descēdisse, quā prudentissimorū, atq; amantissimorū cōsilio, quum aliorū, tum præcipue Aurissæ, & Leonardi Aretini: quorū alter Græcè legendō, alter Latine scribendo ingenium excitauit meum: ille præceptoris (uni enim mihi legebat) hic emendatoris, uterq; parētis apud me locū obtinens. Ad quos quum separatim de proposito animi mei retulissem, degustationemq; quandam operis demonstrassem, uterq; pro se, ut pergerem, hortatus est, & ut se autore edere, iussit: ut iam integrū mihi non esset illorū autoritati repugnare, si repugnare uoluisssem. Sed currentē (ut dicitur) incitant. O uiros omni laude dignissimos. O de literis, ac de literatis optime meritos. Non ueremini, ne alij eō, quō peruenistis (licet perquā arduum sit) perueniant: sed hortamini, incenditis, & quasi de alto manū scandenti porrigitis. Quare quærentibus, atq; mirantibus audaciam meam, ita responsum uelim, me summis uiris suadentibus hoc opus & condidisse, & edidisse. Quanquā (quod ad cupiditatē meam attinet) quæ tandē sociordia, atq; ignauia mea extitisset, si commisisssem, ut alius hanc laudē mihi qualemq; præriperet? Sunt enim qui nonnulla horū, quæ à me præcipiuntur, uel de me, uel de auditoribus meis audita (nunquā enim ista suppressi) in opera sua retulerint, festinantq; edere, ut ipsi priores inuenisse uideātur. Sed res ipsa deprehēdet, cuius domini uerè sit hæc possessio. Quorū unius libellos quosdam pro amicitia quum legendos eo præsentē cepissem, deprehēdi quædam mea: & quæ me amisisse nesciebā, furto mihi sublata cognoui. Parco illius nomini. Erat autē locus de per, &

f 2 quā

quàm in compositione, de qua re proximo libro disputavi: & de
 quisq; quum adiungitur superlatiuo. Negligenter ille quidem,
 & inscitè tractatus: ut scires aliunde deceptum, non ex se prola-
 tum: & auditum, non excogitatum esse. Conturbatus tamen sum,
 & inquam homini: Hanc ego elegantiam agnosco, & manci-
 pium meum assero, teq; plagiaria lege conuenire possum. At ille
 erubescens, ioco tamen atq; urbanitate elusit, quòd diceret, uti
 rebus amicorū licere, ut suis. At istud, inquam, abuti est, non uti.
 Nihil enim mihi reliqui fit, ubi tu huius rei, in qua ipse labora-
 ui, palmam semel occupaueris. Tum ille etiam urbanus, quòd
 malus parens essem, qui filios, quos genuissem, & educaissem, è
 contubernio eijcerem: ipse tum misericordia, tum amicitia nostra
 ad se domum suam colligeret, atq; educaret pro suis. Destiti in
 illum stomachari, intelligens multò magis mihi bona mea negli-
 genti, quàm illi bona ab alijs neglecta colligenti, uitio dandum
 esse. Quare quis non uidet, non inhonestum esse, ea me mandare
 literis ex me inuenta, quæ alijs ne furto quidem sublata, turpe sibi
 ducunt scriptis suis inserere? Adductus sum igitur ad hoc opus
 componendum non modò magnorum hominum consilio, sed
 etiam necessitate. Nunc ad inceptum redeundum est.

De tribus pronomini-**bus, Mei, Tui, Sui.** C A P. I.

Prisc. lib. 11.



VLTIS in locis Priscianus testatur nihil
 interesse, an utamur primitiuo, an deriuatiuo
 in illis pronomini-**bus, mei, tui, & sui.** Quid est,
 inquit, meus est filius, nisi mei filius? Et alibi:
 mei ager est, & mei agri instrumentū: & mei
 agro dedit: & mei agrum colo: similiter, mei agri, & mei agro=
 rum, & mei agros dicimus: similiter tui agrū, & tui agros: sui
 agrum, & sui agros: nostri agrū, & nostri agros: uestri agrū,
 & uestri agros. Et alibi: Amat ille suum filium, & amat sui fi-
 lium: benedicit suo filio, & benedicit sui filio: petit à me ut pro=
 sim sui filio, & prosim suo filio: & in alijs adhuc locis. Nisi

Prisc. lib. 13.

Prisc. lib. 17.

bac

hac ratione, ut ipsius utar uerbis, Si ipsa tamen possessio in pos-
 seßorẽ faciat transitionem, non est congruũ uti genitiuo primi-
 tiui pro posseßiuo, quia uim habet cõpositi Græci: ut, Ciceroni
 redit suus filius: non satis commodẽ pro hoc dicitur, Ciceroni
 redit sui filius: nec Ciceronem laudat sui filius, pro suus filius:
 & similia. Quia nec apud Græcos bene dicitur, Κικέρωνα γὰρ αὐ-
 τῷ ἰὼν, nisi more Attico pro simplici accipiatur. In quo Pri-
 scianum falli uel ex hoc argumentum est, quod nulla (ut ferẽ
 solet) autorum exempla attulit, & de contrario illorum usu
 retiquit. Ego autem (quoniam de his trium pronominum ge-
 nitiuis inter me, & Priscianum quæstio est) aliquantò altius
 repetam de natura genitiui, & de usu doctissimorum autorum
 disputabo. Et licet non pauca in hanc rem mihi dicenda sint,
 non prosequar tamen paruula, & minuta quedam, & tot uer-
 bis, quot ille fecit, sed quæ eruditissimis euadere uolentibus sint
 gratissima: quæ quum ignota fuerint Prisciano, declarant eum
 non satis stylo oratorio fuisse exercitatum. ~~Et tamen ut~~ (ut
 taceam, si qui sint alij modi) aut actiue, aut passiue accipitur:
 adde etiam posseßiue, quod penè pro actiue accipio. Actiue, ut
 prouidentia dei, bonitas dei. Passiue, ut timor dei, cultus dei. Ibi
 deus prouidet, & benignè agit, non ipsi prouidetur, & beni-
 gnè fit: hîc timetur, & colitur, non timet, nec colit. Posseßiue, ut
 sedes dei, regnum dei. Atque in huiusmodi oratione, ut intelle-
 ctus apertus, atq; unus est, ita in illis ambiguus, & anceps: Amor
 dei, charitas patris, suspicio uxoris: dubium est de utro loqua-
 ris, an de amore, quem deus in nos habet, an de eo, quem nos in
 eum: de charitate patris in filios, an filiorum in patrem: de su-
 spicione maritali, an de suspicione uxoria. ~~Taceo quæ de alijs~~
 do hi genitiui eidem orationi adsunt: ut in Catone Maiore Ci-
 cero, Quid de Publij Licinij Crassi & pontificij, & iuris ciui-
 lis studio loquar? Crassius studet, quod est actiue: ius (ut sic di-
 cam) studetur, quod est passiue. Iterum de Officijs libro pri-

Si ipsa tamen.
 &c. Prisciani
 sunt uerba lib.
 17.

mo, Quare L. Sylla, & C. Caesaris pecuniarum translatio à iustis dominis ad alienos, non debet liberalis uideri. Tunc igitur pronomina, de quibus agimus, sola omnium binos genitiuos sortita sunt: unos, mei, tui, sui: alteros, qui iam exoleuerunt, mis, tis, sis: in quorum penè locum successerunt deriuatiua, meus, tuus, suus. Horum binorum genitiuorum antiquitati placuit, alteros actiue significare, alteros passiue. Nam illa, mis, tis, sis (ut coniectura ducor) actiue, siue possessiue significabant, ut hæc ipsa, meus, tuus, suus: unde pronomina possessiua uocantur. Ennius libro secundo:

Ingens cura mis concordibus æquiparare. Plautus in Penulo:
Do diem hunc sospitem rebus mis agundis.

Quamuis idem in Milite, & iterum in Mercatore, tis pro tui uideri possit accipere, tamè hîc cum Ennio, mis posuit pro meis, non pro mei. Quod non licere fieri, autoritatè ex autoribus repetamus, nec accipi unquam mei, tui, sui, nisi passiue. M. Fabius Quintilia. Et (quod inter ista difficilimū fuit) amore mei uicit etiam matrè suam. Cicero, Quod desiderium tui ferre non posset, & me tui pudet. Vergilius in sexto Aen.

Quiq; sui memores alios fecere merendo. Terentius:

In Andria, act. 1. sc. 5. Vnum hoc scio hanc meritam esse ut memor esses sui.

Non significatio hîc amor meus, quem in alterum habeo, sed (ut sic dicam) quem de me alter habet, & quo amor. Item, non desiderium tuum, sed alterius de te: & pudor non tuus, sed de te: & memoria non sua, sed de se. similiter in plurali, duntaxat duorum: nam sui non uariat uocem genitiui pluralis, ac ne singularis quidem, ut Prisciano placet. Si enim non reperitur, ut mis, tis. Ideoq; opinor & hæc duo illius exemplo pariter intercidisse, quum præsertim in uicem eorū succedat deriuatiua. Hæbent itaque hæc duo pronomina in plurali nostrū, & uestrum, quæ respondent ad illa mis, & tis: & item nostrī, & uestri, quæ respondent ad illa, mei, tui: ut, Nemo nostram, nemo uestram.

non autem nemo nostri, nemo uestri. Rursus, habete curam nostri, sicut habemus curam uestri: non autem, habete curam nostri, sicut habemus curam uestrum. Si quis exempla desiderat, sibi facile reperire poterit. In diuersa opinione Seruius grammaticus est, qui ait: ~~Nostri autem, et uestri~~ genitius pluralis est antiquus, et ex Græco descendens, sicut singularis est *mihi*, et *tibi*: et hoc est unde dicimus, nostri causa fecit, hoc est, nostrum. Forfitan A. Gellium (ut postea apparebit) est secutus. Sed hoc Prius scianum cum alijs in errore, ut auguror, induxit, quod interdum inueniunt hæc non ad aliam referri personam, sed reciproca esse: ut, Ego omnia facio amore mei, tu istud fecisti gratia tui. Vergil. Oblitus ue sui est Itachus discrimine tanto.

Serui. in illud
2. Aen. Quid
furis? aut quomodo
nam nostri tibi
cura recellere

Aeneid. 3.

Sed non fuit causa cur errarent. Nam ita in his passio est, ut in illis: nec alio modo, aliquid ego facio amore mei ipsius, quam tu amore mei. Vt enim diligor abs te, ita diligor à me: ut est apud

Lib. 3. Metam.

Quidianum Narcissum, Vxor amore mei. et tu, sicut ab altero, ita et à te ipso diligeres, et sibi quisque amicus est, ut alteri. Et alia præterea causa cur erraret, quod uideret hæc (quæ nos distinximus per actiuum, et passiuum) in multis indifferenter poni: ut causa mea, et causa mei: fama mea, et mei: imago mea, et mei: potestas mea, et mei: usus, utilitasque mea, et mei: memoria mea, et mei: interdum etiam ipsa deriuatiua pronomina passiuè accipi: ut apud Terent. - Et lacrymis opplet os totum sibi, Vt facile

In Heauton.
act. 2. sce. 3.

scires desiderio id fieri tuo. uidelicet quod tu desideraris, non quod desideras. Quale est, accusatio mea, et crimen meum, quum accusor criminis: quasi accusatio mei, et crimen mei. Sed non satis solertis fuit, tam facile falli. Nam ultimum, ubi passiuè positum est hoc pronomē deriuatiuum (quod quidem rarum est) non magis contra me facit, quam contra ueteres omnes, qui hæc pronomina possessiua uocauerunt, id est, possessionem significantia, quod (ut dixi) rarum est: ideoque non passim hoc reperias. Non enim dicis pro eodem, dolorem tuum, et dolorem tui: ut dixit Tere-

f. 4. tius,

tius, desiderium tuum, pro tui: quod scilicet ipse non dicerem.
 Verum quandoquidem non infinita sunt hæc nomina, quæ na-
 tura quadam ab usu aliorum recedunt, non grauabor de non-
 nullis sigillatim dicere, dum non grauētur audientes, legentesq;
 hæc audire, uel legere. Dicam tamen breuiter: & res digna sci-
 tu in primis, in qua uidemus maximos etiam esse hallucinatos.
~~Primum est, causa mea uenisti, & causa mei.~~ Causa mea acci-
 pitur possessiue, eo modo, quo uia mea uenisti: pecunia mea fe-
 cisti sumptum: iter meo sumptu fecisti. Causa mei uero passiue,
 eo modo, quo beneuolentia mei. ~~Modus tamen prior est usita-~~
 tior. Quid autem de hoc Seruius idem sentiat, postea uidero.
 Fama mea, & fama mei, eiusdem rationis est: & mea fama fre-
 quentius dicimus. Imago mea, scilicet quæ mea est, ut statua mea,
 & forma mea: Imago mei, nempe quæ de me est. Sed prior mo-
 dus est usitatior. ~~Hæc quæ sequuntur, in utranque partem fre-~~
 quentiora, ut alterum tamen alterius sensus sit. Memoria mea
 actiue, quod ego recordor: memoria mei passiue, quod alij de
 me recordantur, uel mentionem habent: sæpe etiam possessiue,
 eo modo, quo fama mea. Dolor meus, quem ipse patior: dolor
 mei, quem alius de me patitur: uel forsitan ego ipse, simq; dolens
 meam uicem, sicut dicimus misereor mei. Copia mea possessiue,
 quam ego possideo: copia mei passiue, qua ego possideor: ut, fa-
 ciam omnibus copiam mei, non meam: meretrix facit omnibus
 copiam sui, non suam. Potestas mea, quam habeo: potestas mei,
 qua habeor. Nec pulchrè dicas alterum pro altero: ut Tu uides
 potestatem meam quanta est, non mei: habes potestatem mei, non
 meam: nisi aliud significet, pro eo quod est, habes eandem, simi-
 lem uel potestatem: ut apud Cicer. Bello Marsico Qu. Octavius
 omnibus faciebat sui conueniendi potestatem. Utilitas mea,
 aliud est quam utilitas mei. Ibi possideo, hîc possideor. Quin-
 tilianus: Sed ut aliquid præstaret patriæ utilitas mei. id est, de
 me. Nam fieri potest ut in eadem re sit utilitas sua alicui, cum
 utilitate

Ser. in illud 12.
 Aen. Victus a-
 more tui, &c.

utilitate sui. Quidam legūt utilitas mea. Idem: Quid nunc agā,
aut quem ultra esse usum mei dijs repugnantibus credam? usus
inquam est non meus, sed ex me aliorum. Adhuc idem: Præsens
quidem illa protinus redditur merces, quòd omnibus quibus in=
sedere, odorem mellis inspirant, & breui cōtactu uim sui relin=
quunt. Vim sui, non suam, sed ex se. Quomodo tu captus amore
mulieris, mallet habere copiam sui, quàm suam. Fastidium mei,
quo ego ab alijs fastidior: fastidium meū, quo ego alios fastidio.
Vt idem: Seu mulier omnibus exposita mortalibus uanitatem fā=
stidio mei, despectuq; captauit. Hæc sunt, & his similia, non ta=
men plurima, quæ ancipitem naturam habent, cætera uerò mi=
nime. ~~Non enim sic dicimus, pulchritudo mei, fortitudo tui, lon~~
gitudine sui, ut imago sui: non prudentia, non ingenium, non sa=
pientia, non probitas, nō uirtus, nō innumera alia. Quòd si tam
parua res eos mouit, debuit è diuerso illud magis mouere, quòd
quædam, quæ & ipsa nō multa sunt, habent ancipitē significa=
tionē, sed quam nemo nisi cæcus nō discernat: ut, pars, dimidiū,
medium, membrum, quid, aliquid, multum, & si qua alia. Quis *pars & omnia alia*
enim non uideat, quum dico, hæc est pars mea, non de corporis
mei parte intelligi, sed hereditatis? Et iterū, hæc est pars mei,
non de hereditate, sed de corpore? Manus pars mei est, nō mea:
fundus pars mea est, nō mei. Dimidiū tui maius est, quàm dimi=
dium sui: profectò de corpore intelligo. Dimidiū tuū maius est,
quàm, dimidium suū: de præda, aut de cibo, aut de successionē,
alijsq; similibus intelligendum est. Medium tui tangam, nō me=
dium tuum. E' medio mei prodiit, nō è medio meo: ut, Auferam
iniquitatem de medio tui Israël. Membrum, quum pro parte
accipitur, eandem rationem sequitur: ut, Hic puer membrū mei
est, quasi pars mei: sin pro membro aliquo, & in suo significa=
to, ita accipitur, ut caput, ut manus, ut pes: Hic puer membrum
meū est, quasi sit caput, & manus. Hic digitus membrum meum
est, non mei. Item, quid mei tetigisti? quid tui uidi? aliquid tui

uirgo perdes, si uenatum cum adolescentulus prodibis. non aliquid tuū: nisi dicamus tui à neutrali genere: ut Cicero de Oratore libro tertio, Ex quo uereor, ne nihil sim tui, nisi supplotio nem pedis imitatus. id est, de tuo, non de te. Vlysse, si quid tui Polyphemusprehendet, id omne deuorabit. Mei nihil attigit: quicquid enim attigisset mei, statim contriuiisset. Multum mei ille auferre potest, sed plus tui: plus inquam de te, quàm de me: non de tuo, & de meo. Item, quicquid Melibœe diripuisti, aliquid meum fuit. non mei. Nunc redeo ad Seruium, qui ait: Tui causa feci, & tua causa feci, discretionem hanc habent, ut tui causa tunc dicamus, si aliquid ipsi, ad quem. loquimur, præstiterimus: ut puta, tui causa de te defendi. Vergilius in x i l. Victus amore tui, cognato sanguine uictus, Coniugis & mœstæ lacrymis uincta omnia rupi.

Tua uero causa; cum alteri aliquid alterius contemplatione præstamus. Vt, tua causa mancipium tuum defendi. Si Seruius tantum de hoc uocabulo Causa loquitur, & non in uniuersum de omnibus huiusmodi, nō rectè attulit exemplum alterius uocabuli, præsertim nō nihil natura differētis: sin uerò de omnibus, nō potest una lex dari diuersis, ut supra ostendimus: si tamen lex est, & non potius cōtra legem omnium ueterum. Nam tu ego dicebam) causa sæpius cū pronomine deriuatiuo copulatur: atq; hoc quidem indifferēter, siue aliena sit causa, siue tua: ueluti si quis dicat, Epicurus uult omnia cuiq; agēda esse causa sua, mihi mea, tibi tua, illi sua, nobis nostra, uobis uestra: nō mihi tua, aut sua, nec tibi mea, nec illi uestra, nec nobis sua, nec uobis nostra. Hic nihil opus est admiscere primitiuū. Sed ne sine exemplo lo-

In illud, Quem casum portenta ferant ego po. Olym.

In illud, Mecū excedentē, non moenia re. Ace.

quar (quod ipse fecit) uno cro cōtentus sumpto ex Quintilianus: Mea depugnasti causa, tua peristi. Atq; hoc, quod Seruius præcipit nobis, ipse constanter usus est, neminem tamē secutus. Quale est illud. in v i l. Aeneidos: Non spe salutis, sed mei causa. Et in v i i l. Hæc signa mei causa fiunt. Et in i x. Vult

enim

enim intelligi sui causa matrem secutam. Verum quid mirum de Seruio, cum Aulus Gellius, & quidem antiquior, non modo nulum exitum in hac quaestione potest reperire, sed etiam non optime sentit. Ita enim inquit: Cur igitur Terentius, & Aulus nostri, non nostrum? nihil hercle mihi uenit in mentem, nisi auctoritas quadam uetustatis, non nimis anxie, neque superstitiosè loquentis. Paulo post: Sed procul dubio qui rectissime loqui uolet, nostrum potius dixerit, quam nostri. Et idcirco importunissime fecerunt, qui in plerisque Sallustij exemplaribus scripturam istam syncerissimam corruerunt. Nam quum ita in Catilinario scriptum esset, Sæpe maiores nostrum miserti plebis Romanae, &c. nostrum aboleuerunt, & nostri scripserunt. Ex quo in plures libros menda istius soboles manauit. Tu Aule Gelli de genituo nostri loqueris, non de nominatiuo nostri pluralis numeri. Vtrum rectius sit ad exemplum Sallustij (ut mihi, & ceteris placet) in nominatiuo casu, nihil ad rem facit, neque ad exemplum Terentij. Et qui (ut tu uis) Sallustij scripturam corruerunt, non in genitium mutauerunt sonum illum, sed in nominatiuum, per quem casum non audeas tu dicere, corruptè nos loqui, imò (quantum ego sentio) incorruptius. Est enim una, eademque uox nostri, ab eo, quod est ego genitiui casus, & nominatiui ab eo, quod est noster. Neque uerò ego repugno Aulo Gellio dicenti mutatam scripturam esse à nostrum in nostri: nominatiuum tamen, non genitium. Nam neque aliquis rectè in genitium mutasset, neque ratione mutasset. Quin potius fateor, & hoc libentius, quod unicum illud exemplum, quod ipse ex Plauto protulit, fortasse mēdosum est, dicente: Duorum labori hominum parsissimè libens, mei te rogandi, & tui mihi respondendi. Ait autem Aulus Gellius: Mei enim hoc in loco Plautus non ab eo dixit, quod est meus, sed ab eo quod est ego. Itaque si dicere uelis patrem mei, pro patrem meū (quod Græci modo τὸν πατέρα μου dicūt) inusitatè quidē, sed rectè profecto, eaq;

Gell. li. 10. c. 50

In Phorm.

eaq; ratione dicās, qua Plautus dixit *Labori mei*, pro *labori*
meo. Nolo equidem tam confidenter (ut facit Gellius) scriptu-
 ram mendosam dicere, & affirmare quod inexploratū habetur.
 Taceo autem quòd damnat fortassis immeritos, qui nec corrupe-
 runt scripturā, & melius sic dici putauerunt. Quæro cur ueris-
 similius sit aliquos scripturā illam mutasse Sallustij, in qua nihil
 absurdi erat, quàm hanc Plauti, qui cōtra grammaticorū leges,
 qualis est Seruius, & Priscianus, & Donatus, qui hunc poëtam
 in schola lectitabant, facere uidebatur, si ita diceret, *Duorū la-*
bori hominū parsissem libens, meo te rogandi, & tuo mihi re-
 spondendi? Nulla nanq; grammaticæ ratio uidetur posse hoc
 tueri, quin potius cum per indiuidua exponimus sigillatim,
 quod dixeramus per uniuersum, eodem casu utamur: sic, *Duo-*
bus hominibus laborem detraxi: necesse est ut dicamus, mihi sci-
 licet, & tibi: non autem meum, & tuū. Tamen (ut ego sentio)
 in genitiuo permissum est: ut, affert hic accusationem duorū ho-
 minum, *mei & tui*, siue *meam & tuam*, quale hoc loco fit: sed
 dicendum potius per pronomina deriuatiua, quia possessio, siue
 actio significatur, nō passio. Quod ego mutatum esse nolo di-
 cere ab ipso Aulo Gellio, sed à grammaticæ professoribus, quo-
 rum nihil est supercilio superbius, nihilq; improbius, et ad emē-
 dandos libros, uel corrumpēdos potius, magis audax. Prætereā
 Plautus licētia uerborū potest dici usus, in qua fuit planè nemo
 liberior. Postremò quid habet momenti ex uno autore, & eo
 poëta, afferre unum exemplum in tanto numero omnis generis
 autorum? qui adeò refugerunt dare actiuam significationē his
 tribus genitiuis primitiuorū, ut eos mutauerint in alteram uocē,
 genitiuis aliarum dictionum, cum quibus coniuncti erant, na-
 tura repugnante, minime mutatis: ut Cicero in *Gabinium*, &
Pisonem. *Ut tu meo* *opus* *tempore* *liberatum*. Idem ad
Atticum, *Solius enim meum peccatum corrigi non potest*. Idem
 pro *Muræna*, *Ex tuo ipsius animo coniecturam ceperis*. Non
 dixit,

dixit, ac ne dicere quidem potuisset, mei unius opera, mei solius peccatum, tui ipsius animus. Et in plurali Quintil. Deinde quū satis vires eorum explorauerint, suā ipsorum fiduciā permittunt. non dixit sui ipsorum fiduciā. Quid multis? cum etiam apud recentiores (de Christianis loquor) hoc sit obseruatissimum: ut in Psal. CXLII. & LXIII. secundum Hebraicam ueritatem, quorum alter ita incipit: Domine clamaui ad te, festina mihi, exaudi uocem meam clamantis ad te. Alter sic: Audi Deus uocem meam loquentis, à timore inimici serua uitam meam. Et in LXX. secundum aliam è Græco translationem: Domine memorabor iustitiæ tuæ solius. Est autem solius non foeminini generis, sed masculini, ut ex Græco apparet: referturq; ad dominum, nō ad iustitiam. Item in libro Regum tertio: Sustulit filiū meum de latere meo ancillæ tuæ dormientis. Et in Euangelio Lucæ: Et tuam ipsius animam pertransibit gladius. Nec desunt quidam imperitè docti, qui conantur illud exponere, tuā ipsius animam, aliud esse quàm tui: si tui dicere liceret. homines ignaros non solum Theologiæ, sed etiam literarum. Interrogent Græcos, & reperient penes eos, unde nos sumpsimus, tui esse, non tuam: quum illi non habeant in his tribus pronominiibus, quam nos, elegantiam. Ideoq; apud eos est, Pater nostrum, uel nostri, qui es in cœlis, sanctificetur nomen tui: Adueniat regnū tui: Fiat uoluntas tui sicut in cœlo, & in terra. Panem nostri, uel nostrum, da nobis hodie, & dimitte nobis debita nostri, uel nostrū, sicut & nos dimittimus debitoribus nostri, uel nostrū. Quæ nos, ne barbarè loqueremur, mutauimus in pronomina deriuatiua. Ex quo apparet non modò illud Auli Gellij, maiores nostri, per genitiuum contra grammaticam, uerum etiam illud, maiores nostrum, cōtra usum esse, potiusq; in tali genere utēdum esse deriuatiuo nostri, quàm primitiuo nostrū, licet hac ratione nō uteremur. Nec usq; ad antiquū exemplum repetere cōtingit, nisi unū in epistola quadam Ciceronis ad Curionē, sic Epist. 8. lib. 1. dicens

Epist. 13. lib. 1.

In Andr. act. 5.
sc. 1.

dicentis: Eam autem unius tui studio me assequi posse confido. Quod & sic defendi posset, studio pro gratia, & fauore, uel amore aliorum erga te: ut apud Horatium ad Vinnium, Ne studio nostri pecces. Tamen malim dicere id factum esse uitio librariorum. Ac ne semper culpam reijciam in librariorum falsò, dabo argumentum, cur & prius, & nunc meritò in illos impetum faciam. In proxima statim epistola legitur bis, tyranno P. Lentulo, pro eo quod est, tribuno plebis. Et in præcedente libro ad Lentulum, qui est illius operis primus, bis etiam idem uitium est in secunda, et x. i. epistola. Et quum omnia, ut reor (maximam enim partem uidi) exemplaria, quæ in Italia sunt, mendosa, & deprauata hoc uitio essent, nullus tamè tantum flagitiū animaduertat. Itaq; sicut nunc illud emendauimus, ita hoc quoq; emendare, & in pristinam sinceritatē restituere audeamus: sic, Eam rem tuo unius studio me assequi posse confido. Nec alia causa factum est, ut apud Terent. dixerit Dauius, Meo præsidio, atq; hospitibus non præsidio mei, atq; hospitibus. Quem imitari Petrarcha si sciisset, non titulum operi suo indidisset, De sui, & aliorum ignorantia. sed de sua. Aliud nanq; est ignorātia sui, aliud ignorātia sua. Si tamen sensit de ignorātia, quam de se habuit, rectè dixit. Et uulgò dicimus, scio tuas diuitias, qui te pauperē quereris, non, tui diuitias. Aspicce liberos meos, qui dicor orbis, non, mei liberos. Cernant sua prædia, qui mihi unum fundum inuident, non, sui prædia. Vbi non modò genus dissimile est antecedenti, & relatiuo, sed etiam numerus. Quinquā (quod ualidissimam est) ingerebat. ~~Repositio est~~ inter primitiua pronomina, & deriuatiua. Sed ista omnia fieri cogit, quòd nō licet primitiuis genitiuis dare significationē actiuam. Cuius rei & illud maximum argumentum, & apertissimū est, quod subiiciam, nulli adhuc grammaticorum intellectum: quòd dicimus, mea, tua, sua, nostra, & uestra interest, & refert: non autē mei, tui, sui, nostri, & uestri. Est autē illud mea, tua, non ex

parte

parte anteriore (ut quidam uolunt) sed ex parte posteriore: nō aliter quā quum dicimus, hoc interest illius, quasi hoc est officium illius. Ita hoc interest mei, si liceret mei aliter accipere, quā passiue. ~~Non dicimus mea in uoce possessiua~~, sed tamen ut sit primum, & substantiuum, & non adiectiuum: deniq; ita ac si diceremus *mis. Regi* autem à parte posteriore, atq; ideo hoc uerbum habere ante se nominatiuū, sicut *sum es est*, sed in neutro genere, quis dubitet, quū omnia plena sint exemplorū? Cicero pro Plancio: Si quid mea minus interest, id te fortè magis delectat. Et pro eodem: Non solum quid cuiq; debeam, sed quid cuiusq; intersit. Et pro Sylla: Vestra enim, qui cū summa diligētia, & integritate uixistis, maxime interest. Et pro lege Manilia: Illud primum parui refert. Vbi etiā dicere possemus, Illud mea parui refert. Sed hoc nihil ad præsens tēpus. Hæc omnia resoluuntur in uerbum substantiuum, hoc modo: Si quid minus meum est. quid cuiusq; est. uestrum est hoc maxime. illud parui momenti est. ut appareat nō differre naturam uerbi substantiui, & horum duorum impersonalium uerborū, nisi quòd illud naturaliter post se nominatiuum postulat, hæc genitiuū, sed actionis, siue possessionis, more uerbi substantiui. Sed hoc in cæteris nominibus, ac pronominibus nihil dubitationis habet, quorum genitiui actiue, passiue, possessiue, & si quis est alius modus, accipiuntur. Mei autē, tui, sui, diuersam naturam habēt. Quid igitur faciendum erat? hæc passiue accipiuntur, nō actiue, nec possessiue. ~~Ita certe passiuè nō habent genitiuū actiuum, siue possessiuum.~~ Danda ergo fuit uox possessiui pro significato primum, non genitiui possessiui, qui idem erat, qui est primum: sed ablatiuus, qui natura est genitiuo similis, & in genere fæminino, uel tanquam medio trium generū, uel suauitatis gratia: ne durum uideretur meo, tuo, suo, nostro, & uestro. Idcirco hi ablatiui iungi sibi patiuntur adiectiua illa, tanquam actionem, possessionemq; significantia in genitiuo, ut suprà de-

monstrauimus: sic, mea solius interest, tua unius refert, sua ipsius interest, non mei solius, tui unius, sui ipsius, nisi in alia loquendi figura, de qua mox subijciam. Vnde maxime palam fit, nūquam hos genitiuos sumi nisi passiue: ut, habeo curam mei solius, non meam solius: habeo curam tui unius, nō tuam unius: unusquisq; curam gerit sui ipsius, non suam ipsius. Cur ita? quia passio hic significatur: ubi superius uel actio, uel possessio. Cuius rei unū exēplum suffecerit ex Terētio: Hem, tot mei solius solliciti sunt causa, ut me unum expleāt? Et planū quidem iam fecimus, tres genitiuos mei, tui, sui, passiue semper poni: meus, tuus, suus, prae-
runque possessiue. Idcoq; cum utendum est illis primitiuorum genitiuis, mutari sonum de i, in a. Nunc aliqua addenda sunt de his dictionibus, quae legitime coniunguntur cum huiusmodi pronominum genitiuis: nec enim omnes possunt. Ante omnia

In Heaut. act. 1.
scē. 1. ubi codi-
ces omnes mea
habent, uō mei.

Prisc. lib. 5.
circa finem.
Prisc. lib. 13.

~~nullum est genitiuum in consortio suo sustinet: ut, fili noli do-~~
mo recedere respectu mei patris. Quod non tam placuisse Pri-
sciano reor, quam per imprudentiam esse lapsum, quum dicit,
Mei Prisciani eges, tui Prisciani egeo. Et alibi: Ego Vergilius,
tu Vergilius, ille Vergilius, mei Vergilij, tui Vergilij, illius Ver-
gilij. Hae enim oratio declarat meū Priscianum, Vergilium ue,
aut tuum: non me Priscianum, Vergilium ue, aut te: non aliter
quā si dicas, eges mei patris, egeo tui domini. Quod profecto
non est primitiuorum, ab eo quod est ego, & tu: sed deriuati-
uorum, ab eo quod est meus, & tuus. Neq; discrimē facit, quod
hic appellatiuum nomen est, ibi proprium. Vergilius:
Si qua tui Corydonis habet te cura, uenito. Et alibi:
Aeneae mihi cura tui— Lucanus:

Edog. 7.

Aen. 5.
Lib. 9.

Aeneaeq; mei. Quae à meus, tuus, non ab ego, tu, ueniunt. Itaq;
sic emendemus Priscianum, qui quum de lingua Latina compo-
nit, antiquitatem omnem corrigere non potuit. Nam Latinē prolo-
qui nesciuit: Mei qui sum Priscianus eges: tui egeo, qui Priscia-
nus es: uel, me Prisciano eges: te Prisciano egeo. Nam illud apo-
stoli

passiam

stoli ad Corinthios, Salutatio mea manu Pauli, è Græco est sum-
 ptum: ὁ ἀσπασμός τῆ ἱμῆ χειρὶ Παύλου. Tertium uerò exemplum,
 quod idem protulit, illius Prisciani eget, rectè dicitur. Non ha-
 bent enim cætera pronomina ancipitem naturam, ut illa tria, de
 quibus diximus. Adeoq; uerum est, hos ipsos genitiuos respuere
 consortium substantiui, ut ne in possessiuorum quidem firma
 illud pati uelint. Vidimus licere dicere, meam unius operam, tuū
 solius studium: non tamen dicemus, meum Laurentij studium,
 suum Prisciani prædium: sed meum studium, qui sum Lauren-
 tius: prædium suum, qui est Priscianus. Neq; tamen ob id exclu-
 do, si genitiuos hos passiue accipiamus, eo modo quo exemplū
 ponemus. Nam ~~et ut supra in de uirg. aliquando duos genitiuos,~~
 alterum actiue, alterum passiue positum uidemus una iungi: ut, In Cat. Maior
 Quid de P. Licinij Crassi iuris & ciuilis, & pontificij studio
 loquar: Ita fit in pronomine, ut idem autor ad Atticum: Mihi
 fuit & laudis nostræ gratulatio tua iucunda, & timoris conso-
 latio grata. Et iterum: Vehementerq; tua sui memoria delecta-
 tur. Quòd si igitur hæc pronomina, siue in genitiuo passiue,
 siue mutata in uocem possessiuorum actiue non admittunt geni-
 tiuos substantiuorum, nunquid admittant omnium adiectiuorū?
 Nō opinor: sed propriè solorū participiorū participialiuq; ge-
 rundiorū, & frequentissime illorum trium (ut quidam uolunt)
 pronominū, unius, solius, ipsius, & siqua alia, quæ rara sunt, de
 quibus mox dicam. Per genitiuum cum participio: Cicero ad
 Lentulū, quocunq; tempore mihi potestas præsens tui fuerit.
 Per fœmininum, sed cum gerundio. Ouidius Heroidum:

Sit modò placandæ copia parua tui.

Per uocem mutatam in possessiuū: ut ad Ciceronem Cato: Liben-
 ter facio, ut tuam uirtutem, innocentiam, diligentiam cognitam
 in maximis rebus domi togati, armati foris pari industria admi-
 nistrare gaudeam. Cicero de Oratore: L. Crassum quasi colli-
 gendi sui causa se in Tusculanum contulisse. Sed hoc gerundiū

Epi Acont. ad
 Lidip.
 Epist. 6. lib. 15.
 epist. 6a.

est. Et ea exempla, quæ suprà attuli: quorum unum fuit, Sustulit de latere meo ancillæ tuæ dormientis: ad quod pronomen malo referri illud dormientis, quod est adiectiuum, quam illud ancillæ, quod est substantiuū: ita ut si absiijset participiū, uix tolerabile fuerit futurū: quale Boëthij, Solantur mæsti nunc mea fata senis. Quintilianus etiā solet omittere pronome: ut, Accepi fāteor illū, qui solutus quoq; non sequebatur, quē non gaudiū redēptionis, non letitia prælati, non hortantis erexit patris amplexus. Et in eodē libro: Rus, seruulos, penates, et omnia utiliora properanti festinatione parentis addixi. Omisit sui: ut esset, non letitia sui prælati. & meus: ut esset non meus hortantis amplexus. Et iterum mea, ut esset quoq; festinatione mea parentis. Poëta etiam frequenter. Ouidius Heroidum:

Declam. 5.

Epist. Penelop.
ad Ulyss.

Deniq; quisquis erat castris iugulatus Achiuis,
Frigidius glacie pectus amantis erat.

Epist. Phyll. ad
Demophil. o.

Id est, meum amantis. Idem:
Illa meis oculis species abeuntis inhaeret,

Quam premeret portus classis itura meos.
Ausus es amplecti, colloq; infusus amantis,

Oscula per longas iungere pressa moras.

Epi. Oeno. ad
Parid.

Id est, tua abeuntis, & meo amantis. Idem in eodem opere, sed inusitatus:

Et flesti, & nostros uidisti flentis ocellos.

Nostros dixit pro meos, & flentis pro flentium. Est enim illud flētis genitiuus singularis, non accusatiuus pluralis: quod accētus probat, quum tales accusatiui habeant ultimam longam, quæ hic non est. Hoc dixi, quia quidam hunc locum exponunt per accusatiuū. Illa diuersitas numerorū, meos, siue nostros amantis, uix alij quā poëta permissa est. Postremò hæc pronomina, siue in primatiuorum genitiuus, siue in possessiua uoce (ut dixi) maxime gaudent illis tribus, unius, solius, ipsius, quorum multa exempla iam protuli. Nec ab re scitis, sicut amas, ita duorum, trium, quatuor posse dici. Item omnium, cuiusq; plurimum, &

si qua sunt adhuc: ut uestram duorum, uel uestram trium, uel uestram omnium operam desidero, pro uestro. Cicero de Oratore lib. III. Sed uoluntati uestre omnium parui. Cuiusq; apertius cum pronomine sui, siue suus coniungitur: ut, uellem nosse, quæ sit sua cuiusq; sententia: non, sui cuiusq;. Brutus ad Cicronem: Qui uestris paucorum respondeat laudibus, pro uestro. Verum iam huic quæstioni finem imponamus.

De Meme, Tete, Tutu, Sese. CAP. II.

EAdem ferè hæc tria pronomina geminari etiam solent: priora quidem per figuram meme, tete: tertium sine figura. Vergilius in nono:

Meme, adsum qui feci, in me conuertite ferrum

O Rutili— Et in duodecimo,

—Meme duce ferrum Corripite o Rutili— In eodem,

Verte omnes tete in facies—

Sed hoc uideri potest esse sine figura. Non enim est ita acre, et ardens, ut apud Quintil. Tete hoc loco mulier interrogo. In nominatiuo planè semper figuratū est: ut Cic. in Antonium, Tutu facies illas incendisti. Sese (ut dixi) nunquam figuratum est: ut idem, Hic uiri fortissimi sanguine aspersus sceleratam gratulantibus manum porrigens, in templum Iouis contulit sese. id est, se.

De Nostras, Vestras, & Cuias. CAP. III.

NOstras, uestras, et cuias, non tantum patriam, nationemq; innuunt, sed etiā partes, et quasi sectam: ut, Vestrates philosophi non sunt ita populares, et fauorabiles, ut nostrates qui ab Epicuri schola prodierunt. Et, Cuiates philosophi uos estis? Stoici? ne, an Academici, an Peripatetici, an nostrates Epicurei? Cic. Putares ne unquā accidere posse, ut mihi uerba deessent, non solum ista uestratia oratoria, sed hæc etiam leuia nostratia?

Epi. 10. lib. 1.
epi. 12.

De Iste, & Ille. CAP. IIII.

ISte, et ille (si audire Priscianum uolumus) hoc differunt, Prisc. lib. 17.

tur: cuius autoritas plurimos in errorem induxit, qui pro istud, dicunt illud: ueluti si ad hominem longè positum scribas, si quid noui in illa urbe est, mihi notum facias: pro eo quod est, in ista urbe. Quod non mediocre peccatum est. Nam de me loquens dicere debeo, hoc caput, hæc manus, hæc ciuitas: de te uerò, istud caput, ista manus, ista ciuitas: de tertia autè persona illud caput, illa manus, illa ciuitas. Cicero in Antoniū: Remouie paulisper istos gladios. Et in eodem lib. Tu istis faucibus, istis lateribus, ista gladiatoria totius corporis firmitate tantum uini in Hippie nuptijs exhausceras, ut tibi necesse esset in conspectu populi Ro. uomere postridie. Hoc est, istis tuis faucibus, istis tuis lateribus, ista tua firmitate. Vnde nascuntur aduerbia

Epi. 10, li. 1, la. *islic, istinc, istac, istuc, istorsum, isò.* Vt idem ad Valerium iuriconsultum: Qui istinc huc ueniunt, partim te superbum esse dicunt, & c. id est, qui ab ista prouincia, in qua agis, huc, id est, in Italiam, Romanq; ueniunt. Aliquando tamen iste accipitur pro hic: ut idem, & in eundem Anto. Cùm isto tempore stent cum gladijs armati. Et Quintilianus: Iuuenis iste, de quo summa in rebus humanis monstra gignuntur. Et iterum: Iuuenis iste patris sui hæres solus inuentus est. Ille quoq; nonnunquam per dignitatem, aut per eminentiam ponitur, indicans esse, quod omnes debeant nosse: ut, Alexander ille Magnus. Ille Censorius Cato: Architas ille Tarentinus.

De Hic, Is, Idem, & Adhoc.

C A P. V.

Hic, & Is habent potius illam (de qua modò memini) Prisciани differentiam, ut hic spatium propinquiore, is uerò longiore intelligatur. Multis tamen in locis utrunq; locū habet: ut, qui præfert uirtutem diuitijs, is sanè fortis est: uel, hic sanè fortis est: uel per compositionem: ut, quæcunq; mulier adultera, eadem uenefica est. Et ferè per hæc duo pronomina licet sic loqui, nec per ulla alia, licet poëta utantur ille pro is, quia amborum eadem penè significatio est. Vt Horat. de Arte poëtica:

Qui

Qui didicit, patriæ quid debeat, & quid amicis:

Quo sit amore parens, quo frater amandus, & hospes:

Quod sit conscripti, quod iudicis officium: quæ

Partes in bellum missi ducis: ille profectò

Reddere personæ scit conuenientia cuiq;.

Quare sanctis uiris è Græco transferentibus sic permittamus di-

cere: Non qui seipsum commendat, ille probatus est, sed quem

deus commendat. Possunt autem hæc eadè duo, de quibus loquor,

pronomina, & alio modo usurpari: ut, Alexander paruis copijs

fretus, superauit Darium cum infinito exercitu, & id in ado-

lescentia: uel, & hoc in adolescentia. Item & hoc modo: Pau-

ca uestis, & ea detrita, & sordida. potius quàm, & hæc. Pau-

cis nummis superbit, nec ijs suis, sed aliunde corrogatis. potius

quàm, & his. Idem quod est ab is compositum, quasi pro etiam

poni solet: ut Cicero, Et huic coniuncta est beneficentia, quam

eandem uel benignitatem, uel liberalitatem appellari licet. id

est, quam etiam. Quintilianus: Si causam ueneficij dicat adul-

tera, non M. Catonis damnata iudicio uidetur, qui nullam adul-

teram, non eandem esse ueneficam dicit. In hoc pronomine,

Idem, annotaui quiddam dissimile ab is: ibi potest addi copula-

tiua, hic non potest: quod tamen affirmare non ausim: ut, Quam-

cūq; in sedem migrat apū rex, in eam & apes ipsæ comitantur.

At si dicam, in eandem, tollam copulatiuam: sic, in eandem apes

ipsæ comitantur. Nam Idem habet in se uelut uim copulatiuæ.

Hoc positū cum præpositione Ad, significat præterea: ut apud

Sallustium: Cognoueram paruis copijs bella gesta cum opulentis

regibus, adhuc sepe fortunæ uiolentiam tolerasse, facundia Græ-

cos, scientia belli Gallos ante Romanos fuisse.

De præpositione Cum.

CAP. VI.

Cum præpositio, per appositionem non iungitur rei no-

tanti instrumentum, sed comitem. Et hoc est quod Quinti-

lianus ait: Ut queramus nunquid apud nos sit uis quædam se-

Lib. 1. c. 71

ptimi casus, & apud Græcos sexti. Nam, inquit, quum dico, hasta percussus, non utor ablatiui natura, nec si idem Græcè dicā, datiui, ὁ δει. Propter quod Seruius, & quidā alij planè affirmant esse septimum casum. Quòd autem non utamur ablatiui natura, hanc causam existimo, quòd ablatiuus aut ui nominis regitur, aut ui uerbi, aut aduerbij, aut postremò intercedente præpositione, quorū nihil hic fit: nisi uolumus errorem quorundam sequi, qui subintelligunt præpositionem cum. Et quomodo subintelligi potest, quæ ne poni quidem potest? Nam percussus cum hasta, inauditum est: instrumentum enim percussionis hasta est. Peccauitq; non incelebris huius ætatis uir, qui scripsit: Gladium, qui cum se percusserat, eduxit. Percussit igitur gladio, non cum gladio. Impuli te pugno, non cum pugno. Video te oculis, non cum oculis. Tango te manu, non cum manu. Deleuit epistolam lacrymis. Absterfit sordes aqua. Siccauit cretam, liquefecitq; ceram igni: non autem cum lacrymis, cum aqua, cum igni. Sed hoc fecellit, quòd aliquādo illa Præpositio uideri possit iuncta nomini instrumentum significanti: ut, Acceptus est à nobis cum honore. Magna cum beneuolentia scripsit. Cum mira affabilitate me allocutus est. Cum dira truculentia me asperxit. Veruntamen hi ablatiui instrumentū non significant, sed comitem. Siquidem acceperunt me homines instrumento corporis, non honoris, sed honore comite. Scripsit ministerio manus, non beneuolentie, sed hac socia. Allocutus est lingua operatrice, affabilitate præsentis. Et asperxit instrumento oculorū truculentia susceptorū, quæ nihil facit ad ipsam inspectionē, sed oculi. Sunt qui uelint Priscianū sensisse cum hasta percussus, dici posse, uel hanc præpositionem subintelligi: ego uerò affirmo neminem anti-quorum neque protulisse hanc, neque subintellexisse.

De Circiter.

CAP. VII.

Prisc. lib. 14.

Circiter, Priscianus inquit, ad tempus solum pertinet: ut, circiter Calendas Ianuarias. Imò & quidem frequentius ad nume

numerū: ut, circiter duū milia militū: circiter decem milliariorū. Sed aliquādo etiam ad locū: ut Cassius Hemina, I. apud fuisse quadratū circiter in media arce iunctū candelis quoquo uersum.

De Versus, & Vsq.

CAP. VIII.

Versus contra naturam præpositionis semper postponitur: ut, Italiam uersus, Megaram uersus. Liuius: Duo Romana uno loco propius Albam, tria Albana Romam uersus. Sallustius: Deinde Philenorum ara, quem locum Aegyptum uersus, finem imperij habuere Carthaginenses. Cicero de diuinatione: Qui cum exercitu lustrato Aretium uersus castra mouisset. Sursum, siue sursum uersus frequenter legimus. Nonnunquam dicitur uersum, sicut aduersum: nam ita uersus, sicut aduersus: Vnde quoquo uersus, & utroque uersus: id est, in unamquamque partem, & quocunque, & in utranque partem. Et deorsum uersus. Atque nescio quomodo non reperio hanc inter præpositiones esse numeratam, an quia postponitur, & non præponitur? ne Tenus quidem præponi solet, de qua nunc dicam, & tamen est præpositio: an quia uice præpositionis non fungitur, quoties alia adest præpositio? ut, ad occidentē uersus: quo quidem modo aduerbium est: ut vsque: quæ & ipsa sic aliquando in oratione collocatur: ut, ad occidentem usque.

De Tenus.

CAP. IX.

Tenus (ut dixi) semper postponitur, atque in singulari utique cum ablatiuo: ut, hactenus, quatenus, uerbotenus, capulotenus: in plurali uerò cum genitiuo etiam, non solum cum ablatiuo. Sed, quantum ego sentio, cum genitiuo tunc aut necessario, aut uenustius fit, præsertim more Græcorum, quum res est uel gemina, uel numero singulari carens. Neq; hoc apud poetas modò, sed etiam apud oratores. Vergilius:

Laterum tenuis hispida nanti. Et iterum:

Et crurum tenuis à mento palearia pendent.

Quintilianus in x 11. Sed ille uir bonus, qui hæc non uocibus

tantum sibi nota, atq; nominibus, aurium tenus in usum lingua
perceperit: sed qui uirtutes ipsas penitus mente complexus, ita
sentiet. Calius: Iam illi rumores de comitijs Transpadanorum
Lib. 1. Cumarum tenus caluerunt. Curtius: Pauci hostium tenus exacti
penetrauerunt ad Porum cientem acerrime pugnam. Est autem si-
gnificatio usq; ad. Umbilico tenus, usq; ad umbilicum: Aethio-
pia tenus, Nilo tenus, usq; ad Aethiopiam, & Nilum. Aliquando
etiam pro non ultra: ut, Gessit consulatum titulo tenus: id est,
non ultra quam titulo: cuiusmodi nonnulla ex superioribus
exemplis sunt.

De Pridie, & Postridie, aduerbijs.

CAP. X.

Pridie, & postridie, quemadmodum tenus, genitiuo seruiunt,
& nonnunquam etiam accusatiuo: ut, pridie illius diei, postridie
Nonarum Decembrii. Cicero ad Atticum: Pridie compitalia
memeto. Titus Liuius lib. v 11. Etiam postridie Idus rebus diuinis
superfederali iussu: ut postridie Calendae, ac Nonae eadem reli-
gio esset, traditum putant. Idem libro quadragesimo octauo: Pri-
die Parilia medio ferme die atrox cum uento tempestas coorta.
De quo uide plura in Nudiustertius.

De Hei, Heu, Eheu, Væh, & Procul.

CAP. XI.

Hei quoq; & heu simile quid obtinet: tamen alterum datiuo,
alterum accusatiuo iungitur: ut,

Hei mihi qualis erat, quantum mutatus ab illo

Hectore—Terentius: Heu me miserum. Et frater cum huiusmodi pro-
nominibus: nam cum alio nomine frequentius per exprobrationem: ut
Vergilius, Heu stirpem inuisam—Et Plinius libro VII. Heu demen-
tia ab his iniurijs existimantium ad superbiam se genitos. Aliquando
etiam cum nominatiuo: ut idem Vergilius, Heu pietas, heu prisca fi-
des—Terentius in Adelphis: Heu misera. Illud uero in psalmo: Heu
mihi, quia incolatus meus prolongatus est: nescio an uitio factum sit
librariorum: quale illud in Euangelio, Ascendit in arborem sycomorum,
quia inde transiturus erat: quod scribendum est illac. Et illud ad Roma

nos:

Vergilius Ae-
neid. 1. In
In And. act. 4.
scen. 1.
Aen. 7.
Pl. lib. 7. pro-
amio.
Aen. 6.

nos: Tu autē cū oleaster esses, insertus es: pro insitus. Et in Actis apostolorum: Egressi sumus foras portam iuxta flumen: pro extra portam. Eheu, nulli casui seruit. Verg. in Bucolicis: Eheu quid uolui misero mihi?— Vah quoq; datino. Martialis: Carpere causidicus fertur mea carmina, qui sit

Edo3.10

Lib.5.epig.146

Nescio: si sciero, uah tibi causidice.

Hæc appelles licet siue aduerbia, siue interiectiones (nam hanc inter partes orationis non numero) siue etiam præpositiones. Procul, apud quosdam casui seruit: ut apud Curtium, Procul urbem.

Quoddam quædam comparatiua, & superlatiua aduerbia, seruiunt accusatiuo. CAP. XII.

Comparatiua aduerbia, & superlatiua, præter suam constructionem ablatiui, & genitiui, ut scribo melius te, & optime omnium, aliquando seruiunt accusatiuo: utiq; ea, quæ à præpositionibus ueniunt, illarum naturam seruantia. Cicero ad Octauium: Cum castra medio itinere longius aduersariorum castris, & propius urbem mouerentur. Ideo ad Atticum: Tamen esse officium meum putavi exercitum habere quàm proximè hostem. Sallustius: Proximè Hispaniam Mauri sunt. Nec hæc regere possunt datiuum, ut Prisciano placet, quale uult esse — Quam propius stabulis armenta tenerent. Datius hinc non regitur natura comparatiui, sed ipsius nominis: non aliter quàm si dicam, nauigo te propinquius terræ. Et quoniam ipsa rei serie quædam de complexu orationis dicere incepimus, iam de hoc ipso differamus, simulq; de natura indeclinabilium dictionum, quarundamq; aliarum: ab eo potissimum incipientes, quod huic loco similitum est.

Epi.9.lib.30

epi. ad Q. fra.

In Iugurt.

Prisc. lib. 18.

Verg. 1. Geor.

De O, uel prolata uel omissa. CAP. XIII.

Fortunati, quorum iam mœnia surgunt, Aeneas ait. Et alibi:

O fortunatos nimium, bona si sua norint, Agricolas.

g 3 Hic

Hic accusatiuus est, ibi uel nominatiuus, uel uocatiuus esse potest. His enim tribus casibus indifferēter autores utūtur. Cicero: O uariam, uolucremq; fortunā. Neq; hoc in tertia persona tantum, sed etiā in prima, & secunda: ut idem, O me miserum. O te felicem. Etiam non apposito pronomine: ut idem, O miserum, & detestabile hominē, si hæc ignoras. Idem: O te miserum. O te infelicem. Quæ exclamatio ad omnem affectū conuenit uel miserationis, uel indignationis. Simili modo in nominatiuo, & uocatiuo: ut idem, O fortunata mors quæ naturæ debita, pro patria est potissimum reddita. Et iterum, O magna uis ueritatis, quæ contra omnium ingenia, calliditatem, solertiam, contraq; fictas hominum insidias semper se ipsa defendit. Idem: O nox illa, quæ penē æternas huic urbi tenebras attulisti. Et iterū: O Nonæ illæ Decembres, quæ me Consule fuistis. Aliquādo ab illo superscedemus, utiq; in re leuiore, neq; ita magni calor: ut, Indignum facinus. &, Hominem nequā, qui non dubitaret uel in foro alea ludere, uel cum lege de alea condemnatis: Ciceronis uerba sunt in Antoniū. Et Plinius Iunior ad Octauium: Hominē te patientem, uel potius durum, ac penē crudelē, qui tam insignes liberos tamdiu teneas. Quod si excādesceremus, dicēdū esset, O hominem nequā: & o hominē patientē. Aut sine indignatione: ut apud Val. Maximū lib. 11. Sed mihi uti ista cōditione uita nō est opus, sine ullis imaginibus nobile animū. Aliquātō hoc remissius est, quā si dixisset, o animum sine ullis imaginibus nobile, id est, sine maiorum nobilitate nobilem.

In Heauton.
act. 1. sce. 1.

Ideoq; Terentius leuioris caloris interiectione usus est:

Hui, tam graucis rastro quæso?

Sed hoc simile eius speciei, cuius mentionem modò faciam.

De Me, cum infinitiui, & accusatiui. C A P. XIII.

Verg. 1. Aen.

ME'ne incepto desistere uictam?

Nec posse Italia Teucrorum auertere regem?

Et iterum: -Me'ne Iliacis occumbere campis

Non

Non potuisset tuaque animam hanc effundere dextra?

Hæc Vergil. Ad Terentiā autē Cicero : Me ne miserū in tantas te calamitates mea culpa incidisse? Et iterū in Bruto: Tum Brutus admiratus, tantam ne fuisse obliuionē inquit, in scripto praefertim, ut ne legens quidē senserit, quantū flagitij cōmississet? In his oībus placet mihi subintelligi, uerē ne ita est, me non posse dēuerrere Italia regē Teucrorū? & cetera. Plinius Iunior ad Adrianum : Hominem ne Romanū tā Gracē loqui? id est, uerē ne ita est? uel oportuit ne, siue oportet? Terentius in Andria: Seruon' fortunas meas me commisisse futili?

Hæc Ciceronis ad Terentiam uerba aliter in emendatis Cic. exemplaribus leguntur. uide Epist. 1. lib. 14. fa.

Epi. 3. lib. 4.

Act. 3. scē. 5.

De En, & Ecce, suisq; compositis. CAP. XV.

EN, & ecce in eadē penē significatione amāt nominatiuū, et accusatiuū: apud Comicos uerō hem pro en, affectui seruiēs, quo oratores nō utūtur: quemadmodū nec Ast pro At, quod est poëtarū, syllabā illā breuē interiectione s, longā faciētū. Adiungitur autē en nominatiuo, pariter & accusatiuo, tum indicādo, tum exprobrando. Indicando. Verg. En Priamus, sunt hīc etiam sua prēmia laudi. Exprobrando: En agros, & quam bello Troiane petisti Hesperiam, metire iacens — Seneca in Agamem.

Aen. 1.

Aen. 13.

En Paridis hostem. Iuuenalis Sat. 11.

En habitum, quo te leges, & iura frentem
Montanum positis audiret uulgus aratris.

Oratores sæpius exprobrando, & sæpius per nominatiuum.

Quintilianus, En improbitas. Cic. En crimē, en causā cur regem fugitiuus, dominū seruus accuset. Ecce similiter cū utroq; casu iūgitur: ut idē, Ecce tibi status noster. Cū actō autē nō memini me apud oratores legisse, sed ne apud poëtas quidē. Nā illud apud Terēt. in Eunuchō, Ecce autē alterū nescio qd de amore loquitur,

Act. 1. scē. 3.

Alter scribi debet, nō alterū, Donato quoq; probāte. Sed demus aliquādo reperiri, ut semel apud Plaut. in Bacchidibus, Opus ne erit tibi aduocato tristi, iracūdo? Ecce me. Ecce, ecce, eccos, eccas; ellū, ellā, ellos, ellas, ab ecce cōposita sunt, et secū uidētur ge-

rere ea=

Priscilib. 11. rere casum, sed nō gerūt: quæ Priscianus ita resoluit, Ecce cū, ecce eam, ecce eos, ecce eas: ecce illū, ecce illam, ecce illos, ecce illas. Sergius quoq; commentans Donatum ait, nihil significat *ellum*, nisi ecce illum. Pauloq; pōst: Quum ergo *ellum* sit ecce illum, & *ellam* ecce illam, nihil possumus dicere, nisi magis demonstratiue. Sed pace Prisciani, Sergijq; & aliorū, hoc nec uerum, nec conueniens significatū est. Nam inter ecce eum, & ecce illum, quid interest? Potius dicendum erat: *eccum*, ecce hunc: *eccos*, ecce hos, de quibus agimus. Talis erat cōuenientior interpretatio, sed quæ nec uera foret. Resoluuntur enim hæc per aduerbia, nō per pronomina: *eccum*, ecce hīc, subintellige uirum, de quo agebamus. *eccam*, ecce hīc, subintellige fœminam, de qua mētio erat. *Ellum*, *ellā*, ecce illic uirū, fœminam uē, subintellige, de quo, de qua uē agebatur. Nam ut de homine, qui ante conspectum nostrū adest, rectē dicas, ecce ille, uel ecce ego, siue ecce illum, uel ecce me: ita male loquaris, *ellum* hominem, uel *ellum* me: & rursus de longē posito, *eccū*. Terēt. *Eccū* Parmenonē: & *eccū* me. nēpe nō ecce cū Parmenonē, quasi aliquis alius sit præter hunc Parmenonē: Et ecce cū me, quē me, & quē cū quæris. Plaut. in Menah. Atq; *eccā*. Et in Mercatore, Ecce illum uideto. *Eccū* ergo Parmenonē: id est, ecce hīc Parmenonē: & *eccū* me: id est, ecce hīc me. Et *ellū* Parmenonē dicentes, non sic loquimur, quasi de parū noto, ut solemus, quū dicimus, ecce ille Parmeno, quasi ille tibi incognitus sed auditus. *Ellum* igitur Parmenonē significat, ecce illic Parmeno, siue Parmenonē. Sed an possit ecce habere accusatiuū, nō antē indubitatum habebō, quā exemplum uidero, nisi illud tale sit apud Vergil.

In Eunuch.
act. 1. sce. 3.

Eclog. 5.

—En quatuor aras.

Ecce duas tibi Daphni, duoq; altaria Phœbo:
Pocula bina nouo spumantia lacte quotannis.
Craterasq; duos statuam tibi pinguis oliui.
Sed de prosa magis dubitare me dico.

De

De Age, Agite, & Agedum. CAP. XVI.

Age singularem numerum desiderat, Agite pluralem: Agedum uerò non singularem tantum, sed etiam pluralem. Neq; id modò in carmine: ut Proper. Vos agedum, — sed etiam in prosa: ut Quint. Agedum (si uidetur) extra portas prospice squalida arua, & spinis obsitas segetes, & semesos arborum truncos. Cicero: Agedum conferte nunc cum illis uitam P. Sylle, uobis, populoq; Romano notissimam.

De, An, & Aut, Ne, Vel, Ve, & eorum compositis. CAP. XVII.

AN, & Aut, coniunctiones sunt, Quintilianus inquit, male tamen interrogas hic aut ille sit. Nos quum talem, tantumq; autorem habeamus, tamen pleriq; multis iam seculis peccauerunt, ac peccant: quod grande flagitium est. Sed duæ causæ eos decipiunt. Ferè enim nunquam decipimur, nisi mendaci quadam specie ueritatis: & ut inquit Horatius, Decipimur specie recti — Vna, quòd interpretantes è Græco non reperimus hanc apud illos differentiam. Quippe quum Græci unam tantum habeant utriq; nostrarum respondentem, putant pro una uoce Græca, unam Latinam posse sufficere. Altera, quòd reperiant apud nos in interrogando, aut. Et primæ quidem opinioni hoc responsum sit, eos male mereri de lingua Latina, qui diuidium uerborum fastidiunt. Nam plerique utuntur Aut, more Græcorum, & interrogando, & sine interrogatione: An, omnino relinquentes. Sequenti (quod tamen caput huius erroris est) ita respondemus: Si paulò diligentius aduertissent, non in aut, sed in an, interrogationem consistere deprehendissent: ut apud Ciceronem, An uerò Romulus ille aut pastores, aut conuenas congregasse, aut Sabinorum connubia coniunxisse, aut finitimorum uim repressisse eloquentia uidetur? Non est hic multiplex interrogatio, quasi de horum singulis interrogaretur, sed duplex: sic, Nunquid Romulus hæc omnia fecit eloquentia?

Hec

Decla. 119

Verba Quintiliani. libro 1. cap. 9.

Hor. in Arte poetica,

Hæc una pars est interrogationis. Supple, an non fecit? & hæc erit altera pars. Item: Es tu Stoicus, aut Epicureus, aut Peripateticus, aut Academicus? Hæc interrogatio & bene dici potest, & male. Nam si nō cōstet interrogāti te esse philosophum, bene interrogauit, supplendaq; est duplex an: sic, Es ne tu Stoicus, aut Epicureus, & cætera, an nō? Sin cōstet illi te esse philosophū ex aliqua illarū sectarū, sed cuius sis ignorās, de ipsa interroget, male quæsiuit, cū An, nō Aut, dicendū fuerit: & ubi nos modo posuimus duplex an omittendū sit: sic, Es tu Stoicus, an Epicureus, an Peripateticus, an Academicus? quæ interrogatio potest tendi in infinitū. Illa uerò semper est duplex, hīc ad singulas particulas binæ interrogationes sunt, ibi in uniuersum duæ. Quā enim quero an Stoicus, subintelligitur altera interrogatio ediuerso: sic, an nō, Itē, es ne Epicureus, an nō? es ne Peripateticus, an nō? es ne Academicus, an nō? Affēramus aliud apertius exemplū. An est hic illo nobilior? an plus pro salute mea laborauit? an cui homines magis cupiāt? an formosior, & magis dignus, cui filiā meā collocem? Hīc octo interrogationes sunt, quia octies interrogatio repetitur. Ibi semper duæ, quia bis semper repetitur. Ex quo patet nō esse interrogationē in aut, sed in an. Interrogationem inquā contrariorū: qualis est illa, quid dicā? autqd nō dicā? Inter hæc nō ambigimus, sed ipsa ambo simul ambigimus. Secus in illo, abeā, an maneā? De duobus ita quero, ut utrū mihi faciendum, & utrum non faciendū sit dubitem. Ideoq; nō solum interrogando, sed citra interrogationē quoq; utimur an, ubicunque aliquid cōtrarietatis inest: ut, dubito an uiuat pater, an mortuus sit, & in maiori numero, Nescio an pater Romæ sit, an ualeat, an uiuat, an uenturus ad me sit. Muta uerbum dubitationis, & inscientiæ, in disimile aliud uerbum: sic, Scio an pater uiuat, an mortuus sit, malè locutus es: bene autem, nescio an pater uiuat, an mortuus sit. Itaque uerbis huiusmodi dubitationis, & inscientiæ damus subiunctiuum cum an: uerbis uerò opinio-

nis, & scientiæ indicatiuum cum quòd, & aut: sic, Opinor quòd pater aut mortuus est, aut grauitè ægrotat. Quod præceptum est de An, hoc quoq; sit de Ne, quæ plerunq; una solaq;,& semper in parte prima collocatur: ut, bonus ne uir est, an malus? Aliquando cū socia, sed id sæpius apud poëtas: ut Vergil. in primo lib. Aeneid.

Qui teneant (nam inculta uidet) homines ne, fera ne

Querere constituit, socijsq; exacta referre.

Sæpe hoc modo, Illuc eam, nec ne, ignoro. Hoc est dubitatiuè. Interrogatiuè quoq;: ut pro Flacco Cicero, Vtrum uultis prætori Flacco licuisse nec ne? id est, licuisse an non? Quidā superuacue addunt alterum an: sic, Nescio an bene faciam nec ne. Atque ut ostendi quosdam errare in aut, non uidentes in quo differat ab an, ita quidam faciunt in uel, putantes poni pro an: id est, interrogatiuè, uel dubitatiuè, siue ignoratiuè: ut istud est aurum, uel orichalcum? nescio sit aurum, uel orichalcum: imò scis quòd est aurum, uel orichalcum. Et neuter uestrum dubitat, quòd uel hoc, uel illud est: sed nescitis an hoc, an illud sit. Ideoq; & tu interroga, aurum ne sit, an orichalcum: & tu responde, quòd nescis an sit hoc, an illud. Illud autem quod est apud Quintilianum: Querendumq; arbitrantur iustum ne sit sacrilegium appellari, quod obijciatur, uel furtum, uel amentiam: potest quibusdam mouere dubitationem, quasi in re dubia loquamur per uel, atq; ideo ipsum misceamus cum ne, siue an. In quo minime dubitandum nobis est. Talis enim ibi locutio est: Querendumq; arbitrantur, iustum ne sit appellari aliquid nomine sacrilegij, an non: uel, iustum sit aliquid appellari furtum, an non: uel, aliquid sit iustum appellari amentiam, an non. Ve, magis accedit ad uel, quàm ad an: ut duobus, tribus uel mensibus: id est, duobus, uel tribus mēsis. Raroq; reperitur geminatum, nisi adiuncta. si, ut, siue hoc, siue illud: aut adiuncta ne, pro ut nō: apud eundem, Cauendū etiam ne ue sit maior translatio,

De Oratore. tio, quàm oporteat, ne' ue (quod saepe accidit) minor, ne' ue disti-
Lib. 1. milis. Cicero: Ita iungetis, ut ne' ue asperè concurrant, ne' ue uas-
 stius diducantur. Lucanus sine compositione aliqua:

Nec quenquam iam ferre potest Caesar ue priorem,
 Pompeius ue parem—id est, non potest iam aut Caesar superiore
 ferre, aut Pompeius parem. An & ne, coniungi solent pro an,
 quod magis poeticum est: ut apud amulos Vergilij,
 Dic mihi Damoceta, cuium pecus, an ne Latinum? Illud Cice-
 ronis multi ita legunt: Quo mihi etiam indignius uidetur ob-
 trectatū esse, Gabinio dicā, an ne Pompeio, an ne uiriq; id quod
 est uerius. Sine interrogatione durum uidetur: ut Vergilius,

Georg. 1. —Urbes ne inuisere Caesar,
 An deus immensi uenias maris, ac tua nauta, &c.
 An ne nouum tardis sydus te mensibus addas?

Ideo dixi durum, quia per interrogationem quiddam urgen-
 tius, & instantius est in hac geminatione an ne, quàm in illa sim-
 plicitate an, quod hic non fit, ut ex alijs compositis elucebit:

Verg. eclog. 1. Non ne fuit satius tristes Amaryllidis iras,
 Atq; superba pati fastidiq; non ne Menalcam?

Verg. 3. eclog. Non ne ego te uidi Damonus (peissime) caprum
 Excipere insidijs?—

In hac interrogatione non id agitur, ut respondeas nescienti,
 sed cogaris assentiri scienti. Nec alia uis orationis est, quàm si
 diceret an non, quod magis urget, quàm solū non, licet & hoc
 solum pro illo composito accipi soleat. Alia cōposita (si modò
 composita sunt) hæc sunt: Ita ne: ergo ne: quæ interrogando re-
 sponsum non poscunt, sed assensum extorquent.

De Nedum, & non solum, Non modo, &
 non tantum. CAP. XVIII.

NEdum, duobus modis periti uti solent. Vno modo cum
 utraq; sententiam eodem claudinus uerbo: altero, quum
 suum utriq; sententiæ uerbum damus. Primo modo sic: Funderem

derem pro te sanguinē, nedum pecuniam. Secūdo sic: Funderem pro te sanguinē, nedum pecuniam tibi crederem. & hoc affirmatiuē. Negatiuē sic: Non perderē pro te obolum, nedum sanguinem. Item, Non crederem tibi obolum, nedum pro te funderem sanguinem. Atq; in affirmando, id quod plus est, maiorisq; momenti in prima parte est ponendum: in negādo, id quod minus. Plus est, & magis momentosum, fundere sanguinē, quā pecuniam: & minus est, & leuius, perdere, aut credere obolum, quā perdere, aut fundere sanguinē. Imperiti uerò hanc dictionem accipiunt pro non solum, sic dicentes: Nedum laborem pro te suscipere, sed etiam mortē. quod sic dicendum erat, Mortē pro te susciperem, nedum laborē. Aut per non solum (nam cōtrarius modus est per nō solum, & non modò, ei qui est per nedum) sic, ne priora exempla cōmutemus: Non solum pecuniā pro te funderem, sed etiam sanguinē. Item, non modò pecuniam tibi credere, uerū etiam sanguinē pro te funderē. hoc affirmatiuē. Rursus negatiuē, Non modò pro te sanguinē non perderem, sed nec pecuniā. Item, non tantum pro te sanguinem non funderem, uerum ne obolum quidem tibi crederem. Hæc igitur differentia est inter nedum, & non solum, siue non modò, siue non tantum. Aliquando tamen reperimus hoc posterius penè pro nedum accipi. Cicero in lib. de Offic. 111. Huic igitur uiro bono, quem Fimbria etiam, non modò Socrates nouerat, nullo modo uideri potest quicquam esse utile, quod non sit honestum. Possemus dicere hic pro, non modò Socrates nouerat, nedum Socrates: sed nedū auget, præpolletq; alteri parti, cui adiungitur: non modò autem æquiparat. Ideoq; puto Ciceronem uoluisse æquare Fimbriam Romanū Socrati Græco, dixisseq; illud nō modò sicut in quibusdam alijs exemplis: ut in iisdem Officijs, Ad quod est adhibenda actio quædam, non solum mentis agitatio. Et pro Plancio: Plura ne dicam, tuæ me lacrymæ impediunt, uestræq; iudices, non solum meæ. Hic non ausim pro nō solum, dicere nedum.

De Nisi. CAP. XIX.

Nisi, quoties principium sententiæ est, indicativum desiderat, aliàs etiam subiunctivum. Cicero pro Milone: Nisi fortè putamus dementem P. Scipionem Africanum fuisse, qui quum per seditione à C. Carbone interrogaretur, quid de Tiberij Gracchi morte sentiret, respondit, iure sibi casum uideri. Et Quintilianus: Nisi fortè imperatorem quis idoneum credit in prælijs quidem strenuum, & fortem, & omnium quæ pugna poscit artificem, sed neq; delectus agere, nec copias contrahere, atq; instruere, nec prospicere cōmeatus, nec locum capere castris scientem. Præter principia autem sententiarum, sic: Vapulabis, nisi caues: uel, nisi caueas. In illo superiore, nisi adest uerbum principale, hic non adest.

De coniunctione Quòd.

CAP. XX.

Quòd scribas gaudeo: & quòd scribis gaudeo: utroq; modo dicitur. Volo quòd scribas: non autem, quòd scribis. Illius superioris hæc similia sunt, credo, opinor, puto, letor, uoluptatem capio, & reliqua. Huius posterioris hæc, mando, iubeo, impero, exigo, postulo, & reliqua. In illo tamen superiore cauendum est, ne diuersorum modorum uerba copulemus: quæcunque foret illud Terentij, quod nonnulli sic legunt: An quòd uiam ignorant, an quòd iter perferre nequeant? Cum sit dicendum aut sic: An quòd uiam ignorèt, an quòd iter perferre nequeant? aut sic, An quòd uiam ignorāt, an quòd iter perferre nequeunt? Cui simile illud aliud est apud eundem: Nihil quum est, nihil desit tamen. quum sit potius legendum desit, non desit, ut bonis autoribus placet. Et in proœmio Ciceronis ad Herennium sic quidam legunt: Et si negotijs familiaribus impediti, uix satis otium studio suppeditare possimus, & idipsum quod datur otij, libentius in philosophia consumere consueuimus. quum sit potius legendum possumus, ut modi cōcordent, qui copula media coniunguntur: quanquam & sonus ipse, utpote in cursu medio periodi,

Terent. in Eunucho, act. 2.
scæ, 2.

periodi, conuenientior est in possumus, quàm in possumus. Est etiam alia causa, cur hoc non liceat, quam modò subiungam.

De Etsi, Quanquàm, Quamuis, & Licet. CAP. XXI.

Etsi, quanquàm, quamuis, licet, eiusdem significationis sunt, aliquid in utendo discriminis habentia. Nam maior quædam dignitas data est primis duobus, quæ semper adsciscunt sibi indicatiuum duntaxat, in principio statim orationum, epistolarum, librorum. Alia duo in hoc loco, raro in cæteris, omnia indifferenter. Cicero in oratione pro Milone: Etsi uereor iudices. Et in epistola ad Atticum: Etsi nihil noui afferebatur. Et in opere ad Herennium: Etsi negotijs familiaribus impediti uix In prin. satis otium studio suppeditare possumus, & id ipsum quod datur otij libentius in philosophia consumere consueuimus. Quintilianus in declamatione de corpore proiecto: Etsi iudices Declam. 6. in hac asperissima conditione fragilitatis humanæ, in qua nemo propè mortalium impune uiuit, hæc omnibus natura est, ut sua cuique calamitas præcipue misera, atque intoleranda uideatur. Cicero pro lege Manilia: Quanquàm frequens conspectus uester mihi multò iucundissimus, hic autem locus ad dicendum amplissimus, ad agendum ornatissimus est uisus Quirites. Idem de Officijs: Quanquàm te Marce fili annum iam audientem In prin. Cratippum, idq; Athenis, abundare oportet præceptis, institutisq; philosophiæ. Lactantius tamen secundum librum de Institutione sic incipit: Quanquàm libro primo religiones deorum falsas esse monstrauerim. Alia duo magis postulant subiunctiuum, nonnunquam tamen & indicatiuum, ut dixi. Ut apud Horatium sic quædam epistola incipit:

Epi. 12. lib. 1.

Quamuis Scæua satis per te tibi consulis, & scis.

Et apud Quintilianum declamatio: Quamuis iudices in tanta malorum continuatione iam poteram nihil ex accidentium meorum nouitate mirari. In alijs partibus, quàm in principijs parem omnia hæc locum sortiuntur. Habent & hoc differentiæ

Decla. 5.

duo priora à duobus posterioribus, quòd illa aliquando eodem modo, quem de nisi ostendimus, à nullo dependent. Cicero pro Marcello: Quid enim est omnino hoc ipsum diu, in quo est ali- quid extremū? quod quum uenit, omnis uoluptas praterita pro nihilo est, quia nulla est futura: quanquàm iste tuus animus nun- quàm his angustiis, quas natura dedit nobis ad uiuendum, con- tentus fuit, semperq; immortalitatis amore flagrauit. Nec uerò hæc tua uita dicenda est, quæ corpore, & spiritu continetur. Hoc sit acrius per interrogationem, ac sublimius: ut (ne si alia exempla afferam, longior sim) si dicamus hoc idem sic: Quan- quàm quis ignorat istum tuum animū nunquàm his angustiis, quas natura ad uiuendū nobis dedit, fuisse cōtentum, semperq; immortalitatis amore flagrasse? De etsi, siue tametsi (idem enim sunt) & apud eundē, & apud alios reperienda relinquimus ex- empla huiusmodi, licet pauciora. Vnum ex Plinio satis sit, ad Cornelium Priscum: Dedit enim mihi quantum maximum po- tuit, daturus amplius, si potuisset: tametsi quid homini dari po- test maius, quàm gloria, laus, & æternitas? Hic non possis pone- re licet, & quamuis.

De Cūm, & Tum.

CAP. XXII.

Cūm, & Tum indicatiuum ferè postulant. Est autē in cūm quiddam minus, in tum quiddam maius. Et hoc duobus mo- dis, ut aut generale aliquid præcedat, speciale sequatur: aut ambo sint specialia. Primo modo sic, ut apud Quintilianum: Quod cūm omnibus confitendum est, tum nobis præcipuē, qui rationem dicendi à bono uiro non separamus. id est, omni- bus multum, mihi uerò maxime. Altero modo apud eundē: Quod opus Marcelle Victori tibi dicamus: quem cūm amicissimum nobis, tum eximio literarum amore flagrantem, dignissimum hoc mutuae inter nos charitatis pignore iudicabamus. id est, mul- tum propter amorem tuum in nos, plus tamen propter amo- rem in literas. Vix aliter reperiās, quale est Ciceronis in Ver- rem

Epi. ultima,
lib. 3.

In præfatione
libri primi,

rem actione prima: Factum est, uti cū summu in ueteribus patronis multis, tum nonnullum etiam in me praesidium suis fortunis constitutum esse arbitrantur. Sed hoc loco adiectiua sunt, quae distinguant illud plus, & illud minus. In ceteris locis fere adiectiua non adhibentur, qualia nunc sunt summu, & nonnullum. Raro autem alius modus quam indicatiuus conuenit, quale fuit proximum exemplum. Idem Quintilianus in se- Cap. 1.
cundo: Quid autem est ex his, de quibus supra dixi, quod non cū in alia, quae sunt rhetorum propria, tum certē in istud iudiciale causae genus incidat? Cicero ad Curionē: Graui teste pri- Epist. 2. lib. 2.
uatus sum amoris summi erga te mei, patre tuo clarissimo uiro, qui cum suis uirtutibus, tum uerō te filio superasset omnium fortunae, si ei contigisset, ut te antē uideret, quā uita decederet. Nunquā hoc fit nisi sub uno uerbo: quod si quando sub duobus fieret, nunquā tamen in diuersis uerborum modis, diuersis ue temporibus, ut fecit Boethius in principio tertij (ut reor) de dialectica libri: Cum in omnibus philosophiae disciplinis ediscendis, atque tractandis, summū in uita positum solamen existimem, tum iucundius, & ueluti cum quodam fructu etiam laboris arripio, quae tecum communicanda compono. Nisi forte putamus hoc eodem modo pro Deiotaro incepisse Cicronem: Cū in omnibus causis grauioribus C. Caesar initio dicendi commoueri soleam uehementius, quā uel usus, uel aetas mea uidetur postulare, tum in hac ita me multa perturbant. Tamen dicitur, non tum. Respondet enim ad illud cū, pro quamuis: ut alio idem in loco: Satis ne constanter facere uideamur, qui cū praecipere nihil posse dicamus, tamen & alijs de rebus differere soleamus, & in hoc ipso tempore praecipia officij prosequamur? Cū scilicet pro quamuis: aut si scribitur Tum, non Tamen, scribendum etiam erit soleo, non soleam: quale est illud in prooemio quarti libri Tusculanarum quaestionum: Cū multis locis nostrorum hominum ingenia, uirtutesq; Brute soleo mi-

rari, tum maxime in his studijs, quæ serò admodum expetiti in hanc ciuitatem è Græcia translulerunt. Idem autor opus de Natura deorum sic inchoat, quod quidam deprauare solent, dicentes sint, pro sunt: Cum multæ res in philosophia nequam satis adhuc explicatæ sunt, tum perdifficilis Brute (quod tu minime ignoras) quaestio est de natura deorum. Priscianus quoque uix grammaticè locutus est in proœmio magni operis, & quidem in prima dictione, atque adeò in prima syllaba, dicens: Cum omnis eloquentiæ doctrinam, & omne studiorum genus sapientiæ luce præfulgens à Græcorum fontibus deriuatum, Latinos proprio sermone inuenio celebrasse. & cetera, quæ tanta sunt præcedentia uerbum principale, ut non modò Demosthenes, qui contenta uoce, & uno spiritu complures uersus pronuntiabat, aut Hercules, qui sine respiratio-
ne unum stadium decurrebat, sed ne Nouellus quidem Torquatus Mediolanensis, qui uno spiritu tres uini congios sicca-
bat, posset illam sententiam, atq; periodum una uocis contem-
tione pronuntiare. Tandem uerbum principale subiungit: Conatus sum pro uiribus rem arduam quidem, sed officio pro-
fessionis non indebitam suprâ nominatorum uirorum præce-
pta, quæ congrua sunt mihi uisa, in Latinum transferre ser-
monem. Cum inueniam, erat dicendum: aut, quoniam inuenio.
~~Sed ad Tum reuerentis, quod sepe sine~~ Cum ponitur gemi-
natum, triplicatum, & in quamuis longum multiplicatum.

Lib. 10. c. 1.

Sed quantum ego sentio, in rebus paribus: ut Quint. Nec in-
dignetur Herodotus æquari sibi T. Liuium, tum in narran-
do miræ iucunditatis, clarissimiq; candoris, tum in concioni-
bus, suprâ quàm enarrari potest, eloquentem, ita dicuntur
omnia tum rebus, tum personis accommodata. Taceo de eo
modo quando accipitur pro aliquando: ut, tum hoc, tum illud
dicas: id est, aliquando hoc, aliquando illud: uel, modò hoc,
modò illud.

De

De Quidem.

CAP. XXIII.

Quidem, duobus, tribusue modis accipi solet. Vno modo ad distinguendas res, quod apud Græcos penè nimis fit sæpe: ut, unus quidem sic, alius autem sic. Ego quidem Romæ sum, tu uerò Athenis, frater autem Alexandriæ. Altro autem quasi per exceptionem illius quod affirmes: ut apud Marcum Fab. Torquebis quidem filium, sed scitebitur mater. Adeò ut apud hunc, & M. Tullium, nunquam coniungantur Quidem, & Ille, quin huiusmodi sequatur exceptio: ut de Offic. lib. III. Ab optimis illis quidem uiris, sed non satis eruditis. Et de Amicitia: Qui autem in uirtute summum bonum ponunt, præclare illi quidem: sed hæc ipsa uirtus amicitiam & gignit, & continet. Dicendum erat, præclare hi quidem, ut in pronomini-
 bus ostendimus, potius quam illi: sed hoc fecit, ut Ille coniungeretur cum Quidem. In superiore modo tantum duabus comitibus Quidem uti potest, quæ sunt Verò, & Autem: in hoc secundo pluribus potest præter has duas, uerum, ueruntamen, at, sed, cæterum, tamen, attamen, sed tamen. Atque in hoc secundo modo ipsum Quidem alternatim poni potest, nunc in laudem, nunc in uituperationem: atque id aut à uituperatione incipiendo, & finièdo in laudem: aut incipiendo à laude, & finièdo in uituperationem: ut, tu lentus quidem es, & piger, sed tamen fidelis. Rursus, tu quidem fidelis es, sed tamen lentus, & piger. Tertio modo, quo plenus est etiam sermo uulgaris, nullo Autem, aut Verò, aut Sed, aliaue coniunctione simili sequente, sicut & hæc ipsæ nonnunquam sine Quidem sunt. Cic. At enim nemo (quod quidem magis credo) aut si quisquam est, ille sapiens fuit.

De Verò, Autem, Porro.

CAP. XXIII.

Verò, & Autem idem significant, & eodem in loco poni possunt, antecedente utique aliqua dictione: nunquam enim ab his sententia incipit. Collocantur autem frequenter, ut nusquam referantur, sed tantum distinguant sententiam à sententia,
 h. ut mea

Cap. 5. huius libri.

ut mea ipsius uerba declarant, ubi sum usus modò Autem. Hæc
 bent tamen aliquando nescio quid differentie in utendo. Cur
 nanque non dicimus, neque autem: sicut, neque uerò: ut Quint.
 Neq; uerò me Lacedæmonij, atq; Athenienses magis mouerūt,
 quàm populus Romanus, apud quem summa semper oratoribus
 dignitas fuit. Item, tum propter hoc, tum uerò propter illud:
 non autem, tum propter hoc, tum autem propter illud. Con-
~~trarium dicimus non~~ uerò, sicut non autem: ut, sum tibi amicus,
 non autem assentator. Muta illud aduerbium, & habebit locum
 uerò: sic, Sum tibi amicus, assentator uerò non. uel, assentator
 autem non. & in quibusdam similibus. Incipimus enim maiora
 quedam capita per Verò, potius quàm per Autem. Vergilius
 Iunonem cum Venere sic loqui incipientem fecit:

4. Aeneid. Egregiam uerò laudem, & spolia ampla refertis,
 Tuq; puerq; tuus.

Epi. 6. lib. 4. Et ad Seruium Sulpitium scribens Cicero ita epistolam inci-
 pit: Ego uerò Serui uellem (ut ais) in meo dolore affuisses.
~~Præterea non ita dicam, ego autem sanè autem, iam autem, enim~~
 autem, at autem: ut agè uerò, sanè uerò, iam uerò, enim uerò,
 at uerò. Atque ut in quibusdam locis hæc duo, & cætera simi-
 lia à me prius enumerata habent gratiam, si ponantur, ita in
 quibusdam non habent: quale est, quum idem uerbum repetitur,
 hoc modo, Quintil. Pro patre mori possum, coram patre non
 possum. non rectè dicas coram patre autem non possum: nisi re-
 ticeas uerbum: sic, coram patre autem non. Atque hic sequi-
 tur negatio, aliquando autem antecedit. Cicer. Tu cum prin-
 cipem senatorem auunculum domi habeas, ad eum non refers:
 ad eos refers, qui suam domum non habent, tuam exhauriunt.
 Quare non de eo modo intelligitur, quoties uerbum sine con-
 trarietate repetitur: ut idem, Tribues his tēporis quantum po-
 teris, poteris autem quantum uoles. Neq; quoties aliquid præ-
 longum est, aut nonnihil immutatur: ut idem in Verrem,

Non

Non enim, inquit, illud peto, quod soleo, quum uehementius contendere impetrare, ut reus absoluator non peto, sed ut potius ab hoc, quàm ab illo accusetur, id peto. Et in Philip. Ego autē ueteranos tueri debeo, sed eos quibus sanitas est, certè timere non debeo. Tale non fuit Lactantij, qui ait: Sed (ut dixi) uenia concedi potest imperitis, & qui sapientes se non fatentur: his uerò nō potest, qui sapientiā professi, stultitiā potius exhibeāt. Ego dixissem, His non potest. Poëtæ hoc non seruant. Verg.

Lib. 1. cap. 1.

Aen. 11.

Non erit auxilio nobis Actolus, & Arpi?

At Mesapus crit.

Ouidius:

Lib. 1. de arte.

Non formosus erat, sed erat facundus Vlysses.

Porro, licet eiusdem significationis sit cuius Verò, & Autē: tamen (ut puto) pro illis ponere non possis: nonnunquam tamen eundem locū sortitur, ut agē uero, agē porro: sed illud nunquàm in fronte sententiæ collocatur, hoc autem sæpius: ut Quint. Porro qui confesum defendit, non absolutionem sceleris petit, sed licentiam. Per illa diceremus, qui uero, uel qui autem cōfesum defendit. Apud quosdam, & præsertim poëtæ, uolunt significare longè, certè, postea, ultra: ideoq; sæpe non in principio sententiæ, sed in medio inuenitur.

De Siquidem.

C A P. X X V.

SIquidem, ex si, & quidem, compositum uidetur: sed cur nec primam syllabam longam habet, cum si longa sit, nec significationem alicuius harum, unde componi dicitur, dictionum? Est enim siquidem, idem quod nam: ut apud Quintil. Atq; natura ipsa uidetur ad tolerandos facilius labores musicam uelut muneri nobis dedisse: siquidem & remigem cantus hortatur. Et Ciceronem: Confiteor eos nisi liberatores populi Romani, cōseruatoresq; reipublicæ fuerunt, plus quàm sicarios, plus etiam quàm parricidas esse: siquidem est atrocius patriæ parentem, quàm suum occidere. Nōnulli nō internoscunt, quando siquidem est una dictio, quādo duplex: quod internoscere facile est:

Lib. 1. cap. 17.

h s ut apud

ut apud eosdem ambos : Priorẽ libro quarto : Quare illud stultissime præcipitur, quod defendi non potest : silentio siquidem dissimulandum est illud, de quo iudex pronunciaturus est. At si extra causam sit adductum, & cætera. Posteriores pro Milone : Deinde profectus est per id temporis, quum iam Clodius (si quidem eo die Romam uenturus erat) redire potuisset. Et pro Flacco : O morem præclarum, disciplinamq; quam à maioribus accepimus, si quidem teneremus, sed nescio quo pacto iam de manibus elabatur. In hoc tamen significato apud Ovidiũ reperitur libro quarto Fastorum prima syllaba breui, tanquam sit dictio composita :

Sed si fortè tibi non est mutabile pectus,
Statq; semel iuncti rumpere uincla tori,
Hoc quoq; tentemus, si quidem ieiuna remansit:
Sin minus, inferni coniugis uxor erit.

Idem libro tertio sine titulo :

Quidam hic **Que** mihi uentura est, si quidem uentura senectus,
haud postremè **Quum** desit numeris ipsa iuuenta suis.
inter literatos
notæ ueram le- **In altero significato apud Lucanum libro quarto:**
ctionẽ esse uo- **Hoc siquidem solo ciuile crinunc belli**
lunt, Si qua est
uent, senec. **Dux causæ melioris eris.**

De Sin. C A P. XXVI.

In And. act. 1.
sce. 3.

In Phormione.
act. 5. sce. 4.
In bel. Jug.

SIn pro si, nunquam in prima parte collocatur, sed in secunda, ubi sere duorum est oppositio, atque hoc siue uocali sequente, siue consonante. Terentius: Si illum relinquo, eius uitæ timeo : sin opitulator, huius minas. Et alibi: Si hoc celetur, in metu : sin patefit, in probro sic. Nonnunquam sin unum reperitur, sed quod secundi loci uicem obtineat: ut Sallustius, Imperat, ut pretio, sicuti multa confecerat, insidiatores Masi- nissæ parct, ac maxime occulte : sin id parum procedat, quous modo Numidam interficiat. id est, si potest, occulte: sin non potest, utcumq;. Quorũdam tamen usus est, ut dicant, sin autem,

pro eo quod est, si non, quasi in sin, aut in autem sit negatio. Mirarerq; de uulgo, nisi id apud quosdam præstāteis uiros reperire. Quale est illud in Apocalypsi: Sin autē, ueniā tibi citō, et mouebo cādelabrū tuū. Quū præsertim paulō pōst dicatur, Si quo minus, ueniā. Ego uerō in utroq; dixissem sin minus: uel, sin aliter. Et in Euāgelio: Si ibi fuerit filius pacis, requiescet super illū pax uestra: sin autē, ad uos reuertetur. Et alibi, Si quid fecerit fructū: sin autē, succides illā. In quibus omnibus Græcè negatio adest. Seruius uult nōnunq; si accipi pro siquidē: ut ibi, —Tua si tibi Manala cura. quod mihi minime placet.

Georg. 1.

De Quippe, Vt pote, Profectō, Vtiq;, Nempe, Nimirum, Sanē, Certē.

CAP. XXVII.

Quippe, et utpote, profectō, et utiq;, nempe, et nimirum, sanē, et certē, uel certō, similia sunt quidem in significato, quā illud quod modo dixi (de siquidem loquor) sed ad hoc ipsum proxime accedunt præsertim duo, quippe, et utpote: quæ licet uulgō accipiantur pro certē, cui non omnino equidem repugno, tamen malim accipere pro causatiuis: ut Quintilianus, Falsa enim est querela, paucissimis hominibus uim percipiendi quæ tradantur, esse concessam, plerosq; uerō laborem, ac tempora tarditate ingenij perdere: Nam cōtrā, plures reperias, et faciles in excogitando, et ad discendum promptos. Quippe id est homini naturale. Ac sicut aues ad uolatū, equi ad cursum, ad seuitiam feræ gignuntur: ita propria nobis est mentis agitatio, atq; solertia, unde origo animi cælestis creditur. Atq; licet huiusmodi dictiones eodē tendant, tamen usu disident, et quasi diuerso itinere ad idem perueniunt. Vt enim pro quippe hoc in loco rectē dicam siquidem, uel nam, aut nanq;, uel enim, aliqua dictione antecedente, ad hunc modum: id enim est homini naturale: ita rarius per Quoniam, quæ coniunctio habet alium suum usum, qui nulli horum alteri concedatur: ut in hoc Tulliano exemplo, Quoniam utriusque con-

Lib. 1. cap. 1.

Philip. 1.

filij

filij causam P.C. probatam uobis esse confido, prius quàm de republica dicere incipio, pauca loquar de hesternâ M. Antonij iniuria. Hoc idem per quippe sic dicam: Priusquàm de republica dicere incipio P.C. pauca loquar de hesternâ M. Antonij iniuria: quippe probatam uobis esse confido causam utriusque consilij. Vel, quippe quum probatam uobis esse confidam. Vel, quippe qui probatam uobis esse confido, uel confidam. Huic similitimum est utpote, præterquàm primo modo. Non enim habet suum uerbum: quale foret, utpote id est homini naturale. In cæteris omnibus usum eundem habet. Plinius de Naturali historia: Vtpote quum quidam annuo, & biennij spatium durauerit. Cic. ad Atticũ: Me incõmoda ualetudo, quia iam emergerã, utpote quum sine febris laborassem, tenuit. Idem ad eundem: Ea nos (utpote qui nihil cõtemnere solemus) nõ pertimescebamus. Et in Philippicis: L. quidem frater eius, utpote qui peregrè depugnauit, familiam ducit. Sallustius in Catilinario: Antonius procul aberat, utpote qui magno exercitu locis æquioribus expeditos in fugam sequeretur. Hic subiunctiuo, ille indicatiuo usus est. Nõnunquam sine cum, & sine relatiuo reperitur, & nescio an frequentius, cuiusmodi esset hoc: Antonius aberat à bello, utpote æger, ac iacens in lecto. In qua forma etiam reperitur quippe: ut Quintil. Si alienũ, & ignotũ, tamen quæ communis omnium mortalium, quippe sub uno parẽte naturæ cognatio est, hominem cibo forte iuuissẽm pœna dignum: uiderer seruasse perituram animã. Titus Liuius libro tertio: Notam iudici fabulam petitor, quippe apud ipsum auctorẽ argumẽti peragit. Profecto autem, & utiq;, sine dubio affirmant: sed hoc secũdum nunquàm, aut ferè nõquam apud Cic. apud posteriores frequẽter: ut Quintil. Sed solent huiusmodi negotiatores aliquid proprium, ac priuatum stipulari, utique quum alienam rem uendunt. Quod non ita solet ad responsionem adhiberi, ut illud alterum: ut Cicero, Quis hæc renũciat? is profectò qui interfuit.

Licet

Licet idem facere per certè: ut idem, Tantam sollicitudinem bonorum, tantum timorem omnium in quo meminimus? certè in nullo. Et per nimirum: ut Quintil. Demus id quod nullo modo fieri potest, idem ingenij, studij, doctrinæ, pessimo atq; optimo uiro, uter melior dicetur orator? nimirum qui homo quoq; melior. Sed usitatum omnium maxime est nempe: ut Cic. Apud quē hęc dico? nempe apud eum, qui quum hęc sciret, me tamē antequam uidit, reip. tradidit. Nonnunquam sine interrogatione. Horatius enim quandam satyram sic inchoat: Nempe incom= Saty. 10. lib. 1.
 posito dixi pede currere uersus Lucilli. Et Persius: Nempe hoc Saty. 3.
 assidue dixit. Quintil. quoq; inquit: Nempe enim in hoc plurimum laboris exhausimus, ut rhetoricen ostenderemus benediciendi sciētiam, & utilem, & artem, & uirtutem esse. Sanè tum affirmatiuè sumitur: ut, ita sanè, sanc uerò. Tum pro ualde: ut, homo sanè nobilis. Interdum cum superlatiuo: ut Suetonio de uita Caesaris: Bellum sanè difficilimum gessit. Tum permissiue, quo= Cap. 35.
 ties aliquid aduersario tribuimus: ut, sit sanè ut ais. Vt Quintil. Tulerit sanè filius noster meritò pœnas, dederit spiritum supplicio: nihil de præterito loquamur. quasi esto, ita sit ut uis. Certè modò affirmat, modò pro saltem accipitur: ut, non potero tãgere? certè potero uidere. uel, at certè. Ideo dixi quòd pro saltē accipitur, quòd hanc eandem sententiam nihil differre puto ab ea, quæ est, non potero tangere? saltē: uel, at saltē potero uidere. Adiungitur autem illud at, quo modo iungitur sed, cum tamen, licet alterum eorū sufficeret. Significat enim nōnunquam at, idem quod saltē, ut in illo Vergiliano: At Mæapus erit. Æn. 11.
 Certè coniuncta cum coniunctione &, semper affirmat: ut Cic. Et certè contra Cæsarem est ingressus armatus. Apud Quintil. Et sanè, frequenter: ut libro primo: Et sanè quis concipiat uel declamantis habitum, uel orantis uocem, incessum, pronunciationem, illum deniq; animi, & corporis motum? Certè cōiuncta cum scio, similibusq; uerbis solet mutare e in o, ut certò scio: sicut

sicut dicimus manifestò scio: pro manifestè: apertò, pro apertè:
liquidò, pro liquide: tutò, pro tute: & similia.

De Vt.

CAP. XXVIII.

VT, pro quippe, siue pro utpote accipitur, sequente rela-
tino. Vt Quintil. Quum me, ut cuius (interiecto mari) non
fortunam quisq; nosse, nò natales, non patrem poterat, una tamè
res faceret apud quosdam miserabilem, quèd uidebar iniquè cõ-
paratus. Et alibi: Iam illud diximus, quantò plus nitoris, & cul-
tus demonstratiuæ materiæ, ut ad delectationem audientium cõ-
positæ, quàm quæ sunt in actu, & contetione suasoriæ iudicia-
les quæ permittant. Vbi est ut, licet ponere quippe, uel utpote.
Quintil. Vt, frequenter utitur: Vtpote, autem rarò. Et alibi:

Lib. 10. cap. 1.
In eo. li. et cap.

Nec ignoro igitur, quos transco, nec utique damno, ut qui di-
xerim esse in omnibus utilitatis aliquid. Et alibi: Theopompus
his proximus, ut in historia prædictis minor, ita oratori magis
similis, ut qui antequàm est ad hoc opus sollicitatus, diu fuerat
orator. Aliquando accipitur quasi pro secūdum: ut Cicero, Qui
sermo, quæ præcepta, quanta notitia antiquitatis, sciētia iuris,
augurij, multæ etiam ut in homine Romano literæ. id est, secū-
dum id quod solent scire Romani. Et alibi: Posteaq; Clistenem
multum ut temporibus illis ualuisse dicendo. id est, secundum
illorum tēporum eloquentiam. Et iterum: Deniq; hūc proximo
seculo Themistocles insecutus est, ut apud nos perantiquus, ut
temporibus illis nò ita sanè uetus. Et iterum atq; iterum in eo-
dem Bruto: Fuit, ut temporibus illis luculentus: erat cū literis
Latinis, tum etiā Græcis, ut temporibus illis cruditus. Erat etiā
in primis, ut temporibus illis, Græcis doctrinis institutus, quorū
utriusq; orationes sunt, ut Asiatico genere, laudabiles.

Cic. de Sene-
stue.

De clar. orato-
ribus,

Ubidem,

Quibus cū literis iungūtur Ab, & Abs. CAP. XXIX.

AB, cum duabus liquidis, & cum i, quando fit consonans,
adiungi solet: ut, ab lege, ab legatis, ab literis, ab rege, ab
rogo, ab re, ab Ioue. Abs uerò cum t, ut abs te, abs T ito: inter-
dum

dum uero cum q, ut Terentius: Abs quiuus homine cum opus
est, beneficium accipere, gaudeas. In Adelp. 2.
2. sc. 3.

De Continuo, Protinus, Statim. CAP. XXX.

Continuo, protinus, statim, quid significant, notum est: quibus addita negatione, significatio fit qualis non ideo: ut de Oratore Cic. Ac si illæ seditiones saluti huic ciuitati fuissent, non continuo si quis motus populi factus esset, id C. Norbano in nefario crimine, et fraude capitali esset ponendum. Quintil. Non autem ut quicquid præcipue necessarium est, sic ad efficiendum oratorem maximi protinus erit momenti. Et iterum: Neq; id statim legenti persuasum sit, omnia quæ omnes aures dixerunt, utiq; esse perfecta. Eandem uim obtinet interrogatio, quam negatio: ut idem, Continuo ne si ille stultè cogitauit, nobis quoq; stultè dicendum est? id est, num ideo? Cuius significationis mutata hæc causa est, quod non planè recessum est à prima illa eius, et naturali: quasi dicatur, num? aut, non propter hæc solam, et se primò offerentem ratione. Seruius non est usus hac re eleganter in ea parte, ubi abest negatio: nõ quia mulier, statim et ancilla: si autem ancilla, statim et mulier est. Tollendū enim erat posterius statim. Protinus (ut interpretor) pro simul, siue etiā aliquādo accipitur: ut Verg. – Quin protinus omnem Perlegerent. Quintil. Traxerat ex firmitate mētis magnam protinus et in membra constantiam. Etenim quod statim fit, quasi simul fit. Lib. 3.
Lib. 10. cap. 1.
circa prin.
Ibidem.

De Tantū abest, Tantumq; non. CAP. XXXI.

Tantū abest, aut unū ut, post se habet, aut duplex. Vnū sic: Cic. de Officijs: Tantū abest ab officio, ut nihil officio magis possit esse cōtrariū. Idē pro Marcello: Tantū abest à perfectione maximorum operū, ut fundamenta nõdum quæ cogitas, ieceris. Duplex sic: Idem pro lege Manilia: Tantum abest ut aliquam bonam gratiam quæsisse mihi uidear, ut multas etiam simultates, partim occultas, partim apertas subeundas mihi esse intelligam. Quem modum loquendi à Græcis 6. Aeneid.

mutuati sumus. Hos autem duos, quos attigi modos, idem significare ex hoc liquebit, quod alterum in alterum conuertere licet: sic, Tantum abest, ut officium sit, ut nihil officio magis possit esse contrarium. Item, Tantum abes ut maxima opera perfereris, ut fundamenta nondum, quæ cogitas, ieceris. Rursus, Tantum absom a comparatione alicuius bonæ gratiæ, ut multas etiam similitudines, et cetera. Quin quod planius huiusmodi orationis sensus patefiat, resoluamus per non solum: ut, Non solum aliquam gratiam quæ fuisse non uideor, sed etiam multas, et cetera. Item, Non modo officium non est, uerum etiam nihil magis officio potest esse contrarium. Et, Non tantum abes a perfectione maximorum operum, sed fundamenta quoque nondum quæ cogitas, iecisti. Potest et in nedum resolui, ut supra docuimus: sed hoc faciendum legentibus relinquimus. Aliquando Tantum abest, et sine geminatione illa, et sine ablatiuo reperimus, sed perquam raro: ut in Callidium Cic. Tantum abest ut inflammare res nostros animos, somnum isto loco uix tenebamus. Apud Quint. hæc exempla non inueni, sed tale genus loquendi: Si ultra hostium affectus, qui casos acie sæpe tumularunt, ultra tyrannos, ultra latrones, parum habet non sepelire, nisi aliorum quoque officia præciderit, tantumque non petita ex fluctibus aqua restinguit ignem. Et alibi: Hoc triste spectaculum, et tantum non ipsi qui fecerat miserandum. Et iterum: Tantumque non durum, ac rusticum, et parum meretricijs artibus queratur educatum. Id est, tantum abest ut restinguat ignem: tantum abest, ut ipse misereatur: tantum abest ut queratur durum, ac rusticum, ac parum meretricijs artibus educatum. Valerius in primo: Tantum non suis manibus deducit, siue prope adest, uel prope est. Id quod etiam est Græco sumus mutuati.

De Simul, Vnâ, Pariter,

C A P. X X X I I.

In proœm. In-
fuit, orator.

Simul geminatum non memini me reperisse apud Ciceronem, apud posteriores sæpe: ut Quintil. Simul ut pleniore obsequio demererer amantissimos mei, simul ne uulgarem uiam ingressus,

gressus, alienis demum uestigijs insisterem. Vergilius:
 Oblupuit simul ipse, simul percussus Achates: Et iterum:
 Accelerat simul Aeneas, simul agmina Troum.

Aen. 1.
 Aen. 9.

Cicero tamen rarò pro simul dixit unà, in Verrem actione secunda: Vnà & id, quòd facio, probabit: unà & in hac causa profectò neminem præponendum mihi esse existimabit. Simul non geminatum, & Pariter, apud Quintilianum sæpe: ut, homo fortis simul & sapiens: uel, homo fortis, pariter & sapiens. Rarò cum Et geminata: ut Horatius,

Aut simul & iucunda, & idonea dicere uite.

De Arte poet.

Cicero pro Roscio: Perditissimi est igitur hominis simul & amicitiam dissoluere, & fallere eum, qui læsus non esset nisi credidisset.

De Nudiustertius, Nudiustertius, Pridie,
 & Postridie. CAP. XXXIII.

Nudiustertius, & nudiustertius, nec ultra progreditur: sicut biduo, triduo, quadriduo: & binoctio, & trinoctio, quadrinoctio, & non amplius: nisi putamus sine menda scriptum esse in Philipp. Nudiustertiusdecimus. Plautus (ut solet) licenter inquit, nudiustertius, quartus, quintus, sextus, septimus, octauus, & adhuc deinceps: ut etiam ad nulesimum fuerit processurus. Sed cur quemadmodum habemus biduo, & binoctio, non etiam habemus nudiussæcundus? nempe quia adest aliud uocabulum, & quidem magis proprium, quod est, heri. De die autem, qui præcessit hesternum, dicimus Nudiustertius: & de superiore adhuc, Nudiustertius: scilicet nunc die tertio, uel quarto. De sequenti, Cras: de huic proximo, Perẽ die. Cicero ad Atticũ libro duodecimo, Scies igitur cras, ad sum mũ perendie. Unde dies perẽdinus, dies abhinc tertius. Cæsar in Commentarijs: Qui, si per te liceat, perendino die cum proximis hybernis cõiuncti, communẽ cũ reliquis belli casum sustineant. Et cõperendinare, differẽ in longum de die in diem. Pridie, &

Epl. 6.

i Postri

Postridie similitudinem obtinent significationem ei, cuius sunt heri, & cras. Est enim pridie, quasi heri, non tamen presentis diei: & postridie quasi cras, non presentis diei, sed cuiusdam alterius, aut prateriti aut futuri. Prateriti sic: Pridie quam intrarem mare, lux serena fulsit. Futuri sic: Pridie quam intres patriam, sacrificium facito. id est, die precedenti, quo aut mare intrasti, aut patriam intrabis. Item, Postridie quam pater mortem obiit, epulum feci. Et, Postridie quam uxorem duxero, nauigandum mihi est. Vel cum genitui sic: Pridie illius diei. &, postridie illius diei, quo aut hæc feci, uel faciam. Vel sine quam, & sine diei, sic: Venit ad me Chremes postridie clamitans. supple illius diei: quo hæc gesta sunt. Et, Cum intraui urbem, audiui hominem pridie recessisse. Dicimus tamen, Quum has literas dabam, erat pridie Calendas Augusti: uel, postridie Nonas: & hodie est pridie ludorum Circensium: cras erit postridie nundinarum. Refertur enim tale tempus non ad hodiernum, crastinumque diem, sed ad alium quendam, ueluti ad eum, quo hæc literæ legentur. Ideoque errauit, qui scripsit sic: Quum Romæ domum eius loquendi gratia adissem, orauit me, dicens, Postridie ad me redeas: Dicendum erat, cras: aut sic, postridie ut redirem orauit. Rursus non rectè dixisset sic: cras ut redirem orauit, sed postridie. Atque ut non dicimus nudiussecundus, ita nec secundo Calendas, secundo Nonas, secundo Idus: sed pridie Calendas, pridie Nonas, pridie Idus. Item, ut non dicimus nudiusprimus, ita ne primo quidem Calendas, primo Nonas, primo Idus: sed Calendis, Nonis, Idibus. Præterea ex his duobus alterum format ex se denominatiuum, alterum uerò minime. Ex pridie fit pridianus, ex postridie non fit postridianus, aut in usu non est: sed pro eo abutimur crastinus, per quod significatur non modò dies sequens hodiernum, sed etiã quemlibet alium. Vergilius Georgicorum primo: Sin uerò ad solem rapidum, lunasque sequentes Ordine respicies, nunquam te crastinus fallet

Hora, neq; insidijs noctis capiere serena.

Eodem quoq; modo abutimur hesternus pro pridianus. Terent.

— Ex iure hesterno panem atrum uorent. Cicero: Vide ^{In Hon. 2. s. 6.} re uideor alios intrantes, alios exeuntes, quosdam ex uino uacillantes, quosdam hesterni potatione oscitantes. Non de hesterno die loquitur, quia (ut sic dicam) ab illo heri non fuerat factum, quum hæc dicerentur. Vtimur frequentius hoc per abusum, quam illo naturali, & proprio, quo & ipso frequenter utimur. Suetonius in uita Tyberij: Solennibus ipse cœnis pridiana ^{Cap. 34.} sæpe, et semesa obsonia apposuit. Itē in uita Caij: Marcete adhuc stomacho pridiani cibi onere. Bartolus cū leguleis suis accipit potestridie, pro post tres dies: unde cōsequēs fuit dicere, pridie pro eo quod est, prioribus, & proximis diebus. Nā ita uulgò loquūtur, pridie emi domū, quū dicēdū sit nup, de quo nunc disseramus.

CAP. XXXIIII.

De Dudum, Nuper, & Pridem, compositisq;

Dudum, & Iandudū, de paruo tēpore unius horæ, aut semihoræ, aut duarū horarū, aut certē breuissimū tēporis: Nuper siue Pridē, & Iampridē, de longiore tēpore, decem, aut uiginti dierū, aut mensis mensium'ue, & nonnunquam annorū, pro cōditione materiæ. Item dudū, & nuper, seu pridē, de re, siue actione, quæ non insistit, sed statim transit. Iandudum, & iampridē, de re, siue actione, quæ insistit, & immoratur. Illa præteritum utiq; postulāt, hæc frequētius præsens, nonnunquā etiā præteritū. Dudū intraui, & Iandudū te expecto. Id est, hora, aut semihora est, uel duæ, uel tres, uel (ut multum) quatuor ex quo intraui, & ex quo te expecto. Sed ipsa actio intrandi nō insistit, sed statim desinit: secus autē expectādi actio. Itē, Nuper ex Sicilia redij: et Iampridē ex Sicilia absum: uel, Iāpridē ex Sicilia redij: id est, superioribus diebus, mēsis'ue ex Sicilia redij: et, iā multi dies sūt: uel, aliquot mēses, ex quo absū ex Sicilia: uel, ex quo ex Sicilia redij. hīc cōtinuatio intelligitur tēporis, illic minime: hīc

significatur mora, qua in hoc loco immoratus sum: illic momentum illud applicationis. Caterum quia dixi nuper, & iam pridē non modō menses complecti, uerū etiam annos pro conditione materiae, tale exemplum sit: Nuper inuenta est machina, quam bombardam uocant: id est, non multo tempore abhinc. Iam pridē bombardā in usu est: hoc est, iam aliquanto abhinc tempore in usu est. Cicero de Diuinatione: Neque ante philosophiam patefactam, quae nuper inuenta est, hac de re communis uita dubitauit. Idem de Amicitia: Neque enim assentior his, qui nuper hāc differere cœperunt, cum corporibus simul animas interire, atque omnia morte deleri. Quid attinet plura hīc exempla repetere, quū nemo aliter locutus sit? Forsan aliquādo poëtae, apud quos legimus iandudum pro continuo, sed ferē in persona loquēte, & alios ut maturēt hortante: ut Vergilius, — Iā dudū sumite poenas.

Aen. 3.

Lib. 1.

Rarius iam pridem: ut fecit Lucanus:

Tollite iam pridem uicticia, tollite, signa.

Nisi iam pridem uicticia dicamus. Quare Boëthius uidetur male uoluisse imitari unum locum M. Tullij in rhetoricis, dicentis: Aliquando respondendum est primum his, quae aduersarius nuperrime dixerit. quum in commentarijs dialecticis inquit: Hoc autem quod nuper diximus: quum dicere debuisset ultimō, aut nouissime, aut postremo, aut proxime. In Saturnalibus quoque

Lib. 7. cap. 13.

Macrobius: Iandudū, inquit, hāc quæstio ab Aristotele & proposita est, & soluta. Quum dicere debuisset iam pridem, aut potius, iam olim. Flinius etiam maior (si uerē scriptum est) lib. x x i i i. sic inquit: Somno accommodatum, ac securitibus. Iamq; dudū hoc fuit, quod Homericā illa Helena ante cibū ministravit. Et iterum lib. x i x. Iandudū ex eadem Hispania Zelicum uenit in Italiam plagis utilissimum. Et Linius lib. x l i. In eo captiuorum numero, fabri qui dudum suere assueti apud Pœnos mercede opus in arce Locrorum facere. Pridem autem, & nuper idem significant. Est autem nuper non longo tempo-

re à

Cap. 1. de sci-
entis uinum bibē-
tibus.

re à nunc, interdum non longo tēpore à tunc: ut Curtius, Qui nuper ab Alexandro missi erāt. Titus Liuius: Tunc hæc ipsa in dignitas agebat animos, non in retinendis modò publicis agris, quos ut teneret, pertinacē nobilitatē habere, sed ne uacuum quidē agrum nuper ex hostibus captū plebi diuidere. Cic. de Oratore lib. I. Quàm multa de balneis, quas nuper ille uēdiderat. Pridē uerò rarū est. Plinius lib. V. I. naturalis historia: Ipsi uerò pri- Cap. 16.
dem uidimus eadē ferme omnia præter pubertatem in filio Cornelij Taciti equitis Romani. Paulus iurecōsultus: Et nō est mirū si peculū quoq; defuncti pridem filij defertur patri. Vlpianus: Tenetur eū ordinē tenere, quem pridē habuit. Modestinus: A li- teris pridē sibi editis. Sapius cū negatione, & cum quàm, & cū ita. Plin. lib. X. V. Medica non pridē uenere in Italiā. Cicero pro Roscio Comædo: Quampridē nomē Fannij in aduersaria detu- listi? Idē in Bruto: Fuit enim regnante iam Græcia, nostra autē ciuitate nō ita pridē dominatu regio liberata. Papinianus: Idem in uestigalibus nō ita pridem constitutum est, ut sui temporis singuli periculū præstaret. Idē intelligitur in dudū, quod in pri- dē: ut quàm dudū hic sedes? res? o debis, nō ita dudū uel iandudū. De Olim, & Diu, eorumq; compositis. CAP. XXXV.

Cap. 14. de di-
uerlis malorū
generibus lo-
quens.

Olim, & iamolim, siue olimiam, diu, & iandiu, & tandiu ha- bent aliquid cum superioribus affinitatis. Quorum primū apud Cic. rarissimum: apud Quintil. frequēs, qui lib. V. I. I. sic ait: Sed in foro tamen illam iam facilitatem olim desideramus: id est, iamolim. Et alibi: Olimiam imperator inter fulgēteis uirtu- tes tuas liuor locum querit. hoc est, iam olim: quod est, iam à lō- go tempore. Olim pro futuro nō apud poētas tantum, ut Verg. Hunc tu olim cælo spolijs orientis onustum Accipies. — sed apud Oratores quoque: ut idem Quintil. Sūt cla- ri quoque hodie eiusdem operis autores, qui olim nominabūtur. Poēta etiam pro aliquando: ut idem Verg. Ac olim seras posuit quum uinea frondes.

Aenid. 1.

Georg. 1.

Nonnunquam etiam pro iandudum accipitur: ut Curtius libro VII. Olim enim uero mero sensibus uinctis, ex lecto repente consurgit. Diu uerò nihil aliud significat, nisi per longum tempus: diu nauigauit, diu equitauit: non autem, diu recessi, aut diu equum ascendi. Sed, nuper recessi, aut dudum, & dudum equum ascendi. Quidam tamen sic loquuntur: Iandiu est quòd recessi, utentes aduerbio pro nomine. Eadem ratio est in iandiu & tandiu. Ideoq; cauendum est, ne uerba quæ momentaneâ actionem significât, his aduerbijs applices: quale est, Iandiu publicauit opus. iandiu duxi uxorem: sed iam pridem: licet rectè dicatur, iandiu est opus publicatum, & iandiu uxor mihi ducta est: non aliter quàm si dicatur, opus iandiu est publicatum, adhuc tamen elinare non desino: & uxor mihi iandiu ducta, adhuc tamen uirgo est. Significatur enim hic continuatio temporis, quo opus quidè publicatum est, uxor uerò ducta manet, ac perscuerat: quod in illo superiore non fit. Ideoq; tuba dudum, aut iandudum sonuit: non iandiu sonuit, iandiu mortuus est, non iandiu animam emisit, sed dudum: & idè in cæteris.

CAP. XXXVI.

De Velut, Sicut, Quasi, Tanquam, & similibus.

Velut, & ueluti, & uti, tria hæc similia sunt in significatione illis tribus, quasi, tanquam, ceu, quàm alijs tribus, sicut, sicuti, ut. Ea enim sex superiora imaginem innuunt, hæc tria posteriora similitudinem: quanquàm Vt, potest uideri generale, & commune cum omnibus, necnon Vti, cuius propriè significatio est, quæ Vt. Tu irasceris tanquàm leo, quasi canis, uelut irasus: est metaphora. Tu irasceris sicut, uel sicuti leo: comparatio est. Ibi enim dico te leonem, hic autè leoni similem: quod hinc probatur, quòd illud resoluitur per uerbum substantiuum, hoc per idem uerbum. Tu irasceris tanquam leo: id est, tanquam leo esses. Irasceris sicut leo: id est, sicut leo irascitur. At qui quomodo hoc ipsum probatur, quòd ita hæ oratiões resoluâtur potius, quàm

quàm è contrario? Nempe quòd cum huiusmodi uerbis con-
iunctas inuenimus: ut, Tu incedis uelut esses rex. non autem
sicut esses rex. Rursus, Tu incedis, sicut incedit rex. non autem,
uelut incedit rex. ita in similibus. Ego sentio sicut Plato. supple,
sentit: non, sicut Plato esset. Ego dico sicut antea. supple dixi:
non, sicut antea fui. Possunt tamen illa, quæ dixi, resolui per idẽ
uerbum, sed non in indicatiuo: ut tu incedis, uelut incederet rex.
Adeò illa, quæ habent præpositionem uix aliter resolui possunt.

Ego uenio ad te tanquam ad deum: non est dicendum, tanquam
deus esses, sed tanquam ad deum accederem. Deniq; hæc subiun-
ctiuum postulant, illa indicatiuũ. Seruius pro sicut posuit uelut,

x 1. Aeneidos: Nam diadema, uelut aliarum Italarum gen-
tium reges, non habebant. Si uelim asserre exempla uiuene-
tium, plura possem ineleganter dicta, sed unum interim asse-
ram, qui ita è Græco interpretatur: Nam ueluti iustum est in
eos animaduertere, qui aliquid perperam patrarunt: ita his qui
nos beneficio fouerunt, referre gratiam decet. ueluti pro sicuti
posuit. Sed deceptus est, quia Græci ista non distinguunt. Ali-
quando ne nos quidem distinguimus, utiq; cum quædam enume-
rantur, postea aliquid exempli subiungimus: ut apud Cicero-
nem Officiorum primo, Tamen ex singulis certa officiorũ ge-
nera nascuntur, uelut ex ea parte, quæ prima descripta est. Idem
de Natura deorum: Aut quid tam temerarium, tamq; indignum
sapientis grauitate, atq; constantia, quàm aut falsum sentire,
aut quod non satis exploratè perceptum sit, & cognitum,
sine ulla dubitatione defendere? uelut in hac questione. Plinius
naturalis historiæ libro secundo: Præter hæc inferiore cælo re-
latum in monumẽta est, lacte, sanguineq; pluisse, M. Attilio, M.
Portio consulibus: & sæpe aliàs carne, sicut L. Volumnio, C.
Sulpitio consulibus: ex eaq; non perputruisse, quod non diri-
puissent aues. Et iterum: Quidam uerò amnes odio maris ipsa
subcũt uada, sicut Arethusa fons Syracusanus, in quo redduntur

Ser. in illud 11.
Aen. Et scilicet re-
gni, trabeamq;
insignia nostri.

Cap. 56.

c. 103. eiusd. lib.

iacta in Alpheum, qui per Olimpiā fluens, Peloponnesiaco lit-
tori infunditur. In hoc igitur solo modo loquendi, uelut cū sicut
similitudinem habet: cum reliquis illis, quæ iam enumeraui, dissi-
militudinem, quæ nequaquam licet ponere in tali genere sermo-
nis. Significant enim imaginem, id est, non ipsam planè uerita-
tem: aliquando tamen propè ipsam quoq; ueritatem, tum affir-
mando, tum uerò negando: ut, Pater tu non amas me quasi filiū.
Imò te fili amo quali filium. Ego non amplector illum ueluti
filium, licet mihi filius sit. Ille diligit me tanquam filium, licet
non attineam. hic planè imago est. Habet autem quasi quiddam
propriū, quale est: Obijcis mihi, quòd uxorem repudiauerim,
quasi tu idem non feceris: uel, quasi uerò. Quæ exempla nusquā
non plurima sunt: Vti etiam accipi solet pro ut, & hæc duo,

Acu. 1. pro quòd. Vergilius:

Nanque uidebat uti bellantes Pergama circum,
Hæc fugerent Graij. Quintil. Neq; ego grauissimum patrem
suprema sua iuueni iactasse crediderim, ut heredem filium scri-
beret. Ceu, magis est poetarū, sed quo multi, & præsertim Plin-
nius utūtur. Quidam indoctè his temporibus utitur pro sicut.

De Non quia, & Non quòd, de Quò, & Vt quia,

& Vt quòd. CAP. XXXVII.

Lib. 1. c. 11. **N**on quia negem hoc bene esse compositum, sed quia legem
hanc esse componendi in omnibus principijs recusem. Item
rum idem Quintil. Et febrem quiete, & abstinentia, non quia
ratione uidebat, sed quia ualētudo ipsa coëgerat, mitigauit. Iterū:
Quod ego non idcirco potissimum in hac parte tractare sum
aggressus, quia non in cæteris quoq; doctoribus idem hoc exa-
minandum quam diligentissimè putem, sed quòd magis eius rei
necessariam mentionem facit ætas ipsa discentium. Iterum: Non
quia prodesse unquam satis sit, sed quia hoc prospicere de-
bet, nequid peius, quàm fecerit, faciat. Ex his exemplis ui-
dere licet, nunc bis Quia repeti: nunc unum Quia esse,

¶

Et unum quòd: Et ubi est quia, ibi semel, bis'ue posse esse quòd. Præterea in secundo membro nunc subiunctiuum esse, nunc indicatiuum, nunquam tamen idem repeti uerbum, præsertim modo uerbi mutato, ut fecit quidam, qui ait: Nō quia amicus non es, sed quòd ita amicus eras: Quum dicere debuisset, non quia non amicus, sed quia: uel, sed quòd ita amicus esses. In quo illud obseruatione dignum, de causa efficiente dicendum esse quia, Et quòd: de finali, quò, uel ut: de duobus prioribus exempla inspeximus: de posterioribus Cicero in Philipp. Non ut proficerem aliquid, siue non quò proficerem aliquid. Quidam ignari huius differentie, scribunt non raro quò, pro quòd: ut apud eundem, Et eodem in loco: Primum igitur acta Caesaris seruanda censeo, non quò probem. cū scribendum sit quòd, pro eo quod est quia. Quid signis: certè quòd in altero membro est quia, quū dicit: Sed quia rationem habendam censeo pacis, atque otij. Et nemini dubium est, quòd, resolui per quia: Et quò, per ut: Et hoc in loco à Cicerone significari causam efficientem, cui competunt quòd, Et quia: non finalem, cui competunt quò, Et ut: quod liquidè probatur, quum in eadem sententia de utraque causa sit mentio. Quale est, Nō castigo te, quòd odeo habeam, sed quò meliorem efficiam. In primo membro est causa efficiens, in secundo causa finalis. Mutemus iterum causas sic: Castigo te, non quòd odio habeam, sed quòd amem. Rursus, Non castigo te, quò uoluptatem ex contumelia tua contraham, sed quò meliorem reddam. Vbi est quòd, illic posse poni quia: Et ubi quò, illic Vt uel duplex, uel simplex, iam dictum est.

De Facio ut, & Cōmitto ut. CAP. XXXVIII.

Inuitus feci, ut C. Flaminius de Senatu eijcerem. Et alibi Idem Cicer. Faciendum puto, ut paucis rationem nostrī consilij demus. Et Quintilianus: Quòd si nemo miratur poetas maximos sæpe fecisse, ut in principijs operum suorum Musas inuocarent. Discrimen habet hic loquendi modus ab altero.

Cicero de Senatu.
Aute.
Ad Heren. li. 1.
In proœmio
lib. 4. l. 10.

Alibi nanque fit aliud propter aliud, ut quum quis inuigilat diligentius faciendæ mercaturæ, cur id faciat interrogatus, ut liberi mei honestius uiuant, respondebit. Aliud est ergo, quod ipse facit: aliud propter quod hoc ipsum facit. Non ita in exemplis à me modò recitatis. Quid Cato fecit, ut Flaminiū eieceret de Senatu? Nèpe id ipsum quod fecit. Quid faciūt poëta, ut musas inuocēt? Nèpe nil aliud, nisi quòd musas inuocāt. Idē est igitur in genere huiusmodi principium, & finis: siue opera, & effectus. Idē fecit Cicero quodam in loco, in uerbo commutato: Qui secundum naturam uiuere uolet, nunquam committet, ut alienum appetat: & quod alteri detraxerit, sibi assumat. Idem est hoc, ac si dixisset; qui secundum naturam uiuere uolet, nūquā alienum appetet. ut in superioribus, Inuitus C. Flaminiū Senatu eieci: & paucis ratio nostri consilij est reddenda: & ita in ceteris.

De Quòd, & Quum.

CAP. XXXIX.

Lib. 3. Officiorum.

Epist. 14. lib. 5. 12.

Quòd, & quum, quiddam peculiare in oratione exhibent: ut in Bruto Cic. Augebat etiam molestiam, quòd magna sapientium, ciuiumq; bonorum penuria iam in ciuitate esset. Idē ad Plancum: Quo in periculo nōnihil me consolatur, quum recordor hæc me tum uidisse. Quid est quod augeat Ciceroni molestiam? aut quid cum consolatur: uel quòd magna penuria sapientum esset, uel quum recordaretur suæ prouidentie? Nempe hoc ipsum, quòd magna penuria sapientum esset: & quòd illud suum consilium recordaretur. Idem est igitur id in quo molestiam, cōsolationem uel caput, & propter quod ipsam molestiam, ac consolationem capit.

Qua de causa, Vt, Tamen, & similia abijciuntur quandoq; ab oratione.

CAP. XL.

Cic. in Cato Maio.

Sæpe admirari solco, quòd nunquā tibi grauem senectutem esse senserim. Quid miraris Scipio te non sensisse, quod sentire non posses? Quippe quod nunquam fuit. Miraris quòd nunquam senseris me fuisse luscum, qui nunquam fui? Mirandum

dum potius foret, si sensisses me luscum, aut grauiter tolerantem senectutē. Verū sic locutus est Scipio cū Catone, quasi diceret, **Miror senectutem tibi, ut sentio, non esse grauem.** Et alibi idem **Cicero:** Declarat autē studiū bellicæ gloriæ, quod statuas quoq; uidemus ornatu ferē militari. Non quod uidemus, sed ut uidemus, quod sunt statuae ornatu ferē militari, declaratur studium bellicæ gloriæ. Et alibi: Non tam me ista fama delectat, falsa præsertim, quā quod spero amicitia nostræ memoriam sempiternam fore. pro eo quod est, quā quod amicitia nostra (ut spero) sempiterna erit. Et alibi: Num etiam contemnitis, quod sensistis tam charā Populo Romano Auli Hirtij uitam fuisse? pro eo quod est, quod, ut sensistis, tam chara uita Hirtij Populo Romano fuit. Et alibi: Et eò studiosius hoc negotium suscepimus, quod te non sine causa uelle cognoscere rhetoricā intelligamus. pro eo quod est, ut intelligo, non sine causa uis cognoscere rhetoricā. **Quintilianus in secundo:** Sicut Polycratem quum Busirim laudaret, & Clytemnestram, quanquā is, quod his dissimile non est, composuisse orationem, quæ est habita contra Socratem, dicitur. Non est hoc quod composuisse dicitur orationem cōtra Socratem, simile illi, quod laudauit Busirim & Clytemnestrā, sed hoc ipsum, quod composuit orationem, ut dicitur. Nanq; dum fortius opus permisit ætas, terram manibus subegi, & difficultatem labore perdomui, & inuito solo nonnihil tamen fecunditatis expressi. subintellige quamuis: sic, quamuis solū esset inuitum, tamen nonnihil expressi fecunditatis. Et, In his pristinae fortunæ reliquijs miseris, & afflictis, tamen haberet quosdam, quorū animos ne supplicio quidem suo satiare posset. id est, quāuis reliquiae pristinae fortunæ miserae sint, & afflictæ, tamē haberet quosdā, & c. Illud hoc loco nō omittamus, querētes ubi est quamuis, licet, etsi, quāquā, similiq; & tamen, unde incipiēda sit construi oratio? Vtrinq; prohiberis. Sed nimirum à uerbo cui adhaerebat tamen, ipso tamen excusso: quod idcirco in ligatura, & quasi

Lib. 1. Officiorū. c. de magnanimitate.

In Lælio.

Philipp. 1.

Ad Herenn. in proximo.

Cap. 18.

Cic. pro Milone,

Et quasi iunctura orationis incertum est, quia oratio unde non debuerat, incepserat. Vt, Et si uereor iudices, et cetera. Quod si à principali uerbo coepisset, superuacuum fuisset inscribere tamen. Nunc igitur quum recte inchoatur, illam dictionem ut superfluum, quasi sanctam officio suo debemus abijcere.

De Duntaxat.

CAP. XL I.

Cap. 3.

Eod. lib. & ca.

Duntaxat licet idem significet quod solum, tamen frè solet aliter in orationis serie disponi, nec recipere post se illud, sed etiam: ut solum, ut tantum, ut modò faciunt. Cicero pro Deiotaro: Quod ipsum etsi non iniquum est in tuo duntaxat periculo. Et de Oratore: Ita loquamur, ut ei tradamus ea duntaxat, quæ nos usus docuit. Quintilianus in undecimo: Ergo quum iudex in priuatis, aut præco in publicis dicere de causa iusserit, leniter confurgendum, tum componenda toga, uel (si necesse erit) de integro iniicienda, duntaxat in iudicijs: apud principem enim, et magistratus, ac tribunalia, non licebit. Paulò post: Narratio magis prolata manu, amictum recidentem, gestum distinctum, uocem sermoni proximam, et tamen acriorem, sonum simplicem frequentissime postulabit in his duntaxat, qualia hæc sunt. Caius tamen, et Paulus præter morem hac dictione sunt usi. Alter enim ait sic: Fabros lignarios dicimus non eos duntaxat qui ligna dolant, sed omnes qui ædificant. Alter sic: Quum tutor non rebus duntaxat, sed etiam moribus præponatur, in primis mercedes præceptoribus, non quas minimas poterit, sed pro facultate patrimonij, pro facultate natalium constituet. Semel quoque Titus Livius lib. XLVI. Nec animum uobis duntaxat fidelem, ac bonum præstitit, sed omnibus interfuit bellis, quæ gessistis.

De Quandoquidem, Quando, Quatinus, &

Quatenus.

CAP. XLII.

Quandoquidem, et quando, idem significant: et significant quoniam. Cicero, et Vergilius frequentius superiore utuntur, Quintilianus posteriore. Cicero igitur de Oratore:

Que

Quæ sunt in hominum uita, quandoquidem in ea uersatur orator, atq; ea est ei subiecta materia, omnia quæ sita, audita, lecta, disputata, tractata, cognita esse debent. Vergilius,

Aen. 10.

Quandoquidẽ Ausonios coniungi fœdere Teucris. Sine quidẽ: Hic tibi (sabor enim quando hæc te cura remordet, &c.

Aen. 1.

Mirorq; cur Priscianus illud Vergilianum quando, pro aliquãdo exposuerit:

Prisc. lib. 16.

Aspera queis natura loci dimittere quando

Aen. 10.

Suasit equos. quod accipiendum est pro quoniam: ut alibi:

-His se quando ultima cernunt,

Aen. 1.

Extrema iam morte parant defendere telis.

Quintilianus: Quãdo igitur orator est uir bonus (is autem citra uirtutem intelligi non potest: uirtus etiã si quosdam impetus ex natura sumit, tamen perficienda doctrina est) mores ante omnia oratori studijs erunt excolendi. Eiusdem significati est quatinus apud seculũ duntaxat Quintiliani. Is ita ait: Sed quatinus luctus nostri in ius uocantur, & flenti disputandum est, & orbitati suæ mater irascitur, superemus, quam exorare non possumus. Et eius discipulus Plinius Iunior: Et quatinus negatur nobis diu uiuere, reliquamus aliqd, quo nos uixisse testemur. Quatenus autem significat in quantum, sicut eatenus intantum. Cic. in Lælio: Videndum est quatenus amicitie tribuendum est. Sculum autem Quintiliani, quod dixi, à Liuiio, Vergilio, Horatio exordior: quorum ultimus in Sermonibus sic ait:

Lib. 11. ca. 1.

Declam. 6.

Si uerũ elegantiarũ Vallẽ codicẽ nactus fuisset Mæcinellus, nõ hũc suam in eum exercuisset limam. Epist. 7. lib. 3.

Surrentina uasfer qui miscet fece Falerna

Saty. 5. lib. 1.

Vina, columbino limum bene colligit ouo,

Quatinus ima petit uoluens aliena uitellus.

De Igitur, Ergo, Quare, Quamobrem, Quapropter. CAP. XLIII.

Igitur, atque ergo breuioribus adhibentur cõclusionibus: quare, quamobrem, quapropter, maioribus: nisi ita dicas, nescio quare sic loquaris, intelligo quamobrem sic facias. Illud autem primum

primum, quod protuli, sæpe ad significandam coniunctionem partium orationis adhiberi solet, & ferè post aliquam rem interiectam, quasi in hunc sensum, Vt autem continuum: aut, ut pergam ad sequentia, Ac ne sim longus in exemplo, ut necesse foret, afferam breue ex poetâ sumptum.

Verg. eclog. 7. Et certamen erat Corydon cum Thyrside magnum:
Posthabui tamen illorum mea scria ludo:
Alternis igitur contendere uersibus ambo Cœpere—
Ergo, etsi rarius, tamen nonnunquam & hoc modo usurpatur.

CAP.

XLIIII.

De Adeò, Vsqueadeò, Vsque eò, & Tantum.

In Eum. act. 1.
sc. 2.

Adeò exponunt pro ualde: ut Terentius, — Adolescentem adeò nobilem. Significat etiam intantum, nonnunquam sequente ut, nonnunquam non sequente: ut apud Quintilianum, Cuncta (si uidetur) iura percurrite, nusquam adeò pro nobis sollicita lex est, ut quod præstat extorqueat. Dedit cæco talionis actionem, non manus recusantis impellit: iniuriarum, cadis agere permisit, sed non cogit inuitos: adeò penè leuius est ultionem perire, quàm potestatem. Genus seruitutis est coacta libertas. Hic eadem sententia fuerit, si dixero: adeò ut penè leuius sit ultionem perire, quàm potestatem. Nam sæpe hoc modo legimus Adeò positum cum uno uerbo, non cum duobus, quale fuerat exemplum superius: ut apud eundem, At quum protinus respondendum est, omnia parari non possunt, adeò ut paulò minus promptis etiam noceat scripsisse, si alia ex diuerso, quàm opinati fuerint, occurrerint. Licuisset hoc etiam sic dicere, Adeo paulò minus promptis etiam nocet scripsisse. Idem efficit usqueadeò, & usque eò, ut apud eundem: Hinc rumor, & uana de se persuasio, usqueadeò ut illo discipulorum tumultu inflati, si parum à præceptore laudentur, ipsi de illo male sentiant. Sine ut, & per indicatiuum apud Cicronem: Ne si quando ei dicendum erit de iustitia, de fide, mutuetur à Platone, qui quum

hac

hæc exprimenda uerbis arbitraretur, nouam quandam finxit in libris ciuitatem, usque eò illa, quæ de iustitia dicenda putabat, à uitæ consuetudine, & à ciuitatum moribus abhorrebant. Multi ad hunc ipsum modum usurpant Tantum.

De Quin, & Quinetiam.

CAP. XLV.

Aeneid. 1.

Quin, pro quinetiam, siue atq; etiam. Vergilius:

- Quin aspera Iuno,

Quæ mare nunc, terrasq; metu, cælumq; fatigat,

Consilia in melius referet. -

Quin, pro ut non, ubi desideratur utiq; subiunctiuum uerbum,

idemq; non principale: ut idem lib. I I I. Aeneidos,

Hic tibi nequa moræ fuerint dispēdia tanti, &c. Et paulò post,

Quin adeas uatem, precibusq; oracula poscas. Quin, pro

cur non, semper interrogatiue, & per indicatiuum. Idem:

Eclog. 1.

Quin tu aliquid saltem potius, quorum indiget usus,

Viminibus, molliq; paras detexere iunco?

Nescio quid uiderit Seruius, qui hunc locū exposuit per quine-

tiam. Sed duo priores sensus uulgò sunt noti, in carmine, & in

prosa frequētes, & obuij. De tertio asserā ex oratoribus quoq;

exemplum. Cic. pro Rabirio: Quin compescitis istam uocem in-

dicem stultitiæ, testem prauitatis? Quintilianus in paupere ama-

tore: Quin potius iuuenis admittis consilij rationem?

Declam. 15. cir
ca li.

De Secundum præpositione.

CAP. XLVI.

Secundum, nonnunquam pro iuxta, & post. Vergilius:

Saltibus in uacuis pascant, & plena secundum

Georg. 3.

Flumina. - Quintil. in pariete palmato: Tu iaces secundum oc-

Declam. 1.

casionem, & expeditum tibi in proximo facinus est. Sulpitius:

M. Marcellum post cœnæ tempus à Magio Chilone familiari

Epi. 12. lib. 4.
epi. fa. Cic.

eius pugione percussum esse, & duo uulnera accepisse, unum in

stomacho, alterum in capite secundum aurem. Hic iuxta signi-

ficat. Item quod ab altero secundum est, id iuxta est, atque post.

Ideoq; secundum pro post accipitur, quasi secundo loco. Idem

Quintilianus

Dedam. 9. Quintilianus in Gladiatore : Nam quod unum mihi secundum patrem fortuna uidebatur parasse praesidium , id ego sperare in illa sorte non poteram. Cicero: Proxime autem, & secundū deos, homines hominibus maxime utiles esse possunt. Idē: Appellat L. Annium, qui erat institutus secundum filiam. Iuius lib. 1 x. Hetrusci belli fama exorta est: nec erat ea tempestate gens alia , cuius secundum Gallicos tumultus arma terribiliora essent. Secundum etiam accipitur pro eo quod est pro: ut, secundum te litendo: secundum me iudica: secundum se iudicium des uult: id est, pro me, pro te, pro se. Et pro in: ut, secundum quietem: id est, in quiete somni. Secundum autem Platonem, secundum Pythagoram, sensus hic notissimus est.

De Iam & Iamiam.

CAP. XLVII.

I Am, eleganter usurpari solet, aliquando quasi pro tunc: ut **Dedam. ont.** Cicero, Ipsa uerba compone, & quasi coagmenta (quod ne Græci quidem fictitarunt) iam neminem antepones Catoni. Quint. Quod si satis prudēter ea uiderint, iam propē consummata fuerint præcipientis opera. Aliquādo significat præterea, **Georg. 3.** quasi nodus quidam inter sententias, ut Vergilius, Iam maris immensi prolem, & genus omne natantum. Iam uarias pelagi uolucres. Huiusmodi exempla sunt crebra. **Georg. 3.** Idem efficiet iunctum cum uerò: Iam uerò urbibus constitutis: & cetera. Iamiam de futuro palam est, quid significet: ut, iamiam aderit. Et de praesenti, licet ad futurum resoluitur: **Aeneid. 3.** Iamiamq; manu tenet, & premit hasta. quasi nunc nunc tenebit. Nonnunquam figuratè per indignationem, miserationem uel accipitur. Ut idem Vergilius: Iamiam nec maxima Iuno, **Aeneid. 4.** Nec Saturnius hæc oculis pater aspicit æquis. Cic. in Verrum: Iamiam Dolabella neq; me tui, neque tuorum liberorū, quo te aliqui innocentem putant, casus miscret. Quintil. Iamiam malo uenena, ferrum, subitos ictus, improuisamq; mortem. qui incestum non credit, torquere non debet: qui credit, sta-

tim debet occidere. Et hæc per indignationem. Per miserationē uerò, Sallustius in Iugurtha: Ianuam animo meo charissime frater, quanquam tibi immaturo, & unde minime decuit uita erepta est, tamen letandum magis, quam dolendum puto casum tuum. Per exhortationem quoq;: ut apud Quintil. Ianuam cōmilito quicumq; casus manet, etiamsi te imperator damnaturus est, habes solatium, satius est, quam à patre occidi.

De Tantisper, Paulisper, Aliquantisper, Parumper, & similibus. CAP. XLVIII.

TAntisper, ferè postulat post se dum pro donec, siue quādiu.

Nam & donec duobus modis accipitur. Dabo operam uoluptatibus donec moriar, id est, usq; ad mortem: & dabo operā uoluptatibus donec uiuo, id est, quandiu uiuo. Eiusdem nature est dum. Ideoq; in priore sensu amat subiunctiuum: in posteriore indicatiuum more donec: ut apud Cic. Deinde est in cererem deductus, ut ibi esset tantisper, dum culeus, in quem coniectus deferretur, compararetur. Terent. Ego te meum esse dici tantisper uolo, Dum quod te dignum est, facies. Sunt tamen qui pro tantūmodo accipiant. Sunt qui etiam pro intereā. Cetera quoq; sic à per cōposita, ad tēporis breuitatem referūtur: Parūper, paulisper, aliquātisper. Sunt qui per imperitiam hæc accipiūt pro suis primitiuis, quæ sunt parū, paulum, aliquantulum.

De Inuēt. lib. 2.

In Heautont.
act. 1. scē. 1.

De Ferè, & Temere.

CAP. XLIX.

Ferè significationem habet non omnibus notam, nisi quando significat penè, cuius significatio est, paulū absuit quin: ut, penè, siue ferè in manus hostiū incidi. id est, paulum absuit, quin in manus hostium incidere. Altera significatio est, quum subintelligitur aliqua uniuersalitas: ut Quint. Hæ sunt ferè emē datē loquēdi, scribēdiq; partes. id est, ferè omnes. Ideoq; ferè omnes adiungitur: ut idem, Nam in omnibus ferè minus ualent præcepta, quam experimēta. Similiter de loco, de tēpore, similibusq;: ut, utor ferè hæc ueste in faciēdis sacris. id est, in omni ferè

k tempo

Lib. 1. cap. 4.

Quintil. lib. 1. 1.
cap. 6.Quintil. in
proem. lib. 6.
Inus.

tempore. Ferè Romani orbem subegerunt. id est, ferè totū orbem. Ferè sit, ut iuuenes ament, id est, ferè ubiq;. Cuius significationis imperiti corruerūt illud Ciceronis de Amicitia: Memini illum in eum sermonē incidere, qui tum ferè multis erat in ore. quum scribendum sit, qui tum ferè erat in ore. id est, ferè omnibus. Pro ferè accipitur Temere apud omnes post Ciceronē natos: ut Quintilianus, Illud ingeniorum uelut præcox genus non temere unquam peruenit ad frugem. Sunt enim quedam, quæ sequēs, ac proximum M. Tullio seculum adiungenda existimauit: ut procul dubio, obiter pro specialiter, tali causa, uel pro statim: quoties pro quādo. Nam Cicero ferè nunquam utitur, nisi addat toties. Citra pro sine: ut ibi, Plusq; si separes, usus sine doctrina, quā citra usum doctrina ualeat. Interim pro aliquando. Meo nomine, tuo nomine, hoc nomine, pro mea, tua, hac causa, siue hoc respectu: ut ibi, Minus est quod flēdum meo nomine, quā quod illius gaudendū est. Et alibi: Ago quinimo gratis hoc solo nomine crudelissimis fatis, quod maximū facinus nō in prima cui mei parte posuerūt. Cicero rarissimē: ut in Bruto, At uerō inquam ego tibi Brute nō soluam, nisi prius à te cauero amplius eo nomine neminē, cuius petitio sit, petiturum. Et pro Sylla: An cum tanto imperio, tantaq; potestate non dicis fuisse regem, nūc priuatum regnare dicis? quo tandem nomine? Sed hoc declinabile est. Nunc autem de indeclinabilibus agimus, qualia & hæc sunt: alioqui, aliās, nihilominus, super, & supra, diuersus aliquantulum à Ciceronis usu. De qua differētia in commentarijs à me in huius orationes, & illius declamationes componendis differetur.

De Périnde, Pròinde, Sùbinde, Identidem, Itidem,

& Item. C A P. I L.

Périnde flagitat post se ac si, uel atq; si, quū significatio eius sit ita: ut, fac périnde, ac si tua res esset: id est, ita quasi. Cum negatione uerò etiā quādam: ut Suetonius de uita Domitiani, Nul
la ta

Cap. 15.

la tamē re pēinde motus, quā responso, casuq; Ascletarionis mathematici. Quod si nō sequatur nec ac si, nec negatio, accipietur pro æquē: ut Plinius Iunior, Funus Virginij Rusi maximi, & clarissimi uiri, & pēinde filicis. Pro ita, id est, multum: ut idem Suetonius de uita Galbæ, Quare aduentus eius nō pēinde gratus fuit. Proinde idem est quod ideo, uel potius ideoq;: semper enim depēdet à superiore sentētia. Quidā, quorū est Lucretius, accipiūt proinde in eā significationē, quā dedimus pēinde: ubi proinde duas syllabas habere facit. Subinde reperitur pro inde, uel dēinde, statim: ut T. Liuius li. III. Subinde acceptus à Publio Numitorio Spurius Oppius. Et Hor. ad Cel. epi. 8. li. 1. Si dicet rectē, primum gaudere, subinde Præceptum auriculis hoc instillare memento.

Etiā pro identidem, siue frequenter cum quodam intervallo. Vt si iter faciēs crebrō ad comutem respiciā, an me sequi possit, dicam, subinde respicio. Cicero autem diceret identidem. Nam subinde uti nō solet, ne æquales quidem eius, Varro, Sallustius, Cæsar: licet illi utantur nouissimō pro ultimō, multiq; alij, quod Cicero nō facit. Itidem, & Item, significant id, quod similiter. Hæc omnia ab inde composita Priscianus, multiq; alij pronunciari uolunt accentu in antepenultima syllaba, qualia sunt (ut eidem placet) cōposita à quādo, aliquādo, siquādo, nequando, nunquādo. Est enim hoc ultimum & ipsum cōpositum. Ideoq; per n, in tertia litera scribendum est, non per m, pro eo quod est num aliquando. Est autem huius monosyllabæ significatio pēne eadem quæ an, subintelligitq; utiq; negationem. Vt, num ego te spoliaui? quasi dicat, ego te non spoliaui. At quoties per negationem interrogamus, subintelligitur affirmatio: ut, non ego te spoliaui? quasi dicat, ego te spoliaui. Affirmatiua autem responsio hæc propria est, Etiā. Vt, uidisti me hodie? si uidi te, respondere debco, Etiā, uel Sic. Plinius ad Tacitum: Studes inquam? respondit, etiā. Vbi? Mediolani. Vulgō

Epi. 1. lib. 1.

Cap. 13.

Lucret. lib. 4.

Porro omnes quæ unq; eibā capiūt autman-tes, Vt sunt dissimiles extrinsecus, & generatim hæcina mēbrotum circūtextura cōtracet, Proinde & seminibus cōstant, uariāq; figura,

Prisc. lib. 15.

Epi. 13. lib. 4.

Terent. In Andria, scē. 1. act. 5. autem respondemus, Ita: Neq; hoc sine autoritate. Sino apud Terentium dicenti Dauo, mihi ne respondit, Ita.

De Nunc.

CAP. LI.

Lib. 1.

Nunc, solet usurpari sine significatione tēporis: ut de Diuinatione Cicero: Quæ quidem multò plura euenirent, si ad quietem integri iremus: nunc onusli cibo, & uino, confusa, & perturbata cernimus. Et de Oratore: Et si in huiusmodi genere nihil esset nisi falsum, atq; imitatione simulatum, maior ars aliqua esset requirēda: nunc ego quid dicam? Et in eodem: Nam si ita diceret, & cetera. Nunc uero fateris, & cetera.

De Bene, Male, Peius, Pessime.

CAP. LII.

De Orat. lib. 1.
Lib. 1. cap. 8.

Bene nōnunquam accipitur pro ualde: ut Cic. Habetis sermonem bene longum. Quint. Quum multa disertè, summisq; clamoribus, quæ neq; ad iudicem, neq; ad declamationem pertinent, decantauerunt, bene sudantes, beneq; comitati per forum reducuntur. Huic simile quiddam habet male, ut Comici frequenter utuntur. Male mihi timeo: pro eo quod est ualde timeo. Cicero in Bruto: Addebat etiā, idq; ad rem pertinere credebatur, scriptores illos male multatos. id est, ualde, & quasi bene multatos, sed in malum illorum: ideoq; nō bene dixit multatos, sed male. Neq; id solum in positiuo aduerbio, sed in superlatiuo quoq;: ut pessime multatos. Atq; adeò in comparatiuo, sed frequentius cum uerbo odi: ut idem in Philip. Quo ne minem ueterani peius oderunt. Peius, quasi magis, & ualidius.

Epist. 1. lib. 7.
tam. epi.

Idem ad Marium: Oderam multò peius hunc, quàm illum ipsum Clodium. Illum enim oppugnaueram, hunc defenderam. Nec tantum per comparatiuum cum hoc uerbo, uerum etiam per positiuum. Vt Terent. in Adelphis: – Illud rus nulla alia causa tam male odi, nisi quia Propè est – Tam male, pro eo quod est, tam ualde. Per aliud autem uerbum, ut Ouidius Heroidum;

Epist. Phœd. ad
Hippoly.

Peius adulterio turpis adulter obest.

De Super, Supra, Intra, Infra, Subter.

CAP. LIII.

Super

Super, & supra, licet in eodem loco sedere possint, tamen in hoc plerunq; differunt, quòd illud contiguum est, hoc interiecto spatio. Vt, sedeo super lapidem, magis quàm supra lapidem. Rursus, aquila uolat, uel, nubes pendent supra nos potius, quàm super nos. Non tamen sic semper: ut apud Quintil. Nec uila est supra terras adeò rabiosa bellua, cui nò imago sua sancta sit. Et Liuium lib. x l i i i i. Vbi circa muros subter terram per dies quindecim pugnatũ est. Intra, & infra etiam differunt: quia intra ad numerum, & spatium refertur: ut, intra uiginti dies: & intra muros: non autem infra uiginti dies: uel, infra muros. Infra ad dignitatem, & ad locum: ut, infra dignitatem meam est: & infra tectum, id est, subter tectum. Deniq; intra habet relatiuum extra: infra uerò supra. Subter quoq; relatiuum habet super: ideoq; tactum rei ferè significat. Vt, hic urinator mirificè natat, duratq; subter aquam.

De Sicut, Ita, Itaq; & Sic.

CAP. LIIII.

Sicut, habet nonnunquam uenustatem magnam, atq; utilitatẽ Sin disponendo, quoties antecedentem annectit cum sequẽte sentẽtia: ut apud Quintilianum, Sunt & alia ingenita quidem Lib. 1. proo- que adiuuant, uox, latus patiens laboris, ualetudo, constantia, mio. decor: quæ si modica obtigerunt, possunt ratione ampliari. Sed nonnunquam ita desunt, ut bona etiam ingenij, studiaq; corrumpant: sicut & hæc ipsa sine doctore perito, studio pertinaci legendi, scribendi, dicendi, multa, & continua exercitatio- ne per se nihil prosunt. Plinius lib. v i i. Ferunt Crasum auum Cap. 19. Crassi in Parthis interempti nunquam rihisse, ob id uirilem uocatum, sicut nec flesse multos. Seruius grammaticus hac dictio- ne & bene, & frequenter utitur. Possumus eodem modo, quo sicut, usurpare duo alia, quæ admodum, & quomodo, aut si quid aliud est eiusmodi naturæ. Habet & aliam naturam sicut, ut non modò res similes copulet (quod est frequentissimum) sed diuersas quoque, & sæpe contrarias: ut idem Quintilianus, Sed

hæc eloquendi præcepta sicut cognitioni sunt necessaria, ita nõ
 satis ad uim dicendi ualent, nisi illis quedam facilitas, quæ apud
 Græcos *ἱστὸς* nominatur, accesserit. Quod licet dicere etiam per
 ut, & quidem frequentius: ut idem, Quod ut optimum, ita lon-
 gè difficilimum. Sed in hoc genere sermonis bonam sibi partem
 uendicat illud, Ita. De quo hoc etiam addam, quòd nõnunquam
 accipitur pro itaq; , sed hac differentia, ut nunquam ipsum an-
 tecedat in eadem sententia altera dictio. Cicero in Tusculanis:
 Ita nobilissima ciuitas Græciæ, & olim potentissima sepulchrũ
 ciuis sui ignorasset, nisi ab homine Arpinate didicisset. Possu-
 mus per itaq; sic dicere: Itaq; ciuitas, uel ciuitas itaq; , eodẽ modo
 quo sic, pro sicq;. Quintilianus ubi de adolescẽte in opere duro,
 ac uirili se exercẽte dixisset, intulit: Sic effi cū est, ut quẽ admo-
 dum aliqui putant, posset citò militare. Accipitur etiam ita pro
 ualde, ut Cicero: Nec ita multò pòst edictum Bruti affertur, &
 Casij. Quintilianus: Nec res est ita magni tẽporis, ac laboris.

Philip. 1.

De Nam, Nanq;, Nam quòd, Quòd autem, &
 Quòd uerò.

CAP. LV.

NAm, & Nanq; quiddam simile habent, quod ita, & itaq;
 quippe cū Nanq; soleat & primum locum sortiri, &
 secundum, aliquando etiam tertium: Nam, non solet, sed prima
 semper est dictionum. Præterea hoc aliquando accipitur pro
 autem, ad distinctionem sententiarum: ut in Sallustium Cicero,
 Nam quòd in uxorem, atque filiam meam tam petulanter inue-
 ctus es. Idem ualet, ac si dixisset, Quòd autem in uxorem, &
 cætera: siue, Quod uerò: ueluti sæpe incipere solemus, ut idem:
 Quòd autem scribis, quid de exitu belli sentiam, magis confi-
 lium petere possum, quàm ipse alijs dare. Idem de Oratore,
 Quòd uerò uiros bonos iure ciuili fieri putas, quia legibus &
 premia proposita sint uirtutibus, & supplicia uitij, equidem
 putabam uirtutem hominibus (si modò tradi ratione possit) in-
 stituendo, & persuadendo, non minis, & ui, ac metu tradi.

Lib. 1.

De

De Iterum, Antehac, Posthac, Deinceps, &

Rursus. CAP. LVI.

Iterum, refertur etiam ad primam uicem, non tantum ad posterioriorem: nam Iterum uoco te, id est, iterata uice, usitatum est. Iterum uocaui te, id est, prater hanc uicem, minus est usitatum. Cicero pro lege Manilia: Quum tantam multitudinem cum tanto studio uideremus, quantam non iterum in eodem homine proficiendo uidimus. Antehac, & posthac huic similia sunt: hoc est, ante hoc, uel post hoc tempus. Aliquando tamen reperimus ante illud, uel post illud tempus. Sallustius: Sic erat *In Catil.* accensa libidine, ut sepius peteret uiros, quam peteretur: sed ea sepe antehac fidem prodiderat, creditum abiurauerat. *Cap. 13.* Suetonius in Domitiani uita: Pari arrogancia cum procuratorum suorum nomine formalem dictaret epistolam, sic coepit: Dominus, & Deus noster sic iubet fieri. Vnde institutum posthac, ut ne scripto quidem, ac sermone cuiusquam appellaretur aliter. Deinceps, similiter accipitur pro dehinc, & pro deinde, atque etiam pro gradatim. Cicero in Tusculanis: Omnes qui deinceps accubarent, ad lyram canerent. Et ad Thermum: *Epist. 17. lib. 1.* Sed tamen tres fratres, summo loco natos, promptos, non indifertos, te nolim habere iratos, quos uideo deinceps tribunos plebis per triennium fore. Sed redeamus ad Iterum, quod aliquid nouitatis exhibet, quum dicitur: - Iterumq; ad tarda reuerti Corpora. - Quomodo iterum? nunquid semel antea redierant? minime. Quid ergo? Aut accipiendum est quomodo Rursus, pro econtrario: Cicero Officiorum libro tertio, Neque me doloribus dedi, quibus essem confectus, nisi restitisssem, nec rursus indignis homine docto uoluptatibus. aut Reuerti, Redireq; pro uenire: ut idem de Fato, Ad Chryssippi laqueos reuertamur. quum nihil de Chryssippo meminisset. Quintilianus: Si uerum est post uetusta secula, & innumera-

Aen. lib. 6.

me renatus sit aliquis ex illis. Reddi quasi dari: nam idem hoc uerbum efficeret. Et alibi: Sed ad illos iam perfectis, constitutisq; uiribus reuertamur: quod in cœnis grâdibus sæpe facimus, ut quum optime satiati simus, uarietas tamen nobis ex uilioribus grata sit. Non ait reuertendum ad uiliores libros, quasi ab his incipiendum sit, sed quum satiati fuerimus bonis libris tanquam cibus, postea nos ad uiliores conuertamus.

De Ultro, Citroq; Huc, Illuc, Sursum, Deorsum,

Ultro, & Sponte.

C A P. LVII.

Declam. 1.

VUltro, citroq; in factis, & in dictis. Quintilianus in Cæco: Cæcus quoq; inuētus in limine est, sicut solet, ultro, citroq; commearc. Cicero libro sexto de Republica: Multisq; uerbis ultro, citroq; habitis, ille nobis consumptus est dies. Quum ego te alloquor, tunc uerba ultro, quasi ultrâ eunt: quum te alloquentem audio, tunc uerba citro, quasi citrâ ueniunt: sicut pedes, quum à loco recedo, tunc ultro eunt: quum redeo, tunc citro. Nec elegans esset, huc atq; illuc commeabat, nisi errabundum, & incertum iter significes. Quidam tamē sursum & deorsum utuntur, opinor, imitantes Terentium, qui in Eunucho ait: Sex ego te totos Parmeno hos menses quietum reddam, Ne sursum deorsum cursites. Nescio an de Athenis hoc dictum sit, quibus portus in imo, urbs uerò editiori loco sita est: fortē sic loqui deceat per sursum deorsumq; , si de fortunæ mutabilitate dicatur, quæ nunc tollit, nunc deprimat. Ultro tamen à sponte sic uidetur (ut breuiter dicam) differre, quòd ultro est quasi sine requisitione: ut, ultro ad te ueni: id est, à te nō requisitus ueni: sponte ad te ueni: id est, meo consilio: licet ad res inanimatas transferimus: ut, multæ arbores sua sponte nascuntur: id est, per se.

De Et, Ac, Que, cum suis compositis. C A P. LVIII.

ET, multifariam solet in usu accipi, cuius conditionis est, que, & ab eo composita negatiua neq; , & per apocopen nec, Verg. Audieras, & fama fuit. — Mart.

Eclog. 9.

Quòd

Quòd nummos cernis, mitti nos credis amica:

Lib. 14. epig. 9.

Falleris, & nummos ista tabella rogat.

Quintil. Has primum audiet puer, harū uerba effingere imitan= Lib. 1. cap. 1.

do conabitur: & natura tenacissimi sumus eorum, quæ rudibus annis percepimus. Et, pro quia accipiendum est. Ouid. in Fastis: Lib. 6.

Nil aliud Vestam, quam puram intellige flammam,

Nataq; de flamma corpora nulla uides.

Que pro quia, siue nanq; Simuliter Cicero: Non solū nobis nati Lib. 1. Offic.

sumus, ortusq; nostri partē sibi patria uendicat, partem amici.

Duplicantur interdum hæ coniunctiones, sed in rebus diuersis

uenustius: ut, Te admirantur & ciues, & hospites. Vergilius:

-O' qui res hominumq; deumq;. Id est, ô qui res & hominum, Aeneid. 1.

& deorum. Sallustius in Iugurthino: Seq; uobisq; dignum est.

id est, & se, & uobis dignū est. Rarò tamen in prosa, in carmi-

ne uerò frequentius. Quintil. Nihil ociosum pati, quodq; in in-

uentione, quodq; in elocutione annotādum erit. Quare de nec,

& de neq; & de siue, similibusq;, quoties geminantur (quum

facilia inuentu sint) omitto exempla. Et, quoq; initijs senten-

tiarū competit, ut idem libro primo: Et finitæ quidem sunt par-

tes duæ, quas hæc professio pollicetur. Eiusdem nature est ac, &

atq; Cicero, Ac si uolumus eius rei, quæ uocatur eloquentia, siue

artis, siue studij, siue exercitationis cuiusdam à natura profectæ

considerare principium, & cætera. Idem: Atque cæteri impera-

tores, qui de illo triumpharunt, & cætera. Interdum etiam, &

affectui seruit: ut idem pro Milone, Et sunt qui de uia Appia

loquantur, taceant de Curia. Et in Philipp. Et ad eum legatos

de pace mittemus, qui pacis nuntios repudiauit? Idem: Et po-

stea miramur, quare ferat molestè populus Romanus. Interdum

neq; copulam, neq; affectum significat, ut si hoc modo loquar:

Superauī illum in palaestra, & est tam uastus, & sum tam pusil-

lus. Vt idem de senectute: Defendi legem Voconia magna uoce,

bonisq; lateribus, & uidetis annos meos. Ac si dixisset, defendi

k 3 legem

legem Voconiam iuuenili uoce, atq; lateribus, & sum ita senex. Interdum etiam tali modo: Defendi fortissime illam legem: & hoc in tam prouecta etate: uel, & id in tam prouecta etate. Vel per que, siue per atq; sic, Idq; in tam prouecta etate. Repudiau uxorem, idq; autore patre eius. Item per negationē: Duxi Paulam uxorem, neque hoc: uel, neq; id sine prudentū hominum auctoritate: uel, nec id sine consilio: uel, & hoc non sine consilio. Quae exempla & mihi relatu longiora sunt, & legentibus (ut supra dixi) facilia inuentu. Illud non indiget admonitione, que pro & & quoq; pro etiā debere accipi, ut alterū quasi membra cum mēbris, alterū quasi corpora cum corporibus copulet, aliter absurdū esset. Hoc admonendū est, & pro etiā apud Cicero nem nusquam reperiri, sicut in ceteris illo posterioribus, ut à Vergil. incipiamus: ut, Natus & ipse dea – Quintilianus: Tamen si quid aduersus te ipse commisit adolescens, sit hostis & meus. Cicero dixisset, sit hostis etiam meus, uel meus quoq;. Idem inquit: Quod inter omnes constat, nisi inter eos, qui ipsi quoq; insaniunt, insaniissimū. Quintilianus, id est, seculum ab illo proximum, dixisset, tum illo modo, tum etiam sic: nisi inter eos, qui & ipsi insaniunt. Simili ratione de nec, pro nec etiam. Ut idem: Persolui gratia non potest, nec malo patri. Cicero, & superiores omnes dixissent, nec malo quidem patri. Interdum musceamus, & atque, nec, nunc ab hoc, nunc ab illo principium sumētes: ut, & pacem respuis, nec bellum geris: uel, nec bellum geris, & tamen respuis pacem: uel sic, & pacē non uis, nec tamen bellum geris: uel, & pacem non uis, & bellum gerere non potes. Nam in nec, siue in neque (de utroq; enim loquor) inclusa est & uel que, in qua resolui potest: & ubi est nec, uel neque, id resolui potest per & non, uel, que non. Poēta etiam maiorem in his sibi licentiam permittunt. Nec & neque, sequente enim, aut uerò, pro simplici, non pro composita negatione accipiuntur. Siquidem idem est nec enim, siue neq; enim, quod non enim, nisi

ita

Lib. 6. Aen.

Declam. 5.

ita resoluiamus, non etenim: neque uerò, idem quod non uerò, si modò non uerò dicere licet.

De Vicissim, Inuicem, Mutuò.

CAP. LIX.

Vicissim, non memor sum usquam esse apud Ciceronem, & Quintilianum, & ferè maximos quosque autores, nisi pro secundo loco, siue è diuerso, uel è cōtrario. Vergilius tantum semel, neq; id apertè, uidetur usus pro inuicem, & mutuò: *Quid Eclog. 3.* possit uterq; uicissim Experiamur - Quod imitatus est Suetonius, & alij plures. Cicero semper (quod ego quidem sciam) sic: Id acciperet ab alio, uicissimq; redderet. Et iterum: Sed ego admiratione quadam uirtutis eius, ille uicissim opinione fortasse nonnulla quam de moribus meis habebat, me dilexit. Itidem Quintilianus, apud quem, & ceteros illius ætatis non modò inuicem tali modo usurpatur, quale est in Declamationibus: Inuicem sustinētes, inuicem innixi. id est, alter alterum sustinens, & uterq; alteri innitens. sed etiam in sensu, cuius est uicissim, ut in lib. decimo: Tam contumeliosos in se ridet inuicem eloquentia, & qui stultis uideri eruditi uolunt, stulti eruditis uidentur. Et iterum: Neq; enim uideo quæ iustior acquirendi ratio, quàm ex honestissimo labore, & ab ijs de quibus optime meruerunt, qui si nihil inuicem præstent, indigni fuerunt defensione. Plinius posterior: Habes res urbanas, inuicem rusticas scribe. In eadem significatione est mutuò, de quo modo attigi, non solum in hac, qualis est, inuicem se amant, & mutuò se amant, & mutuus amor, sed in ea de qua disputauimus. Idem Quintilianus in eodem statim post loco: Ac ne pauper quidem tanquàm mercedè accipiet, sed mutua beneuolentia utetur. id est, respondente. Cicero: Fac *Epi. 15, lib. 10.* ualeas, meq; mutuò diligas. hoc est, mihi in amore respondeas.

De Scilicet, & Videlicet.

CAP. LX.

Scilicet, & uidelicet uidentur significare idem quod certè, sed usum suum habent, & præcipuè per amaritudinè quandam cum derisu permixtam: ut apud Vergiliū, Scilicet is superis *Aen. 4.* labor

In Andr. act. 1.
 sce. 1.
 Declam. 12.

labor est— Et apud Terentium: Id populus curat scilicet. Et apud Quintilianum: Hæc uidelicet expectasti, ut ne captiosum esset officio tuo, maturius redisse, ex industria tempus triuisti. Nonnunquam sine hac amaritudine, & irrisione, ut apud cundem: Sed est uidelicet ultima quedam calamitatum rabies, & nouissime in furorcm uota ipsa uertuntur. Nonnunquam post relatiuum, sicut solet poni quidem, nonnunquam & ante, uel sine relatiuo. Et hi sunt ferè modi utendi his duabus dictionibus apud doctissimos: apud quos uix reperias illum uulgò usitatissimum modum, cum ea quæ confuse dicta sunt, per singula postea exponimus: quale esset, Quatuor sunt uirtutes, scilicet, uel, uidelicet prudentia, iustitia, fortitudo, modestia.

Sic tamen apud Suetio. reperiri uidetur in Augu. c. 35. Ait enim: Sanxime plus quibus in mense legitimus senatus ageretur, scilicet calendis, & idibus,

SECUNDI LIBRI FINIS.

LAVRENTII VAL
 LAE IN TERTIVM LIBRVM
 ELEGANTIARVM
 PRAEFATIO.



ERLEGI proxime quinquaginta Digestorum libros ex plerisque iuriconsultorum uoluminibus excerptos, & relege quum libenter, tum uerò quadam cum admiratione. Primum, quòd nescias utrum diligentia ne, an grauitas: prudentia, an equitas: scientia rerum, an orationis dignitas praestet, & maiori laude digna esse uideatur. Deinde quòd hæc ipsa ita in unoquoque illorum omnia sunt egregia, & perfecta, ut uehementer dubites, quem cui praeferendum putes. Cui simile quiddam (ut de ultima tantum parte, quæ ad nos pertinet dicam) in epistolis Ciceronis admirari solebam, quæ quum à pluribus scribantur, omnes tamen ab uno, eodemque (audacius dixerim) si personas sustuleris, ab uno Cicerone scriptæ iudicentur: ita uer-

ba, ac sententiæ, characterq; ipse dicendi ubiq; sui est similis. Quod eò magis in iurisconsultis est admirandum, quòd illi eadem ætate cuncti extiterunt in eodem quasi ludo, ac schola instituti: hi uerò inter se etiam seculis distant, licet omnes post Ciceronem. Ideoq; quibusdam in uerbis ab eo differentes, quales omnes à Vergilio usq; ad Liuium fuerunt. Nam Seruij Sulpitij, atq; Mutij Scæuolæ nihil exstat, sed alterius Mutij recentioris. Et prisca illi quidem iurisconsulti quales, quanti q; in eloquendo fuerint, iudicare non possumus: quippe quorum nihil legimus. His autē, qui inter manus uersantur, nihil est, mea sententia, quod addi, adimū ue posse uideatur, non tam eloquentiæ (quam quidem materia illa non magnopere patitur) quam Latinitatis, atq; elegantiae: sine qua cæca omnis doctrina est, et illiberalis, præsertim in iure ciuili. Vt enim Quintilianus inquit, Quintil. li. 12, cap. 3. Omne ius, aut in uerborū interpretatione positum est, aut æqui, prauiq; discrimine. Et quantum momenti in uerborum interpretatione sit, ipsi iurisconsultorum libri maximè testantur, in hac re præcipuè laborantes. Vtinamq; integri forent, aut certè isti non forent, qui in locum illorum, etiam Iustiniano uetante, successerunt. Nota sunt eorum, et nimis nota nomina, ut superuacuum sit ea per me recenseri, qui uix quintam partem iuris ciuilis intelligunt, et ob imperitiæ suæ uelamentum aiunt non posse doctos euadere in iure ciuili facundiæ studiosos, quasi iurisconsulti illi aut rusticè locuti sint, id est, istorū more, aut huic scientiæ non planè satisfecerint. Quid de illis loquor? ego mediocri ingenio, et mediocri literatura præditus, profiteor me omnes qui ius ciuile interpretantur, ipsorum scientiam edocturum. Quòd si Cicero ait, sibi homini uehementer occupato, si stomachum moueant, triduo se iurisconsultum fore, non ne et ipse audebo dicere, si iurisperiti (nolo dicere iurisimperiti) stomachum mihi moueant, aut etiam sine stomacho, me glossas in Digesta triennio conscripturum, longè utiliores Accursianis?

Meren

Cic. pro Muræna.

Merentur enim, merentur summi illi uiri nancisci aliquem, qui eos uerè, ritèq; exponat, uel certè à male, & Gothicè potius, quàm Latine interpretantibus defendat. Gothi isti, quidni & Vandali existimadi sunt? Nam postquam hæ gentes semel, iterumq; Italic influentes Romam ceperunt, ut imperium eorum, ita linguam quoque (quemadmodum aliqui putant) accepimus, & plurimè forsan ex illis oriundi sumus. Argumento sunt co-dices Gothicè scripti, quæ magna multitudo est: quæ gens si scripturam Romanam deprauare potuit, quid de lingua, præsertim relicta sobole, putandum est? unde post illorum aduentum primum, alterumq; omnes scriptores nequaquam facundi. Ideoq; prioribus multò inferiores fuerunt. En quò literatura Romana recidit. Veteres admiscebant linguæ suæ Græcam: isti admiscent Gothicam. Neque uerò hoc dico, ut iuris studiosos carpam, imò ut adhorter potius, persuadeamq; sine studijs humanitatis non posse, quam cupiunt, assequi facultatem: malintq; iurisperitorum, quam leguleorum similes esse. Nam (ut Vergiliano uersu utar)

Georg. 2.

O fortunatos nimium, bona si sua norint Agricolas.
Ita ego appellem iuri operam dantes fortunatos, si norint sua bona. Quæ enim disciplina, scilicet quæ publicè legitur, tam ornata, atq; (ut sic diam) tam aurea, ut ius ciuile? An (ut hinc incipiam) ius pontificum (quod canonicum uocant) quod ex maxima parte Gothicum est? An philosophorum libri, qui ne à Gothis quidem, aut Vandalis intelligerentur? quos ego ob hoc maxime errare, quòd loquendi facultate caruerunt, in libris meis de Dialectica ostendo: quos iam edidissim, nisi amici me hos potius edere cõgissent. An grammaticorum, quorum propositum uidetur fuisse, ut linguam Latinam dedocerent? An deniq; rhetoricorum, qui ad hanc usq; ætatem plurimi circumserebantur, nihil aliud docentes quàm Gothicè dicere? Vna superat iuris ciuilis scientia adhuc inuiolata, & sancta, & quasi Tarpeia

arx

arx urbe direpta. Hanc etiam isti Gothi, non Galli, per speciem amicitie pollucere, atq; euertere tentauerunt, euertereq; pergunt. Hanc ipse (quantum in me erit) ut M. Manlius Torquatus protegam, imò omnes qui hoc nomen profitentur, protegere debent. Quod si fecerint (ut spero, et opto) non legulei, sed iurisconsulti euadent. Quod ad meum autem hoc opus attinet, non fraudabo iuris conditores debita laude. Tantum igitur deberi puto huius facultatis libris, quantum illis olim qui Capitolium ab armis Gallorum, atq; insidijs defenderunt: per quos factum est, ut non modò tota urbs non amitteretur, uerum etiam ut tota restitui posset. Itaque per quotidianam lectionem Digestorum, et semper aliqua ex parte incolumis, atq; in honore fuit lingua Romana, et breui suam dignitatem, atque amplitudinem recuperabit. Sed ad reliqua pergamus.

De Tanti, & Quanti, cum suis compositis: deq;
Pluris, & Minoris.

CAP. I.



T Q V E ut ab eo potissimum incipiam, quod nec ab aliquo (quod sciam) traditum, et traditu dignissimum est: duo, tanti, et quanti, compositaq; ab eis tantidem, quantilibet, et quanticunq; totidemq; comparatiua pluris, et minoris: præterea nulla alia nec comparatiua, nec nomina, nec definitiones queunt in genitiuo casu adiungi his uerbis, emo, uendo, uenundo, uenco, mercor, comparo, æstimo, taxo, liceor, addico, distraho, metior pro æstimo, constat, cōduco, loco, facneror, pascor, pango pepigi, condemno, postulo, et si qua sunt alia similibus horum significationis. Neq; enim audiuius dici unquam, uendidit patriam hic auri: aut, Achilles uendidit corpus Hectoris auri. Priamusq; illud redemit magni ponderis auri: sed per ablatiuum sic: Vendidit hic auro patriam, et c. Exanimumq; auro corpus uendebat Achilles. Hæc Vergil. Valerius quoque libro quinto: Magno ubiq; pretio uirtus æstimatur. Quanti uero,

6. Aeneid.
Aen. 1.
Cap. 4.

Rat. 1. sc. 1.

Declam. 11.

Saty. 7.

In ead. Saty.

Saty. 3. lib. 1.

De Orato.
lib. 1.

Et tanti, ceteraq; (ut dixi) genitiuum non mutant, ut Terentius in Eunuchis: Quid agas? nisi ut te redimas captum quam queas minimo: Et si nequeas paululo, at quanti queas. id est, tanti te redimas, quanti queas. Cur non dixit quanto, ut congrueret cum illis minimo, et paululo? aut minimi, et pauxilli, ut congrueret cum hoc quanti? nisi quia tanti, et quanti mutare non licet, et ab eis, quae dixi composita. Quintil. in Pasticadauere: Hoc unum supererat, ut deuectum tantidem uenderes. Et in Verrem Cicero: Aiebat te tantidē aestimasse, quanti sacerdotē. Iuuenalis: Quanticūq; domus cōstet – Idem (quod ad praedicta comparatiua pertinet) Balnea sexcentis, et pluris porticus empta. Cur non dixit et pluribus, ut copularet cōiunctio eosdē casus? Titus Liuius lib. xlviii. Mancipia minora annis uiginti, quae post proximum lustrum decem milibus aëris, aut pluris uenissent, ea quoque decem tanto pluris quam quanti essent, aestimarentur. Adco ut interrogati per eundē saepe casum respondere nequeamus: ut Plautus in Epidico, Quanti eam emit? uili. quot minis? quadraginta minis. Horat. Quanti emptæ? paruo: quanti ergo? octusibus. heu heu. Nam illud apud Ciceronem, Quanti additus? mille nummum. non est illud mille genitiui, sed ablatiui casus, ut mox docebo: quasi millenario nummum, id est, nummorum. Et hæc quidem interrogatio est per genitiuum, responsio autem per ablatiuum. Aliquando è diuerso: ut, emisti ne decem minis istum equum? imò pluris. Aliquando hi duo casus iuxta idem uerbum hærent: ut, emisti istum equum decem minis, an pluris? Quod si aduerbia forent (ut nonnulli existimare solent) cur potius dictum est tanti, et quanti, pluris, et minoris, non tanto, et quanto, pluri, et minori, quàm huiusmodi uerba utiq; ablatiuum desiderent? Cur non idem fit in ceteris comparatiuis, quae palam aduerbiatur? Non enim dicitur, emi equum uilioris, carioris uel, quàm tu: nec uiliori, cariori uel quàm tu, sed uilius quàm tu, aut carius: neque uendidi ædes melioris, peioris uel, quàm tu: sed melius

3^o

melius, peius uē quā tu. Cur deniq; (quod non minus miran-
dum est) hæc ipsa quæ nominauit, quoties substantiuis maritan-
tur, formam naturalem, & legem uerborum custodiunt? exce-
pto tantidem, quia est substantiuum, quod ablatiuum, datiuumq;
non agnoscit tantodem: solasq; has uoces habet tantundē, &
tantidem. Dicendumq; erit, quanta pecunia istum equum emisti:
sicut quot minus. Iuuenal. — Quanto.

3^o

Metiris pretio, quod ni tibi deditus essem,
Deuotusq; cliens, uxor tibi uirgo maneret.

Saty. 9.

Liuius, lib. x x i i. Hic miles magis placuit, cum pretio minore
redimendi captiuos copia fieret. Itaque genitiuos illos, tanti
emi equū, quanti potui, sic exponere nō possumus, tanti pretij,
& quanti pretij potui, sed sic, tanto pretio, quanto potui. Et
per comparatiuum: ut illud Ciceronis, Non pluris uendo quā
aliq, fortasse etiam minoris. Cū aliquem doces, non ita exponas,
pluris, id est, pretij: & minoris, id est, pretij. Nam huiusmodi
expositio fecit, ut plerique fallerentur: sed sic, pluris, id est, pluri
pretio: minoris, id est, minori summa.

Officiorum. 3.

sub cop. 1.

De Mea, Tua, Sua, & Cuius.

CAP. II.

Non tantum in his causis, quas ostendi, nonnunquam
aliter respondemus, quā quo modo interrogati sumus,
sed etiam in illis tribus pronomi-
nibus, de quibus proximo li-
bro disputauimus, tam primitiuis, quā deriuatiuis: quorum di-
uersam conuicimus naturam esse: & præter hæc unum, cuius
cuius, cuius: quod à ueteribus non inter nomina, sed inter
pronomina numerabatur, ut meus mea meum. Nec Græci
relatiuum, unde hoc nomen descendit inter nomina, sed in-
ter articulos collocant: & nos pronomina quedam articularia
solemus appellare. Ideoq; ut dicimus, mea est, tua est, sua
est: & mea, tua, sua interest: ita cuius est, & cuius interest. Plau-
tus in Epidico: Ego illum conueniam, atque adducam ad te,
cuius est fidicina. Cicero pro Muræna: Ea cædes potissimum cri-

Vi à Diomede
lib. 1.

no ille, iste

l mini

mini datur ei, cuius interfuit: non ei, cuius nihil interfuit. Igitur interrogati, Cuius hominis est hoc opus? respondebimus meum, non mei. Cuius domini hic fundus? tuus, aut suus: non tui, aut sui. Rursum, Meum? ne fundum possides, an tuum? respondebo neutrius, uel illius. Interrogamus adhuc, respondeamusq; per uarios casus: Meum? ne prædium est, an illius? respondebo, illius? certè, non tuum. Similiter de Cuius nominatiui casus, ad quod nunquam respondeas per eundem casum, nisi in tribus pronominebus deriuatis: ut, cuius pecus? respondeas meum, uel illius. Interrogatur etiam per diuersos casus: ut, cuius pecus? tuum? ne, an Melibæi? sed per talem dictionem nunquam respondetur: nisi dicas, est cuius est: uel, est cuius esse debet. & si quid est simile.

CAP.

III.

De Tanti, Quanti, Magni, Parui, cum interest.

EAdem tanti, & quanti, positiua quoq; duo, magni, & parui, sola in genitiuo iunguntur cum illis geminis uerbis, interest, & refert. Cetera autem, uel aduerbialiter, uel uoce nominatiui, siue accusatiui, & in primis horum comparatiua, superlatiuaq; magis & minus, maxime & minime, atque horum germana, multum, plus, plurimum, parum, paululum, paulum, pauxillum, nihil, aliquid, & siqua sunt alia. Tanti interest, quanti interest, magni refert, parui refert, ac multum refert, plurimum interest, maxime refert, magis refert, paulum refert, minus refert, parum refert. Quinetiam non modo quatuor hæc nomina id nature habent cum his duobus uerbis, uerum etiam cum multis alijs: ut, magni æstimo, parui facio, parui pendo, quanti facis, tanti facio. Sed cum huiusmodi uerbis nonnunquam alia nomina iunguntur, ut plurimi æstimo.

De Mile, & Milia.

CAP. IIII.

ATque (ut promissum exoluam) illud Ciceronis mile nummum singularis numeri esse, tum exëplo eiusdem, tum præcepto M. Varronis comprobabo. In Philippicis: Inuētus est, qui

L. Anto

L. Antonio mīle nummūm ferret expensum? Et pro Milone: In quibus propter insanas istas substructiones facīle mīle hominū uersabatur. Qualia exempla plura repeterē, nisi Varronis præceptio satis esset, qui in libris de Analogia, inquit: Quum per- Lib. 11
uentum est ad mīlenarium, assumit singulare neutrum, quod dicitur hoc mīle denariūm, à quo multitudinis numerus fit mīlia denariūm. Et paulò pōst: ut sit utrunq; sine casibus uocis, dicemus ut hoc mīle, huius mīle: ita hoc decies, huius decies: Hæc hæstenus. Illud quoq; præter hæc addamus, mīle hominū dici, & mīlia hominum. Iterū mīle homines dici, mīlia uerò homines non dici. Cuius rei causa est, quòd propriè dicimus mīle homines, ut centū homines, mīlia hominum, ut centenaria, uel turba hominū. Hoc substantiuum est, illud uerò adiectiuum. Itaque non licet dicere mīlia homines, quia duo substantiua non coherent sine copula: neq; in his ullus certus inesset sensus. Mīle hominum licet dicere, quia mīle substantiuatur, ut multum hominum, pro multi homines. Item mīle hominum, pro mīle homines: idemq; erit, quod mīlium hominum, si mīlia singulare haberet mīlium, quod non habet, nisi pro mīliario, quod constat ex mīle passibus: uel pro seminis genere: uel more Varronis, quia dicimus hoc mīle: uel quia (ut maxime reor) nec adiectiuum planè, nec substantiuū est, sicut hic, hæc, hoc, iste, ista, istud, & nonnulla alia pronomina. Nam cætera adiectiua non patiuntur sibi ita adherere adiectiua, ut pronomina. Dicimus enim, hic robustus messor, ista robusta mulier. Nec dicimus, antiquus robustus messor, antiqua robusta mulier. At nomina numerorum sunt istis pronominibus similia: ut, centum aurea patera, mīle armata naues. Ergo Latine dicetur, mīle ex hominibus, sicut dicetur, isti ex illis. Quæ locutio idē est, quod mīle hominū. Cætera nomina numeralia, siue substantiua, siue adiectiua sint, inter se iūgi recusant, quia nec duo substantiua, nec duo adiectiua sola esse possūt. Vt duo cētū, tria mīle, quum præsertim sint sua propria nomina, ut ducenta,

trecenta, & supra mille est milia, quod planè substantiuum est. Ideoq; dicimus, mille hominū: duo milia hominum, non duo mille: tria milia, quatuor milia hominum, & deinceps. Nec (ut dixi) tria aut quatuor mille, sed bis mille, ter mille: bis centum, & ter centum, non duo centum, tria centum: aut (ut aliqui indocti loquuntur) ducentum, tricentum, sed ter centum. Vergilius:

Geor. 1. Ter centum niuci tondent dumeta iuueni. Et alibi:

Aeneid. 1. Hic iam ter centum totos regnabitur annos.

Reperimus tamen apud ecclesiasticos sæpe hoc modo dici, quale est: Debebat decem milia talenta: & , duodecim milia signati. Quod defendi non potest, nisi resoluas sic: Signati, duodecim milia: talenta, decem milia: quasi dicatur, numero duodecim milia, & numero decem milia, & subintelligatur entia: sic, Debebat talenta entia decem milia. Signati entes duodecim milia. Nisi interponas uerbum substantiuum: sic, Signati erant duodecim milia, quod in altero exemplo fieri nequit. Quo certè modo ipse non loquerer, sed potius duodecim milia signatorum, aut duodecim milia signata: & decem milia talentorum, & duodecim milia drachmarum argenti. Cuius erroris (si error est) causa (ut opinio mea fert) hinc fluxit, quòd sæpe legimus decem milia pondo argenti, quasi illud pondo sit nominatiui, aut accusatiui casus, & non potius genitiui. Sæpe decem milia quingenti pedites, non peditum. Ita cum numerus posterior defuerit, putant rectè dici posse decem millia pedites, quod falsum est. Nam cum dicimus, decem milia quingenti pedites, sic intelligimus, decem milia peditum, & quingenti. Quo sæpe modo loquimur, nec aliter loqui possumus. Atque ut nunc ad hoc quingenti subintelligimus pedites, ita ad illud milia subintelligimus peditum. Quale esset in superioribus exemplis, duodecim milia & ducenti signati, uel duodecim milia signatorum & ducenti: & ita in ceteris. Rarius autem reperitur mille, pro milia. Nam

Math. 5. illud: Quicumque te angariauerit mille passus, uade cum illo & alia

alia duo: subintelligitur milia passuum. Alioqui dixisset alios duos, non alia: uel potius, alios bis mille. *passus*

De Numeralibus.

CAP. V.

ET quoniam de numeris coepimus, de ipsis aliqua dicere prosequamur. Et primum hoc admoneamus, in quo plerique falluntur, treceni scribendum esse, non trecenteni, nec triceni, quum significat trecentenarium numerum, quod syncopatum est, sicut cetera. Dicimus enim duceni, pro ducenteni: treceni, pro trecenteni: quadringeni, quingeni, sexceni, septingeni, octingeni, nongeni, uel noningeni, pro quadringenteni, quingenteni, sexcenteni, septingenteni, octingenteni, nongenteni, uel noningenteni. Centeni autem, et mileni non syncopantur, quia non sunt prologe dictiones, sicut superiores. Triceni autem caret syncopa, sed immutauit g, in c: sicut uiceni, pro uiceni, et triceni, pro trigeni. Sunt enim similime uocis c, et g, quemadmodum d, et t: propter quod dicimus quadringenti, pro quatrincenti. In quo nomine et t, in d, et c, in g, mutatum est. Atque quoniam dixi quosdam falli similitudine uocum, recensemus hæc ipsa infra centum, ut supra centum fecimus. Dicimus igitur singuli, bini, terni, quaterni, quini, seni, septeni, octeni, noueni, deni, undeni, duodeni, ternidei, quaternideni, quinideni, senideni: uel deniquaterni, deniquini, deniseni, denisepteni, deniocteni, deninoueni: uiceni, uicenisinguli, uicenibini, uiceniter= ni, uel (ut postea ostendemus) singuli et uiceni, bini et uiceni, et ita deinceps. Tum triceni, quadrageni, quinquageni, sexageni, septuageni, octogeni, non octuageni (octoginta enim dicimus, non octuaginta) nonageni, uel nongeni, non nouageni: deinde centeni. Ideo autem hæc nomina in plurali protuli, quod in prosa scribentes ferè plurali utuntur, in carmine frequenter etiam singulari. Et singularem quidem horum nominum numerum non prosa oratione scribentium, ait Priscianus esse, sed poetarum. Ut Lucanus libro VIII.

i. uallo, uel

D. 300. 300.

300. 300.

Prisc. lib. 1.

Gurgite septeno rapidus mare sum mouet annis.

Veruntamen non tantum poetarum uideo esse, sed nonnunquam

Cap. 3. etiam aliorum: ut Plin. lib. x v i i. Traduces Gallica cultura binis utrinque lateribus. Si pars quadrageno distet spatio quaternis, uiceno inter se obuij miscentur. Et in uicesimo quinto:

Cap. 8. Altera maior, folijs laterum modo inclusa, quæ quia septena sunt.

Cap. 10. Et in x x v i. Prodigiousa sunt, quæ circa hoc tradit Theophrastus autor alioqui grauis, septuageno coitu durare libidine contactu herbe, cuius nomen speciemque non posuit. Septuageno, id est, septuaginta coitibus per singulas noctes. Nam ita hæc nomina exponuntur: ut creabantur olim bini consules. id est, per singulos annos duo. Vtuntur ergo oratores legitima significatione horum nominum: binus enim, siue binis significat singulis duo: ternus, siue terni, singulis tres: quaternus, siue quaterni, singulis quatuor. At poetæ non ita. Septenus enim gurgis non est singulis septem, sed septem tantum uni flumini Nilo. Nec in singulari modo significatione hac abutuntur, uerumetiam in plurali.

Georg. 1. Vt Vergilius:

Per duodena regit mundi sol aureus astra.

Prisc. lib. 1.

Duodena astra, pro duodecim astra. At hoc septeno, Priscianus exponit septenario: quod mihi non placet, quum inauditum sit flumen aliquod habere septenarium alueum, & fontem edere septenarium riuum. Siquidem hæc nomina numerum aliarum rerum quæ non nominatur, indicant, non multiplicationem suis ipsorum: ut, lapis centenarius, non quod sit centuplus lapis, sed centum librarum: homo centenarius, non quod sit centum geminus, sed quod habet centum annos: grex centenarius, non quod sint centum greges, sed grex centum capitum. Rursus non dicimus centenariam libram, sed centuplam: nec centenarium annum, sed centuplum annorum. Tamen dicimus centenarium, septenarium, duodenarium numerum. Siquidem numerus omnia complectitur, siue centenarius, siue decenarius, siue alius quiuis nu-

merus ceterarū rerum, librarū, annorum, similiūq;. Ideoq; rectè
dicimus centenariū numerum annorū ingressus est: non autem,
centenarium annum. ~~et~~ milenarium numerū portat pondo: nō
autem, milenaria pondo. Potuisset igitur Priscianus commodius
exponere, septeno gurgite, pro septenarij numeri gurgite. Qua
expositione uti solemus in illis numeralibus, quæ ultimū numeri
eius significant: decimus, undecimus, cētesimus, milēsimus, id est,
qui ultimus est ex decem, ex undecim, ex centū, ex mīle. Aliquan-
do etiam sic: hoc aruū attulit centesimum, illud uerō sexagesimū,
tuum uerō trigesimum fructum: id est, cētenarij numeri, sexage-
narij, tricenarij fructum, uel centuplum, sexagentuplū, tricentu-
plum. Plinius lib. x v i i i. Admiscetur huic far, ut mitiget ama-
ritudinem eius, ~~et~~ tamen sic quoq; ingratisimū n est uentri: na-
scitur qualicunq; solo cum centesimo grano: ipsumq; pro let
mine est. Non ultimum granum ē centenario numero intellexit
sed grana centenarij numeri, siue granū cētuplum, siue centenū,
eo modo quo idem autor dixit uiceno. Hac etiam ratione appel-
lata est quadragesima, quōd quadraginta dies continet: quo uo-
cabulo eloquentissimi Christianorum utuntur. Quidam etiam
quingagesima, sexagesima, septuagesima. Atq; (ut ad rem re-
deam) utimur superioribus illis nominibus crebrius in plurali
numero, singuli, bini, terni. Trinum igitur cum habeat singula-
rem numerum, apparet non esse naturæ istorum. Quinimo non
memini comperisse me illud in plurali, licet ~~et~~ singulare perra-
rum sit, ut trinum nundinum. Promulgari enim debebat anti-
quitus rogatio apud Romanos trinonundino: quōd (ut opinor)
aut tribus in locis uno die, aut tribus diebus uno in loco celebra-
batur: ut trimus triū annorum, ita trinus trium dierum, aut triū
locorū. Priscianus autem ait trinundinū pro trinundinarum, Prisc. lib. 7.
Ciceronis exemplo pro Cornelio: Primò ex promulgatione tri-
nundinū dies ad ferendum potestās; uenisset. Quod si ita es-
set, à tris compositum esset, non à trinum, ut ait Priscianus, sicut
l 4 trinoctium:

Cap. 16.

furago sua
a faciendo, i. u.
multa q. u. u.
i. m. m. m. m. m.

Prisc. lib. 7.

furago sua
legem

Cap. 4.

trinoctium: sed forsā per apocopen dicimus trinundinum, pro
 trinum nundinum, aut planè trinundinum. Quintilianus libro
 secundo, Siue nō trino fortè nundino promulgata, siue non ido-
 neo die, siue contra *intercessionē*, uel auspicia, aliud ue quod le-
 gibus obstat, dicitur lata esse, uel ferri. Titus Liuius libro tertio:
 Postquā uerò comitia decemuiris creandis in trinundinum in-
 dicta sunt. Idem libro quinto, nisi editioni mēda inest, ait: Antea
 trina loca cum cōtentione summa patritios explere solitos, nūc
 iam octoiuges ad imperia obtinēda ire. Donatus tamen hoc no-
 mine utitur, & discipulus eius, non tamen magistro indoctior,
 Hieronymus, cū alibi, tum ad Marcellam: Et Trinam negatio-
 nē, trina postea confessione deleuit. id est, triplici. Ceteri quoq;
 eodem nomīne utuntur. Vnde dicta est trinitas, trium persona-
 rum una diuinitas. Seruius super illud Vergilianum,

Lib. 8. Aeneid.

Terna arma mouenda: ait, Figura poëtica: Nā trina debuit di-
 cere. Arma enim sunt tantum numeri pluralis. Sed hæc ratio Ser-
 uij, quā sit efficax, ipse uiderit, qui uult hoc nomen aptum esse
 nominibus numeri pluralis: quod etiam reperimus coniunctum
 cum nominibus singularem numerum habentibus. Et quid præ-
 terea dixisset, si apud Vergiliū foret quaterna arma? nunquid
 legendum esset quatrina? Verum non est trinum de numero eo-
 rum de quibus disputauimus, quorum singularem non frequen-
 tari ab oratoribus diximus, sed à poëtis, & quidem improprie.
 Etiam nonnunquam improprie pluralem, quod aliquando ipsi
 quoque oratores faciunt, sed necessitate in his nomunibus quæ
 singulari carent. ut codicilli (licet Iustinianus utatur) ut liberi,
 ut pugillares, ut nuptiæ, ut arma, ut castra. Aut si non carent,
 suntq; uel diuersi generis, ut nundinum, & nundinæ, delictum,
 & delictæ, uel diuersæ significationis, ut hæc ædes, & hæc
 ædes: uel diuersi & generis, & significati, ut epulum, & epu-
 la. Necessarium est autem dicere binos codicillos, & ternos,
 & quaternos, non duos, tres, quatuor, ratione dictante. Quid
 enim

templum

enim si de diuersis codicillis dicendum mihi sit, quomodo dicam, duos codicillos scripsit pater, unum ad me, alterum ad uxorem: illud enim unum, & illud alterum ad quid refertur? ad codicillum, quod non reperitur? Dicendum est ergo unos. Quòd si unos, ergo & binos dicendum erit, quod ex Cicer. exemplo liquerebit. Duplices similitudines esse debent, una rerum, altera uerborum. Quòd si dixisset duplex similitudo, subiunxisset una rerum, altera uerborum: uerum quia in plurali locutus est, non putauit alteri numero locum esse oportere. Dicamus ergo binos codicillos, non duos. Rursus duo testamenta, non bina. De cuius naturæ nominibus quibusdam nominatim faciamus mentionem: si tamen illud monuerimus ex prædictis colligi, utroque modo posse dici: Relinquo filiis meis testamento singulis, siue cuique, si multi: siue utrique, si duo fuerint, dena prædia: uel singulis, siue unicuique, siue utrique, decem prædia: cum ego & fratres mei ex bonis paternis habuerimus singuli, siue unusquisque, siue uterque, unum prædium: uel singuli, siue unusquisque, siue uterque singula prædia: quæ etiam uno loco coniunxit Cicero in Paradoxis: Capit ille ex suis prædijs sexcenta sestertia, ego centena ex meis. Non dixit aut sexcenta & centum, aut sexcenta, & centena, quæ tamen diuersa sunt, ut intelligamus ab illo sexcenta capi uno anno, non singulis annis, ab hoc centena non uno anno, sed singulis annis. Ego tamen puto scribendum esse sexcenta, non sexcenta. Multa hic, & multifariam uitiose dicta repetere liceret, sed uereor tantos uiros carpere. Vnum tantummodo dixerim ex tertio libro Regum: Septena retinacula in capitello uno, & septena retinacula in capitello altero, quum dicendum esset, septem in uno, & septem in altero, aut septena in singulis, aut septena in utroque. Et si fuissent plura duobus, septena in unoquoque. Cuius conditionis est illud in eodem libro: Quòd abscoëderim de prophetis domini centum uiros, quinquagenos & quinquagenos in speluncis. hoc modo non rectè dicitur, sed eo

Ad Herz. lib. 3

modo, quo paulò antè dictū erat: Tulit ille centū prophetas, & abscondit eos quinquagenos in speluncis. id est, in singulis speluncis quinquaginta. Quidam iuris studiosi accipiunt dena, pro uiginti, nō intelligētes significari singulis duorū decē: de quorū imperitia quid multis dicendum, cum putent rectē dici unaquinq; quasi unā sit nomen, & non aduerbium. Ne illud quidē obticebo (quemadmodum superius ostendi) illa nomina supra centum syncopari, infra uerò centum minime. Ita è diuerso aduerbia infra centum syncopari, ultra non syncopari: ut uicies pro uiginties, tricies pro triginties, deinde quadragies, quinquagies, sexagies, septuagies, octogies non octuagies, nonagies nō nouagies. Cætera non syncopantur, quinquies, sexies, septies, octies, nouies, decies, centies, ducenties, trecenties, quadringenties, septingenties, octingenties, noningenties, milies: deinde bis milies, ter milies, quater milies, quinquies milies, decies milies, uicies milies, & deinceps cætera. Nunc ad institutum redeamus, ab hoc potissimum nomine incipientes.

De Litera, & Epistola. CAP. VI.

Litera in singulari numero significat elementum ipsum, ut Epist. 1. lib. 7. La, & b: uel manum scribentis: ut ad Attic. Cic. Nam Alexidis manum amabā, quòd tam propè accedebat ad similitudinē tuæ literæ. In plurali uerò epistolam, præterquàm apud poëtas, qui pro epistola, uersus gratia, in singulari semp utūtur. Vt Ouid: Quam legis à raptæ Briseï de littera uenit.

Epist. Bris. ad Achil.

Epist. 16. lib. 2.

Nam quòd Cicero ad Caninium scribit, ad se nullam literam Bibulum misisse, ita ait, quasi nullum uerbum misisset, quod ut uehementer extenuaret, non dixit uerbum, aut syllabam, sed literam. Frequentissimum igitur est literæ, pro epistola: inter quæ duo nomina hæc elegantie differētia est: Quòd dicimus unam epistolam, unas literas: duas, tres, quatuor, quinq; epistolas, binas uerò literas, ternas, quaternas, quinas, senas, septenas, octonas, nouenas, denas, nunquàm aliter: quale esset,

unas

nnas, binas, ternas epistolas: duas, tres, quatuor literas. In hoc tamē cōueniūt, ut dicamus, dedi singulis, uel unicuiq; uel utriq;, siue singulas literas, siue singulas epistolas. Itē in maiori numero nō conueniunt: ut, dedi singulis duas literas, uel binas epistolas: sed binas literas, & duas epistolas: nō autem secus, de quo iā dixi. In quo obseruandū est de cæteris quoq; uocabulis: ut si dicas, accepi abs te binas literas, non subiungas, quarū alteri respondi per proximum tabellariū, alteri nunc respondeo, sed alteris. De epistola uerō apertū est: ut, accepi duas epistolas, quarū alteri iam respondi, alteri nunc respondeo. Cic. uerō ferē ait accepi literas, accepi epistolas. Plinius frequenter etiam recepi, nisi libri mendosi sint.

De Aedes, & eius deriuatiuis.

CAP. VII.

AEDES in plurali tantum, accipitur pro domo, nec unquam aliter: ut, ædes meas non proscribam. In singulari, atq; adcō in plurali pro templo: ut Cic. in Philipp. lib. I. Ex eo die, quo in ædem Telluris conuocati sumus, in quo templo (quantum in me fuit) ieci fundamenta pacis. In quo templo, id est, in qua æde Telluris. Sed hac in re differt à templo, quod semper in utroq; numero habet adiectionem, ut in æde Iouis, Mercurij, Mineræ: in æde Concordiæ, Telluris, Honoris, Virtutis: in æde sacra, & in plurali sacras ædes: ædes deorum, ædes Nympharum. Nam quum ait Lucretius de Ioue loquens — Et ædes sæpe suas disturbet. — Perinde est, ac si dixisset, Iouis ædes. Igitur pro templo dicemus duas, tres, quatuor deorum ædes, duas sacras ædes: pro domo, binas, ternas, quaternas, priuatas ædes. Aeditui autem ab ædibus sacris, quas tuentur, appellati sunt, non à priuatis. Aediles quoq; magis à sacris ædibus dicti sunt, quibus curædis præpositi erāt. Aedificare autē magis ad domos hominū spectat, quam deorū: nec domos tantum, uerum etiā naues: ut Cic. Qui posteaquā maximas ædificasset, ornassetq; classes. Neq; hoc indignum est admonitione,

Cic. in prin.
Philip. 1.

Lib. 1.

Proleg. Manil.

cum

eum cui domus edificatur, dici edificare. ut idem de Consulari uiro inquit: Qui quum edificasset in palatio plenam dignitatis domum. Similiter in cæteris uerbis: ut Horatius de prædiuitibus: Diruit, edificat, mutat quadrata rotundis.

De Liberi, Pugillares. CAP. VIII.

Liberi pro filijs singularem non agnoscit, cuius natura à superioribus dissentit. Nā ut dicam, Lego Titio ternas ædes, unas in foro, alteras in Ianiculo, tertias in Suburra: ita nō dicā, ex ternis liberis meis, unos, alteros, tertios: sed ex tribus liberis meis unum in alienam familiam dedi, alterum abdicauī, tertium heredem institui. Cuius rei causa est, quòd quum dico unum, alterum, tertium, adiungi solet filium: & tres liberos, quasi tres filios: quod ita non fit in ædes, & in literas, nisi subintelligas domum, & epistolam. Sed quid facies in cæteris? ut in nuptias, & in pugillares? absurdum sit dicere, unam nuptiam, unum pugillarem. Pugillares autē significat tabellas cereas, siue ligneas, siue alterius materie, in quibus stylo scribimus. Liberum tamen pro filio & apud Quintilianū, & apud Paulū, Catiūq; reperio.

De Hortus. CAP. IX.

Hortus quoq; eiusdem naturæ est. Nam in singulari, pluraliq; pro hortis olitorijs accipitur, id est, olera producentibus. Est enim olus, omnis herba satiuā, qua uescimur, & cuius folijs, ut caule in edulium utimur. Horti uerò in plurali tantum, arboribus confiti dicuntur, & uoluptatis, amœnitatisq; causa parati. In superiore igitur significatione dicemus unum hortū, duos, tres hortos. In posteriore unos, binos, ternos, quaternos hortos, nisi alicuius autoritas aliud sibi uendicauerit.

De Odor.

Odor huic simile est, quā uoce notū est quid in utroq; numero significetur: in plurali uerò tantum, odoramēta: ut odores ex Arabia sunt. Hoc tamen nomen rarò cum numeralibus iungitur, sed cum alijs adiectiuis.

De

Apud Modestinu tit. de pac. ff. l. ius autem, & Vlpianū tit. de reg. iur. l. nemo prædo. leges liberum singulariter pro filio.

De Commeatus. *hic* CAP. X.

Commeatus autem, & si qua sunt similia, non recipiunt tam clem ambiguitatem. Siquidem superiora in uno sensu habent utrunq; numerum, in altero tantum pluralem: hoc uerò in altero tantum singularem. Est enim commeatus in singulari tantum, pro facultate ad tempus a militia, ab alio uel ministerio recedendi (quam præbet militi imperator, præpositus uel inferiori) eundemq; quò uelit ad præscriptum diem reuersuro. Licet Lilius in libro xxi. ait: Magna pars sine commeatibus dilabebatur. In utroq; autem numero pro cibarijs ad alimoniam reipub. aut exercitus, aut alicuius multitudinis. Interdum etiã priuatim. Cicer. pro lege Manilia, lã cõmeatu et priuato, et publico phibebamur.

*Commeatus
facultatem ad
tempus a militia
ab alio uel ministerio
recedendi*

*ad hoc defensionem
facultatem ad
fides publicam
salutem cõmunem
commeatus*

*disponit
pluribus
defendebat*

De usu pluralis pro singulari, & de redditu
parenthesis. CAP. XI.

Ex his, quæ dixi, colligi potest, non uerum esse, quod aliqui uolunt, quoties autor in numero plurali loquitur, declarari dignitatem quãdam, & (ut sic dicam) magisterium. Quid enim causæ est, cur hæc nomina pluraliter, non singulariter efferrantur? quid Athenæ potius, quàm Athena? quid Roma potius, quàm Romæ? Sed ne in re aperta dicam pluribus, huic opinioni repugnat cum ipsa rhetorica ars, quæ iubet nos uti modò plurali, pro singulari numero, modò singulari, pro plurali: tum plurima exempla, adeò ut uno atq; eodẽ loco de se orator in utroq; numero loquatur.

Vergilius:

O Melibœe, deus nobis hæc otia fecit.

Eclog. 1.

Nanq; erit ille mihi semper deus, illius aram
Sæpe tener nostris ab ouilibus imbuet agnus.

Ille meas errare boues.

Hic de se loquẽs Tytirus nunc nos, nunc me ait. Homerus quoque Iliados decimotertio:

Ἐρχομαι ἵππῃ τοι ἔρχομαι ἐνὶ κλισίῃσι λίαν

Οἰσόμεθα, τὸ νῦν γὰρ κατεξάμηναι ὁ πρὶν ἔχουσιν.

Deda. 5. Et in prosa, ut Quint. in Aegro redempto: Vtinam hoc saltem

de q. 1. in intro

Philip. 7.

Seneca

de d. d. g.

mihī serō fāta prāstarent, ut residuum laborantis animae in tuo
poneremus amplexu. Et Cic. in Philip. quod exemplum in alium
etiam usum uolo afferre prolixius: ait igitur, Itaq; ego ille, qui
semper autor pacis fui, cuiq; pax, praesertim ciuilis, quanquam
omnibus bonis, mihi tamen in primis fuit optabilis. Omne enim
curriculum industriæ nostræ in foro, in curia, in amicorum pe-
riculis propulsandis elaboratum est. Hinc honores amplissimos,
hinc mediocres opes, hinc dignitatem, si quam habemus, conse-
cuti sumus. Ego itaq; pacis (ut ita dicam) alumnus, qui quantus-
cunq; sum (nihil enim mihi arrego) sine pace ciuili certē non
fuissem. Periculosē dico: quemadmodū accepturi P. C. sitis, hor-
reo. Sed pro mea perpetua cupiditate uestræ dignitatis retinen-
dæ, & augendæ, quaeso, oroq; P. C. ut primò, si erit uel acerbum
dictū, uel incredibile à Marco Cicerone esse dictū, accipiatis sine
offensioe, quod dixerō: ne uē id prius, quā quale sit explicau-
ro repudiētis. Ego ille (dicā sapius) pacis sepe laudator, semper
autor, pacē cū M. Antonio esse nolo. Hæc in cū quoq; finē retu-
li, ut ostenderē oratores cū inceptæ orationi aliquid longius
inseruerūt, redire iterū ad id quod inceperāt. Aliquādo etiā fre-
quētius memoriæ iudicū reficiendæ gratia, uel eodē uerbo repeti-
to, ut in proximo exēplo, uel quod idē efficiat. Vt apud eandē,
& in eodē opere: Collegam tuum aiunt in hac sua fortuna, quæ
bona ipsi uidetur, mihi (ne grauius quippiam dicam) auo-
rum, & auunculi sui consulatum si imitaretur, fortunatior uide-
retur: sed eum iracundum audio factum. Aiunt, & audio, idem
efficiunt.

Philip. 7.

De Questibus & Quæstibus. CAP. XII.

Questus in plurali pro querela à queror, unde fit conque-
ror, cuius datiuus & ablatiuus questubus, ut portubus.
Questus in utroq; numero, cuius in plurali datiuus & abla-
tiuus est quæstibus à quero, unde fit cōquiro, deriuatur per syn-
copen

copen à supino quaesitum, significatq; *lucrum nummarius*. Nā *lucrum* uocamus etiam non *nummarius*, uelut *amicitiae*, *gloriae*, *scientiae*, *ceterorumq;* huiusmodi. *Quaestum* quoq; nonnunquā recipi pro actione ipsa, atq; artificio lucrāde pecuniae: ut apud Ciceronem, iam de artificijs, & quaestibus, qui liberales habendi, qui sordidi sint. Et Quintilianum: Nam ut primum lingua esse coepit in quaestu, institutumq; eloquentiae bonis male uti. *Quaestu* dixit, quasi acquisitione.

Offi. 1.
In proem. lib.
1. Instit.

De Scala, & Pondo.

CAP. XIII.

Scala à quibusdam in singulari usurpatur. Sallustius cū alijs quibusdam ostendit pluralem tantum habere, quum dixit in Iugurthino: Deinde ubi una, atq; altera scale comminutae sunt, qui superstiterant afflicti sunt. Non dixit, una atq; altera. Pondo autem caret singulari numero teste Foca. Dicimus autem duo pondo, tria pondo, non bina pondo, terna pondo. Quintil. in primo: Quid quoddam quaedam, quae singula procul dubio uitiosa sunt, iuncta sine reprehensione dicuntur? Nam dua, & tre, & pondo, diuersorum generum sunt barbarismi: at duapondo, & trepondo usq; ad nostram aetatem ab omnibus dictum est, & rectè dici Messala confirmat. Forsitan huius rei causa est, quod sicut superius de liberis diximus, ita hinc si quis ita loquatur, relinquo liberis meis duo pondo auri: alterum signatum, alterum rude: intelligitur libram. Idem est enim *duae*, *tres*, quatuor librae, quod duo, tria, quatuor pondo, ut quidam uolunt, quod multi autores non probant, ut Liuius lib. xxi. Argenti pondo bina, & sex libras in militem praestaret. cū legēdum sit selibras. Quidam etiam singularem huic nomini dant, & huius ipsius auctoris (si editio uerax est) nonnulla exempla sunt. Quale est etiam Columellae: Scillae aridae pondo libram, & quadrantem adijci oportere: Sed nunc pro pondere uidetur accipi. Huiusmodi conditionis est ludus, & ludi. Sed haec in alterum librum reseruamus. Nunc aliquid etiam de numeris addamus.

Cap. 9.

De

Cic. de sene-
crute.primis inquestis
in ista numerorum

Lib. 3. cap. 1.

ad istos numeros

Eodem cap.

Cap. 49.

Placentia.

de ista numerorum

ante duobus

in ista numerorum

PLato uno & octogesimo anno scribens mortuus est. Iso-
crates quarto & octogesimo anno eum librum qui Pana-
thenaicus inscribitur, scripsisse dicitur: uixitq; quinquennium po-
stea: cuius magister Leontinus Gorgias centum & septem com-
pleuit annos. haec Cic. Cuius ex uerbis datur intelligi, ante cen-
tum praeponi numerum minorem, post centum uero postponi:
quod Quintilianus quoq; confirmat, quum ait: Artium autem
scriptores antiquissimi Corax, & Thissias Siculi, quos infecutus
est uir eiusdem insule Gorgias Leontinus, Empedocles (ut tra-
ditur) discipulus. Is beneficio longissimae etatis (nam centum &
nouem uixit annos) cum multis simul floruit. Et paulo post:
Nam & Isocratis praestantissimi discipuli fuerunt in omni stu-
diorum genere. Eoq; iam seniore (octauum enim & nonage-
simum compleuit annum) pomeridianis scholis Aristoteles pra-
cipere artem oratoriam coepit. Hoc tamen uidetur fieri inter-
cedente copula. Nam ea sublata, ut quisq; numerus maximus est,
ita primo loco ponitur, dumtaxat citra centum: ut, maior uiginti
quinque annis, non autem maior quinque uiginti annis. Etiam
in illis quae supra tractaui, numeralibus, uiceni singuli, uiceni bi-
ni, uiceni terni: aut singuli & uiceni, bini & uiceni, terni & ui-
ceni. Supra centum naturalē ordinē sequimur, ut superiora exem-
pla docēt: centum & septem compleuit annos, centum & nouem ui-
xit annos. Plinius lib. vii. naturalis historiae: Centum & ui-
ginti natos annos Parmae tres edidit. Brixelli unum cxxv.
Parmae duos cxxx. Placentiae unum cxxxix. Faentiae
unam mulierem cxxxix. Bononiae L. Terentium Marci
filium, Arimini uero M. Apomum, c. l. Tertulā, cxxxvii.
Citra Placentiam in collibus oppidum est Velleiacium, in quo
c. x. natos annos sex detulere, quatuor centenos uicenos, unum
c. l. Marcus Mutius Marci filius, Galerius Felix: ac (ne pluri-
bus moremur in re confessa) in regione Italiae octaua centenū
minorum

annorum censi sunt homines LIIII. centenū denū homines
 LVII. centenū uicenū quinū homines duo, centenū
 tricenū homines quatuor, centenū tricenū quinū, aut se=
 ptenū totidem, centenū quadragenū homines tres. Idem
 tamen Plinius paulo pōst ait: Vt tamen in septimum & quin=
 quagesimum atq; centesimum uitæ duraret annum. Ex quo ap=
 paret sine copula maximum quēq; numerum præcedere: quum
 copula nonnihil uariet, præsertim retrosum eundo. Adhuc quæ
 diximus, & recitauimus exempla, intra numerum millenarium
 sunt, sed in ipso quoque maximum quēque numerum semper
 præponemus: ut, à natali saluatoris anni sunt nulle quadringen=
 ti & xxxviii. uel nulle & quadringenti ac triginta octo.
 Illud tamen notandum est, in milibus eandem esse naturam, atq;
 in numeralibus citra centum: ut, milites nostri sunt sex, & ui=
 ginti milia, non autem uiginti & sex milia: uel, milites nostri
 sunt uigintisex milia: siue, militum nobis sunt uiginti milia: siue,
 milites nostri sunt uicies mille: siue, nobis singulis sunt decies
 mille milites: siue, nobis singulis sunt dena milia militū: siue, no=
 bis singulis sunt decem milia militum. Omnia autem quæ locuti
 sumus, ultra uicesimum numerum intelligi uolo. Nam decem &
 septem, decē & octo, decem & nouem normā illam quam dixi,
 non tenent. His inferiora ne ipsa quidē seruant suam legem. Illa
 enim coniunctionē habent interpositam, hæc nō habent: uerūta=
 mē nec habere possunt, quū sint composita, nec plura, sed singu=
 la nomina: undecim, duodecim, tredecim, quatuordecim, quinde=
 cim, sexdecim, sicut illa quoq; cōposita, atq; unica sunt nomina,
 undeuiginti, duodeuiginti, undetriginta, duodetriginta, unde=
 centum, duodecentū: hoc est, uno, aut duobus demptis de uigin=
 ti, de triginta, de centū. Vt, ab incarnatione saluatoris sunt anni
 mille quadringenti duodequadragesima. Et per denominatiua: ut,
 ab incarnatione agitur annus millesimus quadringentesimus
 duodeuquādragesimus. Plinius lib. xxxv. naturalis historie: Cap. 3.

Cap. 2. lib. 36.

Duodeuicesima Olympiade interijt Candaules. Licet pleraque exemplaria habeat duodeuiginti Olympiade. Idem proximo libro: Atque adeo duodequadragenum pedum Iulullei marmoris in atrio Scauri collocati. Duodequadragenum, pro duodequadragenorum. T. Livijs libro primo: Duodequadragesimo ferme anno, ex quo regnare coeperat Tarquinius.

De Domus.

CAP. XV.

Domus genituius duos habet, unum secunda, alterum quarta declinationis, domi, & domus. Sed prior significat locum, ubi quis manet: posterior corpus ipsum, atque aedificium, quod ex parietibus consistat, & tecto: ut, domi maneo, non domus: & partem domus demolitus sum, superiora domus ascendi, non domi. Nam illud, domus mea imperium teneo, non pro loco accipitur, sed pro familia, quae continetur aedificio, figurate continens pro contento. Quod etiam dicere licet domi mea, quasi in domo mea. Quod autem idem sit domi, & in domo, notum est. Vnum tamen afferam exemplum Quintil. lib. v. In domo futurum factum ab eo, qui domi fuit. Dativus tantum quarta est: Accusativus indifferens: Ablativus secunda. In accusativus & ablativus, uel cum praepositione, uel sine praepositione loquimur: ut, reuertor domum, uel ad domum. Ex eo domo, uel e domo: & sum in domo, uel domi: hoc grammaticae est, illud uero Latinitatis, & elegantiae. Hunc genitiuum secunda non coniungimus nisi cum tribus, siue quinque pronominibus, mea, tua, sua, nostra, uestra, & uno nomine aliena: ut, ego uiuo domi mea, non uiuo domi tua: erat domi sua: nostra, non uestra domi habitare uolo. Cic. in libris ad Herennium: Qui cum ista aetate, & forma aliena domi, nolo dicere. Quidam uolunt illud domi aduerbia scire. Sed quomodo coniungeretur cum adiectiuis? quod si quando quinque haec pronomina adiectiua supprimantur, tamen subintelliguntur: ut, domi ero, id est, mea: domi erimus, id est, nostra: domi eris, eritis uel, id est, tua, aut uestra: domi erit, aut erunt, id est,

est, sua: sicut in altero sensu, & in plerisq; nominibus: ut, partē domus locavi, in altera parte ipse habito, id est, partem domus meae. Et, pater mihi iussit, mater te uocat, frater nos expectat: hoc est, pater meus, uel noster: mater tua, uel nostra, frater noster. Quod autē hic genitiuus secundae regat alterū genitiuum, siue pronome, siue nome, certū est: ut ego eram domi illius, domi huius, domi Caesaris, domi Pompeij. Domi autem publicae, domi priuatae, domi honestae, domi infamis, domi paternae, domi maternae habito, & similia, non licere dicere, iam tradidimus.

De compositis à Quis, uel Qui. CAP. XVI.

Quisquis, & quicumq; pro eodem accipi solent: ut, quisquis es, huc uenias: &, quicumq; es, huc uenias. Quicquid, & quodcunq; non accipiuntur pro eodem, quum alterū sit substantiuum: ut, quicquid festiuum, quicquid molle, quicquid tenerum, quicquid iucunditatis, quicquid gaudij, quicquid pecuniarum: alterum adiectiuum: ut, quodcunq; telum, quodcunq; scutum, quodcunq; iaculum. Cuius differentiae causa est, quod uoces hae in masculino conuenientes, in neutro postea discorant. Erat enim quidcunq; & uox, & significatio similior, si reperiretur eo modo quo dicimus quidq; & quicquid. Quodq; enim, siue unūquodq; componitur à quod: sed ut non reperitur quidcunq;, ita nec quodquod. Illud nanque componitur ex qui, que, quod: hoc autem ex quis & quid. Caretq; genere foemini-
no, quinetiam masculino in accusatiuo casu, tantumq; habet nominatiuum quisquis, quicquid, accusatiuum quicquid, ablatiuum quoquo, tum in masculino, tum in neutro: nonnunquam etiam in foeminino quaquā: ut apud Suetonium de uita Titi: Galba Cap. 5.
mox tenēte rempub. missus ad gratulandū, quaquā iret, cōuertit homines, quasi adoptionis gratia accerseretur. In accusatiuo quoq; interdū in alio genere quā neutro, sed uix apud oratores. Plaut. in Captiui duo: Nam meus ballista pugnus est, cubitus catapulta, humerus arces, cum genu ad quenquē iecero, ad terrā ultra sagitta

m. 2. dabo:

dabo: dentilegos omnes mortales faciam, quenquam offendere. Quenquam, id est, quencunque. Sergius autem Donatum commentans ait: Vtrajque parte declinatur hoc pronomen quisquis, cuiuscuius, cuicui, quenque, quisquis, à quoquo: quiqui, quorum, quibus quibus, quos quos, quiqui, à quibus quibus. Noli putare hoc casu declinationis esse, ut apud Ciceronem remansit cuicui: Hæc Sergius. Igitur quum sit compositum quicquid ex quid, quodcunque ex quod, debuit illud esse substantiuum, ut quid et aliquid: hoc adiectiuum, ut quod et aliquod. Dicimus enim, quid feci: non autem, quod feci: aliquid feci, non autem aliquod feci. Item, quod malum feci: non autem, quid malum feci: sed, quid mali? Et, scio quid faciam, non autem, scio quod faciam: uideo quid facis, sæpius quam, uideo quod facis. Ita et cætera ab his composita quiddam, quoddam. Nam quiddam adharet adiectiuo, quoddam substantiuo: ut, mirabile quiddam, obsecrum quiddam, quiddam maius: et, quoddam templum, quoddam nemus, quoddam antrum, oppidum quoddam: in quo nulli ferè errant, hic autem multi, pro quidque; ponentes quodque: ut, optimum quidque; honestissimum quidque; saluberrimum quidque: ubi non liceret poni quodque. Ex his liquet exemplis, optimum quodque; prædium, honestissimum quodque; consilium, ex iumentis quæ cepi, decimum quodque; sit tuum. Nam substantiuui natura est coniungi cum adiectiuo, adiectiuui uerò cum substantiuo, quasi connubio quodam. Ideo ubicunque est substantiuum, desiderat adiectiuum quasi coniugem, impatiens alterius substantiuui. Rursus adiectiuum sine substantiuo, tanquam sine uiro esse non potest, cum altero adiectiuo nihil consortij habens. Eoque factum est, ut hi quos dixi errarent, quod quandoque uidetur sine substantiuo esse quodque: ut, reliquit mihi pater multa prædia, quorum optimum quodque; sublatum mihi est: uel, ex meis multis prædijs optimum quodque mihi sublatum est. Sed omnibus liquet subintelligi substantiuum sic: optimum quodque prædium. Quodque autem idem esse quod

unumquodque, antè significauit. Quintilianus: Nec causas cur quodque eorum accadat, prosequi proposito operi necessarium est. Hoc quoq; addamus, quid solere usurpari pro in quo, ut apud eundem: Quid tibi tantum mali feci? quid offendi? & alibi: Si quid offendi. Cicero in Lelio: Quid enim indigens Africanus mei? Eodè modo nihil: ut, nihil te offendi. De differentia autem inter quidā & aliquis, siue quispian, siue quisquam, quòd illud certum hominē, hoc unum quemlibet significat, in libris dialecticis disputauimus. Hic tantum admonendum est, quosdam his posterioribus eo modo uti, quo ego non uterer, pro illo superiore: ut Hieronymus, qui sic librum de Hebraicis quæstionibus exorditur: Qui in illis principijs librorum debeam secuturi operis argumentum proponere, cogor prius respondere maledictis, Terentij quippiam sustinens, qui comædiarum prologos in defensionem sui dabat. Ego dixissem quiddam potius, quàm quippiam. De certo enim crimine loquitur, non de incerto. Idem est enim quippiam, quod aliquid. Sed de hoc in libris his, quos dixi, latius. Sed fortè Hieronymus scriptum reliquerat quiddam, & librarij in quippiam mutauerunt.

De affinitate Genitiui, & Ablatiui. CAP. XVII.

Magna autoritate est uir, uel magnæ autoritatis (utroque Menim modo dicimus) sed rarò sine adiectiuo, duntaxat in genitiuo: nam in ablatiuo nunquam: ut Cicero in Sallustium, Nunquid quos protulit Scipiones, & Metellos antè fuerūt aut opinionis, aut gloriæ? Ceterū in eadem oratione non est utendum genitiuo, & ablatiuo, nisi uelimus illud Plinianum ex lib. septimo naturalis historię sequi: Choromandarū gentem uocat Tauron syluestre sine uoce, stridoris horrendi, hirtis corporibus, oculis glaucis, dētibus caninis. Poterat dicere, stridore horrendo. Quanquā (quod ad elegantiam pertinet) ego pro lege accipio, quicquid magnis autoribus placuit, quorum in primis est Plinius. Præsertim quum Cicero ad Lentulum ita scribat: Epist. 7. lib. 1.

Lentulum nostrū eximia spe, summæ uirtutis adolescentē, cum cæteris artibus, quibus studuisti semper ipse, tum in primis imitatione tui fac erudias. Licet illud eximia spe posset uideri separatum ab illo summæ uirtutis, quod regitur ab illo adolescentem. Ut si dicis, habeo summæ spe filium, adolescentem optime indolis. Quod si ita non est, licet in eadem oratione uti genitui et ablatiuo, tamen (ut ego sentio) parçè. Nam illud ab hoc loco separatum est, quod idem dixit: Scipio Africanus id ætatis, atq; his rebus gestis. Illud enim id ætatis, uel idē est quod ea ætate, sicut dicimus decem annis uixi, et more Græco, decem annos, quam honestiorem locutionem Seruius putat: uel aduerbialiter ponitur: uel subintelligitur habens, uel agens, uel natus id ætatis. In quo protinus admoniti sumus oratores summopere synecdochen refugisse: quale foret, gentem hirtam corporibus, oculis glaucam: historici non refugerunt, ut Sallustius: At ex altera parte C. Antonius pedibus ager in prælio adesse nequibat. Cicero Quintilianusq; dixissent pedibus ægris. Nec dixissent, doleo caput, doleo ilia, aut ilibus (esset enim synecdoche) sed dolet mihi caput, et ilia tibi dolent. In hoc uerbo et illud notandum est, quod de re extra nos posita, sicut de corpore nostro loquimur: ut, istud quod facis, dolet mihi, utinam doleret tibi: ut apud Terentium,

In Eunu. act. 3. Dolet dictum imprudenti adolescenti, et libero. Et iterum: Aut hoc tibi doleret itidem, ut mihi dolet.

Act. 1. scē. 1. Et in eadem comœdia: - Illi facile sit Quod doleat. - Quod nunquam per synecdochen dicere possumus. Nam ego doleo istud quod fecisti (qui sermo, ut superior, apud autores est frequens: ut Sallust. Quasi dolens eius casum) non est synecdoche. Hæc enim figura tantum ad animi, et corporis qualitatem pertinet, nihil ad externa respiciēs: qualia fuerint, doleo caput, doleo ilia: et, hic pulcher faciem, ornatus animū. Ideoq; illa synecdoche nō erūt, potēs diuitijs, grauis pietate, præditus dignitate.

De

Ser. in illud l.
Aen. - Vna cū
gēte tot annos
Bella gero.

In Catil.

Sancho

In Eunu. act. 3.
scē. 1.
Act. 1. scē. 1.
In Eunu. act. 3.
scē. 1.

De In auro, & In æs.

CAP. XVIII.

IN marmore incisæ sunt literæ, in gemma, in lapide, in ligno, in auro: non autē in marmor, in gemmā, in lapidem, in lignū, in aurū. E diuerso in æs, nō in ære. Ita enim apud omnes autores (quātum inueni) semper scriptū est. L. iiii. Prius quam in urbem ingrederetur, leges decemuirales (quibus duodecim tabulis est nomen) in æs incisas in publico proposuerunt. Sed quid exempla ponimus paucorum, quod omnes facere affirmamus?

De uenustate discordiæ relatiui cum antecedente.

CAP. XIX.

Relatiuum frequenter non respondet antecedenti neque in genere, neq; in numero, utiq; quum reflectitur eius sententia ab antecedente ad sequens substantiuum. De masculino in neutrum, ut Sallustius: Est locus in carcere, quod Tullianū appellatur. Quod aliter dixit Val. Maximus libro secundo: Antea senatus assiduam stationem eo loci peragebat, qui hodie Senaculum appellatur. Et Plinius: In coitu uerō luna, quod interlunium uocant, quum apparere desierit. Mutato etiam numero, ut Cicero: Quibus tandem gradibus Romulus in cælum ascendit? his ne quæ isti appellant bonas. De masculino quoq; in femininum, ut idem: Omnes tenues atq; humiles, quæ maxima in populo multitudo est, sibi præsidium paratum putant. Et Vergil. Nec partem posuere sus, quæ maxima turba est.

In Catil.

Lib. 18. ca. 310

In Paradoxis,

Aen. 6.

Manente quoq; genere uidetur fieri quædam mutatio, ut Quintilianus: Vbi uerō uniuersas famulas famēs extinxit, quæ maxima pars est, inanes domus situm ducunt. E diuerso de feminino in masculinum non mutato numero. Sallustius: Ea fines habet ab Occidente fretum nostri maris & Oceani, ab ortu solis decliuem latitudinem, quem locum ~~israēla~~ incola appellant. Mutato etiā numero, ut Quintilianus: Resistam his, qui omissa rerum (qui nerui sunt in causis) diligentia, quodam inani circa uoces studio senescunt. Et alibi: Et supplicationes, qui maximus

In Iugur.

honor uictoribus bello ducibus datur, in toga meruit. De neutro
In lugur. in aliud genus, Sallustius: Ipse ex flumine, quam proximam op=
 pido esse aquam supra diximus, iumenta onerat. Mutato etiam
 numero, ut Liuius: Anxur fuit, quæ nunc Terracinae sunt, urbs
 prona in paludem. Aliquando sine ullo certo antecedenti: ut
 Quint. Ego, quæ felicissima uel lassitudo, uel satietas est, uirtu=
 te consenui. Diuersum huic genus est, quum dictio respondet
 antecedenti, quum deberet respondere sequenti substantiuo: ut
Aen. 1. apud Vergilium:

At puer Ascanius, cui nunc cognomen Iulo.

Liuius libro x x v. Scipio, cui Africano fuit cognomen. Qui
 modus per datiuum licet frequentior sit, tamen nonnunquã &
 nominatiuo, quod est magis generale, utimur: ut Cicero, Argen=
 tarius Sextus Clodius, cui nomen est Formio. Et Quintilianus:
 Notũ est quid Gliconi acciderit, cui Spiridion fuit cognomen.

In prol. Hecy. Neq; per relatiuum modò, sed etiam citra relatiuum: ut Tere=
 ntius: Hecyra est huic nomen fabulae. & hoc per nominatiuum.
 Per datiuum: ut Liuius lib. primo, Faustulo fuisse nomen ferunt.
 Et Solinus de memorabilibus: Lapis iste in aquis mollis est,
 humo duratur exemptus: nunquã duo simul reperiuntur, inde
 unionibus nomen datur. Hæc de datiuo. Est & accusatiuo quo=
 que sua natura, ut antecedens sequatur casum relatiui, relicto
Aen. 1. suo: ut apud Vergilium,

Urbem quam statuo uestra est, subducite naues.

Oratores autem postponunt antecedens, quale foret, quam ur=
 bem statuo, uestra est. Vt apud Ouidium:

Lib. 14. Met.

—Cecidere manu, quas legerat herbas. Et quale est Quintil.
 Timeo ne quos porrexerim cibos, uenena fiant. In quo est ha=
 bita ratio uenustatis, ut relatiuum & antecedens sint in eodem
 casu. Sed sapius antecedente postposito, quanquã apud Cice=
 ronẽ nonnulli illud in Sallustium sic legunt: Nunquid eos quos
 protulit Scipiones & Metellos antè fuerunt aut opinionis, aut
 gloriæ?

glorie? quidam legunt, Nunquid hi quos protulit: quidā, Nunquid quos protulit. Tale est in Euangelio: Sermonem quem uos audistis nō est meus. quod in Græco, hoc est, in fonte, est sermo, non sermonē: unde interpres noster transferens maluit Latine, quā Græcè loqui. Nec ignoro qualia imperiti in hoc Euangelij loco disputare soleāt, profectō nequaquam sic disputaturi, si Græcam linguam mediocriter, Latinam perfectè tenerent. In tali sermonis genere uel idem nomen repetemus, uel accusatiuū in debitum casum resoluemus. Nam utrunq; fieri exemplis cōperimus. Siquidem ita frequenter locuti sunt autores: Quas res tibi tum terra, tum mari nuper commisi, hæ res sint cum fratre communes: uel, hæ sint tibi cum fratre communes: uel, ex eis aliquas cōmunicabis cum fratre. Et item per ceteros casus: ut, quarum rerum non indiges, eas res donabis mihi: uel, hæ meæ erunt: uel, hæ res auxilio mihi esse poterunt. Et ita multis modis per casus uariare orationem licebit. Cicero pro Ligario: Sed hoc nō concedo, ut quibus rebus gloriemini in uobis, easdem in alijs reprehēdatis. Et paulō pōst: Quotus enim istud quisq; fecisset, ut à quibus partibus in dissensione ciuili non esset receptus, essetq; etiā cū crudelitate reiectus, ad eas ipsas rediret? Idē tamen in Rhetoricis inusitatus: Sulpitio cui paulō antè omnia cedebant, cū breui spatio nō modò uiuere, sed etiā sepeliri prohibuerūt. Illud magis poëticiū quale apud Horatium in Epodo: Quis non malarum, quas amor curas habet,

Hæc inter obliuiscitur? Et iterum in prima Satyra:

Quī fit Mæcenas, ut nemo quam sibi sortem

Seu ratio dederit, seu fors obiecerit, illa

Contentus uiuat, laudet diuersa sequentes?

De interfectu huius uocis, Ne dicam: &, Dicere

oportet, similitumq;. CAP. XX.

Homo prudens, ne dicam sapientem, melius quā ne dicam sapiens. Cic. pro Deiotaro: Crudelis Cæstor, ne dicam sce-

leratum, & impium. Et hoc substantiuo præcedente, secus autem sequente: quale esset, Crudelis, ne dicam sceleratus, & impius Castor. & Prudens, ne dicam sapiens homo. Nam si ponamus in accusatiuo, perquam absurdum foret: sic, Crudelis, ne dicam sceleratum, & impium Castorem. & Prudens, ne dicam sapientem hominem. In priore enim modo subintelligitur eum: sic, Crudelis Castor, ne dicam eum sceleratum, & impium. In alijs casibus non est hæc neq; diuersitas, neq; causa: ut idem, An sperasset hoc uiuo Milone, ne dicam Cōsule: uel sic, An sperasset hoc uiuo, ne dicam Consule Milone: Illud eiusdem in libris ad Herenium neq; dißimile his, neq; usqueadeo simile est: Obfuit plurimum eo tēpore Reip. consulum siue malitiam, siue stultitiā dicere oportet, siue potius utrunq;. Nam ubi erit suppositum? certē deest. Illud nanq; uerbum quod interiectum est, de nominatiuo mutauit in accusatiuum. Sed sicut in Euripo, aut Sicilie freto inflata uento uela, aquarū impetus retroire cogit: ita orationem lege grammatica euntem autoritas ipsa, consuetudoq; inhibet, ac repellit. Verum (ut grāmaticorū expectationi satisfaciam) sic erit cōstruendum: aut stultitia cōsulum, aut malitia, aut potius utrūq; obfuit plurimum eo tēpore Reipub. siue illud factum consulum dicere oportet stultitiā, siue malitiā, siue potius utrunque: uel sic, obfuit plurimum Reipub. eo tempore consulum factum, siue illud malitiā, siue stultitiā eorum, siue utrunque dicere oportet.

De infinitiuo uel interiecto, uel postposito. CAP. XXI.

AVdiui te ut ceteros affuisse in prælio: & audiui te affuisse in prælio, ut ceteri. Hic subintelligitur affuerunt, ibi intelligi non potest statim sequente infinitiuo, & omnia ad suum regimen trahente. Itaq; sic exponitur: audiui te affuisse in prælio, ut audiui ceteros affuisse. Alterū uerò (ut dixi) hoc modo: audiui te affuisse in prælio, ut ceteri affuerunt. Quod nequam conceditur sic dicere: audiui te, ut ceteri affuisse in prælio.

lio. Hoc enim declarat, audiui, ut ceteri audierunt. Alterum fortasse sic, audiui te affuisse in praelio, ut ceteros.

Vbi utimur Nominatiuo pro Vocatiuo,
uel contrā. CAP. XXII.

Defende me domine, adiuua me optime uir, tace imperite. homo, mutato uocatiuo in nominatiuū non rectè dicitur. Itē, defende me tu Deus meus, adiuua me tu uir optimus, tace tu homo imperitus. Hic per nominatiuū rectè loquimur, subintelligitur enim ens: hoc modo, tu ens dominus meus. Qua ratioe de-
fendi posset illud in psalmo: Domine dominus noster. nisi sum- Psal. 8.
ptū esset ē Græco. Idē fit in uocatiuo alicuius nominis. Verg. Aen. 1.
Nate meæ uires, mea magna potentia solus.
Idem fit in nominibus proprijs, quod fit in hoc pronomine, & in uocatiuis casibus: sic, Aue Cæsar summus imperator. Neque illud tantummodo in imperatiuo, uerum etiam & quidem facilius in alijs modis: ut, quò tendis Aenea extremus omnium Trojanorum: uel, extreme. Viuis, & regnas Helene dono Deūm, & regnas medius sauiſſimorū hostium: melius quàm medie. Male per solum proprium nomen, aut iunctum cum pronomine: ut, quid facis tu Seruius? aut per nomen appellatiuum sine pronomine: ut, quid facis dominus meus? nisi tali modo: ut, quid sedes inter seruos dominus? hīc subintelligitur ens, ibi subintelligi non potest. Quare illud Plinianum in libro septimo de naturali historia, nisi menda librarij est, non placet mihi: Salue primus omnium parens patriæ appellatione: ubi non modò appellate à primus in casu discordat (quod etiam imperitis ad reprehensionem patet) sed ne appellatus quidem si diceretur, planè Latinum foret: quum fuerit dicendum prime: siue sic, Salue Marce Tulli primus omnium parens patriæ appellatus: siue, Salue tu primus omnium parens patriæ appellatus: uel, Salue parens eloquentiæ, primus omnium pater patriæ appellatus. Est enim illud parens uocatiuus.

Vbi

LAVRENTII VALLAE
Vbi utimur Nominatiuo pro Accusatiuo.

CAP.

XXIII.

Spero tibi esse bonus amicus, credo tibi fuisse fidelis, propriè dicitur: per accusatiuum uerò non, nisi alterum accusatiuum addas, qui antecedit infinitiuium (nam hic sequitur) hoc modo: Spero me tibi esse bonum amicum, credo me fuisse tibi fidelem. Quædam uerba cum nominatiuo iungi recusant, imò pleraq;. Nam ut rectè dico, incipe mihi esse familiaris, et noli esse illi intimus: ita inusitatè dicam, præcipe illi esse familiaris mihi, ne libeat tibi esse illi intimus. Hoc tamen genus loquendi nonnunquam reperimus: ut apud Lucanum in 1 x. — Tutumq; putauit iam bonus esse socer. Alius dixisset, iam socerum esse bonum.

Lib. 1. epist. 8.

Et apud Ouidium de Ponto:

Ecquis in extremo positus iacet orbe tuorum,

Me tamen excepto, qui precor esse tuus?

Dicere potuisset, sed non tam uenustè, quem precor esse tuum.

Ad. 1. sec. 5.

Terentius in Andria:

Quæ sese inhonestè optauit parare hic diuitias

Potius, quàm in patria honestè pauper uiuere.

Eleg. 4. lib. 1.

Amorum.

In distichis

Cato.

Apertius apud eundem Ouidium libro secundo sine titulo:

Spemq; dat in molli mobilis esse toro. Et ille uersus uulgatus: Sperne repugnando tibi tu contrarius esse.

Quòd si dixisset, noli repugnando tibi tu contrarius esse, uersusq; pateretur, nullum de constructione dubium esset. Talis tamen modus loquendi è Græco fluxit, ubi usitatissimus est.

Cui personæ, generi, numero, uerbum respondere debeat.

CAP. XXIII.

Cic. in Somnio
Scipionis.

Verbum sequi debet ultimum suppositum in persona, numero, et genere: ut, Ego illum de suo regno, ille me de nostra Rep. percontatus est. Duo supposita sunt, ego, et ille, quorum utriq; uerbum accommodatur. Sed sequenti palam, antecedenti per subintellectionè: ut sit, Ego illum de suo regno per-

contatus

contatus sum, ille me de nostra Repub. percōtatus est. Conuerte ordinem personarum, simul personam uerbi mutaueris: sic, Ille me de nostra Repub. ego illum de suo regno percontatus sum. Muta genus sic: ego illam de suo regno, illa me de nostra Rep. percōtata est. Muta numeros sic: ego illos, illas uē de suo regno, illi illa uē me de nostra Repub. percontati, percontata uē sunt: & item econtrario. ~~In hac tamen forma non cadit~~, quoties per comparisonem, aut similitudinem loquimur, quale est: Melius ego istud, quā uos, fecissem: non autem, quā uos fecissetis. Hoc ille ita prudenter, ut ego, fecisset: non autem, ut ego fecissem. Hic enim subintelligitur, sic: Hoc ille ita prudenter, ut ego feci, & ipse fecisset. Melius ego istud, quā uos fecistis, fecissem. Verbum enim principale debet efferri, subintelligi autē quod non est principale.

Vbi collocandum sit adiectiuum. CAP. XXV.

Adiectiuo, quum præcedit, debent obsequi substantiua, aliter uitiosum est: ut hoc modo, Nulla uirgo est dicenda corrupta uel animo, uel corpore. Dic pro animo mente: sic, Nulla uirgo dicenda est corrupta uel mente, uel corpore: aut, corrupto uel corpore, uel mente, non erit Latinum. Quod contrā fit aut præcedente substantiuo, aut reiecto in finem adiectiuo: sic, Nulla uirgo dicenda est, uel mente corrupta, uel corpore: aut, uel corpore corrupto, uel mente. Item, uel mente, uel corpore corrupto: aut, uel corpore, uel mente corrupta. Similiter in plurali (uariabo exempla ad euitandum fastidium) Nemo diues est, uel ualetudine infirma, uel sensibus: aut, uel sensibus infirmis, uel ualetudine. Item, nemo felix est uel conscientia, uel membris affectis: aut, uel membris, uel conscientia affecta. Cicero tamen in Philippicis inquit: Optima sunt & mente, & uiribus. Nescio an culpa librariorum sit, qui ita scripserunt, pro eo quod est, & mente optima sunt, & uiribus: uel, optima sunt mente, & uiribus.

Quid

Quid momenti faciat cōiunctio, aduerbiumq; disiunctiuum ex collatione.

CAP. XXVI.

EX his quæ tradidimus, palam est, nequaquam recte dici, corrupto uel corpore, uel mente. Debet enim adiectiuum illud ad utrumq; substantiuum applicari in genere, & numero. Neq; de Vel tantummodo intelligo, sed de cæteris quoq; coniunctionibus. per Et, ut modò ex Cicerone attuli exemplum: per Nec, per Siue, per cætera huiusmodi: neq; hoc solum ubi adest substantiuum cum adiectiuo, sed etiã sine eo, quale hoc est: Tu nec faceres, nec ego permittere. Non est hic sermo Latinus. Dicendum nanq; erat, nec tu faceres, nec ego permitterem: aut sic, Tu nec faceres, nec à me facere permittereris. Tota enim oratio dependet à prima dictione. Item, potes cognoscere partim ex aliorum sermone, partim te docebit ipse tabellarius: nō est Latinum: sed sic, Partim potes cognoscere ex aliorum sermone, partim ex tabellario. Item, puto tum ex superioribus literis te omnia intellexisse, tum ex his intelligere potes: dicendum erat, tum ex his intelligere posse. Item, paratus sis uel pugnare, si qui te lacesunt, uel si qui nō sunt, ne recuses facere pacē: dicendum erat aut sine illo, ne recuses: aut sic, uel paratus sis pugnare. Ex his quæ dixi, uideor reprehendere legem illam duodecim tabularum: Liberi parentes in egestate aut alant, aut uinciantur: quasi dicendum fuerit, liberi aut parentes in egestate alant, aut uinciuntur. Sed nō est uetustas illa reuocanda ad hanc regulam, quæ constat ex usu eorū, qui more illo uetusto non sunt locuti: tamen si haud dubiè opinor primum Aut, à quibusdam adiectum, legiq; ita in uetustissimo quodam codice Declamationum Senecæ: Liberi parentes alant, aut uinciantur. Huius etiam loci illud est, ne hoc modo uerba commisceamus diuersam naturam habentia, quale est, Ille mihi nec nocuit unquam, nec adiunxit: ego nec offendi eum, nec profui: dicendum erat, ille mihi nec nocuit unquam, nec profuit: aut sic, ille nec nocuit mihi unquā, nec adiunxit: ego nec offendi

offendi cum, nec adiui: aut, ego nec offendi eū, nec eidē profui.

De usu negationis.

CAP. XXVII.

TRes aliquando negationes nō plus efficiūt quā duæ, collocatione ipsa dictionum efficiēte. Vt, nunquā mihi nec obfuiſti, nec profuiſti. Tres hic sunt negationes: muta primam negationem in medium, aut in postremum, iam euaneſcet, quū ibi locum nō inueniat: sic, Mihi nec obfuiſti unquam, nec profuiſti: aut sic, Mihi nec obfuiſti, nec profuiſti unquam. Nescis nec in pace, nec in bello uiuere: nec in pace, nec in bello ſcis uiuere. Ibi tres negationes sunt, hic duæ, quum eadem sit sententia. Vereor, metuo, timeo, & si qua sunt alia, idem efficiunt, uel cum negatione, uel sine ea: ut, uereor ne ueniat: &, uereor ut ueniat: timeo ne moriatur: &, timeo ut moriatur. More Ciceronis, ut ne, pro ut non. Metuo ut ne pereat. Et Terentius: Ap prime in uita eſſe utile, ut ne quid nimis. pro, ne quid nimis. Ex quo miror Seruium ita scripſiſſe primo Georgicorū: Vnde male quidam hunc locum in Terentio ſcribunt: Pater adest, caue ne te tristem ſentiat. Si enim hoc eſt, dicit, uide ut te tristem ſentiat: nam & ne, & caue, prohibentis eſt. Neutiquam pro nequaquam, & ipſum nequaquam, & nuſquam, et nuſpſiam ſimplicem negationem indicant: ideoq; unico uerbo contenta ſunt: ut, nequaquam ueniam. Necubi uerò duplicem, ideoq; duplex uerbum poſtulāt. Volo necubi mihi obuius ſias. id eſt, ne alicubi: ut ſicubi pro ſi alicubi, ſicunde pro ſi alicunde. Cætera quæ de natura negationum diſputari ſolent, in libros Dialecticæ noſtræ contulimus: quæ ideo præterimus, quòd ſerè non ſunt ignota oratoribus, dialecticorum uerò nemini cognita. Illud tamen ad uerbum huc illinc transferamus: Vir malus nulla laceſſitus iniuria ab amicitia recedit: uir autem bonus nulla laceſſitus iniuria ab amicitia recedet, uel recedat: neſcio tamen an liceret dicere recedit. Hoc loco eadem uerba dantur malo uiro, & bono: ſed tamen malus recedere ab amicitia

In And. act. 1.
ſce. 1.

Ser. in illud
Verg. 1. Geor.
Flaua Ceres alto
nequicquam
ſpedat olym-
po.

citia intelligitur, bonus non recedere: & ille nō laceſſitus iniuria, hic laceſſitus. Et haud ſcio, an hoc ſit ſatis ad hæc diſtinguenda dixiſſe, quòd alibi rem ſignificamus, alibi admonemus. Huc addamus unū, in quo nō pauci falli ſolent, ubi debeat geminari negatio, ubi nō debeat, ut hoc exemplo: Non modò ſtelle, ſed ne luna quidem ad ſolem ſeruat ſplendore ſuū, rectè dicitur. Item hoc modo rectè: Non modò nulla ſtella, ſed ne luna quidem, & cetera. At quoties diſtionibus quædam adest cōtrarietas, nō poſſis tollere alteram negationē, ut hoc modo: Nō modò ſtelle nō apparent, ſed etiā luna ad ſolem obſcuratur. Sine negatione geminata nō rectè loquaris. Item, nō modò nō abſoluo hunc, ſed ne leui quidem pœna cum eo trāſigendum eſſe puto. Quidam tamē nuper ſcripſit: Non modò abſoluēdum hunc, ſed nec etiam grauiter puniēdum puto: quum dicere debuiffet, non modò nō abſoluēdum: ſunt enim diuerſa abſoluēdum & puniēdum. Item, nō tantum nō conſtanter, ſed etiam trepidè, & confuſè locutus eſt. Item, nō tantum inconſtanter, ſed fortiter, & propè minaciter locutus eſt. Male hoc ſecūdum dixiſti, dempta negatione: erat enim dicēdum, nō tantum non inconſtanter. In quod uitii incidit Boëthius lib. 111. in Ciceronis Topica, dicens: Si nō confuſè ſolū, uerū etiam diſtributim, & ſuarum partium proprietate noſcātur. Dicendum erat, non ſolū non confuſe. Diuerſum eſt eorum uitium, qui ad illud nō modò applicant, ſed etiam, quum deberent applicare, ſed ſaltem, aut ſed certè, aut ſed uel: quale eſt Laëtantij lib. primo: Quis enim mentis emotæ nō modò futura prædicere, ſed etiā coherentia loqui poſſit? Dicēdum erat, ſed uel coherentia, aut ſed ſaltè, aut ſed certè coherentia poſſit loqui? Niſi fortè culpa librarij eſt. Ego uerò in utroq; nō autorem, ſed tale genus orationis reprehēdo.

Cap. 4.

Quot modis iubemus. Quid etiam interſit inter præ-

Vteritū, futurūq; cōiunctiui modi, CAP. XXVIII.
Eni ad me, uenito ad me, uenias ad me, uenies ad me. Scribe
ad

ad me, scribito, scribas, scribes, indifferenter penè his quatuor utimur. Horum tamen uno in negatione, ne uenias : & altero, quo in affirmatione non utimur in hunc modum, ne ueneris. Nam ipsum ueneris, duobus modis accipitur. Vno modo subiunctiue: ut, si ueneris: uel, quum ueneris: altero sine subiunctio-
 ne: ideo illud non est uerbum principale: hoc est : ut, si me iue-
 ris, rem optimam feceris : dimitte me, & diuitem feceris : aufer
 huic magistratum, & eum iugulaueris. Eamus in portum, iam
 naues uenerint. Cicero: Atqui nobis gratissimum (ut etiam pro
 Scipione pollicear) feceris, si quando, & cætera. Sciendum tamen
 est, quòd hæc omnia uerba futuri sunt temporis: ueluti si ita cõ-
 mutemus: si abstulero huic filiam, eum iugulauero, non autem
 iugulauerim. Ego hoc uidero, tu uideris, uos uideritis: quasi ego
 hoc uidebo, uel uideam, tu uidebis, uel uideas. Ne ueneris: futuri
 item est temporis: non ueneris, præteriti : illud uetat, hoc negat:
 quod secundum, commune est cum prima persona, & tertia: ut,
 neq; uerò crediderim, neq; uero fuerim in ea opinione, qua cæ-
 teri. Et sine negatione improbè dixerim, dixerit aliquis. Ne re-
 ni, ne fac, ne iugula, apud oratores ferè nunquam, sed apud poë-
 tas: ut Vergilius: — Ne scui magna sacerdos. Et Terent. — Ne ne-
 ga. Liuius libro secundo: Crastino die, oriente sole in aciem re-
 dite, erit copia pugnandi, ne timete. Et Quintilianus: Tu illam
 tuere, defende, ama, ne relinque. Hic nos Quintilianus admonet,
 ne pro illo, ne feceris, dicamus, non feceris: quia alterum negan-
 di est, alterum uetandi. Ideoq; ne cum prima persona singula-
 ris numeri nunquam coniunctum inuenimus, ob eadem causam
 propter quam imperatiuum caret prima persona in singulari,
 quia nemo sibi soli imperat, aut uetat. Vnde frequenter legimus,
 ne timuerimus, ne timeas, ne timueritis, ne timeant. Nunquam
 autem ne timeam, nisi ne pro ut non: sed non timeam, nõ ausim,
 non sperem, non timuerim, non sperauerim, non crediderim : id
 est, timere, audere, sperare, credere, non possum: aut non debeat:

6. Aen.

In Heauton.
act. 3. sc. 3.

Declam, 6.

ita in alijs personis: ut idem Quintilianus, Non expectes, ut statim gratias agat, qui sanatur inuitus. id est, expectare non debes. Non enim eo modo hoc dixit, quo dicere solemus, quum uetamus, ne me expectes amplius. Hic enim negatio est, non uetatio. Ita, Non expectaueris, & ne expectaueris, quorum alterum prateriti temporis est, negatq; alterum futuri, & uetat.

C A P. X X I X.

De lepore Si non, & Nisi, cum alijs uerbis.

Hoc quod adhuc de negatione subiiciam, ad solam elegantiam dicendi pertinet: quod quale sit, subiectis exemplis

Declam. 2. per se apparebit. Quintilianus: Non est difficile ut maritum uxor occidat, si non est difficilius ut filius patrem. Idem: Atq; eo causam dimittimus, ut non sit absoluedus adolescens, nisi etiam laudandus. Idem: Quare non petit, ut masculum putetis, nisi & innocens

Declam. 1. fuerit: non petit, ut afflictum alluetis, nisi & probauerit sese infeliciorem, quod patrem amisit, quam quod oculos. Seruius

Epist. 5 lib. 4.

epist. 1. Cic.

In Catil.

Sulpitius: At uero malum est liberos amittere. Malum, nisi hoc peius sit, haec sufferre, & perpeti. Sallustius: Parcite dignitati Lentuli, si ipse pudicitiae, si fame suae, si dijs, aut hominibus unquam ullis pepercit. Ignoscite Cethegi adolescentiae: nisi iterum patriae bellum fecit. Titus Liuius libro trigesimoprimo: Nam quod ad ea attinet, quae nobis obiecit, nisi gloria digna sint, fautor ea defendi non posse. Ouidius lib. decimotertio *Metamor.*

Nec tamen haec series in causam profit Achiui,
Si mihi cum magno non est communis Achille.

Huic simile est, quale apud eundem, lib. 1. eiusdem operis:

Mentior obscurum nisi quum nox fecerit orbem,

Nuper honoratas summo mea uulnera coelo

Videritis stellas— Et Quintilianum: Mentior, nisi quum peregrinatio mea nos diduceret, maluit esse cum matre. Et iterum,

Absidere enim, cibos ministrare, manum porrigere quilibet poterat, mentior nisi factum est. Idem uerbum apud Ambrosium

eodem

eodē modo positū, tum in libris Officiorū, tum Hexameron, tum in alijs reperies. Et apud Cyprianum ad Donatum: Mentior, nisi alios qui talis est, increpat: turpes turpis infamat.

De Vter Vtri, Alter Alteri, Neuter Neutri, &

Quis Cui.

C A P. XXX.

VTer utrum accusat Latinè dicitur: ut Cicero pro Milone, Vter utri insidias fecerit. Vterq; utriq; uix ausim dicere.

Neuter neutri omnino nō dixerim. Terētius in Phormione inq̃t: A&. 5. sce. 3.

Quia uterq; utriq; est cordi. In duodecimo quoque cōmentario rerū à Casare gestarū, siue ab Hirtio, siue ab Oppio (nam incertus autor est) edito, sic legi: Interim dissensione orta inter Achil-

Cælib. 4. Cōment. de bello ciuil.

lam, & Arsinoēn, quū uterq; utriq; insidiaretur, & summā im-

perij ipse obtinere uellet. Cicero autē & Quintil. (quātum inue-

ni) sic nūquā locuti sunt, quorū prior sic ait: Quorū uterque

suo studio delectatus, cōtempnit alterū. posterior sic: Quū enim

uterq; alteri obijciat, palām est utrunque fecisse. Atque sic dicē-

dū esse per illud frequētissimū probatur, alter alteri obijcit, alter

alterū contemnit, alter alterū accusat: alter enim alterū, nō am-

bo ambos accusant. Idem dico de neuter, ut idē Quintil. Ita fiet,

ut cum equali cura linguā utrāque tueri cōperimus, neutra al-

teri officiat. Quare peccauit tum amicus meus (si amicos palām

licet reprehendere) qui mihi nuper ad se scribēti, uter utri bellū

intulisset: respōdit, neuter neutri, aut potius uterque utriq;. Tū

Priscianus, qui libro secūdo ait: Fiscina uerò à fisco, an fiscus à fi-

scina, an neutrū à neutro, dubiū est. debuerat dicere, an neutrū

ab altero. Nam quòd à se nō deriuetur, superuacūū est dicere: sed

dicendū tantum ab altero, nō autem à neutro, quasi nec ab alte-

ro, nec à se. Ne illud quidē sileamus, ut dicimus uter utri, ita quis

cui, ut Vergil. Quæ qbus anteferā. Et Cice. Quid cui præponē

dū sit. Quintilianus: Quid quo loco collocandum sit. Idē Quin-

tilianus: Vt dubium sit, quid quò referri oporteat.

De Prior, Primus: & similibus. C A P. XXXI.

n 2 Vocd

Vocaui te prius, non est idem quod prior: illud significat tēpus, quasi prius quān nunc, uel tunc: hoc uerò personā, id est, ego duorū prior, et hoc quādo duo ad unū referūtur. Siquidē ego, & hic te uocaui, sed ego prior, hic autē posterior. Idem fit quū unus ad duos refertur. Vocaui te priorē, melius quā prius, illū autē posteriorē, melius quā posterius. Per passiū quis iā hoc nequeat dicere: uocatus es à me prior, si duo estis: uocatus es à me priore, si duo sumus. Eadem ratio est superlatiuorū primus, & postremus, & si qua sunt alia. Vocaui te primus, uel postremus, si multi sumus: uel, uocaui te primum, uel postremū, si multi estis. Nonnunquā ex neutra parte sunt duo, sed utrinq; singuli, & tamen per hoc idem comparatiuum loquimur: ut uocaui te prior, percuſi te posterior, supple quā tu me. Nōnquā unus hinc est, illinc plures: ut, uocaui uos prior, supple quā uos me: uocaui te priores, supple quā tu nos. Idē de superlatiuo, ubi multa mēbra sunt: ut primi nos uenimus, uos posteriores, ille ultimus: primus ego intraui uallū, tu serior, illi tardissimi.

De regimine nominum Criminalium, &

Pœnalia. CAP. XXXII.

SI quis furetur rem sacram de prophano, tenetur ne sacrilegij, in furti, an utroq; non autem, an utriusq;. Qui sustulerit rem suam de sacro, furti ne tenetur, an sacrilegij, an neutro? non autem, an neutrius. Accusare hunc potes uel furti, uel sacrilegij, uel de utroque, uel de ambobus: non autem utriusque, aut amborum. Condemnare non licet de utroq;, sed de altero, uel furti, uel sacrilegij: non autē, sed alterius, uel furti, uel sacrilegij. Cur ita fit, ut demus uarios casus eidem uerbo, praesertim sub coniunctionibus, quae eosdem coniungere debent casus? Nempe quod nomina peccatorum cum huiusmodi uerbis idem ualent in genitiuo, quod in ablatiuo praepositionem habente, uel non habente: non idem in ceteris. Neque hoc in his modo nominibus quae certum peccatum significant, & speciale, sed in his etiam quae

que generale, & incertum: ut Cicero, An nō intelligis primum quos homines, & quales uiros mortuos summi criminis arguas? Pro Rabir. Et iterum: Sceleris, atq; nefarii parricidij condemnabimus? Per hæc uerba licebit, tanti, & quanti cum substantiuis adiunguntur, per genitiuum uti: ut, quantæ pecuniæ condemnasti? tantæ summæ damnaui, quantæ postulasti. Liuius lib. xlvii. Sed nequaquam tantum relictū est, quantæ summæ damnatus fuerat.

CAP. XXXIII.

De Impleo, Refercio, Plenusq; ac refertus.

Contrarium propè huic est, quod subiiciam. Impleo, & refercio, & similia uerba ablatiuū sine præpositione postulant: ut, impleui nauim frumento, referſi apothecam uino. Et tamen aliquando addimus præpositionem de: sic, impleui nauim de omni genere frumenti: referſi apothecam de uaria natura uinorum: cuiusq; ausim dicere, impleui omni genere frumenti, & referſi uaria natura uinorum. Hoc quod diximus exemplo comprobandum est. Cicero de Oratore: Quod si tantam uim rerum maximarum arte sua rhetorici illi doctores complecterentur, Lib. 1. querebat, cur de proœmijs, & de epilogis, & de huiusmodi nugis (sic enim appellabat) referti essent eorum libri. Hic nequaquā licuisset sine præpositione loqui. Non enim libri illi referti sunt proœmijs, & epilogis, sed præceptis proœmiorum, & epilogorum. Sicut in superioribus, non est nauis impleta omni genere frumenti, sed frumēto omnis generis: neq; apotheca reſerta omni natura uinorum, sed uino omnis naturæ. Quia de refercio, & impleo feci mentionē, dicā hoc amplius de refertus, & plenus. Exemplum quod modò attuli, ostendit refertus postulare ablatiuum, sicut impletus, sicut uacuatus, sicut uacuu: idem tamen Cicero ait pro lege Manilia: Referto prædonum mari. Et pro Plancio: Audierā refertam esse Graciā sceleratissimorum hominū, ac nefariorum. Sed nunc transit in nomen, tametsi cetera huiusmodi nomina ablatiuum semper habent: ut, uacuu in-

colis, nō incolarum: frequēs populus, non populorū: praterquā
 plenus, cui Cicero semper genitiū dedit. De ceteris autoribus
 nō possum in uniuersum pronunciare, cū multi etiam etatis eius
 dederint ablatiuum: ut Varro lib. 1. rerū rusticarū: Sua nihil in-
 teresse, utrum his piscibus stagnum habeat plenum, an ranis. Et
 Sallust. in Iugurth. Quæ quanquam grauiā, & flagitio plena
 uidebantur, tamen quia mortis metu multabantur, sicut regi li-
 buerat, pax conuenit. Suo itaq; arbitrio scriptores utuntur. Po-
 steriores uero omnes, ut hoc nomen nouissimus pro ultimo, ita
 etiam plenus uino dixerunt, non solum plenus uini. Quare qui
 solum genitiuo contentus erit, Ciceronem imitabitur: qui utroq;
 casu utetur, ceteros. Sed mutando habebit & uenustatis ratio-
 nem, & lucis: quod uel ex proximo exēplo ostenditur: Aue gra-
 tia plena. Ego ad euitandā amphibologiā dixissem, Aue gratiæ
 plena: quemadmodum in alio factū est, ubi non erat ambiguitas:
 Plenū gratiæ, & ueritatis. Licet diuersa uerba hic sint atq; illic:
 in altero est κίχα πῖ ωμίνη: in altero πλήρη χάριτος καὶ ἀληθείας. Li-
 uius ut nomini Plenus dat etiam ablatiuum, ita uerbo Impleo dat
 etiam genitiuum, ut in quinto: Ipse multitudinē quoq; quæ fer-
 me semper regenti est simul, religionis iustæ impleuit.

De Potior, Potitus, & Compos. CAP. XXXIIII.

Potior hos eosdem casus habere potest, sed cum ceteris fre-
 quentius ablatiuū: cum hoc nomine res, ferè semper geni-
 tiū: ut, Lacedæmonij rerum diu potiti sunt. id est, rerū imperiū
 diu tenuerunt. In alijs nominibus magis significatio exponitur
 per obtinuerunt, quā per tenuerunt: ut, potitus sum uictoria,
 sum potitus amica: id est, pugnando, uel laborādo obtinui uictori-
 am, uel amicam. In presenti tempore plerunq; pro fruor. Cice-
 ro: Quod si uoluptatibus his bona etas fruitur libētius, primum
 paruulis fruitur rebus, ut diximus: deinde his, quibus senectus,
 etiam si non abundè potitur, non omnino caret. Pro eodem po-
 suit fruitur, & potitur. At potitur pro potitus est, præsertim mo-
 re histo

Luc. 1.

Ioan. 1.

In Cato. Maio.

re historico legimus. Potior à potis descendit, ideoq; illi in significatione similitudo est. Nam sum compos mentis, compos animi, compos rationis, compos sanitatis, quòd hæc habeo: at compos uoti, compos uictoriæ, compos optati, quòd hæc opera mea, atq; labore obtinui, obtineoq;. Illud tamē sciendū est apud Ouidium in x i i. Meta. sic legendum:

Tuq; tuis armis, nos te poteremur Achille.

Non potiremur, antepenultima breui, non longa, à tertia scilicet, non à quarta coniugatione.

De Traiçio.

C A P. XXXV.

TRaiçio exercitum, id est, transporto exercitum trans mare, aut trans flumen. Traiçio mare, uel flumen, id est, transeo. Aliquando utrunq; coniunctum: ut Liuius, Traiecit copias Iberum. Et Plancus: Copias Isaram traieci.

Do tibi, & ad te literas. C A P. XXXVI.

Epist. 2. lib. 10.
epist. 12. Cic.

DO tibi literas, tãquam tabellario: do ad te literas, scilicet ad te perferendas. Aliquando hæc duo coniunguntur: ut Cicero, Dedi illi ad te literas. Et Sallustius: Vulturio literas ad Catilinam dat. Ergo qui mittit literas, dat: cui literæ dantur, si perferunt, reddere dicitur: sicut ille ad quem dantur, accipere.

In Catil.

De In, & Ad, cum alijs uerbis.

C A P. XXXVII.

EO in uillam, & eo ad uillã: proficiscor in campũ, & ad campum: cõfero me in agrũ, & ad agrũ, idem sunt. Et item in similibus, præterquam in hoc ultimo uerbo, quoties refertur ad personã. Dicimus enim, contuli me ad Catonem, & contuli me ad patrẽ: nõ autem in Catonem, & in patrẽ, ad distinguendum uidelicet significationem. Nam quũ dico, cõtuli in personã, non possum addere alteram personam, uelut me: sed rem, uelut beneficium. Eritq; significatio donationis: ut, multa contuli in Catonem: id est, multa donaui Catoni: nemo in patrem potest tanta beneficia conferre, quanta contulit pater in filium.

De Refero tibi, & ad te. CAP. XXXVIII.

Declam. 5.

Retulit mihi, & retulit ad me, ita differunt, quòd illud est narravit: hoc uerò in consultationem tulit: ut Quint. Relaturus uobis iudices ordine malorum meorum euentum, quem ne-

Declam. 8.

mo tam crudelis, nemo tam seuus audiet, ut me non pascat. Sed hoc nemini ignotum est. Idem: Vultis scire iudices, nihil impatientia charitatis fecisse patrem, non retulit ad matrem, nò propinquos consuluit, nò amicos. Cicero in Catil. Refert, inquit, ad senatum. id est, refer in consultationem senatus. Verg. 111. Acne. Delectos populi ad procures, primumq; parentem
Mōstra deūm refero— Et ne dubitares de sensu sermonis huius, more suo aperuit, subiungens:

Eod. lib.

—Et quæ sit sententia, posco. Pauloq; post:
Surge agè, & hæc latus longæuo dicta parenti
Haud dubitanda refer.

Sunt enim deorum uerba, non consilium ab Anchisa petentium, sed illum quid agendum sit docētium. Ideoq; additur illud, Haud dubitanda. Porro utraq; harum sententiarum in uerbo uersatur, aliquando etiam in factō, sed diuersa est significatio: ut Quint. Ad patrem arma non retuli. id est, reportauī. & Cicero: Si ad unum omnia referenda sunt, dignissimū esse Pompeiū. hoc est, si in unū omnia cōferenda sunt. de re intelligitur, nò de oratione. Quale illud eiusdē est pro Deiotaro: Qui rumores ad se referrēt.

Lib. 1. Comm.
de bel. Gall.

Et quale est Cæsaris, Vt quæ diceret Ariouistus cognoscerēt, & ad se referrēt. Hic de uerbis agitur, & tamen non significatur ferri in consultationem, sed potius narrari, & renuntiari mandata ab altero data. Prætereà hic solet adhiberi accusatiuus, uel nominatiuus: ibi crebrò (in prosa præsertim) ablatiuus cū præpositione de: ut, de omnibus his referam ad senatum. Omnia autem hæc referam ad senatum, rarius dicitur. Tamen significat idem quod est, in senatorum consilium feram.

De Interdico.

CAP. XXXIX.

In

Interdico tibi aqua, & igni: non autem interdico tibi aquam, & ignem: neq; interdico te aqua, & igni. Quo autem modo mutabitur in passiuū hæc oratio: Sunt tres modi (quantum colligere possum) mutandi actiuum in passiuum. Vnus, ubi est solus accusatiuus, ab eo in nominatiuum mutato incipiendi: ut, dedi tibi equum, equus a me tibi datus est. Alter ubi sunt duo accusatiui, alterum in nominatiuum conuertendi, alterum relinquendi: ut docui te musicam, tu a me doctus es musicam: non autem musica docta est a me te. Tertius utrumlibet horum accusatiuorum mutandi in nominatiuum, alterum uel relinquendo, uel in ablatiuum cum a, uel ab transferendo: sic, Ego rogavi te ueniam, tu rogatus a me es ueniā: uel, uenia abs te rogata est mihi: licet per hoc secundū tu magis uidearis rogasse pro me, quā ego te. Quē horum modorum huic uerbo tribuimus: nullum. Et tamen tres isti similes sunt. Vnus hic est: tibi interdictum est aqua, & igni: quod est frequentissimum. Alter hic: aqua, & ignis tibi interdictus est: ut Liuius libro octauo, Interdictumq; mare Antiati populo est. Quod si esset mari, prioris modi foret exemplū. Tertius hic: tu interdictus es aqua, & igni: sed tamen hic modus ceteris est rarior. Metellus Numidicus: illi uerō omni iure, atq; honestate interdictus es, ego neque aqua, neque igni careo.

De Pluit, & Ningit.

CAP. XL.

Pluit caret supposito, habēs appositū ablatiuum: ut Liuius, Nunciatum regi, patribusq; est in monte Albano lapidibus pluissē. Licet nunc dicamus: Deus pluit carnem, pluit manna, pluit escam: Ningit uerō suppositum, & appositum respuit.

Liui. lib. 1. ab urb.

De Decet, Iuuat, Conducit.

CAP. XLI.

Decet, iuuat, conducit pro utile est, & siqua sunt alia, nec personalia sunt planē, nec impersonalia, quum habeant numeros. Vestes hæ decet nos, isti cibi iuuant te, studia secreta conducunt maxime. Explicit, expliciunt nunquā (quod sciam) legi.

De Ausculto, & Audiēs tibi sum. CAP. XLII.

Ausculto te, audio te: ausculto tibi, obtēpero tibi: sum audiēs te, quòd te audio: sum audiēns tibi, quòd tibi obedio: ut lex **x i l.** tabularum apud Quintil. Filium minus audientem dicto, liceat abdicare. Cicero in Philip. Et audiens esset huic ordini. Et pro Deiotaro: Aut qui dicto audientes in tanta re non fuissent. Cum uerbo reperisse apud scriptores prosæ orationis tale loquendi genus non memini, sed apud Plautum in comædia, quæ inscribitur Captiui duo:

Memini quum dicto haud audiebat, factò nunc lædat licet.

Hinc est quare unum Obedio ex compositis ab audio postulat datiuum.

De Dono tibi, & te. CAP. XLIII.

Dono tibi munus, notum est quid significet: dono te mune-
re, plerunq; præmij gratia, sed interdum admirationis, in-
terdum beneuolentiæ, interdum misericordiæ. Cicero pro Ar-
chia: Sylla cum Gallos, & Hispanos ciuitate donasset. uidelicet
in præmium. Quæ exempla sunt plurima: ut, Militaribus donis,
corona uallari, immunitate donatus sum. Idem pro eodem: Itaq;
si ciuis Romanus Archias legibus non esset, ut ab aliquo impe-
ratore ciuitate donaretur, perficere non potuit: certè imperator
non remunerationis causa Archiam ciuitate donasset, sed admi-
ratione ingenij, & beneuolentiæ. Verg. Acneid. v.

Nemo ex hoc numero mihi non donatus abibit.

Eodem lib. Nimirum non præmij gratia. Nam — Tres præmia primi
Accipient. Beneuolentiæ ergò, non meriti illorum gratia, cum
postremi nihil omnino mereantur. Quale est Valerij Maximi
libro secundo: Rex Antiochus bello quod cum Romanis gere-
bat, filium Scipionis à militibus suis interceptum, honoratissime
excepit: regijsq; muneribus donatū, ultro & celeriter patri re-
misit. utiq; amicitie gratia. Et Amphitryon apud Plautum: Ve-
rum ita animatus fui, itaq; nunc sum, ut ea te patera donem. Et

paulò

paulò pòst Alcmena inquit: Pateram profecto fr̃as, qua hodie meus uir donauit me. In quorum utroq; sola in donando beneuolentia declaratur. Idem Plautus in Aulularia: Dij immortales, quibus & quantis me donatis gaudijs. Quintilianus in Gladiatore: Quod me facere conuenit, qui per maria latrocinij infesta solus petitus sum, qui lucem, libertatem, deniq; quicquid pati debeo non ignarus (ut primo natalis horæ tempore) sed uidens, sentiensq; acceperim: nec solum donatus his bonis, sed summis periculis liberatus sum. Verba sunt hominis exaggerantis beneficia amici, ut se maxime illi ostendat obstrictum. Sola ergo fuit ratio benciuolentiæ. Idem in Pariete palmato: Quàm blande ille seposuit miscrum suum, quàm diligenter uxoris gaudentis excludit oculos, quàm multo cæcum pudore donauit. Hic habita est misericordie ratio. Suetonius in uita Augusti: Et ne enumerem quot, & quos diuersarum partium uenia, & incolumitate donatos. Cornelius Nepos de uita Attici: Auxit hoc officium alia quoq; liberalitate. Nam uniuersos frumento donauit, profecto clementiæ, non remunerationis gratia.

De Incumbo huic rei, & in hanc rem. CAP. XLIIII.

Incumbo studijs, & incumbo remis. Vergilius:

Validis incumbite remis.

Incūbo in studia, & ad studia, sed non incūbo in remos, & ad remos. Cicero: Pergite, ut facitis, adolescentes, atq; in id studiū in quo estis, incūbite. Et alibi: Quare incūbamus o noster Tite ad illa præclara studia, & eò unde discedere nō oportuit, aliquādo reuertamur. Neq; hoc in bonū tantummodo accipitur: sed etiam in malum: ut Idem, M. Catoni incumbēti ad eius perniciem. Sed illud, Incumbite remis, non est per translationē dictum, ut hoc: Nam ut quū remiges incūbunt remis, uel quū nos operi faciūdo incumbimus toto pectore, significatur diligentia, & conatus: ita et cum accuratius quid mente agimus, incumbere dicimur: quē admodum econtrario supini dicuntur, qui negligenter agunt.

De

Decam. 9.

Declam. 1.

Cap. 31.

Lib. 10.

De Orat. lib. 1.

Epist. 16. lib. 1.
ad Att.

Pro Muræ.

De diuerso, uarioq; regimine uerborum, cum diuersa, simili' ue significatione. CAP. XLV.

Timeo te tanquam inimicum, timeo tibi tanquam amico. Illic tanquam offensurus sis, hîc tanquam defendendus. Commendo te regi, id est, committo: Commendo te apud regem, id est, laudo. Cedo tibi, unde & concedo tibi, pro nō repugno tibi: facitq; præteritum cessi. Cædo te, pro flagello te, cuius præteritum est cecidi, pro flagellauit, & supinum cæsum. Vnde cæsus, uel qui flagellatus est, uel qui amputatus est, siue occisus. Rarò pro occidendo hoc uerbum accipitur. Cicero in Philip. Cedit greges armentorum. Dimitto te discedens: id est, relinquo. Dimitto te discedentem, id est, abire permitto. Vel dimitto te, id est, mitto: unde dimissi legati dicuntur. Incessit mihi cupiditas: id est, subiit. Incessit me ille: id est, offensurus me petit, & accusat. Inest huic loco, & inest in hoc loco: primum apud Quintilianum, ceterosq; frequentius: ait enim, Verum hoc melius faceret natura ipsa duce, sed naturis ipsis ars inerit. Secundum apud Ciceronem frequentius: ut ibi, Illud enim honestum, quod sæpe diximus, si in alio cernimus, tamen nos mouet, atque illi, in quo id inesse uidetur, amicos facit. Comparo hanc rem illi, & cum illa. Confero te isti, & cum isto. Ego sum similis tibi, & tui. Hoc est comune omnibus, & omnium: uel commune mihi tecum, et cum cæteris. Ego sum particeps laborum tuorum: & tibi sum in laboribus particeps. Quintil. Et in plerisq; ruris operibus marito particeps. Curtius: Quod fuisse illis in periculis particeps. Accedit huic rei, & ad hanc rem: uel accedit huc, uel eò, uel eodem. Quintil. Atque ut accedat dolori meo cumulus, quæ hoc facit, uxor mea est. Cicero. Ut ad illam optimam, præclaramq; prædam damnatio

Philipp. 3. circati.

Pro Sex. Rosc.

Sexti Roscij uelut cumulus accedat. Impendo curam, uel operam, uel laborem, & similia, huic rei, & in hanc rem: quod in Quintil. sæpe reperies. Partior laborem multis negotijs, & in multa negotia: ut apud eundem. Adjicio huic rei, & ad hanc rem.

Respondeo

Respondeo tibi, & ad te. Celo te hanc rem, & celo te de hac re. Tu es natus ad laudem, & laudi. Cicero pro Sextio: Nam quid ageret uir ad dignitatem, & gloriam natus? & in eadem: Qui se patriæ, qui ciuibus suis, qui laudi, qui gloriæ, non qui somno & conuiuijs, & delectationi natos arbitrantur. Aggregabo te illis, uulgò dicimus. Idem: Quare ego te semper in nostrum numerum Pro Muræno. aggregare soleo. Idem pro Archia: Ascribi se in eam ciuitatē uoluit. Et pro eodē: Quā fuerit in alijs quoq; ciuitatibus ascriptus. Idē in Philip. Tu uerò ascribe me talē in numerū. Idem pro Ra- Philipp. 2. birio: Siquis hunc reprehendendum putat, ascribat ad iudicium suum non modò meam, sed huius etiam ipsius, qui commisit, sententiam. Idem contra Rullum: Illū sibi collegam ascriberes. Tibi hoc ascribendum est, id est, tibi tribuendum, & imputandum.

De noua ratione regendi quorundam imper-
sonalium. CAP. XLVI.

Cœpit eum pœnitere, posset te pigere, desinet me tædere: Declam. 3.
Sæpius dicimus, quàm cœpit ille pœnitere, posses pigere, desinā tædere. Quintilianus in mulite Mariano: Neq; si sit cupidissimus uitæ, pœnitere eum sui facti potest. Cicero de petendo consulatu: Si hic ciuis liber est, cuius autoritatis neminem posset pœnitere. Idem in Verrem: Iamiam Dolabella me neq; tui, neq; tuorum liberorum, quos tu miseros in egestate, atque in solitudine reliquisti, misereri potest. Simile est illud Terentij: Ita me dii amabunt, ut me tuarum miscritum est Menedeme fortunarum. Me, pro à me miscritum, dixit. In Heautontimorumenos, act. 3. sce. 1. ubi illud secundum me, in emeneatis codicibus non habetur.

Quum uenustè uerba aut defunt, aut re-
dundant. CAP. XLVII.

Defunt nonnunquam uerba in oratione, sed non sine gratia, ut Horatius:

Quò mihi fortunam, si non conceditur uti?

Id est, ad quid uultis esse mihi bona fortunæ? Hic modus incipit per quò, alius incipit per unde: ut idem, Lib. 1. epist. 5.

Vnde

- Lib. 3. Serm. Vnde mihi lapidem? quorsum est opus? unde sagittas?
 sary. 7. Supple putes, uel dicas mihi esse. Iuuenalis Saty. x i i i i.
 Vnde tibi frontem, libertatemq; parentis,
 Quum facias peiora senex?
- Epist. 14. lib. 7. Cicero ad Fabium: Martis uero signum quò mihi pacis auctori?
 fa. epi. Quintil. Quò per fidē diuitias iuueni(de cæco loquitur) apud
 Declam. 1. quem omnium rerum diuersitas perit? Et alibi: Quò nunc tantum
 Declam. 13. frumenti? quò classē cōmeatu grauē? Idem: Vnde hunc illi ani-
 Declam. 6. mum? Et alibi: Vnde tantū uirū cæco, ut in uno statim ictu mors
 Declam. 2. tota peragatur? Idē tamen ait alio loco: Vnde miserae tunc, unde
 Declam. 10. somnus? supple erat, uel est. Tercius modus, ut apud eundē: Se-
 Lib. 1. cap. 17. quitur questio, an utilis rhetorice: nam quidā uehementē in eam
 inuehi solent, & (quod sit indignissimum) in accusatione ora-
 tionis utuntur orandi uiribus: eloquentiam enim esse, quæ poenis
 eripiat scelestos, cuius fraude damnentur interim boni, consilia
 ducantur in peius, supple, dicunt enim eloquentiam. Cicero: Ha-
 De Amic. bēdas esse quā laxissimas amicitiaē habenas: caput enim esse ad
 bene uiuendum securitatem. supple, dicūt enim caput, qui modis
 loquendi apud Græcos est frequentissimus. Idem uerbū aliquādo
 Lib. 1. redundat: ut de Oratore Cicero: Illum Titium qui cū studio-
 se pila luderet, & idem signa sacra noctu frangere putaretur,
 gregalesq; cū in campum non uenisset requirerent, excusauit
 Vespā Terentius: quòd eum brachiū fregisse diceret. Satis erat
 dixisse, quòd brachiū fregisset. Et non longē illinc: Cui cū fa-
 miliaris quidā quereretur, quòd diceret uxore suam suspendisse
 se de ficu: amabo te inquit, da mihi ex ista arbore, quos serā sur-
 culos. Sat erat sine illo, quòd diceret: sed hoc uerbū libet appo-
 nit Cicero. Quartus, quū suppletur respōdeo: ut idē frequēter:
 Quòd autē scribis de illo, aut illo negotio, ego nescio quid con-
 siliū capia: uel, ego iam antea timuerā. supple respondeo. Raroq;
 uel nunquā hoc uerbū profertur. Aliquando subintelligitur si-
 male uerbū: ut apud Quintilianū, Sed si confessionem culpæ mea
 exigitis,

exigitis, ego fui pater durus: & patrimonij, quod iam melius ab his administrari poterat, tenax custos. *supple cōfiteor*, quod ego fui, & c. Quintus modus, ut apud Ciceronē: In obsequio autem comitas (quoniā Terentiano uerbo libenter utimur) adsit, assentatio uitiorū adiutrix procul amoueatur. Subintellige, ita loquimur (quoniam Terentiano uerbo libenter utimur). Et alibi: Satiari delectatione non possū, ut mea senectutis requiem, oblectationēq; noscatis. Subintellige, hoc dico, ut noscatis. Sextus modus, ut apud Pliniū Iunio rem: Studes, an piscaris, an uenaris, an simul omnia; *supple facis*. Quintilianus: Nil aliud quā renuet. id est, nil aliud faciet, q̄ renuet. Et iterū: Et acceptis literis meis iuuenis filius nihil aliud quā cū matre fleuisset. id est, nil aliud fecisset, quā cū matre fleuisset. Martialis: Nil aliud bulbis quā satur esse potes. id est, nil aliud facere. Cui confine est illud, ubi prolato aliquo aduerbio qualitatis, subintelligitur pro cōditione materiae, aut dixit, aut fecit: ut, bene Ennius, praeclare Anaxagoras, fortiter Scipio, prudēter Fabius. *supple dixit, aut fecit*: pro ut ex his, quae aut iam diximus, aut dicturi sumus, colligitur. Et per comparatiuum: Dij melius. *supple fecerint, aut faciant, aut certē uelint*. Nec de dijs solū, uerū etiam de hominibus: ut apud Quintilianum, Tu melius uxor, quae facturum retinebas. *supple fecisti*. Interdum etiam per nomen (nam illud Melius est aduerbium) ut, dij meliora. Lucanus ipsum uerbum apposuit: Dij meliora uelint. Nec procul ab huius natura abest, quando utimur hoc nomine res, siue in nominatiuo, siue in accusatiuo, fortē etiā in alijs casibus: ut, restat mihi exponenda uita, quam hic egit in magistratu, res digna auditu in primis: uel, reliquū est, ut exponā uitā huius, qua fuit in magistratu, rē dignā auditu in primis.

Quod amoenē tempus aliquando pro tempore ponitur.

CAP. XLVIII.

ANnibal apud Titum Liuium alloquens milites inquit: Si tales animos in praelio habebitis, quales hīc ostendistis, uicimus

De Amic.

In Cato. Maio.

Epist. 1. lib. 1.

Ouid li. 9. Metam. Dij melius, dijnēpe suas habuere sorores.

Sophocles apud Cic. in Cato. Maio. Dij meliora, ingt. libenter uerō istinc tanquam à domino agrestis, ac furioso profugi.

Declam. 3. *cinus. Quintil. Si tales milites omnes habebimus Mari, uicimus. Cur de futuro non per uerbum futuri tēporis locutus est? Nempe ad asseuerandam rem, ut non futura, sed iam esse uideatur: multoq; plus ponderis habet, ut dicamus uicimus, quam uincemus. Idē Quintil. Dimitte tantum, & euocasti. id est, euocaueris. Cicero: Vnum ostende in tabulis aut tuis, aut patris tui emptū, & uicisti. pro uiceris. Idem pro Sextio: Restitisses, repugnasses, mortem pugna oppetisses. pro eo quod est, resistere, repugnare, mortem pugna oppetere debrisses. Ouid. lib. 1111. Metamor. Præmaq; eripies, quæ si tibi magna uidentur, Ex illis scopulis, ubi erant affixa, petisses.*

Ad. 4. sce. 4. *Id est, petere debuisses. Terēt. in Andria:— Pra' liceres, p eo quod*
 In caution ti- *est, prædicere debebas. Et alibi: Fortasse aliquantò iniquior erat*
 prommeno, *propter eius libidinem: Pateretur.—pro pati debebat. Itē Cicero*
 act. 1. sce. 1. *tertio Offic. Male etiam Curio quum causam Transpadanorum*
aquam esse dicebat, semper addebat, uincat utilitas: potius dice-
ret, non esse aquam, quia non esset utilis reipub. id est, dicere
debebat. Huic simile est quale apud Ouidium de Remed.

Lib. 1.

Gnosida fecisses inopem, sapienter amasset.

Li. 1. Ser. Sat. 3. *Id est, si fecisses inopem. Horatius:*

—Decies centena dedisses

Huic parco, paucis contento, quinque diebus

Nil erat in oculis.— Id est, si dedisses. Plinius Iunior: Dedisses
 1. pill. 11. lib. 1. *huic animo par corpus, fecisses quod optabat. Id est, si dedisses.*

Illud magis poeticum. Ut Vergilius:

—Tu quoq; magnam

Partem opere in tanto, sineret dolor, Icare haberes.

Saty. 1. *Id est, si sineret. Iuuenalis:*

Græculus esuriens in cœlum, iusseris, ibit.

Id est, si iusseris. Adhuc diuersum huic est, quale est apud Cice-
 Philipp. 2. *ronem: Conchyliatus Cn. Pompeij peristromatis seruorū in cel-*
lis stratos lectos uideres, id est, uidisses. Quint. semper uidisses:

ut ibi

ut ibi, Vidisses non quemadmodum tenues umbræ corpus accipere cogitationibus solent. Apud hunc sepe est hic modus loquendi: Si perseuerassem, duos excæcaueram. pro excæcasssem. Quale est illud Horatianum secundo Carminum, quod metri causa Priscianus dici putat: Me truncus illapsus cerebro Sustulerat, nisi Faunus ictum Dextra leuasset.

Apud illum quiddam penè contrarium: ut ibi, Dictatoris nomē quod sepe iustum fuisset. pro, fuerat. Nam de imperfecto subiunctiui, quod solet poni pro imperfecto indicatiui, in proximo libro iam dixi, cuius hoc exemplum fuerat, Non quia amicus non esses. Cic. de Repub. lib. v. 1. Et quòd de uia fessus essem, & ad multam noctem uigilasssem. pro fessus eram, & uigilaucram.

Vbi nitidius utimur actiuo, ubi passiuo. CAP. XLIX.

Oportet legere libros, expedit euoluere autores, utile est cognoscere plurima, operæ pretium est habere quos imitemur, necesse est adhibere usum, conducibile est descendere in certamen, & agitare cum alijs controuersias. Vel per passiuum, oportet legi libros, euolui autores, cognosci plurima, haberi quos imitemur, adhiberi usum, agitari cum alijs controuersias. Hunc posteriorem modum magis ars grāmatica probat, illum magis autoritas. Secus in præterito: namq; nō ita sepe legimus, fecisse hoc oportuit, ut factum hoc oportuit. Cicero in Verrem, Tamen id factum non oportuit. Et in eundem: Apollinis signū ablatum certè non oportuit. & alibi: Totam rem illi integram seruatam oportuit. Non dissimile sanè est illud per alterum uerbum (de Volo loquor) ut idem: Liberis consultum uoluimus, etiam si posthumi futuri sint. Idem: Percurram tamen breui, ut non minus hominem ipsum, quàm ius commune defensum uelitis. Quintilianus: An incidisse in sordidum nomen, non eo contemptum hominis, quem destructum uolebat, auxisse.

Pro A. Cecina

C A P. L.

Propositiones, rationesq; interdum misceri.

o

Nam

Lib. 1. cap. 6.

Philip. 1.

NAm ubi uinci necesse est, expedit cedere: siue plura sunt de quibus queritur, facilius erit in ceteris fides: siue unum, mitior poena solet irrogari uerecundiae. Miscuit hoc loco Quintil. propositiones, rationesq; quum sit usitatissimum sic dicere: Siue plura sunt, de quibus queritur, siue unum. Si enim plura, facilius erit in ceteris fides: sin unū, mitior poena solet irrogari uerecundiae. Atq; iterum: Firmis autē iudicijs, iamq; extra periculum positis, suaserim & antiquos legere (ex quibus si assuatur solida, & uirilis ingenij uis, deteriso rudis seculi squalore, tum hic noster cultus clarius enitescet) & nouos, quibus & ipsis multa uirtus adest. Alius dixisset, suaserim & antiquos, & nouos: antiquos quidē, & cetera: nouos uerò, & c. Cic. in Antonium: O te miserū, siue illa tibi nota nō sunt (nihil enim boni nosti) siue sunt, qui apud tales uiros tam imprudēter loquare.

De usu uenusto uerbi Videor.

CAP. LI.

Non uidetur tibi quod bene faciam: & mihi non uidetur quod bene loquaris. Sicut uobis uidetur quod male facimus, ita nobis uidetur quod male facitis: uidetur tibi quod ille bene scribat, & uidetur mihi quod isti bene arent. Rusticanus hic sermo est, & agrestis. Eruditi enim sic loquuntur: Non uideor tibi bene facere: & tu non uideris mihi bene loqui. Sicut uobis uidemur male facere, ita nobis uos uidemini: Ille uidetur tibi bene scribere: & isti mihi uidentur bene arare.

De uulgari quodam usu Mihi, & Tibi. CAP. LII.

Cic. in Piso.

Is mihi gloriabitur se omnes honores sine repulsa obtinuisse? & alibi idem Cicero narrās Bruto rem in qua ille nō adfuerat, inquit: Ecce tibi Pompeius noster. Illud mihi, & tibi, non magis ad me, uel ad te, quā ad ceteros pertinet: sed est oratio sumpta de medio, qua uulgò utimur. Tu mihi semper dormis. Ille mihi assidue sedet. Quū super cœna essemus, ecce tibi ostiū crepuit. Hic sermo neq; ad me, neq; ad te, neq; ad quēquam refertur. Ideoq; differs est ab illo figurato, quale est apud Verg.

Georg. 3.

Ne

Ne mihi tum molles sub dio carpere somnos,
 Neu dorso nemoris libeat iacuisse per herbas. Et iterum:
 Ne'ue tibi ad solem uergant uineta cadentem.

1. Georg.

Hic præcipitur ad uniuersos sub prima, & secunda persona: ibi non præcipitur, nec ad aliquem sermo est.

Quando maiori tempore expresso, partem eius accipimus, & quando deest post. CAP. LIII.

Superioribus diebus ueni in Cumanum. & iterum: Qui his paucis diebus pontifex factus est. Et in futuro: Paucis diebus eram domesticos tabellarios missurus. & iterum: Triduo aut ad summum quatruiduo periturum. Hæc Cic. Et Sallustius, Legati In Iugurt, triduo nauim cōscendere. Non est accipiendum per superiores dies, & per paucos dies, per triduum, & quatruidū, sed intra superiores dies, intra paucos dies, intra triduum, & quatruidū. Nam illud, quod aliqui dicunt tempus cōtinuatum, & solidum significari per accusatiuum, secus uerò per ablatiuum, planè falsum est. Cicero enim, atque Vergilius sæpius accusatiuo, & quidem indifferēter utuntur, posteriores uerò pleriq; ablatiuo. Aliquādo in huiusmodi genere sermonis omittimus post: sic, Intra decē dies, quā uenit, cōfecit omne negotiū. In paucis diebus, quā Rhodū appulit, uxorē duxit. id est, postquā uenit, postquā appulit: quæ exempla apud historicos sunt plurima.

Vbi deceāt, Nisi, Quā, & Præterquā, CAP. LIIII.

Quid est animal, nisi corpus cum anima cōcretum? rectè, & Latine. Quid est animal, quā corpus cum anima concretum? non rectè, nec Latine. Adde aliud, uel aliter, uel secus: & utroq; modo licebit dicere. Quid est aliud animal, quā corpus: uel, nisi corpus cū anima cōcretū? Cicero: Quid est aliud gigantum more bellare cum dijs, nisi natura repugnare? Idem faciet cōparatiuum: Vt, quid est melius quā gaudere? uel, nisi gaudere: ut Quintil. Nihil est facilius, nisi totam causam omnino non agere. Præterquā, eandem aut propè parem uim

De senectute.

obtinet, quam nisi. Cuius exempla, ut facilia prætermittimus, unum illud admonentes, ubi est præter, ibi locū habere præterquam, ad hunc modum: ut, nullius rei sum auarus præter laudem, uel præterquam laudis: nulli places præterquam mihi, uel præter me.

De usu huius uerbi Transfero.

CAP. LV.

Quem morem Spartiatae trāstulerunt in fœminas. & alibi idem Cicero: Quod nisi in amicitiam trāsferatur. Quæ in alios transferuntur, non solent remanere penes eos, à quibus transferuntur. Mos autem (ut Cicero uult) ita transfertur, ut penes priorem quoq; remaneat. Et libro primo Officiorum: Quod ab Ennio positum in una re, transferri in multas potest. Et in eodem: Eademq; mediocritas ad omnem usum, cultumq; uitæ transferenda est. Lucanus in decimo: Nondum translato Romana in secula luxus.

De Committo.

CAP. LVI.

Offic. 1. **N**on committas, ut quum omnia tibi à nobis suppeditata fuerint, tu tibi defuisse uideare. Et iterum: Non committas, ut dicendum sit, Non putaram. Hæc Cicero. Quintil. quoque: Non committam, ut illa dubia faciam defensionis solitudine. Et alibi: Nihil tibi minus committendum, quam ut ulciscaris hoc flagitium, in eo præsertim qui apud malignos poterit uideri te permittente fecisse. Cicero tamen quodam in loco non per ut, sed per quamobrem locutus est, dicens: Considerare debes nihil tibi esse committendum, quamobrem eorum quos laudas, te non similitum præbeas. Idem pollet quamobre quod ut: & licebit illud tollere, & hoc subijcere. Ex quibus exemplis datur intelligi hoc uerbum sequente ut, uel simili distinctione semper accipi in malam partem: nec rectè dicas: fac committas, ut omnes te laudent: aut sic, non commisisti unquam, ut laudareris. Præterea semper habet secum negationem.

De Oriundus, & Ortus.

CAP. LVII.

Oriun

ORiundus quòd non habeat uim participij, credo alij dixerunt. Cuius utendi hic modus est: Ego sum ortus Roma, oriundus à Placentia. Titus Liuius: Nati Carthagine, sed oriundi à Syracusis. id est, à Syracusis originem trahentes, unde fuerunt parentes. Vel sine præpositione: ut idem: Alba oriundum sacerdotiũ. In personis ferè cum præpositione. Idem: Is longè princeps Latini nominis erat (si fãmæ credimus) ab Vlysse, deaq; Circe oriundus. Idem: Quid hoc, si polluit nobilitatè istà uestram, quam pleriq; oriundi ex Albanis, & Sabinis non gentre, nec sanguine, sed per cooptationem in patres habetis? Nonnunquam per indeclinabilia: ut, inde ego sum oriundus, unde tu. Liuius tamen (si rectè scribitur) ait libro octauo: Pa-leopolis fuit haud procul inde, ubi nunc Neapolis sita est, duabus urbibus idem populus habitabat: cuius erant oriundi.

Lib. 3. ab urbe condita.

De Memini.

CAP. LVIII. *XX.*

Voluit Valla oriundus gentitio posse iungi, autoritate Liuij dicentis, Cuius erant oriundi: uerùm ibi non cuius, sed Cumis legendũ est: ideoq; dixit, si rectè scribitur.

Act. 4. sce. 7.
In Cato. Maio.

Lib. 11. cap. 22.

Plin. ll. 8. c. 25.

Memini, pro recordor, tum genitium, tum accusatiuum postulat. Vt Terent. in Eun. faciam ut huius loci, diciq; meiq; semper memineris. Cicero: Omnia, quæ curant senes, meminerunt, uadimonia constituta, qui sibi, cui ipsi debeant. Quid iuriscõsulti, quid pontifices, quid augures, quid philosophi senes, quam multa meminerunt? Idem uerbum pro eo, quod est, mentionè facio, recusat accusatiuum, postulatq; genitium, uel ablatiui cũ præpositione de: ut Quintilianus: Neq; omnino huius rei meminit poëta ipse. & iterum: De quibus multi meminerunt. Hinc uidetur deriuari mētio, quasi a meno præsentis, & geminato præterito memini: unde supinum mentũ, ex quo mentio, & mens, quæ omnium recordatur: & mentum, quia in mentione faciēda, hoc est, in loquēdo, præcipuè mento utimur. Nullum enim animal mouet partē oris superiorem nisi Crocodilus, sed omnia inferiōrē, sicut et nos mētum. Hinc etiā mētiōr, quia cōtra mentem loquor. Fortè & hinc uenit mēta. Sed nolo eius etymologiā aliquam asserre, ne cui fortè uidear argutulus.

De differentia inter Alter, & Alius. CAP. LIX.

Lib. 7. cap. 4.

Alter de duobus dici, alijs de multis, notum est omnibus, licet nō omnes rectē utantur. Macrobius de Saturnalibus: Quū igitur asseruerimus quatuor in corpore fieri digestiones, quarū altera pēdet ex altera. dicēdum erat, quarū alia pēdet ex alia. Idem in alio opere de Naturalibus: Illæ uerō insolubiles causæ sunt, quæ mutuis inuicē nexibus uinciūtur, & alterā altera facit, ac uicissim de se nascūtur, nunquam naturalis societatis amplexibus separātur. Nam Ouidius de nouē picarū trāsformatione loquens, quanquā cum excusare metri necessitas potest: tamen quōd singulæ singulas, ac certæ certas intuerentur, intellexit, quum inquit:

Lib. 5. Meta.

Alteraq; alterius rigido concreescere rostro

Cap. 56.

Ora uidet. Suetonius de uita Caij: Nec cessauit ex eo alterū alteri criminari, atq; inter se omnes cōmittere. Nescio an sic accipiēdum sit, unū uni, & rursus hūc illi. Plinius libro undecimo, inquit de formicis: Et quoniā ex diuerso cōuehūt altera alterius ignara. Quare dicamus aliquādo sic loqui esse permissum. E diuerso nōnunquā de duobus dicimus alijs et alijs, nec dicere aliter possumus: ut, dubitatur uter excellat, Sallustius an Iulius, & alijs aliū præponit. nō autē alter alterum. Ratio postulabat, ut diceremus, alijs alterū. Nam alijs ad plurimos refertur, qui de duobus iudicāt: alter ad unū de duobus, de quibus iudicatur. Sed quia uidebatur inuenistū sic loqui, maluerunt mutare alterū in aliū. Afferamus exēplum. Sallustius in Catilinario, de Cesare, et Catone loquens inquit: Genus, ætas, eloquētia propē paria fuerē, magnitudo quoq; animi, et gloria, sed alia alijs. Vel est ea ratio, quam dixi: uel hæc, quōd idem est alia alijs, quod diuersa diuerso: ut, alia est facies mea, alia est facies tua. id est, diuersa. Propriē igitur alter refertur ad unū de duobus: ut Annibal in trāsitu Apennini amisit alterū oculū: siue ad unā duarū partiū, quod superius etiam significauī, ubi hoc Ciceronis exēplo usus sum:

Dupli

Duplices similitudines esse debent, una rerum, altera uerborū.

Ad Herz. lib. 3.
Eclog. 3.

Et quale est Vergilij exemplum:

Aurea mala decem misi, cras altera mittam.

Aliquoties etiam accipitur alter, pro secundo ex duobus, pluribus uel. Vt, unus, alter, tertius, quartus: una, altera, tertia, quarta litera. Et, hic est alter annus belli Punici: & ego altero me se repudiaui uxorem: id est, secundus annus ab origine belli Punici: & secundo mense a ductione maris. Aliquando pro ipsis duobus: ut, unus aut alter. id est, unus aut duo. Quod etiā in aduerbijs respondet semel, aut iterū. id est, semel aut bis. Itē semel, & iterū: Cicero in Bruto semel, & iterū in Philippicis. Dubitari tamē potest, quum dicitur, Iterum cōsul, an secunda uice, an bis consul intelligatur: quæ dubitatio in ceteris nō erit. Tertius enim consul, & quartum consul, sic differt ab illo ter consul, & quater consul: quōd in altero significatur tertia, & quarta uice, in altero tribus, & quatuor uicibus. Aliqui tamen dubitent, an in hanc significationem uice & uices reperiatur.

CAP. LX.

De Quilq; & Vterq; cum uerbo aut participio.

Hirundines uere ineunte redeunt, in suum pristinum unaquæq; nidum immigrantes. Muta illud unaquæque, sic: In suum pristinum nidum unaquæque immigrantes: aut sic, Vnaquæque in pristinum nidum immigrantes: iam non erit Latinum. Item, offendi parentes suo utrunque morbo affectos. Transfer illud utrunque, ut modō ostendi, iam non erit elegās. Nam si ita mutemus, ille pluralis numerus immigrātes, & affectos referretur ad illum singularem unaquæq; & utrunq;: quod fieri non potest. At illo modo superiore secus: refertur enim numerus pluralis ad pluralem, sic: Hirundines uere ineunte redeunt immigrantes in nidos pristinos, unaquæq; in suum, supple, immigrans. Offendi parentes morbis affectos, utrunq; supple, suo affectum morbo. Vergil. in x i i.

Dant sonitum spumosi amnes, & in æquora currunt,
 Quisq; suum populatus iter. Et paulò post:
 Pro se quisq; uiri summa nituntur opum ui.

In priore exemplo, si uersus pateretur, non decuisset dicere,
 quisque suum populatus iter, sed populati: nec in posteriore,
 pro se quisq; uiri summa nituntur opum ui. Secus autem solet
 fieri, ubi abest suus, aut se. Vt Quintil. Commendo tibi senem,
 quem facimus uterq; mendicum. Nec rectè dicas, commēdo tibi
 senem, quem nos filij alleuare debemus, cum uterque mendicum
 facientes: uel sic, quem nos uterque captiui mendicum feci-

Declam. 5.

Lib. 1. de Re-
 med. amo.
 Saty. 5. lib. 1.

mus, nisi more poetico, ut apud Ouidium: Vtraque formosæ
 Paridi potuere uideri: Et apud Horat.

- Magnis missi de rebus uterq; . Lega-

Quod apud oratores nō reperitur: sicut nec illud quidem (licet

Gell. lib. 8. c. 2.
 In And. act. 1.
 Act. 1.

Aulus Gellius utatur) quale apud Terentium,

Quod pleriq; omnes faciunt adolescentuli.

Quod quidam exponunt pro eo, quod est, plerique omnium:
 quidam pro eo, quod est, omnes.

De Tamen, & Sed, cum relatiuo.

CAP. LXI.

Homo illiteratus est, cui tamen paucos in rerum gerendarū
 scientia anteponas. Latinum est. Homo illiteratus est, sed
 cui paucos in rerum agendarum scientia anteponas. etiam ele-
 gans est. Item in negatione, Homo quidem illiteratus est, quem
 tamen non postponas multis. Latinum est, ut dixi. Elegans
 etiam sic: homo quidem illiteratus, sed quem multis non post-
 ponas. Ideo dixi elegans, quia subintelligitur talis, quod in
 alio non fit, ut sic: homo illiteratus, sed talis quem, & cetera:
 uel, sed is, pro talis: ideoque & hoc eleganter dicetur,
 Homo illiteratus, non tamen quem multis postponas. id est,
 non tamen is, quem multis postponas. Aliquando non sub-
 intelligitur talis, neque is: ut, hic ager est meus, sed cuius
 usu careo.

De

De Id quod, cum alio antecedente. CAP. LXII.

Video te amatorem studiorum, quod me maximè iuuat: uel, quæ res me maximè iuuat: uel, id quod me maximè iuuat, amator es studiorum. Item, uideo te, quod me maximè iuuat: uel quæ res me maximè iuuat: uel, id quod me maximè iuuat, amatorem studiorum: quæ exempla sibi quisq; conquirat.

De Aliquis, Quisquā, Quispiā, & Vllus. CAP. LXIII.

Aliquis, quisquam, quispiam, ullus idem significant, differuntq; a quidam, ut in alio opere (quod de dialectica prope diem edemus) ostendetur. Vllus tamen quodammodo claudicat, nec ferè citra negationem, quasi citra baculum ingredi potest, nisi interrogatiuè: ut, uocat me ullus? aut subiunctiuè: ut, si ullus me uocat. Nunquàm planè affirmatiuè, sicut illa superiora.

De eadem persona tanquam alia. CAP. LXIIII. 64

Meo occupato in administratione magistratus, nullum tempus seponere ad studendum poteram. Vel, me occupato in administratione magistratus, nullum tempus mihi reliquū erat. Rarissime Latini sic locuti sunt, Græci frequenter, sed hoc modo potius: Occupatus in administratione magistratus, nullum tempus seponere ad studia poteram: uel, Occupato in administratione magistratus, nullum mihi tempus ad studia reliquum erat. Dixi rarissime, non tamè nunquàm: nam quidam sic locuti sunt, ut Horatius de Arte poëtica:

— Laudator temporis aſti

Se puero, censor, caſtigatōrque minorum.

Quintus Cicero ad Tyronem: Non potes effugere huius culpæ Epist. penult. lib. 16. epi. 1a.
pœnā te patrono, Marcus est adhibendus. ſubintellige, pro ipſo patronus. Simile quiddam ſapit per, quale eſt apud M. Tullium: De Orato. li. 1.
Quum & per meipſum egiſſem, et per Druſum ſepe tentaviſſem. Illud enim per, ſignificare ſolet mediū quendā, aliūq; interceſſorē. Nūc uerò quis queat medius eſſe inter ſe & aliū? & tamè ſic uulgò loquimur, per meipſum rogavi, per teipſum obtinuisti.

Auxilium do, feroq; Opem fero tantum, CAP. LXV.

Auxilium do, feroq; dicimus. Opem do non dicimus, sed fero: unde Opitulator, quod Tullianū uerbū esse Seneca autor est: quo tamen & Sallustius utitur, & Plautus, & alij nonnulli.

De A, Ex, & De, cum alijs.

CAP. LXVI.

Audiui à patre meo, & audiui ex patre meo, & audiui de patre meo, idē significare inueniet, qui bonos libros euoluēt. Cic. tamen sic præcipuē locutus est. Similiter apud eundem: Quæsiui te ab ostio, ex ostio, de ostio. Vocauī te a uia, è uia, de uia: sed hoc ultimum apud eundem in alium quoq; sensum accipitur, ut in Philip. Cumq; de uia languerem, & nubimet displicerem. Et de Repub. Et quòd de uia fissus essem, & quòd ad multam noctem uigilassem. Et de Academicis: In Cumano nuper quum mecum Atticus noster esset, nuntiatum est nobis à M. Varrone, uenisse eum Roma pridie uesperī, & nisi de uia fissus esset, continuo ad nos uenturum fuisse. Quasi de labore uia. Hic enim uia significat iter, hoc est, actionem ambulandi: illic locum, quā ambulamus.

De Solus, & Vnus.

CAP. LXVII.

Inter omnia adiectiua, quæ non sunt superlatiua, duo ferè hæc, solus, & unus, more superlatiuorum regunt genitiuum: ut, Solus omnium non remittit sibi, ut incredibilior sit in parricidio cæcus, quā fuit quum uideret. Hæc Quintilianus. Et Plinius: Acipenser unus omnium squamis ad os uersis cōtra aquam nando meat. Similiter ablatiuum cum præpositione: nam ut dicimus maximus ex omnibus, & inter omnes maximus, ita unus, & solus ex omnibus, uel inter omnes. Verū unus pro solus accipio, ideoq; ferè cum illo adiectiuo omnis tantummodo coniungitur. Nam unus ex fortibus, unus ex populo, alterius significationis est. Cum substantiuo quoque iungitur: ut idem Plinius, Caluitium uni tantum animalium homini. sed quasi sub-

intelligitur omnium.

Philipp. 1.
In somn. Scip.

Lib. 1. à principio.

Quintilianus,
declam. 2.
Lib. 9. cap. 17.

Lib. 11. ca. 37.

De

De In diem, In dies, In horam, In horas, Propediem,
ac Propemodum. CAP. LXVIII.

IN diem aliud multò est, quàm in dies. Illud plerunq; cum hoc uerbo uiuit, iungitur. Vt Quintilianus: Non ut fere uolueris præsentis modò cibi memores in diem uiuunt, duraturus hyeme reponitur uictus. Aliquando, sed rarò, cum alio iungitur uerbo: ut Sallustius, Panem in diem mercari. quasi dicat, præsentis diei In Iugur. habere rationē, nihilq; cogitare dē crastino. In dies idē est quod quotidie, sed propriè cum quodam incremento: ideoq; plerunq; cum comparatiuo: ut, Quum in dies malum arctius premeret. Et, Quum in urbe infinitum malum serperet, idq; manaret in Cic. Philip. 1. dies latius. Etiam sine cōparatiuo, sed tamen per uerbum significans incrementum: ut Liuius, Crescente in dies multitudine. Quod non liceret dicere, concurrente in dies multitudine, sed quotidie: aut in dies magis: quum tamen liceat superiora exēpla dicere per quotidie: quum quotidie malū arctius premeret: & quum in urbe infinitum malum serperet, idq; manaret quotidie latius. Et per in singulos dies: ut Cicero ad Atticum, Quotidie, Epist. 7. lib. 5. uel potius in dies singulos, breuiiores ad te literas mitto. id est, non modò quotidie breuiiores, sed etiam in dies. Nam hæ quotidianæ literæ sunt breuiiores his, quas antea mittere solebā: quæ poterant esse omnes pari breuitate. Atqui hæ quas in dies singulos, siue in dies mitto breuiiores, tales sunt, ut hodiernæ sint breuiiores hesternis, & crastinæ hodiernis, & perendinæ crastinis: & ita assidue. Et pestilentia in dies fit maior, & quotidie fit maior: sic possunt uideri hæc duo differre, quòd in hoc possumus hodie supra numerum hesternum decessisse quatuor, quum heri decesserint decem supra numerum eorum, qui decesserant nudius tertius. Non ita in illo, ubi ultimus quisque dies maxime increscit: ut si nudius tertius decesserint duodecim, heri quatuordecim, hodie necesse est decedant saltem decem & septem; cras saltem unus & uiginti, perendie saltem sex & uiginti.

Philipp. 5. uiginti. Eandem differentiam habent in horā, & in horas, quam in diem, & in dies. Cicero in Philippicis: Hæc ij, qui in horā uiuunt, non modò de fortunis, & bonis ciuium, sed ne de utilitate

Eclog. 10. quidem sua cogitauerunt. Vergilius:

Gallo cuius amor tantum mihi crescit in horas,

Quantum uere nouo uiridis se subijcit alnus.

Si quis autē in dies, & in horas, siue in dies singulos, & in horas singulas, sine illa exacta ratione incrementi accipere uelit, non denegandum ipsi hoc puto. Propediem, est quasi propè est dies, quando hoc fiet. Cicero: Et præsens propediem (ut spero) & dum aberis absens loquar. Eodem modo quo dicimus propemodum, quasi prope mensuram: quod accipitur pro penè, siue propè, quum est aduerbium.

De Animaduerto.

CAP. LXIX.

A Nimaduerto te, & animaduerto in te, differunt, cum intueor te, & intueor in te non differant. Animaduerto in te, est punio te: sed cum hac differentia, quòd punire est quoruncq; siue iure, siue iniuria: animaduertere, est eius, qui in alterum habet potestatem ordine, ac ritè, id est, cum animaduersione puniendi. Sed hoc propriè refertur ad personas. Animaduerto, puto, pro intueor, personam, & rem dicimus.

Filius, Natus, Genitor, Vir, Pater, Mater, Genitrix, Parens.

CAP. LXX.

O Ratores sæpius dicunt filius, quàm natus: pater, quàm genitor: mater, quàm genitrix: parens pro utroq; etiam sæpe homo potius, quàm uir, quoties ita accipitur ille, de quo agimus, aut loquimur, quale est hoc: Illi deduxerunt hominem in palestram. Poëta potius è contrario. Historici mediam quandam uiam tenent: ut Sallustius, Eos mores, atque eam modestiam uiri cognoui.

In Catil.

De In primis.

CAP. LXXI.

I N primis potens, si de masculo loquaris, intelligitur inter primos

primos : si de fœmina , inter primas : si de neutro , inter prima.
 Nam idem pollet in primis , quod inter primos , uel inter pri-
 mas , uel inter prima. At si defuerit adiectiuum , utiq; accipietur
 in neutro , quale est illud Vergilij: In primis uenerare deos. — *Georg. 7.*
 Nisi sit tale , quale apud eundem:

— In primis regina quietum

Aen. 1.

Accipit in Teucros animum , mentemq; benignam.

In primis , non inter primas , aut inter prima accipiendum est ,
 sed inter primos. Vna enim inter mares fœmina nominatur sine
 fœminis alijs : aut , inter primos , & inter primas.

Hic non est cum illo comparandus. CAP. LXXII.

Hic non est cum illo comparandus , melius de minore ad ma-
 iorem dicitur : ut , Vergilius cum Homero , Horatius cum
 Pindaro non est comparandus , quàm ediuerso , sic : Homerus
 cum Vergilio , Pindarus cum Horatio non est comparandus.
 E diuerso tamen nonnunquam reperitur.

Intercedo.

CAP. LXXIII.

Intercedit mihi tecum amicitia , Intercedit tibi cum illo affi-
 nitas , Intercedit tibi mecum necessitudo : hoc est , amicitia ,
 affinitas , necessitudo inter nos est media quadam , quæ nos con-
 ciliat. Tribuni intercefferunt : Scipio intercessit : Cato inter-
 cessit : hoc est , in medium se uerbis , aut ui opposuit.

Amare inuicem , mutuò , pariter , & in-

ter se.

CAP. LXXIII.

Amanus nos inuicem , amatis uos mutuò , amant se pariter.
 Quñ uerò adhibemus præpositionē , inter , tollitur accusati-
 uus , qui regitur à uerbo , ne turpe foret , si replicaretur , sic : Ama-
 mus inter nos : non autē , amamus nos inter nos : amatis inter uos ,
 amant inter se : non autē , amatis uos inter uos , amant se inter se.
 Cic. ad fratrē : Pueri ualde inter se amant. & de Amicitia : Neq;
 solum inter se diligent , & colent , sed etiam uerebuntur. Terent. *AA. 5. Act. 3.*
 in Adelphis : — Video eos sapere , intelligere , in loco uereri , inter
 se amare

Act. 2. sce. 4.
ceterum sic in
omnibus ex-
plaribus nunc
legitur. Quasi
nunc non nori-
mus nos inter
nos Ctesipho.

se amare. — Idem, & in eadem: Quasi non norimus inter nos. Bene habeo, bene habes: id est, bene ualeo, bene uales. In tertia autem persona etiam sine supposito, Bene habet: id est, bene se res habet. quod exemplum ubiq; frequens est.

De Facio, Ago, Frango, & Accipio. C A P. L X X V.

Act. 3.

Facio te certiore, non certum. Nam Vergilius, Anchisen facio certum — ideo dixit, quod syllaba breuis inter longas non potest collocari in uersu Heroico. Prosa oratione scribentes, semper certiore dixerunt. Et semper facio, nunquam ago certiore. Facio tibi gratum, nunquam ago tibi gratum. Facio ludos, facio rem diuinam, facio sacrificium, facio solennitatem, nunquam ago: & multa huiusmodi. Item feci iacturam, feci damnum, feci naufragium: uix unquam, passus sum iacturam, damnum, naufragium. Cic. Magna in rep. facta iactura est. Idem: Damnum enim illius immaturo interitu res Romanae, Latinaeque literae fecerunt. Quint. In portu naufragium fecimus & in ceteris quibusdam. Feci tamen fugam, quod ego fugi alterum, non quod alter me. Feci timorem, non quod ego timui alterum, sed quod alter me. Item, feci iter: non, egi iter. Aliquando etiam feci uiam, feci copiam tibi rerum mearum: nunquam egi, aut dedi, aut praestiti copiam. Feci potestatem tibi uendendi meas res domesticas: non autem, dedi. Feci lucrum: non autem, acquisui lucrum. Honore dicto, urinam fecit, stercus fecit, non autem emisit. Simile huic est quod dicimus, fregit nauim, fregit brachium: quasi ipse fregit, id est, ipse egerit, non potius passus sit. Terentius: Nauim is fregit apud Andrum. Cic. Gregalesque eum cum in campum non uenisset, requirerent, excusauit Vespas Terentius quod eum brachium fregisse diceret. Alius dixisset, quod ei brachium fractum esset. Ita etiam, accepi molestiam, accepi cladem, accepi contumeliam, accepi uulnus, accepi iniuriam, accepi dedecus, accepi ignominiam: uix autem passus. De quo uerbo commodius alio loco dicam: accepi etiam uoluptatem, gaudium, letitiam.

De

In Andr. act. 1.
sce. 3.
Lib. 1. de Ora-
tore.

De conuenit.

CAP. LXXVI.

Conuenit hoc mihi, aut cōuenit hoc nobis: id est, decens est, & cōueniens. Cōuenit hoc inter nos: id est, cōstat, et cōtro= uersia caret. Conuenit mihi hoc tecū: id est, sine controuersia est inter nos quod ego dixi. Conuenit tibi mecū: id est, sine contro= uersia est inter nos quod tu dixisti. Nonnunquā sine supposito: ut cōuenit inter nos. Nonnunquā sine appposito, sed tamē subin= tellecto: ut, hoc conuenit. Nonnunquā sine utroq;: ut, cōuenit.

De Obuiio tibi, Obuius tibi fio, Obuius sum tibi, &

similibus.

CAP. LXXVII.

Obuiio tibi, obuius tibi fio, obuius sum tibi, obuium me tibi fero, obuium me tibi fortuna obtulit. Cicero: Obuius fit ei Pro Milone; Clodius expeditus in equo. Vergil.

Cui mater media sese tulit obuia sylua. Domitius Afer apud Aenid., 1.
Quintilianum: Fortē uos in ea solitudine obuios casus misere muliēri obtulit. Obuiā quoq; per eadem, & alia plura uerba uariatur: ut, obuiam processi, obuiam iui, & alia multa.

De uerbis ad finitiōē pertinētibus. CAP. LXXVIII.

EPicurus omnia terminat uoluptate. Zeno cuncta finit honestate. Hiero uniuersa desinit, determinatq; indolentia corporis. Carneades singula metitur naturæ bonis. Aristippus nihil non ad commodū suum refert. Pyrrhon nihil reliquit, quod non reuocet ad scientiam. Ille summum bonum in gula constituit, ego bonum ipsum pono in dilectione Dei. Tuus finis ad quem tendis, tibi ipsi ignotus est. Tot igitur uerbis unā, eandemq; rem declaramus: quæ exempla passim inquirentibus sese offerent.

De uerbis ad coniecturā pertinētibus. CAP. LXXIX.

Coniecto, coniecturo, coniecturam facio, coniecturā capio, coniectura consequor, coniectura colligo, coniectura du= cor, pro eodem accipiuntur, aut parum differunt: quia efficacius quiddam est in coniectura consequor, & coniectura colligo, quā in cæteris: quorum exempla adducere longum esset.

De

De uerbis ad noticiam pertinentibus. CAP. LXXX.

Non me fallit, non me praterit, non me fugit, non me capit, idem significare quod non ignoro, Quintilianus autor est.

De uerbis ad spem pertinentibus. CAP. LXXXI.

Capio spem de te, cōcipio de illo spem, ducor in spē huius negotij, uocor in spem, ingredior in spem: nō tantum spei firmitatē significāt, quātum, colloco in te spē, & repono in te spē.

De Orat. lib. 1. Cicero: In quibus tum spem maiores natu dignitatis suae collocant. Quintilianus: In quo spem unicā senectutis reponebam.

De uerbis ad recordationē pertinetibus. CAP. LXXXII. 93. v

In mentem uenit mihi, occurrit mihi, succurrit mihi, subit mihi, pro eodem accipi solent. Sed hoc ultimum frequenter quoque ad miserationem. Quintilianus: Nobis uerò natura aduersus exanimes ingenuit non solum miserationem (quae cogitationi nostrae subit) sed etiam religionem. Vbi non ita decuis-

Aeneid. 1. set, succurrit, occurrit, in mentem uenit. Vergil.

-Subijt chari genitoris imago.

Aen. 1. -Subijt deserta Creusa. Vbi nequaquā decuisset, in mentē uenit mihi de charo genitore, & de Creusa deserta. Iungitur etiā hoc

Lib. 3. uerbū cum accusatiuo: ut Curtius, Sera poenitētia subijt regem.

De uerbis ad uisionem pertinentibus. CAP. LXXXIII.

Videas, uidere licet, licet cernere: apud quosdam etiam cernere est, pro eodem accipiuntur. Vt, Itaq; uideas iustos iniustis rebus maxime dolere, imbecillibus fortes, moderatos immodestis. Licet uidere nonnullos tanta stultitia, ut uix differant à natura brutorum. Licet ora cernere iratorum, uti mutentur.

Offi. 1. Ciceronis haec exempla sunt.

De Parenthesi per Quis, & Is. CAP. LXXXIIII.

Si potuisset redimere oculos matris (qua pietate fuit) uicarios suos dedisset. id est, tanta pietate in matrem fuit. Idem Quintilianus: Hoc si scisses pater, affirmo, promitto (cuius pietatis es) nemo te antecessisset. Et alibi: Quae pietas tua est. Tri-

bus

bus enim modis utimur per relatiuū, totidē per pronomē is: Pri-
mo modo sic, ea pietas tua est. Secūdo sic, eius pietatis es. sed hoc
rarius. Tertio sic, ea pietate es. Ea pro tāta accipitur. Ideoq; &
ipso tanta uti licet eodem modo, quo & pronomine. Habet au-
tem aliquid plus talis oratio, quā si dicas, pro tua pietate.

CAP.

LXXXV.

De uerbis ad finem operis pertinentibus.

Habes quæ sentiam Brute de ratione dicendi. Hæc habui de De Amic.
amicitia, quæ dicerem. Hæc sunt quæ putauī dicenda hoc
tempore. Sunt uerba Ciceronis ad extremum materiæ à se tra-
ctatæ, quibus & ceteri autores uti solent. Vt Quintilianus: Ha- Lib. 13. in fi.
bes Marcelle Victori quibus præcepta dicendi adiuuari per nos
posse uidebantur. Et iterum: Nihil habui amplius, quod in uni-
uersum præciperem. Et iterum: Hæ serè sunt emendatæ loquen-
di, scribendiq; partes.

De nominibus quibusdā in io. CAP. LXXXVI.

Veni in opinionem, actiue accipitur, quod talem opinionem
habeo aliquando etiam passiue, quum opinio significat fā-
mam, opinio inquam, quæ de me habetur ab alijs, non quam
ipse habeo de aliquo. Sicut existimatio est opinio, atq; sententiā,
quum accipitur actiue: ut existimatio mea, id est, ita existimo.
Aliquando passiue: ut homo magnæ existimationis, id est, fame,
& nominis, quod cum homines magni existimant: ita homo ma- Lib. 10. cap. 5.
gnæ opinionis: ut Quintil. Quod accidisse etiā Portio Latroni,
qui primus clari nominis professor fuit, traditur: ut cum ei sum-
mam in scholis opinionē obtinenti causa in foro esset orāda, im-
pense petierit, uti subsellia in Basilicā transferretur. Cicero: Ser In Vatol.
monibus familiarū peruenimus etiam nos in opinionē. Venio in
suspicionem semper passiue: ut idem, Etiā si falsò P. Sextio ue-
nisses in suspicionem. id est, in suspicionē tui, non tuam. Veni in
obliuionem semper etiam passiue: ut idem, Vt si fuerint excel-
lentes uiri, certè iam uenerint in obliuionem. id est, quod ceteri

de illis obliti sint, non quòd illi de alijs, aut de se. Similiter, uenio in uituperationem. Idem quarto Verrinarum: Ut propter eum in sermonem hominum, atque in tantam uituperationem ueniret. Offensio etiam prope semper passiue accipitur. Ideoq; idem non Clodij offensiones dixit, sed offensas, suas uerò offensiones. Et alibi: In ægro corpore odiosa est omnis offensio. id est, molesta omnis passio. Vectatio quoq; huic simile est: cuius rei causa est, quòd uector quui deberet significare id quod uehit, ut naui, sequus, uehiculū, significat potius id quod uehitur, qui est homo. Cicero: Tamē & summi gubernatores in magnis tēpestatibus à uectoribus admoneri solēt. Quintil. Sic in nauim filij mei male permutatus uector imponor. Non tamen uectorē accipias pro nauta. Hinc est quòd inuenimus nōnunquā dictū, nautas & uectores. Sunt enim uectores, qui pretio in aliena nauī uehūtur. Idē Quintil. Cur infrēnatis equis uector insidet? Nōnunquam pro ei qui uehit, ut Seneca in Hercule insano: Tyriæ per undas uector Europæ nitet. Idē in Hippolyto: Pro sua uector timidus rapina. Quū de eodē tauro, eadēq; Europa loqueretur. Nā cætera ferē quæ à supinis ueniunt, tam actiue, quam passiue accipi solēt: ut accusatio Marci Tullij, actiue: accusatio Verris, passiue: donatio mariti, actiue: donatio uerò bonorū, passiue: & cætera.

De Bene & Male, cum uerbis. C A P. LXXXVII.

Male iudico, male cenſeo, male pronuncio, male opinor, male ſentio, male exiſtimo, hoc male ad meipſum reſertur, erroremq; meum declarat. Male cogito, ad alterum reſertur, ſignificatq; perniciem, non errorem: ut Cicero: Carthagini male iam diu cogitanti bellum inferatur, multo antè denuncio, de qua non antè uereri deſinam, quàm exciſam cognouero. Male cogitantem, uidelicet mala in alterum, perniciemq; cogitantem, non autem ſeiſpſam ſallentem. Item male dico tibi, male opto, male precor tibi, male, imprecor. His nonnihil ſimilia ſunt, male de te ſentio, male tu de me exiſtimas, male de illo

illo iudicamus. Non error hic sentientis, existimantis, iudicantisq; innuitur, sed uitium de quo iudicamus, existimamus, sentimus. Male quoq; audio, id est, infamior crimina mea audiens, cuius contrarium est, male dico. Sallustius in Ciceronem: Respondebo tibi, ut si quam male dicendo uoluptatem cepisti, eam male audiēdo amittas. Bene quoq; maxima ex parte huic simile est: ut, de te bene sentio, bene tibi precor, bene de te mereor.

CAP. LXXXVIII.

De Loco patris, & In locum patris, & similibus.

LOco patris, loco fratris, loco filij te habeo, non ita accipitur, quòd ubi illa antea erant, ibi tu nunc apud me sis, sed quòd in ea charitate qua illi, aut fuerunt, aut sunt, aut essent, aut esse debent: ut Chrysis Pamphilo apud Terentium loquitur: Si te in germani fratris dilexi loco. Cicero in Verrem: In parentum loco questoribus suis praetores esse oportere. Illa autem sententia in locum potius, quam in loco, requirit tale aliud quod uerbum, quale est apud Quintil. Nam quomodo pugnant ineuntibus tot simul metus laborum, dolorum, postremo mortis ipsius exciderūt, nisi in eorum locū pietas, & fortitudo, & honesti praesens imago successerint? Et talibi: Non perdidit filium quisquis occidit: explicat à dolore patrē, quòd sibi uidetur fecisse re maximam, & iuuenis in locū amissi, substituit de uanitate solatium. Ergo ita dicitur, ubi aliud erat, aliud successit. quae diuersa à superiori sententia est. Loco uoluptatis mihi est, loco turpitudinis, loco honoris: id est, uoluptuosum, turpe, honorificum. Illud autem hac in patre competit, ut dicamus, non recordari me an usquā repererim genus illud sermonis, quo Ecclesiastici passim utuntur: Ego habeo te in patrem: tu es mihi in filium: accipio te in fratrem. Dicunt enim ueteres, habeo te loco patris, tu es mihi loco filij, accipio te loco fratris: uel, habeo te pro patre, tu es mihi pro filio, accipio te pro fratre. & nonnullis alijs modis. Atque hic uidetur aliquid non utiq; tale esse, sed perinde

In Andria,
act. 1. sc. 3.

Declam. 2.

esse, ac si tale foret. Ideoq; expositiones nostræ locum habēt, ubi
 Ioan. 19. tale aliquid non est, ut dixi, sed pro tali habetur: ut in illo, Ex il-
 la hora accepit eam discipulus in suam. quod liceret dicere, ac-
 cepit eam loco matris, uel pro matre, siue pro sua: non autem ita
 in illo, quod pro uero accipi debet: Ego ero illi in patrē & ipse
 erit mihi in filium. I cuiisset ergo dicere, id est, dixissent ueteres,
 ego ero illi pater, ipse erit mihi filius: sed more Græcorum, unde
 hæc sumpta sunt, nostris ecclesiasticis ita loqui placuit. Idē ue-
 teres qui illo modo locuti nō sunt, sic tamē loquebatur: reuertor
 in patrem, tibi redij in amicum: sed hic uerbum est significans
 motum. Quintilianus: Et post exitum amici reuertor in patrem.
 Quintil. Curtius lib. v. Igitur rex arcis Babylonie Agaticen in
 præsidem esse iussit.

C A P.

L X X X I X.

De uerbis ad auctoritatem pertinentibus.

More maiōrū comparatū est, legibus ita cōparatum est, legi-
 bus ita constitutū est, ita natura comparatum est, ita natu-
 ra constitutum est, ita natura præscriptum. Hoc nobis ipsa na-
 tura præscribit, nobis natura datum est, ut periclitantes alleue-
 mus. Hoc ratio ipsa præscribit, ita uidetur ratio dictare.

De Nihil ad te, & Quid ad te.

C A P. X C.

Lib. 1. de Ora-
 tore.

Addidit etiam illud: equites non optimos misisse credo Cæ-
 sar, nihil ad tuum equitatum. id est, nihil ad comparationē
 tui equitatus. Idem Cic. Persium non curo legere: hic enim fuit,
 ut noramus, omniū ferē nostrorum hominū doctissimus: Lælium
 Decimum uolo quem cognouimus uirum bonum, & non illite-
 ratum, sed nihil ad Persium. id est, nihil ad Persij compara-
 tionem. Quale est quum subintelligitur pertinet: ut hoc quid ad
 te: hoc nihil ad te. supple pertinet: uel potius parum est: ut sit in
 comparatione Persij parum doctus, & in comparatione tui e-
 quitatus sint parum boni equites. Terentius: Est ne, ut fertur,
 forma? P. sanē. C. at nihil ad nostram hanc. Non planē nihil, sed
 parum

In Eunuchō,
 Act. 1. scē. 3.

parum potius accipiendum est.

De communione gerundij, & nominis. CAP. XCI.

Inter agendum, inter actionem, in agendo: inter cœnandum, inter cœnam, in cœna, super cœnam: inter consulendum, siue consultadum, inter consilia, siue consultationes, in consulendo, siue consultando.

Et appellant te homines sapientem. CAP. XCII.

Et appellât te homines sapientē, & existimant te malū esse, & dicūt, & sentiunt: illum & putant probum, & loquuntur: hi & habentur mali, & appellantur. Diligentia honores & gignit, & continet. Studio literæ & parantur, & conseruatur.

CAP. XCIII. & 10 d. 27.

De Memoria, & Memoriter, cum alijs uerbis.

Memoria teneo, non memoriter: pronuntio memoriter, non memoria. Cic. Memoria teneo bello Marfisco cum *Quinto Octauio*. Idem: *Quintus Mutius Augur Scauola* multa narrare de C. Lelio socero suo memoriter & iucūde solebat. Repeto memoria, & memoriter. Quintil. Si lōgior cōplectenda memoria fuerit oratio, proderit p partes ediscere. Cic. Cōplectebatur memoriter, diuidebat acutē. Quintil. Memoria repeto cōuictos à me, qui reprehendere erant ausi, quòd hoc uerbo pepigi usus essem. Terent. — Cognoscit ne? C. ac memoriter. Aliud tamen est ille ablatiuus, quàm illud aduerbium. Memoria enim quid significat, apparet. Memoriter uerò est, quod literatores nostri imperiti dicunt, corde tenuis, mente tenuis. Apud Plinium tamen ad Romanum lego: Tu facilmè iudicabis, qui tam memoriter tenes, ut cum hac conferre possis. si rectè sic scriptum est, rectè sic dici iudicabo.

De Amic. à princ.

Lib. 11. cap. 1.

Lib. 1. cap. 10.

In Bunt. act. 5. sce. 3.

Epist. 33. lib. 6.

CAP. XCIII.

De Facio tibi iniuriam: & Afficio te iniuria.

Facio tibi iniuriam: & facio tibi contumeliam. Afficio te iniuria: & afficio te contumelia. Facio tibi molestiam, non

p 3 ita

ita libenter dixerim ut, afficio te molestia.

De uerbo Impono.

CAP. XCV.

IMpono tibi hoc oneris, notū est quid significet. Impono tibi, idē quod decipio te. Quintilianus: Quid quod hoc ipsum tam placide, tam quietē facit, quasi capteret imponere? Et alibi: Fefellit te ingenitus honestus animis glorię amor, spes tibi perpetuę laudis imposuit. Vnde impostores dicuntur, qui alios uerbis magna pollicentibus, incantationibusq; seducūt, ac decipiunt. Paulus: item aleatores, & uinarios non contineri edicto, quosdam respondisse Pomponius ait: quemadmodum nec gulosos, nec impostores, aut mendaces, aut litigiosos. Vlpianus: Non tamen si incantauit, si imprecatus est, si (ut uulgari uerbo impostoris utar) exorcizauit, non sunt ista medicinę genera, tametsi sint qui hos sibi profuisse cum prædicatione affirmant.

De uerbo Spectat.

CAP. XCVI.

AD me spectat. id est, ad me pertinet. Ad mortem spectat. id est, ad mortem quasi respiciendo tendit. Cicero Officiorum libro tertio: Ad extremum si ad perniciem patrię res spectabit, patrię salutem anteponet saluti patris. Quintilianus in Paupere amatore: Et quod ad pessimum spectat euentum, miserabilis sis oportet, ut amator esse uidearis.

Declam. 15.

TERTII LIBRI FINIS.

L A V R E N T I I V A L

L A E I N Q V A R T V M L I

B R V M E L E G A N

T I A R V M

P R A E F A T I O.



C I O ego nonnullos, eorum praesertim qui sibi sanctiores, & religiosiores videntur, ausuros meum institutum hoc, laboremq; reprehendere, ut indignum Christiano homine, ubi adhortor ceteros ad librorum secularium lectionē, quorum, quod studiosior esset Hieronymus, casum se flagellis ad tribunal Dei fuisse confitetur, accusatumq; quod Ciceronianus foret, non Christianus, quasi non posset fidelis esse, & idem Tullianus. Eoq; spopondisse, & id diris execrationibus, libros seculares postea se non esse lecturum. Hoc crimē non magis ad praesens opus pertinet, quā ad meipsū, ac ceteros literatos, quorū studium, ac doctrina literarum seculariū reprehenditur. Responsdeamus igitur istorum accusationi. eosq; uicissim & quidem in praeteritum quoq; accusemus, quorū culpa nō ex minima parte Latinae literae iacturam, naufragiumq; fecerunt. Quid? aus tu nō esse legēdos (autore Hieronymo) seculares libros? Qui sunt isti quae so libri? omnes ne oratores, omnes historici, omnes poētae, omnes philosophi, omnes iurisperiti, ceteriq; scriptores an unus Cicero? Si illos dicis, ut debes dicere, cur nō ceterarū quoq; literarū studiosi abs te reprehenduntur, cum quibus me aut dammare debes, aut absolucere? Sin ita non sentis, & solum Ciceronē reum facis, uide ne stultum Hieronymum uideri uelis, qui neminem secularium promisit se lecturum, quum de Cicerone tantum promittere deberet. At non quid ille promiserit, inquis, est inueniendum, sed quid accusatus sit. Fuit autem accusatus, quod esset Ciceronianus. Ita ne? missum ergo faciamus Ciceronem, re-

linguamus, abijciamus. Quid de alijs autoribus senties? Quid de tot disciplinis? certè omnes seculares sunt, atque adeò gentiles. id est, non à Christianis, nec de Christiana religione conscriptæ. Si legēdas ais, tibijspsi repugnabis, qui mihi harum obijcis lectionem. Si negas, etiam atq; etiam considera, ne seculariū disciplinarum familiæ in te impetum faciant, teq; omnes (nemine auxilium ferente) discerpāt. Minime, inquis, ita est. Sed quum Hieronymus quod Ciceronianus est, reprehenditur, id reprehēditur, quod studiosus eloquentiæ esset. Ideoq; damnati, & repulsi intelliguntur, qui comparandæ eloquentiæ gratia lætitantur. Iam uideo times inuidiam, sed serò times, & in eodem hæsitas luto, si tantum eloquentes excludis. Cur modò in uniuersum mihi uctabas (ut sæpe facere soles) legendos secularium libros? ut postea accusationem temperasti, & de eloquentibus duntaxat intelligis. Ita sit: Erraueris sanè, do ueniam imperitiæ, parco cupiditati feriendi, licet laceßitus. Cur tamen ab Hieronymo dissides, qui seculares, non autem eloquentes, se nolle tangere promisit? Cur tu neq; cum iudice illo unum Ciceronem intelligis, neq; cum Hieronymo uniuersos seculares? Quid sibi uult ista anceps, uacillansq; sententiæ? quanquam (dij boni) nihil ne in illis libris, nisi eloquentia est? non memoria temporum, gentiūq; historie, sine quibus nemo non puer est? non multa ad mores pertinentia? non omnium disciplinarum tractatio? Nunquid hæc omnia negligam, ne fortè dum talia discere uolo, eloquentiā discam, & uenenum bibam hoc uino dilutum, malimq; aquam, & quidem cœnosam potare, quàm cum hoc timore Falerna dulcissimas? Porro quinam sunt isti libri, in quibus uenena eloquentiæ occultantur? Certè nullos ego scio non eloquentes nisi tuos, tuorumq; simulum, quibus nec robur ullum adest, nec splendor: contraq; ceterorum opera pro sua unum quodq; portione miram quandam præ se ferunt bene dicendi elegātiā. Ita aut eloquentes, aut nulli libri legendi erunt. An ex his duobus, de quibus

bus Hieronymus meminit, aut ille Græcus infacundus fuit, aut noster Latinus ulli duntaxat Latinorū in philosophia secundus? quorum uterq; nescias præstantior sit philosophus, an orator. Quod si omnes libri ueterum ita sunt eloquentes, ut uel plurimum sapientiæ, ita tradentes sapientiam, ut uel plurimū eloquentiæ habeant: quinā isti erunt, quos ob eloquentiam damnandos putemus? Atque quum eos duos lectitasse se Hieronymus fateatur, uide ne non tam de Oratorijs Ciceronis operibus, quàm de philosophicis dictum existimare debeas. Ego certè de Philosophicis dictum accipio, ubi soli philosophi nominantur: quodq; Platonius esset, nō ideo non obiectū, quasi sanctè faceret Platonē legens, sed tantū Ciceronianus, quod homo Latinus magis Ciceronis stylum cupiebat exprimere, stylum inquam, quali ille utebatur in questionibus philosophiæ, non quali in forensibus causis, concionibus uel, aut in senatu. Non enim orator causarū ciuiliū Hieronymus, sed scriptor sanctarum disputationū studebat euadere. Cur non ergo credamus, non minus Platonē nouisse ei, quàm Ciceronem? cur non magis philosophos, quàm oratores? At ornatus ipse dicendi reprehensus est, non scientia. Si ita est, omnes ad unum reprehenduntur: quis enim caret ornatus? in quo tu intolerabili calumnia uteris, quum non sit facta mentio de ornatu in illa accusatione, sed quod tantum Ciceronianus esset. Nunquid tantum in Cicerone ornatus? non ne et philosophia? non ceteræ artes? non, (ut dixi) in Platone facundia? non in ceteris? cur non omnes pariter exterminamus? cur nō potius Ciceronis philosophia nocuisse putanda Hieronymo est, quàm ars dicendi? Nolo hoc in loco cōparationē facere inter philosophiā, et eloquentiā, utra magis obesse possit, de quo multi dixerūt, ostendētes philosophiā cum religione Christiana uix coherere, omnesq; hæreses ex philosophiæ fontibus profluxisse: rhetorica uerò nihil habere nisi laudabile, ut inuenias, ut disponas, quasi ossa et neruos orationi des: ut ornes, hoc est, ut

carnem, coloremq; inducas : postremò ut memorie mandes, decenterq; pronunties: hoc est, ut illi spiritum, actionemq; tribuas. Hac ego cuiquà nocere posse credam? nisi ei qui cetera negligat, & praesertim ueram sapientiam, atq; uirtutes, quod Hieronymus non faciebat. Hanc ego artem obfuturam putem? pro: ètò non magis quam pingendi, fingendi, calandi, & (ut de liberalibus dicam) quam musices artem. Et si ex his qui bene canunt, bene pingunt, bene fingunt, ceterisq; artibus multum usus atq; ornamenti diuinus accedit rebus, ut prope ad hanc rem natæ esse uideantur: profic ètò multò plus accedet ex eloquentibus. Quare non fuit illa accusatio quòd Ciceronianus esset Hieronymus: sed quòd non Christianus, qualem se falsò esse predicauerat, quū literas sacras despiceret. Non studium huius artis, sed nimium studium, siue huius artis, siue alterius, ita ut locus melioribus non relinquatur, reprehensum. Non ceteri, sed solus Hieronymus accusatus est: alioqui ceteri simili castigatione correpti fuissent. Neque enim una omnibus medicina conuenit, & alios aliud decet. Neque semper, & ubique idem aut permittitur, aut uetatur: neque ille hoc alijs uetare ausus est ne facerent: contraq; plurimos laudauit tum superiorum, tum suorum temporum eloquentes. Verum quid multis agimus? Quid Hieronymo ipso eloquentius? quid magis oratorium? quid (licet ille saepe dissimulare uelit) bene dicendi solicius, studiosius, obseruantius? Quid? quod ne dissimulabat quidem (nam obijciente sibi hoc somnium Rufino, hominem deridet) planeq; fàtetur se lectitare opera gentilium, & lectitare debere. Idq; cum in alijs multis locis (quanquàm etiam sine confessione palàm est) tum uerò epistola illa ad magnum Oratorem. I nunc, & uerere, ne aliena accusatio tibi obsit, quum illi non obfuerit sua: & non audeas facere, quod ille rescissa pactione facere nō timuit. Tametsi non desunt, qui credant eum puerili ætate illa percepisse, semperq; postea memoria tenuisse. O ridiculos homi-

nes,

nes, & omnis doctrina imperitos, qui opinentur eum tantam rerum copiam, ac scientiam, qua nulli Christianorum cedit, aut tam citò potuisse discere, aut tandu non potuisse dediscere, quàm & rarissimi reperiantur, qui centesimam partem scientiæ illius assequi possint, & non minore labore (ut antiquitus dictu est). hæc facultas retineatur, quàm paretur. Et tamen quantulum interest inter furari, & furtum non reddere? Quid prodest alijs, furtum prohibere, ne furentur, si tu furto tuo palam potiris? Si non debemus discere eloquentiam, nec uti certè, si didicimus. Quid quòd libros gentiliū saepe in testimoniū assumit? quos si nō licet legere, minus profectò legēdos exhibere: & si nos dehortaretur à lectione gentiliū (quod non facit) magis intuendū putarem, quid ipse ageret, quam quid agendum alijs diceret: ueruntamen semper ipse idem dixit, & fecit. Nam postquàm teneram illam ætatem saluberrimo sacrarum scripturarum alimento pavit, ac in ea quam despectam habuerat, scientia sibi uires fecit, iamq; extra periculum positus, ad lectionem gentiliū redijt, siue ut illinc eloquētiā mutuaretur, siue ut illorum bene dicta probans, male dicta reprehenderet: quod ceteri omnes Latini, Græciq; fecerunt, Hilarius, Ambrosius, Augustinus, Lactantius, Basilus, Gregorius, Chrysostomus, aliq; plurimi, qui in omni ætate pretiosas illas diuini eloquij gemmas, auro argentoq; eloquentiæ uestierunt, neq; alteram propter alteram scientiam reliquerunt. Ac mea quidem sententia, si quis ad scribendum in theologia accedat, parui refert an aliquam aliam facultatem afferat an non: nihil enim ferè cetera conferunt: At qui ignarus eloquētiæ est, hūc indignū prorsus qui de theologia loquatur, existimo. Et certè soli eloquētes, quales ij quos enumeravi, colūne ecclesiæ sunt, etiam ut ab apostolis usq; repetas, inter quos mihi Paulus nulla alia re eminere, quàm eloquentia uidetur. Vides igitur ut in contrarium res ipsa recidit. Non modò non reprehendendum est studere eloquentiæ, uerum etiam reprehendendū,

dendum, non studere. Et ego sic ago, tanquam eloquentiæ cōtra calumniantes patrocinium præstem, quod est maius proposito meo. Non enim de hac, sed de elegantia linguæ Latinæ scribimus, ex qua tamen gradus fit ad ipsam eloquentiā. Verum si quis eloquens non sit, ita demum nō erit castigandus, si talis non potuit euadere, nō si hunc laborem effugit. Qui uerò eleganter loqui nescit, & cogitationes suis literis mādāt, in theologia præsertim, impudentissimus est, & si id consultò facere se ait, insanissimus: quanquam nemo est qui nolit eleganter, & facundè dicere: quod quum ipsis nō contingit, uideri uolunt (ut sunt peruersi) nolle, aut certè non debere sic dicere. Ideoq; aiunt gentiles hoc modò locutos esse, non decere eodem loqui Christianos: quasi illi, quos nominaui, more istorum locuti sint, & non more Ciceronis, cæterorumq; gentilium: qui qualiter loquatur nec cognitum isti, nec expertum habent: non lingua gentilium, non grammatica, non rhetorica, non dialectica, cæteraq; artes damndæ sunt (siquidem apostoli lingua Græca scripserunt) sed dogmata, sed religiones, sed falsæ opiniones de actione uirtutum, per quas in cœlum scandimus. Cætera autem scientiæ, atque artes in medio sunt positiæ, quibus & bene uti possis, & male. Quapropter conemur obsecro eò peruenire, aut saltem proximè, quò luminaria illa nostræ religionis peruenerunt. Vides quàm mirabili ornamento uestes Aaron distinguantur, quàm arca fœderis, quàm templum Salomonis: per hoc mihi significari eloquentia uidetur, quæ (ut ait nobilis tragicus) regina rerum est, & perfectæ sapientia. Itaque alij ornant domos priuatas, hi sunt qui student iuri ciuili, canonico, medicinæ, philosophiæ, nihil ad rem diuinam conferentes: nos ornemus domum Dei, ut in eam ingredienti non ex situ ad contemptū, sed ex maiestate loci ad religionē cōcitentur. Non possum me cōtinere, quò minus, quod sentio, dicā. Veteres illi theologi uidētur mihi uelut apes quædā in lōginqua etiā pascua uolitantes,

Euripides in
Hecuba.

tes, dulcissima mella, cerasq; miro artificio cōdidisse: recētes uerò formicis simulimī, quæ ex proximo sublata furto grana, in latibulis suis abscondūt. At ego (quod ad me attinet) nō modò malim apes, quā formica esse, sed etiam sub rege apium militare, quā formicarū exercitū ducere. Quæ probatū iri bonæ mētis iuuenibus (nā senes desperādi sunt) cōfidimus. Nūc ad inceptū redeo: quāquam ea quæ sequūtur, à superioribus nōnihil differāt. Tractabimus enim de uerborū significatione, neque de omnibus uocabulis, sed quasi gustū quendā, & eorū maxime, quæ ab alijs tractata non sunt: nam de omnibus dicere propè infinitum est.

De Libertinus, & Libertus.

CAP. I.



LIBERTINVS, & libertus sola elegātie gratia habent differētiā, quam nec grammatici, nec iurisperiti (quod maxime pudēdū est) sciunt, quā ne eorum quidem aliquem, qui his temporibus merita bene scribēdi laude celebrātur, inueni scientem: quod nolim uideri contumeliosè dictum, sed necessariò potius, atque honestè. Vereor enim ne per facilitatem, qua semper candidè quæcunque studio inuestigassē, cum amicis cōmunicauī, amici ipsi (si modò tales amici dicendi sunt) laudē mihi præripiant: quod crimē longè à me semper abfuit. Et ex oībus quæ in hoc opere præcipimus, profiteor nihil omnino ex aliquo huius ætatis uel audiuisse, uel legisse. Itaq; sic mihi meā ab alijs gloriā præripi molestè fero, ut illorū à me præripi nefas puto. Nemo autē literatorum erit, quorū paucissimi mihi familiares nō sunt, qui se hoc antea ignorasse, & à me uel uerbo, uel scriptis didicisse neget. Igitur libertinus relatiuū est ingenui, libertus relatiuū est patroni: licet unus, idemq; sit et libertinus, & libertus. Per libertinū significamus conditionē hominis, sicut per ingenuū: per libertū significamus priuatū quēdā respectū, sicut per patronū. Ideoq; libertinus adiectiuū est, sicut ingenuus

Lib. 1. Institut.
de liber. i prin.
Eod. lib. tit. de
inge. in pria.

ingenuus: eoq; nō fit à libertina libertinabus, ut à liberta libertabus. Libertus substantiuū, sicut patrōus. Illudq; solemus definire, hoc nō solemus: ut in iure ciuili, Libertini sūt, qui iusta seruitute manumissi sunt. Quemadmodū ē contrariio, Ingenui sunt, qui libera matre nati, nec postea serui facti sunt. Significatur enim (ut dixi) conditio hominis per ingenuum, & libertinum: ut libertinus homo, libertina mulier, libertinae conditionis: non autem libertus homo, liberta mulier, libertae conditionis. Hæc enim priuatum quendam significat respectum, ad patrōnū, patrōnam uel relata: id est, ad eum, eam uel, qui antea dominus, aut quæ domina huius fuit, quū seruus, ancilla uel esset: ut, libertus Cæsaris, libertus Messalinæ, liberta Claudij, liberta Agrippinæ: non autē, libertinus Cæsaris, aut libertina. Ideoq; interrogamus, hic ingenuus est, an libertinus? non autem an libertus: & quum responsum est libertinus, interrogamus, cuius libertus? non autem cuius libertinus. Respōdeturq; est libertus meus, aut tuus, aut illius, aut Catonis, aut nullius. Atque libertus sine patrōno, patrōnā uel non est, libertinus esse potest, quamuis necesse est eum aliquando habuisse: quo factum est, ut dicamus colliberti, collibertaq; quemadmodum conserui, conseruæ, quod ij plures sub umbra unius patrōni sint, sicut illi sub imperio unius domini: nō autem collibertini, aut coingenui: ad nullam enim alteram priuatam personam plures horam referri possunt, nec alij ab alijs distinguuntur. Colliberti à collibertis diuisi sunt, ut mei à tuis, & conserui à conseruis, quemadmodum conciuues mei à conciuibus tuis, qui alterius ciuitatis es: condiscipuli mei à tuis: comilitones mei à tuis, qui sub alio uel præceptore, uel duce es. Libertinis uerò, atq; ingenuis hoc non contingit, quum non magis nexus mihi sit cum ingenuis meæ urbis, & tibi cum libertinis tuæ urbis, quàm cū alijs quibusuis. Ideoq; nō dicuntur coingenui, et collibertini. Et libertus, collibertusq; esse aliquādo quis desinit, libertinus esse nō desinit. Denique licet poteramus altero

altero horum non unum esse contenti, tamen distinguere ueteribus placuit priuatum respectum à publico. Et ideo libertinitas dicimus, non libertitas. Ex seruo tamen, non quòd ad priuatũ do-
 num refertur, fit seruitus, sed quòd ad publicum: dicimus enim non modò seruus tuus, seruus meus: sed etiam sine respectu pa-
 troni, ut hic seruus, & homo seruus, quod in liberto non fit. Cæ-
 terum cogitanti mihi unde factum sit, ut in tanta exemplorum
 copia elegantiam hanc accuratissime custodientium, tamen tot
 hominum milia nunquam annotauerint: hoc existimo causæ fue-
 risse, quòd frequenter inuenirent siue mentione patroni, libertũ
 nominari, quo falli sopitæ negligentiæ fuit. Si enim nõnunquam
 reperiabant liberto non apponi patronum, tamen reperiabant
 libertino nunquam apponi, quanquam semper adheret liberto
 patronus uel nominatim, uel subintelligendo, ut in multis fit:
 quale est, uendidi patrimonium, suppletur meũ: collocasti filiã,
 suppletur tuam: publicauit opus, suppletur suum. Ita hoc loco,
 quale apud Quintilianum. Licet nihilominus amicum grauem Lib. 1. cap. 31
 uirum, aut fidelem libertum lateri filij sui adiungere, uidelicet
 suum. Cicero pro Sextio, quum ait: Quintum fratrem auxilio
 seruorum, libertorumq; ereptum à ferro Clodianorũ. non genus
 seruale, libertinumq; nec cuiuscũq; seruos, liberosq; significat,
 sed suos ipsius. Quid attinet plura ex iure ciuili exempla repe-
 tere, quum etiam sint distincti tituli de libertis, & libertinis?
 Quam differentiam qui ignorat (omnes autem legulei ignorãt)
 plurima, & capitalia in ipso iure ciuili peccata committit. Ser-
 uius grammaticus (si codex est fidelis) pro libertino posuit li-
 bertum in octauo Aeneid. Feronia, Nympha Campaniæ, quam
 etiam suprã diximus. Hæc etiam libertorum dea est, in cuius
 templo raso capite pileum accipiebant. Adijciam quod ait Sue-
 tonius in uita Claudij, in ipsum Claudium: Ignarus temporibus
 Appij, & deinceps aliquandiu, libertinos dictos non ipsos qui
 manumitterentur, sed ingenuos ex his procreatos.

Ser. in illud
 Verg. 8. Aen.
 Nasceti cui treis
 animas Foro-
 nia mater, &c.

Cap. 24.

Inter

Inter Accessus, & Accessio: Actus, & Actio: Gestus,
& Gestio, quid intersit. CAP. II.

Accessus, & accessio differunt. Siquidem accessus est aditio, siue appropinquatio: accessio autem adiectio, atq; incrementum. Quae differentia rara est in cōsimilibus nominibus. Satus enim, & satio idem sunt: cultus, & cultio: motus, & motio: actus, & actio (nisi quod dicimus actionem causarum, nō actū: & actum comcediarum, nō actionem) cursus, & cursio: abusus, & abusio. Gestus quoq; & gestio non parum differunt. Nam gestus est actio quaedam, & quasi pronuntiatio corporis: gestio uerò est administratio, & actio: quamuis parum in usu est. Haec autem duo de quibus dicere institueram, ideo differunt, quod uerbum unde descendunt, dupliciter & regit, & significat: ut,

Terent. in Eun. 2. act. 1. sce. 2. Accede ad ignem hunc. id est, adi, atq; appropinqua. Et, hoc calamitatibus meis pondus accessit: uel, ad calamitates meas. id est, adiunctum est, & increuit. A prima significatione nascitur accessus, cuius contrarium est recessus. A secunda, accessio: ut Cicero, Accessionem adiunxit adibus. id est, adiectionē, & incrementum. Prater usum tamē superiorum Macrobius in cōmentarijs naturalibus dixit: Aut enim accessio, aut in leuam dextram uel reflexio, aut sursum quis, aut deorsum mouetur, aut in orbem rotatur. Et iterum: Has solis portas physici uocauerunt, quia in utraque obuiante solstitio ulterius solis inhibetur accessio. Accessus ipse dixissem potius, Ciceronē imitatus, qui tertio de Oratore libro ita ait: Ut luna accessu, & recessu suo solis lumē accipiat. Nam quod febris accessio saepe legitur, ego pro incremento accipio, nō pro accessu: alioqui aliquādo legeremus accessus febris, si idem esset, quod nunquam fit. Plinius lib. x x i i i. Sed id dandum quidam non nisi in accessione censent, alij in remissione: illi ut sudorem coërceant, hi quia tutius putant, & c. Accessionē, remissionemq; pro contrarijs posuit: & si remissio imminutionem significat, profectò accessio significat incrementū.

Quia

Quia dixi nomina in us, & in io à supinis profecta ferè eiusdem significationis esse, hoc exceptionis addo, quòd ea, quæ positio- nem habent in io, latius significare solent, nec actionem modò, sed rem etiam, ac corpus: ut, aratio, possessio, sessio. Cicer. in Phi- Philipp. 3.
lippic. Hæ quondam arationes Cāpani, & Leontini agri in po- puli Romani patrimonio glandifera, & fructuosæ ferebātur. id est, agri ad arandum idonei. Idem in eisdem: Quid possessiones Lib. 1.
datas, quid ereptas proferam? Idem de Oratore: Tot locis ses- siones gymnasiolorum. id est, tot sedilia. Ea tamen, quæ sunt in us, pro personis accipi solent. Conuentus non est cōuentio, sed ho- mines, qui unum in locum conuenerunt. Confessus non est con- sessio, sed homines uno in loco confidentes.

Observatio, & Obseruantia.

CAP. III.

Observatio, & obseruantia simili quodam modo, ut acces- sus, & accessio differunt. Obseruo nanque duo significat: unum est quod custodio aliquid oculis, animoq; in modum spe- culatoris, ne nos silentio, tacitoq; prætereat: ut obserua transe- untes. Obserua filium, quid agat, quid cum illo consilij captet. quasi custodi, & adnota. Et hinc fit observatio, quasi annota- Teret. in And.
act. 1. scæ. 1.
tio, & animaduersio. Item obseruo non speculantis modo, sed admirantis, uenerantisq; & id tantum in homines, non in res, quoties quem uel uirtute, uel dignitate suspicimus, & colimus: unde fit obseruātia, quæ est ueneratio quedam, & honoris ex- hibitio. Quare melius obseruationem, quàm obseruantiam hi, qui nominantur fratres, suum institutum nominarent.

Potus, & Potio.

CAP. IIII.

Potus, & potio non differunt nisi ob huiusmodi causam. Potus enim uini, aqua simuliumq; dicitur. Potio uerò à me- dicis datur ægrotanti, quod Græcè dicitur φάρμακον. Nonnun- quam tamē potio, pro potus accipitur. Seneca de tranquillitate: Aliquando uestatio, iterq; & mutata regio uigorem dabunt, conuictusq; & liberalior potio. Cicer. in Tusculan. Quid quòd

esse, ac si tale foret. Ideoq; expositiones nostræ locum habēt, ubi
 Ioan. 19. tale aliquid non est, ut dixi, sed pro tali habetur: ut in illo, Ex il-
 la hora accepit eam discipulus in suam. quod liceret dicere, ac-
 cepit eam loco matris, uel pro matre, siue pro sua: non autem ita
 in illo, quod pro uero accipi debet: Ego ero illi in patrē & ipse
 erit mihi in filium. I cuiisset ergo dicere, id est, dixissent ueteres,
 ego ero illi pater, ipse erit mihi filius: sed more Grecorum, unde
 hæc sumpta sunt, nostris ecclesiasticis ita loqui placuit. Idē ue-
 teres qui illo modo locuti nō sunt, sic tamē loquebātur: reuertor
 in patrem, tibi redij in amicum: sed hīc uerbum est significans
 motum. Quintilianus: Et post exitum amici reuertor in patrem.
 Quintil. Curtius lib. v. Igitur rex arcis Babylonie Agaticen in
 præsidem esse iussit.

CAP.

LXXXIX.

De uerbis ad auctoritatem pertinentibus.

MOre maiorū comparatū est, legibus ita cōparatum est, legi-
 bus ita constitutū est, ita natura comparatum est, ita natu-
 ra constitutum est, ita natura præscriptum. Hoc nobis ipsa na-
 tura præscribit, nobis natura datum est, ut periclitantes alleue-
 mus. Hoc ratio ipsa præscribit, ita uidetur ratio dictare.

De Nihil ad te, & Quid ad te.

CAP. XC.

Addidit etiam illud: equites non optimos misisse credo Cæ-
 sar, nihil ad tuum equitatum. id est, nihil ad comparationē
 tui equitatus. Idem Cic. Persium non curo legere: hic enim fuit,
 ut noramus, omnū ferē nostrorum hominū doctissimus: L. Iulium
 Decimum uolo quem cognouimus uirum bonum, & non illite-
 ratum, sed nihil ad Persium. id est, nihil ad Persij compara-
 tionem. Quale est quum subintelligitur pertinet: ut hoc quid ad
 te: hoc nihil ad te. supple pertinet: uel potius parum est: ut sit in
 comparatione Persij parum doctus, & in comparatione tui e-
 quitatus sint parum boni equites. Terentius: Est ne, ut fertur,
 forma: P. sanē. C. at nihil ad nostram hanc. Non planē nihil, sed
 parum

Lib. 1. de Ora-
 tore.

In Eunuchis,
 Act. 1. sc. 3.

parum potius accipiendum est.

De communione gerundij, & nominis. CAP. XCI.

INter agendum, inter actionem, in agendo: inter cœnandum, inter cœnam, in cœna, super cœnam: inter consulendum, siue consultandum, inter consilia, siue consultationes, in consulendo, siue consultando.

Et appellant te homines sapientem. CAP. XCII.

ET appellât te homines sapientē, & existimant te malū esse, & dicūt, & sentiunt: illum & putant probum, & loquuntur: hi & habentur mali, & appellantur. Diligentia honores & gignit, & continet. Studio literæ & parantur, & conseruâtur.

CAP. XCIII. Et 10. 2. 2.

De Memoria, & Memoriter, cum alijs uerbis.

MEMORIA teneo, non memoriter: pronuntio memoriter, non memoria. Cic. Memoria teneo bello Marsico cum Quinto Octauio. Idem: Quintus Mutius Augur Scauola multa narrare de C. Lelio socero suo memoriter & iucunde solebat. Repeto memoria, & memoriter. Quintil. Si longior cōplectenda memoria fuerit oratio, proderit p partes ediscere. Cic. Cōplectebatur memoriter, diuidebat acutē. Quintil. Memoria repeto cōuictos à me, qui reprehendere erant ausi, quod hoc uerbo pepigi usus essem. Terent. — Cognoscit ne? C. ac memoriter. Aliud tamen est ille ablatiuus, quàm illud aduerbium. Memoria enim quid significat, apparet. Memoriter uerò est, quod literatores nostri im- periti dicunt, corde tenus, mente tenus. Apud Plinium tamen ad Romanum lego: Tu facilmè iudicabis, qui tam memoriter tenes, ut cum hac conferre possis. si rectè sic scriptum est, rectè sic dici iudicabo.

De Amic. 2
princ.

Lib. 1. cap. 1.

Lib. 1. cap. 10.

In Eunu. act. 5.
sc. 3.

Epist. 33. lib. 6.

CAP.

XCIII.

De Facio tibi iniuriam: & Afficio te iniuria.

FACIO tibi iniuriam: & facio tibi contumeliam. Afficio te iniuria: & afficio te contumelia. Facio tibi molestiam, non

ita libenter dixerim ut, afficio te molestia.

De uerbo Impono.

C A P. X C V.

Impono tibi hoc oneris, notū est quid significet. Impono tibi, idē quod decipio te. Quintilianus: Quid quod hoc ipsum tam placidē, tam quietē facit, quasi capter imponere? Et alibi: Fecit te ingenitus honestus animis gloriæ amor, spes tibi perpetuæ laudis imposuit. Vnde impostores dicuntur, qui alios uerbis magna pollicentibus, incantationibusq; seducūt, ac decipiunt. Paulus: Item aleatores, & uinarios non contineri edicto, quosdam respondisse Pomponius ait: quemadmodum nec gulosos, nec impostores, aut mendaces, aut litigiosos. Vlpianus: Non tamen si incantauit, si imprecatus est, si (ut uulgari uerbo impostoris utar) exorcizauit, non sunt ista medicinæ genera, tametsi sint qui hos sibi profuisse cum prædicatione affirmant.

De uerbo Spectat.

C A P. X C V I.

Ad me spectat. id est, ad me pertinet. Ad mortem spectat. id est, ad mortem quasi respiciendo tendit. Cicero Officiorum libro tertio: Ad extremum si ad perniciem patriæ res spectat

Declam. 15.

bit, patriæ salutem anteponet saluti patris. Quinti-

lianus in Paupere amatore: Et quod ad pes-

simum spectat euentum, miserabilis sis

oportet, ut amator

esse uidearis.

T E R T I I L I B R I F I N I S.

LAURENTII VAL-

LAE IN QVARTVM LI-

BRVM ELEGAN-

TIARVM

PRAEFATIO.



CIO ego nonnullos, eorum praesertim qui sibi sanctiores, et religiosiores videntur, ausuros meum institutum hoc, laboremque reprehendere, ut indignum Christiano homine, ubi adhortor ceteros ad librorum secularium lectione, quorum, quod studiosior esset Hieronymus, casum se flagellis ad tribunal Dei fuisse confitetur, accusatumque; quod Ciceronianus foret, non Christianus, quasi non posset fidelis esse, et idem Tullianus. Eoque; spondidisse, et id diris execrationibus, libros seculares postea se non esse lecturum. Hoc crimine non magis ad praesens opus pertinet, quam ad meipsum, ac ceteros literatos, quorum studium, ac doctrina literarum secularium reprehenditur. Respondemus igitur istorum accusationi. eosque; vicissim et quidem in praeteritum quoque; accusamus, quorum culpa non ex minima parte Latinae litterae iacturam, naufragiumque; fecerunt. Quid? ais tu non esse legedos (autore Hieronymo) seculares libros? Qui sunt isti quae?o libri? omnes ne oratores, omnes historici, omnes poetae, omnes philosophi, omnes iurisperiti, ceterique; scriptores? an unus Cicero? Si illos dicis, ut debes dicere, cur non ceterarum quoque; literarum studiosi abs te reprehenduntur, cum quibus me aut dammare debes, aut absolucere? Sin ita non sentis, et solum Cicerone reum facis, uide ne stultum Hieronymum uideri uelis, qui neminem secularium promisit se lecturum, quum de Cicerone tantum promittere deberet. At non quid ille promiscrit, inquis, est inueniendum, sed quid accusatus sit. Fuit autem accusatus, quod esset Ciceronianus. Ita ne? missum ergo faciamus Ciceronem, re-

linquamus, abijciamus. Quid de alijs autoribus senties? Quid de tot disciplinis? certè omnes seculares sunt, atque adeò gentiles. id est, non à Christianis, nec de Christiana religione conscriptæ. Si legèdas ais, tibi ipsi repugnabis, qui mihi harum obijcis lectionem. Si negas, etiam atq; etiam considera, ne secularium disciplinarum familie in te impetum faciant, teq; omnes (nemine auxilium ferente) discerpāt. Minime, inquis, ita est. Sed quum Hieronymus quòd Ciceronianus est, reprehenditur, id reprehèditur, quòd studiosus eloquentiæ esset. Ideoq; damnati, & repulsi intelliguntur, qui comparandæ eloquentiæ gratia lectitantur. Iam uideo times inuidiam, sed serò times, & in eodem hæsitatio luto, si tantum eloquentes excludis. Cur modò in uniuersum mihi uetabas (ut sæpe facere soles) legendos secularium libros? at postea accusationem temperasti, & de eloquentibus duntaxat intelligis. Ita sit: Erraueris sanè, do ueniam imperitiæ, parco cupiditati ferendi, licet laceßitus. Cur tamen ab Hieronymo dissides, qui seculares, non autem eloquentes, se nolle tangere promisit? Cur tu neq; cum iudice illo unum Ciceronem intelligis, neq; cum Hieronymo uniuersos seculares? Quid sibi uult ista anceps, uacillansq; sententia? quanquam (dij boni) nihil ne in illis libris, nisi eloquentia est? non memoria temporum, gentiumq; historie, sine quibus nemo non puer est? non multa ad mores pertinentia? non omnium disciplinarum tractatio? Nunquid hæc omnia negligam, ne fortè dum talia discere uolo, eloquentiā discam, & uenenum bibam hoc uino dilutum, malimq; aquam, & quidem cœnosam potare, quàm cum hoc timore Falerna dulcissimam? Porro quinam sunt isti libri, in quibus uenena eloquentiæ occultantur? Certè nullos ego scio non eloquentes nisi tuos, tuorumq; simulum, quibus nec robur ullum adest, nec splendor: contraq; cæterorum opera pro sua unum quodq; portione miram quandam præ se ferunt bene dicendi elegantiā. Ita aut eloquentes, aut nulli libri legendi erunt. An ex his duobus, de quibus

bus Hieronymus meminit, aut ille Græcus infacundus fuit, aut noster Latinus ulli duntaxat Latinorū in philosophia secundus? quorum uterq; nescias præstantior sit philosophus, an orator. Quod si omnes libri ueterum ita sunt eloquentes, ut uel plurimum sapientiæ, ita tradentes sapientiam, ut uel plurimū eloquentiæ habeant: quinā isti erunt, quos ob eloquentiam damnandos putemus? Atque quum eos duos lectitasse se Hieronymus fateatur, uide ne non tam de Oratorijs Ciceronis operibus, quàm de philosophicis dictum existimare debeas. Ego certè de Philosophicis dictum accipio, ubi soli philosophi nominantur: quodq; Platonius esset, nō ideo non obiectū, quasi sanctè faceret Platonē legens, sed tantū Ciceronianus, quod homo Latinus magis Ciceronis stylum cupiebat exprimere, stylum inquam, quali ille utebatur in questionibus philosophiæ, non quali in forensibus causis, concionibus uel, aut in senatu. Non enim orator causarū ciuiliū Hieronymus, sed scriptor sanctarum disputationū studebat euadere. Cur non ergo credamus, non minus Platonē nouisse ei, quàm Ciceronem? cur non magis philosophos, quàm oratores? At ornatus ipse dicendi reprehensus est, non scientia. Si ita est, omnes ad unum reprehendūtur: quis enim caret ornatu? in quo tu intolerabili calumnia uteris, quum non sit facta mentio de ornatu in illa accusatione, sed quod tantum Ciceronianus esset. Nunquid tantum in Cicerone ornatus? non ne et philosophia? non ceteræ artes? non, (ut dixi) in Platone facundia? non in ceteris? cur non omnes pariter exterminamus? cur nō potius Ciceronis philosophia nocuisse putanda Hieronymo est, quàm ars dicēdi? Nolo hoc in loco cōparationē facere inter philosophiā, et eloquentiā, utra magis obesse possit, de quo multi dixerūt, ostendētes philosophiā cum religione Christiana uix coherere, omnesq; hæreses ex philosophiæ fontibus profluxisse: rhetorica uerò nihil habere nisi laudabile, ut inuenias, ut disponas, quasi ossa et neruos orationi des: ut ornes, hoc est, ut

carnem, coloremq; inducas : postremo ut memoria mandes, decenterq; pronunties: hoc est, ut illi spiritum, actionemq; tribuas. Hæc ego cuiquā nocere posse credam? nisi ei qui cætera negligat, & præsertim ueram sapientiam, atq; uirtutes, quod Hieronymus non faciebat. Hanc ego artem obfuturam putem? profecto non magis quam pingendi, fingendi, celandi, & (ut de liberalibus dicam) quam musices artem. Et si ex his qui bene canunt, bene pingunt, bene fingunt, cæterisq; artibus multum usus atq; ornamenti diuinus accedit rebus, ut prope ad hæc rem natæ esse uideantur: profecto multo plus accedet ex eloquentibus. Quare non fuit illa accusatio quod Ciceronianus esset Hieronymus: sed quod non Christianus, qualem se falso esse prædicauerat, quā literas sacras despiceret. Non studium huius artis, sed nimium studium, siue huius artis, siue alterius, ita ut locus melioribus non relinquatur, reprehensum. Non cæteri, sed solus Hieronymus accusatus est: alioqui cæteri simili castigatione correpti fuissent. Neque enim una omnibus medicina conuenit, & alios aliud decet. Neque semper, & ubique idem aut permutitur, aut uetatur: neque ille hoc alijs uetare ausus est ne facerent: contraq; plurimos laudauit tum superiorum, tum suorum temporum eloquentes. Verum quid multis agimus? Quid Hieronymo ipso eloquentius? quid magis oratorium? quid (licet ille sæpe dissimulare uelit) bene dicendi sollicitius, studiosius, obseruantius? Quid? quod ne dissimulabat quidem (nam obijciente sibi hoc somnium Rufino, hominem deridet) planeq; fatetur se lectitare opera gentilium, & lectitare debere. Idq; cum in alijs multis locis (quanquam etiam sine confessione palam est) tum uerò epistola illa ad magnum Oratorem. I nunc, & uerere, ne aliena accusatio tibi obsit, quum illi non obfuerit sua: & non audeas facere, quod ille rescissa pactione facere nō timuit. Tametsi non desunt, qui credant eum puerili ætate illa percepisse, semperq; postea memoria tenuisse. O ridiculos homi-

nes,

nes, & omnis doctrinæ imperitos, qui opinentur eum tantam rerum copiam, ac scientiam, qua nulli Christianorum cedit, aut tam citò potuisse discere, aut tandiu non potuisse dediscere, quàm & rarissimi reperiantur, qui centesimam partem scientiæ illius assequi possint, & non minore labore (ut antiquitus dictum est). hæc facultas retineatur, quàm paretur. Et tamen quantulum interest inter furari, & furtum non reddere? Quid prodest alijs, furtum prohibere, ne furentur, si tu furto tuo palam potiris? Si non debemus discere eloquentiam, nec uti certè, si didicimus. Quid quòd libros gentiliū sepe in testimoniū assumit? quos si nō licet legere, minus profectò legēdos exhibere: & si nos dehortaretur à lectione gentiliū (quod non facit) magis intuendū putarem, quid ipse ageret, quam quid agendum alijs diceret: ueruntamen semper ipse idem dixit, & fecit. Nam postquàm teneram illam ætatem saluberrimo sacrarum scripturarum alimento pavit, ac in ea quam despectam habuerat, scientia sibi uires fecit, iamq; extra periculum positus, ad lectionem gentiliū rediit, siue ut illinc eloquentiam mutuaretur, siue ut illorum bene dicta probans, male dicta reprehenderet: quod ceteri omnes Latini, Græciq; fecerunt, Hilarius, Ambrosius, Augustinus, Lactantius, Basilius, Gregorius, Chrysostomus, alijq; plurimi, qui in omni ætate pretiosas illas diuini eloquij gemmas, auro argentoq; eloquentiæ uestierunt, neq; alteram propter alteram scientiam reliquerunt. Ac mea quidem sententia, si quis ad scribendum in theologia accedat, parui refert an aliquam aliam facultatem asserat an non: nihil enim frè cetera conferunt: At qui ignarus eloquentiæ est, hūc indignū prorsus qui de theologia loquatur, existimo. Et certè soli eloquētes, quales ij quos enumeravi, colūne ecclesiæ sunt, etiam ut ab apostolis usq; repetas, inter quos mihi Paulus nulla alia re eminere, quàm eloquentia uidetur. Vides igitur ut in contrarium res ipsa recidit. Non modò non reprehendendum est studere eloquentiæ, uerum etiam reprehendendum,

dendum, non studere. Et ego sic ago, tanquam eloquentiæ cōtra calumniantes patrocinium præstem, quod est maius proposito meo. Non enim de hac, sed de elegantia linguæ Latinæ scribimus, ex qua tamen gradus fit ad ipsam eloquentiā. Verum si quis eloquens non sit, ita demum nō erit castigandus, si talis non potuit euadere, nō si hunc laborem effugit. Qui uerò eleganter loqui nescit, & cogitationes suis literis mādāt, in theologia præsertim, impudentissimus est, & si id consultò facere se ait, insanissimus: quanquā nemo est qui nolit eleganter, & facundè dicere: quod quum ipsis nō contingit, uideri uolunt (ut sunt peruersi) nolle, aut certè non debere sic dicere. Ideoq; aiunt gentiles hoc modò locutos esse, non decere eodem loqui Christianos: quasi illi, quos nominaui, more istorum locuti sint, & non more Ciceronis, cæterorumq; gentilium: qui qualiter loquatur nec cognitum isti, nec expertum habent: non lingua gentilium, non grammatica, non rhetorica, non dialectica, cæteræq; artes damnandæ sunt (siquidem apostoli lingua Græca scripserunt) sed dogmata, sed religiones, sed falsæ opiniones de actione uirtutum, per quas in cœlum scandimus. Cætera autem scientiæ, atque artes in medio sunt positæ, quibus & bene uti possis, & male. Quapropter conemur obsecro eò peruenire, aut saltem proximè, quò luminaria illa nostræ religionis peruenerunt. Vides quā mirabili ornamento uestes Aaron distinguantur, quā arca fœderis, quā templum Salomonis: per hoc mihi significari eloquentia uidetur, quæ (ut ait nobilis tragicus) regina rerum est, & perfectæ sapientia. Itaque alij ornant domos priuatas, hi sunt qui student iuri ciuili, canonico, medicinæ, philosophiæ, nihil ad rem diuinam conferentes: nos ornemus domum Dei, ut in eam ingredientibus non ex situ ad contempitū, sed ex maiestate loci ad religionē cōcitentur. Non possum me cōtinere, quò minus, quod sentio, dicā. Veteres illi theologi uidētur mihi uelut apes quādā in lōginqua etiā pascua uolitantes,

Euripides in
Hecuba.

tes, dulcissima mella, cerasq; miro artificio cōdidisse: recētes uerò formicis similini, quæ ex proximo sublata furto grana, in latibulis suis abscondūt. At ego (quod ad me attinet) nō modò malim apes, quàm formica esse, sed etiam sub rege apium militare, quàm fornucarū exercitū ducere. Quæ probatū iri bonæ mētis iuuenibus (nā senes desperādi sunt) cōfidimus. Nūc ad inceptū redeo: quāquam ea quæ sequūtur, à superioribus nōnihil differāt. Tractabimus enim de uerborū significatione, neque de omnibus uocabulis, sed quasi gustū quendā, & eorū maxime, quæ ab alijs tractata non sunt: nam de omnibus dicere propè infinitum est.

De Libertinus, & Libertus. CAP. I.



LIBERTINVS, & libertus sola elegātie gratia habent differētiā, quam nec grammatici, nec iurisperiti (quod maxime pudēdū est) sciunt, quā ne eorum quidem aliquem, qui his temporibus merita bene scribēdi laude celebrātur, inueni scientem: quod nolim uideri contumeliosè dictum, sed necessariò potius, atque honestè. Vereor enim ne per facilitatem, qua semper candidè quæcunque studio inuestigassē, cum amicis cōmunicauī, amici ipsi (si modò tales amici dicendi sunt) laudē mihi præcipiant: quod crimē longè à me semper abfuit. Et ex oībus quæ in hoc opere præcipimus, profiteor nihil omnino ex aliquo huius ætatis uel audiuisse, uel legisse. Itaq; sic mihi meā ab alijs gloriā præripi molestè fero, ut illorū à me præripi nefās puto. Nemo autē literatorum erit, quorū paucissimi mihi familiares nō sunt, qui se hoc antea ignorasse, & à me uel uerbo, uel scriptis didicisse neget. Igitur libertinus relatiuū est ingenui, libertus relatiuū est patroni: licet unus, idemq; sit et libertinus, & libertus. Per libertinū significamus conditionē hominis, sicut per ingenuū: per libertū significamus priuatū quēdā respectū, sicut per patronū. Ideoq; libertinus adiectiuū est, sicut ingenuus

Lib. i. Institut.
de liber. i prin.
Eod. lib. tit. de
inge. in prin.

ingenuus: eoq; nō fit à libertina libertinabus, ut à liberta libertabus. Libertus substantiuū, sicut patrōus. Illudq; solemus definire, hoc nō solemus: ut in iure ciuili, Libertini sūt, qui iusta seruitute manumissi sunt. Quemadmodū ē contrario, Ingenui sunt, qui libera matre nati, nec postea serui facti sunt. Significatur enim (ut dixi) conditio hominis per ingenuum, & libertinum: ut libertinus homo, libertina mulier, libertinae conditionis: non autem libertus homo, liberta mulier, liberta conditionis. Hæc enim priuatum quendam significat respectum, ad patrōnū, patrōnam uel relata: id est, ad eum, eam uel, qui antea dominus, aut quæ domina huius fuit, quū seruus, ancilla uel esset: ut, libertus Cæsaris, libertus Messalinæ, liberta Claudij, liberta Agrippinæ: non autē, libertinus Cæsaris, aut libertina. Ideoq; interrogamus, hic ingenuus est, an libertinus? non autem an libertus: & quum responsū est libertinus, interrogamus, cuius libertus? non autem cuius libertinus. Respondeturq; est libertus meus, aut tuus, aut illius, aut Catonis, aut nullius. Atque libertus sine patrōno, patrōnā uel non est, libertinus esse potest, quamuis necesse est eum aliquando habuisse: quo factū est, ut dicamus colliberti, collibertaq; quemadmodum conserui, conseruæ, quod ij plures sub umbra unius patrōni sint, sicut illi sub imperio unius domini: nō autem collibertini, aut coingenui: ad nullam enim alteram priuatam personam plures horam referri possunt, nec alij ab alijs distinguuntur. Colliberti à collibertis diuisi sunt, ut mei à tuis, & conserui à conseruis, quemadmodum conciuēs mei à conciuibus tuis, qui alterius ciuitatis es: condiscipuli mei à tuis: commilitones mei à tuis, qui sub alio uel præceptore, uel duce es. Libertinis uerò, atq; ingenuis hoc non contingit, quum non magis nexus mihi sit cum ingenuis meæ urbis, & tibi cum libertinis tuæ urbis, quàm cū alijs quibusuis. Ideoq; nō dicuntur coingenui, et collibertini. Et libertus, collibertusq; esse aliquādo quis desinit, libertinus esse nō desinit. Denique licet poteramus altero

altero horum nominum esse contenti, tamen distinguere ueteribus placuit priuatum respectum à publico. Et ideo libertinitas dicimus, non libertitas. Ex seruo tamen, non quòd ad priuatū donum refertur, fit seruitus, sed quòd ad publicum: dicimus enim non modò seruus tuus, seruus meus: sed etiam sine respectu patroni, ut hic seruus, & homo seruus, quod in liberto non fit. Ceterum cogitanti mihi unde factum sit, ut in tanta exemplorum copia elegantiam hanc accuratissime custodientium, tamen tot hominum milia nunquam annotauerint: hoc existimo causæ fuisse, quòd frequenter inuenirent siue mentione patroni, libertū nominari, quo falli sopitæ negligentiæ fuit. Si enim nonnunquam reperiabant liberto non apponi patronum, tamen reperiabant libertino nunquam apponi, quanquam semper adheret liberto patronus uel nominatim, uel subintelligendo, ut in multis fit: quale est, uendidi patrimonium, suppletur meū: collocasti filiā, suppletur tuam: publicauit opus, suppletur suum. Ita hoc loco, quale apud Quintilianum: Licet nihilominus anicum grauem Lib. 1. cap. 3. uirum, aut fidelem libertum lateri filij sui adiungere, uidelicet suum. Cicero pro Sextio, quum ait: Quintum fratrem auxilio seruorum, libertorumq; ereptum à ferro Clodianorū. non genus seruile, libertinumq; nec cuiuscūq; seruos, libertosq; significat, sed suos ipsius. Quid attinet plura ex iure ciuili exempla repetere, quum etiam sint distincti tituli de libertis, & libertinis? Quam differentiam qui ignorat (omnes autem legulei ignorāt) plurima, & capitalia in ipso iure ciuili peccata committit. Seruius grammaticus (si codex est fidelis) pro libertino posuit libertum in octauo Aeneid. Feronia, Nympha Campaniæ, quam etiam suprā diximus. Hæc etiam libertorum dea est, in cuius templo raso capite pileum accipiebant. Adijciam quod ait Suetonius in uita Claudij, in ipsum Claudium: Ignarus temporibus Appij, & deinceps aliquandiu, libertinos dictos non ipsos qui manumitterentur, sed ingenuos ex his procreatos.

Ser. in illud
Verg. 8. Aen.
Nasceti cui treis
animas Foronia mater, &c.

Cap. 24.

Inter

Quia dixi nomina in us, & in io à supinis profecta ferè eiusdem significationis esse, hoc exceptionis addo, quòd ea, quæ positio- nem habent in io, latius significare solent, nec actionem modò, sed rem etiam, ac corpus: ut, aratio, possessio, sessio. Cicer. in Phi- Philipp. 1.
lippic. Hæ quondam arationes Cāpani, & Leontini agri in po-
puli Romani patrimonio glandifera, & fructuosæ ferebātur. id
est, agri ad arandum idonei. Idem in eisdem: Quid possessiones
datas, quid ereptas proferam? Idem de Oratore: Tot locis ses- Lib. 1.
siones gymnasiarum. id est, tot sedilia. Ea tamen, quæ sunt in us,
pro personis accipi solent. Conuentus non est cōuentio, sed ho-
mines, qui unum in locum conuenerunt. Confessus non est con-
sessio, sed homines uno in loco confidentes.

Observatio, & Observantia.

CAP. III.

Observatio, & observantia simili quodam modo, ut acces-
sus, & accessio differunt. Obseruo nanque duo significat:
unum est quod custodio aliquid oculis, animoq; in modum spe-
culatoris, ne nos silentio, tacitoq; prætereat: ut observa transe-
untes. Obserua filium, quid agat, quid cum illo consilij capret.
quasi custodi, & adnota. Et hinc fit observatio, quasi annota- Terat. in Andræ
tio, & animaduersio. Item obseruo non speculantis modo, sed 2. 1. scilicet.
admirantis, uenerantisq; & id tantum in homines, non in res,
quoties quem uel uirtute, uel dignitate suspicimus, & colimus:
unde fit obseruātia, quæ est ueneratio quædam, & honoris ex-
hibitio. Quare melius observationem, quàm observantiam hi,
qui nominantur fratres, suum institutum nominarent.

Potus, & Potio.

CAP. IIII.

Potus, & potio non differunt nisi ob huiusmodi causam.
Potus enim uini, aquæ simuliumq; dicitur. Potio uerò à me-
dicis datur ægrotanti, quod Græcè dicitur φάρμακον. Nonnun-
quam tamē potio, pro potus accipitur. Seneca de tranquillitate:
Aliquando uectatio, iterq; & mutata regio uigorem dabunt,
conuictusq; & liberalior potio. Cicer. in Tusculan. Quid quòd

In Cato Ma.

ne mente quidem rectè uti possumus, multo cibo, & potione repleti? Et alibi: Tantum cibi, & potionis adhibendum, ut reficiantur uires, non opprimantur.

Senes, Veteres, & Antiqui.

CAP. V.

Senes uocantur, quantum ad priuatam ipsorum uitam, quòd usq; ad senilem etatem uixerunt. Veteres, quantum ad publicum tempus, quòd alia etate uixerunt, etiamsi ad senium non peruenerunt. Vnde quidam iuniores fuerunt seniores ueteribus. Antiqui utriq; dicuntur, sed magis ueteres, quàm senes.

Defectus, Culpa, & Defectio.

CAP. VI.

Defectu medicorum multi perierunt: plures tamen culpa eorum. Is nanq; defectu medici perit, cui medicus præstò non est. Culpa uerò medici, qui moriturus non erat, nisi præstò ipsi medicus fuisset, quam maiorem partem esse arbitror. Hoc ideo dixi, quòd nonnulli pro culpa medicorum, aiunt defectu. Et uitia hominum, rerumq; uocant defectus, quum dicere deberent uitia, uel culpas, uel mendas, ut menda libri. Defectio plurimum à defectu dissentit, quum sit recessio aut militum, aut ciuitatis à domino, uel à superiore. Est enim deficere, desciscere, & à ductu alterius recedere, & quasi rebellare. Et defectio, quasi rebellio: quæ exempla passim reperiuntur.

Rumor, & Fama.

CAP. VII.

Philipp. 14.

Rumor, & fama idem sunt, quorum alterum Latinum, alterum è Græco est. Cicero in Philip. Improbissimis rumoribus dissipatis. Et non longè pòst: Hoc triduo, uel quatruiduo tristis à Mutina fama manarat. Et statim pòst: Famam istam fasciũ dissipauerunt. Significatur autem his duobus nominibus, sermo quidam in populo, sine certo autore, de re aliqua recenti siue bona, siue mala. Exemplũ rumoris de re bona ponamus. Liuius lib. 11. Manat tota urbe rumor, Fabios ad cœlum laudibus ferunt. Frequenter tamẽ fama etiam pro sermone non rei recentis, sed iam inueterate, & pro opinione quadã: ut, fama est Athenas

iam

iam plus annorum uiginti milibus fuisse conditas. Et pro laude, & pro celebritate hominis: ut, fama Camilli, fama Scipionum, Metellorum, Fabiorum: & eorum quoq; qui uiuunt: ut, fama mea, fama tua, fama illius: pro quo non recte dixeris rumor.

Murus, Paries, Moenia, Porta, & Ianua. CAP. VIII.

MVrus, & paries quid differant, superuacuum erat admo-
nere, nisi his temporibus (ut sunt omnia deprauata) mu-
rus, pro pariete à pluribus usurparetur, quanquam apud Græ-
cos eodem sono pronuncietur utrunq; distinctum tamen & li-
teris, & genere. Murus, est urbis lapideus ambitus, qui Græcè
dicitur τὸ τᾶχθ. Paries uerò domorum, Græcè δὲ τοῖχθ. Mu-
rus est etiam non urbis, sed urbis tamen similitum, ut munitio-
num, castrorumq; Moenia, pro muris accipi solent, et pro adi-
ficijs ipsius urbis. Porta, murorum est, munitio numq; , atq; ca-
strorum. Ianua, parietis, ac domorum.

Gesta, & Acta.

CAP. IX.

Gesta, & acta hoc differunt, quia illa sunt in administra-
tione magistratus, & in rebus maioribus, & ad reipub-
licam, uel ad plurimos spectantibus: ut; gesta Alexandri, gesta
Pompeij, gesta Caesaris. Acta uerò etiam rerum priuatarum,
& minorum, ac familiarium. Vt Cicero: An in commentario= Præp. 1.
lis, & chirographis, ac libellis se uno autore prolatis, ac ne
prolatis quidem, sed tantummodo dictis, acta Caesaris firma
erunt: quæ ille in æs incidit, in quo populi iussa, perpetuasq; le-
ges esse uoluit, pro nihilo habebuntur? Equidem sic existimo,
nihil tam esse in actis Caesaris, quàm leges Caesaris. Quidam
illud eiusdem ita legunt in Sallustium: Quòd si de mea uita, atq;
actibus huic conuitori respondero, inuidia gloriam conse-
quetur. Reor scribendum esse actis. Quòd si scribi potest acti-
bus (ut est apud Lucanum: -Licet ingentis abruperit actus)
minus miror, cur actus Apostolorum magis, quàm acta dicamus. Lib. 5.
Idem tamen sunt actus, & actiones.

Natalia, Natalis, Natalitius.

CAP. X.

Natalia significant quod natales, qui est dies natalitium, utrunq; conuersum in substantiuum ab adiectiuo, hic & hæc natalis, et hoc natale, ut natalis horæ tempus apud Quintil.

Deda. 9. in Gladiatore. Natales uerò magis conditionem sanguinis, & familie: ut generosi natales, obscuri natales: ut idem Quintil. in eadem declamatione: Cuius interiecto mari non fortunam quisquam nosse, non natales, non patrem poterat. Plinius ad Messium: Nonnunquam candidatus aut natales competitoris, aut annos, aut etiam mores arguebat. Hic pro ignobilitate accipitur, illic pro nobilitate.

Præcepta, & Præceptiones pro eisdem accipi: Instituta, & Institutiones differre.

CAP. XI.

Præcepta, & præceptiones indifferenter utimur pro disciplina. Instituta, & institutiones per differentiam. Instituta enim sunt mores consilio, & ratione sumpti. Nam mores bonos, & malos dicimus: & in morem: id est, similitudinem: ut in **Aen. 7.** morem leonis. In morē stagni, placideq; paludis, inquit Vergilius: Institutum autem bonus mos: ut, faciam meo instituto. Licet institutum nonnunquam significet inceptū, propositum: ab instituo, quod est incipio. Instituta uerò (ut institueram dicere) boni mores sunt, cōsilio, & ratione sumpti. **Quint.** Nam is quāquā triennū nutricibus dederit, tamē ab illis quoq; iam formandā quā optimis institutis mentē infantīū iudicat. Cur autē ad literas nō pertineat ætas, quæ ad mores iam pertinet? Eandē rem appellās instituta, & mores. Apud Valeriū Maximū titulus est, de Institutis antiquis quasi de moribus antiq̃s. Institutiones, sunt præceptiones, quibus instituūtur, et docētur homines: ut libri ab eodē Quintil. ac Lactātio, multisq; alijs autoribus inscripti de Institutione oratoria, siue ab alio nomine, atq; materia.

Aduocatus & Patronus.

CAP. XII.

Aduocatus, & patronus sic differunt, quòd illud generalius est no

est nomen, quàm hoc, ut non tantum significet eum, qui alterius causam agit. Siquidem quicumque adest alteri in causa officij gratia, aduocatus appellatur, etiam si nihil dicat, neque agat, sed qui tamen paratus sit defendere. Vt Terentius in Eunuchis: Tu abi, atque ostium obspera intus, ego dum hinc transcurro ad forum. Volo ego adesse hic aduocatos nobis in turba hac. Et Cicero, quum in alijs multis locis, tum pro Cecinna: Qui ad possidendum prædium contulit se cum aduocatis, quorum præsidio ab aduersarij iniuria tutus esset, qui et ipse uenit cum aduocatis suis, sed armatis ad arcendum Cecinnam à prædio. Patronus autem propriè est qui agit causam, sed accusati, non accusantis. Quintilianus: Quum accusatori satis sit plerumque; uerum esse id, quod obiecerit, patronus neget, defendat, transferat, &c. Et paulò post: Accusator præmeditata pleraque domo affert, patronus etià inopinatis frequenter occurrit. Accusator dat testem, patronus ex eo refellit. Ex quo colligitur, accusatorem nunquam patronum esse. Verum quoniam non omnis lis circa accusationem, et defensionem criminum uersatur, ut in mutuis, depositis, locato, et conducto, similibusque; in ea re tam actor, quàm defensor solet appellari patronus. Quippe quum uterque non alterius oppugnandæ, sed suæ defendendæ partis gratia dicat: ut idem, Nec immeritò quidem: quanquam in dicendo mediocres, hac tamen altercandi præstantia meruerunt nomen patronorum. Patronus etiam dicitur respectu liberti. Et nescio an hic ab illo, an ille ab hoc nominatus sit, utrumque tamen à patre uenit. Vterque enim simile quiddam patris habet: et ut dominus manumissione serui liberat eum misera conditione, ita aduocatus hominem obnoxium potestati iudicij, et periculo litis, opera sua liberat. Propter quod clientem uocamus ipsum litigatorem, cuius causam agimus: et eum qui sectator est sub tutela alterius, et penè famulus, quales sunt liberti in patronos. Et patrociniari, tam uerbo, quàm facto imbecilliores protegere: à quo fit patrocinium.

Act. 4. sc. 4.

Lib. 5. cap. 13.

Eodem lib. &c.

Facies, & Vultus.

CAP. XIII.

Facies magis ad corpus: Vultus magis ad animum refertur, atque uoluntatem, unde descendit. Nam uolo supinum habebat uultum: inde dicimus irato, & mæsto uultu potius, quam facie: & contrà, lata, aut longa facie, non uultu: à quo compositum est superficies, non sanè discrepans à suo simplici: ut, facies maris, facies terræ, quasi superficies: & , facies hominis, quasi primum illud, quod intuemur in homine. Est tamen ali- quando ubi utroque uti liceat: ut, scædata facie, & scædato uultu: scissa facie, & scisso uultu: conuersa facie, & conuerso uultu: quæ exempla sunt plurima.

Series, & Ordo.

CAP. XIII.

Series ab ordine in significatione differt. Nam ordo est digestio, & in suo loco cuiusq; rei collocatio, ueluti in acie fit, ubi pedites, ubi alæ equitum, ubi leuiter armati, ubi sagittarij, ubi fundibularij, ubi ceteri ex utilitate rei distribuuntur: & in argumentatione, ubi ponenda sunt firmissima argumenta, ubi infirmiora, ubi mediocria. Vnde in ciuitatibus, & Romæ præsertim, ordines sunt: ordo consularis, prætorius, senatorius, equestris, adeò ut ordo quoque pro ipsis hominibus accipiat illius conditionis. Cicero in hoc ordine, pro in senatu, aut pro equitibus Romanis frequentissime dixit. Idem quodam loco ait: Qui apud omnes ordines esset gratosus. id est, apud omnium ordinum homines. Series, est rerum quædam cõtinuata progressio: ut, in serie orationis: id est, in cõtinuato contextu. Quintil. Quod non nisi in contextu orationis, serieq; contingit. Vergilius:

Off. 3.

Lib. 1. Aen.

-Ductæq; ab origine gentis

Fortia facta patrum, series longissima rerum. Statius:

Lib. 1. Theba.

Longa retrò series.-

Decus, Decor, & Dedecus.

CAP. XV.

Decus est illa (ut sic dixerim) honorificentia ex bene gestis rebus: unde decora militiæ, laudes, honores, honestamenta militi

militi in bello comparata: cuius contrarium est dedecus, propriè ignominia quædam, aut ignominie genus, & infamis turpitudinis: unde dedecoro. Cicer. inquit de quodam: Magistratū ipsum dedecorabat. id est, turpificabat, & contumelia, atq; ignominia afficiebat. Transfertur etiam ad animū: quippe decus pro honesto, dedecus pro inhonesto accipitur: ut idem, Sequetur decus, atq; honestum. Quintil. Satis dedecoris, atque flagitij castra ceperunt. Decor est quasi pulchritudo quædam ex decetia rerum, personarūq; in locis, temporibus, siue in agendo, siue in loquendo. Transfertur quoq; ad uirtutes: appellaturq; decōrū, non tam ipsum honestum, quam quod hominibus, & communi opinioni honestum uidetur, & pulchrum, & probabile. Vnde uerbum decōro media longa. Nam decōro media breui à decus uenit.

locus, & Ludus.

CAP. XVI.

Iocus, & ludus quid significet, tū ex Cicer. de Oratore, tū ex Quintil. de Ridiculis colligi potest: ut sit iocus in uerbo, ludus in facto. Sed utrūq; tamē patitur exceptionē. Vt Iuuenalis: Quoties uoluit fortuna iocari.

Saty. 1.

Videlicet non de uerbo intellexit, sed de facto. Ouidius: Hos ignaua iocos tribuit natura puellis:

De arte. lib. 3.

Materia ludunt uberiore uiri.

Mille fac esse iocos, turpe est nescire puellam

Ludere: ludendo sæpe paratur amor.

Iocos pro ludo & ipse posuit. Ioca quoq; pro iocos nonnunquam legimus. Cicero ad Atticum lib. xiiii. Itaq; ioca tua plena facetiarum. E' diuerso ludus pro iocus. Horat.

Epist. 14.

Præterea, ne sic, ut qui iocularia ridens,

Primo Serm. Saty. 1.

Percurram, quanquam ridentem dicere uerum

Quid uetat? ut pueris olim dant crustula blandi

Doctores, elementa uelint ut discere prima:

Sed tamen amoto quaramus seria ludo.

Hinc ludere pro iocari frequenter inuenitur. Cicero de Natura

- Lib. 3. circa princip.** decorum: *Quum uerò deos nihil agere, nihil curare confirmat, membrisque humanis esse præditos, aut eorum membrorum nullum usum habere, ludere uidetur.* Plinius ad Valerianum: *Quum alij diuinum me, alij rapinis meis, mea auaritiæ occursum per ludum acceptum distitant.* Plinius idem ad Fabium Iustum: *Ludere me putas? serio peto.* Ludere dixit pro iocari, & se non ioco agere, sed serio. Quæ duo contraria esse Quintilianus autor est, inquiens: *Locum uerò accipimus, quod est contrarium serio.* Idem in eodem loco inquit: *Ludere nunquam uelimus.* Quod non tam pro eo, quod est iocari puto dixisse, quam pro eo, quod est scurriliter, & leuiter loqui, uel deludere alterum, siue eludere. Nam composita à ludo ad uerbum quoque, & orationem pertinent, non modò ad actionem: ut Cicero, Sed uos ab illo irridemini, & ipsi uicissim illum eluditis. Ludere etiam dicitur uersibus scribere, sed non nisi in opusculis ferè, qualia sunt epigrammata: & hæc opuscula dicuntur lusus: & hoc ita sentire summos autores annotaui. Alludere est, quum aliud dicimus, & ad aliud sententiam latenter referimus: ut Vergilius, Actiaque Ilia: *cis celebramus littora ludis.* Dum enim narrat ludos Aeneæ, alludit ad Augusti uictoriam, qua contra Antonium in his locis potitus est. Ludus item differt à lusu, siue lusione. Ludus enim tum periculum, tum spem sibi propositam habet. Lusus nihil præter meram uoluptatem. Itaque qui pila, qui trocho, qui tesseriis, qui etiam quocunque genere talorum delectationis gratia ludunt, lusum potius, quam ludum exercent. Cicero: *Ex multis lusionibus nobis senibus talos relinquunt, & tesseras.* De uoluptate uidelicet senili locutus est, non de spe lucri: cuius spei causa plerique ludunt. Ideoque ludum talarium dicimus, non lusum: & ludum aleæ, qui etiam lege prohibetur. Quidam & hunc lusum uocant: ut Suetonius libro quarto, *Ac ne ex lusu quidem aleæ compendium spernens.* Dicimus etiam ludum, scholam ipsam, ubi & periculum, & spes est, & certè labor,
- atque

atq; uapulatio: ut, Dionysius tyrannus regno eiectus, factus
 est ludi magister. Et, Camillus ludi magistrum discipulos ho- Liuius 5. ab ur
be condita.
 stibus prodentem, eisdem pueris cedendum in urbem usq; præ-
 buit. Est igitur ludus literarius tum aliarum quarundam artiũ,
 tum schola grammaticæ, quam triuialem scientiam dicimus,
 quod in triuijs, & compitis docetur. Hoc ideo admonui, quod
 quidam imperiti triuialem scientiam appellant grammaticam,
 rhetoricam, & dialecticam: quadriuiuales alias quatuor libera-
 lium artium. Ludus igitur (sicut dicebamus) est aliarum quo-
 que artium sicut musicæ, ut apud Terentium de fidiçina, quæ In Phorm. 23.
1. scæ. 2.
 quotidie discebat in ludo. De grammaticæ schola (ut mea fert
 opinio) magis, quam rhetoricæ intelligit Cicero de Oratore, Lib. 1.
 quum inquit: Hoc in ludo non præcipitur, faciles enim causæ
 ad pueros deferuntur. Et statim post: Hæc est in ludo causarum
 ferre formula. Nam, ut inquit Quintilianus, Rhetores suas par- Lib. 1. cap. 1.
 tes omiserunt, & grammatici alienas occupauerunt. Siquidem
 grammatici Latini, rhetoricam etiam docent, quod indicant
 ipsius quoque Ciceronis uerba, quum pueros, non iuuenes no-
 minat. Est & ludus armorum, qui idem (ut sentio) gladiato-
 rius dicitur, ubi discunt gladiatores: ut apud Quintilianum,
 Quod me diu piratæ in carcere retentum, quia diuitem illius
 promiseram patrem, in ludum uendiderunt, tanquam decepti.
 Et iterum: Et inter debita noxæ mancipia contèptissimus tyro
 gladiator, ut nouissimè perderem calamitatis meæ innocentiam,
 discebam quotidie scelus. Ludos tamen gladiatorios frequētius,
 quam ludum dicimus, quoties unum, plurāue paria gladiato-
 rum ad spectaculum pugnatura produciuntur. Quæ res, mu-
 nus gladiatorium appellatur, quia populo tanquam munus do-
 natur. Et qui donat, munerarius: & qui familiam gladiato-
 rum habet, gladiatoresq; domi in disciplina, & (ut dixi) in
 ludo exercet, ac postea uendit, Lanista. Vocantur autem Ludi
 gladiatorij, sicut Ludi Apollinares, Ludi Circenses, Ludi

seculares. Nam spectacula publica utique in honorem Deorū, ludos antiqui uocabant: ut non absurdum sit solennitatem in natali die sanctorum, praesertim cum apparatu illo, & pompa, ludos uocari. Nam quo alio nomine uocemus illam spectaculi exhibitionē, qualis fit in multis Italia ciuitatibus, & (ut audio) in multis alijs prouincijs? Hæc de ludo, & de ludis hæctenus.

Quintil. lib. 2.
cap. 1.

Bod. lib. & c.

De lusu quoq; aliquod afferatur exemplum, Quintiliani: Nec me offenderit lusus in pueris, est & hoc signum alacritatis. Et iterum paulò post: Sunt etiam nonnulli acuiendis puerorum ingenijs non inutiles lusus.

Libertas, & Licentia.

CAP. XVII.

Dedam. 13.

In Heaut. act. 3.
sc. 1.

Libertas in loquendo accipitur in bonum, quum quis non timide (quod seruire est) sed ingenuè, & liberè, hoc est, ut liberum hominem decet, loquitur: Licetia uerò in malum, quādo hac libertate abutitur usq; ad temeritatem, & procacitatē: unde Quintilianus, Quæ in alijs libertas est, inquit, in alijs licentia uocatur. In agendo quoq; simili modo: ut, liberè fecit, liberè egit: id est, digna libero homine. Cicero sæpe de liberè dictis, ac factis loquitur: & de licentia Clodiorū queritur Quintilianus: Porro qui cōfessum defendit, non absolutionem sceleris petit, sed licentiam. Terentius: -Deteriores omnes sumus licentia. Est autem huius nominis significatio, impunita quædam facultas agendi quicquid uelis. de facto loquor: nam de uerbo iam dixi, quod dubitationem non habet. Ideo hoc dico, quod uidetur uocari posse in dubium de facto. Siquidem Sallustius in Iugurthino ita ait: Romam legatos ire iubet, agendarum rerū, & quocunq; modo componendi licetiam illis permittit. Quod nescio an in malum accipi debeat, quasi & male, & cum damno, atq; dedecore regis possint componere. Quale est Quintiliani: An existimas hanc legatis peccandi dari licentiam, ut quæcunq; scelera in eo officio cōmiserint, cum his omnibus hac una lege decident? An etiam in bonum, ut solent dicere iurif-

Dedam. 13.

consult

consulti? Data est mihi licentia cundi, redeundiq; qualiter etiam pleriq; ecclesiasticorum scriptorum locuti sunt.

Indulgentia, & Venia.

CAP. XVIII.

Indulgentiam uulgo nunc accipiunt pro uenia: ut, indulgentiam Deus tibi tribuat: uel, Deus tibi indulgeat: quod quis neget dici non Latine? Indulgere enim est cōcedere, & (ut sic dicam) obsequēter, delicateq; tribuere. Cuius rei admoneri certē debuerāt irito illo uersu, nescio cuius, sed certē inter autores minutos Latinissimi, & quo mille annis nemo carmen scripsit elegantius: Indulgere gulæ noli, quæ uentris amica est. Numquid in gulam nequaquā misericordes iubemur esse antè, quàm peccauit? an ne commitemus, ut illa peccet? Quintil. Mollis illa educatio, quam indulgentiam uocamus, neruos omnes & mentis, & corporis frangit. Non ergo indulgentia, pro uenia accipienda est. Est enim uenia remissio culpæ: ut idem, Peccaui, ueniā peto: & errare hominis est, & ignoscere patris. Melius quī ē contrario ueniam, pro indulgentia accipiūt. Vt Verg. 1. Aen. Orantes ueniam, & templum clamore petebant.

In Cato. diff. chis.

Lib. 1. cap. 3.

Et Cicero pro Archia: Dabitis mihi hanc ueniam. id est, indulgebitis, concedetisq; mihi hoc, si fortē peccaui. Nam apud hunc uix unquam indulgētia reperitur. Terentius: — Da ueniā. P. sine hoc te exorcem. Hæc duo, pro utroq; posuit, id est, da ueniam, & sine, ut hoc, etiam si improbum sit, abs te impetrem. Et, cum uenia tua dixero: hoc est, si quid erro, tamen cum pace tua, & (ut isti loquuntur) cum licentia tua dixero. Frequēter legimus, facio tibi potestatem cundi, & redeundi: quem in modum mallet ego dicere, quàm do tibi licentiam. Porro dare potestatem est plus, quàm facere potestatem. Est enim dare potestatem, rem alterius arbitrio committere. Ex hoc ueniam dare, admoner, ut dicam de pœnitere, quod nonnunquam pro pudere, siue tædere accipitur: ut Liuius libro primo, Nec me eorū sententiæ esse pœnitet. Cic. de Senec. Num igitur si ad ceteros uiuisset

In And. act. 5. scē. 3.

nixisset annum, senectutis cum sœ pœniteret? Vergilius:

Edog. 1. Nec te pœniteat calamo triuissè labellum.

Quod qui exponunt pro, parum uideatur, mihi nō probantur.

Ambitio, & Ambitus.

C A P. XIX.

Ambitio in animo est, ambitus in actu. Nam qui præter modum cupit aut honores, aut laudē, ambitione peccat. Qui uerò dilargitur pecuniam suam, aut populo muneribus, ludisq; blanditur, aut ceteris artibus, quæ legitimæ nō sunt, ad publicos honores tendit, ambitum cōmittit. Cui similis est, quam hodie Simoniam uocant, à Simone Mago, nisi quòd hanc tantum in rebus sacris uolunt esse. Ambitus ab ambio uenit, siue quòd is, qui nō suæ uirtuti confidit, nō rectè graditur, sed per circuitum: siue quòd Romani, qui honores peterēt, singulos circuibant, prehensantes, rogantesq; ut se in suffragijs adiuuarent: siue quòd qui pro adipiscendis honoribus solliciti sunt, quum rogant, exordio quodam longiore, & uerborum circuitu utūtur. Hec omnia, quæ ambitus facit, ambitio facere compellit, à qua ambitiosi dicuntur, nō ab ambitu. Nonnunquam ambitus pro affectu ambitionis accipitur apud Quintilianum, siue pro spe quadam fauoris, & quasi captatione misericordiæ: ut, Si iuuenis innocentissimus, iudices, uti uellet ambitu tristissimæ calamitatis, poterat allegare uobis amissam cum oculis cogitationum omnium temeritatem. Ab hoc etiam ambitiosus dicitur: ut apud eundem libro sexto, Non sum ambitiosus in malis, nec lacrymarum augere causas uolo, utinamq; esset ratio minuendi. Ouidius libro tertio de Ponto:

Sed tamen hoc factis adiunge prioribus unum,

Pro nostris ut sis ambitiosa malis.

Vicus, & Suburbana.

C A P. XX.

Vicus pars urbis. Diuisa est enim urbs in uicos, quasi in mēbra minora, sicut Suburra, Carina, Exquilie, uici Romæ (ut opinor) erāt. Nam regiones circa xx. fuerāt, hodieq; tan-

tum

tum tredecim seruāt nomina. Vici autē & olim, & nunc ultra mille. Extra urbē uerò frequētes uillae, ac frequentes domus instar uici, urbani uici uocantur, si modò suburbana nō sint. Tunc nanq; suburbana dicuntur, plurali quidem numero: nā singulari significatur prae diū in suburbanis: ut, suburbanū meū, & suburbana mea, si plura sunt. Quale est in similibus: ut, fui in Cumano, in Tusculano: id est, in fundo meo Cumano, & praedio meo Tusculano: eramus in Formiano tuo, & in Pōpeiano Varronis: id est, in uilla tua, & Varronis. Ceterum (ut ad rē redeamus) hic uicus paganus frē muris caret: nam si haberet muros, castelli nomē acciperet, quod à castrū descēdit, quo significatur locus muris munitus: & (ut Seruius ait) urbs. In plurali uerò notū est appellari locū, in quo milites tentoria fixerūt. Quamquam uariis mos est castrametādi. Veteres solebant illa, fossa, ualloq; circūdare, & alijs pro natura loci munitionibus. Oppidum, omnis urbs est praeter Romā: quae peculiari nomine urbs uocari coepit, fecit ut ceterae urbes oppida uocarentur, quia ipsa oppidum amplius nō est. Vnde dicatur urbs, & oppidum, tum alij dixere, tum parū attinet de etymologia disputare, quae plerunq; fallax est, & in primis (nisi fideli fundamento nitatur) friuola. Vicinia autem non tam homines, qui eundem incolunt uicum, significat, quam qui propē domum tuam habitant. Vicinitas autem nō homines, sed propinquitatem: propriē quidem uicinatorum, abusiue uerò etiam ceterarū rerum. Nonnunquam cōtinens pro cōtento: ut, laudanda, uel potius amanda uicinitas.

Commentarium.

CAP. XXI.

Commentarij nomen quid significet, tertio Declamationum Libro Seneca declarat, quum dicit: Sine commentario nunquam dixit, sed commentario contentus erat, in quo nuda res ponuntur. Et Cicero in Bruto: Non est oratio, sed capita rerū, & orationis cōmentarium paulò plenius. Et Quintil. Plerunq; autem multa agentibus accidit, ut maxime necessaria, & utiq; initia

initia scribant: cetera quæ domo afferunt, cogitatione complectantur, subitis ex tempore occurrant: quod fecisse M. Tullium suis commentarijs apparet. Sed feruntur et aliorum quoque, et inuenti fortè, ut eos dicturus quisque composuerat, et in libros digesti, et causarum, quæ sunt actæ à Seruio Sulpitio, cuius tres orationes extant. Sed hi, de quibus loquor, commentarij, ita sunt exacti, ut ab ipso mihi in memoriam posteritatis uideantur esse compositi. Per hæc Quintiliani uerba colligitur, non modò id quod dicebam, simulque in plurali hoc nomen esse generis masculini, quum in singulari sit neutri, de quo mox etiam dicam: uerum etiam commentarios idem esse quod libros: quod Cicero confirmat, tum tertio libro de Finibus, dicens: Tu ipse quum tantum librorum habes, quos hinc tandem requiris commentarios? quosdam inquam Aristotelicos. tum secundo de Oratore: Tres patris Bruti de iure ciuili libellos tribus legèdos dedit, ex libro primo fortè euenit, et c. Ac statim post: Vbi sunt hi fundi Brute, quos tibi pater publicis commentarijs consignatos reliquit? quod nisi puberè te iam haberet, quartum librum compositisset, et se in balneis locutum cum filio scriptum reliquisset: Ecce eandem rem tribus uocabulis Cicero declarauit, libellis, libris, commentarijs. Quare ita sentio, omnes commentarios libros esse, sed non continuò libros commentarios. Namque ubi res sunt latè, diffuseque explicatæ, et non breuius, quàm poterant, tractatæ, libri tantum sunt, non commentarij. Vnde Caesaris commentarij, in quibus ad exequendam historiam alijs uidetur subiecisse materiam: qui si fuerint singuli, commentarium, uel commentarius, uel liber dicitur. Liuius lib. xlviii. Queri iussit ab eo, quem de his rebus commentarium à patre accepisset. Quum respondisset accepisse se, nihil prius, nec potius uisum esse, quàm regis ipsius de singulis responsa accipere, librum poposcerunt. Si plures, primus, et secundus commentarius, non primus, et secundum commentarium: ut Hirtius, siue Oppius, qui acceptione adiecit

est Cæsaris commentarijs, ait: Proximus, alter uel commentarius, nunquam commentarium. Ita mihi in magnis autoribus uideo annotasse. Quidam tamen aliter faciunt, utique in alia significatione, quæ est (ut sentio) expositio, et interpretatio autorum, utroque genere promiscue utentes: ut Aul. Gellius, Est adeo Probi grammatici commentarius satis curiose factus. Et iterum: Nonnulli grammatici, qui commentaria in Vergilium composuerunt. Iterum quoque: Noster Scaurus in primo commentariorum, quos in Gorgiam Platonis composuit, scriptum reliquit. Boethius: Quod in his commentarijs diligentius expeditimus, qui à nobis in eiusdem Ciceronis Topica scripti sunt. Et iterum: Quo autem modo de his dialecticis locis disputetur, in his commentarijs, quos in Aristotelis Topica à nobis translata conscripsimus, expeditum est. Quidam etiam talia huiusmodi opera commentum uocauerunt: ut Nigidius, Donatus, Priscianus, alijque nonnulli. Seruius commentarium, commentariosque pro homine accipere uidetur, quum inquit in VII. Aeneid. Dicit quidam commentarius, conuicta legendum. Et in Georgicorum primum: Superfluo mouent questionem commentarij.

Cœnaculum, & Cœnatio.

CAP. XXII.

Cœnaculum locus ad cœnandum in loco superiori: cœnatio locus ad cœnandum, sed in imo potius. Iuuen. — Et algentem rapiat cœnatio solem. Veruntamen cœnaculum non tam pro loco cœnandi, quam pro parte domus superiore accipitur, quæ frequenter hospitibus ad habitandum locari solet, qui totam domum conducere non possunt: et parte inferiore, siue illa taberna, siue officina sit, non habent opus. Cuius rei proferrem exempla, nisi abunde Varrò sufficeret, dicens: Vbi cœnabant cœnaculum uocitabant. Postquam in superiore parte cœnitare cœperunt, superioris domus uniuersa cœnacula dicta, postquam ubi cœnabant, plura facere cœperunt.

Epulæ, Epulum, & Dapes.

CAP. XXIII.

Epulæ

In illud, Deserit Hesperiam, & coeli conuexa per auras.

In illud, prima Ceres ferro mortales uentis re terram.

Saty. 7.

Lib. de ling. Lat. 5.

Epulae sunt cibi ministerio hominum, & in nostrum usum comparati. Epulum, solenniores quaedam epulae, & propriè publicum cōuiuium in propatulo uniuersis ciuibz exhibitum, siue in dedicationē templi alicuius, siue in honorē Deorum, uel in magnificentiae ostentationem, siue in funere magni alicuius uiri. Cui simile est, quod hoc tēpore fit, quum publicè pascimus pauperes, ut in mortibus propinquorū. Quod idem est penè quod parētare, si Hieronymo credimus, qui ita tertio libro in Hieremiam inquit: Mos autē lugentibus, ferre cibos, & parare cōuiuiū, quæ Græci *πρὸς θανάτου* uocāt, & à nostris uulgò appellantur parentalia, eò quòd à parentibus ista celebrantur. Dapes uolunt esse uel Deorū, uel nostras in sacrificijs Deorū.

Sementis, & Messis.

C A P. XXIII.

Sementis est satio, siue (ut sic dicam) seminatio. Liuius: Cam Spani sementem facere possent. Miror quare quum in alijs locis apud Hieronymum plurimis, tum in Genesios principio sementis pro semine positū est. Messis tum ipsa messio est, tum
 Lib. 1. seges iam matura. Cicero de Oratore: Vt sementem feceris, ita metes.

Seges, & Fruges.

C A P. XXV.

SEges est eorum seminum, ex quibus cōficitur panis, nōdum demessa. Nōnunquam cōtentum pro cōtinente usurpantes, ipsam humū ad accipiēda semina subactam, segetem uocamus,
 Georg. 1. ut Vergilius:

Illa seges demum uotis respondet auari

Agricolæ, bis quæ solem, bis frigora sensit.

Fruges uerò quicquid ex fructu terre in alimoniam uertimus.

Liuius: Eam gentem tradit fama dulcedine frugū, maxime uini, noua tamen uoluptate captam. Idem: Non arbore frugifera, non satis in spem relictis. Plinius titulum dedit de naturis arborum frugiferarum.

Lib. 15. cap. 1.

Malleolus, & Sarmentum.

C A P. XXVI.

Malleo

Malleolus à sarmento sic distat, ut pars à toto. Est enim mal-
leolus (ut placet Columellæ) in modum mallei rostra ha-
bens, aptus plantationi. Quando autem arefacta sarmenta sunt
cum malleolis igni reseruata, indifferenter uocantur. Nam &
Annibalem legimus sarmentacornibus bouum alligasse, eaq; in-
cendisse, ut hostes falleret. Et nonnullis ciuibus Romanis, quòd
domos haberent plenas malleorum, ad Capitoliũ, uel urbis in-
cendia, fr̃audi fuit.

Lib. 3. cap. 6.

Lini. decad. 3.
lib. 2.Cic. pro Milo.
Sall. item in Ca-
til.

Arbor & Frutex.

CAP. XXVII.

Arbor à frutice ita differt, ut frutex ab herba. Est enim fru-
tex, qui ad iustam magnitudinem arboris non assurgit, &
statura similis est multis herbis, sed non demoritur, neq; arefcit
ut herba, sed perennis est. Inter frutices est soboles quoq; illa ar-
borum, & plantula. Ab hac fruticari uerbum, quasi fruticem re-
nasci ex arbore. Marcus Tullius Ad Atticum: Excisa est enim
arbor, non euulsã: itaq; quàm fruticetur uides. Nam illud, quod
sepe legimus fruticari pilum, translatum est.

Epist. 3. lib. 15.

Acinus, Bacca, Pomum, & Nux.

CAP.

XXVIII.

Acinos inter & baccas hoc interesse puto, quòd acini inter
fructus minutiores arborum, fruticum uel densius nascun-
tur: bacca uerò dispersius, & rarius. Inter acinos enim numeran-
tur grana uua, grana hederæ, grana sambuci, grana ebuli, gra-
na mali punici, addo etiam morũ, & quicquid his est simile. In-
ter baccas uero, fructus lauri, fructus oliuæ, corni, loti, quam fa-
bã Syriacam uocant, myrti, lentisci, simuliumq; Supra hæc autẽ
poma dicuntur, duntaxat quibus uestimur. Cerasum uero, uel (ut
Seruio placet) cerasium, & prunum, & mespilum, poma, non
acini, neq; bacca nominantur. Glans in numerũ istorũ non ue-
nit, syluestris enim, & pastio porcorum est. Castanea in nuces
refertur: unde Verg. Castaneasq; nuces – sicut pinus, corylus,
siue à loco auellana, amygdalus, iuglans, & si qua sunt his simi-
lia, non

Ser. in illud
Ver. 2. Geor.
Pullulat ab ra-
dice alijs dẽsi-
sima sylua, Vt
cerasis.
Eclog. 3.

r lia, non

lia, non poma dicuntur, sed nuces. Nonnunquam acini, & baccae indifferentes ponuntur: ut Vergilius,

Edog. 19. Sanguineis ebuli baccis, minioq; rubentem.

C A P. XXIX.

Crepitus, Strepitus, Fremitus, & Stridor.

Crepitus, sonitus est uolentus ex impulsu resultans. Vnde increpare, est cum eruptione uocis, & immuni sonitu reprehendere. Cymbala, tympanaq; crepant. Vnde fit crepitaculum. Tuba quoq; & cornua, similiq; crepant, siue crepitant. Crepitus quoq; speciali uocabulo quid significet, malo me tacite minus notum esse, quam me dicente nimis. Strepitus fit ex corporum tactu, siue collisione rerum, & multarum uocum in unam confusione, si modò non sit immodicus, tunc enim dicitur fremitus, ut ex alto mari sonus fluctuum: & in populo murmur, uocatur etiam fremitus: quin & indignantis, & excandescantis, & quasi humanam uocem præ iracundia immutantis uox, oratioq; fremitus dicitur. Stridor est acrior, & quasi sibilans collisionis. Strepitus tamen propriè pedum ambulantium, manuumq; aliquid pertractantium sonus est. Appellatur etiam fastus, & pompa diuitiarum, quasi à strepitu comitantium: ut apud M. Fabium, Hic quum me euocasset subito trepidum, totoq; fortune suæ strepitu circumstetisset.

Officium, & Officia.

C A P. XXX.

Officium est uirtutis actio, quod Græci καθήκον uocant: uel, ut latius explicem, pro loco, pro tempore, pro rerum dignitate, similibusq;. Inde illud est, quod dicitur à multis, in familia bene instituta omnes in officio sunt: id est, omnes agunt, quod debet. Et, missi sunt legatis obuiam ciues officij gratia. & circumstabant Senatores Casarē sedentē in aurca sella officij gratia. id est, honoris gratia, quæ legatis, Casariue exhibere debemus. Nihil enim tam nos decet, quam mereti uel honorē exhibere, uel opē ferre. Quo factū est etiā, ut officia significet beneficia, siue obsequia.

Stoici, ut ait Cic. epi. 1. lib. 9. fa. epi. aiunt crepitus æquē liberos, ac ruitus esse oportere. Est autem sonitus ille, qui à pedente fit.

Declam. 13.

quia. Vnde illud Cicer. Odiosum sanè genus hominũ est officia De Amic.
exprobratũ, quæ meminisse debet is, in quẽ collata sunt, non cõ-
memorare qui cõtulit. Et illud Quintiliani: Duxit me similis æ-
tas, euicerũt officia, cepit fides, amante odisse non potui. Magi-
stratus quoq; officium dicitur, siue quia honoris causa factus
est, siue opis populo ferendæ, siue quia ius suum cuique, & quod
cuiq; debetur, reddat. Ceteræ autem artes, quæ modò honestæ
sint, suam rationem officium uocāt: ut, officium grammatici est,
officium medici, officium architecti.

Histrion, & Mimus.

CAP. XXXI.

Histrion qui personatus in scena tragœdias agit, comœdiasq;
huoce, & corporis gestu. Mimus qui uel intra, uel extra sce-
nam gesticulatões quasdam exercet, imitaturq; mores hominũ,
ac naturas, præsertim obscenè. Nam mimorum scriptores, res
obscenas, ut amores, tractant. Primum è Thufco quodam homi-
ne tractum nomẽ esse, T. Liuius, ac Val. Maximus autores sunt.
Alterum è Græco uenit ἀνὸ τοῦ μίμου. Mimi tam homines,
quàm poëmata uocantur.

Hister, Thufco
uero ludio di-
citur.
Id est, imitor.

Actor, & Autor.

CAP. XXXII.

Actor, & autor ita differunt, quòd actor dicitur orator,
qui agit causam, quiq; gestum uultus, & corporis agit.
Vnde tum ipsa pronuntiatio, tum oratio quæ habetur, tum
oratio scripta, actio est appellata. Item Comœdus, & Tragœ-
dus, id est, histrio qui agit gestus in scena, & quod huic gene-
ri similitimum est, qui agit Atellanas, & Mimus omnis, actor uo-
cari potest: & partes comœdiæ, actus dicuntur. Nam Comicus,
Tragicusq; poëta ipse est comœdiarum, tragœdiarumq; condi-
tor. Autor autem est (ut sic dicam) factor. Nam factor in usu
nō est, nisi in quibusdā è Græco translatis. Et illud quotidianũ,
Credo in unũ deũ patrẽ omnipotẽtẽ, factore cœli, & terræ, Græ-
cè est ποιητὴς, hoc est, poëta. At nos poëtas, ceterosq; operum
conditores, autores uocamus: & illum qui fecit aliquod opus,
qui

qui egit bellum, egit pacem, autorem operis, autorem belli, autorem pacis dicimus, nunquam actorem. Quidam originem eius è Græco repetunt *αὐγέω*, sed à Latino quoq; facilius formari po-

Ter. in illud
Verg. 12. Aen.
Autor ego au-
dendi, sic ex
hor. reliq.

test, nisi quòd nullum Latinum in or, à supino descendens, est communis generis, ut autor. Nam quum est ab augeo (si modo unquam reperitur) auctor, & autrix facit, ut Seruio placeat in Vergilium scribenti. Idem super Donati artem ita ait: Queritur, autor utrum per se, an de uerbo oriatur: Sed sciendum est quòd à se nascitur. Nam illud quod est augeo, non nos seducat, quòd inde ueniat. Aliud enim est augere, aliud autorem esse. Ego uerò à Seruio non omnino dissentio, quum huius uocis non uideatur mihi origo esse, nec augeo, nec *αὐγέω*: & inauditum est, significationis illius hic & hæc autor esse. Nam nunquam aliud (quantum ego sentio) significat, quam duo: Vnum quod dixi: & alterum, quod est huic simile, hominem, in quo est uis, potestas, & dignitas. Vnde autoritas dicta est, ut apud Liuium dicitur: Decreuerunt enim, ut quum populus regem iussisset, id sic ratum esset, si patres autores fierent. hoc est, auctoritatem (ut aiunt) suam, & decretum interponerent, ratum haberent, atq; ratificarent, siue comprobarent. Et alibi: Maiores nostri nullam ne priuatam quidem rem agere fœminas sine autore uoluerunt: in manu esse parentum, si atrum, uirorumq;. Et autores pupilli uocantur, in quorum administratione infirma ætas, resq; eius sunt. Ideoq; filios regum pupillos sub autoribus fuisse legimus. Vnde Paulus iurisconsultus: Etiam si non interrogatus tutor, autor fiat, ualet autoritas eius, quum se probare dicit, id quod agitur. Hoc est enim autorem fieri. Et Pomponius: Et si pluribus datis tutoribus, unius autoritas sufficiat, tametsi tutor autoretur. Quare autores sententiæ alicuius consilij uocantur hi, quorum sententiam, consiliumq; secuti sumus. Et duces militum, autores uocabantur. Vnde autotare. Liuius lib. x l. v l. Signo dato suo impressas tabel-

Liuii lib. 1. ab
urb.

las misit, & uero pignore uelut autoratum sibi proditorem ratus est. id est, obligatum, & subiectum. Et Valerius Maximus libro quarto: Autorato socijs officio. Suetonius lib. tertio: De legendo, uel autorando milite, ac legionum, & auxiliorum dis- In Tyber. c. 30.
cretione. Ex quo fit autoramētū, uel quasi obligatio, nexusq;, uel quasi stipendium quoddam, & quasi pretium cuiusdam militie, ac pugnae, actionisq;: ut Quintilianus: Nec difficilem sane, sub illo praesertim autoramento, habuisset missionem, sed non- In Tyber. c. 7.
luit gladiator uiuere. Suetonius: Munus gladiatorium dedit, rudiarijsq; quibusdam reuocatis autoramento centenū milium. Cicero: Est enim in illis ipsa merces autoramentum ser- Offi. 1.
uitutis. Seneca lib. v 11. epistol. Nullum sine autoramento malum est. Auaritia pecuniam promittit, luxuria uarias uoluptates, ambitio purpuram, & plausum, & ex hoc potentiam, & quicquid potentia potest: mercede te uitia sollicitant. Deniq; autor nihil habere commune cum augeo, neq; cum αὐγέω auctio probat, quae uenditio quaedam est in publico, ac celebri loco. Et hinc auctionari, publicè, & frè sub hasta uendere, non ea quae ad esum spectant, sed ea quae ad supellectilem, atq; ad alios usus, nec frè nisi quae penes alium in usu fuerunt. Dissert igitur auctus, ab haustu, quia diuersam originē sortita sunt. Auctus enim est incrementū, ab augeo descēdens, ut haustus ab haurio.

Pupillus, & Orphanus. CAP. XXXIII.

Pupillus est, qui caret quidem patre, sed tantisper dum est in aetate, cui adhibetur tutor. Orphanus, qui caret patre, praesidicq; paterno, & qui summopere desiderat illius opem, quum sine eo male habeat. Graecum tamen nomen est, non sanè à ueteribus usitatum.

Triclinium, & Conclauē. CAP. XXXIIII.

Triclinium à tribus toris, mensis'ue appellatum est. Ibi enim comedebant, praecipuè in conuiuij accepti, quum res ipsa postularet tres toros, mensas'ue extrui. Qui autem huic mini-

sterio præerat, architriclinium uocant. Quintilianus quidem trī-
 clinium uocat, quod Cicero conclaue. Nam de eodem conuiuij
 loco, ubi Simonides artē memoriæ traditur inuenisse, ille sic ait:
 Vix eo limen egresso, triclinium illud supra conuiuias corruit.
 Hic sic: Hoc interim spatium, conclaue illud tibi epularetur Sco-
 pas concidisse. Est igitur triclinium, conclaue discubitorium.
 Nam conclaue generalius est: quod est etiam pars quedam in
 penatibus remotior, in qua uel uiri colloqui, uel mulieres con-
 fabulari solent. Aulam autem, quod Græcum est, nostri semper
 transferunt atrium. Nam aulam pro olla, Plauto uetustissimūq;
 dicendum relinquamus.

Penus, & Commeatus.

C A P. XXXV.

PEnu ea omnia cōtineri dicuntur, quæ ad uictū pertinent, sed
 priuatū: si modò domi reposita ac recondita sunt. Nam lo-
 cū ubi ista reponuntur, Varrone teste, penariū appellamus. Quæ
 uerò ad uictū publicū spectant (sicut alio loco diximus) cōmea-
 tus uocatur: sed ex paucioribus cōstat, ut sumus diligētiores pro
 re priuata, quàm pro publica. Ferè nihil aliud cōtinet cōmeatus,
 quàm annonā, & quicquid annonæ uicem habere potest. Quā-
 quàm (ut iterum dixi) priuatorū etiam cōmeatus est: nec anno-
 na tantum frumentaria, Cicerone dicente lib. 11. de Diuinatiōe:
 Aut si Epicurei de uoluptate liber rosus esset, putarem annonam
 in macello cariorem fore. Nescio tamen an macellū non tantum
 pro loco, ubi caro uenditur, accipitur, sed ubi & annonā.

Ceruix, Iugulus, & Collum.

C A P. XXXVI.

Ceruix est posterior colli pars, unde origo est omnibus ner-
 uis. Iugulus anterior, unde uox, halitusq; procedit. Collum
 omnes partes in solidū cōplectitur. Et quoniā nervi, qui corpus
 erectū, rigidumq; faciūt, in ceruice sunt collocati, dicimus homi-
 nē duræ ceruicis, quasi indomabile, more ferocium boū: uel quòd
 qui ceruice erecta, & rigida est, cōtumaciam quandā, & rigore
 mentis præ se fert, tanquā nemini caput inclinare uelit, tali no-

mine

nomine uocatur, quasi duri capitis, duræq; mētis. Ceuices etiā dicimus pro ceruice: imò singulari numero neminē ante Hortensium dixisse, Quintilianus est autor. Similiter quoniā in iugulo mortifera statim plaga est præ cateris mēbris, eademq; pars corporis uulneri obnoxia, ad quam mucro inter ipsa arma facile subit, à ueteribus dicebatur, petere iugulū, ferire iugulū: pro eo quod est, petere in mortē, inferre mortē. Quintil. Initurusq; fore sium certaminū pugnā, iam in schola uictoriā spectet, & iugulum petere, & ferire uitalia, aut tueri sciat. Cicero in Verrinis: Lib. 8. cap. 3. de Ornata. Verr. 7. Sua confessione inducatur, ac iuguletur necesse est.

Sinus, & Gremium.

CAP. XXXVII.

Sinus est intra pectoris, brachiorumq; complexum: unde sinus uestium, quales erāt tunica Romanorum, & modò quorundam religiosorum supra cincturam laxitas illa uestis, quæ cingulum operit. Littora quoq; curua, & quasi brachijs mare amplectentia, sinus uocamus. Gremium est inter complexum femorum, feminum'ue: quo in complexu mulieres concipere solēt. Et per translationem gremium terræ appellamus, quum semen suscipit, conceptumq; retinet, quasi uiuentem foetum postea paritura. Quare quum lactantur infantes, ad sinum admouentur, pueri uerò iam facti à sedentibus matribus, utique quum illis blandiuntur, ad gremium accipi solent. Vt Vergilius de Cupidine sub imagine pueri Ascanij: Aeneid. 1.

Heret, & interdum gremio fouet inscia Dido.

Quinetiam matres, nutrices'ue quum super genua collocant infantem, aut extremis uestibus repositum, & ad uterum usq; sublatum gestant, in gremio magis, quàm in sinu, tenere aut gestare dicuntur. Vt idem de eodem:

—Et foetum gremio dea tollit in altos Idaliæ lucos.—

Socius, Comes, & Sodalis. CAP. XXXVIII.

Aeneid. 1.

Socius socio dicitur, comes comiti rarò dicitur. Nanque socius est par, comes uerò minor, quippe qui sequitur, &

De Amic. ducem habet: ut Cicero, Nec se comitem illius furoris, inquit, sed ducem praeiuit. Et alibi: Neque enim princeps tunc ad salutem esse potuissim, si esse alij comites noluissent. Ideoq; duces in bello quoties milites alloquuntur, conciliandae beneuolentiae gratia, non ferè appellant comites, sed socios, communicantes quodammodo ipsorum dignitatem cum illis: ut ediuerso quàm eosdem commilitones uocant, communicantes eorum conditionem, ac sortem cum ipsis. Neq; enim dux commilito est militum, sed milites inter se commilitones: ut apud Vergilium Aeneas commilitones suos consolans ait:

Aeneid. 3. O socij. — Et autor ipse sua persona loquens de Achamenide, inquit: — Comes infelicis Vlyssi. Et iterum:

Aeneid. 1. — V no graditur comitatus Achate.
Neq; rectè dixeris de Vlysse, & Aenea, hunc esse comitem Achata, illum Achamenidis. Idem tamen ait:

Aen. 2. Arma, deosq; parat comites. — Et iterum:

Aeneid. 1. Sacra, deosq; tibi commendat Troia penates:
Hos cape fatorum comites. —

Nunquid dij erant comites Troianorum, atque Aeneae, an duces? certè dij penates comites erant, confessione tum Aeneae, tum ipsorum quoque deorum. Nam libro primo Aeneas ait:

— Raptos qui ex hoste penates Classe ueho mecum.

Et in tertio dij aiunt:

Nos te, Dardania incensa, tuâq; arma secuti:

Nos tumidum sub te permensi classibus a quor.

Sub te, id est, te duce: & te secuti sumus: id est, tui comites fuimus. Idem quoq; de Graecis dicendum est, & de eorum deis.

Idem etiam de Sibylla, & de Aenea, quanquam modò hic, modò illa dux erat, aut comes: tamen quia sequebatur Aenea uoluntatè Sibylla, & quasi ministrâ se praebebat, comes erat. Quia uerò ducebat praemonstrâs iter, & declarâs ea quae ignorabat,

dux

dux eadem dicitur: tametsi aliquando comitem pro socio dicimus: ut Cicero in rhetoricis de illo uiatore, qui quum ante lucem surrexisset, comitem, inquit, suum inclamauit semel, & sæpius: quum de eodẽ antea dixisset, In itinere quidem proficiscentem ad mercatum quendam, & secum aliquantũ nummorum ferentem est comitatus. id est, insecutus. Quare peccauit tum Priscianus ad Iulianũ scribens: Tibi ergo hoc opus deuouco omnis eloquẽtiæ præsul, ut quantũcunq; mihi deus annuerit suscepti laboris gloriam, te comite, quasi sole quodã, dilucidius crescat. Quid magis absurdum, quàm quem dicas tuũ solem, eundẽ appellare comitẽ tuũ, hoc ipso quod sol est? Tum ille (parco nomini sacrosancti uiri) qui dixit, Ebrietas est comes libidinis, & intemperantiæ: superbia comes est odij: diuitiæ sunt comites superbiæ. Nam potius dicendũ erat, libido & intemperantia comes est ebrietatis. Sequitur enim libido, & intemperantia: ebrietas antecedit. Odiũ comes superbiæ est: superbia, comes diuitiarũ. Cicero: Est gloria comes uirtutis. Gloria enim sequitur honestatẽ, sicut umbra corpus. In eodẽ opere nuper à quodã perdocto uiro, illud: Iracundiam laudant, cõtem fortitudinis esse dicunt: emendatũ sic erat: comitem fortitudinis, ut sciremus uerum esse, quod ait Quintilianus: Dum librariorum inscitiam insectari uolunt, suam confidentur. Idem Cicero alio loco: Eloquentia pacis est comes, otijq; socia. Siquidem pacem sequitur dicendi cupiditas. Quid ergo si hæc comes est: illa dux erit: dicemusq; , pax est dux eloquentiæ, & ebrietas est dux libidinis, & intemperantiæ. Non est hic sermo quidem usitatus, sed potius per alia uerba, quorum tria nunc in mentem ueniunt: magister, magistræ uer: pater, mater uer: materies, materia uer: ut, ebrietas magistræ est libidinis, & intemperantiæ: superbia est mater odij: diuitiæ sunt materia superbiæ: quibus tribus serè indifferenter uti possumus. In personis uerò magis conuenit dux, aut in his rebus, quæ personis sunt similes: qualis est fortuna, quæ dea fingitur. Cicero non se-

De linẽt. lib. 1.

Prisc in præf. magni operis.

Tuscul. quæst. lib. 1. & 3.

De clar. Orat.

2. pist. 3. lib. 10. mel dixit, fortunam non ducem, sed comitem fuisse quibusdā imperatoribus. Est præterea (ut eò redeam unde egressus sum) alia differentia inter comitem, & socium: quòd comes est, qui utcūq; sequitur alterius ductum: socius plerunq; in negotijs, serijsq; rebus, & fortunæ arbitrio subiectus: ut Cæsar in commetarijs, Itaq; Androsihenes prætor Thessaliæ, quū se uictoriæ Põpeij comitē esse mallet, quā socium Cæsaris, in rebus aduersis omnem ex agris multitudinem seruorum, ac liberorum in oppidum coëgit. Verum huiusmodi differentia aptior est inter socium, & sodalē. Est enim propriē sodalis in rebus leuioribus, ac sæpe uoluptuosis. Quintil. Quo tandē patereris animo, si delicatus adolescens, præsertim splendidis opibus uel ex ætate mores, uel ex fortuna traxissē, & tēpestiua conuiuia, & peruigiles iocos aduocata sodaliū turba solutus, atq; affluens agerēs M. Tul. Sodalitates autē me quæstore cōstitutæ sunt, sacris Idæis magnæ matris acceptis. Epulabar igitur cum sodalibus omnino modicē. Idē alibi: Ego Planciū Laterēssem & ipsum gratiosum esse dico, & habuisse in petitiōe multos cupidos sui, gratiosos: quos tu si sodales uocas, officiosam amicitia nomine inquinās criminoso. Caius autem sodales, inquit sunt, qui eiusdem sunt collegij, quos Græci *συνίτες* & *ἱταί* uocant. A quo non sanē discordat apud M. Tullium Antonius, qui Norbanū quæstorem, suum appellat sodalem. Commis est benignus homo, & facilis, qui alijs non grauati inferuit.

Pompa, & Spectaculum. CAP. XXXIX.

Pompa omnis spectaculum est, sed non contrā. Pompa quidem in prosperis est, & in aduersis, qualis est in triumpho, & in funere, quasi quidem sollemnis apparatus, & ostentatio. Cicero: Sed iam ē pompa in ueram aciem descendamus. Verg. — Iam nunc solenneis ducere pompas Ad delubra iuuat — Quintilianus: Quid enim si respondere iubeas orbitatem, cur in exequijs totos egerat census, quid sibi uelit ille funebrium longus ordo pomparum? Spectaculum uerò, nunc illud est quod

spectatur

In Cato. Maio.

Pro Plancio.

Georg. 3.

ſpectatur: ut, Nocte pluit tota, redeunt ſpectacula manè. Nunc ipſa ſpectatio: ut, O ſpectaculum miſerum, atq; acerbum. Nunc locus unde ſpectatur: ut, Sedebat in ſpectaculis: & de ſpectaculis excitatus eſt.

*Ver. in Opus-
culis.
Cic. 7. Var.*

Senectæ, & Senectus: Iuuenta, & Iuuentus. CAP. XL.

Senectæ eſt ſenilis ætas. Iuuenta autem iuuenilis, & (ut quibusdam placet) dea ipſa melioris ætatis, & iuuentutis. At ſenectus idem eſt quod ſenectæ. Iuuentus uerò etiam frequentia iuuenum, nò ſolum ætas. Senium quoq; pro ſenectute accipitur.

Continentia, & Abſtinentia. CAP. XLI.

Continentia ab abſtinentia ita differt, quòd abſtinētia iuſtitia eſt. Cōtinentia uerò illa, quæ inter uirtutes quarta numeratur, quæ eadem dicitur temperantia, & modeſtia. Eſt enim hæc, quum à uoluptatibus nos continemus. Abſtinentia, quū abſtinemus ab alienis, nulli uim inferentes, nihil cuiſpiam eripiētes. Cicero: Si in una uoluptate continuerit, in alia ſe effuderit. Rurſus: Quod beneficium eſt, quòd te abſtinueris à neſario ſcelere? Nonnunquā tamen indifferenter, ut apud Valeriū Maximū titulus eſt De abſtinentia, & cōtinentia: ubi exēpla iſtarū uirtutū promiſcua ſunt. Vt tamen ſentio, cōtinentiæ dare poteris nomen abſtinentiæ, potius quàm ediuerſo. Illud enim ſpecialius uidetur, hoc generalius: quemadmodum temperantia putatur ſub iuſtitia eſſe, uel ab ea non poſſe ſeparari: illa uerò ſine hac frequenter eſt. Quare rectè continentia uocatur abſtinentia.

Pecus pecudis, & Pecus pecoris. CAP. XLII.

Pecus pecudis, et pecus pecoris, propè nihil differunt. Significatur enim hoc nomine animal, quod ſub imperio hominū ex pabulo terræ paſcitur: ut Bos (qui taurū, uaccamq; comprehendit, præter ſuum propriū ſignificatum) Equus, Caballus uel, qui aſinariam potius operam exercet. Aſinus, non autem Onager, nec Lalifio. Mulus, qui propriè generatus eſt ex Aſino, & Equo. Nā Hinnulus dicitur, qui patre Equo, matre Aſina geni-

tus est, quem quidam burdonem nominant. Camelus quoq; nam non tantū pascitur sub magistro, uerū in quibusdam locis inter armenta. Et eius significatio non modò ad marem, fœminamq; pertinet, ut passer, & aquila, sed cum genere fœminino nonnūquam iungi inuenitur: ut camelos fœtas: quale est Bos: ut apud

Edog. 1. Vergiliū, Ille meas errare boues, ut cernis— Quod ideo minus mirum est, quòd Lupus etiam apud Varronem, & Ennium, & Fabium Pictorē in genere fœminino reperitur, sic ut hic Lupus Lupā quoq; significet. Huic simile est Bubalus. Caterū & ipsi Cameli, & cætera quæ enumeravi, armenta faciunt, licet quidā uelint tantum esse Bouem, quasi ab arando aramēta dicta, deinde sublata tertia litera armenta. Præterea Ovis, quæ marem, fœmināq; significat. Capra, cum qua Caper, siue Hircus. Porcus, cum quo Porca intelligitur. Vnde fiunt greges: ut, grex ouium, grex caprarum, grex porcorum. Ouid. Met. 1111.

Mille greges illi, totidemq; armenta per herbas Pascebant. Vergilius tertio Georgicorum:

Hæc satis armentis: superat pars altera cura,

Lanigeros agitare greges, hirtasq; capellas.

Idem tamen de cernis primo Aeneidos dixit:

—Hos tota armenta sequuntur A tergo—

Edog. 6. Ut minus mirandum sit, si de bobus gregem dixerit, ibi: Aut aliā quā in magno sequitur grege— Tamen ad distinctionem adiecit magno, sicut Horatius adiecit mugientium in E pod.

Aut in reducta ualle mugientium

Prospicit erranteis greges.

Quasi grex sit generalius nomen, armentum uerò specialius, & illud sine appposito de pecoribus minutis intelligatur, cum appposito possit etiam ad maiora transferri. Ut Cicero in Philippicis: Fudit apothecas, cecidit greges armentorum. Hæc omnia pecudes, & pecora dixeris, quorum exempla tot sunt, quoties hoc uocabulum reperimus. Veruntamen pecus pecoris nonnun-

quam

quam reperitur pro multitudine pecorum, siue pecudum, sed gregalium potius, quàm armentalium: ut Vergilius,

Eclog. 3.

Dit mihi Damoceta, cuium pecus: an Melibœi? Et paulò post: Infelix ô semper ouis pecus. — Et alibi:

Æneid. 3.

Caprigenumq; pecus nullo custode per herbam.

Ouidius Metamorphoseos libro xiii.

Hoc pecus omne meum est: multæ quoq; uallibus errant:

Multas sylua tegit, multæ stabulantur in antris.

Nec (si fortè roges) possim tibi dicere quot sunt.

Pauperis est numerare pecus: de laudibus harum

Nil mihi credideris: præsens potes ipse uidere,

Vt uix suslineant distentum cruribus uber.

Sunt factura minor tepidis in ouilibus agni.

Sunt quoq; par alijs ætas in ouilibus hædi.

Cur dixit multæ, & harum, quum nullum genus antea nominasset: nisi quòd intellexit oues, & capras, quas postea nominat.

Cicero in Verrem: Nominat iste seruum, quem magistrum pecoris esse diceret. Vergilius tamen Georg. tertio ait:

Pascitur, idq; pecus longa in deserta sine ullis

Hospitijs, tantum campo iacet, omnia secum

Armentarius Afer agit — Armentarium pecoris dixit. Nonnumquam pecus pecoris significat ouem, nec solum uulgò, ubi hæc animalia pecora dicuntur, uerum etiam apud graues autores,

quorum est Plinius, qui libro octauo inquit: Est & in Hispania,

& maxime Corsica, non absimile pecori, genus musimonum,

Cap. 49.

caprino uillo, quàm pecoris uelleri propius. Quorum è genere

& ouibus natos prisci Vmbros uocauerunt. Infirmissimum pe-

cori caput. Et non longè post: Suis fœtus sacrificio die quinto

purus est, pecoris die octauo, bouum tricesimo. Quintill.

Cap. 51.

Cur in usum uestiũ sæpe pecori lanæ detrahuntur? Præter pecudes autè

ceteræ quadrupedes feræ sunt, licet propriè uideantur feræ di-

ci, quæ feritatem habent, ut Leones, Vrsi, Pardi, Lupi, Vulpes.

Harum

Harū quaecunq; mansuefactae sunt, cicures uocantur, qualis Cānis, qui nec pecus, nec fera est, licet sit natura ipsa non tantūm fera, sed etiam ferus: qualis elephas, siue (quod usitatius est) Elephantus ad bella domitus, alioqui fera natura. De quo nomine idem quod de Camelo fortasse dici potest, quod et cōmunis generis sit, et armentū faciat. Quidam suem domesticū tantūm, cicurem uocant. Ego potius aprum dixerim, qui ex fero cicur est factus. Nec aprū modō, sed etiam Onagrū, Ceruū, Capreolum, Damam, Capream, Leonem quoq; deniq; quicquid cicurari potest. Cicurare enim (ut Varro ait) est mansuefacere. Quod enim à fero discretum est, id dicitur cicur: et ideo dictū, cicur ingentū obtineo. id est, mansuetum. Innatum à cico cicur uidetur. Cicum dicebānt membranā tenuem, quae est in malo punico discriminē. Hae Varronis uerba confirmat Cicero, ubi ait: Nam aliae sunt ferae, aliae cicures, aliae natantes, aliae uolucres.

CAP.

XLIII.

Collis, Iugum, Cliuus, & Promontorium.

Collis est (ut ita dicam) monticulus, siue per se, et à mōte separatus, siue pars montis. Iugū (ut etiam ita dicam) ipsa arduitas montis, et procliuius, ac prona supinitas, cui similis est in colle Cliuus, tamē mollis magis, et clemēs, ut cliuus Capitolinus, cliuus qui ducit ad Ianiculū, cliuus montis Auētini, quos omnes scimus esse in urbe Roma colles. Vnde quidā uocāt eam urbē septimcollē. Et antiquitus fiebāt festa quēdā Septimontalia. Liius: Itaq; quū per Cassilinū euadere nō posset, petendiq; montes, et iugū Calliculae superandū esset. Et alibi: Quantū in altitudinem egrediebātur magis, magisq; syluestria, et pleraq; inuia loca excipiebāt. Vt uerō iugis appropinquabant (quod rarū in alijs locis esset) adeo omnia cōtectā nebula, ut haud secus, q̄ nocturno itinere impedirētur. Promōtorū, locus est in mari prominens, ut

Cap. 1.

Plinius libro xxvi. Promōtoria aperūntur mari, et rerū natura agitur in planum. Liius libro xxxiii. Aut aperientibus clas-

sem

De ling. Lat.
lib. 6.

Lib. 1. decad. 3.

sem promontorijs. Idem x l v. Adiunctaq; insula Euboëa, & excurrente in altum, uelut promontorium, Attica terra sita.

Officina, & Taberna. CAP. XLIIII.

Officina, est ubi opera fiunt. Taberna ubi opera ipsa, cate= raq; merces uenduntur. Officina est statuarij, fusoris, flatoris, calatoris, excusoris, uitrearij, sutoris, fabri: qui multiplex est, lignarij, & hic nō unius generis: ferrarij, nec hic simplex: lapidarij, qui & ipse in multas diuiditur species. Taberna uocatur uinaria, lanaria, olearia, & mille huiusmodi: unde opifices, & tabernarij uocantur. Cicero pro Lucio Flacco: Opifices, & tabernarios, atq; omnem illam fecem ciuitatū, quid est negotij concitare: Nec negauerim aliquando unum, eundemq; locū officinam, & tabernam esse, ut sutrina, in qua calcei & fiunt, & uenduntur. Quædam igitur artificia (quanquā sola artificia sunt opificum) cætera quæstus, & operæ dicuntur: sed quædam huiusmodi semper habent suum nomen, ut hæc ipsa sutrina sutoris, & lignarij propriè fabrica, aurificis aurificina, cauponis caupona: tamen & eam, quæ uinum uendit, cauponam uocamus. Quidam malunt dicere cauponam, pro loco. Argentarij argentaria, quod nomen quidam, pro artificio, & argentarium, pro artifice (qui idem est aurifex) accipiunt: atq; ita est in Hieremia. Titus autem Liuius, Cicero, Quintilianus, cæteraq; omnis antiquitas pro his accipit, qui campsores uulgò dicuntur, non illos dico minutos, qui nummularij, & mensarij à nobis, & λυσιται à Græcis dicuntur, qui ijdem trapezita uocari possent. Nam colybitæ trapezas habent. Sed Plautus in Curculione trapezitam, & argentarium pro eodem accipit.

Auis, & Volucris. CAP. XLV.

Avis est, quæ oua parit, pennisq; est prædita, præter unum uespertilionem, qui utroque caret, quatuor enim pedes habet, & semimus est. Volucris est quæcumque uolat, nec auis solidum, sed illæ bestiole quoque minutiores, ut apes, uespa, culex, tabanus

Declam. 13. tabanus, locusta, musca, cicada. Siquidem Quintilianus apes uolucres uocat. Et Plinius non semel hoc signat, unde & Cupido uolucer dicitur.

Indoles.

CAP. XLVI.

Indoles est non solum in pueris, & adolescentibus significatio futuræ uirtutis: ut apud Quintilianum, In primis annis laudaretur indoles. Cicero: Ut enim adolescentibus bona indole præditi sapientes senes delectantur. Et Valerius titulum de indole fecit, non tantum puerorum, adolescentiumq; exemplare petens, sed etiam in uiris, & quidem præsentis uirtutis, ut idem Cicero de Officijs: In quibus est uirtutis indoles, commouentur. Idem pro Cælio: Si quis iudices hoc robore animi, atq; hac indole uirtutis, & continentie fuit. Liuius de Lauinia iam matre, & post mortem Aeneæ res administrante inquit: Tanta in ea uirtutis indoles fuit.

Lucanus:

Indole si dignum Latia, si sanguine præco

Robur inest animis—

Indole quasi generositate quadam uirtutis, atq; animi. Liuius ad malam quoq; partem, & ad muta, atq; inanimata transfert, loquens de Annibale, sic: Cum hac indole uirtutum, & uitiorum triennio sub Hasdrubale imperatore meruit. Et alibi: Sicut in frugibus, pecudibusq; non tantum semina ad seruandam indolem ualent, quantum terræ proprietates, coeliq; sub quo alitur: generosius in sua quicquid sede gignitur, insitum alienæ terræ in id quod alitur, natura uertente se degenerat.

Concio.

CAP. XLVII.

Concio est populi multitudo congregata uel ex magistratus iussu, uel ex publici sacerdotis, uel interdum sua autoritate, & sponte propria ad audiendum oratorem concionantem in bonum publicum: cuius etiam oratio uocatur concio. In priore significato est Græce ἐκκλησία, quam nos pro Latina uoce habemus. Multiq; ecclesiam nescio quo iure ædes sacras appellant, quum

quum coetum hominum, ut dixi, significet, non loca.

Aliud Leges esse, aliud iura.

CAP. XLVIII.

LEges, iuraq; scripta, saepe inuenimus: ex quo datur intelligi aliud esse leges, aliud iura. Sunt igitur leges aut principis, aut liberi populi. Quæ à rege conduntur, alterius consensum non requirunt: quæ ad populum feruntur, quæq; sine eius iussu ferè ratæ non sunt, quia rogari, id est, interrogari de his populus solet, rogationes etiam dicuntur. Iura autem magis generalia sunt. Siquidem & ius gentium est, & ius ciuile. Nam ius naturale dicere, quod natura omnia animalia docuit, ridiculum est. Appetitum coeundi, atque adeò nocendi imbecilliori animali, spoliandi, occidendi, quis ius esse dixerit? Ideoq; M. Tullius in libro Officiorum de iure naturali silentium egit, inter solos homines ius esse significans, idq; gentium esse, uel ciuile. In rhetoricis tamen ius naturale statuit, sed quod in homines tantummodo cadat: cuius species sex esse uoluit, religionem, pietatem, gratiam, uindicationem, obseruantiam, ueritatem. Sed hæc hæctenus. Ius ciuile dicimus tam leges, quàm plebiscita, senatusconsulta, decreta principum, responsa prudentum: quod ultimum uelut interpretatio est superiorum: quod qui proficitur, iurisconsulti nominantur. Qui uerò legem fert ad populum, ferè orator est, aut præsidio oratoris indigēs, ut appareat quāto præstantior orator est, quàm iurisconsultus, quū hic sit quasi illius scriba: aut ille præceptor, hic pædagogus: ille dux, hic ducis legatus, atq; affecla. Quid dicam de iurisperitis, hoc præsertim tēpore, qui cum maximo ab illis consultis interuallo distēt, se literatorum arcem tenere arbitrantur? quorū quantā sit eruditio, uel hinc colligi coniectura potest, quòd quoties Pauli, Vlpiani, aliorum uel testimonium assumunt, legem nominant, quum longè aliud sit, legem esse, & habere uim legis: quodq; deformius est, unam legem in plures partiuntur: uerbi causa: Ad legē Aquiliā, quoties Scauola, quoties Papinianus, alius uel quis

De Inuēt. lib. 1.

s loquitur,

loquitur, etiam si bina uerba, & quidem à superioribus dependentia, toties nouam legem appellant: non ab aliquo legislatore unam legem, sed ab infinitis interpretibus legum, infinitas leges esse iudicantes. Etiam titulum de uerborum significatione non legem imò leges appellant: quo quid absurdius?

Aceruus, Strues, Strages, & Sarcina. CAP. XLIX.

Aceruus minutarum propriè rerum congeries est, ut frumenti, & leguminis, ut salis. Interdum aliquantò etiam maiorum, ut aceruus scutorum apud Vergiliū: & ferè generale ad omnia est. Strues autè propriè lignorum. Strages uerò cadauerum interfectōrū uno in loco, ac propriè iacentiū multitudo, siue humanorū, siue mutōrū. Sarcina, ut è silium, & corū que ad cultū, ad ornatum, & ad cæterum usum pertinet (ut sic dicam) fascis, què quis in itinere facièdo cōportare possit. Siqui dem milites quū castra mouere uolūt, sarcinulas colligere dicuntur: & qui in aliā domū immigrāt, sarcinas suas cōponere. Res enim nostras domi cistis, capsisq; cōpositas, sarcinas uocamus, ut apud Quintilianum: Iacent relictæ sine hærede sarcinæ.

Inter Ministerium, & Mystrium. CAP. L.

Ministeriū, ministri opera est propriè: sed pro omni operaratione quoq; accipitur: ut de rege Latino Vergilius, *Auersusq; refugit* *Fœda ministeria.*

Mysterium uerò Græcum est, *μυστήριον*, arcana quædam res, & propriè diuinis uiris, sacerdotibusq; tantummodo cognita. Illud prius in numero plurali solet accipi pro ministris, sicut seruitia pro seruis. Nam seruitium, aut seruitus ipsa, aut seruitutis

In Andria, act. 4. sc. 1. actio est: ut Dauus apud Terentium, *Ego Pamphile hoc tibi pro seruitio debeo, Conari manibus, pedibus, noctesq; & dies Capitis periculum adire, dum prosim tibi.*

In Catilinario. Afferamus etiam in alijs exempla. Sallustius: *Interea seruitia repudiabat, quorum in initio ad eum magnæ copię concurrerant,*

rant, quia opibus coniurationis fretus, simul alienum suis rationibus existimans uideri, causam ciuium cum seruis fugitiuis communicasse. Quintilianus sæpe ministeria pro ministris dixit: ut ibi, Non torset ministeria cæci. Et officia, pro officia, obsequiaq; exhibentibus. Paulus iurisconsultus teste Labeone ait: Urbica ministeria dicimus etiam, quæ extra urbem nobis ministrare consueuerunt. Vlpianus deniq; concubinam, filios naturales, alumnos, constituit generali appellatione contineri, & si qua alia sunt eiusmodi ministeria. Lilius libro quarto: Frumento nanq; ex Hetruria priuata pecunia per hospitum, clientumq; ministeria coempto.

Scurra, & Parasitus.

CAP. LI.

Scurra est, qui risum ab audientibus captat, non salua dignitate persone. Parasitus, qui omnia ad uoluntatem eius loquitur, in cuius contubernio est: omnia assentatur, omnia illius facta, simul ac dicta laudat, nihil repugnat, nihil facere recusat uentris gratia, in quo summum bonum constituit: quorum magna copia in principum domibus est.

Bucca, Gena, Mala, & Cilium.

CAP. LII.

Buccam, & buccas pro eodem accipimus. Oratores frequentius in singulari: unde illud usitatum: Dicam quicquid in buccâ uenerit. id est, in os: sed non in labra, ut uulgus existimat, Quintiliano probante, qui ait: Ore enim magis, quam labijs loquendum est. Sed uulgus errat, atq; fallitur, quum legit buccam, & duas buccas: in illa accipiens unum os, in his duo labra. Verum ego ostendi, os, ipsam concauitatem esse, unde uox prodit, non oram labrorum. Et enim Iuuenalis quum ait, -Bucca foculum Saty. 1. excitat. non de extremitate oris, sed de interiori parte dixit, quæ inflari solet, uentumq; concipere. Et iterum de tubicinibus loquens: -Notæq; per oppida buccæ. de illa deformi utrinq; inflatione intellexit tubam instantium, non de labris, quæ latent, cum tuba canit. Nam & Horatius quoq; quum inquit: Lib. 1. Serm. Saty. 1.

—Quin illis Iuppiter ambas Iratus buccas inflat—

Non de labris locutus est, quæ inflari non possunt. Quod Plautus apertius docet in Pœnulo: Nescias utrum ei maiores buccæ, an mammae fient. Quid autem buccæ significant, ex Plinio audiamus, simulq; quid malæ, quid genæ, quid cilium. Hæc enim eodem loco tractat is, præterquam quod alibi dicit, buccarum sinus: & iterum, buccarum inanitas, ita lib. x. 1. ait (sequar autem ipsius ordinem, seriemq; libri) Quibus fragilia operimenta, ijs oculi duri. Omnia talia, & pisces, & insecta non habent genas, nec integunt oculos. Omnibus membrana utri modo translucida obtenditur. Pauloq; post: Sed quadrupedi in superiore tantum gena, uolucris in inferiore. Ac paulo post: Grauiores alitum inferiore gena coniunt. At quadrupedes, quæ oua pariunt, ut testudines, crocodili, inferiore tantum sine ulla nictatione, propter præduros oculos. Extremum ambitum genæ superioris antiqui cilium uocauere, unde & supercilia. Hoc uulnere aliquo diductum non coalescit in paucis corporis humani membris. Infra oculos malæ homini tantum, quas prisca genas uocabant, x. 1. 1. tabularum interdicto radi a fœminis eas uetantes. Pudoris hæc sedes. Ibi maxime ostenditur pudor. Infra eas, hilaritatem, risumq; indicantes, buccæ. Et altior homini tantum (quem noui mores subdole irrisioni dicauere) nasus. Non alij animalium nares eminent. Auibus, piscibus, serpentibus, foramina tantum ad olfactus, sine naribus. Et hinc cognomina Silymorum, Silyonum. Septimo mense genitis sepe numero foramina aurium, & narium defuere. Labra, à quibus Bronci, Labæones dicti. Ex his Plinij uerbis apparet etiam eam in uultu partem uocari buccas, quæ uento inflari solet: genam membranam illam, & quasi uestem, qua oculus integitur, & coniunt: id est, aperitur, & clauditur: hoc enim est conniungere. Malam uero illud inter genam, & buccam, quasi rotundum in speciem mali (nam utrunq; horum uocabulorum primam longam habet: Malus uero mala

mala malum, primā breuem) cuius interior pars, quæ oris hiatum efficit, ubi molares affixi sunt, maxilla dicitur, nomē diminutiuum, nō re, sed uoce. Malam quoq; genā dici Plinius idem fatetur. Ideoq; dens ille intimus, & ipsi genæ affixus, genuinus dicitur, qui quia maximè latet, ea re factum est iam tritum uetustate prouerbiū, Genuino rodere dente: id est, latenter per inuidiam carpere famam alterius. Et hoc (ut ille testatur) à posterioribus: nam ueteres tantum membranā illā oculi, genā appellabant. Quā uetustatem à posterioribus quibusdam seruata reperimus, nec poetis modò, ut draconis genæ, pro oculis, continēs pro contento: & Seneca in tragœdia de Oedipo loquens inquit, Et per irati sibi genas parentis: etiam continens pro contento: uerum oratoribus quoque: ut Quintilianus de cæco loquens, illa perpetua nocte clausæ genæ nō custodierūt.

Pastio, Pastus, Pabulum, Esca, Pasco, Pascor,

& Vescor. CAP. LIII.

PASTIO uidetur significare cibum, sed tamen potius ad alimenta pecudum pertinet, quæ pasci dicimus, quanquam suapte natura significat ipsam actionem pascēdi, nunc frequentius cibum. Pastus homini competit. Varronis liber de Re rustica titulum habet de uillaticis pastionibus: uidelicet, quæ ad bruta pertinet. Cicero Tusculanarum libro quinto: Cum oblatione solertie, qui est unus suauissimus pastus animorum. Pabulum est pecudum quidem, & tamen aliorum quoq; brutorum, quātumq; ego sentio, magis cibus herbaceus, fœniceusq;, ac paleaceus, & stramentitius, similitumq;, quā ex seminibus. A pasco enim & hoc descendit, sicut pastio. Escam antiqui accipiebant etiam, quod dabatur auibus, piscibus uē ad decipiendum, nō solum pro cibarijs humanis, aliorūq; animalium. Quo modo autē pasco neutrum, & pascor deponēs, idem significet, Priscianus uiderit, qui hoc sibi persuasit. Est enim pascor comedo, & uoro, semperq; regit accusatiuum, illud uerò sine ac-

Lib. 3. cap. 1.

Prisc. lib. 1.

Edog. 5. *cusatino: ut, -Pascentes seruabit Tityrus hœdos. Propriè pas-
scere bestiarũ est, sicut uesci hominũ, nisi quòd hoc regit abla-
tiũ, & aliquãdo potũ quoq; cõplectitur: ut Anacharsis apud
Cicer. Carne, caseo, lacte uescor. Pro quo significato nõ rectè
dicã, carnẽ, casẽ, lac pascor. Aliud ergo est pascor, aliud uescor.*

Incola, Inquilinus, & Accola. CAP. LIIII.

INcola, qui in alterius regione habitat, & in aliena ciuitate,
atq; republica. Inquilinus, qui in alieno priuato, propriè ta-
men in conducto, siue in urbe, siue ruri. Cicero de Offic. Pere-
grini, & incolæ est, nihil præter suum negotium agere, nec esse
in aliena republica curiosum. Idem in Philip. Quæ in illa uilla
antè dicebantur? quæ literis mandabantur? iura pop. Romani,
monumenta maiorum, omnis sapiẽtiæ ratio, omnisq; doctrina.
At uerò te inquilino (non domino) personabãt omnia uocibus
ebriorum. hoc est in quo incola differt ab inquilino. Rursus in-
cola ita differt ab accola, quòd incola, qui in loco: accola, qui ad
locum habitat: ideoq; quicunq; iuxta aquas sunt, accola dicun-
tur, nec refert in suo, an in alieno: ut, accola Vulturni, accola
Padi, accola Rhodani. At qui in montibus domos, urbesq; po-
sitas habent, incolæ dicũtur: qui iuxta montes, accola. Nec im-
meritò legendum est illud in psalmo CIIII. Et Iacob incola
fuit in terra Cham: non autem accola, quia uox Græca etiam
consentit ἀνέμω: licet multis alijs in locis apud Hierony-
mun quoque hoc uocabulum reperitur sic positum.

Campus, Area, & Ager.

CAP. LV.

Campus est planicies terræ ampla, & grandis, ideoq; spa-
tiosæ plateæ, aræ'ue, campi nomen acceperunt. Vnde Ro-
mæ campus Martius: nam locus huiusmodi angustior uocatur
area. Ager uerò, tum circũiectum ipsi urbi territorium: ut, ager
Campanus, ager Leontinus, ager Faliscus: tum locus in rure,
quem colimus siue arando, siue conferendo. Nam is, qui seri-
tur frumentis, aruum nominatur. Verum in hoc secundo signifi-
cato

erato habet pluralem numerum: ut, omnes agros ciuium depopulatus est. in priore nō habet, dūtaxat dum loquimur de singularium urbium territorijs: nō enim dices rectē sic, Antonius dedit militibus suis agros Campanos, & Leontinos: nam hoc pacto nō complector nemora, saltus, pascua, desertos montes. sed sic potius: Dedit militibus suis agros, Campanū, & Leontinum: id est agrū Campanum, & Leontinū: quo quidem modo cōplector omnia, quæ in territorio illo sunt. Ager etiam flumina, lacus, ceteraq; omnia includit.

Sylua, Lucus, Saltus, & Nemus. CAP. LVI.

Sylua, & lucus, saltusq; sic differunt, quod sylua generalius nomen est: præterea solet esse cædua. Lucus nequaquā cæduus est, quin potius manu cōsitus, religiosus, atq; uel alicui Deo, uel alicuius hominis cineribus cōsecratus. Ideoq; aut circa delubra numinū, aut circa sepulchra uirorū positus est. Saltus uerō, sylua inuia, nec trāscuntibus peruia, in quo pasci, atq; æstiuare pecudes solent: aut si locus, aërq; patiatur, hyemare. Nemora autem uoluptatis causa comparata sunt, & plena amœnitatis.

Femora, Femina, & Coxa. CAP. LVII.

Femora partem illam exteriorem significant: Femina partem interiorem, mollioremq; quæ se contingunt: uel, Femora partem anteriorem, Femina posteriorem. L. iuius libro x xii. Quosdam & iacentes uiuos succisis feminibus, poplitibusq; inuenerunt. A quo conficitur nomen femoralia, siue feminalia (utroq; enim modo scriptum reperio) pro braccis. Tamen nominatiuus semen non reperitur. Coxa pars supra femora: uertebraq; ipsum quoties uitiatum est, aut os illud, quod in uertebro uoluitur fractum, coxa uitiata, fracta uel dicitur.

Crimen, & Flagitium. CAP. LVIII.

Crimen non modo pro delicto, sed pro ipsa etiam criminatione. Cic. in Philip. Hereditatē mihi negasti obuēnisse, utinam hoc tuū uerum crimē esset. Flagitium propriē in libidine, quasi

quasi flagris dignum crimen : sed pro cæteris quoque peccatis accipitur, nec tantum turpibus, uerum his etiam, quæ per negligentiam, imprudentiam, obliuionemq; committuntur : ut idem in Bruto, Tantã ne fuisse obliuionẽ, inquit, in scripto præsertim, ut ne leges quidẽ senserit quantũ flagitij admisisset : id est erroris.

Vestigal, & Fœnus.

CAP. LIX.

Vestigal non solum ex publico, uerum etiã ex priuato capitur: ut in Paradoxis Cic. Ex meo tenui uestigali detrahitur sumptibus, &c. Et iterũ: Non intelligũt homines quã magnum uestigal sit parsimonia. Paulus: Cæsæ arundinis, uel pali cõpendiũ, si in codẽ fundo uestigal esse cõsuevit, ad fructuariũ pertinet. Ex omni tamẽ prædio uestigal est. Fœnus uerò ex solo ipso. Nam dicitur naturalis fructus terræ fœnus. Postea autẽ ad usurã trãslatũ, quasi pecunia per se fructũ producat, sicut terra.

Luctus.

CAP. LX.

Liui. lib. 2. de
cad. 3.

Luctus est dolor, qui exteriorius proditur uultu ipso, atq; aspectu. Sæpe ipse habitus, uultus, atq; uestis, luctus est. Vnde de secundo bello Punico post cladem illam Cannensem censuerunt Patres conscripti, ne fœminæ ultra triginta dies in luctu essent: non uidelicet, ne in dolore (non enim imperare dolori possumus) sed ne in illo lugubri habitu. Et matronæ Iunium

Brutum anno luxere, tanto tempore item Publium Valerium.

Otium.

CAP. LXI.

Tufcul. quæst.
lib. 1.

Otium uacatio à labore, quod notum est, cuius contrarium est negotium. Sed quia hi qui studijs operam dant, necesse est, ut nō negotiosi sint, factum est, ut otium pro literario studio accipiatur: ut Quintilianus, Inquirendo, scribendoq; talia, consolemur otium nostrum. Non desiderat otii solatium, sed labor: ergo pro labore studij otium accepit Cicero: Quid est enim dulcius otio literario? id est, studio, & (ut ita loquar) negotioso otio. Tale quid habet apud Græcos, ὁλν.

Amor, & Charitas: Caritas, & Penuria. CAP. LXII.

Amor

A Mor genus est, charitas species. Illud ad omnia pertinens, hoc autem ad homines demum, & quidem pro dignitate, ac qualitate personarum. Maxima quidem charitas debetur parentibus, proxima filiis, & deinceps reliquis. Caritatem etiam pro penuria accipimus: sed frumenti quidem, & annonæ caritatem dicimus. Penuriam uerò uini, aquæ, pabuli, pecorū, pecunie, uirorum, cæterarumq; huiusmodi rerum. Vel penuria est (ut sic dicam) carentia omnium rerum. Caritas uerò, quæ contraria est uilitati. Ideoq; Plinius Iunior ait, accessisse agris sub-urbanis caritatem. Et Quintil. quum ait: Itaq; caritas annonæ, rarum frumentum, cædes, ac direptio pecorum. idem est, ac si dixisset caritas annonæ, penuria frumenti.

ann.
charita

Epist. 9. lib. 6.

Seditio, & Factio.

CAP. LXIII.

Seditio, uel à seorsum sedendo, uel (ut Ciceroni placet) à seorsum eundo dicta, tunc est, quum populo secum discordante, res ad manum uocatur. Qualem ciuitatis statum Vergilius describit, sic dicens,

Aeneid. 1.

Ac ueluti magno in populo quum sæpe coorta est
Seditio, scuitq; animis ignobile uulgus:

Iamq; faces, & saxa uolant, furor arma ministrat.

Similiter dicitur seditio in exercitu, in classe, in schola, et si quid est tale. Factio est diuisio ciuium in diuersa studia, quum aliqui se principes, & primarios in ciuitate efficere conantur, inter quos æmulatio est, qui & factiosi dicuntur, pro se quisq; quàm maximam potest ciuium multitudinem (qui clientes uocantur) ad se trahens, sibiq; quouis pacto per fas, nefasq; concilians: quæ pestis intestina cunctas ciuitates duntaxat Italiæ infecit.

Bellum, Prælium, Pugna, & Certamen. CAP. LXIIII.

Bellum, est tum ipsa pugna, tum totum tempus, quo in militia sumus, quam ueterati guerram uocant. Prælium, ipsum tantummodo armorum certamen. Nam & pugna, certamenq; etiam citra arma fit. Interdum etiam fit nudis uerbis.

Copia, & Copiæ.

CAP. LXV.

Copia facultas, potestasq; est: ut, faciam tibi copiam in scribendi libros meos. id est, dabo tibi facultatē, uel faciam tibi potestatem. ut enim alio loco dixi, semper iunctum est cum uerbo facio, dūtaxat apud oratores. Nam poëta cum alijs uerbis,

Aen. 9. Et præcipuē cum do. Vt Vergilius:

Affari extremum misere data copia matri? Et iterum:

Aen. 1. Postquā introgressi, Et corā data copia fandi.

Sine his autem duobus uerbis, copia plerunq; pro abundantia accipitur. Vnde dicta est copia orationis, Et copia pecuniarum, Et copia frumenti. In plurali quoq; pro eodem significato: ut, noui copias tuas: omnium rerum copias habeo. Peculiariter tamen appellamus militum multitudinem: ut copiæ Pompeij, copiæ Caesaris, copiæ aduersariorū: pro quo imperiti dicunt, gentes aduersariorum, gentes nostræ. Et in hoc etiam significato

Epi. 19. lib. 8.
epi. ad Ant.

nonnunquam in singulari: ut Pompeius ad Domitium: Neque solus cum ista copia tantam multitudinem sustinere poteris. Et paulo post: Etiam atq; etiam hortor, ut cum omni copia quam primum ad me uenias. Sallustius: Postremò ex omni copia Catilinæ neq; in prælio, neq; in fuga quisquam ciuis ingenuus captus est. Vergilius in secundo Aeneidos:

In Catil. -Et quæ sit me circum copia, lustro.

Elogium.

CAP. LXVI.

Elogium, est testificatio de aliquo siue honoris, siue uituperationis causa. Vituperationis: ut Quintilianus, Non est iudices, quod putetis ideo nullum adiectum ad exheredationem iuuenis elogium, quia de scelere constaret. Et alibi: Si exheredatum a se filium pater testatus fuerit elogio, propterea quod is meretricem amaret. Multa sunt huiusmodi exempla apud iurisconsultos, sed unum suffecerit Modestini, ubi huius nominis (nisi ab altero adiecta sit) interpretatio reperitur. Cuius hæc uerba sunt: Desertorem auditum, ad suum ducem cum elogio (id est,

(id est, cum uituperatione) mittat. Honoris causa, ut M. Tullius: In quod elogium plurimæ consentiunt gentes, uirum esse ciuitatis primum, &c. Et iterum: Quid elogium sepulchrorum? Quæ qualia sint, Suetonius in Claudij uita ostendit, dicens: Nec contentus elogium tumulo eius uersibus à se compositis insculpsisse, etiam uitæ memoriam prosa oratione composuit. Seneca in Declamationibus: Decessit negotiator, testamento omnium bonorum reliquit formosam uxorem heredem, & adiecit elogium, quia pudicam comperi. Pro simplici autem sententia suæ testificatione, Cicero: Solonis quidem sapientis elogium est, quo se negat uelle suam mortem dolore amicorum, lamentisque uacare.

Lib. 2. de fin.
Tusc. quæst.
lib. 1.
Cap. 10.

In Cato. Maior.

Condictio, & Conditio.

CAP. LXVII.

Condictio, à condico nascitur. Conditio, à condo. Illud rarius est, quod ita Iustinianus (si credimus hominem Græcum Romanis iura potuisse præscribere) definit: Condicere, est denuntiare, prisca lingua. Nunc uero abusiue dicimus conditionem, actionem in personam, quam actor intendit sibi dari oportere. Nulla enim hoc tempore eo nomine denuntiatio fit. Ergo condictio erit uel hæc actio, uel illa denuntiatio. Conditio uero multi his temporibus male (ut pleraque) usurpant, accipientes pro mentis qualitate: ueluti hic est homo mansuetæ, & bonæ conditionis: quod antiqui dicebant, boni, & mansueti ingenij: nos quoque mansueti animi, & mansuetæ mentis. Nos cum dico, de illis dico, qui Latine loquuntur. Nam homo bonæ conditionis, Latine dicitur, si ad fortunas referatur, non si ad mores. Ut, ille est uir magnæ, parue, mediocris conditionis: id est, diues, pauper, uel, aut inter hos medius. Ego sum positus in hac conditione: id est, fortuna, ac sorte. Cicero: O miseram conditionem administrandi consilatus. Huic significato illud penè par est, quum inter plura eligenda sortis est oblata electio: ut apud Mar. Fabium, Oblata est à iuuenibus tyranno conditio, ut dimitteret alterum ad uisendam matrem, ad diem præstitutum reuersurum, ita ut nisi ac-

cui

In Andr. 28. 1.
sce. 1.

currisset ad diem, de eo, qui restiterat, pœna sumeretur. Dicimus igitur offero conditionem, uel fero, uel pono conditionem. Nunquàm ferè per aliud uerbum. Quæ conditio dum placuit, etiam ferè semper dicimus, accipio conditionem. Vt apud Terentium, amatores Chrysidis tulerunt mulierum conditionem, si uellet eis morè gerere, se daturos illi pretium, liberalemq; mercedem. Ipsa uerò accepit conditionem. hoc est, pactioni, promissioniq; assensit. Ab illo significato non longè absunt, offero electionem, do optionē. Hæc tamē solent esse inter plura, illud uerò in uno frequentius: ut, offero electionē utrū uelis eligēdi: et, do optionem, quod uelis potissimum optandi: deinde tu aut eligere te dicis, aut optare. Offero conditionem Chrysidis, unam scilicet.

Frondes, & Folia.

CAP. LXVIII.

FRondes arborum sunt tantum. Folia autem et arborum, et herbarum, et florum quoque.

Excubiæ, & Vigilæ.

CAP. LXIX.

EXcubiæ diurnæ, et nocturnæ. Vigilæ tantummodo nocturnæ.

Suffragia.

CAP. LXX.

Suffragia sunt (ut sic dicam) uoces, quæ dicebantur ad comitia, in tabellâ uel scribebantur, quibus suam quisq; declararet uoluntatem de aliquo eligendo in magistratum: qualis est hoc tempore electio summi pontificis, et eius quem Cæsarem Augustum Christiani non erubescunt appellare, à damnatis nominibus tyrannorum, qui non modò oppressere Rempublicam, ut nemo iam possit uocari rex Romanorum, sed sub eorum gladio, rex uerus cœli, et terra occisus est. Et postea isti insani, et nostræ religionis immemores, uocant diuum Augustum, diuum Claudium, diuum Traianum, quasi uulgus, atque homines possint principes referre in deos. Sed hæc omittamus, hoc tantum dicentes, Romanos non agnoscere regem aliquem. Et quum cæteræ gentes in libertatē se afferuerint, hoc multò magis

gis nobis licere. Suffragia igitur (ut dicebam) sunt uoces in electionibus: quod suffragium, quia cui præstamus, nimirum eidem gratum facimus, hinc factū est, ut suffragium pro auxilio sæpe ponamus: & suffragor, pro auxilium fero. Refragor repugno, propriè quidem in dictis, sed nonnunquam & in factis.

Catulus, Pullus, Hinnulus, & Fœtus. CAP. LXXI.

Catuli sunt ferarū siue immutium, siue mitium. Nam & catulos murium legimus. Pulli uerò pecudum. Fœtus auium, & piscium: quanquam & hoc generalius nomen est. Vnde fecundificare, pro parere: & fœtura pro partu, ad omnia animalia muta pertinet. Ceruorum hinnulos dicimus, capreolorum quoque, caprearum, damarum, leporum, simuliumq;. Catulos quoque serpentum, ut Vergilius de colubro:

-Catulos tectis, atq; oua relinquens. Immaniumq; piscium, qui non edunt oua. Propriè tamen catuli sunt filioli canum. Vergilius: Sic canibus catulos similes - Georg. 3.
Eclog. 1.

Cicero de Diuin. Erat autem mortuus catellus eo nomine. Lib. 1.

Lues, & Pestis.

CAP. LXXII.

Lues, & pestis hoc differunt, quo genus, & species. Nam quum in urbe, aut in agro febris, aliud uel genus morbi sæuit, siue solos homines, siue sola pecora, siue utrosq; corripiciens, lues dicitur: interdum etiam si arbores, ac sata. Pestis uerò aut citò occidit, aut citò abit ab eo, quem inuasit, quæ eadem dicitur pestilentia. Nonnunquam tamen pro lue ponitur, atq; ad animi uitium sæpe transfertur.

Corpus, & Caro.

CAP. LXXIII.

Corpus potius, quam carnem, nostrum uiuentium dicimus: & hominem corpulentum potius, quam (ut aliqui loquuntur) carnosum. Quintilianus in sexto: Corpulento litigatori, cuius aduersarius item puer circa iudices erat, ab aduocato laetus, quid faciam: te ego baiulare nō possum. Item in primo: Offa detegunt: quæ ut esse & astringi neruis suis debent, sic corpore operien

operienda sunt. Idem in quinto, Neruisq; illis, quibus causa continetur, adiungunt, inducti super corporis speciem. Et alibi: Hæret astricta nudatis ossibus cutis, & in fame sua homine cōsumpto iam membra sine corpore. Cicero ad Gallum: Ego hic cogito commorari, quoad me reficiam. Nam & vires, & corpus amisi. Sed si morbum depulero, facile (ut spero) illa reuocabo.

Epist. 17. lib. 7.
epist. 12.

Quod etiam significauit Martialis, quum ait:

Epig. 7. ad Cef.

Viuebant laceri membris stillantibus artus,

Inq; omni nusquam corpore corpus erat.

Videlicet quod in corpore illius non erat caro.

Lamina, & Bractea.

C A P. LXXIIII.

Laminam tam ferream, æream, plumbeam, stanneam, quam auream, argenteam, electream, orichalceam dicimus: Bracteam potius ex his posterioribus. Aut certe bractea tenuis est, & sua sponte plicabilis: Lamina uero crassior, ex qua armatura conficitur, & qua incensa olim homines torquebantur: nec crepitat, ut bractea præ tenuitate.

Vergilius in sexto:

Talis erat species auri frondentis opaca

Illice, sic leni crepitabat bractea uento.

Veruntamen ita tenuis nonnunquam bractea est, ut crepitare non possit: ut illa ex qua fit auratura, & argentatura.

Munimenta, & Monumenta.

C A P. LXXV.

Munimenta sunt munitiones castrorum, cæterarumq; rerum, quæ contra aduentum hostium muniunt, siue uallo, & fossa, siue alio quouis modo, quo sint milites (ut dixi) ab hostium aduentu muniti. Monumenta, i. mutata in u, sepulchra, statuae, tituli, libri, cæteraq; quæ nos alicuius rei præterite moneant. Nam de futuro (ut quidam uolunt) ideo sepulchra appellari monumenta, quod nos nostræ ipsorum mortis admonerent, falsum est. In honorem enim mortui illa tantummodo sunt, non in publicam præceptionem: uixq; monumenta dixerim, nisi litera, aut alij tituli appareant: quæ si desint, magis sepulchrum, quam

quàm monumentum erit. Liuius lib. XLV. III. Vtrobique monumenta ostenduntur, & statuae. Nam & Litterni monumentū, monumentoq; statua superimposita, quam tempestate disiectam nuper uidimus ipsi: & Romae extra portam Capenam in Scipionum monumento tres statuae sunt, quarum duae P. & L. Scipionum dicuntur esse, tertia poëta Quinti Ennii.

Opera, & Opus.

CAP. LXXVI.

Opera est actio, ut dabo operam: & in iure ciuili, de operis libertorū. Cicero de Officijs, Nō male præcipiunt, qui seruis uti iubent, ut mercenarijs ad operam exigendam, & iusta præbenda. id est, ad laborem, & operationem corporis. siue (ut ait Vlpianus) operæ sunt diurnum officium: Opus est finis, fructusq; operæ. Vnde opera autorum dicuntur, & opera publica, ipsa publica ædificia. Nonnūquam uidetur opus pro opera accipi: ut Vergilius: Mollibus è stratis opera ad fabrilia surgit. quasi ad operas. Sed (ut uidere uideor) quoties non ad laborem corporis, sed ad laborem animi, & artē, industriamq; respicimus, magis opus, quàm opera, dicendum est: ut, in opere rustico, in opere faciundo, in opere fabili, in opere textorio. Hanc differentiam ita ponit Seruius: Hoc opus, & hæc opera tunc dicimus, quando negotium ipsum significamus, quod geritur. Si autem fæminino genere dixerimus operas, ipsas personas, quæ aliquid faciunt: sicut custodia dicitur, quæ custodit: ut, - Cernis custodia qualis. Nam ut hi, qui custodiuntur, custodiæ dicantur, usurpatum est: unde male est in usu, custodiæ audiuntur: Hæc Seruius. Sed non absolutè definit opus, & operam: utrunq; autem horū nominū in eodem posuit loco Terentius: Quod in opere faciundo operæ consumis tuæ, si sumas in illis exercendis, plus agas. Operæ autem pretium ab opera est, ut uersus indicat Iuuenalis: Est operæ pretium penitus cognoscere, toto

Quid faciant, agitentq; die. - id est, fructuosum est, & ad rem pertinens, ideo uel quia decens, uel quia utile, uel gloriofum, uel quia

Lib. 1.

Aen. 8.

Ser. in illud
Ver. 11. Aen.
Extulerat lucē,
referens opera,
atq; labores,
Aen. 6.

In Heautont.
act. 1. sce. 1.

Saty. 6.

Lib. 1. ab urb. quia iucundum. Ab hoc nomine Liuius exorsus est, dicens: Facturus ne operae pretium sim, si res gestas populi Romani ab initio perscripsero, necdum scio, nec si sciam, dicere ausim.

Solatum, Consolatio, & Solamen. CAP. LXXVII.

Solatum, & consolatio idem sunt, nisi quod illud re, hoc Suerbis fit. Quintilianus: Cæcitatis miserae solatium est habere rem uidentium. Idem: Itis obuiam consolationibus: & (quod omnem modum feritatis excedit) captiuitatis in magna calamitate laudari. Nec mirum, quum consolari sit oratione, Solari uero semper ferè aliter. Nolo asserere plura male utentium exempla, quæ faciliè quilibet sibi inueniet. Cicero tamen de Amicitia ait: Ipse me consolor, & maxime illo solatio, quod eo errore careo, quo in amicorum discessu plerique anguntur. Vtrumque rectè dictum est. Quid enim non rectè Cicero dicat? Nam quum se tanquam alterum, quasi colloquio à maiore reuocet, debuit dicere consolatur. Quia uero oratione non utitur, solatium dicere potuit. Solamen idem quod solatium est, sed magis poeticum. Vergil. Solamenque mali de collo fistula pendet.

Aen. 3.

Quo tamen Boethius, & quidam alij utuntur.

Affectus, Affectio, & Affectatio. CAP. LXXVIII.

Affectum nusquam uideor reperisse apud Marcum Tullium, frequentissime affectionem. Contrà, apud Quintilianum frequentissime affectum, raro affectionem: ut illo loco (si modò non est mendosus) ubi ait: Cupiditas causa sceleris fuit, quæ uis eius ira quantum efficiat in animis hominum, talis affectio. Nescio an sit affectus. Et in alio loco: Illa uero frigida, & puerilis in scholis affectio. Affectionem Cicero modò sic definit: Affectio est animi, aut corporis ex tempore aliqua de causa commutatio: ut letitia, cupiditas, metus, molestia, morbus, debilitas, & alia quæ in eodem genere reperiuntur. Modò sic: Affectio est quedam ex tempore, aut ex negotiorum euentu, aut administratione, aut hominum studio commutatio rerum, ut non tales

De Inuēt. lib. 1.

De Inuēt. lib. 2.

quæ

quales antè habitæ sunt, aut plerumque haberi solent, habendæ uideantur esse. In Tusculanis idem autor, & alibi, uoluntatem hominis affecti ad uirtutem, atq; ipsam uirtutem animi, appellari affectionem ait, qualis non est affectus, qui Græcè dicitur πάθος, quod ipse Cicero interpretatur, perturbationem malens dicere, quàm morbum, quo nomīne sæpissime utitur. At Quintilianus non perturbationem, sed affectum nominat: neq; ipse aut solus, aut primus, sed pleriq; ante eum, ut Seneca, Plinius, Rutilius, Columella, Valerius, Liuius, alijq; multi. Ita enim ille ait: Alteram Græci πάθος uocant, nos, uertentes rectè, ac Quintil. lib. 6.
cap. 3. propriè, affectum dicimus. Illa igitur (ut ego quidem sentio) affectio Græcè πάθος dicitur, quam nostrates philosophi in Latinum uertentes appellant dispositionem. Aliquibus tamen uideri posset definitio illa Ciceronis hunc quoq; significatum, qui est πάθος completi. Quibus, quia ad rem non multum attinet, non sanè repugno: cum præsertim omnes ferè iurisperiti, omnesq; ecclesiastici scriptores affectionē pro affectu accipiant. Est autè affectus pars illa animæ qualitatis, quæ è regione rationis est. Quicquid enim in anima, præter partē illam memoriæ, ratio non est, affectus est: & rursus, quicquid non est affectus, ratio. Ab hoc fit affecto, quo etiam Cicero ipse sæpe utitur in libris ad Herennium: Non tam affectanda, quàm illæ superiores, Lib. 4. sed tamen adhibenda nōnunquam. Apud eundem nunquàm (nisi me incuria sefellerit, aut memoria fallat) legi affectationem, frequenter apud Quintilianum, & cæteros, ut ibi: Nihil odiosius affectatione, id est, affectu, conatuq; æmulandi alterius uirtutē, quam assequi nequeas refragante natura: uel nimio affectu, nimioq; conatu alterius uirtutem æmulandi: ita ut turpe sit, ac deformē, sic auide æmulari.

Latebræ, & Latibula. CAP. LXXIX.

Latebræ, hominum propriè dicuntur: Latibula, ferarum. Quintilianus; Et quamuis odio euersoris nostri euocatus Declam. 13.
t è latebris

Ll. i. de Offic.

è latebris suis populus, subsellia non implet. Cicero: Videant, ne queratur latebra periurio. id est, excusatio periurij. Latibula nō nunquam horum: Latebrae etiam ferarum. Liuius lib. XLVII. Inter uestres in latebris ferarum noctem unam delituit.

De Luce, & tenebris: Die, ac nocte. CAP. LXXX.

LVCE, & tenebris, pro die, ac nocte accipere solemus. Differt Latamen prima luce, à prima die. Nam ibi intelligitur prima pars diei, & quasi diluculum: hic autem prima dies. Ita primis tenebris, & prima nocte. Ibi de prima parte noctis loquimur, hic de nocte ipsa. Ideoq; ante lucem melius dicimus quàm ante diem, si diluculum significamus. Nam ante diem, pro ante tempus, dici solet: praterquam si de certo die loquamur: ut, ante diē decimum: uel, ante sextum calendarum Nouembriū: id est, sexto die ante calendas Nouembris. In quo loco præceptum Pauli inferere non inutile fuerit, qui ait: Ante diem decimum calendarū, & post diem decimum calendarum, æquè utroq; sermone undecima dies significatur. Verum non quemadmodum ante lucem melius, quàm ante diem, pro diluculo dicimus: sic ante tenebras, quàm ante noctē, pro crepusculo. sed ediuerso potius. Reperitur autē luci pro luce, ut uesteri pro uestpere, & ruri pro rure. Cicero in Philippicis: Quis enim audeat luci? quis in militari uia? Diem pro diurno tempore, itemq; pro certo tempore uolūt esse masculini generis, notaueruntq; Vergilium indifferenter accepisse. Ego tamen & apud hunc, & apud ceteros pro tempore ipso semper annotaui esse foemininū: ut, ipsa dies facit hominem prædentē: & multa dies magnam dat hominibus rerū experiētiam. Vnde Pædianus uult fieri dieculam, pro paruo tēpore. Et apud iuriscōsultos bima, trima, quadrima die, pro tēpore biennij, triennij, quadriennij: quod iurisperiti nō intelligunt. In certo tempore Pædianus idē consentit, debere esse generis masculini. Dicemus ergo hesternō die, & crastino: non hesternā die, & crastina. Ad diem nō uenit, ad diem non affuit: id est, die præstituto.

Philipp. i. i. circa
causam,

Orator

Orator, Rhetor, & Declamator. CAP. LXXXI.

ORator, qui causas orat uel in iudicijs, uel in concionibus: qui Græcè dicitur ῥήτωρ, id est, rhetor. Nos tamen rhetorē professorem rhetoricæ uocamus, non oratorem. Mirorq; cur in hoc tam facili, peruulgatoq; nomine exponendo Victorinus errauerit. Declamator est, qui studens apud rhetorem in conuentu scholasticorum fictam causam orat, id agens, ut in ueris postea causis possit orare. Ipse quoq; rhetor, & quicumque alius etiam extra scholam hoc ipso genere utitur, siue ut alios, siue ut se exerceat, declamator uocatur. Nonnunquam tamen more Græco reperimus poni, ut Cicero libro secundo de Natura deorum: Hæc quum Cotta dixisset, tum Velleius, Ego, inquit, incautus, qui cum Academico, & eodem rhetore congredi conatus sum. Nam neq; indifertum Academicum pertinuissē, neq; sine ista philosophia rhetorem, quamuis eloquentem. Rhetorem dixit uel oratorem, uel rhetoricum.

Victorin. in
sua præfat. in
lib. 1. Cicero, de
Inuent.

Peregrinus, & Hospes, Diuersorium, & Hospitium. CAP. LXXXII.

Peregrinus, & hospes hoc differunt: quòd peregrinus uocatur, qui in ciuitate sua non est: Hospes qui in aliena est. Vel peregrinus, qui ex nostra ciuitate oriundus non est: Hospes qui in nostra est. Cic. Vos hospites in hac urbe uersamini, uestre peregrinantur aures? Quintil. Attica anus Theophrastū hominē alioqui disertissimū, annotata unius affectatione uerbi, hospitem dixit. Nec alio id se deprehēdisse interrogata respōdit, q̄ quòd nimium Atticè loqueretur. Pro hoc imperiti dicūt forēses, aut extranei: loquēdū enim mihi barbarè est, ut barbariē emendē. Hospites igitur sunt, tā qui in priuato alicuius hospitio sunt, quàm qui in publico, quod diuersoriū, uel tabernam meritoria appellamus: tamq; qui recipit, quàm qui recipitur. Vnde Ouidius: —Non hospes ab hospite tutus. Cicero: Per dextram istam quam hospes hospiti porrexisti. Sed ille receptor propriè uocatur

Pro Mitho.
Lib. 3. cap. 1.

Metam. 7.
Pro Deiotaro.

hospes, qui priuatim, & amicitie causa recipit: unde hospitium: ut idem, Fuit mihi cum illo uetus hospitium. id est, amicitia familiariter uel mihi hospitandi apud illum, uel illi apud me. Vnde hospitales homines, qui amore, non pretio hospitium suum communicant. Hospitium & priuatum, & publicum dicitur. Liuius Tarento Annibali per dolum prodito, ait hospitia tantummodo Romanorum à militibus fuisse direpta. Certè priuata, non publica.

In Cato. Maio.

Cicero: Ex hac uita sic decedo tanquam ex hospitio, non tanquam ex domo: commorandi enim natura diuersorium, non habitandi dedit. pro eodem posuit diuersorium, & hospitium.

Concius, Conterraneus. CAP. LXXXIII.

De Amic.

Concius, qui eiusdem ciuitatis est: Conterraneus, qui eiusdem terræ. hoc est, territorij. Maior est enim terra, quam urbs, oppidum uel, cuius habitatores uocantur ciues. Cic. Eorum qui in hac terra fuerunt, magnamq; Græciam (quæ nunc quidem deleta est, tum florebat) institutus, & præceptis suis erudierunt.

Plin. in præfat. nat. hist.

Plinius tamen Catullum conterraneum suum uocat: uel quod ex dioecesi illa, uel quod ex urbe sit Veronensi. Vterq; enim dictus est Veronensis. Nam illius nepos, & per adoptionem filius fuit Nouocomensis, & ideo Plinius Secundus & ipse dictus est. Quidam librum nuper sic inchoauit: Fauonius ciuis meus, optime princeps, & consul tuus. Quam dicere debuisset, concius meus. Dominus enim ciuitatis, ciuem suum uocat, quia non potest appellare conciuem. Quemadmodum miles socium in militia, non militem suum uocare potest, sed commilitonem. Et discipulus eum, qui unā eidem præceptorī dat operā, non discipulum suum, sed commilitonem. E diuerso præceptor non uocat auditores suos, cōdiscipulos suos, sed discipulos. Et dux in bello, nō commilitones, sed milites suos appellabit. Licet Caesar, & quidā alij appellauerint milites suos commilitones, comparandæ beneuolentiæ gratia: ut apud Verg. Aeneas qui sub eo erāt, socios uocat. Hic ergo homo priuatus non debuit quenquā suū ciuem appellare, sed conciuem:

neq

Verg. Aen. 1.
O socij, neque enim ignari sumus ante malorum,

nec rursus aliquem principis consulem dicere. Nōnunquam tamen inuenitur ciuis pro conciuis, ut Lælius apud Lucan.

Nec ciuis meus est, in quem tua classica Cæsar

Audiero. Dicam tamen municeps meus, pro eo quod est, conciuis meus, quia communiceps non inuenitur. At quoties non apponimus pronomen, rectius sine appositione loquimur: Audite ciues, succurrite milites, legite discipuli. etiam si mei fuerint conciuies, commulitones, condiscipuli. Quod si quando per hæc posteriora sine pronomine loquor, tamen pronomen subintelligendum est: ut, omnes me conciuies amant. Cur tu non das commulitonibus partem? Ille semper exagitat cōdiscipulos questionibus. subintelligitur, mei, tuis, suos. Dicimus tamen, uos estis ciues nostri: quæ si reipublicæ nostræ, non quasi singularium aliquorum ciuium.

De Prætor, Prætoriusq; & alijs magistratuum nominibus. CAP. LXXXIII.

Prætor, qui præturam: Consul, qui cōsulatum: Quæstor, qui quæsturam: Aedilis, qui ædilitatem: Censor, qui censuram: Tribunus, qui tribunatum: Primipilus, qui primipilatum gerit. Senator, qui senator est, aut fuit. Prætorius, qui præturam: Consularis, qui consulatum: Quæstorius, qui quæsturam: Aeditius, qui ædilitatem: Censorius, qui censuram: Tribunitius, qui tribunatum: Primipilaris, qui primipilatum gessit. Senatorius non dicitur senator, sed (ut dixi) uel senatorij ordinis, aut de domo senatoria. Triūphator, qui triumphat propriè, sed etiam qui aliquando triumphauit. Vt uictor exercitus, qui uicit. Triumphalis, qui triūphauit. Cæterum illa priora nomina sunt substantiua, quia iunguntur cum adiectiuis: ut, diligens consul, bonus tribunus, iustus prætor, seuerus censor. Hæc posteriora sunt adiectiua, eò quia iunguntur cum substantiuis: ut, homo consularis, tribunitia mulier, prætoria familia, censorium edictum. Quod si absint substantiua, subintelliguntur: ut, Consulares rogantur primi sententiam in senatu, proximi prætorij, deinde tribunitij:

t 3 intelligi

intelligimus homines:quemadmodū in illis, plebeij, nobiles, potentes, ingenui, libertini. Proconsul, non qui pro alio consule praeest prouincia, sed qui cum potestate consulari extra ordinē ad aliquam prouinciam administrandam mittitur: praefer quā quod non duodecim fasces eum praecedunt, qui praecedunt consulem, sed tantum sex, ut etiam praetorem, & praesidem. Propraetor non pro alio praetore praeturam, sed extraordinariam gerit. Itaque dicitur Proquaestor, & si qui sunt alij huiusmodi nominum magistratus.

De locorum quorundam nominibus, et possessi-
uis horum. CAP. LXXXV.

RHegini ex oppido Calabriae, Rhegienses ex oppido Galliae Cispinae: quorum oppidorum utrunq; uocatur Rhegiū. Albani, & Albenses, ex oppido Alba in Latio, Albani: ex oppido Alba ad lacum Fucinum, Albenses: qui à quibusdam Albani dicuntur. Cumani ex oppido Cumarum in Campania, quam nunc praue uocant Terram laboris: Campaniam uero illam regionem, quae illi finitima est Romam uersus. Comenses ex oppido Como in ea Gallia, quam nunc Lombardiam nominant, in qua ipsa Gallia, & finitimum Como est Bergomum, unde Bergomenses. Pergamum, ex qua urbe Pergameni, in Asia: à qua, quia ob penuriam chartae, ab Attalo rege missa est membranarū copia, membranæ Pergamenæ sunt nominatae. In Asia cum dico, prouinciam intelligo. Nam in ea, quae est tertia pars orbis terrarum, regio quaedam est eodem nomine, quam Turchiam nunc uocant, non autem, ut quidam uolunt, Teucriam: quemadmodū in Africa, quae & ipsa tertia pars orbis dicitur, est etiam regio eiusdem nominis. unde Afros dicimus homines, non autē Afram regionē. Thebani à Thebis in Graecia: Thebei à Thebe in Aegypto. sed Thebei secundum Graecam formam fit: nam & Thebani, Graecè Thebei dicuntur. Non tamen occurrit, ubi in libris gentilium legerim Thebaeos.

Priscus

Priscus, & Pristinus. CAP. LXXXVI.

Prisca, quæ superioribus seculis, aut superiore ætate: ut, prisca Latini, priscus Tarquinius, prisca tempora. Pristina, quæ superioribus annis, mensibus, diebus, & quæ nostra memoria fuerunt: ut, pristina nostra amicitia, pristina beneficia nostra. Neque rectè hic dicas prisca, neque illic pristina. At uerò si de rebus, quæ non senescunt, loquaris, pristinū, non priscum decebit: ut, Pharos & Tyrus nunquā in pristinū statum redibunt. Maria in freto Messanensi laborant, ne montes, si Lucano credimus, repertant pristina cōfinia. Atqui tantū temporis est, ex quo illuc mare irrupit, ut memoriæ non inueniatur proditum. Padus post quingentos, & eo amplius annos solet reuerti in pristinum cursum.

Lucan. lib. 3
Vis illæ ingens
pelagi, semper
laborat Aequo-
ra, ne ruptis re-
petant cōfinia
montes.

Prosper, & Felix. CAP. LXXXVII.

Prosper qui dat: Felix qui recipit prosperitatem. Sidus Veneris (si credimus mathematicis) prosperum est: natus sub illo sidere felix est. Dicimus ergo propriè homines quidem felices: deos autem, tempora, loca, actiones, fines, successus prosperos, & si qua sunt similia. Vtrunq; tamen aliquando recipit exceptionem. Nam & non semel legimus prosperam alicuius ualitudinem: ut Suetonius de Cæsare, Fuisse eum prospera ualitudine. id est, bona, & quasi felici. Et de Tyberio, ualitudine prosperissima usum eum esse ait. Sallustius: Sed post quā res ciuibus, muris, agris satis aucta, satisq; prospera uisa est. Rursus Vergilius: Sis felix, nostrumq; leues, quacūq; laborem. Pro eo quod est, sis prospera, & benigna.

Cap. 46.
Cap. 69.

In Catil.

Aen. 1.

Saluber, & Sanus. CAP. LXXXVIII.

Saluber, siue (quod usitatus est) salubris, dicitur aer, cibus, potus, locus, multaq; huiusmodi: idem ferè quod salutifer, siue salutaris. Sanus homo dicitur, ceteraq; animalia. Res salubris præbet sanitatem, homo uerò recipit: qui potest & præbere, tuncq; saluber, quasi salutifer dici. Sed in utroque etiam aliqua reperitur exceptio. Siquidem sanum aërē, sanum cibum, sanum locum

In Iugurth.

uocamus, quasi salubrem, & præbentem sanitatem. Contrà salubris pro sano. Sallustius: Genus hominū salubri corpore, uelox, patiens laborū, plerosq; senectus dissoluit. Liuius: Grauiore tempore anni iam circumactō, defuncta morbis corpora salubriora esse cœpere. Martialis dum describit uitam beatam, inquit:

Li. 10. epig. 46.

Lis nunquā, tota rara, mens quieta,
Vires ingenue, salūbre corpus.
Prudens simplicitas, pares amici.

Hi tres quos produxi loci, idem nomen habent coniunctum cum corpore. Quare non ausim dicere, ut dixit Boëthius in translationibus suis, Aeger an salūber. Nam de æquali suo Cassiodoro, qui apud nonnullos in pretio est, nunquā ideo facio mentionem, quia cū regibus suis Theodorico, & Alarico, quorum scriba fuit, Gotthicum sonat, & barbarum.

Lucundus, & Gratus. CAP. LXXXIX.

Epist. 6. li. 4. fa.

Iucundus, & gratus sic differunt, quòd iucundus propriè in prosperis, Gratus in aduersis. Iucundū uoco nō qui letus est, sed qui letitiæ est alteri: ut prosper, ac saluber. Vsque adeò potest q̄s tristis, moestusq; esse, & tamē iucundus: ueluti quū hostis meus in dolore est, tūc mihi iucundus est: & ego gaudens, sum illi minime iucundus. Quare nō rectè locutus est, q̄ ait, Iucundos nos faciat sue interesse cōmemorationi. Sed ad differētiam Cicero ad Sulpitiū cōsolantē de morte filie inquit: Seruius tamē tuus omnibus officijs, quæ illi tēpori tribui potuerūt, declarauit & quāti ipse me faceret, & quā suū talē erga me animū tibi gratū putaret fore: cuius officia iucūdiora scilicet sæpe mihi fuerūt, nunquā tamē

Epist. 13. lib. 5. fa.

gratiora. Idē ad Luceiū: Omnis amor tuus ex omnibus partibus se ostēdit in his literis, quas à te proximē accepi: nō ille quidem mihi ignotus, sed tamē gratus & optatus: dicerem iucundus, nisi id uerbum in omne tempus perdidissem. Idem ad Atticum: Fuit enim mihi sæpe & laudis nostræ gratulatio tua iucūda, & timoris cōsolatio grata. Idem tamē libro quarto inuestiuariū: Est mi-

hi

hi iucunda in malis, & grata in dolore uestra erga me uolūtas. Iucunda dixit, quasi letitiæ plena, & uoluptuosa, qualis est in prosperis. Grata, quasi plena affectus, ac fructus. In iucūdo enim quædam gratia est delectationis, in grato uerò etiam commodi. Quippe affectus rosarum, liliorum, uiolarū, florumq; ac similiū iucundus est. Affectus plena mæsis, uberum olearum, grauium fructu uitium, pinguiumq; pecorum, gratus: Et pueritia filiorum, atq; infantia iucundior: adolescentia uerò, ac iuuetus gratior, utpote utilior. Idem de Officijs libro secūdo: Atque etiam illæ impensæ meliores sunt, muri, naualia, portus, aquarum ductus, omniaq; quæ ad usum Reip. pertinent. Quanquàm quod præsens, tanquàm in manu datur, iucundius est, tamē hæc in posterū gratiora sunt. Hieronymus nōnunquā his duobus nominibus cum ea, quam ostendi, proprietate, & distinctione usus est.

Plura, Complura, Pleriq; & Plerunq; CAP. XC.

PLura, & cōplura sic differūt, quòd plura possunt esse duo: complura duo esse non possunt: illud comparatiuū est, hoc uerò minime: ideoq; nō regit casum. Plerique, modò autores pro maxima parte accipiunt, modò pro nonnulli. Sallustius: In diuisione orbis terræ, plerique in parte tertia Africam posuere, pauci tantummodo Asiam, & Europam. Paulò post: Plerosque senectus dissoluit, nisi qui ferro, aut bestijs interiere: nam moribus haud sepe quenquam superat. Quint. Videas plerosque ita paratos. id est, nonnullos. Plerunque magis à priori significato, quàm à posteriore uenit: id est, pro eo quod est ferè semper. Quintil. in amatore: Excussa sunt plerunq; languentium uitia uerberibus. id est, nonnunquam. Tamen in hunc sensum hæc dictio (siue nomen, siue aduerbium sit) rarò reperitur. Seruius quidem nescio an unquam utatur aliter.

In Iugurth.

Dedam. 15.

Clarus, & Præclarus. CAP. XCI.

CLarus & præclarus figuratè accipiuntur pro eo, qui tanquam fulgore quodam famæ, & gloriæ resplendet. Vnde

t s clarissima

Philipp. 7.
Philipp. 3.

clarissima, & præclarissima gesta dicimus. Sed præclarus non nunquam pro bono reperitur apud Ciceronem: sicut apud eundem Luculentus pro magnus: ut in Philipp. Luculentam tamen ipse plagam accepit, ut declarat cicatrix. In eodem opere ait: O præclarum custodem ouium (ut aiunt) lupum. non claritas in custode desideratur, sed probitas: ergo præclarum pro bono posuit. Idem in Lælio: Cum illo uerò quis neget actum esse præclarum? Et paulò post: Cum illo quidem (ut supra dixi) actum est optime, mecum incommodius. Nam non supra dixerat actum cum illo optime, sed præclare. Verum ideo sic dixit, quia præclare, & optime idem roboris, & uirium in significatione obtinent. Eoq; κατ'ἄριστον (quod est optimum) & apud Græcos accipi solet, & à nobis transferri præclarum.

Festus, & Festiuus.

CAP. XCII.

Festus dies, potius quàm festiuus: Res festiua potius quàm festiua. Nā festus, festa, festū, ad diem festū pertinens. Festiuus, festiua, festiuū, res iucunda, & lepida: ut, oratio festiua, dictū festiuum: frondē festiuam legimus, non quæ ad festum comparata sit, sed quæ iucunda, & leta. Nam & festam frondem uocamus, quæ festis adhibetur. Festiuum multi pro festo accipiunt.

Venale, & Vendibile.

CAP. XCIII.

Venale, & uendibile hoc habent differentie, quòd illud significat rem uenditioni expositam, hoc rem quæ facillè potest uendi. Hæc domus est uenalis. id est, proscripta, uel exposita uenditioni. Et hoc de Curione significat Lucanus, quū dicit, Audax uenali comitatur Curio lingua. id est, pretiū, nō ueritatē, honestatemq; sequēs ex suæ linguae facundia. Cicero in Bruto: Horū ætati propè cōiunctus L. Gel. non tam uendibilis orator, quàm ut nescires, quid ei deesset. Et in eodē: Nam populo non erat satis uendibilis præceptus quedam, & cum idcirco obscura, & peracuta, tum rapida, & celeritate citata oratio. Et alibi: Nam ut sint illa uendibilia, hæc uberiora certè sunt. Vēdibile dixit pro

De firib. lib. 1.

gra

gratum, & quod animos hominum sollicitet, ritu rerum, quæ ad se alliciunt emptorem. Hoc à uendo uenit, illud à ueneo.

De Sciens feci, Prudens feci, & similibus. CAP. XCIIII.

SCiens feci, & prudens feci: itē insciēs, & imprudēs, atq; igno-
rās feci: hoc est, quod cū facere aliquid, sciui me facere il-
lud, aut ignorauī. At sciēter feci, idē est quod cū sciētia, ac doctri-
na feci: semperq; in laude est sciēter quid fecisse. Scientem uerò
quid fecisse, tū laudare, tū uituperare solemus pro rei qualitate.
Si ergo sciēter facere semper laudabile est: ediuerso inscienter
facere semper est uituperabile. Prudēter quoq; facere, opus pru-
dētiæ nimirum est: imprudēter uerò, stultitiæ. Tamē quid impru-
dēter facere ignorāter ue, rarò in usu est, in cuius locū uelut suc-
cedit per ignorātiā, & per imprudētiā factū, per se neq; laudi,
neq; uitio dandū. Idē enim est per imprudentiā, siue per ignorā-
tiā fecisse aliquid boni, uel mali, quod imprudentē, ignorātemq;
fecisse: quorum neutrum aut prēmium meretur, aut poenam.

CAP. XCV.

Marinus, Maritimus, & Transmarinus.

Marinum piscem dicimus, & auem marinam, & deum
marinum, uel deam, uel nympham marinam. Nominatim
quoq; Vitulum marinum, Lupum marinum, Turdū marinum,
Turturem marinum. Præterea colorem marinum, casum mari-
num, periculum marinum, sonum, fluctum. Aquam marinam,
non maritimam: nauem marinam, quidam etiam nauem mari-
timam. Rursus oram maritimam, gentem maritimam, res mari-
timas, bellum maritimum, non marinum. Item hominem, gen-
tem, urbem, triumphum transmarinum, non transmaritimum.
Horum omnium hæc differentia est, quod marinū uocatur, quod
incolit mare, aut ex mari est. Maritimum, quod mare accolit, &
ad mare est, uel ad mare fit. Transmarinum, quod trans mare
est: Transmaritimum enim foret, quod trans loca maritima esset,
idē proprie quod mediterraneum.

Fre

Frequens, & Celebris. CAP. XCVI.

Frequentem locum dicimus, quem frequentare multi solent: ut urbs frequens, oppidum frequens, platea frequens, ubi multi homines aut habitant, aut diuersantur. Quando autem de persona, aut de re animata loquimur, duobus modis dicitur: uel de sola sic: Sit miles frequens spectator praeliorum. id est, creber, & assiduus. Vcl de turba, sic: frequens populus, frequens senatus. id est, copiosus, & multus. Et quidem cum nomine collectiuo in singulari, cum ceteris uero in plurali: ut, frequentes ciues, frequentes senatores. hoc est, multi, & numerosi. Veruntamen quum dico, sis frequens, innuo actionem: quum dico frequens locus, passionem. Ille frequentat, hic frequentatur. Cui simile est celebris semper passiuè positum, tam ad rem, quam ad personam relatum. Locus celebris, quòd celebratur. Homo celebris, quòd cum honore celebratur, & colitur. Propter quod in hanc ducor opinionem, ut locus celebris propriè sit honoratorum frequentia cultus: non ita frequens, neq; frequentia: quo nomine qualiscunq; hominum multitudo significatur: quòd ex uocabulo hinc ducto probatur, quod est celebritas, quæ tum hominum cœtum honoratorum declarat, tum dignationem ipsam, atq; honorem. Quintil. Ante omnia futurus orator, cui in maxima celebritate, & in media republica uiuendum est, assuescat iam à puero non reformidare homines: neq; illa solitaria, & uelut umbratili uita palescere. Cice. Ita qui in maxima celebritate, atq; in oculis quondam ciuium uiuimus, nunc fugientes conspectum sceleratorum hominum, quibus omnia redundant, abdimus nos quantum licet, & sepe soli sumus. Idem in alteram significationem: Hac tanta celebritate fama, quum esset iam absentibus notus, Romam uenit, Mario, & Catulo consue- lib. Quare improprie, licet frequentissime dicitur, locus celebris, an desertus. quasi contrarium sit celebrem esse ab illo, desertum esse. Vbi enim baiuli, aut aleatores, aut lenones, scor- taq;

De Offi. lib. 3.

Pro Archia.

taq; esse consueuerunt, quis eum locum propriè dixerit celebrem? non aliter, quàm celebrem meretricem, aut nobilem: ut sæpe legimus & singularem improbitatem, & unicam turpitudinem: ut in bonum, & ita in malum.

Ferus, & Ferox.

CAP. XCVII.

Ferus homo, qui animum ferinū obtinet, ut Leonis, Vrsi, Pardii, Lupi. Ferox, qui peranimosus est ad decertandū cum altero, & ad uim alteri faciendam, atq; ad nocendum.

Corporeus, & Corporalis.

CAP. XCVIII.

Corporeum est existens ex materia, atq; substantia corporea, & ediuerso Incorporeum: ut lapis est res corporea, uirtus incorporea. Corporale uerò existens in materia, substantiaq; corporea: & ediuerso incorporeale: ut domus, fundus, mācipium, corporalia sunt, non corporea: legatum, hereditas, iura, incorporalia sunt, non incorporea. Nanq; hīc de qualitate agimus, quæ inest substantiæ, ibi de ipsa substantia: quas res diligentius exequemur in dialecticis nostris. Et sanitas, uires, pulchritudo, bona corporalia appellantur, non corporea. Præterea (ut alia ratione hanc differentiam distinguamus) corporeus, & incorporeus non nisi cum hoc nomine res, aut substantia iunguntur, aut ubi res subintelligitur: ut lapis est res, siue substantia corporea, non autem est corporeus. Virtus est res incorporea, non autem uirtus incorporea. Omnia autem corporea aut tanguntur, aut uidentur: id est, omnes corporeæ res, non autem sic, res incorporeæ.

De Lassus, Laxus, Lapsus, Fessus, Defessus, Fatigatus, Defatigatus.

CAP. XCIX.

Lassum, quod labore fatigatum est, tam animo, quàm corpore: ideoq; ad ea demum spectat, quæ laboris molestiam sentiunt. Laxum uerò magis ad inanimata, quæ sunt, læta, mollia, flexibilia, non dura, non rigida: ut, laxi rudentes, laxi funes, laxæ chordæ. Lapsus à labendo, quod uel corpore, uel per translationem

tionem animo, & opinione labitur. Fessus idem est, quod fati-
 gatus siue animo, siue corpore. Defessus, defatigatusq; , qui ita ses-
 sus, atq; fatigatus est, ut non queat amplius, & saepe à labore,
 atq; incepto quod instituerat, desistat: ut in Bruto Cicero, Et ne
 defatigaretur, orauissent. Et de Oratore: Profectò nunquàm con-
 quiescā, neq; defatigabor antè, quàm illorum ancipites uias, ra-
 tionesq; , & pro omnibus, & cōtra omnia disputadi percepero.
 Bonum, & Bonitas. CAP. C.

Bonum generale nomen est, honesta pariter, atq; utilia cō-
 plectens: ut bonum animi, bonum corporis, bonum fortunæ.
 Bonitas uerò non (ut multi opinantur) idem utiq; quod bonum
 honestum, sed idem quod benignitas. A' primo fit bonus uir, bo-
 nus seruus, bonus iudex: id est, iustus, & exequens officij sui de-
 bitum: ab hoc bonus pater, bonus dominus, bonus deus, bonus
 Aeneas: hoc est, benignus, & clemens, quā alterā iustitiæ partē
 esse constituunt, uocantes eandem beneficentiam. Nam iustitiā
 partiuntur in duas partes: Iustitiam, quæ est seueritas: & benefi-
 centiam, quam ego uoco bonitatem. Ergo qui planè bonus esse
 uult, planeq; iustus, bis bonus sit necesse est. Et hoc quidem ad
 uirtutem pertinet. Est autem & alia bonitas, non ex industria,
 sed ex natura, tam homini, quàm quibusdam alijs rebus attribu-
 ta. Cicero: Quæ & bonitate naturæ multi assequuntur, & pro-
 gressione discēdi. id est, excellentia, & dote naturæ. Quintil.
 At in solo sæcundo plus cultor, quàm ipsa per se bonitas soli
 efficiet. Non dixit plus bonitas cultoris, quàm bonitas soli, quia
 excellens cultor industria fit, non natura. Nonnunquam ta-
 men bonitas pro iustitia, siue pro honesto accipitur. Cicero de
 Officijs tertio: Quum enim bonitatem alicuius, fidemq; laudāt,
 dignum esse dicūt, quicū in tenebris mices. Quintil. in duodeci-
 mo: Quòd si in mediocribus etiā patronis cōuenit hæc, quæ uul-
 gò dicitur bonitas: cur non orator ille, qui nōdum fuit, sed po-
 test esse, tã sit moribus, quàm dicēdi uirtute perfectus? Nōnun-
 quā etiā bonum accedit ad naturā uirtutis, et bonitatis. Nam

Lib. 3.

De Offi. 3.

Cap. 1.

quā dicimus de æquo, & bono, nō de rigore iustitiæ, et de summo iure loquimur, sed quasi de bona æquitate.

Lubricus.

CAP. CI.

Lubricus locus est, in quo nequeas insistere, nec ingredi, quales sūt herbe persuse sanguine (ut apud Vergiliū de Niso, & Homerū de Aiace Oilei) aut aliter humectatæ. Marmora leuigata, lapidesq; uel humore conspersi, terra glaciata, aqua gelata, pauimenta, ceteraq; huiusmodi, lubrica dicuntur. Inde per translationē adolescētiā uocamus lubricā, in qua qui sunt, uelut in glacie facile labūtur. Anguilla quoq; congrua, muræna, & similia lubrica sunt. Alio tamē modo uidetur Cicero dixisse lubricos oculos, & inuitatus cū Lactātiū in libro de Dei opificio. Ita enim ait ille de Natura deorū: Sed lubricos oculos fecit, & mo-

Lib. 2.

Aequalis, & Aequabilis.

CAP. CII.

Aequalis, quid sit, notum est, ut in illo: Sintq; pares in amore, & æquales. Sæpe accipitur pro coætaneo, siue coæuo. Ut Vergilius: Aequalemq; ab humo miserans attollit amicum. Cicero: Ego Qu. Maximū eum qui Tarentū recepit, senem adulescens ita dilexi, ut æqualē. Et iterum: Nec cū æqualibus solū, qui pauci admodū restant, sed cum uestra etiā ætate, atq; uobiscum. Aequabilis, idē quod æqualis in priore significato: ut idē, Non ius æquabile, quid utilitatis haberet, acceperat. Iterum: Et uox reducitur in sonum quendam æquabile, atq; constantem.

Lib. 5. Aen.
In Cato. Maior.

Eod. lib.

De Inuēt. lib. 2.
Ad Herē. lib. 3.

Perfidus, & Infidus.

CAP. CIII.

Perfidus, qui fidem uiolat: Infidus cui non est fidendum. Hoc à fido descendit, quod habet primam longam, siue fido à fidus: illud à fides, quod habet primam breuem.

Ideoq; hæc duo adiectiua uario accentu offeruntur.

Moratus, & Morigeratus. CAP. CIIII.

Moratus, qui moribus bonis est præditus: Morigeratus, participium ex morigeror, quod est morem gero. id est, obsequor, & obedio. Vnde morigerus, obsequens, obediens, & facile morem gerēs. Quod Accursius non intelligens (quid autē intelligat, si ignorat, quid sit morem gerere?) pro glossa scriptū reliquit, Soluat Apollo: quasi aut ænigma esset, aut Apollo solueret enigmata soleret magis, quàm proponere soluenda. Et alibi: Primpilus, inquit, nomen Græcum est.

Poteruus, Procax, & Petulans. CAP. CV.

Poteruus, procax, & petulans, multum similitudinis habent, & quasi aliud alio magis increfcit, tam in factis, quàm in dictis. Tria hæc, tum quandam lasciuiam, libidinemq; declarant, tum iniuriam: nam & proteruā, petulantemq; eodem loco de inhonesta fœmina apud Ciceronem legimus pro Cælio: Si uideat libere, proterua petulanter, diues effuse, libidinosa meretricio more uiueret. Proteruam minore gradu, quàm petulantē significauit. Petulans, pro libidinoso, lasciuoq; accipi notū est: ut, -Petulansq; iuuenta. Et Ouidius:

Quinetiam ut possem uerbis petulantius uti,

Non semel ebrietas est simulata mihi.

Id est, lasciuius, & licentius. Procaces quoq; meretrices legimus, qualis Bacchis Terentiana, ceteraq; impudicæ mulieres. quæ pudori suo (quæ una dos fœminarum est) ne uerbis quidem mordacibus, simul & turpibus parcunt, à seipsis, suaq; conditionis fœminis capientes principium. Proteruia, leuior quedam contumelia, Procacitas maior, Petulantia maxima. Cicero in Sallustium: Ne in idem incidam uitium procacitatis, quod huic obijcio. Et iterum: Non enim procacitate linguæ, uitæ sordes eluuntur. Atq; iterum: Nam quod ista inusitata rabie petulanter in uxorem, filiamq; meam inuasisti. Et iterum in eadem: Desine bonos

In ead.

In ead.

bonos petulantissima insectari lingua: desine morbo procacitate isto uti. Sallustius in Ciceronem: Grauitè, & iniquo animo maledicta tua paterer Marce Tulli, si te scirem iudicio animi magis, quam morbo, petulantia ista uti. Et iterum: Bibulum petulantissimus uerbis lædis. Hæc eadem nomina in factis quoque nonnunquam reperiuntur: ut si quis ambulans per impotentiam mentis, obuium cubito feriat, aut cum contumelia sibi cedere cogat, hunc proteruum dicimus. Et Vergilius Austros procaces uocat. Et ab eodem: Hædiq; petulci Floribus insultant. dictum est, quod hædi soleant iniuriam facere, per animositate quandam transcendendo sepes, & in alia loca penetrando: quæ iniuria petulantia est.

In ead.
Verg. 1. Aen.
In uada cæca
tulit, penitusq;
procacibus aus-
siris.
Georg. 4.

Orbus, & Cœlebs.

CAP. CVI.

ORbus, est quicumq; aliqua re chara priuatus est. Proprie autem parens amissis liberis, quasi amissa luce oculorum. Vnde illud frequens, Parens liberorum, an orbus sit, plurimum distat. Et hinc orbitas, quæ est illa qualitas patrum post amissos liberos, ut uxoris uiduitas post amissum maritum. Quintilianus de patribus, in ipsos loquens pro uxoribus, ait: Non habet orbitas uestra lacrymas super ardentes rogos, tenetis incoucissam, rigidamq; faciem. Contrarium huic est, quum dicitur orbus, quasi orphanus, ut apud Terentium: Orbe, qui sint genere proximi, His nubant. Et hinc orbitas apud Marcum Tullium lib. 111. de Oratore, quasi orphanitas. Deplorauit enim causam, atq; orbitatē Senatus, cuius ordinis à Cōsule, qui quasi parēs bonus, aut tutor fidelis esse deberet, tanquā ab aliquo nefario prædone diriperetur patrimonium dignitatis. Cœlebs, tam qui caruit semper uxore, quam qui nūc caret: et inde cœlibatus.

Quintil. lib. 5.
cap. 10.

In Phorm. 22.
1. scē. 1.

Diuturnus, Diutinus, Præcox, Serotinus, Præmaturus, Maturus.

CAP. CVII.

Diuturnus, & diutinus nihil differunt. Vtrunque enim & in bonum, & in malum reperitur: & utrunq; à diu, siue diu-

u tius

tius uenit. Sed unum eo modo formatur, quo à die diurnus, à nocturnus: alterum quomodo à serò serotinus, à manè siue à Matuta, quæ dea est, matutinus: utq; aliqui utuntur, à uespere uespertinus. De diurnus plurima exempla sunt. De diutinus apud Ciceronem perpauca. Ad Brutum sic scripsit: Libertatis desiderio, odioq; diutinae seruitutis. Quintil. Non sic confundunt obuios grauib; catenis colla stridentia, nec diutino squalore concreta facies. Quia dixi serotinus à serò, uideor significasse serò pro uespere, non pro eo, quod est tardè, siue post tempus. Hæc enim tria serò significat, quæ tamen penè idem sunt. Vna, & uera significatio est pro uespere, quod est post occasum. Altera quæ hinc nascitur, quæ est post tempus. Quod enim post solis lucè est, id uerè potest post tempus dici. Cicero quum accusator Milonis identidem interrogans, instaret, quo tempore Clodius esset occisus, urbanè respondit, serò. non tam horam intelligens, quàm tardius occisum, & post tempus, quo debuisset occidi. Tertia significatio est, pro tardè: ut apud Senecam in Hercule furente, Serò nos illò referat senectus.

Nemo ad id serò uenit, unde nunquam,
Cum semel uenit, potuit reuerti.

Serotinus igitur quum à primo significato (ut quibusdam placeat) uenit, qui dicunt horam serotinam, tempus serotinum, pluriam serotinam, tum à posterioribus. Appellamus enim ut præcoces uuas, præcoces ficus, præcocia poma, quæ ante legitimū, consuetumq; tempus, siue citò maturescunt, ita serotinas uuas, serotinas ficus, serotina poma, quæ post legitimum tempus, consuetumq; cæteris pomis, uel tardè maturescunt. Præcox quoq; ingenium per translationem dicimus, quod nimis citò maturitatem consecutum, nimisq; citò uidetur adoleuisse. Ideoq; ait Quintilianus, Illud ingeniorum uelut præcox genus non temere unquam peruenit ad frugem. id est, non serè unquam ad

per

Epist. 8. lib. 11.
fa. epi.
Quintil. lib. 6.
cap. 4.

Lib. 1. cap. 4.

perfectiorem, tanquam ad frugem, fructumq; peruenit. Præcox, quasi ante tempus excoctum. Huic simile, ac dissimile est, præmaturus, quod est antè, quàm sit maturus, & ante maturitatem: ut, segetes præmaturæ, frumenta præmatura, poma præmatura. id est, nondum matura. Et per translationem, præmaturus sum militia, præmatura ætas, præmatura legatio, præmatura allocutio, præmatura postulatio. id est, immatura. Quanquam maturum ipsum in frugibus propriè dicitur, & id uno modo: in personis uerò figuratè, & hoc duobus modis: Vno sic: Ego sum maturus audiendæ philosophiæ, tu es maturus rei militari. id est, perfectiorem temporis habeo ad hanc rem. Vnde senilis ætas uocatur matura, quasi omnino perfecta, & tempus debitum affecta. Altero sic: Ego sum homo maturus. id est, perfectus moribus. & in hac significatione non componitur. Inde mature-sco, maturus fio. Et maturo maturas, maturum facio, uel perficio, atque festino. Vt Vergilius: Maturate fugam. — Cicero ad Aen. 1. Herennium in ætate maturrima dixit: pro in ætate festinatissima. Et maturè aduerbium, pro citò.

Annuus.

CAP. CVIII.

Annuus eodem modo dicimus, quo diurnus: spatium diurnum, spatium annuum, unius diei, uniusue anni. Annuus quoque quomodo quotidianus. Febris quotidiana est, quæ singulis diebus uenit. Ita apud Vergilium: — Atque annua magnæ Sacra refer Cereri. Id est, singulis annis. Et duo illi Georg. 1. Epicurei philosophi annua febris quo die nati fuerant, corripiebantur: qua febris & mortui sunt, atque eodem quidem die. Dictum est ergo annuum, quasi anniuersarium. Nam ut festi, ita febres quibusdam, quorum etiam Augustus fuit, anniuersariæ sunt.

Capitalis.

CAP. CIX.

Capitale odium, quod caput, & uitam alterius petit. Cicero: Cum is tribunus plebis capitali odio à Qu. Pompeio, De Amio, qui

qui tum erat consul, disideret. Item capitale supplicium, capitalis morbus, qui caput alterius petit. Capitalis autem homo, capitale uitium, capitale peccatum, non quod petat alterius caput, sed cuius caput, aut propter quod caput committentis peti de Off. lib. 3. debeat ad poenam: ut idem, Capitalis Etheocles, uel potius Euripides. Et alibi, Fieri ait in ciuitate uitia capitalia.

Meritorius.

CAP. CX.

Meritoriam tabernam, diuersorium, atq; hospitium mercenarium uocamus, quò cuique introire licet danti mercedem. Nam merere, mercede operari, laborare, atque alteri inseruire est. Ideoq; merere, in militia est exerceri, propriè tamen spe stipendij, ac premij, quod dicitur, stipendia facere. Hinc meretrices dictæ, suam & ipse militiam exercentes, ac stipendia sua facientes. Et inde adiectiuum meritorius, meritoria, meritorium: unde scorta mascula, pueri meritorij uocantur: nam puellæ non uocantur meritoria, quippe proprium suum habentes nomen, quod est meretrix. Quidam aiunt hos pueros, dici Catamitos, quod mihi non uidetur, sed potius concubinos: meritorij nanque, ut meretrices, pretio merent. Cicero in Antonium: Ingenui pueri cum meritorijs, scorta cum matribus familiâs uersabantur. Ingenuos liberos dixit, meritorios ergo non liberos: quos mango, qui ideo homines mercatur, ut uendat, commodare etiam abutendos pretio solet. Siue illi dominorum permissu, aut ipsi suo iure prostant, appellamus corpus meritorium tam puerum meritorium, quàm meretricem: orationem quoque meritoriam, quasi uilem, & male coemptam.

Insensus, & Infestus.

CAP. CXI.

Insensus uehementer iratus, & odium gerens. Infestus uehementer molestus, atque in aduersum uadens. Inde infestare, incurribus crebris molestia afficere: & signa infesta, que in aduersum tendunt: hoc est, uexilla in hostem euntia, ut molestiam inferant. Molestare autem rarius reperitur, quàm infestare. Molestus

destinus iuriconsultus ait: Ab Aurelio Sempronio fratre meo, neminem molestari uolo.

Præsens.

CAP. CXII.

Præsens, non modò quod est huius temporis, sed etiam alterius: ut Cicero, Ego incolumitati ciuium primum, & postea dignitati: ille præsentī potius dignitati, quàm futuræ consulebat. De mortuo loquitur: ergo non nunc præsentī, sed tunc. **Quintilianus** de ipso Cicerone iam defuncto loquens ait: Postea uerò quàm triumphali proscriptione cōsumptus est, passim qui oderant, qui inuidebant, qui æmulabantur, adulatores etiam præsentis potentie, non responsurum inuaserunt. Præsentis potentie, quæ tunc erat præsens. Neque in præteritum modò, uerum etiam in futurum: ut **Horatius**,

Lib. 11, c. 10.

Pleraq; differat, & præsens in tempus omittat:

De Art. poet.

Hoc amet, hoc spernat promissi carminis autor.

In præsens: id est, in suum tempus, ut dixi, & quando tempus dicendæ rei aderit: nisi accipiat pro impræsentiarum.

Vt idem secundo Carminum:

Latus in præsens animus, quod ultra est,

Ode 16.

Oderit curare, & amara lento

Temperet risu: nihil est ab omni Parte beatum.

Præsens quoq; dicitur subitus, & non dilatus in alterum tempus. Vt **Vergilius**:

Præsentemq; uiris intentant omnia mortem. **Iuuenalis**:

Aen. 7.
Sary. 1.

Pœna tamen præsens. — & præsens ultio. Vnde præsentissimū periculum, & præsentissima medicina, remedium præsentissimum, uenenū præsentissimum, quod etiam præsentaneum uocatur. Præsentissimum, quia statim aut sanat, aut occidit. Et quoniam ea quæ præsentē uim, affectumq; exhibent præstantiora, ac potētiora ceteris uidentur, ideo in hunc quoq; sensum accipi solet: ut, præsens animus, dicitur præstās, atq; excellens. Et præsens remediū, præsensq; uirtus. id est, potens, & in primis effi-

cax. In rem præsentem, non tempus, sed locum significat: ut Cic. Offic. lib. I. Vt si constitueris cuiquam te in rem præsentem esse uenturum. id est, ad locum, de quo controuersia est. Liuius lib. x x x v i i i. Responderi legatis utriusq; partis placuit, missuros se in Africam, qui inter populum Carthaginensem, & regem in re præsentem disceptarent. Idem lib. x l v i i i. Eodem anno inter populum Carthaginensem, & regem Masinissam in re præsentem disceptatores Romani de agro fuerunt. Valerius Max. lib. v i i. Quint. Fabius Labeo arbiter à senatu finium constituendorum inter Nolanos, & Neapolitanos datus, quum in rem præsentem uenisset, utrosq; separatim monuit. Ad tempus, duobus modis sumitur. Vno ad conditionem temporis, necessitatem, opportunitatem. Cicero pro Milone: Quàm ad tempus aptæ simulationes. Quintil. Fingere nimirum ad tempus uidebor, & rem nimium manifestam imprudenter complorare. Altero ad spatium temporis: ut, silebo ad annum, latebo ad tempus. id est, usq; ad annum, & usque ad tempus quoddam, uel in tempus. Vt Quintil. Optimũ emendandi genus, si scripta in aliud quod tempus reponantur, ut ad eam post interuallum uelut noua, atq; aliena redeamus. id est, usq; ad aliquod tempus. Nam sæpe subintelligitur usq;: ut idem, Neque id ueteribus Romanis dedecori fuit: argumentum est sacerdotum nomine, & religione durans ad hoc tempus saltatio. id est, usque ad hoc tempus.

Stultus, Fatuus, & Stolidus. CAP. CXIII.

STultus, qui imprudens est, & improvidus: multiq; non insipientes homines aliquando stultè agunt. Fatuus planè insipiens est, tractum à sapore ciborum. Nam quum illi non sapiunt, fatui dicuntur. Ita homo qui non sapit, fatuus uocatur. Martialis:

Vt sapiant fatuæ fabrorum prandia betæ,

O quàm sæpe petet uina, piperq; coquus.

Melior huius uocabuli uidetur hæc causa, quàm ea quæ quibusdam

Lib. 10. cap. 4.

Lib. 13. epig.
33.

dam placet, fatuos dictos, qui furore quodam (quali uxor regis Fauni Fatua nomine, corripī solebat) futura predicunt: ut illa faciebat. Stolidus est, qui proximē accedit ad naturam sensumq; pecudum.

Beatus.

CAP. CXIIII.

BEatus, qui rebus omnibus ad uitæ usum, ornatumq; spectatibus abundat. Ideoq; locupletes sanè omnes beatos uocamus, ut apud Iuuenalem: — Vetula uesica beata. Et Cicero: Sint florentes, sint beati. Et alibi: Crotoniata quondam quum florent omnibus copijs, & in Italia quum in primis beati numerarentur. Vnde apud inferos in Elysij campis beati uocantur, & à nobis qui apud superos uiuunt: ut penè idem sint felices & beati, felicitas & beatitudo. Felices, inquam, omnium bonorum compotes. Sunt & alie res pro sua quæque natura beate, felicesq; ueluti de uoce apud Quintilianum: Ornata erit pronunciatio, cui suffragatur uox facilis, magna, beata, flexibilis, firma, dulcis, durabilis, clara, pura, secans aëra, auribus sedens. Beata dixit pro eo, quod est plena, & perfecta. Et alibi: Nam uocis, quantam in nullo cognoui, felicitas.

Saty. 1.
De inuict. lib. 2.

Lib. 11. cap. 3.

Mollis homo, Molle opus.

CAP. CXV.

Mollis homo dicitur, & molle opus: hoc in laudem, illud in uituperationem. Vergilius:

Georg. 1.

India mittit ebur, molles sua thura Sabæi. Idem:

Æn. 6.

Excudent alij spirantia mollius æra:

Credo equidem uiuos ducent de marmore uultus.

Quod non sine ratione factum est. Nam qui non fuerit seuerus, fortis, & constans, & in morem rei duræ patiens, resistensq; fortune uel aduersæ, uel blandæ, hic mollis est, similis ceræ, & tenellis plantis: quum præsertim qui mollicula membra habent, ferè molli sint mente, ut pueri, sæmunaq;. Contra autem malitæ, nautæ, agricolæ, ut corpore, ita animo indurati putantur. Hoc igitur modo mollis accipitur in uitium. In laudem uerò, quod

ut uitio datur durum: ut durus cibus, durum cubile, durum solum, ita durum ingenium, ueluti durus equus ad domandum, durum ingenium ad docendum, & ad (ut sic dicam) sculpendum: eadem ratione molle dicetur, quod non est durum, eritq; laudabile. Quintilianus de signis loquens, inquit: Illius opera duriora, huius molliora. Dicuntur autem signa, opera sculptilia, siue fusilia, siue cetera eiusmodi ad effigiem animalium fabricata: quemadmodum tabulae, opera pictorum. Siquidem in tabulis antiqui pingebant, non in parietibus. Hæc talia magis dicuntur mollia, quæ sunt, quàm ingenium, quod facit.

Crudus.

CAP. CXVI.

CRUDUS uocatur, non qui cibum indigestum habet in stomacho, sed qui ægrè, difficileq; digestibilem, & à quo offenditur, uel tanquam nimio, uel tanquam noxio: ut Cicero de Roscio, Qui in cœnam non ueniret, quòd esset crudior. Et Quintilianus Crudo oratori declamandum non putat. At cibo indigesto serè & oramus, & negocia agimus, uel magis, quàm digesto. Siquidem digesto, & modificato cibo iterum refici malumus, quàm cetera facere. Appellamus autem hominè crudum, præsertim qui est truci aspectu, quòd eius aspectu oculi nostri offenduntur, ut stomachus cruditate cibi: uel quòd facies crudum habentis animum insuauis, & fœda est, ut facies crudum

stomachum habentis, siue crudum cibum in stomacho. Est

etiam crudum idem quod recens. Vnde crudus dolor,

crudum uulnus. Et recrudescere dolor, & uul-

nus dicitur, quasi renouari. Et cruda poma

dicimus, quæ non sunt matura: ut

Cicero, Quæ cruda sunt, ui-

uellantur: quæ autem

cocta, & matura,

decidunt.

LIBRI QVARTI FINIS.

L A V R E N T I I V A L

L A E I N Q V I N T V M L I

B R V M E L E G A N T I A

R V M P R A E F A T I O.



L E R T I V S iam mihi, & propè quartus annus agitur peregrinanti semper, & per omnia maria, terrasq; uolitanti, proxima etiã æstate, & quidem tota militiam experto: quod utrum honestiore, an magis necessaria causa fecerim, haud equidem scio. Illud tamen uel me non affirmante, indubitatum cunctis esse non ambigo, quæ maxima, atq; adeo sola studiorum præsidia sunt, ea mihi omnia defuisse, literatorum consuetudinem, librorum copiam, loci opportunitatem, temporis otium, ipsam postremo animi uacuitatem. Quorum singula quàm plurimum incommoditatis afferant, quum desunt, quid tandem putandum est, uniuersa fecisse? Tametsi repugnauimus assidue, & quoad licuit necessitatibus reluctati sumus. Interq; nauigandum, peregrinandum, militandum, frequenter ad studia respeximus: ita ut si nihil lucri in literis (quod optabamus) certè (quod proximum est) nihil damni faceremus: quod si non contigit, iacturam hanc multarum rerum notitia, quas uel uidimus, uel sumus experti, fortasse pensabimus. Hac enim præcipuè uia Homerus informandum esse uirum sapientem præcipit, Vlyssis exemplo. Ita namq; Odyssæam inchoat:

Dic mihi Musa uirum capta post tempora Troiæ,

Qui mores hominum multorum uidit, & urbes.

Quanquàm quid tergiuersamur, quid blanda, aut inani excusatione nos fallimus? qualescunque redierimus, nihil tamen quodotè filia iam me absente adultæ ampliare queamus, attulimus, & collocandi iam tempus est, satiusq; multo quàm primum nuptui dare, quàm diutius custodièdo, pudicitie periculum adire.

Mira enim est puella, uel procorum, uel amatorum multitudo. Ipsa quoque teneri amplius non uult. Et (quod me ualde sollicitum facit) alios magis incipit amare, quam patrem. Quare non uacat comparare plura, quò splendidius, ac magnificentius collocemus. Sex namque talenta, quæ ante professionem nostram parata, ac reposita erant, in dotem dabimus: quod quum satis esse debeat, tamen plus est multò quod posthac temporis accessione adijcere possemus. Et certe similia impedimenta (ut de morte taceam) extimescenda sunt. Ne forte (quod diu omen auertant) uel absente patre, uel mortuo, filia (ut quæ ea ætate, atque adeò ea ætate sit) prostet. Sufficiant igitur huic operi quatuor superiora uolumina, quintumque hoc de uerbis, accedente sexto de notis autorum. Quòd si etiam plura scribendi facultas, tempusque superpeteret, nescio an faciendum putarem: cum sciam, ea quæ uel optima, atque pulcherrima sunt, nisi compendij gratia iuuentur, ut pontificales olim cœnæ, longitudinis fastidio laborare: si mulque huius, de qua loquor, materia, neminem (de prudentibus loquor) uniuersum corpus aggredi esse ausum, suam sibi unusquisque particulam ad scribendum delegit, siue ne longiore opere legentibus fastidium moueret (quod enim uocabulum non suam habet in significando elegantiam) siue immensitatem, in finitatemque uoluminum ueritus. Quibus rebus me quoque motum fuisse fateor, cum mea sponte, tum illorum exemplo maxime, ne semper imperfectum, ne semper inclusum habere, ne semper efflagitantibus opus negare uideamur: ne uel quibus obsequi, et à quibus laudum suffragia nancisci cupimus, eisdem iustæ querelæ, iustæque uituperationis materiam præbeamus. Tum eò quòd insidiatores, et fures re expertus (ut secundo libro dixi) cauere debeo, quos nunc multò plures esse, ac fore amici ostendunt: quæ causa Prisciano (ut ipse testatur) fuit, ut festinantius opus illud de arte grammatica ederet. Hac eadem nos causa, et ceteris, quas enumerauimus, sumus adacti non modò ut festinantius

Prisc. in præ-
fat. magni ope-
ris.

tius

tius libros nostros, uerum etiam ut pauciores ederemus. Et illi tantum emulorum insidiæ nocebant, mihi etiam præter cetera fauorum, atq; amatum studia nocent. Tradatur ergo aliquando uiro puella, contenta hac (quantulacunq;) dote. Non enim formosam esse credibile est, quæ maritum, nisi magnitudine dotis conciliante, non inuenerit, uirgo præsertim. Maritum autem puellæ cætum literatorum intelligimus, à quo sanctitatem uxoris, pudoremq; et custoditum esse cupimus, et custodiri debere testamur. Sed ad promissam uerborum disputationem (cuius hoc libro locutus est) descendamus.

CAP.

I.

Disco, Edisco, Dedisco, Dedoceo, & Instruo.



ISCO, et edisco manifestè differunt. Nam discere est, ut intelligas: ediscere uerò, ut memoriter cõplectaris. Ideoq; caput apud Quintilianum, quod inscribitur de ediscendo, ita incipit: Illud ex cõsuetudine mutandum prorsus existimo in his, de quibus nunc differimus atatibus, ne omnia, quæ scripserint ediscant, et certa, ut moris est, die dicant. Dedisco, quod didici, obliuiscor. Dedoceo te, ostendo falsum esse, quod doctus es, docens quod uerum est: ut apud eundem in secundo, Et quidem dedocendi grauius, ac prius, quàm docendi. Illud, quo quidam utuntur, Instruo (quale est, Instruam te in uia hac, qua gradieris) nobis apud idoneos autores incomperum est. Dicimus enim Instruo classem, instruo aciem, instruo causam, instruo militem: non autem discipulum, aut mentem alicuius, nisi eo modo, quo instruimus ea, quæ dixi. Lib. 1. cap. 1.
Cap. 3.
Pfal. 31.

Excogito, Reperio, Inuenio, Offendo,

Nactus sum.

CAP. II.

EXcogitare, est per cogitationem inuenire, idq; ad res tantum incorporeas pertinet: ut, excogitauit argumenta, rationes,

Lib. 1. Metam.

tiones, figuras, causas. Est ergo excogitare, & inuenire, consilij: reperire uerò fortunæ. Vnde Ouid. —Tu non inuenta, reperta es. Sed iam usus obtinuit, ut idem sit reperio, quod inuenio. Est autem inuenire uel consilio, uel casu, siue corporea, siue incorporea reperire. Offendo ferè quod reperio, neq; solum reuertendo: & ad statum rerum publicarum, uel priuatarum pertinet: ut, Offendes republicam perturbatam consilij nepotis mei: Verumetiam sine his, ut idem Cicero: Sed tamē neminē tam maleficum offendi, qui illum negaret Antonij dignū senatu. Nactus sum etiā pro inueni, seu reperi frequēter accipitur. Vt idem in Paradoxis: Eum tu hominē terreto, si quē eris nactus, istis mortis, aut exilij minis. Et de Seneci uite: Vitis quidem, quæ natura caduca est, & nisi fulta est, fertur ad terram, eadem ut se erigat, clauiculis quasi manibus, quicquid est nacta, complectitur.

Cic. in Som.
Scip.

Desipio, Desipisco, & Resipisco.

CAP. III.

Desipio, siue desipisco significat, uel quòd aliquid à communi sensu, sapientiāq; minus habeo, uel quòd à meo sensu destituor. Quod ferè uitium aut ex ætate uenit, aut ex morbo, aut timore, aut amore, aut simili aliquo affectu. Cuius contrarium est resipiscere: & senes quidem iam demētes nunquam resipiscunt, ceteri autem resipiscere, id est, ad priorem mentis statum, uel ad meliorem mentem redire solent. Terentius: —Multò omnium nunc me fortunatissimum Factum puto esse gnate, quum te intelligo Resipisse.

In Heantor.
act. 4. sc. 8.

Prohibeo, & Inhibeo.

CAP. II. III.

Prohibeo uel generale nomen est, uel ante rem inceptam. Inhibeo autem re iam incepta. Illud uetat, ne quid facias, uel ne quid incipias: hoc ne pergas ire, desistasq; ab incepto.

Aen. 1. pto. Vergilius:

Quod genus hoc hominum? quæ ue hunc tam barbara morem
Permittit patria? hospitio prohibemur arenæ. Idem:

Aen. 12. Parcite iam Rutuli, & uos tela inhibete Latini.

Vtor,

Vtor, Fungor, & Fruor.

CAP. V.

VTor, & fruor aperte differunt, sed non ea ratione, qua quidam uolunt, omnia sua imperitia cōfundentes, qui aut nos uti humanis, frui uerò diuinis: imò & diuinis utimur, & humanis fruimur. Quis enim mihi usum diuinorum interdicat? quis rursus uetet me frui rebus meis, labore, & industria paratus? Aut quis dicat me frui sacris, cum in illorū uersor usu, atq; administratione? Vel quis neget, quum uoluptati operā do, me frui his rebus, unde capio uoluptatem? Quòd si dicerent, debere nos frui rebus diuinis, uti uerò humanis (quanquā ne in hoc quidem illis accedo) fortasse audirem. De rebus enim, non de uerbis disputarent. Nunc uerbum exponunt, non res. Sed hos cum sua imperitia, & (quod foedius est) cū sua pertinacia relinquamus. Vti igitur est alterius rei gratia. Frui nullius, sed (ut sic dicam) propter se. In illo iter est, in hoc meta. Hoc alterius finis, ad quē illud tendit. Qui hoc habet, quiescit, & cōtentus est: qui utitur, nunquā contentus est, semperq; ulterius tendit. Ideoq; reprehensus est Annibal, qui cum posset uti Can- Lini. 3. decad.
nensi uictoria, frui maluit. Vtor armis, utor domo, utor libris, lib. 1.
utor studio, diligentia, operaq; , ut ex hoc postea emolumenti aliquid, boniq; consequar. Fruor bonis meis, fruor tuo aspectu, tuo colloquio, tuo cantu. hoc est, delectationem, uoluptatemq; percipio ex hac re, atq; ex huius rei usu. Nōnunquam eadem re duo pariter, hic utitur, ille fruitur: ut si alter ad focū sedeat sanitatis causa, alioqui id nō faciūrus, alter uoluptatis: hic nō tēdit ultra, sed apud finem ipsum quiescit: ille nō contentus præsenti conditione, ad ulteriora tēdit: qualis Annibal si fuisset, nec tam præsenti uictoria requiescere, quā progredi maluisset, nō eum Maharbal scire uincere, sed uictoria nescire uti, dixisset: id est, qui frui illa, quā uti maluerat. Dicimus tamē nōnunquam utimur pro fruimur, uerecūdiæ cuiusdam causa: ut, utor pane tritico, utor palmulis, utor ficis, quasi uiuendi potius causa eda-
mus,

mus, quàm edendi causa uiuamus. Deniq; frui est delectationem capere ex utendo. Itaq; in idem recidunt, idemq; efficiunt frui, delectari, uoluptatem capere. Quo fit, ut non fuerit causa, cur recentiores hoc uocabulum frui, unde uenit fruitio, solis rebus diuinis dare uoluerint. Habet enim hoc uerbum duo supina fruitum, & fretum: quorum primum uix in usu est, nisi apud eos, qui uerborum nouitatibus & gaudent, & gloriantur. Secundum significat cōsistum: ut, fretus fortasse familiaritate, quæ est ei tecum, ausus est confiteri. Adiungimus etiam alterum uerbum ad personā (de utor dico) significatq; cōuersor, & opera utor. Idem Cicero ad Cælium: Fabio uiro optimo, & homine doctissimo, familiarissimè utor. Et inde fit usus: ut, usus mihi fuit tecum, id est, conuersatio, familiaritas, & consuetudo. Quintil. Mulierem cum qua longa consuetudo, seu longus illi fuerat usus. Atque quia solemus aliqua re ideo uti, ut ex ea fructum percipiamus, factum est, ut dicamus usum pro utilitate, & fructu, tam in singulari, quàm in plurali: quorum exemplorū plena sunt omnia. Fungor autē idem est, quod officium, munusq; ago: ut, fungor magistratu, fungor prætura, fungor legatione, fungor officio delegato, fungor munere iudicis: Fungor autē uita, quod fungor officio uitæ, & munere administrandi, gubernandiq; corpus: munere, inquā, assignato nobis ab imperatore Deo. Inde Defunctus est uita: id est, finiuit officiū uitæ. Verg.

Aca. 6.

O tandem magnis pelagi defuncte periculis. Titus Liuius: Defuncta morbis corpora salubriora esse cœpere. Defunctus periculis, quod finita sunt pericula: et defuncta morbis corpora, quod finiti sunt morbi corporum. Legimus etiam defunctus morte. id est, mortem finiuit. De Potior dixi alio loco.

Sto, Sedeo, Sido, Sisto, & Stator.

CAP. VI.

STare, est non ire, in his duntaxat, quæ cunt sine pedibus, aut. Quæ erecta nō sunt: ut, nauis stat, flumen stat, currus stat, sol stat, unde est solstitium, & iustitium, quia ius stat, forumq; clau

Epist. 13. lib. 1.
epist. fam.

clausum est. Anguis etiam, et piscis, et lacertus, et avis in aëre stant. Quædam ediuerso dicuntur stare, quæ erecta sunt, quâdiu nō cadunt, sed hæc firē sunt inanimata: ut, arbor stat, simulachrum stat, domus stat, columna stat. Quædam uerò nō dicuntur stare, nisi nec eāt, et erecta sint: ut, homo, equus, uolucrisq; stat. Nanq; homo quum sedet, et equus quum recūbit, et avis quū cubat, non stant, nec tamē eunt. Illud tamē notandum aliter dici sedere de hominibus, aliter de auibus. Nam cætera non sedent, nisi simia, et si quid est simile. Ipsum uerò sedere autum, est in loco altiori esse: ut passer sedet in tecto, hirūdo sedet in pertica, cornix sedet in arbore: nec rectē dixeris, stat in arbore: sed tali potius quodam modo cornix stat, non cubat. Verg.

Act. 11.

Alitis in parue subito conuersa figuram,
Quæ quondam in bustis, aut culminibus desertis
Nocte sedens, serum canit importuna per umbras.

Quintil. Ut si quærat, an sit credibile super caput Valerij pugnantis sedisse coruū, qui os, oculosq; hostis Galli, rostro, atq; alis euerberaret. Deniq; eodē modo dicitur sedere avis supra rē quampiam, ut homo super equum, aut iumentū: qui dum super equum est, non dicitur stare, aut manere, sed sedere, quocunq; modo, aut quocunque corporis habitu, gestuq; compositus sit. Sidere autem à sedere multum distat. Est enim sidere deorsum descendere, pessumq; ire. Verg.

Lib. 1. cap. 41

Sedibus optatis gemina super arbore fidunt.

Id est, ab alto demittuntur. Vnde subsidio, desido: ut Ouid. – Subsidere ualles: Et Lucan. Subsedit dubius. Nam (ut ego sentio) à sedeo præteritū mutuatur. Inde insido quoq; insedi, et resido resedi, asido assedi. Siquidem asidēre est apud aliquē, ut ægrotum, ut regem, sedere. Cum enim Sallustius inquit: Postquam Cato assedit: magis ab asido, quam ab asideo præteritū hoc esse significatio potest esse documēto. Ut autem à sedeo distat sideo, ita à sto sisto: ut, siste lacrymas, siste fugam, siste gradum. id est, sic stare gradum, stare fugam, stare lacrymas. Atque ut

Metam. 1.
Lib. 1.

In Catil.

Liv. lib. 1. ab
urb.

illa superiora idem præteritum habent, uel alterum ab altero
mutuum sumit: ita hæc duo idem supinum, uel sisto à sto, uel sto
à sisto accipit, quod est statum. Vnde fit stator, quod magis à
sisto, quam à sto descendit: ob idq; Iupiter Stator uocatus est,
qui Romulum orantem, ut fugam suorum sisteret, audiuit.
Quare nescio, cur Hieronymus contra Iovinianum dixerit,
Offendit Iouem Statorem, qui libenter sederit. quasi Iupiter
Stator à stando dicatur, & non à sistendo. Nimirum oblitus
historiæ est, ut super Ionam, fabulæ: ubi ait, Ex Ioppe Iudææ
portu Andromedam à Persco liberatam. In quo eorum manifestus
est error, qui quum legunt, quòd Ionas surrexit, ut fugeret
in Tharsis, & uenit Ioppen, opinantur hanc esse Andromedæ
urbem, quum sit in India ciuitas Tharsis, unde illa fuit, ut ipse
quoque Hieronymus meminit. Ouidius lib. 1. de Arte amandi:
Perseus Andromeden nigris portauit ab Indis.

Et Sappho ad Phaonem:

Candida si non sum, rapuit Cephæia Perseum,

Andromede patriæ fusca colore suæ.

Eadem obliuio eiusdem fuit, quòd Gallos matris Deum in Osee
ait esse ex gente Gallorum, qui à Romanis ob ignominiam illius
nationis uindice animo effæminantur, quum à Græcis hoc an-
te, ut tunc, fuerit factitatum. Sistere dicimus etiam pro repræ-
sentare, & præsentiam corporis exhibere, dictum ab eo quòd
non tantum comparere quis debet, nisi & manserit: unde de iu-
dicio sisti, hoc est, de sistendo aliquem in iudicio. Cicero ad At-
ticum: Des operam, id quod mihi affirmasti, ut te ante Calendas
Ianuarias, ubicunq; erimus, sistas. Et hinc stator, nuntius, ta-
bellarius uel consulis. Idem de Officijs libro tertio: Vas factus est
alter eius sistendi, ut si ille non reuertisset, moriendum esset sibi.

Epist. 16. lib. 3.

Æneid. 1. Vergilius: -Et patrio te limine sistam,

Appeto, & Expeto.

CAP. VII.

Appetito cū affectu: Expeto cū ratione. Appeto qualiacunq;
Expe

Expeto honesta, planeq; bona. Vnde de rebus expetēdis scripse-
re philosophi, quæ scilicet peti debent: non autē de appetendis:
ex quo deriuatur appetitus, qui immensa, & immoderata cupi-
ditas dicitur. Quare qui dixit, Omnia bonum quoddam appe-
tere uidentur, mallem dixisset expetere.

Vendico, & Vindico. CAP. VIII.

VEndico idē est quod (ut sic dicam) approprio, ac meum es-
se dico. Quintilianus: Circo usitatum nomen Pœni sibi uē-
dicant. Et iterum: Rusticus petit partem bonorum, orator sibi
totum uendicat. Et ferē hoc uerbum postulat datiuum, & hunc
frequentissime ex pronominiibus primitiuis: ut, hunc agrum ego
uendico mihi, tu uendicas tibi, frater uendicat sibi. Vindico ul-
ciscor, unde uindicta, quoties iniuriam, contumeliā uē illatā
punio. Interdum uindico, idē quod ab iniuria, cōtumeliā uē, siue
iactura faciendā, defendo. Cicero pro M. Marcello: Nobilif-
simāq; familiam iam ad paucos redactā penē ab interitu uin-
dicasti. Idem de Senectute: Et est senectus natura loquacior, ne
q; omnibus eam uitij uidear uindicare. Vitijs, id est, uitupera-
tionibus, quēadmodū criminibus, pro criminationibus. Dicimus
uindicare in libertatē, aut in seruitutem, quasi asserere in liber-
tatem, aut in seruitutem: nō (ut quidā uolunt) uēdicare: ut Liuius
lib. x x i i i. Intermori uehementioribus, quā quæ pati pos-
sit, remedijs ciuitatem sinere in ipsa uindicta libertatis periturā.
Et in secundo: Præmiū indici pecunia ex ærario, libertas, & ci-
uitas data. Ille primū dicitur uindicta liberatus. Quidam uin-
dictæ quoq; nomē tractum ab illo putant: Vindicio ipsi nomen
fuisse. Ego nescio an uendico reperiatur, sed tantū uindico.

Explodo, Complodo, Supplodo. CAP. IX.

Explodo non tantum significat eijcio, sed eijcio manibus, &
equidem cum sono pulsantibus, qualiter quempiam ē domo,
ē theatro, ex aliquo consilio iniectioe manuum atq; pulsatio-
ne eijcimus. Quod apparet ex alijs à plodo cōpositis, cōplodo,

x & sup

et supplodo. Est enim cōplodere aduersas manus inuicem collidere, quod fieri pluribus de causis solet: uel ad testificandum, more sceminarum, dolorem: uel prae gaudio: uel per subitam admirationem: uel si quae sunt aliae causae. Supplodere est pedem terrae incutere, quod interim solet in oratore laudari. Itaque quū dicit Cic. Quoniam Pyrrhonis, Aristonis, Herilli iāpridē explosa sententia est: appositissimo uocabulo (ut semper) est usus. Nō enim dixit eiectā sententiā eo modo, quo cetera eijciuntur, sed quasi pulsatione manuum, tanquam ipsi illi huius sententiae auctores cōtū ab ipso cōtū, iniectis in eos manibus, eiecti sint, ut apertius alio loco indicat: Histrio si paulū se moueat extra numerum, aut si uersus pronūciatus est una syllaba breuior, aut longior, exhibilatur, et exploditur.

De Dico, & quibusdam deriuatis ab eo. C A P. X.

Dicere propriē est oratorum, et eleganter, facundēq; locquentium. Quintilianus libro decimo: Nam mihi nec dicere quidem uidetur, nisi qui dispositē, ornatē, copiosēq; dicit. Cicero de Officijs: Ut non modo Graecarum literarum rudes, sed etiam docti aliquantulū se arbitrentur adeptos et ad dicendum, et ad iudicandum. id est, in oratoria arte, et in philosophia. Omnes serē codices habent discendum, pro dicendum. Quod exemplum ideo subieci potissimum, ut uulgus emendarem. Vnde dictio uocatur, oratoria, et facunda oratio. Nam ab illo generali huius uerbi significato fit dictio, quae est uocabulum, siue uerbum. Ex hoc ipso uerbo dico, duo frequentatiua oriuntur, dicto, et dictito: sed posterius potius frequentatiuum est, et idem est quod frequentibus temporibus, frequentibusq; locis dico, et narro. Alterum autem est, quod dico, si id alter scribens excipiat, et manu, styloq; notet: ut Cicero ad Atticū quādam epistola testatur se illam non scripsisse, sed reparandi latetis gratia obambulantem dictasse. Et Quintilianus delicias dictandi appellat, sentiens delicati, non laboriosi esse dictare, nec

accu

De Offi. lib. 1.

In Parado.

In praef. lib. 1.

Epist. 13. lib. 9.

Lib. 10. cap. 3.

accuratè dictando scribi. Ita dicta sunt dictito, & dicto, à dico, ut uentito, & aduento à uenio, & eadem pene ratione significant. Nam uentitare est frequenter uenire: aduentare uerò proximum iam esse ueniendo. Victitare autem eodem modo dicitur, significatq; non frequenter uiuere, sed uesci, & quasi uictu uti, siue tali genere uictus frequentissime, & fere semper uti: ut, Sarmatæ uictitant lacte. Dictum, & dicta de omni sermone intelliguntur, sed specialem quoq; significationem habent pro dicaci sermone: unde dicta est dicacitas, quam Quintilianus ita definit: Dicacitas sine dubio à dicendo, quæ ex omni genere cõmuni dicta est. Propriè tamen significat sermonem cum risu alios quos incessentem. Ideo Demosthenem urbanũ fuisse dicũt, dicacem negant. Dicacitas igitur (ut dicebam) sermo cum risu alios quos incessens, dictũ uocatur, quod Græcè *κῶμικα* dicitur: quale est Ciceronis: Nisi forte iure Germanum Cimber occidit. Germani, quos Francos nũc dici Hieronymus ait, & Cimbri, nationes sunt olim inter se dissidetes. Cicero autè de quodã, cui nomẽ erat Cimber, à quo frater occisus est, loquitur, captans risum ex hac ipsa ambiguitate sermonis. Et illud Teretiani Thrasonis in adolescentulũ, quod Gnatho uetus dictum credidisse se simulat, id est, ueterem facetiam, ac uetus ridiculum:

Lib. 6. cap. 4.

Pphilipp. 12.

In Eunu.
act. 3. sce. 16.

Lib. 1. epig. 5.

Lepus tute es, & pulpamentum queris.

Valerius Martialis ad Domitianum:

Consueuere iocos uestri quoq; ferre triumphi,

Materiam dictis nec pudet esse ducem.

Qualia autè sunt dicta, quæ in ipsum triũphatẽ milites iaculari solebãt, illud quod Cesari dictatori fuit decantatũ erit exemplo: Ecce Cesar nunc triumphat, qui subegit Gallias:

Sucto. In Cæsar.
cap. 49.

Nicomedes non triumphat, qui subegit Casarem.

Illud subegit, & Casarem, in quem dicitur, mordet, & alijs apud quos dicitur, risum mouet.

Adorare, & Supplicare.

CAP. XI.

X 2

Ado

A Dorare ab oro, quod est ore precor, componitur: supplicare à plico, quòd genu, poplitemq; , aut cervicem plicamus, quum à potentiore aliquo magnum quid precamur. Et tamen adorare sine ore, hoc est, sine uoce fit, nò sine plicatione genuum, ac gestu corporis. Supplicare sine plicatione genuum, ac gestu corporis, nò sine ore, & uoce. Hinc est, quare supplicare tantum homini datur, adorare etiam mutis: unde elephas, & phoenix, & alia quedam irrationalia solem adorare dicuntur. Nosq; rebus mutis, & sensu carentibus non supplicamus, sed adoratio nis honorem exhibemus, ut regum statuis, signis, uestibus, literis, alijsq; similibus. Et precipue picturis, imaginibusq; , tum Dei, tum sanctorum, tum ipsius etiam crucis, quam sapientes adorant, stulti etiam orant. Quod de cruce, idem etiam de sudario dico, ceterisq; similibus: idè de reliquijs sactorum, quorum corpora presentia adoramus, animas uero absentes oramus. Siqui d autem ad hæc muta, quæ uidemus, dicimus, salutatione utimur, non precatione, quale est: Salue sancta crux.

Assurgo.

CAP. XII.

A ssurgunt sani, ut stent, aut ut obuiam eant: assurgunt ægroti, ut sedeant, aut ut cubito innitentur. Vtroq; modo in alterius honore, aut officij, aut beneuolentiæ causa hoc agentes. Ideoq; ferè adiungitur datiuus: ut, aduenienti magistratui omnes assurgimus etiam morbo affecti, uidelicet ob honore. Et, pater quum idceret in lecto, redeunti à peregrina militia filio assurrexit, optatissimum illud caput amplexurus, nempe ob charitatem.

Tollo.

CAP. XIII.

Sustuli filiam ex uxore, id est, habui filium. Item sustuli filium. Id est, educaui: & ab utroq; fit sublatum. Primum est à tollere, pro capio: secundum à tollere, pro educo. Paulus: Tamen intelligendum est de his legem sentire, qui liberos tollere possunt. Itaque si castratum libertum iureiurando quis adegerit, dicendum est, non puniri patronum hac lege. Quintilianus: Cupidus

ego

ego liberorum uxorem duxi, filium sustuli, natum educaui, in adolescentiam perduxi. Aliud est igitur hic sustulisse, & educasse. Et alibi: Qui ex duobus legitimis, alterum in adoptione dederat, alterum abdicauerat, sustulit nothum. id est, habuit: quam parum proprie significo, quod uolo. Nam ut scemina quæ mater sit, dicit, peperit filium: ita uir quum sit pater, dicit, sustulit filium. Terentius: Quicquid peperisset, decreuerunt tollere. id est, educare. Idem: Meministi me esse grauidam, & mihi te magnopere interminatum, si puellam parerem, nolle tolli? Chremes, Scio quid feceris, sustulisti – Eodem modo dicimus, tulit filium, ut sustulit. Suetonius in Domitiani uita: Deinde uxorem Domitiani, ex qua in secundo consulatu suo filium tulerat, repudiavit. Alia duo significata notiora sunt, quorum alterum est, summouisse, ut Vergilius: – Iubet & sublata reponi Pocula. – Alterum, in altum tulisse: ut idem: – Et sublatum altè cõsurgit in ensẽm. Quæ duo declarantur ex illo in Neronem epigrammate: Quis neget Acneæ magna de stirpe Neronem?

In Andr.
act. 1. sce. 3.
In Heaut.
act. 4. sce. 1.

Aen. 8.

Aen. 9.
Sucto. in Nero
cap. 39.

Sustulit hic matrem, sustulit ille patrem.

Hic sustulit matrẽ, quia occidit, & de medio abstulit. Ille sustulit patrẽ. id est, supra humeros sumpsit, & ab incendio eripuit.

Prouoco, & Laceſso.

CAP. XIII.

Prouoco, in malam partem dicitur, & in bonam. De mala notum est. De bona uero, Cicero ad Brutum. Tuis literis amatissimis sum prouocatus. Laceſso plerumque in malum: ut idem, Sed iustitie primũ munus est, ne cui quis noceat, nisi laceſſitus iniuria. Sed nonnunquam in bonum: ut idem quinto Tusculum. Tuis me amatissimis libris laceſſisti. Et ad Atticum lib. xiii. Cum ipse homo nunquam me laceſſisset. id est, nunquam me libris suis prouocasset ad respondendum. Est autem prouocare, & laceſſere, tentare ad pugnam, & ad concertationem.

Off. 1.

Hio, Hisco, & Dehisco.

CAP. XV.

Hic est aliquid sua sponte, & externa aliqua ui diffin-

re, ut tellus æstu, & lingua ariditate aut nimio calore hiant. Hiscere est tantum oris, & quidem humani, & accipitur pro eo quod est loqui, aut os aperire ad loquendum, sed fere per negationem: ut, coram illo non auderes hiscere: aut per interrogationem: Quid nunc habes, quod hiscere audeas? Ouidius tamen poëtice dixit,

His cere nempe tibi terra roganda foret.
Cum oratores soleant potius dicere dehiscere. id est, deorsum, pessumq; se aperire.

Do, & Habeo fidem.

C A P. XVI.

DO fidem, non est (ut nunc multi loquuntur) des fidem uerbis illius: &, non dedit fidem illi secum tantis uerbis loquenti. Hi uidentur significare, quod non credatur illius uerbis, quod Latine dicitur, fidē habere, loquēdumq; sic potius: Habeas fidē uerbis illius. Nā dare fidē est aliqd sanctē promittere. Ut Terē. Grauidaq; facta, dat fidē uxorē sibi Fore hāc – Verg. Accipe, daq; fidem – id est, accipe sponsonem factam à me, & tu mihi uicissim da tuam. Quintilianus: Fidem habeas hominibus, quos mentiri alius affirmat. Accius apud Ciceronem: Neque dedi, neq; do infideli cuiquam fidem. id est, non promisi uere ex animo: quia ipse meretur, ut uicissim fallatur.

In Epist. Hip
ph. ad Lafo.
In Andr. perio
cha.
Act. 1.

De Offi. lib. 3.

Præ se ferre.

C A P. XVII.

PRÆ se ferre, est dicto, facto uel, & ipsa statim fronte qualem opinionem de aliqua re aut homine habeas confiteri. Quintilianus: Fiduciam igitur præ se ferat orator, semperq; ita dicat, tanquam de causa optime sentiat. id est, ex ipso aspectu oratoris, ex ipsa uoce, ex ipsa tota oratione eluceat fiducia: quemadmodum qui pugnaturi sunt, in uultu, & gestu indicant tacitam uel formidinem, uel fiduciam. hoc est, præ se ferunt fiduciam, uel formidinem. Cic. Nam ille qui accipit iniuriam, meminit, & præ se fert. id est, ait se accepisse iniuriam, mentem uel se habere persequende iniurie ostendit. Iterum: At beneficio sum usus tuo, quod

quod quanquàm illud ipsum, quod commemoras, præ me semper tuli, malui tamen me tibi debere confiteri, quàm cuiquam minus prudenti non satis gratus uideri. Præ se ferre, & confiteri, pro eodem posuit. In eundem sensum accipi solet præfero, item præ me duco, præ me gero, ante me duxi. Idē: Et tamē quū ita uiuit, neminē præ se ducit hominē. Vbi accipitur præ se, pro ante se, uel in comparatione sui. Et alibi: Præ se utilitatem gerit. Et alibi: Tamen iniuriam à te in me factam, semper ante me duxi.

CAP. XVIII.

Rationem habeo, & Ratio constat.

Rationem habeo, idem est quod respectum habeo, sed tantummodo in bonum: ut, habenda est ratio salutis, ratio honoris, ratio rei familiaris: non autem infirmitatis, turpitudinis, incommodorum, ut quosdam annotauī scribentes. & tu facis contra rationem ualitudinis, id est, non habes respectum ualitudinis, sanitatis inquam, non ægritudinis: quæ duo, hoc significat nomen. Quæ exempla, quia passim inueniuntur, omitto. Cicero ad Marium inquit inusitatus: Pudori tamen malui, famæq; cedere, quàm salutis meæ rationem ducere. Et in secundo Officiorum: Siue ratio constantiæ, uirtutisq; ducitur, aut hæc ars est, aut nulla omnino, per quam eam assequamur. Et hoc fit cum genitiuo. Cum ablatiuo autem preposita prepositione cum, habet aliam significationem: ut Cicero in Catone maiore, Rationem habet cum terra, quæ nunquàm recusat imperium. id est, negotium, & commercium habet cum terra. Quod probatur ex illo in Tusculanis: Quis est omnium qui modò cum Musis, id est cum humanitate, & doctrina habeat aliud quod commercium, qui se non hunc mathematicum malit, quàm illum tyrannum? Idem ad Att. Nunc uerò, quoniam ea quæ

Epist. 3. lib. 6.
sa. epi.

Lib. 5.

Epist. 5. lib. 1.

Epi. 5. lib. 1. Plinius Iunior: Mihi & tentandi aliquid, & quiescendi illo aut
 Epi. 9. lib. 1. tore ratio constabit: Et iterum: Mirum est quam singulis diebus
 in urbe ratio constet, aut constare uideatur pluribus, cunctisq;
 non constat. Vlpianus: Planè ne si defendendi gratia aliquid fecerit, rationem ei constare oportet. id est, rationem eum iustam aut ostendere, aut facile posse ostendere.

De E' & Ex, diuersisq; nominibus, & uerbis
 eisdem appositis. CAP. XIX.

E Republica est, id est, pro Republica est. Quint. At hoc nemo dubitabit, quin si nocentes mutari in bonam mentem aliquo modo possint, sicut posse conceditur, saluos esse eos, magis è Republica sit, quam puniri. E' Republica dicendum est, ut in Oratore Cic. testatur, non ex Republica. Tollitur enim x, sicut in omnibus fit ferè quæ ab r, incipiunt: ut, è regione. id est, ex opposito, uel ex aduerso, atq; è contrario: non ex regione. è re mea, è re tua, è re nostra. Liuius lib. x x x i i i. Perinde ac si non postulatuerint, quæ è re sua essent, sed suaserint, quæ nobis censerent utilia esse. Similiter è dignitate, ex utilitate, ex usu: pro eo quod esset, pro dignitate, uel ad dignitatem, utilitatem, uel usum. Cicer. ro: Facis ex tua dignitate, & è republ. Et alibi: Legem (ut æquum est) ex utilitate Reipublicæ considerate. Terentius: Quod ex usu fiet. Cæsar in Commentarijs: Vtrum prællum committi ex usu sit. Ex tempore dicere, est ex improviso, & impræmeditatum dicere, nec domi compositam orationem afferre. Hinc uocatur extemporalis oratio. Persius autem ait: Atq; ex tempore uiuis? Ex tempore quoq; agere. Cic. Officiorum secundo: Quos credimus expedire rem, & consilium ex tempore capere posse. Aliter idè tertio eiusdem operis libro dixit: Vnius generis quæstiones sunt hæ omnes, in quibus ex tempore officium queritur. ex tempore, quasi ex tēporis conditione. E' renibus laborabat, idem inquit. hoc est, morbum in renibus patiebatur. Ex uinculis causam dicere, est alligatū respondere criminibus: ut ex equo pugnare,

Ad Brutū ep. 1.
 De Inuēt. lib. 1.
 In Heauton.
 act. 1. sce. 1.

Saty. 3.

pugnare, est in equo sedentem pugnare.

Aestimo, & Existimo, Cogito & Excogito. CAP. XX.

Aestimo, & existimo à plerisq; confunduntur, quum diuersa sint, sicut cogito, & excogito. Antè enim est cogitare, deinde excogitare, licet non quicumq; cogitat, statim & excogitet. Ita prius rem aestimamus, deinde qualis sit, existimamus. Aestimare enim est considerare. Existimare uerò iudicare. Quintilianus: Consumptis affectibus, non reperiens quo dignè modo uultum patris posset exprimere, uelauit eius caput, & suo cuiusq; animo dedit aestimandum. Cicero de legibus: Sisenna eius amicus, omnes adhuc scriptores, nisi qui forte nondū ediderunt, de quibus aestimare non possumus, facile superauit. Et in Verri-

Lib. 1. cap. 14.

Lib. 1.

AA. 7.

nis: Expendite deinde hæc, atq; aestimate pecunia. Vnde dictum est aestimare, pro taxare, ab æs æris, & τιμή Græcè, quod est pretium Latine. Ouidius tertio de Tristibus libro:

Quod quicumq; leget (si quis leget) aestimet antè,

Compositum quo sis tempore, quoq; loco.

Coniuro, & Conspiro. CAP. XXI.

Coniurare, & conspirare, ferè in malum accipiuntur, quoties in patriam, aut bonum principem coniuratio fit, atq; conspiratio. Sed si honesta causa id fiat, in bonū etiam accipi debet. Nam & Mutius Scaeuola ad Porfennam regem inquit: Trecenti coniurauimus principes iuuentutis Romanæ, ut in te hac uia grassaremur. Et Cicero ad Cesarem pro Ligario, fratrum conspiracyonem dixit, quasi unanimiorem. Verum conspiratio, ut in hoc ipso loco, nonnunquam nemini perniciosa est, in neminemq; grassatur. Coniuratio semper in alterius perniciem grassari solet.

Liui. lib. 1. ab urb.

Cordi est, & In animo est. CAP. XXII.

Cordi est, & in animo est, differunt. Namq; hoc secundum, notum est significare in animo habeo, uel animus est mihi, uel uolo, atque constituo: ut ad Terentiam Cicero: Nobis erat

Epist. 11. lib. 14. fam.

De Amic.

in animo Ciceronem ad Caesarem mittere. Illud uerò, est delectat, & placet. Ut idem: Itaque non tam me ista sapientiae, quam modò Fan nius commemorauit, fama delectat, falsa praesertim, quam quòd spero amicitiae nostrae memoriā sempiternā fore: idq; mihi eò magis est cordi, quòd ex omnibus seculis uix tria, aut quatuor numerantur paria amicorū. Quo in genere sperare uideor Scipionis amicitiam & Lelij, notam posteritati fore. id est, eò magis me delectat, & placet. Terentius: Aut tibi nuptiae haec sunt cordi. Et alibi: Quia uterq; utrique est cordi, id est, nuptiae iu-cundae sunt tibi, & uterq; alterum amat.

Inuerto, & Interuerto.

CAP. XXIII.

In And. act. 1.

In Phorm.
act. 5. sce. 30

Inuertere, est quasi in contrarium uertere, ut interiora uestis, aut pellis, aut aliarum rerum exteriora facere, praepostereq; uerba pronuntiare: ut pro lauo uola. Interuertere est rem aut commodatam, aut depositam, aut creditam, callidè, doloq; ne domino restitatur, efficere. ut Cicero in Verrem, Cadelabrum, quod rex Syriae Ioui Capitolino dono tulerat, à Verre, qui illud à rege commodato acceperat, interuersum esse conqueritur. Marcellus iurisconsultus: Si duo, inquit, heredes rem apud defunctum depositam dolo interuerterint.

Act. 6.

Compertum est, & Exploratum est. CAP. XXIII.

Declam. 5.

Epist. ult. li. 7.

Act. 7.

Compertum est mihi, & exploratum est mihi, idem est quod scio per inuestigationem: similiter comperi, & exploraui. Constitutum est mihi, deliberatum est mihi, decretum est mihi, idem quod apud me cogitando firmatum est: similiter constitui, & decreui. At non ita deliberaui. Possum nanque deliberaſſe, & nihil tamen constituiſſe. Quintilianus in agro redempto: Oderitis licet confessionem meam, deliberaui. hoc est, dubitaui, & haesitaui. Itaq; differt an dicamus, senatus deliberauit, an, senatui deliberatum est. id est, decreuit. Plinius Iunior: Tum ego, si fixum istud tibi, ac deliberatum est, sequar te. Cicero in Verrem: Deliberatum autem est, si res opinionem meam, quam de uobis habeo

beo

beo, sefellere, non modò eos persequi, ad quos maxima culpa corrumpendi iudicij, sed etiam illos ad quos conscientie contagio pertinebit. Exploravi tamē pro inueni ferē accipitur, quum exploro idem sit, quod inquirō sagaciter: unde dicuntur exploratores. Idem fit in nonnullis alijs, ut exigo, quod est uehementer, & iure quodam postulo: inde exegi, & exactum, pro postulando obtinui, & postulando obtentum. Tale est quæsitum, pro partum, à quero.

Fœnero, Fœneror, Mutuo, & Mutuor. CAP. XXV.

Fœnero tibi dicitur, sicut mutuo tibi: fœneror abs te, sicut mutuor abs te. Qui mutuatur pecuniam, dat mutuò. Qui fœnerat pecuniam, dat ad usuram. Qui mutuatur pecuniam, mutuò accipit. Qui fœneratur pecuniam, ad usuram accipit.

Gradum facio, & Gradum iacio. CAP. XXVI.

Gradum facere, non est transitum facere, sed aliquam rem gradum, & quasi scalam ad alia facere. Ideoq; à quibusdā, dicitur, gradum iacere, ut si riuum transire, si in arborem, fenestram uel, aut tectum scandere uelim, & saxo, & scamno, aliaquā uel alia re gradum facio: ut apud Quintil. Namq; & illud frequēs est, ut ea, quibus minus confidimus, quum tractata sunt, omittamus: interim sponte nostra uelut donantes, interim ad ea, quæ sunt potētiora, gradū ex his fecisse contenti. Hoc eodē modo Ambrosius in libris Offi. utitur. Cicero contra Rullum: Nunquā quasi gradum quēdam, atq; aditum ad cætera iactū intelligetis. Idem pro Cluentio: Antequā ad hoc nefarium facinus accederet, aditum sibi alijs sceleribus antè muniuit.

De Certum est. CAP. XXVII.

Certum est, non modò accipitur pro manifestū est: ut Quintilianus, Nempe legem esse certum est. sed etiam pro deliberatum, & constitutum est. In quo secundo plerumq; adiungitur datiuus cum infinitiuo: ut, certum est mihi ire in Hispaniam.

Nonnunquam datiuus subintelligitur, ut apud Verg.

Edog. 10.

Certum

Certum est in sylvis inter spelea firarum Malle pati.—

Liccor, Licitor, & Addico. CAP. XXVIII.

Liccor uidetur carere praterito, tamen quasi prateritum habeat, format à se frequentatiuū (sed eiusdem tamen significationis) licitor: unde sunt participia licitans, & licitaturus. Vtriusq; igitur uerbi significatio est, pretium deferre in auctione facienda: hoc est, in uenditione, quæ publice fit. Hinc unum compositū fit polliccor, non multum à primitiua significatione dissidens. Est enim polliceri, ultro aliquid promittere. Ita qui licentur, aut licitantur, ultro pro re emenda pretiū, alius alio maius pollicetur, ut sibi potius, quam alteri uenalia addicatur. Nā tali modo uendere, addicere est. Et inde apud iuriscōsultos, de iudicem additione titulus est, quem nostri iurisperiti emendant de iudicem adiectione, non uerbum modò, sed sententiā quoq; atq; ius ipsum corrūpentes. Afferamus ergo exempla utriusq; uerbi. Ulpianus: Si res eius uenierit, & existat qui plus liceatur, an in integrum propter lucrum restituendus sit? Et quotidie praetores restituunt, ut rursus admittatur licitatio. Caius: Licitatio uestigalium, quæ calore licitantū ultra modum solitæ cōditionis inflatur, ita demum admittēda est, si fideiussores idoneos, & cautionē is, qui licitatione uicerit, offerre paratus sit. Ad conducendum uestigalium inuitus nemo compellitur. Et ideo completo tempore cōductionis, licitatores alloquēdi sunt. Licitatores uestigalium ad iterandā conductionē antè, quàm superiori cōductioni satisfaciāt, admittēdi non sunt. Paulus: Si uenditor simulauerit meliorem allatam conditionē, cum minoris, uel etiam tantidem alij uenderet, utriq; emptori in solidū erit obligatus. Sed si emptor alium non idoneum subiecit, eiq; fundus addictus est, non uidetur, inquit, quemadmodū priori sit emptus, cum alia cōditio, & uera subsequuta sit. Sed si neuter subiecit emptorē, maiore autem pretio addictum est prædium ei, qui soluendo non est, abutum est à priori emptione, quia ea melior intelligitur, quam uenditor cōprobauit,

probanit, cui licuit non addicere. Quibus ex uerbis intelligitur, quid sibi uelit illud Ciceronis in Offic. lib. III. Non licitatore m uenditor, nec qui contra se liceatur, emptor opponet. Idem pro Cecinna: Quum esset (ut dicere institueram) constituta auctio Roma, & c. Itaq; mulier facere cōstituit, mandat ut fundum sibi emat, & c. Ebutio negotiū datur, adest ad tabulam, licetur Ebutius, deterrentur emptores multi, partim gratia Casenniae, partim pretio: fundus addicitur Ebutio, pecuniā argētario promittit Ebutius. Quo testimonio nunc uir optimus utitur, sibi emptum esse, quasi uerò aut nos ei negemus addictū, aut tum quisquā fuerit, qui dubitarit, quin emeretur Casenniae, cum id plerique scirēt, omnes ferē audissent, hi cōiectura assequi posset, cum pecunia Casenniae ex illa hereditate, deberetur, eam porro in pradijs collocari maximè expediret, essent autē pradia, quae mulieri maximè conuenirēt, ea uenirēt, liceretur is quem Casenniae dare operam nemo miraretur, sibi emere nemo posset suspicari. Quintilianus de Pasto cadauere: Si nobis nihil ex cōmeatu nostro partiris, nos uicina ciuitati uendimus, liceat seruire ubi frumentū est. Non exigua res est: pro uita, pro sepultura, pro innocentia licemur. Idem in Agro redēpto: Omnes facultates in pretia collegi, rus, seruulos, penates, & omnia utiliora properanti festinatione parētis addixi. Inde addicti apud ueteres dicebantur, qui prætoris pronūciatione, ac iussu, quū soluēdo nō essent, creditoribus uendebātur. De quibus magna apud Liliū fit mentio. Et Addictus morti, destinatus dicitur. Cicero de Offic. lib. III. Et is, qui morti addictus esset, paucos sibi dies commendandorū suorū causa postulasset, uas factus est alter. Aliquādo sine auctione fit licitatio: ut apud Curtiū de Dario, qui pollicebatur pretium pro capite Alexātri, si quis eū dolo occidisset, ita inquit: Et quum habeatis arma, licitamini hostium capita. Si quid tamē inter liceri, & licitari differt, id est, quòd liceri uidetur aut sine respectu esse aliorum emere uolentium, aut tantum semel deferre pretium.

Declam. 11.

Declam. 5.

Lib. 4.

pretium. Licitari uerò cum multis, & sapius augere pretium ut emere uolentes deterreas ab emendo.

Audio, & Exaudio: Oro, & Exoro. CAP. XXIX.

Audio, & exaudio, indifferenter ponuntur pro duplici significatione. Vna pro eo quod est, auribus accipio: altera pro eo quod est, audita petenti concedo: ut, Audire uocem uisa sum modò militis. &, Vox quoq; per lucos uulgò exaudita silentis. Idem: Audijs, & cœli genitor de parte serena Intonuit leuum. & -Nulli exaudita deorum Vota precesq; mee. Audio tamē frequenter accipitur pro eo quod est, credo, accedo, pareo precipienti, sed ferè cum negatione, & frequentius per participium, quod transit in nomen, quod est audiendus: ut apud Quintil. Nec audiendi quidam quorū est Albutius, qui tres modò primas esse partes uolunt: quia memoria, atq; actio, natura, non arte contingant. Audiendus non est, idem est, quod audiri non debet. Ideoq; licebit dicere: Neq; uerò quosdam, quorū est Albutius, audire debemus. Sine participio, Cicer. Tuscul. lib. primo: Nec Homerū audio, qui Ganymedem à dijs raptū ait propter formā. Sine negatione, Idē in eodē: Endymion uerò (si fabulas audire uelimus) nescio quādo in Lycio obdormiuit. Sed coniunctio hæc, tacitā quandā in se habet negationē. Aut certē idem hoc loco dicemus, quod diximus lib. 111. de ullus. Sed nōnunquā sine negatione aptè dicitur, ut apud Liuiū: Ciuē tuū non audisti arma capere, ac sequi se iubentē Annibalē. Paulò post: Audisti castra prodi, et arma tradi iubentē. Audio insuper, pro fateor, quæ similis significatio superiori est. Ideoq; sæpe sic scriptū legimus: Audio, & fateor. quasi posterius declaret primum. Exorauī hoc munus, idē est, quod orādo impetraui. Exorauī patrē, exorando induxi: quod licet etiam pueris notum sit (quippe Terentium legentibus, ubi hoc uerbū milies est, nec unquam reperitur aliter acceptum) tamen quidam sic loquuntur: Exoramus te Deus.

De

De Lego, & Perlego, multisq; alijs à per, com=
positis. CAP. XXX.

LEgo, & perlego differūt, & multa huiusmodi. Legere quid sit notum est. Perlegere uerò ad finem usq; legere: ut *Quintilianus* in x i i. Ideoq; opus est intueri omne litis instrumentum, quod uidere non est satis, perlegendum erit. *Ouidius*: Perlegis an coniux prohibet noua? — *Lactantius* in proœmio libri quinti: Non iniuste petere uidemur, ut si quis erit, qui inciderit in hæc, si leget, perlegat. Ita differt Scribere, & Perscribere, quæ exempla sunt plurima. *Titus Liuius* libro primo, statim in proœmio: Facturus ne operæpretium sim, si à primordio urbis, res gestas po. Rom. ab initio perscripsero. Perferre, usque ad constitutum finem ferre. *Vergilius*:

Cap. 1.

Epist. Oeno.
ad Parid.

perscribere

Nec spatium euasit, nec totum pertulit ictum.

Aenei. 1.

Et multi ferunt literas, sed cas uel negligentia, uel dolo, uel casu non perferunt. *Cicero*: Sed nuntius ille, qui literas accepit, non pertulit. *Seneca* in *Tragœdijs*:

Leue est miseras ferre, perferre autem graue.

Id est, ad spatiū temporis in miserijs esse, leue est: ad finem uero usq; uitæ, graue est: ut in illo simili exemplo *Martialis*.

Nam uigilare leue est, peruigilare graue.

Lib. 9. epig. 71.

Hoc est, partē noctis uigilare, leue est: usq; ad finē uerò, & totā noctem insomnē ducere, graue: quod dicitur etiam pernoctare, unde & pernox, quod à peruigilando ita differt, quod hoc interdiu quoq; fieri potest, illud uerò tantūmodo noctu, quāquā pernoctare peruigilantes possumus. id est, totā noctē insomnem ducere. Peruigil draco dictus est, nō quod pernox esset, sed quod nunquā dormiret, semper uigilans. Peragere reum, est nō tantū agere reum, nisi peruenias ad illius condemnationem. Dicitur enī accusator reum cōdemnasse, quum illum condemnandū curauit. *Vlpianus*: Peregisse autem quis reum nō aliter uidetur, nisi & condemnauerit. Perorare, finem orationis orare. Vnde
peroratio,

Declam. 6.

Philip. 2.

Epist. 3.

peroratio, finis orationis dicitur. Sed quia in hac parte utimur plerumque affectibus, ideo usurpamus interdum perorare pro ipsa commotione affectuum: ut Quintilianus, At ista legem recitat, et in cadauer filij perorat. id est, indignationem commouet. Persuadere, est suadendo inducere: ut Cicero in Philip. Duo tamen tempora inciderunt, quibus aliquid contra Cæsarem Pompeio suaserim, ea uelim reprehendas, si potes. Vnum ne quinquennij Cæsari imperium prorogaretur: alterum, ne pateretur fieri, ut absentis eius ratio haberetur. Quorum si utrumuis persuasisse, in has miseras nunquam incidissemus. Suasit ergo, et non persuasit Cicero Pompeio. Ideoque dicere solemus, Sic mihi persuadeo: non autem, sic mihi suadeo. Persuasum habeo, persuasum est mihi: non autem suasum habeo, suasum est mihi. Idem ad Brutum: Persuasum est enim adolescenti, et maxime per me eius opera nos esse saluos. Ille tamen qui alijs, siue alios (utrumque enim dicimus) persuasit, non persuasor eius sententiae appellari solet, sed autor. Cicero libro Officiorum tertio: Atque huius deditionis, ipse Posthumius qui dedebatur, suasor, et autor fuit. quasi dixisset, suasor, et persuasor. Apud Quintilianum autem, ceterosque sui temporis dicitur persuasio, pro certa opinione, atque sententia, quam nobis persuasimus: ut libro primo, Si qua publice est recepta persuasio. Quæ (quantum ego quidem sentio) id significare uidetur, quod Christiani dicunt, fidem. Et si originem Græcam inquiramus, nescio an commodius dicamus persuasio, quam fides, præsertim re ipsa pro nobis faciente. Fides enim proprie Latine dicitur probatio: ut, facio fidem per instrumenta, per argumenta, per testes. ~~Religio autem Christiana non probatione militis,~~ sed persuasionem, quæ præstantior est quam probatio. Nam sæpe probationibus non adducimur: ut malus seruus, malus filius, mala filia, mala uxor, optimo consilio, quod confutare non potest, non tamen acquiescit. Qui persuasus est, planè acquiescit, nec ulteriorem probationem desiderat. Non enim solum sibi proba-

tum

tum putat, sed sese commotum ad ea exequenda intelligit. Sed quia fides etiam pro (ut sic dicam) credulitate accipitur, quale est, habeo tibi fidem, recte etiam nostra religio nominata est fides, sicut à Græcis νῆσις. Verum eò, unde egressi sumus, reuertamur. Persuadere est in effectu: Suadere autem in actu, itemq; Dissuadere. Itaq; nonnulli peccant, quum dicunt, dissuasi hoc illi. pro eo quod est, reuocari ab opinione, in qua erat. Siquidem pro hoc sensu dicimus, persuasi ne faceret: sicut ediuerso, persuasi, ut faceret. Quare & suasor, & dissuasor nisi persuadeat, nihil effecerunt. Quintilianus: Ergo pars deliberatiua, quæ ea- Lib. 3. cap. 10. dem suasoria dicitur, de tempore futuro consulans (querit etiã de præterito) officijs constat duobus, suadendi, & dissuadendi. Non dixit persuadendi, quoniam non est officium oratoris positum in euentu, qualis est persuasio: neq; est eius ars persuadendi, sed suadendi, & dissuadendi in deliberatiuo genere. In uniuersum autem bene dicendi, quod est in actu, non in euentu. Præterea deliberatio uocatur suasoria, quoniam utrinq; suadetur: qui enim dissuadet, nil aliud quàm in contrarium suadet. Cicero in Catone maiore: Dissuasimus nos. Deinde, ut scias finem, euentumq; dissuasionis, subiunxit: Itaq; lex popularis suffragijs populi repudiata est. id est, dissuasimus, & dissuadendo ne fieret, persuasimus. Quantum errant philosophi nostri, quorum Albertus unus est, qui quum de comparatione dialecticæ, & rhetoricæ disputant, huius uerbi significationem nescientes, quisquis illos leget, intelliget. Permanere, est usq; ad finem manere. Plinius Iunior: Tunc demum lentè, cunctanterq; ueniūt, Epist. 11. lib. 1. nec tamen permanent, sed ante finem recedunt, alij dissimulant, & furtim: alij simpliciter, & liberè.

De quibusdam alijs à Per, Præ, uel Re,
compositis. CAP. XXXI.

Locuti sumus nonnihil de præpositione per, quando cõponitur: addamus adhuc aliquid amplius. Nonnunquam hæc
y per

per compositionem in malum accipitur, periurus, perfidusq;
 qui iusiurandum, fidemq; uiolat. Pertinax, qui nimis est tenax.
 Perfuga, qui ad hostes transit. Perditus, qui in omne scelus est
 traditus. Percitus, qui iracundia, furoreque est incitatus. Feruer=
 sus, qui uersatur in malo, & à bono uersus est. Perpeffus, labo=
 riose passus. Sæpe accipitur quasi per medium, ut perlucidum,
 siue pellucidū. id est, per cuius medium fulgor emanat. Perspi=
 cuum, per cuius medium, licet opertum sit, oculos dimittimus,
 & per eius medium uidemus: ut aqua, glacies, laterna, uesica,
 uitrum, crystallus, gemma. Sed perspicuum plerunq; ad mētē
 refertur: ut, id quod ais perspicuum est. id est tale, quale uitrum,
 aut crystallus. Perlucidum magis ad corporea. Plautus in Au=
 lularia: Ita is pellucet, quasi laterna Punica. Seneca de trāquil=
 litate: Quid pellucens ad inum aquas, & circumfluentes ipsa
 conuiuia? Quintilianus: Sed ut inter se iuncti, atq; ita cohære=
 tes, ne commissura pelluceat. Aliquando, sed figuratè, ad mentē
 refertur, ut apud Marcum Tullium in Bruto: Ita recōditas, ex=
 quisitasq; sententias, mollis, & pellucens uestiebat oratio. Idē
 est pellucens, & translucens, adeò ut Plinius maior frē nun=
 quā utatur perlucens, siue perlucidus, sed trāslucens, siue trās=
 lucidus, quod etiam figuratè ad mētē refertur: ut apud Quin=
 tilianum libro octauo, Similiter illa translucidā, & uersicolor
 quorundam elocutio res ipsas effœminat, quæ illo uerborū ha=
 bitu uestiantur. Perfluere, per mediū alicuius fluere, ut si lagœ=
 na male materiata, maleq; compacta sit, perfluit. id est, per eius
 medium humor, qui intus est, fluit. Terētius: Hæc, atq; illac per=
 fluo. id est, in modum nō fidelis lagœnæ, quæ mihi cōmittuntur,
 effundo. Plinius idem sæpius utitur transfluo pro perfluo, quæ
 idem sunt, ut perfuga, & trāsfiga. Perpluere, per medium ali=
 cuius pluere: ut, hæc domus perpluit, hoc tectū perpluit. Quin=
 tilianus in sexto: Quā cœnaculum eius perplueret. Frequētissi=
 me accipitur pro ualde, ut alio libro ostendi: permagnum, per=
 graue,

In proœmio.

In Eunu. act. 1.
 scē. 1.

Cap. 4.

grauē,periucundum. Quo in loco notandum est,quòd cum præ in eadem significatione reperiatur, tamen quædam uocabula cum præ coniunguntur,non cum per:ut,præpotens,præcelsus, prælatus,præfulgēs,prædiues,prædulcis, prælongus,prædurus, præclarus,præcultus. Quòd si quid inter has præpositiones interesse uelis,id crit,quòd uehementius auget præ. Nam prælongus homo,prælonga oratio,ea dicitur,quæ enormi longitudine est: & præpotēs,præcelsus,& similia,maiores in modum potens,celsusq;,& quasi præter modum,morem'ue aliorū potēs, ac celsus. Vnde etiam præcox fructus, præter morem ceterorū coctus, siue ante ceteros. Vnde uua, ficusq; præcoces dictæ: & præmaturus, antè quàm sit tempus maturum collectus. Quisdam tamen præcoquus dicunt,ut Martialis:

Vilia maternis fueramus præcoqua ramis,

Li.13.epig.46.

Nunc in adoptiuus persica cara sumus.

Eadem præpositio iuncta cum uerbo,nonnunquam habet penè nihil diuersum à sui simplicis significatione,ut præludo, præcîdo,præmior, præcingo. Idem sunt enim quod ludo,cædo, siue incîdo,morior,cingo. Cuius naturæ est etiam re,ut reseco, recîdo,recingo,repurgo,refodio,repromitto,rcuince: quæ sepe uix quippiâ à simplicibus dissentiunt in significatione. Per, in obtestationibus, atq; adiurationibus ferè solet separari à suo accusatiuo, interiecto nominatiuo, qui frequētissimè est ego,ut Verg. Lib.4. *Aeneid.* Per ego has lacrymas, dextramq; tuam, te, &c.

Quintilianus in Mathematico: Per ego has te optime pater (si uis) tantum fortes manus. Declam.4.

Inter Prosequor, & Persequor. CAP. XXXII.

Prosequor, & persequor multi nesciunt distinguere: qui ne falli possint, ita accipiant, Prosequi nō ferè carere ablatiui comitatu, ut prosequor te oculis, charitate, odio, honore, uersibus, cantu, cōitijs: significaturq; actio, declarans alterius affectum in alterum. Persequor autem uel in malam partem, id est,

3 2 infc

insequor, & infector: uel in bonam, cum perscuerō exequi, quod agere cœperam.

Partio, & Impertio, & Partior. CAP. XXXIII.

Partio, & partior quidam pro eodem legunt. Sed mihi uidetur rarò reperiri partio sine in, & partior cum in, quādo est deponens, sed quando est passiuum. Est nanq; impertio idem, quod impendo, uel partem do. M. Tullius: Aliquid tēporis impertias huic quoq; cogitationi. quasi impendas. Idem: Oneris mei partem nemini impertio. quasi partem do. Reperitur ali- quando mutata constructione, ut apud Terent. Plurima salute Parmenonem summum suum impertit Gnatho. quasi plurimam salutem Parmenoni suo impertit Gnatho: eo modo quo dicitur, dono tibi hunc equum, & dono te hoc equo. Huius passiuum est impertior, ut Cicero: Atq; etiam uiro forti collega meo laus impertitur. Partior idem est, quod partes facio, partesq; distribuo: sicut sortior, sortem facio, sortemue recipio. Vergil.

Epist. 14. lib. 9.
ad Art.
Pro Sylla.

In Eun. act. 1.
scē. 2.

Aenēid. 1.

—Et socios partitur in omnes. Quintilianus: Partire uel gratis, dum quo respiremus asseras. Partiri itaq; de partibus dicimus. Impertio magis de re incorporea, & quasi cōmunico. Imper- tiri tamē aliqui dicūt, pro impertire, ab ipso deponēte partior.

In manu est, & In manibus. CAP. XXXIII.

In manu est, in manibus est, utrunque accipitur pro eo, quod est, in potestate: sed dupliciter, de presenti, & de futuro. De presenti, Cicero: Verum hæc nō sunt in nostra manu. Et filius in patris, & seruus in domini manu dicitur esse. Vnde manci-

Epist. 1. lib. 14.
fam. epist.

Lib. 7. pium, & manumissio. Lucanus:

Aen. 9. In manibus uestris quantus sit Cæsar, habetis. Verg.

In Cas. Terra autem in nostris manibus. — De futuro, Sallustius: Verū enim uero pro Deorum, atq; hominum testor fidem, uictoria in manu uobis est, uiget ætas, animus ualet. Contrā, illis annis, atq; diuitijs omnia consenuere. Tantum incepto opus est, cætera res expediet. In plurali tamen frequētius, quum dicimus, uictoria

in

in manibus est: quasi iamiam tenetur. Etiam dicimus in manibus est, in alia significatione, pro eo quod est, inter manus est, aut quia admirationi est, aut quia nondum operi summa manus imposita. Quando est admirationi: Cic. in Catone Maiore: Est in manibus laudatio: quam quum legimus, quem philosophorum non contemnimus? Quando res non est consummata: idem in eodem libro: Septimus mihi liber Originum est in manibus, omnia antiquitatis monumenta colligo.

Præditus sum, & Affectus sum. CAP. XXXV.

PRæditus sum bono dicitur, & præditus sum malo: sicut affectus sum malo, & affectus sum bono: id est (ut breuiter magis, quam optimè dicam) habeo bonum, & habeo malum: ut, præditus sum humilitate, uirtute, diuitijs, dignitate, uiribus: qui sermo est usitatissimus, nunquam tamen cum ablatiuo, & præpositione à, uel ab, ut fit in affectus: ueluti, ego sum à rege magnis honoribus affectus, non autem sum præditus à Deo magnis uiribus. De malo rarius. Cicero pro Sylla: Ni uerò unum me uis ferum præter cæteros, me asperum, me inhumanum existimari, me singulari inmanitate, & crudelitate præditum. Idem pro Rabirio: Senectute affectus, morbo præditus. Contingit idem in singulari, ut in proximo exemplo: Existimari me singulari inmanitate. Sæpeq; legimus, ille est singulari improbitate, tu es singulari stultitia. Similiter fit in alijs tribus, quatuor uel: notabilis, nobilis, insignis, & eximius. Quintil. Hunc tu Dedam. 15. animum modò inter libidines, ac scorta perdebis, macie notabilis, pallore deformis, solaq; impatientia tuæ fabula notus. Notabile scortum, quasi in ordine meretricio excellens, uel maxime inter alia notum. Et apud Liuium, Nobilis ille clade Romana locus. Et apud Ciceronem: Testis est Phalaris, cuius præter cæ- De Offic. lib. 1. teros est nobilitata crudelitas. Et latrones uocamus insignes, qui maiore manu, maioreq; audacia grassantur. Et insignis improbitas, insignisq; stultitia dicitur, quemadmodum singularis, 7 3 eximiaq;

eximiâq; stultitiâ, quod rarius est. Cicero Verrinarum quarto: Sin hanc uos in rege tam eximiam iniuriam, tam acerbam neglexisse audient.

Descendo.

C A P. XXXVI.

Descendo in prælium, descendo in forum, descendo in campum dicimus: non quia de loco superiore in inferiorem descendimus, sed quia de loco tuto in locum discriminis opinor, quod qui in loco celsiore se tenet, pugnam detrectare existimatur, quem quum reliquit, et in locum æquum uenit, atq; descendit, mentem se pugnandi habere declarat. Ideoq; non ferè dicitur in forum descendere, nisi qui pugnandi, et defendendæ litis causa uenit in forum, non rerum uenaliû coemptor, ac negotiator. Et in campum descendere, non nisi qui litis, dignitatis uel sa (sicut in campo Martio fiebat) certaturus uadit. Nec in prælium, pugnam uel descendere, quod in loca inferiora descendat. Non enim locus est pugna, et prælium, quum nihil intersit qualis locus sit, planus, an motuosus, in quem se confert, qui in pugnam descendere dicitur: ut

Aeneid. 11.

apud Vergilium (satis autem erit in re perspicua unum exemplum protulisse) Instructos acie Tyberino à flumine Teucros, Tyrrhenamq; manum totis descendere campis.

Amo, & Diligo.

C A P. XXXVII.

Amare, est generalis significati, idè quod diligere, nisi quod putetur plus quiddam esse in amando, quam in diligendo: ut

Epist. 1.

Cic. ad Brutum, Lucius Clodius trib. pleb. designatus ualde me diligis, aut (ut ἡμετέρως ποπ dicā) ualde me amat. Et iterum: Sic igitur facies, et me aut amabis: aut, quo contentus sum, diliges.

Epist. 14. li. 9. fa.

Idem ad Dolabellam: Quis erat, qui putaret ad eum amorè, quem erga te habebam, posse aliquid accedere tantum nunc accessit, ut mihi deniq; amare uidear, antea dilexisse. Adamare est amato-
rie amare, ut Quintilianus multis in locis, sed unus suffecerit: Me quidè marite si quis interroget, omnes matres liberos suos tanquā adamauerint, amant. Videbis oculos nunquam à facie, uultuq;

Declam. 18.

nultūq; defletere, comere caput, habitumq; componere, suspi-
rare quum recesserint, exultare quum uenerint, conscrere ma-
nus, pendere ceruicibus, nō osculis, nō colloquijs, nō præsentiæ
uoluptate satiari. Amicus, cum honesta res est, Amica, quādo ad
uirū refertur, inhonesta: ut, hæc amica mea est. id est, concubina.
Ego uerò ipsius nō amicus, sed amator sum. Ideoq; apud Terē-
tium dicitur:— Hæc putabā hunc Pamphilum Amicū, amorē,
uirum.— Ne putares amicum in malam partem accipi, adiecit
amatorem. Sed apud profam hoc obseruatum semper inuenies,
apud poetas fortasse non semper.

In Andr. act. 4.
sc. 3.

Declaro.

C A P. X X X V I I I.

DEclaro frequētius ad facta pertinet, quā ad dicta. Cicero:
Declarauit id modò temeritas C. Caesaris, qui omnia iura
diuina, & humana peruertit. Aliquādo etiā in dictis. Idem ad
Ligariū: Postea uerò quā magnā spem habere cœpi, fore ut
breui tēpore te incolumē haberemus, facere nō potui, quin tibi
& sententiam, & uoluntatē declararem meā. Et in eadem epi-
stola: Quādo quid sentire exposui, quid uellem tua causa, re po-
tius declarabo, quā oratione. Interdū accipitur pro significo:
ut idem lib. 1. de Finibus, Nullum uerbū inueniri potest, quod
magis idem declarat Latine, quod Græcè idem, quā declarat
uoluptas. declarat, id est, si gnificet, uel ostendat, uel indicet.

De Offic. lib. 1.

Epist. 13. lib. 6.
fam. epist.

Ingredior.

C A P. X X X I X.

Ingredior componitur quidem ex in, sed diuersa ratione:
Nunc ad locum, ut ingredior forum, uel in forum. Qui mo-
dus loquendi nemini ignotus est. Nunc in loco, quod est ambu-
lo, & incedo. Vergilius:

Georg. 3.

Continuò pecoris generosi pullus in aruis
Altius ingreditur, & mollia crura reponit.

Cicero libro quinto ad Atticū: Si dormis, expergiscere: si stas,
ingredere: si ingredieris, curre: si curris, aduola. Idem est ergo
ingredieris hoc loco, quod graderis, quod est ambulas.

Epist. 13. lib. 1.

Consulo te, & tibi. Consulto, Consultor, Consul-
tus, & Inconsultus.

CAP. XL.

Lib. 10. cap. 1.

Consulo te, consilium peto à te, uel interrogo, & inquirō.
Quintil. Quid per fidem facere uultis? Iuuenem quem de
parricidio consuluit pater ille seruatus, miror hercule (non di-
xisse uolui) sum ueneficus, sum parricida. Idem: Ergo primum
est, ut quod imitaturus est, quisq; intelligat, & quare bonū sit,
sciat: tum in suscipiēdo onere cōsulat suas uires. Et iterum: Ego
aures cōsulens meas. Consulo tibi, cōsiliū do tibi, uel prouideo
tibi: sed hoc frequētius, et magis propriē in rebus: ut, cōsule
uitae tuae, cōsule ualētudini, cōsule dignitati, cōsule salutī, cōsule
rebus tuis: adeō frequētissimē, ut quā dicitur cōsulare uolo mihi,
& liberis meis, intelligatur potius de corpore, & de rebus ex-
ternis, quā de animo. In plurali autē numero interdum repe-
ritur, sine appposito tamē: ut, consulunt senatores: quod frequē-
tius dicimus, cōsultant. id est, deliberant. Nisi enim adsit qui cō-
siliū petat, & qui consiliū det, non erit deliberatio, siue cō-
sultatio. Atq; ut consulunt dicimus, pro consultant, hoc est, quōd
altera pars petit, altera dat consiliū: ita econtrario nonnun-
quam consultare est unius, non plurium partium, sed ita si apud
se duas partes sustinet, secumq; deliberat. Hinc duo nomina na-
scuntur, consultor, & consultus. Consultor serē pro eo, qui aliū
consulit, accipi solet: nōnunquam tamen pro eo, qui alij cōsulit.
Sallustius in Iugurtha: Simul ab eo petiuit, uti fautor, consul-
torq; sibi adsit. Et iterum: Ita cupidine, atq; ira, pessimis cōsul-
toribus, grassari, neq; facto, neq; dicto abstinere. Consultus, est
homo prudens, ac sciens, dignusq; à quo consiliū petas. Cae-
terum non occurrit mihi ubi repererim, nisi aut participium: ut

In argu. decla-
ma. 8. Quintil.
Verg. 3. Geor.
Nec respōsa po-
test consultus
reddere uates.

ibi, Consulti medici dixerunt eundem esse languorem. Aut no-
men pro iuriconsulto, ut Horatius lib. 1. Serm. Saty. 1.

-Eris tu, qui modò mules,
Mercator, tu consultus, modò rusticus-

Quin

Quintilianus in septimo: Scripti, & uoluntatis frequentissima inter cōsultos questio est. Liuius tamē libro primo, ait de Numa Pom-
 Pom-lio: Consultissimus uir, ut illa quisquā etate esse poterat, omnis diuini, atq; humani iuris. Et in decimo: Callidos, solertesq; iuris, atq; eloquētiæ consultos. Horatius primo Carminū: Ode. 14.
 Parcus deorum cultor, & infrequens,

Insanientis dum sapientiæ Consultus erro.

In compositione frequens est, sed adiectiuū: ut apud Quintil. O. Deditam. 19.
 inconsultam muliebrem semper amentiam. id est, imprudentē, inconsideratam, & nullius consilij. Alterum quoq; compositum, si compositū est, iurisconsultus, quod etiam dici solet iurecōsultus. Nonnunquam in simplici, ut Ouidius primo de Arte amandi: Sit tibi credibilis sermo, consultaq; uerba.

Ago gratias, Habeo, Refero, ac Reddo gra-

tias.

C A P. X L I.

Agere gratias, est uerbo: quod quidam barbarē dicunt, re-
 gratior. Habere gratias, in animo: quum memorem accepti beneficij mentem, animumq; habeo, & inuicem gratificandi uoluntatem. Referre, siue reddere gratias, est facto: ut, si tu à me subleuatus aut pecunia, aut patrociniō, aut manu, aliō uē subsidio, uicissim me aliquo modo subleuaueris, gratias retulisti, reddidistiq;. Licet Seneca nolit malas referri posse, sed reddi, Cicero tamen in Sallustium ait: Nam quod ista inusitata rabie in uxorem, & filiam meam inuasisti (quæ se facilius mulieres abstinerunt à uiris, quàm tu uir à uiris) satis doctē, ac peritē fecisti. Non enim sperasti me mutuam tibi gratiam relaturū, ut uicissim tuos compellarem. Quanquàm Cicero nunquàm frē ait reddere gratiam, sed referre. Porro hoc exemplū in alium quoq; usum attuli, quod uidetur significare gratiam etiam uerbo referri, non solum facto. Sed multū tamen differt ab illo, agere gratias, quo tantum innuitur confessio accipientis beneficium. Qui uerò refert gratiam, reddit beneficium, & interdum malefici-

Epist. 16. lib.
10. fa.

In Somnio Sci-
pionis.

Ad. 4. Sc. 4.

cium, siue factio, siue dictio, quoniam dicendo nonnunquam pro-
sumus æque, atq; faciendo. Plancus ad Ciceronem: Immortales
ago tibi gratias, agamq; , dum uiuam: nam relaturum me, affir-
mare non possum. Tantus enim tuis officijs non uideor mihi res-
pondere posse. Ecce respondere officijs, & satisfacere benefi-
cijs, est gratias referre. Ceterum frequentius est refero gratiam,
quam habeo gratiã. Item frequentius habeo gratiam, quam ago
gratiam. Vix enim audiuius ago gratiam, sed gratias. Et raro
refero gratias, sed gratiam. Cuius rei testimoniu est illud in libro
X L V I. Titi Liuij: Satiatusq; tandem complexu filij, Renũcia-
te, inquit, gratias regi me agere, referre gratiã aliam nunc non
posse, quam ut suadeam, non antè in aciem descendat, quam ut
in castra me rediisse audierit. Dicimus item ago grates, sed sæ-
pius apud poetas, qui necessitate uersus, ago gratias dicere non
possunt. Nonnũquam etiam apud oratores, ut Ciceronem: Ali-
quantoq; post suspexit ad cœlum, & Grates tibi, inquit, ago
summe Sol, uobisq; reliqui cœlites. Nisi legendum est gratias,
& non grates, pro eodẽ significato, siue pro eo quod est, reddo
grates. Seneca in tragœdia, quæ inscribitur Agamemnon, dixit:
Reddunt grates tibi grandæui, Laſiſq; senes compote uoto.
Reddunt grates, id est (ut ego interpretor) agunt gratias.
Quis enim referre possit gratiam Deo? quod etiam fando nun-
quam cognitum est, præterquam apud quosdam recentes, nihil
nisi barbare loqui scientes: sed gratias agimus, raro etiam. Gra-
tiam dijs habere dicimur, quoties agnoscimus, apudq; nos ipsos
fatemur ab illis beneficium accepisse, citra spem gratiam refe-
rendi: ut in Andria Terentius: -Dys pol habeo gratias, Cum in
pariundo aliquot affuerunt liberae.

Gratulor, & Grator.

C A P. X L I I.

GRatulari, est uerbo testari te gaudere fortuna, ac felicitate
Alterius apud eum ipsum, qui affectus est felicitate. Non-
nunquã apud te ipsum ob tuam felicitatem. Ideoq; ferè postulat
dati

datiuum: ut gratulor tibi ob tuam praturam adeptam: gratulor manibus meis, quibus ut te contingerent, datum est. Quintilianus: Non efficiet tamen infandum praesentis reatus, indignumq; discriminē, ut misera puella non gratuletur sibi, quod ipsam pauper accusare iam potest. Poetae nonnunquam praetereunt datiuum, utiq; quum fuerit pronomen, quae fuit causa, ut quidam existimarent, quorum est Apuleius, hoc uerbum idem significare, quod gaudeo. Ouidius in Heroidibus: Gratulor Oechaliam titulis accedere nostris. Gratulor inquam tibi, uel mihi, uel nobis. Idem tertio de Arte amandi: Prisca iuuent alios, ego me nunc deniq; natum. Gratulor – Gratulor. subintellige, mihi. Et interdum etiam oratores. Quintilianus in Pesto cadauere: Gratulemur iam, quod nulla ciuitas fame laboret. subintellige nobis. Verba autem Apuleij haec sunt in apologia, de magia: Eo in tempore, quo me non negabunt in Getuliae mediterraneis montibus fuisse, ubi pisces per Deucalionis diluuium reperiuntur. Quod ego gratulor nescire istos, legisse me, &c. Praetermisit datiuum: aut gratulor, pro gaudeo accepit. Quod tantum abest ut approbem, ut possit gratulari quis, quum minimē gaudeat, atq; adeo doleat: quod frequenter usu uenit, utique inter falsos amicos, quum alter inuidus, atq; emulus tacitē quidem dolens, quod alter honoribus auctus sit, tamen illi gratulatur. Fortē & Apuleius subintellexit mihi. In eadem significatione accipitur grator, sed poëticum, historicumq; est. Vergilius: Inueni germana uiam, gratare sorori.

Declam. 15.

Epist. Deian. ad Hercul.

Declam. 11.

+ Aenclia.

Titus Liuius libro v i i. Tuum sequentes currum, Iouis optimi maximi templum gratantes, ouantesq; adire. Dicimus aliquādo gratulari pro eo quod est, gratias agere: sed nō frē nisi dijs immortalibus. Ideoq; propriē idē est, quod supplicare. Siquidē triumphantes in Capitolium ascendebant, Ioui optimo maximo, ceterisq; dijs gratulatum. Eiusdem quoque significationis for-
missis est grator, quod significat Liuius lib. x. dicēs: Itaq; prator extem

X gratias agere, care.

extemplò edixit, uti ædificas aedes sacras tota urbe aperirent, quo circueundi, salutandiq; deos, agendiq; grates per totā diē populo potestas esset. Nec mirum, si dicimus gratulari, gratariue dijs, quasi ostendere nos illis aggaudere, quū dicamur etiā eosdē salutare, quasi salutē illis optare, quod hominibus cōuenit, nō dijs.

Fingo, & Effingo.

CAP. XLIII.

Fingere propriè est figuli, qui formas ducit ex luto. Inde generale fit uocabulum ad cetera, quæ ingenio, manuq; hominis artificiose formantur, præsertim inusitatè, & nouè. Effingere est ad alterius formam fingere, & quodam modo fingendo representare. Cicc. 11. de Oratore: Tum accedat exercitatio, qua illum, quē antè delegerit, imitando effingat, atq; ita exprimat, & c. Quintil. Nam id quoq; est docilis naturæ, sic tamen, ut ea, quæ discit, effingat. Et iterū: Nam mihi uidetur M. Tullius, quum se totū ad imitationē Græcorū contulisset, effinxisse uim Demosthenis, copiam Platonis, iucunditatē Isocratis. Vnde dictum est nomē effigies, figura ad uiuā alterius similitudinē, uel ad ueritatis imaginem facta, tam in picturis, quā in sculpturis.

Obeo, Oppeto, & Defungor. CAP. XLIIII.

Obeo legationem, exequor munus, & officium legationis. Obeo prouinciam, exequor officium prouinciale. Ita obeo mortem, exequor, uel perago mortē, uel adeo mortem, quemadmodum dicitur quis obiisse diem, pro adiuisse. Item, obiit diem suum, idem est, quod mortuus est, & iuit ad diem sati: ut apud Quintilianū, Nunciatū est Marcellum diem suum obiisse. Prætermittimus autem nonnunquam illum accusatiuum dicentes, Marcellus obiit. Quod idem sit in illis significatione similibus uerbis, oppetijt, & defunctus est, atq; etiam in detulit, & si quæ sunt alia. Nam in priore subintelligitur accusatiuus mortem, in posteriore ablatiuus, uita. Quid signi? quod sæpe reperimus hæc nomina esse his uerbis adiuncta. Est autē oppetere frequentius quidē mori, non fatali, sed illata morte: interdum tamen & fatali.

Vt Cic. de Officijs tradit, Ajax milles mortē maluisset oppete- Lib. 1.
 re, quā mulieribus (si Circe, & Calypso mulieres appellande Lib. 1.
 sunt) ut Vlyssēs fecit, inseruire. Idem de Diuin. Acquius esse
 censuit se maturam oppetere mortem, quā P. Africani filiam
 adolescentem. Ex munam emisit, ipse paucis diebus post est mor-
 tuus. Sine accusatio apud Vergilium:

Aen. 1.

- O terq; quaterq; beati,

Quis ante ora patrum, Troiæ sub moenibus altis

Contigit oppetere. - Defunctus quoq; dicitur, quasi perfunctus
 munere uiuendi. Ideoq; ut dicimus, perfunctus est, siue defunctus
 officio prætorio, munere adilitio, cura tribunitia: ita defunctus
 uita. id est, ab hac administratione, ab hoc munere, ab hac pro-
 curatione cessauit: ut apud eundem: - Defunctaq; corpora uita. Aen. 6.

Detulit autem (quod tertio loco posui) in idem significatum
 accipio, quod est accusauit, ubi subintelligitur reus: ut Quintil. Declam. 7.
 Diuitem detuli reum pauper inimicus, occisi pater.

Vestigo, Peruestigo, & Inuestigo. CAP. XLV.

Peruestigo, & inuestigo, non solū quero, sed etiā (& quidē
 frequētius) querēdo inuenio: ut sit Vestigo quero, Inuesti-
 go, & Peruestigo, quasi acquirō. Ductū autē est hoc uerbum à
 uestigijs, tanquā signis, indicatijsq;, quibus ad rei notitiā perueni-
 mus. Cicero tertio de Oratore: Ipsa tractatio, et quasiio quotidie
 ex se gignit aliquid, quod cū desidio delectatione uestiges. Idē
 in eodē, libro secūdo: Nosse regiones intra quas uenias, & per-
 uestiges, quod queris. Idem pro Ligario: Sed quoniam diligētia
 inimici inuestigatū est, quod latebat, cōsistendum est, ut opinor.
 Terent. Nihil tam difficile est, quin querēdo inuestigari possit.

In Heantonti-
 morumeno,
 act. 4. scē. 1.

Nutrio, & Alo.

CAP. XLVI.

Nutrirī, est & paruulorū ut crescant (unde nutrices dicun-
 tur, nutritijq;, qui curam infantium habent, habuerunt ue)
 & aduulorum, ut uiuant. Ali quoq; in eodem significato: unde
 lex illa x i i. tabularum: Liberi parentes alant, aut uinciantur.

At

At in rebus incorporeis frequentius, ut crescant. Quintilianus: Sed alere facundiam, vires augere eloquentia possit. Perinde ac si dixisset, Augere facundiam, augere vires eloquentia possit. Cic. Sed nec illa extincta sunt, alunturq; potius, & augentur cogitatione, & memoria. Coniunxit & ipse hæc duo, sicut solemus in multis, quæ similia sunt, ut possum & licet, ut munus & officium, ut mens animusq;. Vergil. Hos successus alit. — id est quasi horum animos successus augescere facit.

Spero, & Confido.

C A P. XLVII.

Spero pro credo usitatum est, siue de presenti loquamur, siue de præterito. De presenti, Quintilianus: Facilis (ut animaduertere uos spero) defensionis meæ cursus est. De præterito, Idem: Et innocentiam quidem puellæ satis (ut spero) defendimus. Et Cicero: Spero iam probatam esse amicitiam nostram. Similiter confido pro credo, tum in præterito, tum in præsentitum in futuro. In præterito: Quoniam probatam rationem officij mei uobis esse confido. In presenti: Quanquam à Cratippo nostro principe huius memoriæ philosophorum, hæc te assidue audire, atq; accipere confido. In futuro: Ita fore confidimus. Hæc exempla ex Cicerone sunt.

Dico, & Fero sententiam: Dico, & Fero legem.

C A P. XLVIII.

Dico sententiam consiliarius, fero sententiam iudex. Quorum exempla frequentiora sunt, quam ut à me repeti debeant. Nonnunquam tamen dico pro fero: ut apud Quintilianum, Apud iudices quidem secundum legem dicturos sententiam de confessis præcipere, ridiculum est. Iuris quoq; consultos hoc uerbo in hunc sensum frequentissime usos uidemus. Dico leges, aliud quam fero leges. Est enim ferre ad suos: dicere ferre ad uictos. Ut Liuius libro XLVI. Nihil ea mouerunt regem, tutam fore bellis Asiam ratum, quando perinde ac uicto, iam sibi leges dicerentur.

Cir

De Amic. circuli.

Aen. 5.

Lib. 3. de Offi. procramio.

Circumsto, & Circumsisto.

CAP. XLIX.

Circumsto, & circumsisto, utrumq; facit circumsteti: sed primum pro circundo, alterum pro inuado, & irruo, & quasi terrificatione aggredior. Vergilius:

Aen. 6.

Circumstant animæ, dextra læuâq; frequentes. Idem:

Aen. 8.

At fessi tandem ciues infanda furentes

Armati circumsistunt. — Et alibi:

At me tum primum seuus circumstetit horror.

Aen. 11.

Quintil. in Apes pauper. Quum me euocassent subito trepidū,

Declam. 13.

totoq; fortuna suæ strepitu circumstetissent. Nonnunquam non

terrificandi, sed terroris auferendi gratia ponitur, ut Caesar in

Commentarijs: Si quis grauiore uulnere accepto deciderat, cir-

Lib. 4. de bel.

cumsistebant. hoc est, socij iacentē exhortabantur, tela hostium

Gall.

arcentes. Nonnunquam etiam, ut circumsto accipitur: ut apud

eundem: Et mercatores in oppidis uulgu circumsistit, quibusq;

ex regionibus ueniant, quasq; ibi res cognouerint, pronunciare

cogit. Quo etiam modo apud Quintilianum accipi potest.

Usurpare.

CAP. L.

Usurpare, est uti, siue usitari, tum dicto, tum facto. Cicero

in Oratore: Pōst inuenta conclusio est, qua credo usuros

illos ueteres fuisse, si iam nota, atque usurpata res esset, qua in-

uenta, omnes usos magnos oratores uidemus. Hoc etiam sic di-

cere licebat in eandem sententiam: Pōst inuenta conclusio est,

quam credo usurpaturos illos fuisse, si iam nota, atque usur-

pata res esset, quam inuentam omnes usurpassē magnos orato-

res uidemus. Idem: Quod semper usurpamus in omnibus dictis,

ac factis minimis, ac maximis, cū hoc decere dicimus, illud non

decere. Idem: Præclare enim hoc est usurpatum à doctissimis,

In Paradoxis.

quorum ego autoritate non uterer, si mihi apud aliquos agre-

stes habenda esset oratio. Sed quum apud prudētissimos loquar,

quibus hæc inaudita non sunt, cur ego simulem, me si quid in his

studijs operæ posuerim, perdidisse? Dictum est igitur ab erudi-

tissi.

tiſſimis uiris, niſi ſapientem, liberum eſſe neminem. Vſurpatum, & dictum pro eodem accepit, ſicut doctiſſimis, & erudiſſimis. Quid multa? cum frequenter iuriſconſulti utantur uſurpo pro dictito? nam pro factito, minus dubium eſt.

Præſtò ſum, & Adſum.

CAP. LI.

PRæſtò ſum, idem eſt quod adſum, nec alteri ſerè uerbo co-
hæret, niſi uerbo ſubſtantiuo, & huic ſimplici: nam præſtò
adſum, magis poëticiu eſt. Quid igitur ſignificat adſum? Tria:
unum naturaliter, duo per quendam flexum, & deriuationem.
Primum eſt, præſens ſum, quod modò cum ablatiuo iungitur,
in, præpoſitione ſeruiente: ut apud Ciceronem de Oratore: Pau-
lus in pugna non adſuerat. Modò cum datiuo: ut apud eundem
in Philippiſis: Omnibus his pugnis Dolabella adſuit. Et apud
Quintil. Nam in libris Obſervationū à Septimio editis, adſuiſſe
Ciceronem tali cauſæ inuenio. Secundum eſt hinc ductum, quòd
ſæpe corrogamus, qui nobis adſint periclitantibus, quales ſunt
aduocati, quorum officium eſt adeſſe in iudicio. Sed ipſum illud
adeſſe, fauere eſt, præſidioq; eſſe: ideoq; dicimus adeſſe, pro eo
quod eſt, eſſe præſidio. Vergilius:

Aen. 2.

—Modo Iuppiter adſit. Et iterum:

Aen. 9.

Adſis ô tandem, & propius tua numina firmes.

Et in proſa, Quintil. Nunc omnes in auxilium deos, ipſumq;
in primis, quo nec præſentius aliud, nec ſtudijs magis proprium
numen eſt, inuocem: ut quantum nobis expectationis adiecit,
tantum ingenij aſpiret, dexterq;, ac uolens adſit. Idem: Si ta-
men pater, qui diuiſit patrimonium, & reos parricidij defendit,
ſic agat, quod contra legem ſufficit: Parricidium obijcitur iu-
uenibus, quorum pater uiuit, atq; etiam liberis ſuis adeſt. Ter-
tium eſt aduenio, ſeu magis adueniam. Nam propè idem ſunt,
iam ueniet, & iam præſens erit. Itaque aderit accipitur pro
utroq; ſiue pro utrouis. Vergilius:

Aen. 3.

Iamq; aderit multo Priami de ſanguine Pyrrhus.

Iterum:

Huc

Huc ades ô formose puer – Et,

Edog. 1.

Huc ades ô Galatea, quis est nam ludus in undis? Et iterum: Eclog. 9.

Huc ades ô Melibœæ, caper tibi saluus, & hœdi.

Edog. 7.

Vbi si eadem foret significatio, quæ est in illo præsens sis, hîc ades, non huc diceretur. Ergo huc ades, pro adsis, idem est, quod huc ueni. Has easdem significationes habet præstò sum, & eadē ratione. In prima, Ciceronis exemplum est in Bruto: Quibus quidem causis tu etiam Brute præstò fuisti. In secunda eiusdem pro Muræna: Ius ciuile didicit, multum laborauit, uigilaui, præstò multis fuit. Et pro eodem: Tu interea Romæ scilicet amicus præstò fuisti. In tertia, eiusdem ad Herennium: Hirundines æstiuo tempore præstò sunt, hyeme pulsæ recedunt. Et in epistolis frequenter: Stator tuus mihi cum literis præstò fuit. Et propriè accipi solet hoc ultimum, pro eo quod nunc dicimus, compareo: ut si quis aliqua dignitate, imperio uel affectus, alteri sic iubeat: Cras mihi ad hunc locum, & hanc horam præstò sis. id est, compareas, & te repræsentes, atq; exhibeas mihi.

Lib. 4.

Fleo, Gemo, Ploro, Plango, Eiulo, Lamentor,

Vociferor.

CAP. LII.

FLere, est lacrymus, ideoq; tantum hominum, sicut ridere.

Gemere, est in pectore, quum præ angustia in sonum prorumpit. Ideo & iumenta sub nimio pondere gemunt, & inanimata quoq; quum nimis onusta sunt, gemere dicuntur. Ut apud

Act. 6.

Vergilium:– Genuit sub pondere cymba. Plorare est uoce flebili, & effusa dolorem suum aperire. Vnde implorare, est plorando opem orare. Plangere est percussione, ac uerberatione

pectoris, capitis, uultus, aliorum uel membrorum se in dolore affligere: regitq; post se accusatiuum. Ideoq; per translationem dicuntur fluctus plangere littora: quasi ad declarandum dolorem, in modum lamentationis. Eiulare est uoce sublata flere, quod magis mulierum est proprium. Vociferari est uoce effrenata non modo dolorem, sed etiam indignationem (quæquàm indignatio

z doloris

doloris genus est) ostendere. Interdum sine affectu , sed tamen vehementius exclamare. Lamentari est uoce querula , & tristi oratione cladem testari suam. Quæ exempla lecturis hoc opus inuestiganda relinquimus.

Existit, & Extat.

CAP. LIII.

Lib. 7.

EXistit, atq; extat, quorū uerborū unū, atq; idem præteritum est, simile quiddam significant, quod est eminet, & superest. Sed primum cum motu, alterum sine motu: ut illud sit, prodit, uel exurgit: hoc uerò superstat. Cicero de Diuinatione: Atque delapsus in flumen nunquam comparuisses, me contremuisse timore perterritum, tum te repente latum extitisse. Et iterum in eodem libro: Summerusus equus uoraginibus non extitit. Adhuc iterum in eodem: Vocem ab æde Iunonis ex arce extitisse. Atq; iterum: Neq; diu ulla uox extitisset. Et in secundo: Anguem ab ara extitisse. Et iterum: In Lysandri statuae capite Delphis extitit corona. De rebus quoq; mutis existere dicimus: ut idem in Lelio, Existit hoc loco quæstio subdificilis. De extare exemplum unum Vergilij suffecerit Georgicorum tertio;

—Stant circumfusa pruinis

Corpora magna boum, confertoq; agmine cerui

Torpent mole noua, & summis uix cornibus extant.

Quo fit, ut de libris, qui demortui non sunt, dicamus extare: ut, extāt paucissimi Varronis libri, plurimū nō extant. Nā ut de homine, qui adhuc uiuit, loquimur, superest, quasi non subter est: sub terra humatus: ita de rebus, extant, quasi extrā stant, non intrā, & in tenebris latent. Cicero in Oratore: Quæ (ut scis) extat oratio. Et de Senectute: Et tamen ipsius Appij extat oratio.

Conciliare amorem, & beneuolentiam nos dici,

Inire autem gratiam.

CAP. LIIII.

Conciliamus amorem nobis alicuius, conciliamus beneuolentiam: non autem conciliamus nobis gratiam. Rursus inimus gratiam, non autem inimus amorem, aut beneuolentiam.

Quarum

Quarum omnium orationum eadem. ferè sententia est, ac si hoc uerbo uterer contraho, uel comparo: nisi quòd inire gratiam, est magis fauorem comparare, quàm amorem: ut apud Quintil. Quinetiam hoc timeo, ne ex eo minore gratiam hic liber ineat, quòd pleraq; nõ inuenta per me, sed ab alijs tradita continebit. Reconciliari tamẽ, & in gratiã redire, idem sunt: quoties amici interposita aliqua offensa, quũ aliquandiu fuerũt inimici, in pri-
stinã redeunt beneuolentiã, ac familiari-
tatem. Sed redire in gra-
tiam etiam cum inanimatis solemus: ut Cicero de Senectute, In gratiam cum uoluptate redeamus. Præterea conciliamus nobis laudẽ, famam, honores, similiaq;: non autem inimus. Quintil. lib.

11. Nam & plus autoritatis asserũt ea, quæ non præsentis gra-
tia litis sunt comparata, & laudem sæpe maiore, quàm si nostra
sint, conciliãt. Rursus in eo rationem, in eo scẽdus, in eo pacẽ, in eo
societatem, in eo bellum, in eo pugnam, in eo uiam, quasi capesso,
atq; ingredior: quod non ferè nisi in re momentosa, aut graui,
grandi ue dici solet. Nam non ita rectè loquar, in eo prandium,
coenam ue, ut in eo conuiuium. Vnde principium rei maioris ini-
tium uocatur, ut initium rationis, Quintiliano quoq; testante, qui
ait: Quod principium Latinè, uel exordium dicitur, maiore qua-
dam ratione Græci uidentur proœmũ nominasse, quod à nostris
initium modò signatur. Et huius uerbi participium absolutè po-
situm, sine regimine, maioribus rebus adhibetur: ut, Incũte pue-
ritia, ineunte adolescentia, ineunte ætate, ineunte uere, ineunte
æstate, hyeme ineunte, ineunte anno nouo. Non autem dormi-
tione ineunte, conuiuium incunte, die ineunte, nocte ineunte, hora
ineunte, sed incipiente: nisi dicamus illud ipsum ineunte, certis
nominibus debere adiungi, quæ sunt ea, quæ modò exposui.

Lib. 4. ab ini-
tio.

Obruo, Ingurgito, & Crapulo. C A P. LV.

Obruere est operire: siue aqua, ut: obrutus undis: siue terra:
ut, Obrue uersata Cerealia semina terra. siue per translati-
onem ad animum: ut Quintil. Tot uoluptates obruere possunt

Ouid. lib. 1. de
Remed. amo.

unum dolorē. Sed de multo uino potādo etiam obruere dicimus, sicut ingurgitare de absumentis multis cibis. Cicero pro Deiotaro ait: Vino se obruisse, nudumq; saltasse. Et in Antonium: Vt fratrem imitetur, se obruit uino. Et in eundem idem: Quum se cibis ingurgitasset. Ingurgitare aliquando utrumq; complectitur, sicut crapulari non modò in uino, uerum etiam in cibo, unde fit *Philipp. 3.* crapula. Vt idem in eundem: E dormi in qua crapulam, et exhalat.

Deuenio, Peruenio, Deuoluo, Despicio, & Di-

spicio.

CAP. LVI.

Deuenimus in montē, deuenimus ad diuitias, minus usitatū, ac minoris rationis est, quàm peruenimus in montem, peruenimus ad diuitias. Similiter ediuerso, deuenimus in planum, deuenimus in uallem, quoties ab editiore loco profecti sumus, usitatus, probabiliusq; quàm peruenimus in planum, peruenimus in uallem. Ita, deueni in paupertatem, quasi descendi, et delapsus sum in humilia. Deuoluo, deorsum uoluo: ut, deuoluere rogos, deuoluere trabes, deuoluere saxa, deorsum precipitare. Despicio, deorsum aspicio: sicut suspicio, sursum aspicio. Inde per translationē quum quis alium contemnit, ac parui facit, despicere uidetur, quasi infra se, et ad pedes suos proiectum aspicere: quemadmodum et suspicere est uenerari, quasi supra nos aspiciamus illum esse collocatū. Nam dispicere est providere, et circūspicere mente, tanquam in omnē partē lumina mentis intendere, omniaq; discernere. A quo dispicientia dicta est, circūspectio, et prouidentia, et consideratio diligens, atq; discretio.

Occupo.

CAP. LVII.

Occupare, est locū tenere, aut capere, et ui capere: ut apud *Liuium lib. trigessimotertio*: Nam et ipsis uocantibus urbem hanc accepi, non occupaui. id est, non ui accepi, aut mea sponte accepi, sed aliorū rogatu. Sæpe uerò antè capere est, et (ut aliqui loquuntur) præoccupare. Vnde schema illud, occupatio appellatur, quoties quæ dici ab alio poterant, ea ipsi præueni-

niendo dicimus in nostram partem; ne nobis postea officerent retorquentes. Cicero Offi. lib. 1. Sunt autem nulla priuata natura, sed aut ueteri occupatione, ut ij qui quondam in uacua uenerunt. Certè primi illi, qui uenerunt in uacua, non potuerunt in aliena ire, ut isti aiunt: qui uolunt occupare, utiq; in aliena re se possessorem facere. Proprie est enim occupare, quod in medio, siue in medium, atq; in commune positum est, ante ceteros capere. Quod testatur Quintil. inquit: Multa nihilominus, quæ libera fuerant, transeunt in ius occupantium, sicut uenatio, & aucupatio. Inde occupatus dicitur, qui antè negotio aliquo detentus, non potest negotio alterius operâ dare. Cicero: Nemo adhuc me conuenire uoluit, cui fuerim occupatus. hoc est, cui causarer me quibusdam alijs negotijs antè præuentum. Atque hinc uocatur occupatio, quum alicui necessaria rei, & cui ante omnia operam dare debemus, cum diligentia uacamus.

Peto, Posco, Postulo, Flagito. CAP. LVIII.

Petere est in bonū, & in malum: quod declaratur per ipsam rem, aut bonum, aut malum significātem. Ut, medicus sanitatem ægri petit, pater laudem filij, tu diuitias, ego uoluptatem peto. Item multi filij petunt mortem patris, serui mortē domitorum, medici longitudinem morbi. Petere autē uitam alterius, itemq; petere caput alterius, petere famam, petere pudorē, accipitur in malum, quòd illa in hominis perniciem petas, siue quòd ea oppugnes. At quum non in rem, sed in personam refertur peto, utiq; cum ablatiuo in malam partem accipitur: ut, peto te gladio, peto te ueneno, peto te insidijs. Nam illud apud Vergil. Malo me Galatea petit lasciuia puella:

Eclog. 3.

Idem est quod, malo me incescit, & pomorū iactu percutere me solet. Et ideo quasi audacia, culpæq; sibi conscia, dicitur: Et fugit ad salices. Ab hac significatione absunt alia uerba, posco, quod est propriè rem debitam, & honestam peto. Inde reposco, quod est rem meam, & quod mihi reddi debet, peto. Postulo est

Ead. eclog.

Lib. 4.

quodam modo requiro (ut, res, tempus, locus, persona, causa postulata) & tanquam rem iustam peto. Curtius: Postulabat autem magis, quam petebat, nisi accipiamus, ut Varro apud Seruium uult, humiliter petebat. Sic enim ait: Poscere est, quum aliquid pro merito nostro deposcimus. Petere uero est, quum aliquid humiliter, & precibus postulamus. Expostulo, quod est cum querela apud amicos requiro, & quasi officium amicitiae in alio desidero: ut Terentius in Adelphis, - Qui ita putant sibi fieri iniuriam, ultro si quam fecere ipsi expossulant. Sed frequentissime post se habet ablatiuum, seruiente praepositione cum: ut, Quid habes, quod mecum expostules? Flagito uehementer, & plus quam postulo: ut Cicero pro Quintio, Quamquam haec causa postulat: & si postulat, non tamen flagitat. Quintilianus ad Triphonem: Efflagitasti quotidiano conuitio, ut libros quos ad Marcellum meum de Institutione Oratoria scripseram, iam emittere inciperem. Quae uerba etiam Ciceronis sunt in epistola ad Quintum fratrem.

Labo, & Labor.

CAP. LIX.

Aen. 2.

Labo, & Labor ita differunt, quod labare est ruere, & repente cadere: ut apud Vergilium: - Labat ariete crebro Ianua. Labi uero leniter, sensimque deorsum ire: ut labuntur flumina, labitur caelum, labitur anguis, labuntur ab aethere penna, labuntur dii a caelo, non labant. Quintilianus: Ut numen, & deus delabi sideribus, & uenire de liquido, puroque aere uidebatur. Cic. Sicut aliquem non ex hac urbe missum, sed de caelo delapsum intuentur. Ideoque daemones magis ex caelo labarunt, quam lapsi sunt. Angeli uero assidue ad nos labuntur. Labi quod dicuntur, qui in lubrico imprimentes uestigia, ad terram feruntur, non cum ruina, sed lentius, & cum aliqua mora: tametsi nonnunquam lapsus, pro ruina accipitur: & per translationem de corporeis ad incorporea, de eo, qui aut per infirmitatem animi, aut per imprudentiam deliquit, dicimus, lapsus est, quasi

pes

Ser. in illud
Verg. Aen. 9.
Si tibi quae pos-
seo promittit,
&c.

Act. 4. sc. 3.

Epist. 9. li. 2. ad
Q. frat. ait Ci.
Epistolam hac
conuicio efflagi-
tarunt codicil-
li tui.

Pro Lege Ma-
nil.

pes animi unus, ambo uer, qui sunt fortitudo, & prudentia, in lubrico lapsi sint: Et elabi quoque, periculum fugere dicitur eo modo, quo anguis lubricus, muræna uer, aut anguilla manu prehensa lapsu fugit: quod est, è manu elabatur. Ita qui è medio periculo euasit, elapsus dicitur. Vergilius:

Aen. 2.

Ecce autem elapsus Pyrrhi de cæde Polites.

Sed hic non est translatio, utpote in re corporea: erit translatio in incorporea. Quintil. Serui quidem Galbam miseratione sola, qua non suos modo liberos paruulos in concionem deduxerat, sed Galli etiam Sulpitij filium suis ipse manibus circumtulera, elapsum esse, tum aliorum monumētis, tum Catonis oratione testatum est. Cicero: Hic Tito fratre suo Censore, qui proximus ante me fuerat, elapsus est. id est, accusatorum, quasi prehensantiū manus effugit. Translatum quoque illud Terentianum est à labor, non à labor: Labascit, uictus uno uerbo, quam cito? Labor primam breuem habet, labor primam longam. Hinc labor laboris, & laboro laboras prima breui, quod an ab altero illorū deriuatur, & ab utroque potius, liberū opinaturis relinquo. Hoc tamen non omittens, inelaboratū dici, quod nō artificio satis ex cultum est: illaboratum uerò, quod sine labore uidetur factum. Illud initio dari solet, hoc laudi. Quintil. de Cicerone ita ait: Quum in-

In Eun. act. 1.
sce. 2.

Deben

Lib. 10

auditu est, oratio præ se fert tamen felicissimam facilitatem.

Deligo, & Eligo.

CAP. LX.

Deligere, & eligere sic differunt. Deligere est, quod magis idoneum ad rem agendam est, cernere. Eligere uero uel ad nostrū emolumentum, uel ad illius, qui eligitur dignitatem. Delegit sibi saepe populus Romanus imperatorem ad bella, ut Pompeium ad bellū Mithridaticū. Imperator quoque deligit milites, non eligit, ad rem uidelicet bellicam idoneos, & inter eos agit delectum, qui cui rei sit magis commodus. Et agricola delectum

agit inter tauros, quos scindendo solo, quosq; procreāde soboli destinet. At si ex multis daretur optio, quem sibi uellet, eligeret, non deligeret. Ideoq; semper serè dicitur in eodem sensu, datur tibi, siue offertur optio: & datur tibi, siue offertur electio. At Cicero: Deligere, inquit, oportet, quam uelut diligere. de uxore loquens, deligere dixit, quasi ad res domesticas administrandas. Nec inficias eo posse fieri, ut in aliquem cadat delectionis, & electionis nomen, ut in ipsum principem, quem ad honorem pariter, & ad rempublicam bene gerendam assumimus. Ceterum deligo sine præpositione accusatiuum habere solet: ut, Populus Romanus delegit Cn. Pompeium imperatorem. Eligo alterum accusatiuum sine præpositione, alterum cum præpositione: ut, Idem populus elegit in principē sibi Octauium. Cicero inquit: Quos Cæsar in Senatum elegerat. Porro utrunq; horum uerborum tam in superiores, quàm in inferiores cadit: ut illud quod modo dicebam, Quos Cæsar in Senatum elegerat. Et sacerdotes eligunt sibi pontificem: & clerus episcopum. Rursus consul milites deligit, & milites imperatorem, nautæ gubernatorem, discipuli præceptorem sibi deligunt. Nam inter collegas, paresq;, aut serè pares dicitur Cooptare. Liuius: Dictatorem dici placet. Dicitur M. Furius Camillus, qui magistrum equitum L. Aemylum cooptat. Vt Cicero in Bruto: A quo in collegiū augurum fueram cooptatus. Illud nō est silentio transeundū, duobus tantum dici modis deligere, præterquàm per hoc uerbū ipsū. Vno, agere delectum: altero, habere delectū, nunquàm facio delectum. Qui duo modi differunt ab ipsa significatione deligēdi, quod deligimus aliquando unum tantum. Agere uerò, uel habere delectum, ad multa semper refertur. Apud Quintilianum legi facere, pro agere, quod haud scio, an uitio librariorum factum sit, an etiam sic dicere liceat. Ita enim legitur: Proprietates ingeniorum dispicere prorsus necessarium est. In his quoque certum studiorum facere delectum, nemo dissuasit. Nanque

crit

erit alius historia magis idoneus, alius compositus ad carmen, alius utilis studio iurus, & nonnulli rus fortasse mittendi.

Percontor, Interrogo, & Sciscitor. CAP. LXI.

Percōtari, significat interrogare, quāuis suapte natura spe-
ctet ad finē coarguendi: ut Quintil. testatur, dicens: Quid Lib. 1. cap. 90
enim tam cōmune, quā interrogare, uel percontari? Quorum
utroq; indifferenter utimur, quū alterū noscendi, alterū arguen-
di gratia uideatur adhiberi. Interrogo igitur (ut ego interpre-
tor) noscendi gratia adhibetur. Percontor uerò arguendi. Scisci-
tari (ut ipsa uox indicat) sciendi causa interrogare est.

Debello, & Expugno. CAP. LXII.

Debellare, est bello uincere, aut bello capere. Expugnare pu-
gnādo capere, uel potius pugnādo, & oppugnādo uince-
re: quod significauit Liuius libro XLV. Haud paulò facilius,
quā antè, duæ unam, tūc una duas naues expugnauit, cepitq;.
Sed debellamus potius homines. Vnde debellatū esse dicimus, pro
eo quod est bello certatum, belloq; res parta est, aut perditā. Ex-
pugnāmus autem opera, molesq;: ut castra, ut urbes, ut castella,
ut naues. Quocirca miror illud in psalmo: Sæpe expugnauerunt Psal. 102.
me à iuuentute mea, dicat nunc Israël, Sæpe expugnauerunt
me à iuuentute mea: etenim non potuerunt mihi. pro eo quod est
oppugnauerunt, siue impugnauerunt me. Si enim non potuerūt
mihi, profectò non expugnauerunt, sed oppugnauerunt tantum.
Græcè autem ἐπολέµισαν, magis est oppugnauerunt, siue impu-
gnauerunt, quā expugnauerunt. Pro eodem tamen significato
interpres accepit, nisi librariorum uitium est.

De compositis à Re. CAP. LXIII.

Flgo, inde refigo, quod fixum erat, educo. Tego, inde rete-
go, quod tectum erat denudo. Texo, inde retexo, quod erat
textum, reddo non textum, & quasi infectum, quod erat factū.
Claudo siue cludo, recludo, quod clausum erat aperio. Velo, re-
uelo, uelamentum tollo. Signo, resigno, quod erat signatum, ob
signatum

signatum'ue relaxo, uel patefacio. Et alia huiusmodi sunt, multa non sunt: ut, repeto, reposco, renouo, repræsentio, reuello, remoueo, remaneo.

Præparo, & Apparo.

CAP. LXIII.

Preparare, & apparare ita differunt, quod præparare est ante à parare sibi, quæ utilia sunt, aut fore credit. Apparare, ad dignitatem quandam, ac uerius pompam. Ideoq; oratores præparant, quibus obtinere causam possint. At proæmum apparatus reprehenditur, quod plus pompæ, atq; ostentationis, quàm utilitatis habere uideatur. Cicero Officiorum primo: Facile totius cursum uitæ uidet, ad eamq; degendam præparat res necessarias, ut pastum, ut latibula, ac alia generis eiusdem. Idem de Oratore tertio: Illa quæ in apparatu fori appellantur insignia. Quinquàm apparatus uidetur interdum significare utrūq; ut apparatus belli, quasi præparatio. Sed ut dicimus naues non modò instructas, sed etiam ornatas, quod quò res instructiores ad bellum, eò pulchriores sunt, ita apparatus belli uocamus, ubi instrumenta bellica etiam adornata sunt.

Præsum, & Præsideo.

CAP. LXV.

Praesum & præsideo differunt. Ab hoc sit præses, sicut à desideo deses, à resideo reses. Ab illo uerò præsens, quod à suo uerbo in significato recedit: de quo antè diximus. Præesse, est præpositum esse rei cuiusdam gerendæ, atque administrandæ. Præsidere, est ad opem præstandam præesse, quam propriè præstant homines iniuriam quidē patientibus, aut in discrimen adductis: dii uerò beneficentiam fauoremq; inuocantibus. Aliquādo tamē indifferenter. Suetonius de Tyberio: Præfedit & Actiacis ludis, quasi dixisset, præfuit. Cic. pro Sylla: Noli animos eorum ordinum, qui præsunt iudicijs, offendere. Idem pro eodem: Quam ob rem uos dii, & patrij penates, qui huic urbi, atque imperio præsidetis. Idem pro Milone: Vos inuicti, & in ciuis inuicti periculo centuriones, atq; milites, uobis non modò inspectantibus,

sed

sed etiam armatis, & huic iudicio præsentibus, hæc tanta uirtus ex urbe expelletur, exterminabitur, eiicietur? Quintil. in x. Nam beneuolum auditorem inuocatione dearum, quas præsidere uatibus creditum est, & intentum, proposita rerum magnitudine, & docilem summa rerum celeritate comprehensa facit. Et non longè post: Quem præsidentes studijs deæ propius audirët. Vnde tam dii, quàm homines præsides dicti sunt: illi quidem in suo quisque numine, suaq; ui: hi uerò in sua quisq; provincia aut ab rege, aut à populo sibi commissa. Idem Quintil. Quòd omnia sic egerit, ut genitum præside bellorum deo incredibile non esset. quasi cuius in manu esset imperium bellorū, aut auxilium: ut apud Liuium libro sexto, Di, deaq; omnes, qui capitulū incolitis, siccine uestrū militē, ac præsidem finitis uexari ab inimicis? præsidem dixit pro auxiliatorem, ac defensorē: ut alibi etiam saepe. Præses (ut definit Vlpianus) is est, qui maius in provincia imperium habet omnibus post principem. Hinc præsidium dictum est auxilium principale. Nam subsidium id, quod in auxilium succedit, dicitur. Et milites qui ad tutelam oppidi, castelli, sinuliumq; collocati sunt, præsidium uocantur: ut, impositum est præsidium Caietæ. Nam præsul antiquitus is dicebatur, qui primus erat inter Salios, id est, Martis sacerdotes, Romæ duntaxat, à saliendo dicti in portandis ancilibus.

Assentor, Adulor, Blandior.

CAP. LXVI.

adulor

Assentari, adulari, blandiri ita differūt, quòd assentari est insidiosè, & conciliandæ alicuius utilitatis gratia, effusius, & plerunq; falsò quempiam laudare: adulari uerò inservire, & capere, ut fauorem emereamur quoquo modo uel noce, uel gestu: estq; tractum ὁπὸ τοῦ δούλω, quod est seruus. Et sanè adulari seruile est, non liberale, & ingenuum. Blandiri propriè ad tactum pertinet, & per abusionem ad alios sensus transfertur, nonnunquam etiam ad animū. Quintilianus: Tu non cogitas, quæ admo Declam. 1.
dum suspensa manu sonantem blandè cardinem flectas. Idem:
Blan

Blādiar paulisper iudices calamitatibus meis, & sic agā, tanquā
 inuenerim utrunq; sanum. Ideoq; idem quodam loco penè pro
 Declam. 2, eodem posuit hæc duo posteriora uerba: Transeo oblatam nolē-
 ti munerum uacationem, & blandius, quā militiæ disciplina
 postulat, adulatū militi tribunum. Adulatū blandius dixit, ne
 aut blandius blanditū, aut adulantius adulatū diceret, si tamen
 adulantius reperitur. Et alibi: Et animalium quoq; sermone ca-
 rentium ira, letitia, adulatio, & oculis, & alijs signis corporis
 Georg. 3, deprehenditur. Sunt enim muta animalia hominum serua, quæ
 signa maxime apparent in canibus, de quibus inquit Vergil.
 Hinc canibus blandis rabies uenit— Nam assentari non cadit
 in muta animalia, nisi credimus hoc modo coruum à uulpe fuisse
 se deceptum, quum optimum cibum ore gestaret.

Excuso, & Causor.

C A P. L X V I I.

Excusare apertam significationem habet: itemq; causari. Ex-
 Excusamus crimē obiectū: quod quū uidetur satus purgatū, recē-
 tes dicunt, habeo te excusatum: ueteres dicebant, accipio excu-
 sationem: sicut in illo, dum quis nubi tulit conditionem (uerbi
 gratia) an uelim negotiari in sua pecunia in commune lucrum,
 dicam, accipio conditionem. Est & altera huius uerbi significa-
 tio, quæ à priore defluxit, quoties id quod in causa fuit, ut pec-
 caremus, asserimus in excusationem. Nec dicemus (ut aliqui lo-
 quuntur) accuso, sed excuso: quāuis potius uideatur ratio exige-
 re, ut per accuso, quā per excuso loquamur: ueluti si latrones,
 aut flumina impedimento fuerint, ne ad diem adesse possem, di-
 Declam. 11, cam eo modo quo Quintilianus: Tu tamen si interpellatus tēpe-
 statibus serius uenisses, excusares marc, & ambiguos flatus: &
 tibi bonam causam habere uidereris, quū diceres, antè non po-
 tui. Excusares dixit, non accusares. Liuius libro sexto: Exacte
 iam ætatis Camillus erat, comitijs iurare iā parato in uerba ex-
 cusandæ uoletudinis solitæ, consensus populi restiterat. Et lib.
 x l v i i. Vbi dies uenit, citariq; absens est cæptus, L. Scipio
 morbum

morbū causæ esse cur abesset excusabat. Lucanus in octauo, -Littusq; malignum Excusat. -Causari, est causam rei gestæ as-
 ferre. Suetonius: Syllanum item socerū ad necem, secandasq; no-
 uacula fauces compulit, causatus in utroque, quod hic se ingres-
 sum turbatius mare non esset secutus. Aliquando penè quod illa
 significatio superioris uerbi (de excuso dico) in secundo signi-
 ficato. Quintilianus: Nec causanti pupillo sic tutor irascatur
 unquam, ut non remaneant amoris uestigia, & sacra quædam
 patris eius memoria. causanti pupillo, quasi excusanti acerbita-
 tem tutoris. Cui simile est illud Papiniani: Iussus rationem red-
 dere, & liber esse, si hæres causabitur accipere rationes, nihilo-
 minus liberū fore. id est, si impedimēta prætetendat. Vergilius:
 Causando nostros in longum ducis amores.

In Caio, c. 13.

Edog. 6.

Id est impeditenti causas afferendo. Vlpianus: Proscribere
 palam sic accipimus, claris literis, ut planè rectè legi possint,
 ante tabernam scilicet, uel ante eum locum, in quo negotiatio
 exercetur, non in loco remoto, sed euidenti: literis Græcis, an
 Latinis? puto secundum conditionē, ne quis causari possit igno-
 rantiam literarum. Et alibi: Causari tempestatem, ac uim flumi-
 num. Vbi liceat dicere, excusare ignorantiam literarum, & ex-
 cusare tempestatem, ac uim fluminum.

Mando, Præcipio, Iubeo, Impero, Edico, &

Indico. CAP. LXVIII.

MAndare, est cuius personæ gerendum aliquid, exequen-
 dumq; cōmittere: ut Quintil. Mandata tamē tua fili per-
 ago. id est (ut nunc loquimur) commissionem, non autem iussa.
 Nam deforme alioqui esset, si filius iuberet, imperaretq; patri.
 Præcipere, est tum magistrorum, quod est præcepta tradere, tum
 magistratuum, & superiorum personarum. Sallustius in Catilin.
 Iudices rerum capitalium quibus præceptum erat. Idem in Iu-
 gurth. Micipsa pater meus moriens mihi præcepit. Iubere fre-
 quenter idem est, quod imperare: ut Quintilianus, Pater me
 iussit.

Declam. 9.

iussit. Et alibi: Nā quamvis infestum latronibus mare iussus intravi. Neq; dissimulaverim magnas fuisse causas patri, cur hoc mihi imperaret, quod ipse facere non potuerat. Pro eodem accipit iubere, & imperare. Hic tamen annotandum est, quod sicut eleganter dicimus, impero mihi: ut, apud eundem, Imperavit sibi, ne quas admitteret amplius preces. ut etiam permisi mihi, permisti tibi, permisit sibi: ita nō eleganter dicas, iussi mihi. Præterea quā ita dicamus imperata, ut iussa: huic apponimus verbum exequor, perago, & si quid est simile: illi autē ferē unū verbum, quod est facio: ut apud eundē, Neq; ipse hoc periculū ignoro, expertus nō levi documēto, quāti steterit mihi, quod semel imperata non feci. In hoc etiā hæc verba differunt, quod impero tibi hanc rem, dicimus: lubeo uerō præter hanc constructionem, potest habere & illam, cuius exemplum modò protuli, pater me iussit. Est etiam iubere, non planè imperare, sed quasi hortari:

Declam. 8. ut idem, Spera tu, iube sperare matrem. Cicero etiam frequenter hoc modo loquitur: ut pro Deiotaro, Literis, quas ad me Terracone misisti, bene sperare iussisti. Cui simile est Terentij: —Salutare Hegionem plurimum lubeo. —Verg. in v.

—Reddiquē uiro promissa iubebat.

Quāquam quæso decorum fuisset, ut regi milites, ac comites sui imperarent? Edicere est magistratum, regum uel. Vnde edictum consulum, sunt literæ consulū, quibus aliquid iubent, atq; imperant. Nam indicere, propriè denuntiare est: ut, indictum est bellum, indixi bellū fortunæ, indixi bellū uoluptatibus, indixit Romulus spectaculum. Liuius: Indici deinde finitimis spectaculum iubet. Iterū: Indixit in posterum diē ut adessent. Idem: Indictio iustitio. Iterum: Delectusq; & iustitium indictum est.

Introcludo, & Intercludo. CAP. LXIX.

Aen. 1. **I**ntrocludo te, id est, in interioribus claudio. Intercludo te, iter tuum impedio, & quasi iter cludo. Vergilius: Interclusit hyems, & terruit Ausfer euntes.

Cice

Cicero: Qui Carthaginiensium aduentum corporibus suis in-^{In Paradox.}tercludendum putauerunt. Qua ratione etiam dicimus inter-
sepio. Quintilianus: His textis ne uniuersi mellis pondus effluat,
intersepta onera clauduntur. Quasi circunsepta, uel, quæ effluc-^{Declam. 13.}re mella poterant, septa.

. Ex sententia, & Ad uotum habere. CAP. LXX.

EX sententia aliquid habere, & ad uotū, licet illud uideatur
erationis esse, hoc affectus, eodē tamē ferē significationis ue-
niunt, ut Quintilianus: Habes ne uxorē ex animi tui sententia?
Et alibi: Et ad omne uotum fluente fortuna lasciuit otium.

Facere iter uel uiam, & Iter habere. CAP. LXXI.

Iter facere, uiam facere, uiam munire: Item iter facere, & iter
habere differunt. Iter facere, est (ut imperiti loquuntur) itinere
rare, & (ut periti) ingredi iter, aut uia: ut Cic. de Senectute, Ma-
sinissam, quum pedibus iter ingressus est, in equum non ascen-
dere: quum in equo, ex equo non descendere. Idem lib. I. Offi-
ciorum: Tempus à natura ad eligendum, quam quisq; uia uiuē-
di sit ingressurus, datū est. Viam facere propriè est, ubi non erat
uia, uiam, & transitum aperire. Quintil. Scratur igitur non
semitis, sed campis, non uti fontes angustis fistulis colligantur,
sed ut latissimi amnes totis uallibus fluant, ac sibi uiam (si-
quando non acceperit) faciat. Quod non probè dixeris, mu-
niat. Est enim munire uiam, repurgare, reficere, ac substruere,
interdum lapidibus, quales sunt uia Romana à plerisq; portis
in multorum dierum iter silicibus stratæ. Cicero pro Milone:
Ideo ne Appius ille cæcus uia muniuisset, non qua populus utere-
tur, sed qua sui posteri latrocinarētur? Et per trāslationē de cor-
poralibus, ad incorporalia. Quintil. lib. I I I. Propterea quòd
plurimi autores quauis eodē tēderent, uias tamē diuersas mu-
nierunt, & in suam quisque induxit sequentes. Dicimus etiam
ut uiam, ita ripam munire, alueum munire, aditū munire, quum
illa reficimus, uel reparamus. Cicero etiam aditum munire pro
uiam

Epi. 11. li. 2. fa.
Epist. 4. lib. 2.

uiam munire dixit pro Cluentio: Aditum sibi alijs sceleribus antè munivit. Iter habere, est iter aliquem esse facturū. Cicero: Habebant iter ad Laium regem. Et ad Q. fratrem: Et quod ille in Sardiniam iter habebat.

Propono, & Ostendo cum alijs uerbis. C A P. LXXII.

Propono præmium, propono metum, ostendo spem, ostendo metum, scè in eadem significatione: hoc est, hinc hortor, illinc deterreo: nisi quòd proponere est potius potestatem, impèriumq; habentis, Ostendere uerò consilium dantis. Cicero: Quis est, qui proposito tanto præmio non excitetur? Idem: Propositis mortis, & exilij minis. Item: Tum spem, tum metū ostendere. Atq; iterum: Magnum huic urbi periculum ostenditur.

6. V. r.

Pacificatus, Pacatus, & Placatus sum. C A P. LXXIII.

Pacificatus sum, pacem feci: pacatus sum, in pace sum, uel ab armis recessi. Placatus sum, ab indignatione animi ad lenitatem redij: uel, animo leni sum.

Parem esse, & Paria facere. C A P. LXXIIII.

Declam. 3.

Parem esse, idem est, quod sufficere alicui operi, siue resistendo illi, siue exequendo. Cicero ad Atticum libro x i. Tum interpellat fletus, repugno quoad possum, sed adhuc pares non sumus. Quintilianus in Geminis languentibus: Nunc infelix non par est dolori, nunc non inuenit ulla solatia, ex quo uidetur sibi filium perdidisse uicturum. Idem: Non fallit nos nefande quid captes hoc, quòd supra silentium trahis alta suspiria, quòd in prorumpenti uidèris exclamatione deficere: mendacio paratur autoritas; & in fidem erupturæ uocis affertur, ut fateri uidearis inuitus: dic tamen, par est hæc rei matris integritas, ut mentiaris? Lucanus:

Lib. 2.

Hunc habuisse pares Phœbeis ignibus undas.

Declam. 15.

Et hoc in resistendo. In exequendo autem, idem Quintilianus: Aspicio par laboribus corpus. Nonnunquam par idem est, quod decens: ut idē, Si propter matrimonia uiolata urbes euerse sunt, quid

quid fieri adultero par est? Paria facere, est quod alibi amissum est, uel quod aliunde acceptum, alibi, uel aliunde compensare. Idem Quintil. Paria tecum facio res pub. quæ propter me unum ciuem perdideras. Et alibi: Sic paria faciemus. Tu illic eris uicarius meus. Plinius Auunculus: Nascuntur & alio modo terræ, ac repente aliquo mari emergunt, uelut paria secum faciente natura, quæq; hausserit hiatus, aliquo loco reddente. Plinius Iunior ad Priscum lib. vii. Habuerunt officia mea in secundis, habuerunt in aduersis. Ego solatium relegatarum, ego ultor reuersarum, non feci tamen paria: atq; eò magis hanc cupio seruari, ut mihi soluendi tempora supersint. Seneca: Ut statim tibi soluiam, quod debeo, & quantum ad hanc epistolam paria faciamus.

Declam. 6.

Lib. 2. cap. 86.

Epist. 19.

Solicito.

CAP. LXXV.

Solicito te, uel quòd spem, metum uel tibi ostendo, ut sollicita re plebem: uel inquieto, & tibi curam iniicio.

Gratum facio, & Gratificor. CAP. LXXVI.

Gratum facio, & gratificor (si quid differunt) ita differunt, quanquam utrunq; est ex gratum, & facio, non tamen utrunq; compositum. Differunt autem ita, quòd gratum facere est quiddam minus, & propè idem quod obsequi, & inseruire: ut Cicero, Si hunc iuueris, gratissimum mihi feceris. Gratificari quiddam maius. Vnde deum gratificari hominibus dicimus, non autem gratum facere, quasi idem sit, quod beneficia conferre.

Deduco, Reduco, Comitari, & Affectari.

Affectari.

CAP. LXXVII.

Deduco, & reduco generalem habent significationem, sed in hoc specialem, quoties alicui officij gratia præstamus comitatum: ut, deduxi Catonem in Senatum, eumq; ut domum reducam, hic expecto. Sed propriè hoc est inter homines non multum dignitate, & autoritate distantes: Comitari uerò minorum potius erga maiores. Cæterum deducere, & reducere, est quasi ad certum locum. Affectari uerò, quasi comitatu præstare,

A

non

non tantum in itinere, aut navigatione, aut militia, sed serè per urbem: ut Cicero de Oratore lib. I I. Quum edilitatem Crassus peteret, cumq; maior natu, & consularis Sergius Galba affectaretur, quòd Crassi filiam Cn. filio suo despondisset.

Satio, & Saturo.

CAP. LXXVIII.

Satiare ad omnes sensus attinet: Saturare ad unum gustum. Nam figuratè locutus est Cicero: Iracundiam meam satura tuo sanguine. quasi sitim meam satura. Satiare frequenter ad animum transfertur.

Incedo, & Ambulo.

CAP. LXXIX.

Incedere, est ambulare: inde incessus, siue tardus, siue festinus, siue commotus, & incompositus, immoderatusq;. Proprie tamen sublimior quidam, & fastum præ se ferens. Vergilius:

Aen. 1.

Regina ad templum magna stipante caterua

Aen. 1.

Incessit. — Et iterum: Et uera incessu patuit dea. —

Quod Seneca quodam loco declarat: Tenero, ac molli passu sitispendimus gradum, nec ambulamus, sed incedimus.

Aduersor, & Auersor.

CAP. LXXX.

Aduersor tibi, & auersor te. De primo nihil dubij est: secundum sumit significationem à gestu, quoties ab aliqua re, quam detestamur, uultum auertimus. Quintil. in x I. Aspectus enim eòdem semper uertitur, quò gestus, exceptis quæ aut damnare, aut non concedere, aut à nobis remouere oportebit, ut

Cap. 3.

Aen. 3.

idem illud uideamur uultu auersari, manu repellere. Maro: — Dij talem terris auertite pestē. In Deuteronomio, & alijs pluribus locis est: Gentes quas dominus auersatur. id est, detestatur, atq; abominatur, & à quibus præ odio uultum auertit. Multi tamen indocti scribunt, leguntq;, aduersatur Dominus.

De Leuo, & compositis suis.

CAP. LXXXI.

Leuo, est alleuo, & molestiam, laboremq; extenuo. Nam pro illo significato, quod est sustollo, notum est: ut Liuius lib. x x I. Mox aqua leuatur uento, quum super gelida montium

cacum

cacumina cōcreta esset. Subleuo, auxilium, defensionemq; præ-
 sto. Cicero: Zopyrus, qui se naturam cuiusq; ex forma prospice-
 re profitebatur, derisus à cæteris est, qui illa in Socrate uitia
 non agnoscerent, ab ipso autem Socrate subleuatus, cum illa sibi
 signa ratione à se deuicta diceret. Alleuo in altum tollo, uel de
 imo, & ubi quid iacet, atq; proiectum est, sursum tollo. Quin-
 tilianus: Vidi multos, quorum supercilia ad singulos uocis co-
 natus alleuarentur. Idem: Homini in aquam lapso, atq; ut alle-
 uaretur oranti. Inde per translationem ad qualitatem fortunæ:
 ut idem, Quare non petit ut miserrum putetis, nisi & innocens
 fuerit. Non petit, ut afflictum alleuetis, nisi & probauerit sese
 infeliorem, quod patrē amisit, quàm quod oculos. Etiam non-
 nunquam subleuo pro alleuo: ut apud Suetonium de Vespasiani
 uita, Dumq; surgit ac nititur, inter manus subleuantium extin-
 ctus est. Eleuo, imminuo, & extenuo: ut idē Quintilianus, Nam
 quis ignorat, quin id longè sit honestissimum, ac liberalibus di-
 scipulis, & illo quem exigimus animo dignissimum, non uen-
 dere operam, nec eleuare tanti beneficij autoritatē, cum pleraq;
 hoc ipso possint uideri uilia, quod pretium habent? Nusquam
 memini in alium sensum reperisse me. Nam Hieronymus testa-
 tur quodam loco Esaie, Eleuatum est super limina templi: de-
 buisse transferri sublatum est: sed ad tollendam ambiguitatem
 (ne quis putaret sensum esse talem, qualis est, sublatum est mihi
 pallium) ad aliud uerbum recursum fuisse. Proprium tamen
 erat sublatum: ut idem Quintilianus, Tunc te fas est sublatis ad
 cælum manibus proclamare, Mathematicæ, mentitus es.

Tuscul. quest.
lib. 4.

Declam. 7.

Cap. 24.

Lib. 11. cap. 7.

Declam. 4.

Perpendo, Expendo, Appendo, Impendo, & Im-
 pendeo.

CAP. LXXXII.

Perpendere, est exactè ponderare, atque examinare: non
 autem (ut aliqui uolunt) intelligere, atque animaduere-
 tere. Cicero: Quid in amicitia fieri oportet, quæ tota uirtute
 perpenditur? Expendere, eiusdem serè significationis est. Idem.

A 2 in

in Verrem 5. Expendite hæc deinde, atq; æstimate. Idem Officiorum primo: Quæ contemplantes expendere oportebit, quid quisq; habeat sui, eademq; moderari, nec uelle experiri, quam se aliena deceant. Appendere est tum suspendere, ut notum est: ut, appendi uuas: tum ad lancem, stateram uel ponderare. Idem in Antonium: Ut iam appendatur pecunia, non numeretur. Et in proœmio orationum Aeschynis, ac Demosthenis à se trāslationum figuratè ad incorporea transtulit: Ea putauit non annuumerari lectori debere, sed tanquam appendere. Impendo habet participium præsens tale, quale est ab impendo, ut admonitissimus cauendum esse, ne ista nos fallat ambiguitas. Quale est apud eundem de Senectute: Mortem igitur impendentem omnibus horis timens, quis possit animo consistere? Hoc participium est ab impendo, non ab impendo. Est autè impendēre, supra caput iamiam casurū pendēre: ut nubes impendent. Et gladius ille equina seta appensus supra Dionysij conuiuæ caput imminens impendebat. Impendēre, ab impendēre, apice distinguendū est.

Rapio, Eripio, & Præripio. CAP. LXXXIII.

Rapere manifestam significationem habet, quum de alijs rebus loquimur: quum uerò de personis, duobus modis accipitur. Vno, qui ad res quoque pertinet: ut apud Vergilium, Quid faceret? quò se rapta bis coniuge ferret? Rapta dixit pro ablata. Et alibi:

Aen. 3. —Rapta sine more Sabinas.

Altero, pro eo quod est uim asferre, siue uitiare, uel si nō asportet, nec foeminam loco deducat: quod propriè de uirginibus, quæ uitiata sunt, dicitur: ut apud Senecam, qui eandem legem non eisdem uerbis repetit, quodam loco sic retulit: Rapta raptoris aut mortem, aut indotatas nuptias optet. Alio loco sic: Vitiatoris aut mortem, aut indotatas nuptias optet. Ab hoc uerbo duo composita sunt, eripio, & præripio: quorum primum quoties habet cum accusatiuo datiuum, ferè in malam partem acci-

accipitur: ut, eripuisti mihi omnes bene uiuendi facultates. Quoties uerò ablatiuū cum præpositione à, uel ab, siue abs, plerūq; in bonā: ut, eripuisti me à periculo: interdum in malam: ut, eripuisti à me filiam. Quod uerbum ita differt à præripio (præterquam quòd nunquam hoc postulat talem ablatiuum) quòd qui alteri aliquid eripit, potest id nō in suos usus eripere: ut, eripuit illi uitam: qui uerò præripit, in suos proprios usus rapit: neque præpositio illa anteceſſionem temporis declarat. Cicero pro Gallo: Demosthenes tibi præripuit, ne esses primus orator: tu illi, ne solus. Non hoc intelligit Cicero, quòd Demosthenes huic aut aliquid eripuerit (ut qui auferre nihil posset nondum nato) aut priorem se fecerit. Non enim Demosthenes primus oratorū antiquitate temporis dicitur, sed facultate: neq; hunc solus Demosthenes ætate anteceſſit, eò quidē magis, quòd hic ipse æqualis Ciceronis non potuiſſet inuicē antiquiſſimo illi aliquid antè auferre. Ergo ille præripuit tibi, id est, rapuit sibi istam dignitatem, ut summus orator esse uideatur, futurus etiam solus, nisi tu partem in te illius laudis tranſtuliffes, effesq; tu dignus nomine oratoris, quamuis non æquandus Demostheni, quo nomine adhuc post illum præter te dignum uidimus neminem. Nonnuncquam hoc uerbum significat antè capere, sed magis in passiuo: ut, immatura morte præreptus non potuit præſtare, qualē promiserat regem. Sunt autem hæc uerba Plinij Iunioris de uiris illustribus, quasi dixiſſet, immatura morte præuentus.

De Anco mar-
tio Roma. rege
quarto.

Titubo, Nuto, ac Vacillo. CAP. LXXXIII.

Titubare, est pedibus non ualētis inſiſtere, quales sunt ebrii, aut infirmi, aut uulnerati, aut decrepiti ſenes: ut apud Quintilianum, At non tua culpa fames cœpit, sed uulneratum ingulaſti, titubantē ſtrauiſti, ſumantem incendiſti. Tranſfertur etiam ad animū: ut apud eundem, Neq; ulla unquam tanta fuerit dicendi facultas, quæ non titubet, aut hæreat, quoties ab animo uerba diſſentiunt. Titubare quoq; lingua, & dentes dicuntur:

Declam. 11.

Lib. 11. cap. 1.

hinc lingue, & oris titubantia. Nutare est propriè alicuius male solidatæ molis ruinam minantis. De animo quoq; dubitante, & nesciente, quò se potissimum conferat, nutare dicitur. Vacillare, est alterno motu inconstantem esse: ut idem, Est & illa indecora in dextrum, & sinistrum latus uacillatio alternis pedibus

De clar. Orato. insistentium. Cicero: Cum ex eo in utranq; partem toto corpore uacillante quesivit. Vnde & naues utiq; uacue uacillant.

Epi. 13. lib. 16. Et idem Cicero de quodam præ infirma uoletudine non rectè scribente inquit: Vacillantibus literulis. Ad animum quoque transferimus, ut apud Iurisconsultos, de fide testis uacillante, qui inconstantia, & diuersa testimonia dixerit.

Vaco, Vacat, & Careo.

C A P. L X X X V.

VAcas sapientia, das operam sapientia: uacas sapientia, careres sapientia. Quanquàm carere propriè, est uacare quibus indiges: quod significauit Cicero, quum inquit, Satiatis uerò, & expletis incundius est carere, quàm frui: quanquàm non caretis, qui non desiderat. Impropriè tamen dicimus, cares culpa, cares periculo, cares damno. Cum nomine tamen significante actionem quandam, siue qualitatem, adiungimus, à, præpositio nem: ut, uacas à labore, uacas à componendo, uacas ab agricultura, uacas ab omni molestia. Similiter per nomen: uacuum sum ab omni occupatione, atq; ab omni sollicitudine. Hoc autè uerbum quum est impersonale, queri potest, quid significet. Quintilianus inquit: Non, imò oderit reum uerba aucupantem, & anxium de fama ingenij, & cui diserto esse uacet. Hic uidetur

Lib. 11. cap. 1. uacet, accipi pro eo, quod est, curæ sit. Idem alibi: Tunc inchoare hæc studia uel non uacabit, uel non libebit. Hic uidetur esse pro eo, quod est, tempus uacuum erit. Nam libebit, idem est, quod curæ erit. Et ne quis auderet immutare, licebit, pro libebit: Plinius Iunior (quāquàm infinita sunt huiusmodi exēpla) querens, quòd nō posset operā dare admirādo cuidā philosopho, ita ad amicū scribit: Quò magis te, cui uacat, hortor, quā in urbem

pro-

proximè uenies (uenies autem ob hoc maturius) illi te expol-
endum, limandumq; permittas. Quid igitur duas has significa-
tiones huic tribuimus uerbo, cum præter id, quòd ambigui erit,
utrum potius significetur, superuacuum uideatur dicere, uel non
uacabit, uel non licebit: satis sit dicere, non uacabit: quo uide-
buntur fortassis illa duo significari? Quare exponamus, ut cæ-
teros locos, ita et illum, cui esse deserto uacet: uacet uacuum est,
hoc est, uacuum tempus est. uel si uis, cui est uacuuus animas, quod
significauit Vergilius, quum inquit:

Æn. 1.

Sed si tantus amor casus cognoscere nostros.

Hoc quantum ad uoluntatem, quod est si libet. Deinde quantum
ad facultatem temporis, uel uacuitatem animi:

Et uacet annales nostrorum audire laborum. Dixerat enim:

-Et iam nox humida cælo

Præcipitat, suadentq; cadentia sydera somnos. Quasi non ui-
deretur tempus illud tantam narrationem pati, aut ipsa Dido eo
tempore æquo animo posse audire, quod audire cupiebat.

De Conscisco, Ascisco, Descisco. CAP. LXXXVI.

Consciscere, ferè ad mortem pertinet. Plerunq; enim sic legi-
mus: Mortem sibiipse consciuit: mortem tibiipse consciscis:
mortem mihiipse consciscam: cogam te ad mortem tibi per teipsum
consciscendam. Asciscere est remotum aliquid, quasi scitè uoca-
tum capere. Cicero de Oratore: Expertes esse prudentiæ, quam Lib. 1.
sibi asciscerent. Idem in Oratore: Quòd nunime politæ, mini-
meq; elegantes sunt, asciiuerunt aptum suis auribus opimum
quoddam, et quasi adipale dictionis genus. Desciscere, est ab im-
perio se, ductuq; alterius subtrahere: ut milites à duce, populi à
domino, discipuli ab opinione magistri, quam prius sequebatur,
præsertim ad alterius uel imperiũ, uel sententiã se transferentes.

Asseuero.

CAP. LXXXVII.

Asseuerare est inter ipsa argumēta, probationesq; admiscere
Anim animi, motumq;: quod declarat Quintil. quum inquit, Lib. 5. cap. 12.

A 4

Alterā

Altera ex asseueratione probatio est: ego hoc feci, tu hoc mihi dixisti. & o facinus indignum. Et alibi: Quum praesertim quorundam probatio sola sit in asseueratione, & perseverantia.

Exhibeo, Facio uel Facello negotiū. CAP. LXXXVIII.

Exhibere illi negotiū, facere, uel facessere negotium, est alterum molestia, ac labore afficere, siquēter quidem per accusationē: ut Cicero Officiorum tertio, Criminabatur etiam quod Titū filium, qui postea Torquatus est appellatus, ab hominibus relegasset, & ruri habitare iussisset. Quod quum audisset adolescens, negocium uidelicet exhiberi patri, hoc est, patrē accusari, uel molestia, laboreq; affici. Nā negotiū sepe pro labore apud

Tuscul. q. li. 1. hunc praesertim legimus: ut, Quid negotij est, ista poetarum, & pictorū portenta cōvincere? quomodo? quid operis? Quae exempla passim reperiuntur. Idem de natura deorū: Quod beatū, & immortale est, id nec habet, nec exhibet cuiquā negotium. **Quint. lib. v.** Ut uulneratus, aut filio orbat, non fuerit alium accusaturus quā nocentē, quando si negotium innocētī facit, liberet eum noxa, qui admiserit. id est, si innocentē reū facit. Cicero ad Appiū: Quū est ad nos allatū de temeritate eorū, qui tibi negotiū facerent. id est, accusarent, insectarentur, ad poenā uocarent.

Deturbo, Exturbo, & Disturbo. CAP. LXXXIX.

Deturbare, est deorsum cum uiolentia deicere.

Aen. 5. Vergilius: -Puppi deturbat ab alta.

Exturbare ē loco eundem in modum deicere. Disturbare, dissipando, diruendoq; disicere. **Quintil.** Non enim discusso alius cuius operis angulos, aut disturbatos parietes obijcimus. **Cicero:** Ut dicere in hoc ordine auderet, se publicis operis disturbaturum publicē ex Senatus sententia edificatam domum.

De Admoueo, & Amoueo: Aduerto, & Auerto:

Aduersus, & Auersus. CAP. XC.

Admoueo manum, appono manum. Amouco manum, remoueo manum. Aduerto oculos, mentem uel: aliquod oculos, men

mentem'ue conuerto. Auerto oculos, aut mentem: alicunde con-
uerto oculos, aut mentem. Aduersus, oppositus, opposito pecto-
re, atq; obiecto. Auersus, terga ostendens. Vnde illud Tullia-
num aliquantò obscœnius, sed ad rem declarandam pertinens:
Et aduersus, & auersus impudicus es.

Consternere, & Consternari.

CAP. XCI.

Consternere est corporis: Consternari autem animi, quum
Cmens turbata est, & de statu mota, & quasi humi strata.
Ideoq; sæpe cōiungi animum uidemus, ut consternatus animo.
Sallustius tamē primo Historiarum inquit: E qui sine rectoribus
exterriti, aut saucij cōsternantur. quū sit usitatus cōsternuntur.

Non placeo, Displaceo, & Placeo mihi. CAP. XCII.

Non placeo mihi, & displiceo mihi, ab illo, placeo mihi, di-
uersæ significationis sunt præter negationē. Nam ea pri-
ma aperti intellectus sunt, ut de Oratore Cicero: Nūquam mihi
minus, quàm hesternò die placui. Et in Philippicis: Cumq; de
uia languerem, & mihi met displicerem. Tertium est idem quod
superbio dote aliqua, bono'ue, quod mihi adsit, & gloriōr, &
mihi eo nomine confido, plerunq; cum inferiorum contemptu.
Quintil. Placeas licet tibi, opum tuarum fiducia diues, si mihi
idem inuidere non expedit, pares sumus. Penè in hunc sensum
accipitur, Mirari se. Nam id efficere in alterum, laudabile est.
Vnde apud eundē de Socrate dicitur: Nā ideo dictus est ἱσχυρῶς,
id est, agēs imperitum, & admirator aliorū tanquam sapientū.
De seipso crebrius in uitium est. Idem: Quòd se silentio parri-
cida miraretur. Martialis Valerius:

Lib. 2.
Philipp. 1.

Lib. 13. epig. 1.

Ipse ego, quem dixi, quid dentem dente iuuabit

Rodere? carne opus est, si satur esse uelis.

Ne perdas operam, qui se mirantur, in illos

Virus habe, nos hæc nouimus esse nihil.

Se mirantur dixit, quasi sibi placent, uel de se magnificē
sentiunt.

Moror te, & Manco te.

CAP. XCIII.

Moror te, & maneo te, à quibusdam exponuntur, pro ex-
 pecto. Sed mea tamen sententia, magis poetice, quam
 Aen. 10. oratoriè. Verg. Et tua progenies mortalia demoror arma.
 Terentius: Quem hîc manes? Oratores potius accipiunt, mo-
 ror te, pro retineo te, & in mora teneo. Ideoq; hæc duo uerba
 sepe iunguntur, ut apud Quintil. Quid me adhuc pater deti-
 nes? quid moraris? abeuntem? Manco pro eo, quod est, futurum
 Aen. 6. est, ut ipse accipio, apud ipsos interdum etiam poetæ. Verg.
 Te quoq; magna manent regnis penetralia nostris.
 Id est, tibi futura sunt. Cicero: Cuius quidem te fatû, sicut C. Cæ-
 rionē manet. hoc est, cuius fatû tibi futurû est, sicut fuit Curioni.

CAP.

XCIII.

Conflaui, Contraxi, & Dissolui æs alienum.

Conflaui æs alienum, & contraxi æs alienum, idem est,
 quod factus sum debitor aliene pecunie. Dissoluo æs alie-
 num. id est, quod contraxeram æris alieni, restituo, ac pluribus
 soluo: uel quasi catena qua ligabar, me, soluenda pecunia, dis-
 soluo. Quintil. Non ego æs alienum luxuria contraxi. Cic.
 Patri persuasi, ut æs alienum filij dissolueret. Quibus exemplis
 plena sunt omnia.

Migro, Decedo, Discedo, & Recedo. CAP. XCV.

Migro, decedoq; , sic à discedo, recedoq; diffërunt, quod mi-
 grare est domicilium mutare, & aliò se ad habitandum
 conferre, relicta priore habitatione. Et est apud Iuriconsultos
 titulus, De migrando. Similia huic sunt, emigrare, demigrare,
 commigrare. Remigrare autem, reuerti in pristinum domici-
 lium. Transmigrare, est in longinquioris loci domicilium, habi-
 tationem uel migrare. Immigrare, in domum aliquam habitandi
 gratia ire. Eapropter homines, qui moriuntur, migrare dicun-
 tur. Sed rectius cum appposito, quam sine appposito, ut multi fa-
 ciunt, nesciètes Ciceronē cum appposito solere loqui, ut de Re-
 publica

publica lib. v. I. Antequàm ex hac uita migro, conspicio in meo regno, & his tectis P. Cornelium Scipionē. Et Quintil. in Cor- Declam. 6.
pore proiecto: Seu quum ad infernas sedes anima migravit. Etenim qui moriuntur, tanquam domicilium corporis relinquē-
tes, aliò ad habitandū (duntaxat anima) se trāsferunt. Contraq;
nequaquam milites, quum castra mouēt, aut de statione, muni-
tionibus uē decedunt, migrare dicuntur, utpote ubi domicilium
nō habuerūt, nec in domicilium se cōferunt. Decedere quāquā
accipitur nōnunquam pro eo quod est discedere, aut recedere,
tamen propriē est, à mādato custodiæ suæ loco recedere. Vnde
consules, procōsules, præsides, prætores dicuntur ex prouincia
decedere. Item præsidia de urbibus, atq; castellis. Sine apposi-
tione intelligitur pro mori, quasi à custodia, & gubernatione
corporis proficisci. Cic. de Senectute: V etatq; Pythagoras sine
iussu imperatoris, id est, Dei, de præsidio, & statione uitæ dece-
dere. Idē de Republica: Ideoq; & tibi Publi, & cæteris omni-
bus retinēdus est animus in custodia corporis, nec iniussu eius, à
quo ille est uobis datus, ex hominū uita migrādum est, ne munus
humanū assignatū uobis à Deo defugisse uideamini. Eo igitur
modo dicitur decessit, quo dicitur defunctus, ut subintelligatur
uita. At in excedo additur uita, nō subintelligitur. Idē in Anto.
In ipsa cura, et meditatione obeūdi sui muneris, excessit è uita.

Precor, & Imprecor.

CAP. XCVI.

PRecari quid significet certum est, quum merum acusatium
habet: adiuncto autem datiuo, idem est, quod imprecari, hoc
est, optare alicui, Deos precando, bonam fortunam, aut malam.
Qui datiuus sæpe subintelligitur: ut apud M. Tull. in Pisonem,
Vt omnes sui cives salutem, incolumitatem, reditum precentur,
quod mihi accidit, an quod tibi proficiscenti euenit, ut omnes
execraretur, male precaretur? Et Quint. Inde fugiētia uela lon- Declam. 12,
go uisu profecuti, facile emptionē, secūdos uētos, placidū mare,
nō secus ac si ipsi nauigaremus, precati sumus. Cum datiuo, idē: In præf. lib. 1.

Sed

Declam. 15.

Sed si tantopere efflagitantur, quàm tu affirmas, permittamus uela uentis, & oram soluentibus bene precemur. De imprecatur uerò, hoc eiusdem sit exemplum: Non imprecamur debilitates, naufragia, morbos: pauper sit, & amet quicumque meretricem, & amare non desinat. Quod crebrius accipitur in malum.

Habeo orationem, Facio sermonem. C A P. XCVII.

HAbui orationem, non feci orationem. Feci sermonem potius, quàm habui, nonnunquam etiam habui. Cic. de Senect. Cyrus quidem in eo sermone, quem moriens habuit, quum admodum senex esset, negat se unquam sensisse senectutem suam imbecilliolem factam, quàm in adolescentia fuisset.

Polliceri, Conuenire, & Audire habeo.

C A P.

XCVIII.

Epist. 5. lib. 1.
Iam. epist.

Tantum habeo polliceri, inquit Cic. ad Lentulum. Idem in Catone Maiore: Neque eos solum conuenire habeo, quos uidi, sed etiam quos audiui, & legi. Idem de Oratore: Audire habeo, quid hic sentiat. Quod (ut ipse interpretor) idem est, quod pollicendum, conueniendum, audiendum est mihi. Quod probatur ex illo, licet diuerso loquendi modo, qualis apud Quintil. Adeo ludibris misere sum diuersitatis implicitus, ut impetrandum à uobis habeam odij mei fauorem. id est, ut impetrandus mihi sit à uobis odij mei fauor. Quod licet commutare in superiorem modum: sic, ut impetrare habeam odij mei fauorem: sicut contra illum in hunc: sic, tantum habeo pollicendum, neque eos solum conueniendos habeo, audiendam habeo huius sententiam. Vel habeo pro uolo: ut non mirum sit, quare aliqui legant, aueo. Sed non recte legere eos, ex illis Caesaris Augusti uerbis ostenditur: quum dixit, Quid aliud habeo, quàm deos immortales precari?

Mereor bene uel male de te, Demereor, &

Emereor.

C A P. XCIX.

Mereor de te, est aliquid in te confero: si beneficii quidem, bene mereri de te dicor: sin autem offensionis, male de te mereri.

mereri. Nonnunquam utrūq; reticemus, sed in ambiguum sen-
sum: ut, quid de te sum meritus? Nonnunquam per negationē:
sic, homines nihil de me meriti. id est, qui nihil in me beneficij,
aut officij contulerunt. Quibus exemplis omnes M. Tullij libri
scatent. Demereor quoq; pro bene de aliquo mercor, accipi-
tur, sed cum accusatiuo: ut Ovidius Heroid.

Dic mihi, quid feci, nisi non sapienter amavi?

In epist. Phyl.
ad Demoph.

Crimine te potui demeruisse meo.

Et Quintilianus: Simul ut pleniore obsequio demererer amā- In proem. li. 1.
tissimos mei. Emereor, idem penē est quod mereor, präteritum Infr.
eius emeritus. Vnde emeriti stipēdia, qui militia perfuncti sunt,
nominantur. Et in significatione passiua, stipendia emerita. ut
idem, Emeritis huic bello stipendijs. Et per translationē à Ver-
gilio emeriti boues dicuntur, & quedam alia: Emeriti autem
senes solent habere eos, qui pro se laborent, qui dicuntur pro
alio opus agere. Quintil. de apibus inquit: Habebam qui pro Declam. 13.
me opus agerent.

Refero, & Fero.

C A P. C.

Retulit Pompeius ad Senatum. id est, consuluit. In eadem
tamen sententia Pompeius ad populum tulit. Ex illo fit
Senatuscōsultum, ex hoc rogatio, quæ instar est legis. Dicimus
præterea refero tibi acceptū, pro eo quod est, fateor me hoc abs
te accepisse: neq; id modò in bonā partē, uerum etiā in malam;
ut pro Deiotaro Cicero, Vitam acceptam refert elementie tue.
Idem in Antonium: Omnia deniq; quæ postea uidimus (quid Philipp.
autem mali non uidimus?) si rectē ratiocinabimur, uni accepta
referemus Antonio. Idem est, fero tibi acceptum, siue pro eo
quod est, habeo pro recepto abs te, quod mihi debebas, etiam si
solutio nulla intercesserit. Vnde fit acceptilatio, quam Iustinia
nus per interrogationē, & responsionem fieri uult. Retuli ex-
pensum. id est, rationem de impensis confeci, uel exhibui.

Exhorreo, & Abhorreo.

C A P. C I.

Exhor

EXhorreo hanc rem, idem est quod expauesco. Abhorreo ab hac re, idem est quod perquam alienus sum ab hac re. Hoc semper postulat huiusmodi ablativum: illud uerò nunquam, sed accusativum.

Bene agi cum aliquo quid sit, & quid Actum esse.

CAP. CII.

De Amic.

Bene mecum agitur, idem est, quod in bona cōditione sum. Item, praeclare tecum agitur, optime cum illis agitur: melius cum hominibus ageretur, si paruo contenti essent. Ita, male mecum agitur, & peius, incommodius uē, & pessime. Cicero: Cum illo uerò quis neget actum esse praeclare, mecum incommodius? Nōnunquam actiue. Valerius Max. libro quinto: Bene egissent Athenienses cum Miltiade, si cum post trecenta milia Persarum in Marathone deuicta, in exilium protinus misissent, ac non in carcere, & uinculis mori coēgissent. Actum est, semper in malam partem accipitur: ut, Actum est de Republica, id est, res publica extincta, desperata, & perditā est.

Salio, & Salto.

CAP. CIII.

Salio, unde saltus, pro eo, quod est saltum facio. Salto, tripudio: unde saltatio. Interdū salio pro salto. Verg. 11. Georg. Mollibus in pratis unctos saliere per utres.

Quid autē distet saltus, et saltatio, notū est. Saltus enim est qualis ceruorū, leporūq;: saltatio uerò, illa hominū iactatio, quā uulgò tripudiū uocāt. Et licet salio pro salto accipiatur, nō tamen saltus pro saltatio, saltatus uē, quae eiusdē significationis sunt.

Lib. 1. ab urb.

Liu. Ferre, ac per urbē ire cum tripudijs, solenniūq; saltatu iussit.

Abdico, & Exhæredo.

CAP. CIIII.

Abdicare, est expellere à bonis filium, dum uiuit pater. Exhæredare uerò, post mortē. Sed abdicare est grauius, quod etiam in se exhæredationem continet.

L A V R E N T I I V A L

L A E I N E L E G A N T I A R V M

linguæ Latinæ Librum sextum, qui de

Notis autorum inscribitur,

proœmium.



VLPITIVS ille Seruius, cuius quanta in iure ciuili fuerit autoritas, plurimorum monumenta testantur, siue aliorum exemplo, siue priuato consilio fretus, non existimauit turpe sibi ad famam fore, ut librum de Notis Scaeuole conscriberet, non modò antistitis in ea facultate, atq; omnium principis, uerum etiam præceptoris sui. Cogitabat enim neq; id posse sibi uitio dari, quod publicæ utilitatis causa susciperet, neq; iniuriam illi fieri, qui reprehenderetur, si modò ritè reprehendatur, quod in se fuisset ipse facturus, si errata sua animaduertisset. Probè itaq; Sulpitius, & ingenuè, ac uerè Romanè. Quin ipse quoq; populus prudenter, & grato inuicem animo, qui factum huius non reprehensione, sed laude dignū & gloria putauit. Nec minore uolumen hoc, quàm cætera, honore prosecutus est. Nam præcepta aliqua doctrinæ tradere, cuilibet mediocribus saltem literis imbuto, promptum est. Errores maximorum uirorum deprehendere, id uerò cum doctissimi boniis est, tum opus utilissimum, & quo nullum dici possit utilius. Quis enim dubitet, non minus agere, qui aurum, argentum, cæteraq; metalla expurgat, quàm qui illa effodit? qui triticū munda, quàm qui metit? qui pinus, amygdala, cæterasq; nuces seligit, quàm qui easdem legit? Ita cum, qui emēdat (nisi paucissima sunt, quæ emēdat) nō inferiorem existimare debemus, quàm ipsum illum inuentorem, nec minorem ab illo, quàm ab hoc percipi fructum. Insuperq; non modò huic ex illius castigatio ne nullum damnum asferri, atq; iacturam, uerum etiam pretiū, ac di

Epist. 13. lib. 3.

ac dignitatem, p̄inde atq; auro, ac ceteris, quæ modò commẽ-
moravi, quātum corpori purgatio ipsa detrahit, tantum residuo
pretij (ut dixi) & dignitatis accrescit. Adeò plus utilitatis in
parte est, quæ superat, quàm quæ fuerat in solido. Quare si
quis apud inferos Scauolæ de Sulpitij factò sensus fuit (quæ
erat illi æquitas, & iustitiæ amor) ausim affirmare fuisse gaudi-
sum, secumq; præclare actum esse dixisse, quòd suorum librorũ
aurum ab omni scoria esset, ac fecerit cõpurgatum: nihilq; foret,
per quod conciuēs sui per eius scripta falli possent. Neq; imme-
ritò Plinius Iunior ad amicũ ita scribit: Ita enim magis credam
cætera tibi placere, si quadam displicuisse cognouero. Quomo-
do igitur non sit beneficium id offerre, quod solet beneficij lo-
co postulari? Quòd si hoc non præstatur aut iam defunctis, aut
tale beneficium respuẽtibus, profectò his præstatur, ad quos ex
ipsa magnorum autorum emendatione multa in primis utilitas
peruenit. Ideoq; ab optimis quibusq; cuiuslibet artis professõ-
ribus præceptum est, ut eorum ipsorũ, quos discentibus ad imi-
tationem proponunt, etiam uitia (si qua fuerint) ostendant.
Huiusmodi igitur ego & exemplis, & rationibus adductus, fa-
ciendum mihi putavi, ut unum librum hunc de Notis scriptorũ
cõponerem, nò quò illos carperem (nam præterquàm quòd hæc
inhumana uoluptas foret, certè & alibi maior mihi hæc facul-
tas daretur, & de hac ipsa re penè infiniti libri cõscriberẽtur)
sed quò prodessem aliquid linguã Latinam discere uolentibus,
non modò ex nostris præceptis, sed ex aliorum quoq; erratis,
ubi & de nostro nonnihil ad rei testificationẽ admiscebimus.
Dedimus autem nostrorum librorum suam cuique materiam, ut
si per se opus nò multum sibi fauoris pararet, ipsa certè uarie-
tas commendatione blandiretur. ex hoc præsertim uolumine, in
quo & uniuersa, quæ in superioribus singula, continentur, &
de pluribus, præstantissimisque autoribus pronuntiatur, iudi-
ciumq; cõtra eos sit. Sumus autem iidem simul & accusatores,
& iu

et iudices, sed qui aliorum pariter accusationem, iudiciūq;
subeamus, nisi legitime et auctoris, et iudicis fuerimus officio
functi. Sed iam in forum descendamus.

In Nonium Marcellum de Alumnus. CAP. I.



LV MNVS cum significat, Nonius Mar-
cellus inquit, et qui ab aliquo alitus est, et qui
aliquem aluit. Cui in prima significatione sus-
fragor, in secunda refragor. Nec illius exempla
secum facere ostendā, sed mecum: quæ sunt, tum

Ciceronis in Verrē: Italia autem alumnum suum seruitutis ex-
tremo, summoq; supplicio fixum uideret. tum Varronis: Et ecce
de improviso ad nos accedit cana ueritas Atticæ philosa-
phiæ alumna. Quorum exemplorum (salua Nonij pace) utrūq;
significat educatum, non educatorem. Nam Cicero quidem Ita-
liam quasi altricem, et illum ab ea alitum dixit. Varro uerò nō
modo alio locutus est, quā Quintil. ubi ait: Verba omnia, et
uox eius alumna urbis esse solet, ut oratio Romana planē ui-
deatur, non ciuitate donata. Vult enim uerba nostra, et uocem
uideri debere natam, et alitam intra Romam, Varro inter Athe-
nas, atq; in sinu altricis philosophiæ. Adijcit etiam Nonius
alumnum significare dominum: ut apud Vergilium:

Var. Endemo-
nibus.

Corpus ubi exanimi positum Pallantis Acetes
Seruabat senior, qui Parrhasio Euandro
Armiger ante fuit, sed non felicibus æquē
Tum comes auspicijs, charo datus ibat alumno.

Aen. 11.

Durè nimis (ne dicam ineruditè) uir sanè eruditus exposuit,
quasi nesciamus non domini mortem à seruo, uel comite Vergi-
lium fecisse deplorari, sed quod est plus, quā si uel Euāder ip-
se fuisset occisus, ac multò tristius ab altore, siue nutritio mortē
eius quem aluerat, et quem loco filij habebat: qualis Phoenix
ille Homericus in Achillem fuit, quem quoniam educasset, fi-

B lium

lium semper appellat, pro alumno . Et certè armigeri magnorū principum semper & ipsi magni uiri fuerunt. Siquidem (ut taceam de Phœnice qui bonæ parti Myrmidonum imperabat) Patroclus auriga Achilles, princeps erat: & Sthelenus Capanei regis filius auriga Diomedis: & Meriones inter primos duces Cretensium auriga Ilionei: & Hectori aliquis fratrum ferè aurigabatur currum. Talis fuerat Acetes Euandro. Ergo non erat seruus, aut seruo similis apud Euandrum, multò minus apud filium, sed patri similis, & pro patre, præsertim illo absente. Duo autem hæc nomina, quæ ab eadem litera incipiunt, armiger, & auspiciū, quæ apud Vergiliū modò legimus, nō notæ omnibus etiam explicemus. Armiger est, qui in prælio gerit tela domini sui, ut scutum, ut arcum, lanceam, & cætera huiusmodi. Imperiti armigerum uocant armatum equitem. Auspiciū est uel à pastu auium, uel ab inspectione auium. Sed quia consul antè quam iret in expeditionem, capiebat auspiciū: hinc factum est, ut dicamus auspicia ducum, atque principum, quæ à solo duce capiuntur. Et hinc auspiciari non modò auspiciū capere, sed etiam incipere: nec in bonam tantum partem (quod frequentissimum est) uerum in malam quoque: ut apud Plinium, At homo infelicitè natus, manibus pedibusque deuinctis, animal cæteris imperaturum, à supplicijs uitam auspiciatur. Nam quando non est uerbum, ferè in bonum accipitur: ut apud Terentiū:—Haud auspiciatò me huc appuli. id est, non feliciter, quasi auspicijs repugnantibus. Quod declarat Quintilianus de Achille (ut opinor) loquens, qui ad mortem quam dii futuram denuntiauerant, cupiditate ulciscendi Patrocli ruebat. Sic namque ait: Eant nunc poëtæ antiquarum fabularum conditores, & se ad exhortandā amicitie fidem, magna quædam composuisse carminibus putent, si dixerint aliquos per maria, terrasque asseriorem fortunam amicorum tantum secutos, aut principem Græciæ uirū in ultionē. interfecti amici inauspicata bella gessisse.

In proœm.
lib. 7.

In And. act.
4. sc. 5.

Et alibi: Itaq; ut apud illos Homerus, sic apud nos Vergilius Lib. 10. cap. 1.
 auspiciatissimum dederit exordium. Auspex qui præerat nuptijs
 celebrandis, quia auspiciū pro nuptijs capere solebat: adhibe-
 baturq; hic pro parte mariti: ut pronuba, quæ præest & ipsa
 nuptijs celebrandis pro uxore, aliquando etiam magis propriè Ode 7.
 pro eo qui dux militiæ est: ut primo carminum apud Horat. Nil
 desperandum Teucro duce, & auspice Teucro.

In eundem, de Citare.

CAP. II.

De Off. lib. 1.

Citare, idem inquit, pro laudare accipitur, ut Cicero: Cite-
 turq; Salamis clarissimæ testis uictoriæ. Nescio cur id dix-
 rit: non enim tantus uir, tam parua nesciuit, nisi putet se acutio-
 rem uisum iri, si clara faciat obscura. Citatur testes, nō laudatur.
 Nam Salamis (qui fuit locus uictoriæ Themistoclis) nihil laudis
 meretur, quippe qui nihil egit, sed testis fuit, quia interfuit uel
 quia in ea posita sunt trophæa uictoriæ, quæ rem gestam testi-
 ficantur transeuntibus. Ergo si testificari locus potest, potest
 meritò ut testis citari, non tamen tanquam uenturus, sed ad quem
 eant, qui testimonium desiderant. Vel citentur Salaminij, con-
 tinens pro contento: uel citentur autores, & libri qui de hac
 Salaminæ uictoria meminerunt, testimoniumq; dicunt.

In eundem, de Capio.

CAP. III.

Lib. 1.

Capio secundum eundem in passiuo significat propiciatio-
 nem, ut apud Lucretium:

Nec bene pro meritis capitur, nec tangitur ira.

Capere, facere: Teren. in And. Non, si capiundos mihi sciā esse Act. 4. scē. 1.

inimicos omnes homines. Capere, perpeti: Terētiū in Heaut.

—Dum abs te absūm, omnes fūere mihi labores, quos cepi, leues. Act. 1. scē. 4.

Capere, tollere, tenere: Vergil. Georg. 1111.

Hic tibi nate prius uinclis capiundus.—

Varro in Meleagris: Quem idcirco terra non cepit, & cœlum

non recepit. Idem in Eumenidibus: Stolum, calceosq; muliebres

propter positos capio. Capere, eligere. Terentius in Hecyra:

Act. 4. scē. 1.

B 2

Quum

Lib. 1. — *Quum illum in generum cepimus.* Verg. in Georgicis:

Antè locum capies oculis.

Lib. 3. M. Tullius de Officijs: *Quòd insit aliquid probi, quod capiat ignaros. Capere, delectare, sustinere, habere, decipere, circumvenire, occupare, detinere, satiare, accipere, complecti, inuenire: singulorumq; exempla subiicit, quæ ipse (ne longior essem) prætermisi. In quibus non est illius probabilis expositio. Nam quis credat autores uni dictioni tot significata, & quidem pro se quæq; noua dare uoluisse, tanquã linguã ipsam cõfundere cuperent? Cur igitur ita locuti sunt? Nèpe quòd nihil interest inter has significationes, capio hostem, capio generũ, capio saxũ. Præterea duæ proprietates in hoc uerbo notandæ sunt. Vna, quòd habet reciprocum quendã usum, ut idem sit, cepi uoluptatem, & cepit me uoluptas. Cicero: Magnam cepi ex literis tuis*

Dedam. 13.

uoluptatẽ. Quintilianus: Nec me tãta capiebat uoluptas, quòd fluentia ceris mella conderẽ. Plinius ad Caluissũ lib. octauo: Capio aliquã uoluptatẽ, quòd ulla uoluptate nõ capiar. Cepi somnũ, captus sum somno, uix dicitur: sed dici posset, ut oppressus, uidelicet qui opprimitur somno, capitur somno. Cepi delectationem, uix unquam, delectatio cepit me: sed in passiuo potius, captus sum delectatione. Et item in cæteris, quæ ad delectationẽ pertinet. Captus sum amœnitate loci, dulcedine uocis, specie mulieris, amore pecuniarũ, spe bonorũ, magnitudine, subli-

De Off. lib. 3.

mitatẽq; materie. Ista enim omnia delectant, ideoq; subintelligi solet delectatio: quale ipsum illud Marci Tullij, Quòd insit in his aliquid probi, quod capiat ignaros. id est delectet. Ergo probitati inest delectatio, ut sit ita exponendum: cuius probi delectatio capiat ignaros, siue ignari capiantur delectatione. — Certè captus est, inquit Terentius, Habet. — subintellige amore, siue pulchritudine foeminae. id est, delectatione: non autem (ut testatus sum) actiue, cepi amorem. Nec longè ab hac ratione abest illud, captus sum oculis, pro orbatus sum oculis. Nec hoc unquam reperies

In And. act. 1.
sc. 1.

reperies, nisi in passivo, & nunquàm ferè nisi de oculis dici. Misericordia cepit deos, non dii misericordiam, dicimus: id est, non delectatio, sed dolor ille ex alieno malo. Et, merita mea ceperunt deos, ut ait Lucretius: qui sermo rarus est, id est, admiratio, uel delectatio, uel affectus eos cepit. Capio dolorem tamen potius, quàm cepit me dolor, dicimus. Non quia non possumus etiam sic dicere, sed quia habemus alium in usu modum magis proprium, Tenet me dolor, sicut tenet me desiderium. Delectatio enim uidetur tantum capere, nec diu permanere: dolor autè, & desiderium tenere, quasi permanendo. Item, cepi indignationem: cepi, siue contraxi molestiam, potius, quàm cepit me indignatio, cepit me molestia. Cōtrā, cepit me tædiū, cepit me obliuio, cepit me odium, potius quàm retrorsum. Vergilius:
Tanta meæ si te ceperunt tædia laudis.

Georg. 4.
In Eunu, act. 5.
sce. 6.

Terentius: Neq; agri, neq; urbis odium me unquam* cepit. Cic. tamē, Quibus rebus tantū odij, atq; inuidiæ cepit eloquētia; ut homines ingeniosissimi quasi ex aliqua turbida tempestate in portum, sic ex seditiosa, & tumultuosa uita se in studiū aliquod traderēt quietū. Idem: Vt eos iustitiæ capiat obliuio. Plinius tamen libro septimo naturalis historiæ ait: E' præalto tecto lapsus matris, & affiniū, propinquorumq; cepit obliuionē. Altera proprietatis, quod capere significat uel sponte, uel nō sponte accipere, Sumere tamē sponte: atq; hinc est illud, cepi labores, cepi molestiā, cepi dolorē, cepi, uel suscepi inimicitias, suscepi curas, suscepi sumptus: accepi calamitatē, accepi cladē, accepi damnum, accepi iniuriā, accepi cōtumeliā, accepi repulsam, accepi uulnus, quod nūquàm ferè aliter dicimus: nō sustinui, nō perpeffus sum uulnus, sed ferè semper accepi, nisi more poëtico: ut apud Ouidiū libro secūdo Metamorph. — Nullā patiere repulsam. Cicero, In domum multiplicatā honoris nō solum repulsam retulit, sed etiā ignominia, & calamitatē: quā dixit, nequaquā cōtra hoc, quod præcipio facit. Nā sumo suppliciū, sumo pœnā, nō in me,

* Alij percipit legunt.
De Inuēt, lib. 1,

Offi. 1.
Cap. 37.

Offi. 3.

In argum.
edam. 16.

In prohem.
lib.

sed à me, in alium infligi intelligitur. Ideoq; adiungitur ablati-
uius cum præpositione de. Cicero: De illo paulò pòst supplicium
sumitur. Quintilianus: Vt nisi occurrisset ad diem, de eo qui re-
stiterat, poena sumeretur. Potest tamen quis de se etiam sumere
supplicium, eruntq; tãquam due persona, quæ agit, & quæ pa-
titur. Porro quia sumere est ultro, quasi non permissu aliorum ca-
pere, eò fit, ut intelligatur pro nimium: & interdum pro arrogã-
ter sibi tribuere: ut Cicero de Officijs: Orationem autẽ Latinam
efficies profectò legendis nostris pleniorẽ. Nec uerò arrogãter
hoc dictum existimari uelim. Nam philosophandi scientiam
concedens multis (quod est oratoris proprium) aptè, distin-
ctè, ornateq; dicere: quoniam in eo studio ætatem consumpsis-
mus, si id mihi assumo, uideor id meo iure quodammodo uendi-
care. Assumpsisse sibi ait eam laudem, quæ nisi uera esset, ac pa-
lãm uera, propter rei magnitudinem, arrogans uideretur. Ergo
assumere, est multum, & penè nimium sibi tribuere. Idem pro
Plancio: Quanquam non mihi tantum sumo iudices, neq; arro-
go. Inde ineruditorum uocabulũ præsumptuosus. Deniq; quo-
dam loco Valerius Maximus ita planè horum uerborum pro-
prietatem distinxit, ut hanc differentiam penè præcipere uidea-
tur, quum de Catone Censorio loquitur, qui ensẽ de medijs
hostibus recepit: quanquàm hoc aliqui filio Catonis tribuunt,
inquiètes, ut non coactus acciperet, sed sua sponte sumere uide-
retur. Quare si Latine & nos loqui uolumus, dicamus dominũ
IESVM carnem quidem humanam sumpsisse, mortem uerò
accepisse. Meo iure, quòd modò apud Ciceronem legimus, si quis
fortè desiderat, exponamus. Significat autem idem quodammo-
do, quod mea autoritate, meaq; licentia, & concessa mihi ab ho-
minibus libertate: ut idem pro Archia, Quare suo iure noster il-
le Ennius sanctos appellat poetas. Suo iure, inquit, quòd poëta
erat, & probatissimus poëta. Idẽ est pro meo iure: ut idem alibi,

Ad Herennium. Pro meo iure hoc dico, uos eo me priuastis: quasi cõfidentè dico.

Est

Est enim efficiens causa, nō finalis: qualia cetera sunt hoc modo dicta, pro mea in uos beneuolentia, pro uestra in me humanitate, pro tua mansuetudine, pro sua pietate: ubi efficiens (ut dixi) causa intelligitur, non finalis.

In eundem, de Contendere.

CAP. IIIII.

Contendere, idem ait, est festinare: ut Vergilius, — *Quæ* Aen. 7.
 proxima littora cursu Contendunt petere. — Contentio est perseverantia, uel elatio. M. Tullius de Officijs libro primo: Ex contentione uocis, & submissione, & ceteris similibus facile iudicabimus. Sallustius Historiarum quarto: Rursus iumenta nacti, ad oppidum ire contendunt. Contendere, continuare. Cicero de Oratore secundo: Id quod eius scripta declarant, & contentiones uocis, & remissiones continuarentur. Et in tertio: Nihil perniciosius est, quā sine intermissione contentio. Præterea ait, contendere esse astringere, intorquere, comparare, certare, extorquere, proripere, uel dirigere signum. Iterum pro festinare, intendere. Sed neq; præcepta, neq; exempla satis distincta sunt. Quid enim differt, contentio est perseverantia, & contendere est continuare? Quum præsertim eadem exempla utrobique subijcias. Quid iterum Vergilianum illud, Contendunt petere? Et illud Sallustianum, Ire contendunt? Quæ duo idem declarant, quod tendunt, uel pergunt ire, siue petere. Iam uerò apud Ciceronem contentio non est perseverantia, neq; cōtendere continuare, sed intentio, atq; intendere: indifferenter enim dicimus hoc loco contentio, & intentio, contendere, & intendere. Nam plurimi falluntur, accipientes intentionem pro uoluntate, atq; proposito. Afferam ad hoc probandum ex M. Fabio exemplū, per quod & ipsa res, de qua agimus, probabitur: Neq; grauiſſimus autem in musica sonus, nec acutiſſimus orationibus cōuenit. Nam & hic parum clarus, nimiumq; plenus, nullum asferre animis motum potest, & ille prætenuis, & immodicæ claritatis, quum est ultra neruum, tum neq; pronuntiatione flecti,

Lib. 11, cap. 3

nec diutius ferre intentionē potest. Nam uox ut nerui, quò remissior, hòc grauior, & plenior: quò intentior, hòc tenuis, & acuta magis est. Sic ima uim nō habet, summa rūpi periclitatur. Medijs ergo utendū sonis. Hi quoq; quū augenda intentio est, excitandi: quū summittēda, sunt temperādi. Manifestū ergo est, quid sit intētio, cuius etiā similitudo neruorū manifestius docet, unde similitudo sumpta est. Nā ut neruus in cithara; aut neruus in arcu quò magis intenditur, eò uehementiorē sonum, uel ictū efficit: quò magis relaxatur, eò remissiorē: ita & uox, quæ utique usum neruorum corporis exigit. quos uidere licet in acutissime exclamantibus maximè intēdi, tanquā in cithara aut in arcu, siue cōtēdi: quæ (ut dixi) idem sunt, atq; idem esse ex uerbis utriusque autoris, quos nominauimus, liquet. Neq; uerò quisquā negauerit continenter esse, quod continuè, siue cōtinuatè, quod Marcellus ait, sed à contineo uenit: Contentus uerò à cōtēdo, licet & contineo faciat contentum.

In eundem de Cursus.

C A P. V.

Cursus, inquit, idem est quod uolatus: ut Vergilius:

Aen. 6.

—Cursumq; per auras Dirigite in lucos. quasi non figurate dicamus de uolatu cursum, & de cursu uolatum: ut ille apud Terentium, festinatò seruū ire iubens, inquit, uola: pro eo quod est, curre. De nauigatione quoque festina, dicimus cursum: ut M. Tullius, Nauesq; in cursu frumēto onustas petentes Rhodū uiderit. Et Quintilianus, nauigationē dixit fugā, siue naues fugiētes, quæ uelocē cursum cōficerēt, quū inquit: Inde fugiētia uela longo uisu profecuti. Is enim qui fugit, uelocissime currit. Eoq; Vergilius inquit,

Aen. 8.

—Pedibus timor addidit alas.

Lib. 8. cap. 1.

Idē quoque Quintil. inquit: Multa sunt & Græcè, et Latine nō denominata. Nā & qui iaculū emittit, iaculari dicitur: qui pilā, aut sudem, appellatione priuatim sibi assignata caret. • Et ut lapidare, quid sit, manifestum est, ita glebarum, testarumq; iactus

Cæs. lib. 1. de
bel. Gal. Proxi-
mūq; sunt Ger-
manis qui trās
Rhenum inco-
punt, quibuscū
cōiūcter bellū
gerunt.

In Hecy. 25. 3.
fœ. 4.
De Offi. lib. 3.

Declam. 11.

iactus nō habet nomen. Vnde abusio, quæ κατὰ ἄλλους dicitur, necessaria est. Quare ad hanc Quintil. formulam non aliter nauē uelociter euntem, & auem uelociter uolantem currere dicimus, quā iaculari sudem. Illud autem apud oratores obseruauī, uolitare potius, quā uolare pro discurrere dici solere: ut apud eundem: Me per omnia maria uolitantem. Et apud Cicr. Qui per forum uolitant. Quale est reptare. Nam cum reperere sit animalium carentium pedibus, & uentre euntium, licet quædam reptilia pedes habeāt, ut lacertæ, tamen reptare hominē dicimus, qui segniter, lētē, & quasi testudineo passu incedit: quales sunt, qui in hortis, aut uinetis, similibusq; locis spatiantur. Horat. Epist. 4. lib. 1. An tacitum syluas inter reptare salubres.

Plinius ad Bebium: Scholasticis porrō dominis, ut hic est, sufficit abundē tantum soli, ut releuare caput, reficere oculos, reptare per limitem, unam semitam terere, omnesq; uiticulas suas nosse, & numerare arbusculas possint. Idem: Frequentior currentibus, quā reptantibus lapsus est. Terentius in Adelphis: Perreptauī usq; omne oppidum, ad portam, ad lacum, Quò non?—

In eundem, de Carpere. CAP. VI.

Carpere, inquit, pro attenuare, & aperire. Verg. Georg. 1. Nec nocturna quidem carpentes pensa puellæ.

Hoc ne puellæ quidem ipsæ dicerent. Nam ut carpinus linum uirens ex humo, quum uellimus: ita puellæ sinistra manu de colo pensum trahentes, sensimq; uellentes carpunt. Et ut decerpimus rosam primis digitis, sic puellæ primis & ipsæ digitis decerpunt particulatim linum, lanam uel. Iterum carpere, celeriter præterire. Vt Verg.— Et acri

Carpere prata fuga. Et in eodem:

Carpere mox gyrum incipiat. Quasi in primo non celeritas illa magis intelligatur per hoc, quod dixit fuga, qui est celer cursus, quā per illud, carpere. Et in secundo significetur uelociter præterire. Aliud nanque est ire in gyrum, aliud præte-

B 5 ire

rire, quod de equo, & sessore utrunq; poetice dictum est.

In eundem, de Accipere.

CAP. VII.

In Eun. act. 5.
sc. 9.

Accipere pro pascere, idem inquit. Terentius: Accipit homo nemo melius prorsus, atque prolixius. Et hunc imitatus

Aen. 3. Scruius in Vergilium:

Illos porticibus rex accipiebat in amplis.

Urbanus profecto, & lautius loqui poterat. Pecora gregatim, altitiaq; dicuntur pasci, non homines. Nos enim quoties accipimur, siue excipimur in conuiuium, non ad saginam, sed ad iucunditatem illam, atq; apparatus inuitamur, ut minima pars cibis assignetur. Vnde conuiuere dicimur eo tempore, non commessari, aut compotare, aut (quod deformius est) compascere, siue compasci. Siquidem Terentius de Thrasone, non tanquam de saginatore locutus est, sed tanquam de splendido apparatore conuiuiorum. Et Vergilius: Helenum regem uult regia quandam magnificentiam in exhibendo conuiuium declarasse, non solum (ut ita loquar) pastionem, & (ut dixi) saginam. Fateor tamen accipere, nonnunquam significare in domum suam, honoris, & amicitiae gratia aliquem conuiuium capere: ita tamen, ut subintel- ligatur in conuiuium: ut acceptus sum à te laute. id est, acceptus sum in conuiuium, uel tractatus. Nam frequenter in contrarium dici reperimus: — Indignis cum egomet sim acceptus modis: hoc apud Terentium. Et apud Ciceronem: Ex quo illud laudatur Archite, qui cum uillico factus esset iratior, Quo te modo, inquit, accepissem, ni iratus essem?

In eundem, de Graue.

CAP. VIII.

In Adelph. act.
1. sc. 1.
Cic. lib. 4. Tuf-
cul. quæst.

Aen. 1. **G**raue, inquit, significat grauidum. Vergilius:

— Donec regina sacerdos Marte grauis. Circumlocutio fecit, ut intelligatur grauida. Nam si dicam, regina, aut Ilia est grauis, nemo prorsus intelligat, sed adda ex rege, aut ex marito, fortasse intelligatur esse grauida. Ita apud Vergil. Marte

Edog. 1. grauis, pro, semine Martis impleta. Graue, plenum. Vergil.

Non

Non infueta grauis tentabunt pabula factas.

Si accipit factas pro grauidas, superuacaneum est exponere grauis pro plenas. Per illud enim quod pregnantēs sunt, plenae esse intelliguntur. Graues uerò esse, per epitheton appositum est: quippe grauide omnes graues, ut ipsa quoque uox indicat: nam a grauis sit grauidus. Si accipit factas pro his, quae pepererunt, ut puerperas mulieres, quae proximis diebus matres sunt factae, graues lacte dicemus, quasi onustas, non quasi plenas: durum sit namque appellare oues, capras uel plenas lacte, sed ubera plena lacte: ut est apud eundem per translationem, grauido:

Georg. 3.

-Et grauido superant uix ubere limen.

Quod si quando reperiatur grauis pro plenus, hoc tamen in loco non ita accipitur. Hunc eundem quem ego protuli uersum, et ille affert, quasi de grauido, et non de graui sit quaestio: nec poeta modo, uerum etiam oratores sic loquuntur: ut Quintil. Luctantur intra uiscera animae, et uterum funderibus grauidum in os agunt.

Declam. 13.

Sed ad graue reuertamur. Grauis, inquit, plenus. Vergi.

Aen. 1.

Tum pietate grauem, ac meritis si forte uirum quem

Conspexere, silent. -

Virum pium, et bene meritum, appellare plenum pietate, et plenum meritis quis audeat? Non ergo ita exponendum est, ut nec est utendum. In quo paulo post meam sententiam ostendam. Graue, inquit, grandaeuum. Vergi.

Aen. 5.

Hic grauis Entellum dictis castigat Aestes.

At ego potius accipio grauis prudentia, et moribus, quomodo proxime grauis pietate, et meritis dicebatur. Multa praeterea significata dat huic eidem nomini, quae profecto forent infinita, si ad illum modum, poetarum omnium exponamus exempla. Quod longe abest tum ab utilitate discendum, tum ab ipsa rei natura. Etenim graue, suapte natura ponderosum significat: ut, graue saxum, grauis sarcina, grauia arma, graue scutum, quod scilicet grauat nos in ferendo, et quod aegre, et cum molestia fertur.

fertur. Inde per abusionem transfrimus ad senectutem, ad morbum, ad laborem, ad dolorem: quia hi, qui molestiam ex senectute, morbo, ceterisq; sentiunt, quasi onere intolerabili premuntur, quod cupide, uelut graue pondus, à se uellent deponere. Neque solum ad molestias corporis translatio hæc sit, uerum etiam ad molestias animi: ut, grauis contumelia, grauis iniuria, grauis mœror, grauis iactura, quæ animum genere quodam ponderis premunt. Itaque unus modus est, quæ corpori, aut animo molesta sunt, ea grauius appellare. Eoq; molestia à mole, id est, à re magna, magniq; ponderis uocitata est. Alter modus est, quod quemadmodum grauius saxa, et grandes trunci non facile loco mouentur, sed ad omnem temporis mutabilitatem hærent: ita homines constantes, ac præditi sapientia, merito per figuram graues nominantur, quod nec precibus, nec minis, nec uanitate, nec promissis ab æquo, et iusto summouentur: ut hi faciunt, quos leues uocamus, qui in similitudinem pulueris, et palearum ad omnem auram uentilantur. Sciamus tamen grauis tunc regere datiuum, quum est in priore significato: ut, tu es grauis mihi. Quare non probè quidam legunt apud Ciceronem de Officijs: Quod etati tuæ esset aptissimum, et auctoritati meæ grauissimum. Nam hoc grauissimum superuacuum est. Ceterum quid mirer, si in his quæ sunt altioris intelligentiæ fallitur, quum leuioribus, atque apertis hallucinetur Marcellus?

In eundem, de Inficiator.

C A P. IX.

Inficiatores, inquit, sunt falsi criminis obiectores: ut Cicero de Oratore libro primo, Vt si ille inficiator probasset iudici antè petitam esse pecuniam, quàm esset cœpta deberi. Hoc de reo dictum est à Cicerone, nec reo criminis, sed pecuniarum: ille uerò accepit non tantum pro reo, sed pro actore etiam, et accusatore falsi criminis. Vbi enim pecunia, et petitor nominantur, ibi nulla est criminatio. Inficiator igitur is significatur, qui negat se uel debere, quod actor petit, uel commississe quod accusator

sator obijcit. Vnde status coniecturalis dicitur inficialis, in quo semper reus inficiatur, uel inficias it. Inficiari enim, & id quod dixi, inficias ire, est uerbo negare. Nam negare est aliquando etiam factio: ut, Vergilius,

Egregij forma, sed queis fortuna negarat

Aen. lib. 10.

In patriam reditus.

Veto notum est aliud esse, quàm ne-

go, & (ut breuiter signem) contrarium est illis impcro, & iu-

beo. Non est autem huic nomini nisi accusatiuus casus, & unum

uerbum eo, is, it, de inficias loquor: cui simile est suppetias, pro

Cæf. lib. 5. de
bel. ciuili.

eo quod est auxiliũ: ut in x i i i. Commentariorum Cæsaris, Et

nunciabantur auxilia magna equitatus oppidanis suppetias ue-

nire. Et in eodem: Suisq; rebus timens, elephantisq; x x x. reli-

ctis, suis finibus, oppidisq; suppetias profectus est. Et iterum in

eodem: Atq; suis fugientibus, suppetias ire contendit. Suetonius

Cap. 4.

de Vespasiano: Legatum insuper Syriæ consularem suppetias

ferentem, rapta aquila fugauerunt. Plautus in Epidico: Sed me-

mento, si quid scuiunt senes, suppetias mihi cum sorore ferre.

Idem in eadem, nominatiuo est usus: Auxilia mihi, & suppetie

sunt domi.

In eundem, de Incisim.

CAP X.

Incisim, inquit, quasi simul. Cic. in Oratore: Hæc quidem duo

binis pedibus incisim, deinde mēbratim dicere solebas. Quid

magis contrarium, quàm incisim, id est, minutatim, & simul,

quod est coniunctim? quasi nesciamus, quid sint cola, commata,

& periodi, de quibus Cicero pluribus in locis disputat, appella-

ns ea incisionem, membrum, circuitum, siue ambitum, siue cō-

prehensionem, siue cōtinuationem, siue circumscriptionem. Cu-

ius ultimi (quod multis nominibus Cicero uocat) duo genera

Quintil. facit: priora autem sic definit: Incisum est sensus non

Lib. 9. cap. 4.

expleto numero conclusus, plerisque pars membri: ut Domus ti-

bi deerat? at habebas. pecunia superabat? at egebas. Fiunt autem

ex singulis uerbis incisa. Membrũ est sensus numeris conclusus,

sed à

sed à toto corpore abruptus, & per se nihil efficiens.

In eundem, de Candeco.

CAP. XI.

Lib. 1.

Quid ergo? nihil ne bene dixit Marcellus? imò uero aliqd, atq; adeò multa, sed nunc bene dictis nō est locus, tametsi in his, quæ laudari queunt, nonnihil interdum desidero: ut, candet, ignitum est. M. Tullius de Officijs: Candente carbone sibi adurebat capillum. Candet, candidū est. Vergil. Aeneid. quarto: Candentis uaccae media inter cornua fundit.

Lib. 8. cap. 2.

Sed hic (ut dixi) nonnihil desidero. Nam & excandescere hominem dicimus, quum uehementer irascitur. Præterea ostendenda est passim causa, quamobrem unum uerbum plura significet, ut in hoc: Quum enim ignis obstantia exuperat, ac fumum uincit, candorem flammæ concipit: uel quòd sol quantò candidior, tantò ardentior: ita animus dum ira concitatus est, inflammatus, incensus, & excandescens dicitur: uel quòd mare uentis confractum, & in morem aquæ ebullientis in lebe, uel ipsa aqua lebetis ebulliens, spumas albentes ciet: ita animus simili perturbatione pereitus, excandescere dicitur, ut tanta cōmotio mentis significetur, quanta est uel maris, uel aquæ ad ignem iam albescentis: quod ex unius à Quintiliano expositi uocabuli patefecit exemplo: Vertex (inquit) est contorta in se aqua, uel quicquid aliud similiter uertitur. Inde propter flexū capillorū, pars summa capitis: ex hoc inquam in mōtibus eminentissimū. rectè dixeris hæc omnia uertices, propriè tamen unde initium duxit. Quare nemini debet mirum uideri, cur interdū una uox plura significet.

In Seruium, de Lætus.

CAP. XII.

Ser. in illud 1. Georg. Vnde prius lætū siliqua quassante legumen: ac in illud 1. Aeneid. Vela debāt lætri. &c. alijs quoque in locis multis.

Lætū Seruius placet multa significare, secundum, pingue, grauidum, pulchrum, uiride, & multa alia. idq; apud Vergilium modò: quòd si alios quoq; poëtas exposuisset, adhuc alia multa significata adiecisset. Sed ipse rationem reddam, cur in uarios sensus abutamur, cum unum natura significet. Lætū id appellamus, quod aspectu gaudiū promit. Nam gaudere, propriè est

est intrinsecus: Latari extrinsecus. Rectè igitur animata dicuntur leta quoties letantur. Et quia natura sic comparatū est, ut quæ bona corporis habitudine sunt, alacriora: quæ uerò debili, tristiora sint: eò fit, ut pingua uocemus leta, ut letas aues, letos greges, leta armenta. Transferimus hoc ad similia, ad segetes, ad uites, ad oliueta, ac cæteras arbores. Vnde sicut ex illis superioribus domini percipiunt fructus, & quemadmodum illa, ita hæc quoq; qualia sint, declarat aspectus: appellanturq; letæ segetes, letæ uites, leta oliueta, leta arbuscula, eò quidē magis quòd multi uolunt hæc animata esse. Vel leta dicimus ab effectu, quòd nos letos faciunt: ut locū tutum, quia nos tutos efficit. Ideoq; non appellantur homines leti ob fecunditatem, pinguedinem, pulchritudinē, grauitatem, & similia: sed tantum ea, quæ in nostros usus cedunt, aut (si ita contingat in nostram delectationem) letitiam nobis uoluptatemq; parientia. Hanc igitur regulam tenentibus, hoc nomē & apud autores inuentū facillè intelligetur, & multifariam sine ambiguitate in utendo suppeditabit.

In eundem, de Accuso, & Incuso. CAP. XIII.

Accusare (ut idem cum multis alijs uoluit) est maioris de minore: Incusare est minoris de maiore, uel paris de pari: quorum singularis inscitia uehementer est castiganda. Apud quem enim auctori obseruatio ista reperietur? Non ne apud ueteres adolescentuli solebant probitatis, simul & eloquentiæ laudem capeßere ex magnorum uirorum accusatione? Atque (ut ait M. Fabius) crediti sunt etiam clari iuuenes obsidem reipublicæ dare, malorum ciuium accusationem: quod significauit Cicero. quum dixit: Quàm est illa misera, quàm dura seruitus, adolescentibus paulò loquacioribus seruiendum est. Nunquid Demosthenes quum tutores suos adolescentulus in iudicium uocauit, aut Cicero quum Verrem reum fecit, prætorium uirum ipse questorius non accusauit? maleq; locutus est, dicens accusationem suam semper, nunquam incusationem? Et hoc quidem de accusando

Ser. in illud 1.
Aen. Talibus in-
cusat, gressuq;
ad moenia ten-
dit.

Lib. 12. cap. 7.

accusando. Quid autem de incusando? Certè si illud non est de maiore in minorem, neq; hoc erit de minore in maiore: & alioqui nullo unquam in iudicio auditum est nomen incusationis: quid porro extra iudicium? Vergilius inquit: Quem non incusavi amens hominum ue, deum ue?

Acn. 1. **D**ij quidem maiores Aenea sunt, homines uerò Troiani duntaxat minores. At est apud Terentium pater ad filium loquens: — Quid me incusas Clitipho? Hoc enim isti exemplum ponunt, ceterorum exempla omittunt, quæ contra eos faciunt, quæ sunt infinita: ut Caesar Commentario primo, Hæc quum animaduertisset Caesar, conuocato consilio, omniumq; ordinum ad id consilium adhibitis centurionibus, uehementer eos incusauit. Sed (ne multis morer) accusare, est uel apud iudices uel apud alium quemuis, etiam apud illum ipsum, quem accuses, significare, atque ostendere aliquem peccasse: Incusare uerò reprehendere mores alterius, & plerūq; cum querela, quod ab illo iniuria sis affectus. Et ita apud Vergilium, Terentium, Cæsarem, ceterosq; autores accipiendum est.

Ser in illud. 2. **I**n eundem, de Barba, & Barbæ. CAP. XIII.

Acn. Squalentē barbam, & cōcretes sanguine crines: & in illud 3. Georg. Nec minus interea barbas, in conaqs menta. Vtq; lupi barbam uariæ cum dente colubæ

Saty. 8. libro 1. **A**bdiderint furtim terris. — Plinius lib. x x v i i i. Rabiem hircorum, si mulceatur barba, mitigari: eadem præcisa, non abire cos in alienum gregem. Nam illud Vergilianum:

Georg. 3. **S**tiriaq; impexis induruit horrida barbis, magis de hominibus dictum est, quàm de hircis. Et illud: Nec minus interea barbas, incanaq; menta

Cynipij tondent hirci. — ad multos hircos refertur, perinde ac si diceremus caudas, quum tamen singulæ singulis hircis sint,

ita &

In Heruton.
act. 5. scæ.

ita & barba. Sunt etiam & barba aliorum quam quadrupedum: ut Plinius in xxx. Quum Geminos transit sol, cristis, & auri- Cap. 11.
bus, & unguibus gallinaceorum. Si luna, rasis barbis eorum.

In eundem, de Nuntius, & Nuntium. CAP. XIV.

Nuntius, inquit idem, est qui nuntiat: quod autem nuntiat, licet neutro dicatur, tamen inuenitur & masculino. Miror cur ita dixerit. Ego quidem nusquam hoc nuntium legi: at ne ipse quidem, ut opinor, quum Festus Pompeius uetustior eorum, ita scribat: Nuntius & res ipsa, & persona dicitur.

In eundem, de Arceo, Abigo, Abigeus, Abactor, Abigeatus. CAP. XVI.

Arcere idem ait esse prohibere. Sed mihi uidetur potius esse uetare, ne accedant hi, qui ueniunt. Iuno septem tantum annos arcuit Troianos ab Italia, quam ubi contigerunt, non arcebat ab ea amplius, sed in ea esse prohibebat. Transfertur (ut pleraque) de corporeis ad incorporea. Cic. in Paradoxis: Quæ uis enim est, quæ magis arceat homines ab improbitate, quam si senserint nullum in delictis esse discrimen? Contrarium huic uerbo est abigere, quod significat à loco fugare, atque expellere: ut, abige muscas à facie mea scribentis: abige canes à popina tua: abige sturnos sonitu à uinea. Quintil. Ibo in littus miser, plantibus aues abigam. De pecoribus uero idem, quod de cæteris animalibus accipiendum est: quæ si nobis odiosa sunt, abigimus, id est, expellimus: ut oues, capras, asellos, ab hortis, à uinctis, à pratis. Quod si ita non sit, sed furto tollimus, utique gregatim abigere aliud significat, id est, furto tollere, aut etiam latrocinio: ut apud eundem, Adhuc spolia transeuntium, & abacti pecorum greges sub hoc titulo defendebantur. Vnde abactores uocantur pecuariorum animalium fures, latrunculi uel. Hos quidam abigeos uocant. Vlpianus autem inquit: Abigei proprie hi habentur, qui pecora ex pascuis, uel ex armentis subtrahunt, & quodammodo deprædantur, & abigendi studiū quasi arte exer- Ser. in illud Verg. 6. Aene. Infelix Dido, uerus mihi nuntius ergo, &c. et in illud 11. Interea Turnum in syluis sæuis- simus implet Nuntius.

Declam. 6.

cent, equos de armentis, uel oues de gregibus abducentes. Ceterum si quis ouem oberrantem, uel equos in solitudine relictos abduxerit, non est abigeus, sed fur potius. Hic abigeum à non abigeo distinguit loco, non numero: Claudius numero, non loco: inquiens, Quantitas discernit furem ab abigeo. Nam qui unam suam surripuerit, ut fur coërcetur: qui gregem, ut abigeus. Hic furem ab abigeo separat, ut superior fecit. Macer non separat, quum ait: Abigeatus crimē publici iudicij non est, quia furtum magis est: sed quia plerumque abigei & ferro utuntur, si deprehendantur, ideo grauius puniri eorum admissum solet. Quomodo autem hi iurisconsulti inter se conueniant, aut non conueniant, nihil ad hoc tempus. Hoc tantum dixerim, non modò fures, siue furtim aliqui solent abigere armenta, uel greges, sed etiam latrunculi, qui facta prædonum manu in alienum agrum incursionem exercentes, pecora etiam interdum abigunt, & abigei nominari possunt. Præstare (quo uerbo sæpe & iurisconsulti, & oratores utuntur) est prohibere ne alicui fiat aliquid incommodi, & si non prohibuerint, satisfacere: ut, uenditor debet præstare uitium rei, quam uendit. id est, prohibere, atque efficere, ne emptor damni quid faciat, alioqui satisfacere. Neque illud in alterum modò, uerum etiam in nosipsum. Cicero in Tusculanis: Quum id quod ab homine non potuerit præstari ut non eueniret, eueniret. id est, cauere, & prohiberi.

In eundem, de Innocuus, & Innoxius. CAP. XVII.

INnocuus, inquit Sernius, est cui non nocetur. Innoxius, qui non inouit nocere. Vellem exempla recitasset, quibus ostenderet eam expositionem innocui ueram esse. Nanque illud Vergilianum quod eum impulit in hanc opinionem:

Aen. 10. Donec restra tenent siccum, & sedere carinæ

Omnes innocuæ non est accipiendum, quòd subsederunt tales, ut eis nihil noceretur, sed uel more poetico, quòd nihil peccauerunt, quasi innocentes homines (Nocentes enim sunt quicumque

eunq; ab honesto recedunt, etiam si nemini noceant) uel quòd non nocuerunt neq; sibiipsis, neq; uectoribus, aut nautis.

In eundem, de Instar.

CAP. XVIII.

Aeneid. 1.

INstar montis equum diuina Palladis arte.

Instar, id est, ad similitudinē, Seruius ait. Quid similitudinis equo ad montem? quòd si etiā similis esset, nō tamē eum magnū potius, quā parū esse, quod Vergilius senserit, intelligeremus. Archimedes ille geometricus, globum ad similitudinem cœli fabricatus est, in quo effigies cœli aderat, magnitudo non aderat. Idem fit de tabula illa depicta ad similitudinē orbis terrarū, quā nō ausim dicere depictam instar orbis terrarū. Neq; alia multa huiusmodi: ut, instar Antonij ambulans, instar patris scribis, instar languidi sedes: sed ad similitudinem, uel in similitudinem, uel in modum, uel in morem, uel sicuti, & similia. Instar potius significat ad æquiparationē, uel ad mēsurā: ut apud Vergiliū, Argolici clypei, aut Phœbæ lampadis instar. Cicero: Hexametrorū instar uersuū. Nam illud apud eosdem: Instar mortis putant: & turbinis instar: significat æquiparationē doloris in morte, & impetus ex turbine. Quòd si quando reperitur proximē accedere ad significationem similitudinis, admoniti sumus, ut nimiam utēdi licentiam deuitemus. Nam ego sic audem uix uti, ut Seruij familiarissimus Macrobius cum sepe aliās, tum statim in proœmio Saturnalium ita inquit: Ut quæ indistinctē, atq; promiscuē ad subsidium memoriæ annotauimus, in ordinem instar membrorum coherentia conuenirent.

Aeneid. 3.

De Offic. lib. 2.
Verg. Aen. 11.
Volat attritibus instar.

In eūdem, de Passim, Vbiq;, & Vsquam. CAP. XIX.

PASSim, inquit, significat ubiq;. Mihi autem aliud uidetur ubiq;, quā passim. Namq; in prato ubiq; est herba, non passim. Contrā, grex passim pascit, potius quā ubiq;: quippe aliquid interualli, est inter pecudem, & pecudem: non ita inter herbam & herbam. Est autem passim, quasi passu distante, uel sparsim, quemadmodum dicimus passis manibus, & passis

Serui. in illud
Verg. Geor. 1.
Et passim riuus
currentia uina
repressit.

crinibus. Quod accipi solet etiam pro crebrò, dum de rebus mē-
tis loquimur. Lactantius tamen pro ubiq; accepit, quum inquit:
Lib. 1. cap. 7. Creditur ei passim tanquam cognita ueritati. Neq; solū pro
Lib. 1. cap. 7. ubiq; sed etiam (quod usitatius est) pro undiq; idem Lactan-
tius accepit: Cumq; is numerus condendæ urbi parum idoneus
esse uideretur, constituit Asylum: eò passim confugerunt ex fi-
nitimis locis pessimi quique, sine ullo conditionis discrimine.
Usquam, duo hæc potius significat, in loco, simul et ad locum:
A. 1. sc. 3. ut Terentius in Eunuchō, Occidi, neq; uirgo est usquam. Cice-
ro in Philippicis: Nec uerò usquam discedebant.

De aduerbijs in im exeuntibus. C A P. X X.

Addamus de quibusdam aduerbijs in im uocem exeuntibus.
Priuatim nihil differt à priuatè, si priuatè dicere liceret:
nihil separatim à separatè, si hoc reperiatur: nihil properatim,
à properatè: nihil dissimulatim à dissimulanter. Vbertim idem
est, quod copiosè. Assatim, quod abundè. Raptim, quod festinā-
ter. Cursim, quod currendo. Tamen aliud est generatim, quàm
generaliter. Hoc enim significat, omnia simul, quæ sub genere
sunt, amplectendo: illud uerò per singula genera, seu magis per
singulas species. Siquidè species genera uocamus: ut, quot sunt
Georg. 1. genera arborum, uitiū, potius, quàm quot sunt species. Verg.
-Generatim discite cultus.

Varro: Non in uolucris generatim seruat analogia. Non
ex aquilis aquila, neq; ex turdis procreantur turdi. Sic ex reli-
quis sui quisq; generis. An aliter hoc fit, quàm in aëre, quàm in
aquis: non hic conchæ inter se generatim innumerabili numero
similes. Eodem modo, ut generatim per singula genera dicimus,
ita summatim per singulas summas: aliquando dicimus summa-
tim, et generatim, non per singulas summas, generaq; sed per
unam, unum uè: ut, dicā de hac re summatim. Cicero de Oratore
lib. 1. 1. Infinitum mihi uidetur id dicere, in quo aliquid gene-
ratim quaeritur, hoc modo: expetēda ne esset eloquētia? expetē-
di ne

di'ne honores? Caterum quomodo differat ab illis ad summam,
 in summa, postea reddam. Viritim, per singula capita uirorum:
 ut, Gracchus diuidebat uiritim sex modios frumenti. Tamen de
 uno aliquādo dicimus: ut apud Curtiū, Si quis uiritim dimicare Lib. 7.
 uellet, prouocauit. Nominatim, per nomina singulorum: ut, assi-
 gnati sunt cōiurati nominatim custodi carceris. Et de uno etiā:
 ut, Alte extollens M. Brutus cruentum pugionem, nominatim Philipp. 1.
 Ciceronem clamauit. Membratim, per membra. Cæsim, per in-
 cisiones gladij. Punctim, per punctiones, infixionesq; gladij:
 siue incidendo, & pungendo. Strictim, stringendo singula, uel
 certum aliquid. Carptim, hinc & hinc decerpendo, non ipsam
 seriem sequendo. Tractim, trahendo, non interrompendo seriē.
 Cateruatim, gregatim, turmatim, manipulatim, per diuersas ca-
 teruas, diuersos greges, diuersas turmas, diuersos manipulos.
 Domesticatim, uicatim, regionatim, oppidatim, municipatim,
 prouinciatim, per uarias domos, uarios uicos, uarias urbis Ro-
 mæ regiones, uariāq; oppida, uaria municipia, uarias prouin-
 cias. Venio nūc ad id quod promiseram. In summa, & Ad sum-
 mam, magis modo utendi differunt a summatis, quā signifi-
 cato. Quintilianus in Corpore proiecto: In summa nō recedo. Declam. 6.
 Fas est mihi etiam inuitis parentibus piē facere. Cic. de Offic. Lib. 1.
 Ad summam (ne agam de singulis) communem totius generis
 humani hominū conciliationem, & cōsociationem colere, tueri,
 cōseruare debemus. Differt autem Ad summam, & Ad summū,
 quòd secūdam ad numerum refertur: ut idem Cicero pro Milo-
 ne, Vnus, aut ad summum duo, inuēti sunt, qui Milonis causam
 non probarent. id est, non plures quā unus, aut duo ex omni-
 bus. Idem ad L. Meßinium: Nolim enim existimare te mihi nō
 solitudinem iucundiorē esse, quā tamē ipsa uti nō licet, quā Epist. ult. lib. 5.
 sermones eorum, qui frequentant domum meam, excepto uno, tam. epist.
 aut ad summum altero. hoc est, excepto uno, aut (ut multum)
 duobus. Quintilianus in sensu priore solet uti tali genere dicēdi

- per aduerbium, semel: Deniq; ut semel finiam, sic serè componendum, quo modo pronuntiandum erit. Et alibi: Et ut semel omnia complectar. Et iterum: Et ut semel, quod est potissimum dicam, Secretum in dictando perit. id est, ut in summa dicam. Cuius rei causa est ipsum illud semel, quod significat una uice pro omnibus, ita ut postea non oporteat quid addi. Ideoq; solet accipi pro immutabiliter, & irreuocabiliter. Quod enim semel tantum fit, id non habet regressum ut iterum fiat. Idem in
- Declam. 4. Mathematico: Quid hæc fulgentium, siderum ueneranda facies, quod quædam uelut infixa, ac coheretia perpetua, semelq; capta sede collucet, alia toto sparsa cælo uagos cursus certis eme-
- Aenci. 11. tiuntur erroribus? Vergil. - Qui, ne quid tale uideret, Procubuit moriens, & humum semel ore momordit.
- Epist. Oeno. ad Parid. Ouidius: - Nulla reparabilis arte
- Lib. 9. Læsa pudicitia est, deperit illa semel. Lucanus:
- Declam. 2. - Dixitq; semel nascentibus autor Quidquid scire licet. - Semel, inquit, ut nullum postea uerbum addat. In eundem sensum idem Quint. accepit Breuiter: ut in Geminis languëtibus, Breuiter tamè longæ crudelitatis explicanda seuitia est, ex omnibus quæ pertulit, leuissimū fuit, quod occisus est. Plinius maior:
- Lib. 3. cap. 4. A reliqua uerò Gallia, latere Septentrionali, mōtibus Gebenna, & Iura agrorū cultu, uirorū, morūq; dignatione, amplitudine opum, nulli prouinciarum postferēda: breuiterq; Italia uerius, quàm prouincia. Et iterū de lusciniā, quæ uulgo dicitur philomela: Nūc cōtinuo spiritu trahitur in longū, nūc uariatur inflexo, nūc distinguitur cōciso, copulatur intorto, promittitur, reuocatur, infuscatur ex inopinato: interdū & secū ipsa murmurat: plenus, grauis, acutus, creber, extētus, ubi uisum est, uibrās, summus, medius, imus. Breuiterq; omnia tam paruulus in faucibus, quæ tot exquisitis tibiārū tormentis ars hominum excogitauit.

C A P. X X I.

In eundem, de Tandem, Demum, & Deniq;

Tan

Tandem idem ait, poni non necessitatis, sed ornatus causa, Ser. in Illud 7.
Aeneid. Et quo
sub caelo tan-
dem, &c.
ut in illo Vergily Aeneid. 1.

Sed uos qui tandem: quibus aut uenistis ab oris?

Nec cuius ornatus, aut quare sit ornatus, explicat. Idem sentit Lib. 15.

Priscianus, dicens: Tandem nō solum pro aduerbio temporali, sed etiam pro cōiunctione expletiva inuenitur: ut Cicero Inuesti- Cic. inuest. 1. in
Cant.
uarū lib. 1. Quousq; tandem abutere Catilina patiētia nostra?

Mihi quidem nullum ornamentum uidetur esse in superuacuis, & nihil agentibus uerbis. Quanquam apud Græcos diuisiones nōnullæ sunt, quæ aut numerum, aut sonū implent: quod in hac diuisione nō est, quæ habet potius urgēs quiddam, & accelerās, eoq; ferre per interrogationem: quæ exempla uulgō sunt plurima, ut Cicero in Catilinam, cuius oratio sic incipit: Quousque tandem abutere Catilina patiētia nostra? Quo exemplo usus est Priscianus. Quidam tamen inter primos huius ætatis docti, solent citra interrogationem hoc aduerbio uti, non tam autoritate sequentes eiusdem Vergily, & in eodem loco:

Aeneid. 1.

Et quo sub caelo tandem, quibus orbis in oris

Iactemur, doceas iter— Et Horatij, qui ait:

Quamuis Scæua satis per te tibi consulis, & scis

Lib. 1. epi. 18.

Quo tandem pacto deceat maioribus uti,

Disce docendus adhuc. quā Ciceronis in Catone maiore dicentis: Qua tandem spe sibi tam audaciter obsisteret, respōdit, senectute. Et pro Roscio: Quum ab eo quæreretur, quid tandem accusaturus esset in eo. Nonnullisq; alijs in locis. Sed tamen utrunq; interrogationem habet, & eam directam latēter ad secundam personam. Nam hic qui loquitur, uerba alterius refert. Siquidem Pisistratus à Solone sic quasiuit: Qua tandem spe mihi tam audaciter obsistis? Et Fimbria ab illo (quisquis fuit) sic petiuit: Quid tandem in eo accusaturus es? Neq; uerō legem illius diuisionis scribo, sed usum frequentissimum trado. Sine interrogatione autē quid significet, nemo ignorat: ut Vergilius, Aeneid. 6.

Iam tandem Italiae fugientis prendimus oras. Eiusdem significationis sunt demum, & deniq;, ut notum est: ut idem Verg.

Tunc demum admissi stagna exoptata reuifunt. Cicero: Quum excessisset e uita, tum deniq; uiueret. Sed plerumq; quum sint multa enumerata, tum subiungimus deniq;, significantes hoc

Edog. 1. ultimum esse omnium: ut idem Vergilius:

O' crudelis Alexi, nihil mea carmina curas,

Nil nostri misere, mori me deniq; cogis.

Et Cicero: Quum sibi non multitudinem militum, non idoneos Imperatores, non pecuniam sibi praestò esse uiderent, nò deniq; ullam rem quae pertineat ad bellum administrandum. Demum solet accipi pro solum, siue pro omnino, praecipueq; iunctum cum is, & cum ita. Cicero in Sallustium: Ea demum magna uoluptas est Crispe Sallusti, aequalem ac parem uerbis uitam agere. Mar-

Lib. 1. cap. 4.

cus Fabius: Illud ingeniorum uelut praecox genus, non temere unquam peruenit ad frugem. Hi sunt qui parua facile faciunt, & audacia prouecti, quicquid illic possunt, statim ostendunt. Possunt autem id demum, quod in proximo est: uerba continuant, haec uultu interrito nulla tardati uerecundia proferunt. Et iterum: Tum illa quoque ex causa, quod mentem tantae rei intentam uacare omnibus alijs, etiam culpa carentibus curis oportet. Ita enim demum libera, ac tota nulla distringente, atq; aliò du-

Declam. 10.

cente causa, spectabit id solum, ad quod accingitur. Et alibi: Iacebat haec insomnis, inquieta, quum diceret, iam statim apparebit, iam statim ueniet, nunquam tamen tardius uenit. Miseram me fili, proxima nocte iam ueneras. Ecce iam medios sidera tenent cursus, indignor, irascor. Ita mihi demum satisfacies, si apud patrem fuisti. Ideo autem dixit solum, siue omnino, quod Plinius uidetur accipere pro omnino de hirudine dicens: Ea demum sola auium, nò nisi uolatu depascitur. Quidam uolunt ab is & demum poni idem. Ouid. pro demum, posuit deniq;, libro tertio sine titulo: Si qua metu dempto casta est, ea deniq; casta est.

Ouid. Eleg. siue
Amo. lib. 3. elegia 4.

In Macrobiū, de Stella, & Sidus. CAP. XXII.

STella & sidus differunt, si Macrobio credimus, ita scribenti: Lib. 1. cap. 14.
in Som. Scip.
Nunc uideamus, quæ sint duo hæc nomina, quorum pariter meminit, quum dicit, Quæ sidera, & stellas uocatis. Neq; enim hic res una, gemina appellatione monstratur, ut ensis, gladius: sed sunt stellæ quidem singulares, ut erraticæ quinq; & cæteræ, quæ non admixtæ alijs, solæ feruntur. Sidera uero, quæ in aliquod signum stellarum plurium compositæ feruntur: ut, Aries, Taurus, Andromeda, Perseus, uel Corona, & quæcunq; uariarum genera formarum in cælum recepta creduntur. Sic & apud Græcos ἀσὴρ, & ἀστρον diuersa significant. Et aster stella una, astron signum stellis coactū, quod nos sidus uocamus. Hæc differentia (Macrobij pace) nusquam reperitur, ut apud eundem Ciceronem de Vniuersitate: Itaq; nesciunt hos siderum errores. Et iterum: Toto igitur orbe constituto, sideribus parem numerum distribuit animorum, & singulos adiunxit ad singula. Et libro secundo, de Natura deorum: Nam quum duo sint genera siderum, quorū alterum spatij immutabilibus ab Ortu ad Occasum commean, nullum cursus sui uestigium inflectat: alterum autem continua conuersione sui eisdem spatij, cursibusq; conficiat. Quintilianus in Mathematico: Quid hæc fulgentium siderum ueneranda facies? quod quædam uelut infixæ, ac coherentia perpetua, semelq; capta sede collucent, alia toto sparsa cælo uagos cursus certis emetiuntur erroribus. Quod non sensisse Ciceronem (ut Macrobius uult) documento est, quod non præposuit stellas. Debet enim species generi, pars toti præponi: ut, dicam de prudentia, & de uirtute huius: dicam de facie Helenæ, & eiusdem pulchritudine, non autem ediucasso. Fateor tamen nunquam stellam Arietem dici, Taurum, Andromedam, Perseum: sed sidus. Et hinc est quod dicimus hybernū sidus. Et illud Quintiliani: Nos graue huius anni sidus afflauit. Eod. lib.
Declam. 4.

In Aulum Gellium, de Rescisco. CAP. XXIII.

Lib. 1, cap. 19.

Resciscere, Aulus Gellius uult esse rem occultam, inopinatam, insperatamq; cognoscere. Miror de hoc solertissimo uerborum inuestigatore, atq; censore, qui uocabulum hoc de facili difficile, de claro obscurum, de trito nouum, de exposito abstrusum fecerit, ne dicam falsò exposuerit. Nunquid si uideam hominem caelo uolantem, ut fecisse Dædalus, Perseusq; fertur: aut aliquem è terra prodire, qualis Tages fuisse ab Hetruscis creditur: aut Satyrum aliquem semiuirum, semicaprumq;, quem se uidisse nonnulli scripsere: aut arcana quædam naturæ peruestigauero, dicā rescuiisse: non opinor. Est igitur propriè resciscere, rem post, quam gesta est, scire, quam nesciebas quum gereretur, præsertim ad te, tuos ue pertinentem, ut Terentius in Adelphis: —Hem tibi, Rescuiit omnè rem, id nunc clamat scilicet.

Aa. 5, sc. 3.

In eundem, de Deprecor. CAP. XXIIII.

Gell. li. 6, c. 16.

Deprecor supplicium, idem Aulus Gellius ait dictum esse, quasi detestor, uel execror, uel depello, uel abominor: ego autem ita dici puto deprecor, ut & imprecor. Precor tibi bonum, precor tibi malum: sic, deprecor liberationem, & deprecor poenam.

Epist. 1.

nam: illam, ut potiar: hanc, ut uitem. Ouid. lib. 1. de Ponto:

Sæpe precor mortem, mortem quoq; deprecor idem,

Ne mea Sarmaticum contegat ossa solum.

Deprecor dixit, quasi precor mortem non dari mihi in hac terra. Nec mirum id fieri in deprecor, quum fiat in magis uisitat, ut in defendo. Siquidem dicimus defende me, quod ferè dicitur, & nonnunquam defendo iustus: ut Cicero de Senectute, Vestitiq; pampinus, nec modico tepore caret, & nimios solis defendit ardores. Cum præsertim mos Romanis sit etiam mala precandi ne ueniant. Vnde templa Timori, Pallori, Febri, alijsq; similibus fœre dedicata, & ijs (ut ita dicam) numinibus fiebant sacrificia: quod etiam Vergilius probat:

Lib. 3. Aeneid.

Nigram Hyæni pecudem, Zephyris felicibus albam.

Neque

Neque solum deprecari est uoce, sed etiam per ea, quæ instar uocis obtinere solent, uultum, gestumq;. Etenim Bucephalum, qui præter unum Alexandrum omnem alium recusabat sesorem, non ineptè dixeris deprecari alios sesores præter regem. Denique deprecor magis significat uel dicto, uel facto recusor, quàm illa quæ Aulus Gellius attigit.

In Priscianum, de Situs.

CAP. XXV.

Situs (Priscianus inquit) dicitur pro negligentia, ut Vergil. Prisc. circa fin. lib. 10.

Aeneid. 7. Sed te uicta situ, ueriq; effæta senectus.

Sed non ita est, potiusq; sordes illa, & illuuiæ, qualis nascitur inter opaca domus, quæ diu non repurgatur. Vnde inquit M. Lib. 1, cap. 3.

Fabius, Excitanda mens, & attollenda semper est, quæ in huiusmodi secretis aut languescit, & quendā uelut in opaco situm

ducit: aut contrā, tumescit inani persuasione. Huiusmodi igitur

quidam situs sedet in uultu, capite, totoq; corpore uetularum,

& habitu, præsertim inopum, qualem illum Vergilius intelli-

git, & Lucanus de malefica anu ait: Fœda situ macies. Quod

etiam pædorem possumus appellare: ut idem Lucanus, Lib. 6.

Longusq; in carcere pædor. Et Cicero in Tusculanis: Lib. 1.

Pædore muliebres. Et iterum: Barba pædore horrida. Miror Lib. 3.

Priscianum hoc in loco à definitione Seruij descuiisse, qui hoc In eod. lib.

uocabulum propriè definiuit, inquiens: Situs propriè est lanu-

go quædam ex humore procreata. Fit autem in locis carentibus Ser. in illud Verg. Aen. 6.

sole. Situs uerò pro loci qualitate manifestū est, ut de situ Mes-

sanæ, & de situ Syracusarum, & similium. Per loca senta situ cogunt, non semper profundam.

In eundem, de Docilis, & Docibilis. CAP. XXVI.

Docilis, idem inquit, est, qui faciliè docetur. Docibilis est, qui Prisc. lib. 11.

faciliè discitur: quomodo Penetrabilis est, qui in intimis est

partibus: Penetrabilis, qui faciliè penetratur. Non occurrit,

ubinam legerim docibilis. Est enim consuetum magis percepti-

bilis, nisi magis apud Ecclesiasticos, atque in alium sensum:

Et erunt docibiles dei. dictum est quasi dociles. Nam Cyprianus 1. ad Timot. 3.

super

super illud Pauli, Episcopum non litigiosum, non cōtentiosum, sed mitem, & docibilem esse debere, ait: Docibilis autem ille est, qui est ad discendam patientiam lenis, & mitis. Hoc (ut ego sentio) idem est, quod docilis. Ratio tamen postulat, ut id significet, quod ait Priscianus, eò quidē magis, quod habemus in eodem sensu docilis, ut superuacuum fuerit duas uoces adeò confines uni significationi dare, nisi dicimus simile hoc esse illis, æquale, & æquabile, de quibus dixi alio uolumine. Insuper sensibile, & sensile. Lucret.

Lib. 1.

Ex insensibili ne credas sensile nasci,
hæc duo pro eodem accepit. Exitiale, & exitiabile. Vergilius:
in v 1. Sed me fata mea, & scelus exitiale Læonæ,
His mersere malis. — Ouidius sexto Metamorphoseos:
Dumq; manu tentat trahere exitiabile ferrum.

Rationale, & rationabile. Quint. in secūdo: Sed quia carēt sermone, quo id faciant, mutæ, atq; irrationabilia uocantur. Porro penetralis (quantum mea fert opinio) non reperitur: sed penetrale, substantiuumq; est, non adiectiuum. Penetrabilis adiectiuum, qui facile penetrat: ut apud Vergiliū, Penetrabile telum: & Penetrabile frigus. Tum qui facile penetratur, ut apud Liuium lib. x l v 1. Et in asperis locis silex sæpe impenetrabilis ferro occurrebat. Scruuius quod penetrat, inquit, penetrale dicitur: quod autem penetratur, penetrabile. In quorum priore dis-sentio, cum non sit neque adiectiuum (ut ipse uult, exponēs penetrabile frigus, pro penetrale frigus) neque significationis actiue. Denique (ut ad docilis reuertar) docilissimus mea sententia faciet potius, quam docilissimus: qualia sunt facilis, gracilis, agilis, similis, humilis.

In eundem, de Numen, & Nutus. C A P. XXVII.

N Vmen, idem inquit, est dei nutus. Ante hunc Varro dixerat, Numē dicunt esse imperium, dictum à nutu. Vter horum cōmodius definiuit? Certe numen est imperium, potestasq;

dei

Verg. Aen. 10.
Aspice nū nostrum
mage sit penetrabile
telum. Et Georg.
1. Et Boreę penetrabile
frigus adurat.

Ser. in illud
10. Aen. Aspice
num mage sit
nostrum, &c.

Prisc. lib. 4.
Varro lib. 6. de
ling. Lat.

dei: non autem nutus, neque imperium cuiuslibet. Sed Varro-
nem de imperio dei suspicor intellexisse.

In eundē, de Necatus, & Nectus. CAP. XXVIII.

NEcatus, idē inquit, propriē ferro. Nectus uerō, alia ui per-
emptus dicitur. Sed ego sentio generalē significationem
necatus, specialē uerō nectus esse. Cic. in Rhetoricis, & libris ad
Herenn. & alibi saepe ait: Veneno necatus. Quintil. in IIII.
Hinc adulter loris casus est, fame necatus. Nec unquā nectus di-
citur, sine certo genere mortis: ut, Enectus siti Tantalus. Nec tā
mortuus, q̄ propemodum mortuus: sicut exanimatus pro eo, qui
similis est mortuo: ut fame, siti enecti. quæ plurima sunt exēpla.

De Næ, & Ne.

CAP. XXIX.

Næ pro ualde idem dixit, nec tamē solus. Terentius in An-
dria: Næ illa illum haud nouit. — Mihi uidetur idem apud
nos significare, quod apud Græcos, scribiq; cum diphthongo
debere uai, quod est certē: ut apud eundē, Faciunt næ intelligen-
do, ut nihil intelligant. Quasi dicat, faciunt profectō. Hæc apud
Ciceronē dictio frequens est, ut de Oratore libro tertio: Næ ille
haud sanē quemadmodū uerba struat, & illuminet, à magistris
istis requireret. Apud Quintil. ceterosq; illius æui rarissima. Ne
componitur cum queo, cum scio, cum uolo. Frequētius tamē sine
compositione, apposita negatione reperimus illud primū, quā
duo sequētia. Adeō ut barbarū putet Cicero dicere, non scio, &
non uolo, licet nonnunquā apud ipsum quoq; reperiatur. Ideo
frequētissime legimus, haud scio, haud uelim. Idē Priscianus ait,
à potius fieri potissimē, quod ego nūquā legi, sed potissimū.

In Donatum, De Valeo.

CAP. XXX.

VAleant Qui inter nos dissidium uolunt. Donatus, Seruius,
& quidam alij sic exponūt: Pereant qui hoc nobis uolunt.
Quæ uox, & oratio aliena fuerat ab ingenio Pamphili pio, &
probo. Cicero: Si deus talis est, ut nulla gratia, nulla hominum
charitate teneatur, ualeat. Quid enim dicam propitius sit? Esse
enim

Prisc. lib. 9.

Ad Herz. lib. 3.

Cicer. Tuscul.
quæst. lib. 1.

Prisc. lib. 15.
Act. 4. scē. 4.

In prologo
Andr.

De Orat. ad
Brut.

Lib. 15.

Terz. in Andr.
act. 4. scē. 1.

De Nat. de.
lib. 1.

enim propitius potest nemini. Nunquid eò irreligionis, atq; eò impudentiæ Cicero uenerat, ut deo exitium precaretur? Absit.

Lib. de ira dei.
cap. 3.

Lactantij quoq; testimonio, qui de his ipsis Ciceronis uerbis ait: Quid enim contemptius potuit dici in deum? Valeat, inquit, id est, abeat, & recedat, quando prodesse nulli potest. Vides ut Lactan. quum uult Ciceronem contumeliosum fuisse in deum, non tamen exposuerit ualeat, pro pereat, sed abeat, & recedat. Quāquā (ut mihi uidetur) non significatur per ualeat, quòd abeat ille à nobis, sed quòd nos ab illo, uale dicentes. Enim uero uale, salutatio est recedētis, ut salue, & aue uenientis. Quomodo ergo uerbū salutātis, potest accipi pro mala precatōe, atq; salutatione? Est autē salutare et adueniētis, et abeūtis. Verg. in 1x. Hanc ego nunc ignaram huius quodcunq; pericli est,

Epi. 6. lib. 16.

Inq; salutatam linquo. — Ideoq; nonnunquam reperimus salue etiam in discessu: ut in calce epistolarum Ciceronis ad Tyronē, Vale mi Tyro, uale, uale, & salue. Et iterum: Etiam atq; etiam noster Tyro uale: Medico, Curio, Lisoni de te scripsi diligentissimè. Salue, uale. Vergilius in x 1.

Epi. 9. lib. 16.

— Salue æternum mihi maxime Palla, Aeternumq; uale. — Nec mirum si in fine loquendi reperiamus salue, quum etiam ille qui aditur, & salutatur, dicat salue, quemadmodum qui abit, & qui alterum à se dimittit, dicit uale. Quod etiam Græci faciunt, ut Homerus primo Iliados:

Χαίρετε κίχονες διὸς ἄγγελος, ἡ δὲ καὶ αὐτὸς ὄνδρ.

Neq; est apud Latinos aliud uerbum, quo adeunti nos respondemus, quā salue: nisi more iam uulgari magis, quā probato, dicamus, Bene ueneritis. Idem uerbum apud eundem, pro uale. x x 1 1 1. Iliad.

Χαίρε μοι ὦ Πάτροκλος καὶ ἐπὶ αἰδῶο δόμοισιν.

Epist. 3. lib. 6.

Cicero ad Atticum indicatiuo huius uerbi usus est, dicēs: Et saluebis à meo Cicerone. Plautus in Truculento in prima positione utitur: Salue. satis est mihi tuæ salutis, nihil moror, non sal-

1 ueo. Martialis etiam dixit, ualebis:

Quum pinguis mihi turtur crit, lactuca ualebis,

Lib. 13. epig.
53.

Et cochleas tibi habe, perdere nolo famem.

Ceterum (ut ad institutum redeam) qui, ualeant, pro execratione acceperunt, forsitan hoc argumento inducti sunt, quod nonnunquam hoc uerbum languorem significat: ut idem de Oratore, Sicut medico diligenti prius, quam conetur egro adhibere medicinam, non solum morbi eius, cui mederi uolet, sed etiam consuetudo ualentis, & natura corporis cognoscenda est.

Lib. 1.

Vnde ualetudo pro languore frequentissime accipitur: & testes ualetudinarij nominantur. Idem ad Terentiam: Valetudinem tuam cura diligenter. hoc est, languorem, & infirmitatem. Alibi pro sanitate: Sed nunc ualetudini tribuamus aliquid. Frequenter tamen apponimus adiectiuum, uel faustum, uel infustum, ad distinguendum statum corporis: siquidem indifferenter significat more sui primitiui. Dicimus enim, ut uales? quomodo ualueris? qualiter ualet filius? Sic, qua ualetudine es? qua ualetudine est filius? Respondebis, infirma, aduersa, mala ualetudine: uel contra, bona, incolumi, optima.

Epist. 10. ll. 14.

In Varronem, de Vas, & Obses. CAP. XXXI.

Lib. 5. de Ling.
Latin.

VAS, inquit Varro, appellatus est, qui pro altero uadimonium promittebat. Consuetudo erat, quum reus paruus esset idoneus inceptis rebus, ut pro se alterum daret. Videtur Varro significare uadem eum esse, quem fideiussores uocamus: & uadimonium, fidei iussionem. Nos hoc negare ita esse qui possumus, cum Varro omnium consensu sit Romanorum eruditissimus, & linguae Latinae peritissimus: qui Latinas literas fecit & Latiniore, & literatiores? Quamquam multi sunt, qui cum quibusdam in locis reprehendant: quae facultas praecipue discipulis Quintil. adesset, longe Varrone doctioris, atque eloquentioris. Verum ego non ausim reprehendere, sed tantum affirmare, me non legisse (duntaxat quantum aut recordor, aut intelligo) uadem eum esse, qui uadimo-

nium

nium pro altero dat (si uadimonium significat fideiussorem) sed eum, qui sponzor est alterius in capitis periculo, siue idem supplicium subiturus, siue pecuniam soluturus: ut apud Quintilianum in Declamatione, quæ inscribitur, Amici uades. Et apud Ciceronem libro quinto Tusculanarum Quæstionum de Pythagoreis amicis: quorum alteri quum tyrannus diem mortis dixisset, alter pro amico ad uisendam matrem ituro uas factus est. Et apud Titum Liuium de Casone capitis reo, ita dicentem: In uincula conijci uetant. Sisti reum, pecuniamq; (nisi sistatur) populo promitti placere pronunciant, summam pecuniæ quantum æquum esset promitti, ueniebat in dubium. Id ad senatum reijcitur. Reus (dum consulerentur patres) retentus in publico est: uades dare placuit: unum uadem trium millium æris obligarunt: quot darentur, permissum est tribunis: decem finierunt. Tot uadibus accusator uadatus est reum. Hic primus uades publicos dedit. Quod Festus quoq; sentit, dicens: Vas sponso rem significat in re capitali. Vadimonium (quantum ego sentio) est sponso ad certum diem sistendi se in iudicio. id est, comparendi per se, uel per aduocatos, ut in oratione Ciceronis pro Quintio datur intelligi, ubi longa est altercatio de uadimonijs: altera parte dicente fuisse sibi uadimonia deserta, altera uerò nequaquam à se illa fuisse facta. Et Quintilianus de Legato frumentario, qui ad præstitutum diem uenerat, inquit: Nisi tamen ad uadimonium legate uenisses, non multorum dierum commeatum habebamus. Et hoc ipsum fortasse Varro sensit. Obses autem est, qui traditur imperio alterius, ea conditione, ut si dator obsidis à fide recedat, recipienti sit ius in corpus, et uitâ obsidis. Quod præcipuè inter potentes commercium est, qui non habent superiores, ad quos pro iustitia prouocent.

In eundem, de Decurio.

C A P. XXXII.

Varr. lib. 4. de
ling. Lat.

DEcuriones, inquit idem, primi singularum decuriarum dicti, quod probat Temperanius ille apud Titum Liuium, quod

Lib. 3. ab urbe
condita,

Lib. 19.

Declam. 13.

quod & ipse approbat Festus. Idemq; ait : Decuriones appellan-
 tuntur, qui decem equitibus præsumt. Est ergo dictus decurio à
 decem, ut centurio à cētum. Nam (ut ait Pædianus) decuriæ sunt
 nobiliorum, centuriæ inferiorum. Quidam uolunt (quorum est
 Fronto) decurionem præesse turmæ, quæ constat ex duobus &
 triginta equitibus. Neq; belli solū, sed domi quoq; decurio di-
 citur, nomē quoddam præposituræ significans: ut Suctonius in
 Domitiani uita, Saturius decurio cubiculariorum. Et hoc quidem Cap. 7.
 apud Romanos: in municipijs autem (ut mihi quidem uidetur)
 idem est decurio, qui Romæ senator. Nam qui in Senatu, & cō-
 silijs reipublicæ municipalis interesse poterant, Decuriones
 erant. Cicero pro Sextio : Qua de causa & tum conuentus ille
 Capuæ huic P. Sextio apud me maximas gratias egit, & hoc
 tempore beneficium, fidemq; hominis testimonio declarant, pe-
 riculum deprecantur suo decreto. Recita quæso, P. Sexti, quid
 decreuerunt Capuæ decuriones. Quòd autem diffirant decurio Epist. 19.
 Romanus, & decurio municipalis, ex epistola quadam Plinij
 Iunioris è primo libro declaratur, dicentis: Esse autem tibi centū
 milium censum satis indicat, quòd apud nos decurio es. Igitur ut
 te nō decurione solū, uerū etiā equite Romano perfruamur,
 offero tibi ad implendas equitis Romani facultates, trecenta mi-
 lia nummū. Non dicitur itaque decurio, aut quòd decem præ-
 sit militibus (ut quidam uolunt) quem Græci *ῥυπαρχος* uocant,
 quum decurio sit maior equite, eques centurione, centurio de-
 carecho, ut ex stipendiorū magnitudine datur in multis libris in-
 telligi: aut in municipijs, qui decem equitibus præest, quum sit
 equite duntaxat Romano minor. An quia decem præsit equiti-
 bus municipalibus? aut hoc erit dicendum, aut Pomponij Iuris-
 consulti opinio sequenda, dicentis: Decuriones quidem dictos
 aiunt eò, quòd in initio quum colonie deducerētur, decima pars
 eorum, qui deducerentur, consilij publici gratia conscribi solita
 sit. Quare cum, quem nunc militem appellamus, aut falsa di-
 gnatione

gnatione afficiamus (nam etsi omnes, qui militant, milites sunt: mules tamē propriē, qui pedibus militat dicitur, eques qui equo) aut si uerē, decurionem potius appellamus. Quidam horum temporum docti, equitem uocant, sed rectius decurionem uocarent. Nam eques est aut qui Romæ ex ordine Equestri est (quod nō facit ad gloriam militare) aut qui equo militat: cuius nulla dignatio est, quanquam iurisperiti multa ineptissimē fabulantur de dignatione militum, quæ quidem uel nulla, uel communis est omnium siue pedestrium, siue equestrium, qui militiam exercent. Nam de auro gestando, uel huiusmodi nugis, nullum uerbū est in iure ciuili. Sed hæc omittamus, quæ non sunt huiusmodi descriptionis, dum illud admonuerimus, Romanum decurionem, qui præest decem Romanis Equitibus, lōgē præstare cæteris decurionibus, quibus etiam ipse Eques Romanus præstat.

In Festum Pompeium, de Exemplum, &

Exemplar. CAP. XXXIII.

Festus lib. 5.

EXemplum (inquit Festus) est, quod sequamur, aut uitemus: Exemplar, ex quo simile faciamus. Illud animo æstimatur, istud oculis conspicitur. Mihi autem (licet Festus scientissime de exponendis uocabulis loquatur) aperienda tamen est magis horum nominum differentia. Nam & exemplum est, ex quo simile facimus; ut opera Homeri exemplū sunt poëmata scribere uolentibus. Quintil. lib. x. Sic literarum ductus, ut scribendi fiat usus, pueri sequuntur: sic musici uocem docentium, pictores opera priorum, rustici probatam experimēto culturam in exemplum intuentur. Et exemplar animo quoq; æstimatur. Cicero libro secundo de Oratore: Illa oratio fuit mihi exemplar bene dicendi. Quintilianus in decimo: Cornelius autem Seuerus etiam si uersificator quā poëta melior, si tamen (ut est dictum) ad exemplar primi libri bellum Siculum perscripisset, uendicaret sibi secundum locum. Horatius in epist. inquit:

Epist. 1. lib. 1.

Plautus ad exemplar Siculi properare Epicharmi.

Idem

Idem Cicero pro Muræna: Domesticum te habere dixisti exemplum ad imitandum. Est illud quidem exemplum tibi propositum domi, sed tamen naturæ similitudine illud à te magis, qui ab illo ortus es, quam ad unumquemque nostrum pertinere potuit. Ad imitandum uerò tam mihi propositum exemplar illud est, quam tibi. Itaq; unum pro eodem penè exemplum, & exemplar posuit, & quidem eodè loco. Ceterum exemplū est ipsa res, quam imitamur, aut (si ita sors tulerit) deuitamus in aliquo: ut in Cato-
ne: Cato autem ipse exemplar. Illud contentum, hoc continens. Quòd si dicamus ad exemplar Catonis, aut ad exemplar Epicharmi, sic intelligimus, ad exemplar Catonis quod est Cato: ad exemplar Epicharmi, quod est Epicharmus: siue opus Epicharmi, ut opus hominis, pro ipso homine. Animam corpusq; filij destruis, quasi aliud illa sint à filio. Exemplum pro exemplari. Est enim contentum, pro continente, ut apud eundem: Fuit ille uir exemplum continentia. quomodo dicimus, ille uir fuit norma uiuendi: quum tamen non sit norma uiuendi uir, sed in uiro: ita nec ille exemplū continentia, sed in illo. Ideoq; exemplaria multa sunt, unius tamen exempli: ut, Redditæ sunt mihi binæ literæ tuæ eodem exemplo. id est, eiusdem formæ. & duo uel tria exemplaria Aeneidos, hoc est, multi codices eodem exemplo: & exemplar ab exemplari sumitur, non ab exemplo. Nam exemplū incorporale est, exemplar plerumq; corporale. Hinc Sallustius: *Litteras, quas sibi nomine Catilinæ redditas dicebat, earū exemplū infrā scriptum est.* hoc est earum forma infrā scripta est, melius, quam earum exemplar. Quòd forma sit exemplum, Paulus Iurisconsultus testatur: Si legatum certum petatur, non iubet prætor uerba testamenti edere: ideo fortasse, quia hæredes solent habere exemplum testamenti. id est, formam. Cicero ad Appium: *Ex his literis, quarum ad me exemplum misisti.* Et ad Ciceronem tum Plancus, Exemplar eius chirographi Titio dedit: tum Asinius Pollio, Ex literis cognosces, nam earum tibi exemplar

Epist. 3. li. 3. fa.
epist.
Epist. 1. li. 10.
fa. epist.
Epist. 30. li. 10.
fa. epist.

nisi. Hi de pagina scripta, quod corporale est, intelligunt: ille de sententia, quae in pagina continetur, uel potius ex pagina percipitur. Quòd si indistinctè his duobus libet uti, non sanè repugnabo: quum praesertim Ouidius dicat exempla plura unius rei, pro exemplaribus. Nam unius rei unum, atq; idem exemplum est propriè (ut dixi) in diuersis licet exemplaribus. Loquens enim de opere suo Metamorphoseos, libro primo de Tristibus ait:

Eleg. 6. Pluribus exemplis scripta fuisse reor.

Reperitur etiam exemplarium, pro exemplari: Plinius lib. v. 1.

Iuba hæc omisit in hoc tractatu, nisi exemplarium uitiosum est.

Non de eo autem exemplo dixi, quod adhibetur rei aut probanda, aut ornanda causa, quæ significatio nota est omnibus.

Vnde pars probationis uocatur ab exemplis, & in elocutione exemplum inter ornamenta numeratur.

In Boëthium, de Persona.

CAP. XXXIII.

Persona est (inquit Boëthius) incommutabilis naturæ, in diuidua substantia: existimans se argumentatione collegisse, quare non sit qualitas, nec aliud predicamentum ullum, sed substantia. Sed huic homini Romano ostendam Romane loqui nescire. Persona namq; non est in Deo magis, quàm in bruto, sicut humanitas, sicut alia plura. Sed demus, ut in deo etiam sit persona: quero, quamobrem ea non sit qualitas, siue de homine loquimur, siue de deo? Nam in homine quidem persona significat qualitatem, qua alius ab alio differimus, tum in animo, tum in corpore, tum in extrà positis, quæ à rhetoricis enumerantur in attributis psonæ. Animi: ut quo studio se exerceat, medicinæ, an iuris ciuilis, an militiæ. Et qua mète: iracundus, an moderatus: auarus, an liberalis. Corporis: iuuenis, an senex: pulcher, an deformis: fortis, an imbecillis: mas, an foemina. Extrà positorum: diues, an pauper: clarus, an obscurus: maritus, an coelebs: parens liberorum, an orbus: & his similia. Ideoq; figuræ, & sigilla quedâ, quæ rostris, aut alia corporis parte aquam fontanam emittunt,

quia

Apud Plin. lib. 6. ca. 29. in emendatis codicibus sic legitur: Iuba, qui uidetur diligentissime persecutus hæc, omisit in hoc tractatu, nisi si exemplarium uitiosum est: Berenice alteram, &c.

quia representant uarios hominum uultus, & gestus, personæ dicuntur. Et histriones in scena personas accipiunt, aut quum seruum agunt, aut ancillam, aut matronam, aut meretricem, aut senem, aut adolescentem, aut patrem, aut matrem, aut filium, aut regem, aut militem, aut lenonem, aut parasitum, & mille huiusmodi, quæ non sunt singula in singulis, sed plurima: ueluti in me est persona humani, liberalis, timidi, iracundi, hebetis, somniculosi, literati, senilis, mariti, soceri, generi, patris, filij, fratris, pulchri, fortis, diuitis, nobilis, & interdum contraria. Nam ad fortissimum, pulcherrimum, ditissimum, non sum fortis, nec pulcher, nec diues, sed imbecillis, deformis, pauper. Alia itaq; ad hunc persona sum, quam ad eum cui in his omnibus antecello. Et ad Priamum sum persona filij, ad Astyanactæ persona patris, ad Andromacham persona uiri, ad Paridem persona fratris, ad Sarpedonem persona amici, ad Achillem persona inimici. Quo fit, ut adsit mihi multiplex persona ac diuersa, sed una tantum substantia. In deo autem personam ponimus, uel quòd nullum aliud uocabulum quadrat: non natura, quo ueteres utebantur: non substantia, quo Græci utuntur: uel quòd uerè in deo triplex est qualitas. Atqui hic mihi os comprimet Boëthius, neq; uocem prodire permittet, dicens qualitatem eam esse, quæ possit etiam abesse præter subiecti corruptionem. Hanc ego definitionem (ut Græculam, & ineptam) derideo: Dico lucem, uibrationem, calorem in sole esse qualitates, & hoc dico Latine omnibus, qui unquam Latine locuti sunt, consentientibus, quanquam de hac re suo loco in nostro opere de dialectice differuimus. Tales qualitates statuo in deo, & has dico esse personas, quæ ab eo abesse non possunt, & qualitatem significare, non substantiam, ut Boëthius uoluit, qui nos barbarè loqui docuit. Hinc enim forsitan adductum uulgus, ut sic loquatur, tres personæ me expectant, uideo duas personas, hic est bona persona: qui sermo antea fuit inauditus, & hodie nemo nisi imperitus omnino sic

loquitur. Quāquā Boëthius ipse uiderit, quomodo persona est substantia. Sunt autem in Deo tres personæ, non tres substantiæ illi adesse intelligamus: præsertim quòd neque ulla uox meram substantiam significat, neque ulla res est mera substantia, ut in eodem nostro opere ostendimus.

In Iustinianumi, de Noxæ dedere. C A P. X X X V.

Instit. Imper.
lib. 4. tit. de no-
xa. act. §. j. et 1.

NOxæ dedere, Iustiniani pæce, siue Trebelliani, & sociorū (nam Iustinianus nec iura, nec forsitan Latinas literas nouit) est pænæ dare, siue tradere ob noxā, qua significatur culpa. Ille autem ait: Noxa, est corpus quod nocuit. Et in eodem loco: Corpus deditur noxæ. Si noxa corpus est, quomodo corpus deditur noxæ? Nunquid corpus deditur corpori, aut corpus sibi? Quāquā quid hæc oratio ad significandum pænā faceret? Est autem hæc pænā seruorum, quos domini malūt ad pænā tradere, quā præstare maleficium, quod illi admiserunt. Paulus ita definit: Noxales appellantur actiones, quæ nō ex cōtractu, sed ex noxa, atq; maleficio seruorum aduersus nos instituantur: quarum actionum ius, & potestas hæc est, ut si damna ti fuerimus, liceat nobis deditione corporis, quod deliquerit, euitare litis æstimationem. Vlpianus quoq; addit, ut corpus tradatur uiuum igni. Quintilianus in Gladiatore: Alebat deuotum corpus grauior omni fame sagina, & inter dedita noxæ mancipia contemptissimus tyro gladiator, ut nouissime perderem calamitatis meæ innocentiam, discebam quotidie scelus. Nam noxa etiam damnum significat, ut apud Ouidium lib. decimoquinto Metamorphoseos:

Nocte nocent potæ, sine noxa luce bibuntur.

Cap. 11. Et Suetonium de Cæsaris uita: Spurinamq; irridens, & ut falsum arguens, quòd sine ulla sua noxa Idus Martiæ adessent. De brutis autem improprie dicitur, ea dedi noxæ: ut de capra apud eundem Ouidium libro primo Fastorum, Verba fides sequitur, noxæ tibi deditus hostis

Spargitur

Spargitur effuso cornua Bacche mero.

Seruius super illud Vergilij:

Acc. 1.

Vnius ob noxam, & furias Aiæcis Oilci:

Ait noxam pro noxia, id est, culpa: quasi per se noxa non significet culpam: quam familiaris eius (ut opinor) Macrobius leuem culpam accipi uult. Atq; (ut sibi crederemus) noxam non culpam esse, sed poenam: ait culpam noxiam dici, quasi noxiam sapius, quam noxam in hac significatione reperiamus, quam dictionem nusquam reperimus. Quod dixi Iustinianum forsitan nec iura, nec literas Latinas scisse, nemo miretur: tum quia semper in Graecia uixit, tum quia se dominum Iustinianum (ut ex nummis mate eius apparet) dici uoluit, ut quidam alij Caesares fecerunt, quod à uiro Romano est alienissimum: & character ipse literarum, figurarumq; illorum temporum nummismatis Gothicum magis redolet, quam Latinum.

Lib. 4. cap. 5.

In eundem, de Testamentum. CAP. XXXVI.

Testamentum, idem inquit, ex eo appellatur, quod testatio mentis est. Quæ definitio quorundam iurisperitorum fuit, quos si iuste A. Gellius coarguit, quanto ego iustius hunc arguere possim, qui explosam, atq; derisam etymologiam inculcat? Nam cur à mente potius dicatur, quam à mento, uel à menta? quia nihil ad hanc significationem mentum, menta uel facit, inquit. Quid ergo mens ad armentum, ad salsamentum, ad ornamentum, ad condimentum, ad armamentum, ad pauimentum, & cementum, ad calceamentum, ad uestimentum, & huiusmodi infinita? Nec minus inepta uidetur mihi hæc etymologia, quam illa apud Donatū, apud Seruium, apud Isidorum: Oratio dicta est, quasi oris ratio. Quid aratio est? quid deuoratio? quid triturationis? quid operatio? quid mille huiusmodi? nunquid in his ratio est? an talia sunt, qualia cetera à supinis profecta, satio, potatio, mesio, lectio? Quid non etiam à supino ratio uenit, reoratum ratio, sicut ab oratum oratio? Eo magis quod

Iustinian. instit. lib. 1. tit. de testamentis. in prin.

secundam syllabam his accipi uult, quasi dicatur oriratio, & nō oratio. Non est ergo uera etymologia hæc, neq; à mente, neq; à mento, neq; à menta: sed potius hæc nomina assumunt, tum, syllabam, cum exirent antea in men, ut uestimen, calceamen, munimen, lenimen, nutrimen, spiramen, medicamen, uelamen, quibus adiecta tum, fit munimentum, lenimentum, nutrimentum, spiramentum, medicamentum, uestimentum, uelamentum, calceamentum: ita testamen addita syllaba tum, fit testamentum. Quod si à mente descenderet testamentum, testamētia diceremus, quemadmodum dementia, & amentia. Nihil habet magis ridiculū hæc, de qua loquimur sciētia, quā etymologiam, in qua ipse quoq; Varro & lusit, & lusus est.

In Donatū, de Syncerum. CAP. XXXVII.

Donat. in illud Terēt. in Eun. act. 1. sce. 1. Si istud crederem syncerē dici,

Syncerum (Donatus inquit) quasi sine cera, mel simplex, & purum, & sine fūco. Imò cum cera potius. Syncerum à οἷον componitur non à sine, quæ nunquā compositionem admittit, quod ipsa etiam scriptio declarat, quæ y, habet, non i. Est enim ex duobus Græcis compositum, ex οἷον & cera, quæ ab illis dicitur κηρός, uel à οὐκ κηρός conuerimus. Quò magis uenusta, atq; apta huius autoris etymologia est, indicatur etymologiā plerūq; fallacem esse: quia significatio hæc non ita absoluta, & uera est. Quid uenustius atq; aptius dici potest, quā fidē ideo uocatam, quia fiat quod dicitur? Quam etymologiā fallacē esse declarat, quòd hoc nomen chordam instrumēti musici significat. Et tamē licet dicere syncerum, quasi cum cera mel, quod integrum est, & solidum, & nulla sui parte fraudatum: ut si diuidere fructum communium alueariorum cum socio uelim, partemq; tantum mellis assignem, nimirum non ago syncerē, quòd sine cera mella dedi.

In Iuriconsultos, de Mulier. CAP. XXXVIII.

Mulieris appellatione (Caius inquit) etiam uirgo uiripotens continetur. Vlpianus autem quodam loco ita ait:

Quòd

Quòd si ego me uirginem emere putarem, quā esset mulier, emptio non ualebit. Hic mulierem appellat, quæ uirgo non est: ille etiā quæ uirgo est. Et Vlpiani quidē locutio recta est, Ciceronis testimonio, qui obiurgantibus, quòd sexagenarius Popiliā uirginem duxisset, Cras mulier erit, inquit. Sed Caij quoq; de finitio locū habet aliquando: ut si quis uidens decem fœminas, quarum aliqua uirgo sit, ætate tamen qua mulier esse possit, dicat, uidi decem mulieres. Quo modo etiam in Euangelio dicitur: Quid mihi, & tibi est mulier? Sed ex Græco sumptum est *ῥῶν*, uel *ῥῶν*, quo significatur uel fœmina, uel mulier. Idem quoq; Vlpianus inquit: Mulierem ita arctam, ut mulier fieri nō possit, sanā nō uideri constat. Eandē dixit & mulierem, & nō mulierem: primum pro ea, quæ est fœmina: secundum pro corrupta.

Quintil. lib. 6.
cap. 4.

In eisdem, de Munus, & Donū. CAP. XXXIX.

MVNUS (Paulus inquit) tribus modis dicitur. Vno donū, & inde munera dici dari, mitti uel. Altero onus, quod quā remittitur, uocationem militiæ, munerisq; præstat: inde immunitatem appellari. Tertio dicitur officium, unde munera militaria, & quosdam milites munificos uocari. Igitur municipes dici, quòd munera ciuilia capiant. Idem alibi: Municipis intelligendi sunt & ij, qui in eodem municipio nati sunt. Vlpianus: Municipis quidem propriè appellantur muneris participes, recepti in ciuitatem ut munera nobiscum facerent. Sed nunc abusiue municipes dicimus suæ cuiusq; ciuitatis ciues, utputa Cāpanos, Puteolanos. Pomponius ita ait: Munus publicum, est officiū priuati hominis, ex quo commodum ad singulos, uniuersosq; ciues, remq; eorum imperio magistratus extra ordinē peruenit. Marcus autem sic: Munus propriè est, quòd necessariò subimus, lege, more, imperio uel eius, qui iubendi habet potestatem. Dona autē propriè sunt, quæ nulla necessitate, aut iuris officio, sed sponte præstantur: quæ si non præstentur, nulla reprehensio est, & si præstentur, plerunq; laus est. Sed in hoc uentum est, ut non

D 3 quod

quodcunq; munus, idemq; donū accipiat. At quod donū fuerit, id recte munus accipiat. Quomodo hi iurisperiti inter se conueniant, & an aliquid desit alicui horum, Accursius cum Bartholo, Baldoq; consultet, dumq; mihi (ut more ipsorum loquamur) ambo, tres uel respondeant, affirmentq;, quod Marcus ait, donum esse speciem, munus uero genus. Idemq; contrarium esse uerbis Vlpiani dicentis: Inter donū, & munus hoc interest, quod inter genus, & speciem. Nam genus esse donum: ideo Labeo ait à donādo dictum: munus esse speciem, nam munus esse donū cum causa, ut puta natalium, nuptiarū. Hic meam non interpono sententiam, ne illos triumuiros doceam contra me respondere. Quod si qui me utiq; sequi uoluerint, respondeant neutrum uerum dicere. Nam neq; genus, neq; species in hac duo nomina cadit, & nullum mihi uidetur donum sine causa esse.

In eosdem, de Peculium.

C A P. X L.

PEculiū est, Pomponius inquit, nō id, cuius seruus seorsum à domino rationem habuit, sed quod dominus ipse separauit, suam à serui ratione discernēs. Peculiū, Celsi referente, Labeo sic definit: Est quod seruus domini permissu separatū à rationibus dominicis habet, deducto inde, si quid domino debetur. Idem alio loco: Paterfamiliās peculiū habere non potest quē admodum nec seruus bona. Ex his uerbis apparet, nec dominum habere peculiū posse, & solum seruū habere. Idem Pomponius, & Celsus alibi aiunt: Vnde colligi possit, etiam non seruū, ac dominū habere peculiū. Pomponius enim ita scribit: Castrense peculiū est, quod à parentibus, & cognatis in militia degenti donatum est: uel quod ipse filius in militia acquisiuit, quod nisi militaret, acquisiturus non fuisset: nam quod erat sine militia acquisiturus, id peculiū eius castrense nō est. Celsus autē sic: Et audisse se rusticos senes ita dicentes, Pecuniam sine peculio fragilem esse. Peculium appellant, quod praesidij causa reponeretur. A quo nō dissentit Vlpianus dicens: Peculiū dictum est

est, quasi pusilla pecunia siue patrimonij pusillum. Quid ergo inter has definitiones sequemur multiplices, & inter se prope-
 modum contrarias? quum præsertim Festus ita scribat: Peculium Lib. 14.
 seruorum est, à pecore dictum, sicut pecunia patrū familiæ, siue In illud Verg:
eclog. 1. Nec
spes libert. &c.
 nobilem. Et Seruius Grammaticus: Peculium patrimonium
 (ita enim maiores dicebant) à pecoribus, in quibus constabat
 uniuerſa eorum substantia. Vnde etiam pecunia dicta est à pe-
 culio, quod propriè tantum est seruorum: & peculium dicimus
 (licet abusive) pro patrimonio. Ipse uerò tanquam arbiter ho-
 norarius hanc rem dijudicabo, & quidem breuiter. Peculium, est
 quicquid labore nostro partū est, in quacunque persona, licet in
 seruis iura uelint dominorum accedere consensum. Et ita sensisse
 Vergiliū sentio in ea parte, quam exponit Seruius: Eclo. 1.
 Nec spes libertatis erat, nec cura peculi. Et Horatium: Ser. 1. Saty. 1.
 Rem poteris seruare tuam: redit uncia, quid fit?
 Semis, ad hæc animos arugo, & cura peculi.
 Et Ciceronem in Paradoxis: An eorum seruitus dubia est, qui
 cupiditate peculij nullam conditionem recusant durissimæ ser-
 uitutis? Et illos quoque rusticos senes, de quibus Celsus meminit,
 pecuniā sine peculio fragilē esse. id est, sine lucro industria par-
 to. Nam cur habenti pecuniam maior spes præsidij collocetur
 in pusillo, quod reposuit, quàm in ipsa pecunia, quum præser-
 tim peculij pars sit pecuniæ? aut quomodo præstare possit repo-
 sita illa pecunia, ne cætera dilabatur? Vel, peculium est quic-
 quid propriè alicuius est. A peculio fit adiectiuum peculiaris,
 pro re ad peculium pertinente, siue peculij propria. Sed in usu
 iam receptum est pro proprio, siue speciali. Quintil. lib. v 111. Cap. 1.
 Quod commune est & alijs nomen, intellectu alicui rei pecu-
 liariter tribuitur: ut Urbem, Romam accipimus: & uenales,
 nouitios: & Corinthia, ara: quum sint urbes aliæ quoq; & ue-
 nalia multa, & tam aurum, & argentū, quàm æs Corinthiū. Idē Cap. 3.
 in x 1. Ambulantē loqui ita demū oportet, si in causis publicis,
 in quibus

in quibus multi sunt iudices, quod dicimus, quasi singulis iter
 Cap. 5. inculcare peculiariter uelimus. Et in libro sexto: Paululum im=
 pendamus huic quoq; peculiaris operæ. Peculatus, furtum rerum
 ad ipsam rempub. pertinentium, uel ad prouentus principis spe=
 ctantium, sicut sacrilegium rerum sacrarum. Inde depeculor,
 quod quidam ad sacrilegium etiam transferunt.

In eisdē, de, Fūdus, Ager, Villa, Prædiū. CAP. XLI.

FVndus, Vlpianus ita finit, Locus est nō fundus, sed portio fun=
 di aliqua. Fundus autem aliquid integrū est. Plerunq; fundū
 sine uilla accipimus. Idem alibi: Ager est locus, qui sine uilla est.
 Modestinus uerò sic: Quæstio est, fundus à possessione, uel agro,
 uel prædio quid distet. Fundus est omne quicquid solo contine=
 tur. Ager est: species fundi, quæ ad usum hominis paratur.
 Possessio ab agro iuris proprietate distat. Quicquid enim
 apprehendimus, cuius proprietas ad nos non pertinet, aut ne=
 quit pertinere, hoc possessionem appellamus. Possessio ergo
 usus, ager proprietatis loci est. Nam & ager, & possessio huius
 appellationis species sunt. Florentinus: Fundi appellatione
 omne ædificium, & omnis ager continetur. Sed in usu urba=
 na ædificia, ædes rustica, Villa dicuntur. Locus uerò sine ædifi=
 cio in urbe, Areat in rure autem, Ager appellatur. Idemq;: Ager
 cum ædificio fundus dicitur. Ecce diuersæ iurisconsultorum sen=
 tentiæ cum in alijs, tum in hoc, quod Vlpianus ait plerumq;
 fundum esse sine uilla. id est, sine ædificio. Florentinus autem
 agrum cum ædificio esse fundum. Modestinus obscure ex=
 ponit, agrumq; definiciens, cum neutro aliorum concordat, sed
 ridiculè à possessione distinguit, ne dicam imperitè, loquens
 de possessione, quando significat qualitatem, non quando si=
 gnificat substantiam, perinde ac si quis dicat de uirtutibus, ac
 uitijs loquens, Prauum, & malum sic differunt: Prauum est id,
 quod non recta ratione, & uia fit. Præua enim appellantur, quæ
 non sunt recta, ut lignum præuum. Malum uerò genus pomi est.

Quid

Quid hoc foret dictū ineptius, ubi de qualitatibus, & actionibus agitur, digredi ad substantiam, quæ ad rem nō pertineat? ita hīc quum de fundo, de agro, de prædio, de possessione disputat: non de ea significatione possessionis loquitur, qua proprietas intelligitur, sed qua actio possidendi, siue qualitas. Quod si ita est, quid affinius habet possessio ad fundum, agrum, prædium, quam ad nauem, equum, uestem? Harum nanque rerū ita possessio est, ut illarum: sed non de huiusmodi possessione loquendum erat, quæ præsertim (ut ipse ait) nō est species prædij, uel fundi. Prædium enim, fundus uē proprietas est, quorum utrumlibet (si generale nomen est) ad possessionem profectō non usus, sed proprietas dicenda Modestino possessio fuit. Sed quid facias? ipse aliter possessionem definit. Quod si quis dubitet an possessio proprietatis sit, accipiat præter ipsorum iurisperitorum, etiam Ciceronis, & Quintil. testimonia: quorum alter in Paradoxis ita scribit: Etenim si isti callidi aestimatores prata, & areas magni aestimant, quod ei generi possessionum minime noceri potest. Non de usu uidelicet locutus est Cicero, cui certē noceri potest, sed de proprietate. Alter in sexto de Oratoria institutio-
Cap. 4.
 ne: Patris eius dialogos dedit legendos, quorum quum in Priuernati unus, alter in Albano, tertius in Tyburti sermonem habitum complecteretur, requirebat ubi essent hæ possessiones. Omnes autem illas Brutus uendiderat. Nemo interrogat ubi est usus prædiorum, sed ubi est proprietas. Nemoq; usum uendit, sed proprietatem, aut usumfructum. De prædio autem Valpius ita scribit: Prædia urbana, omnia ædificia accipimus, non solum ea quæ sunt in oppidis, sed etiam si fortē stabula, uel alia meritoria in uillis, & in uicis, uel si prætoria uoluptati tantum deseruiant: quia urbanum prædiū nō locus facit, sed materia. Proinde hortos quoq; (si qui sunt in ædificijs cōstituti) dicendū est in urbanorum appellatione cōtineri. Planē si plurimi horti in reditu sunt, uinearij fortē, uel olitorij magis, hæc nō sunt urbana.

urbana. Et iā de prædio, sicut de fundo iurifconsultorū cōtrouersia est. Nec mirū, quū nemo non habeat suam de rebus quibusq; uerbisq; sententiā. Sed de posterioribus, qui ex operibus illorū, excerptscrūt, miror quòd hæc indiscussa reliquerunt. Id (ut ego quod ad me attinet faciā) ita sentio: Agrū continere fundum, nō contineri à fundo: nihilq; prohibet eum, cum uilla esse. Erant in agris senatores, & uixerunt multi nobilissimi philosophi in agris, nimirum non sine uilla, & habitatione. differtq; ager ab aruo, quòd aruum sementi datur. Sallustius: Quia Numidæ pabulo pecoris magis, quā aruo student. Quintil. Pauper, & diues in agro uicini erant iunctis hortulis. Et mox: Sed si ex omni parte diuitis circumiectus ager uix tenuem ad gressus meos semitam dat. Quid agimus inquam? undiq; uallo diuitiarum clausi sumus. Hinc hortuli locupletis, hinc arua, inde uineta, hinc salētūs. Fundus (ut dixi) minus quiddam est. Singula enim propriè prata, singule uineæ, singuli horti, singula oliueta, pomæria, salicta, arbuscula, pascua, nemora, loca aucupatoria, uenatoria, piscatoria, siue uillam, atq; ædificium, siue piscinam, atq; alucaria, siue uiuaria habeant, siue non habeant, singuli fundi sunt. & hoc quidem in agro: In urbe autem, siue oppido, siue uico, siue castello tantummodo prædium est, quicquid tale est, qualia hæc, quæ enumeravi. Namq; eadem in agro etiā prædia sunt. Fundus enim species prædij est. Itaq; fundus est possessio rustica. Prædium & rustica, & urbana duntaxat possessio, qualem descripsi. Nam uidetur possessio etiam significare tabernas, hospitia, horrea in urbe. Cicero in Philip. Possessiones notabat & urbanas, & rusticas. Puto non tantum prædia, sed & cetera, quæ immobilia uulgò appellantur. Addamus ad hæc aliquid de hoc fundum, quod an à fundo fundas, an potius fundo à fundū, siue à fundus ueniat ambigi potest. Quidam fundus à funda dici uolunt. Cic. in quodam ioculari libello:

Fundum Varro uocat, quem possit mittere funda,

Nila

In Iugurt.
Declam. 13.

Philipp. 5.

Ni lapis exciderit, quā caua funda patet.

Nisi hac sententia sit, tam paruum illum fuisse fundum, ut funda prehendi, & in morem lapidis iaci posset. Fundum igitur est ima pars rei, propriè aliquid liquoris intra se continens, aut ad continendum facta ut dolium, ut nauis, ut alueus, uel fluminis, uel lacus, uel stagni, uel maris. Nā fundū turris (ut quidam scripserūt) ipse nō dicerē. Fundamētū (ut omnibus liquet) aliud est, quā fundum: & tamen fundare magis ad fundamentum, quā ad fundum pertinet. Fundamus enim domum: non nauem, aut dolium: ut Verg.

Ille urbem Argyripam patriæ cognomine gentis,

Aen. 11.

Victor Gargani fundabat Iapygis aruis.

Nam fundamentare non reperitur: nec fundare quidem est sanè frequens, nisi per translationem. Quintil. in Gladiatore: Hoc fundatam paternis, auitisq; opibus domum exhaurit. Est enim frequentius iacere fundamenta, etiam per translationem: ut idem

Declam. 9.

libro primo, Nam inde & contemptus operis innascitur, & fundamenta iaciuntur impudentiæ, & (quod est ubiq; perniciosissimum) præuenit uires fiducia. Et Cicero: In quo templo (quā

Philip. 1.
Cap. 22.

tum in me fuit) ieci fundamenta pacis. Sine translatione, Suetonius de uita Caij: In arce Capitolina nouæ domus fundamenta iecit. Cæterum hoc differunt fundare, & fundamenta iacere, quòd fundare est ualidis fundamentis fulcire. Fundamenta iacere, quasi qualiacunq; fundamenta facere, & quodammodo

dare rei principium. Neq; uerò sicut reperitur fundus, & fundum, ita reperitur punctus, & punctum. Errantq; philosophi, quū punctus, & linea dicunt. Nam de punctū, quod est breuissimū tēpus, nulla lis est: ut Terētius in Phormione, — Tū tēporis

Act. 1. sc. 4.

mibi punctum Ad hanc rem est— Pro eo autē sensu in quē utuntur philosophi, Cicero pro Plancio: Nā quod questus es, plures te testes habere de Velina, quā quot in ea tribu puncta tuleris. Quidam momentū pro eodem significato accipiūt, cuius est

pun

punctum, tamen aliter est. Breue enim tempus significatur per illud, per hoc uerò breuissimum. Horatius:

Lib. 1. Sermon.
Sary. 1.

- Quid enim? concurritur. horæ

Momento-

In eisdem, de Noualis.

CAP. XLII.

Varr. lib. 4. de
ling. Lat.

Noualis (inquit Paulus) est terra proscissa, quæ anno cessat, quæ à Græcis ὀρεῖα ἢ οὐδὲν ὀρεῖα τὸ νέωμα uocatur. In quo auctoritatem Varronis secutus uidetur, dicentis: Ager restibilis, qui restituitur, ac referitur quotannis. Contra qui intermittitur,

Lib. 18. ca. 19.

à nouando noualis ager. Et Plinij, qui ait: Nouale est, quod alternis annis feritur. Idem quoque sentire uidetur Festus Pompe-

Lib. 11.

ius, qui dicit: Noualis ager, nouæ relictus sementi. Sunt qui uolunt noualem esse aruum tunc primum ad sementem proscissum,

Ser. in illud
Ver. Alternis
idē tonsas, &c.
Georg. 1.
Eclog. 1.

quorum est Seruius, qui inquit: Dicimus & has nouales, & hæc noualia. Propriè nouales, tunc primum arua proscissa. Quod ita sensisse Vergilium palam est, in illo uersu:

Impius hæc tam culta noualia mules habebit?

Declam. 3.

Ineptum erat deplorare agrum à barbaris possideri, quòd non esset restibulus, sed quòd anno interquieuisset. Deplorabat igitur agrum, in quo instruendo magnopere laborasset, & nouitate ipsa præter ceteros uberiores datum iri in manus alienas, & barbaras, & impias. Quod etiam & sentit, & declarat in milite Mariano Quintil. Mox ingentibus lacertis humum fodere, segnem futuris noualibus eruere syluam. Hieronymus etiam definit in hunc sensum, dicens: Nouale, est ager nunc primum proscissus. Sed Vergilius in sensum priorem accipit, quum inquit:

Georg. 1.

*Alternis idem tonsas cessare nouales,

Et segnem patiēre situ durescere campum.

Ser. in illud
Verg. Impius
hæc tam culta,
&c. Eclog. 1.

Ideoque Seruius alibi ait: Noualia: id est, noua rura, quæ per singulos annos renouantur per semina.

In eisdem, de Liber, & Volumen. CAP. XLIII.

SI cui, Vlpianus inquit, centum libri sunt legati, centum suolumina ei dabimus, non centum, quæ quis ingenio suo meti

metitus sit, quæ ad libri scripturam sufficerent: ut puta quum haberet Homerum totum in uno uolumine, non quadraginta octo libros computabimus, sed hoc unum Homeri uolumen pro libro accipiendum est. Vlpianus Homeri opus nunc unum librum, nunc quadraginta octo libros nominat. Nec tamen ait librum duo significare, ipsum opus, & certam operis partem. Præterea opus, siue opera Homeri librum appellat, & uolumen, quorum utrunque inauditum est. Vergilij Aeneis, non liber est, sed duodecim libri. Georgica, non sunt item liber, sed libri quatuor. Bucolica, unus liber est, idemque unum uolumen. Georgica, quatuor uolumina: Aeneis, duodecim.

Ouidius:

De Tristib. eleg. 13.

Sunt quoque mutatae ter quinq; uolumina forma.

Sed quid exemplis agimus, quum nusquam plura afferri possint? At Vlpianus putat etiam si omnia opera Didymi, quo nemo plura scripsit, in unum codicem conglutinantur, unum tantum debere uolumen appellari, quod nemo nec posset euoluere, nec ferre uellet. Est enim uolumen uel à uolo, quod in libris uoluntas apparet, uel (quod magis sequerer) à uoluo, quod uoluitur, quales libros hodie Hebraei quosdam habent, qualesque in ueteri, & nouo testamento lectitamus fuisse. Et Romani, qui in libris arborum, id est, corticibus scribebant: quod libellos illos, quod ferrent commodius, complicabant, uolumina forte appellauerunt. Itaque uolumina libellis similiora fuere, quam libris. Quod ex eo quoque loco apparet, ubi Plinius de libris auunculi loquens, ait: Studiosi (scilicet libri) tres in sex uolumina propter amplitudinem diuisi. quasi dicat in sex minores libros, ut sint uolumina aliquantò minora, quam libri. Quod etymologia quoque nonnihil probat, ut ostendi. Vnde adhuc durat uerbum euoluere libros, pro eo quod est aperire libros lectitandi gratia, quasi rem complicatam explicare: quemadmodum reuelare, est rem uelatam detegere. Nisi dicamus euolui libros propter numerum paginarum. Accipitur autem nunc euoluere libros, siue autores, pro

Epist. lib. 2.

Subditiſſima ſunt hæc verba, nã in necuſis exemplaribus cum inſcriptis, tum manu ſcriptis non habeantur. eo quod eſt leſtitare.* Nec inſicias eo libros accipi pro codicibus: & in ſingulari librũ pro quolibet magno codice, etiam ſi is contineat Iliada, & Odysſeam: ut tenet rex manu librum, & is ſit Homerus: non tamen rectẽ dicis, tenet librum Homeri.*

In eodem, de Probrum, & Opprobrium: Exprobrare, & Improbare. CAP. XLIIII.

Probrum, & opprobrium, Vlpianus inquit, idem eſt. Probra quedam natura turpia ſunt, quedam ciuilitate, & quaſi more ciuitatis improba: ut puta, furtum, adulterium natura turpe. Enimvero tutela daminari, hoc non natura probrum eſt, ſed more ciuitatis. Nec enim natura probrũ eſt, quod poteſt etiam in hominem idoneum incurrere. Vlpianus probrum accipit pro infamia tantum, qualis eſt ex furto, uel male geſta tutela, non pro ſlagitio: quod principale ſignificatum eſt. Nam probrum idem eſt, quod dedecus: quod duo ſignificat. Vnum, quod eſt crimen: ut Quintilianus ſtatim in principio declamationis in milite Mariano inquit, Satis dedecoris, atq; ſlagitij caſtra ceperunt. Alterũ, quod eſt ignominia, atq; infamia, quod notũ eſt. Similiter accipitur probrum pro crimine: ut idem libro primo, Iam ſi minor in eligendis cuſtodum, & præceptorum moribus fuit cura, pudet dicere, in qua probra nefandi homines iſto cædendi iure abutantur. Pro ignominia, Linius libro quinto: His freti occuſant portis, ingerũt probra, egrẽ abſtinent quin caſtra oppugnent. Quæ duo nomina tanquã ſimilia eodẽ loco Cicero cõiunxit in Catone Maiore: Mihi uerò, & Flacco neutiquam probari potuit tam ſlagitioſa, & tam perdita libido, quæ cum probro priuato coniungeret imperij dedecus. Præterea ne ſimile quidem eſt ſanẽ probrũ opprobrio. Non enim Latine dixiſſet Cicero: quæ cum opprobrio priuato coniungeret imperij dedecus: quemadmodum in Salluſtium dixit: Itaq; timens ne ſcandala eius clam uobis eſſent, quum omnibus matribus familijs ueſtris opprobrio eſſet, conſeſſus eſt uobis audientibus adulteriũ.

Eſt

Declam. 3.

Cap. 4.

Est autem opprobrium aliquando factum, sed frequentius uerbo. Nam Sallustius (ut uult Cicero) uel ex eo quod quibus cum fœminis habuisset usum, erat notum: uel quod ipse illis uulgo impudicitiam obijciebat, opprobrio erat. Horatius:

Saty. 4. lib. 1.
Serm.

Sic teneros animos aliena opprobria sæpe
Absterrent uitij. — Quintilianus:

Declam. 15.

Declam. 19.

Epist. 9. lib. 12.

Modò maledictis, opprobrijsq; uulgi, modò crebra riuialium contentione pulsatus, abigi tamen, compesciq; non posset. Opprobrijs dixit, quasi exprobrationibus, atq; conuitijs. Et alibi: Solebat indignatio uestra, conuitia nostra ferre non posse: Et matronalis indignatio dicere uidebatur, Non parcis erga me marite uerbis, nullam habet nostri tuus sermo reuerentiam, facile prorumpis in opprobria, facile quodlibet obijcis. Pro eodem ferè posuit opprobria, Et conuitia. Nec inficias eo, nonnunquam hoc modo accipi probum, ut Liuij proximum exemplum, Et Ciceronis ad Atticum: Epistolas mihi legerunt plenas omnium in me probrorum. Sed de hoc significato Vlpianus non intellexit. A probro unum uerbum componitur, quod est exprobro, quod significat tum qualemcumq; culpam improprio, ut apud Ouidium libro x i i i. Metamorphoseos:

Scit bene Tytides, qui nomine sæpe uocatum
Corripuit, trepidoq; fugam exprobrauit amico.

Tum ingratitudinis, ut Terentius in Andria. — Nam isthæc commemoratio Quasi exprobratio est immemoris beneficij. Sed pro hoc significato frequenter nos uitij alieni nomen apponimus: frequenter etiam nomen nostri meriti. Cicer. de Amicitia: Quorum plerique aut queruntur semper aliquid, aut etiam exprobrant, eoq; magis si habere se putant, quod officiosè, et amicè, Et cum labore aliquo suo factum queant dicere. Odiosum sanè genus hominum officia exprobrantium. Exprobrare ergo beneficia sua, est immemorè beneficij accepti inculpare. Impure uerò frequenter ad significationem exprobrantis accedit, sed

Declam. 1. citra reprehensionem: quod an apud Ciceronem sit, nescio. In posterioribus uerò creberrimum est: ut Quintilianus, Neq; ego grauisimū patrem suprema sua iuueni iactasse crediderim, quod heredem filium scriberet, non est res quæ imputetur. Et alibi: **Declam. 12.** Imputas nobis propitios uentos, & secundum mare, ac ciuitatis opulentæ liberalitatem, quæ tantum frumenti uendidit, quantum duobus populis satis esset. Imputare nonnūquam pro computare reperitur: ut Caius, Quæ ratione placuit legata, quum legatarij non capiunt, quum apud heredem subsederint, hereditario iure apud eos remanere intelligi, & omni quadranti imputanda. Marcus, In quarta hereditatis, quam per legem Falcidiam heres habere deberet, imputantur res, quas iure hereditario capit, non quas iure legati, aut fideicommissi, uel implende conditionis causa accepit. Nam hæc in quarta non cōputantur: sed in fideicommissaria hereditate restituenda, siue legatum datum sit heredi, siue percipere, siue deducere, uel retinere passus est, ei imputantur. Reputare quoq; in idem significatum. Vlpianus: Præterea si matrem aluit pupilli tutor, putat Labeo imputare eum posse: sed est uerius non nisi per quæ egenti dedit, imputare eum oportere. Deinde: Sed & si seruis cibaria præstiterit, uel libertis scilicet rei pupilli necessarijs, dicendum est reputaturum. Idemq; est si liberis hominibus, si tamen ratio præstandi iusta intercedat. Item sumptus litis tutor reputabit, & uilitica, si ex officio necesse habuit aliquò exire, uel proficisci.

In eisdem, de Stuprum, & Adulterium. CAP. XLV.

In ter stuprum, & adulterium (Modestinus ait) hoc interesse quidam putant, quod adulterium in nuptam, stuprum in uiduam committitur. Sed lex Iulia de adulterijs indifferenter hoc uerbo utitur. Et hoc quidem continetur in libro de Rerum, & uerborū significatione. Alibi autem idem ait: Stuprū committit, qui liberam mulierem cupidinis causa, non matrimonij cōtinet, accepta uidelicet concubina. Adulterium in nupta, stuprū in uirgine,

gine, uel uidua, uel puero committitur. Quid mirum si plures iurisperiti in definiendo inuicem dissentiant, quum unus, atq; idem secum dissentiat? Hic non uidetur sentire cum lege Iulia. Sed culpa illorū est, qui definitiones huiusmodi descripserunt, quæ si aptè fuissent conglutinatæ, probari possent. ut illa Papiniani dicentis: Lex Iulia stuprū, & adulterium promiscuè Græcè *μοιχστριον* appellat. Sed propriè adulterium in nupta committitur propter partum ex altero conceptum, composito nomine. Stuprum uerò in uirgine, uidua'ue committitur. quod Græci *στοναιστρον* appellant. Cuius definitionem approbo, illud tamen addens, Legem Iuliam rectè hæc duo promiscuè appellasse: non quòd omne stuprum sit adulterium, sed quòd omne adulterium sit stuprum. Neq; rectè iurisperiti excipiunt stuprum à nupta, quum etiā in quotidiano sic sermone loquamur. Quale est apud Quintilianum: Vxor marito dixit appellatam se de stupro à priuigno, & sibi constitutum tempus, & locum. Et alibi: Furtiua supra, raptosq; concubitus obijcit uel ex falso maritus. Fas est, fieri solet. Parcius tamen si iam sit & mater, si in fidem castitatis uxoriam fecunditate profecerit. Quare ego ita sentio, stuprum esse coitum lege uetitū: qui duplex est. Vnus, cum nupta, aut cum puero, aut cum sanguine coniunctis, aut sanctimonialibus. Quanquā hæc duo posteriora potius appellamus incestum. Alter quum uim asserimus cuilibet personæ, etiā ancillæ. Vnde stuprare dupliciter accipitur, cuius posterioris sensus testimonio est lex, quæ stupratoribus masculorū pœnam statuit decem millium, quum pædiconibus nulla esset pœna constituta.

In eisdem, de Instratum, & Stragula. CAP. XLVI.

Instratum (Vlpianus inquit) omne uestimentum continere, quo amicumur, Labeo ait. Neque enim dubium, quin stragula uestis sit omne pallium. Videtur Vlpianus intelligere stragulam uestem esse uestimentum hominis, quo amicitur, quale est Græcorum pallium. Vt enim Romani togati à toga, sic Græci

Varr. lib. 4. de
ling. Lat.

palliati à pallio uocantur. Ego uerò non memini reperisse me stragulam uestem in hunc sensum, sed in opertorium lectorum potius, ubi & dormiebant, & discumbebant. Quod Varro testatur de culcitra loquens: Ac quicquid insternebant, à sternendo stragulum appellabant. Et equorum, simulumq; quorum operimentū etiam instratum uocatur. Hic illud admonebo, inuerti frequenter significatū uerbi, ut in hoc ipso uerbo sterno: Sternimus quidem uestes humi, ramos arborū, flores, & multa huiusmodi. Tamen frequentius dicimus sterno humum floribus, ramis, uestibus. Hinc est, quare dicimus toros, lectosq; sternere, & equum sternere, non quia sint diuersi sensus, sed quia resoluntur: ut sit sternere, uerbi gratia, lectos, et equos tapetis, idem quod sternere tapeta lectis, & equis. Culcitra autem est tam laenea, stupea, & si quid est huiusmodi, quam plumea.

In eodē, de Pulsatio, & Verberatio. CAP. XLVII.

Acc. 5.

INter pulsationem, & uerberationē, Vlpianus ait hoc interesse, ut Offilius scribit: Verberare est cum dolore cedere: Pulsare sine dolore. Sed cum utriusq; uenia, non est eiusmodi inter hæc uerba differētia. An quum uerberamus frumēta cum dolore uerberamus? Aut pulsamus potius, quam uerberamus? Et iumentum quum sentit ex flagellis dolorē, uerberatur? quum non sentit, pulsatur? An Entellus ille Vergilianus, sine dolore pulsabat Dareta? Sed (ne multis) quis non uidet uerberare esse, uerbere cedere? quod est instrumentum longum, & exile, qualis est uirga, baculus, fustis, lora, flagellum, serula, arundo, & si quid est simile. Nec aliter dictum est uerberare à uerbere, quam flagellare à flagello, fustigare à fuste. Nam uerba licet pro uerberatione accipiantur, tamen rem corpoream propriè significant, ut flagella, quæ sunt propriè summities sarmentorum. Quintilianus: Ignis ex proximo raptos, uerberaq; quæ casus obtulerat. Pulsare uerò est graui, ac uehementi ictu cedere, nec tam instrumento longo, & exili, quam breui, ac rotundo, ut pugnis,

Decl. m. 19.

gnis, ut calcibus, ut malleis, ut saxis, quæ manu tenentur: quum alium percutimus in similitudinem tympanorū, quæ manu-pulsantur: nec est semel, sed multis ictibus percutere. Næque non propriè pulsātū aliquem dixeris, qui semel pugno percussus est. Adeò non minor iniuria sit ex pulsatione, quam ex uerberatione, præter eam causam, quā modò dixi, quod et pulsatio, & uerberatio est multa percussio, quodq; plerūq; pulsatio sit in facie. Et ob pulsatos corū legatos Laurētes Tatium regē occiderunt, qui non punisset propinquos suos, qui Laurētibus hanc iniuriā fecerant. Et ipsa incusio calcium contumeliosissima est, sæpe etiam mortifera, utique si fiat in ægrum, in senem, in puerum, in prægnantē. Taceo, si alia re quis alterum pulsauerit, quā manu, aut pede: quum uicinus meus uxorem solitus sit non modo pistillo, uerū etiam mortario æreo pulsare, ut nō crebrius pulsaret ipsum mortarium. Dictum est autem a pello, quod est percutio, & ferio: ut apud Marcum Tullium libro primo de diuinatione: Vt pelluntur animi uehementius, sæpe etiam cura, & timore. Et in secundo: Num igitur, quum aut nures Babylonis, aut Homeri faciē cogito, imago illorum me aliqua pellit?

In eodē, de Pellex & Pallace. CAP. XLVIII.

Pellicem apud antiquos Masurius, Paulo testante, scribit libro Memorabilem, eam habitam, quæ quum uxor non esset, cum aliquo tamen uiuebat. eamq; nunc uero nomine amicam, paulò honestiore concubinam appellari. C. Flaccus in libro de iure Papiniano scribit, Pellicem nunc uulgò uocari, quæ cum eo, cui uxor sit, corpus misceat. Secundum quosdam ea, quæ uxoris loco sine nuptiis in domo sit, quam Græci παλλακή uocant. Horū utrunq; uerè sensisse, & dixisse arbitror, sed tamen pro suscepti operis officio admonere debeo, pellicē apud oratores, & poetas eam demum haberi, quæ cum eo, cui uxor est, corpus miscet. Ideoq; Iuno semper prosequitur pellices, quæ sibi uxori Iouem præriperent. Vnde Plinius lib. x x x v. Cap. 10.

uerbo Græco maluit uti, quum de Alexandro loqueretur, quem constat eo tempore cœlibem fuisse, quum Apellem scorto donauit, quàm ueteri (si uerum est) Latino, pallace potius, quàm pellice. Ita autem ait: Namq; quum dilectam sibi ex pallacis suis præcipuam nomine Campassen nudam pingi ob admirationem formæ ab Apelle iussisset. Quo fit, ut Curtium ubi de eodẽ Alexandro, & alijs loquitur, cæterosq; scriptores opiner pallacen potius, quàm pellicem pro concubina cœlibis hominis dixisse, Cap. 11. culpaq; librariorum in editionibus esse uitiatum. Suetonius de Vespasiano loquens, pallacarum dixit, non pellicum. Et alibi quoq;, & Titus Liuius, multiq; alij Græco nomine utuntur. Sin aliter inuenitur, librariorũ (ut dixi) uitio dandum est, cuius rei hoc argumentũ est, quòd non rectè quis dicitur habere pellicẽ, sed uxor. Et est nomẽ relatiuũ ad alterius uxore, cuius cum uiro rem habet, non autẽ ad masculum: nec rectè dicturos fuisse reor oratores illos, qui pallacen dixerũt, si pellicẽ dixissent, ut patet.

In eosdem, de Cauillatio.

CAP. XLIX.

Natura cauillationis, quam Græci *συνδουρα* appellauerunt, hæc est, ut ab cœdenter ueris per breuissimas mutationes disputatio, ad ea quæ euidenter falsa sunt, perducatur. Hæc duobus in locis Vlpianus. C. autem inquit: Si calumniatur, & moritur, & frustratur. Inde calumniatores appellati sunt, qui per fraudem, & frustrationem alios uexarent litibus. Inde & cauillatio dicta est. Caius nullam fecit mentionem de euidenter ueris, aut euidenter falsis, nec de breuitate. Nec puto faciendam fuisse, quum plerunque cauillatio sit tecta, & insidiosa, multisq;, ac longis frequenter ambagibus utens, & quæ uix ab acutis deprehendatur. Quare cauillatio est subdola ratio, quam nos conscij nobis mendacij, uincendi tamen causa proficimus. In hunc sensum semper iuriscōsulti usi sunt, & Quintiliani ferè seculum. Cicero autem pro genere quodam facietiarum, & hunc imitatus Aulus Gellius: Titus Liuius utroque modo.

modo. Ipse quoq; Cicero definit libro secundo de Oratore, dicens: Etenim quum duo sint genera facietiarum, alterum æquale liter in omni sermone falsum, alterum peracutum & breue: superior cauillatio, altera dicacitas nominata est. Cæterum Caius uidetur sentire, idem esse calumniari & cauillari. Quod nō sentit Martianus, tantum accusatori tribuens calumniari: quū ait, Calumniari esse falsa crimina intendere: quod per legem illam declaratur x i i. tabularum: Calumniator idem patiatur, quod reus, si conuictus esset.

In eisdem, de Præuaricator, Tergiuersator, &
Calumniator. GAP. L.

PRæuaricatores, Vlpianus inquit, eos appellamus, qui causam aduersarijs suis donant, & ex parte actoris, in partem rei cedunt. A uaricando enim præuaricatores dicti sunt. Idem alibi: Præuaricator autem est, quasi uaricator, qui diuersam partem adiuuat prodita causa sua. Quod nomen Labeo à uaria certatione tractum ait. Nam qui præuaricatur, ex utraq; parte consistit. In prima definitione uidetur sentire, præuaricationem in solum actorem cadere, in secunda uerò etiā in reum. Sed forsitan & hic de solo actore sensit, cui assentiri uidetur Martianus, qui ait: Accusatorum temeritas tribus modis detegitur, & tribus pœnis subijcitur. Aut enim calumniatur, aut præuaricatur, aut tergiuersatur. Calumniari, est falsa crimina intendere. Præuaricari, est uera crimina abscondere. Tergiuersari, in uniuersum ab accusatione desistere. Et post iterum: Præuaricatorem eum esse ostendimus, qui colludit cum reo, & translatiuè munere accusandi defungitur, eò quòd proprias quidem probationes dissimularet, falsas uerò excusationes admitteret. Quod nos quidem uerū fatemur esse, legemq; antiquitatis de præuaricatorū pœna fuisse, ut Cic. Philipp. lib. 11. Vereor Patres Cōscripti, ne (quod turpissimū est) præuaricatorē mihi opposuisse uidear. Cæterum (ut prætereā, quod Cicero idem in

Partitionibus ait, prauaricationē definiri nunc ab accusatore, nunc à reo corruptelam esse iudicij) reperio nōnunquam prauaricatorē ex parte rei quoq; neq; perfidia tantum, ac malitia, sed imprudentia etiam, et negligentia peccatē. Quintilianus in septimo: Vt in prauaricationum criminibus, ut absoluator reus, aut innocentia ipsius fit, aut interueniente aliqua potestate, aut iur, aut corrupto iudicio, aut difficultate probationis, aut prauaricatione. nocentem fuisse confiteris, nulla potestas obstat, nulla uis: corruptum iudicium non quereris, nulla probandi difficultas fuit. Quid superest, nisi ut prauaricatio fuerit? Hic pro perfidia accusatoris accipit, alibi uerò aliter. Sed de una causa loqui superuacuum est. Ego in uniuersum neq; oratoris puto esse unquam prauaricari: neq; litem intelligo, in qua pars utraq; idem uelit. Ideoq; prauaricatorem appellamus, quicūq; à præsripto officij sui deflexerit, atq; aberrauerit. Plin. libro

Cap. 19. x v i i i.
Epist. 10. lib. 1.

Arator nisi incuruus, prauaricatur. Plinius Iunior ad Cornelium Tacitum: Alioqui prauaricatio est transire dicēda. Prauaricatio est etiam breuiter, et cursim attingere, quae sunt inculcanda, insigenda, repetenda. Et Adam prauaricatū fuisse dicimus. Tergiuersari uerò non est (quantum ego intelligo) ab accusatione desistere. Illi uidentur ex hoc trahere significationem, quod qui terga uertunt, à pugna desistunt. Verūtamen nō protinus, qui terga uertunt, à pugna desistunt, ut Parhi. Itaq; qui uertentes terga, adhuc tamen pugnant, nec rationibus uolunt se uictos agnoscere, tergiuersantur. Cicero de Officijs libro tertio: Atque in his tamen tribus generibus, quoquo modo possunt, nō incallidē tergiuersantur. Prudentiam introducunt scientiam suppeditantem uoluptates, depellentem dolores. Fortitudinem quoq; aliquo modo expediūt, quum tradunt rationē negligēda mortis, perpetiendiq; doloris. Etiam temperantiam inducunt, nō faciliē illi quidem, sed tamen quoquo modo possunt. Dicunt enim uoluptatis magnitudine doloris detractionē fieri.

feri. Nunquid qui hoc dicunt, aut desistunt ab accusatione, aut accusasse se iudicāt? Idem pro Roscio Comædo: Attēde quæso Pise Fannij uultum, & huc atq; illuc tergiuersantem, testimonium contra se dicere cogo. Erat autem Fannius accusator, quem, si omnino ab accusatione desisteret, nō insequeretur iure patrocini Cicero, sed uictum, nolle tamē dare manus, obiurgat. Liuius lib. 11. ab Vrbe condita: Mouebant hæc consulem, sed tergiuersari res cogebat. id est, nō agnoscere ueritatem, & eam quibuscunq; rationibus poterat dissimulare, & quasi subterfugere. Tertium autem uerbum ab eodem Martiano definitum (de calumnia loquor) meretur & ipsum aliquam emēdationē: quod nō modò apud Ciceronem pro cauillatione accipitur, nō illa quidem mouente risum, sed ea qua Cicero ipse non utitur: ut de Officijs lib. 1. Existunt etiam sepe iniuria calumnia quadam, & nimis callida, & malitiosa iuris interpretatione. Ex quo illud, Summum ius, summa iniuria. sed etiā apud Quintilianū nōnunquam: ut ibi, Quamuis exiguo diuisus spatio opem non feret, nō succurret, ut hac saltem se calumnia defendat: non abij, nō reliqui, nō abscessi, neq; pede (ut aiunt) uno à parēte discessi. Aliosq; cōplures, quorum & Caius est, usu quoq; probante, per quē utraq; pars iurat de calumnia uitāda. Nimirum de cauillatione eò magis, quòd calūniari pro cauillari dicimus, quæ uox quatuor primas literas habebat easdem cū calumniari. Postremò probatur hoc ex illo Digestorum loco, cuius titulus est: Si mulier uentris nomine calumniæ causa in possessione fuisse dicatur. Calumnia scilicet, ibi intelligitur dolus malus.

In eisdem, de Ferri, Portari, Agi. CAP. LI.

Ferri propriè dicimus, Caius inquit, quæ quis corpore suo baiulat. Portari ea, quæ quis iumento secum ducit. Agi ea, quæ animalia sunt. In hoc ipse Caio assentior, nisi quòd Portare est suo etiā corpore, interdum etiā magis quàm ferre. Quis enim

enim neget iumenta portare? quæ quum homines imitantur, & ipsi portare dicuntur. Terentius in Andria:— Mi homo, quid isthuc obsecro est? Quò portas puerum?— Horatius:

—Ne fortè sub ala

Fasciculum portes librorum, ut rusticus agnum.

Et ab hoc composita: Deportauit Verres amicam de prouincia.

Deportauit Pompeius beneficio Ciceronis tertium triumphum.

Multi imperatores uictorem exercitum reportauerunt. quasi reduxerunt. Agere autem non uno modo dicitur, sed de uno tamen non tacebo. Martialis libro primo epigrammaton:

Epig. 47. Semper agis causas, & res agis Attale semper.

Est, non est, quod agas, Attale semper agis.

Si res, & causæ defunt, agis Attale mulas.

Attale (ne quod agas desit) agas animam.

Ep. 13. lib. 9. Calius ad Ciceronem: Hortensius, quum has literas scripsi, animam agebat. id est, expirabat.

In eisdem, de Conuitium, & Maledictum. CAP. LII.

Conuitium apud Vlpianum iniuriam esse Labeo ait. quasi maledictum iniuria non sit. Addit idem Labeo: Conuitium dicitur uel à concitatione, uel à conuentu. hoc est, à collatione uocum. Quum enim in unum complures uoces conferuntur, quasi conuocium est. Sed quod additur à prætorè aduersus bonos mores, non omnem in unum collatam uociferationem prætorè notare, sed eam quæ bonis moribus improbatur, quæq; ad infamiam, & inuidiam alicuius spectat. Et iterum: Conuitium autem non tantum præsentì, uerum absenti quoque fieri posse Labeo scribit. Proinde si quis ad domum tuam uenerit te absente, conuitium esse factum dicitur. Item si ad stationem, uel tabernam uentum sit, probari oportere fecisse conuitium non tantum is uidetur, qui uociferatus est, uerum is quoq; , qui concitauit ad uociferationem alios, uel submisit, qui uociferarentur. Et paulò post: Ex ijs apparet non omne maledictum conuitium esse, sed id

id solum, quod cum uociferatione dictum est. Et siue unus, siue plures dixerint, conuitium est, quod in cœtu dictum est. Quod autem in cœtu nec uociferatione dicitur, conuitium propriè nō dicitur, sed infamandi gratia dicitur. Ex ipsa nominis etymologia argumentum significationis Labeo sumpsit. Sed quum falsa sit etymologia, falsa erit & definitio. Quumq; falsa sit definitio, falsa erit & etymologia. Quis enim Labeoni credat conuitium à concitatione, aut à cōuentu dictum, aut collatione uocis, quasi conuocium, quum sit alia propria magis siue etymologia, siue expositio per compositionem à con, & uitium? uel à conuito, quasi uitandum, & uituperationis causa factum? Habet autem conuitium, ui, nō breuem, ut uitium, sed longam, ut uito. Licet conuito aliud significet, quàm cōuitium, si modò significat idem, quod inuito, nō obstat, quum à suo quoq; simplici, quod est uito, in significatione magis distet, quàm conuitium à suo, siue illud sit uito, siue uitium. Ipsa quoq; conpositio in bonam, & malam rem accipi solet, ut conficio, pro perficio, & pro eo, quod est consauciando trucido. Inde cōfectores ferarum. Conuitium igitur, à uitium, uel potius à uito descendit, ut uitupero: tametsi nō omnino repugnē scribi per c, ut quibusdam placet, non per t. Et hoc quidem de etymologia, quæ si pro Labeone, Vlpianoq; non pro me faceret, tamen definitioni repugnare auderem, nusquam reperiēs apud summos uiros hanc differentiam custoditam inter conuitium, & maledictum. Inter quæ (si qua est) hæc erit, quòd conuitium est maledictum contumeliosum. Quintilianus lib. v i i. Sic autem preparabit actione prima iudicum animos, ut noluisse potius obijcere, quàm non potuisse credatur. Eoq; satius est, omni se antè actæ uitæ abstinere conuitio, quàm leuibus, aut friuolis, aut manifestè falsis reum incessere, quia fides cæteris detrahitur: & qui nihil obijcit, omisisse credi potest maledicta tanquam superuacua: qui uana congerit, confitetur uanum in antè actis

argu

argumentum. Ex his uerbis planè datur intelligi nec uociferatione utique fieri conuitium, nec aliud esse quàm maledictum. Cicero pro Calio : Maledictum autem nihil habet propositi, prater contumeliam: quæ si petulantius iactatur, conuitium: sin facetius, urbanitas nominatur. Illud autè uerbum inuidiam, quo Labeo, siue Vlpianus utitur, quid mirum si Accursius non intelligit? qui in Institutionibus, ubi dicitur, Appellatione autem ligni omnis materia significatur, ex qua ædificia fiunt: sic interpretatur, ut cæmenta, & lapides, immemor à iurisconsultis exponi materiã pro ligno ad ædificia utili: quãquàm & Cato, & Varro, & Columella, & Plinius, qui de agricultura scripsere, aliq; unam etiam arborem, particulamq; illius materiam appellant, & breuiter omne lignum.

In eisdem, quæ sint Versicoloria. CAP. LIII.

Versicoloria apud Iurisconsultos uocantur, quæ natiuum colorem mutauerunt: ut uestes si albe sint, aut nigre, subnigræue, quales ex lana non tincta solent esse colorie, si in alium colorem tinctæ sint, uersicolores nominantur. Ceterum

De Falib. li. 3.

uix in hunc sensum reperimus. Nam Cicero collum columbi, pauonisq; & eius caudam uersicolorem uocat, & nonnulli

Cap. 6.

aquam maris: uel quòd uersat, & mutat colorem subinde, uel potius quòd sit discolor: ut apud Plin. lib. x x x v i. Subit mètèm non fuisse tum autoritatem maculoso marmori, quam fecere è Thaso Cycladum insularum una, æquè & è Lesbò, liuidius hoc

Eod. li. & cap.

paulò, uersicolores quidem maculas habens. Et in eodem: Primum (ut arbitror) uersicolores istas maculas Chiorum lapicidæ

Cap. 16.

dinæ ostenderunt, quòd extrueret muros. Et in eodem: Veluti quòd calculi fiunt, quos quidam abaculos appellant, aliquos etiã plu-

Cap. 13.

ribus modis uersicolores. Et in x v. Ingès postea turba prunorum, uersicolor, nigra, candidas. Hordearia appellata, à comita-

Cap. 1.

tu frugis eius. Et in x x v. Versicoloribus uiperarum maculis. Et

Cap. 8.

in x x viii. Nullum animal pauidius existimatur, & ideo uer-

sicoloris

ficoloris esse demutationis. Per quod apparet collum columbæ, paonisq; & caudam, aquamq; nō ideo uersicolorem dici, quòd uersat colorem, sed quòd diuersum colorē habeat. Alioqui satis habuisset Plinius dicere, Et ideo uersicolor est, nec adiungere demutationis. Neq; uerò uestes ab hac significatione cōmuni excipiendæ sunt, putandæq; solæ ipsæ uersicolores ita demum dici, si lana tincta cōfecta fuerint: ut apud Quintilianum: Dum in his, de quibus erit quæstio, meminimus non Athletarum toros, sed militum lacertos esse, nec uersicolorem illam, qua Demetrius Phalereus dicebatur uti, bene ad forensē puluerem facere. Apud Titum uerò Liuium est, secundo Punico-bello, interdixit fuisse matronis, ne uersicoloribus uestirentur. Quod qualiter accipiendum sit Valerius Maximus lib. i. x. significat, dicens: Quam fœminæ tollere cupiebant, quia in his nec ueste uarij coloris uti, nec auri plus semiuncia habere, nec iuncto uehiculo propius urbem nulle passus, nisi sacrificij gratia uehi permittebatur. Idem Liuius alibi ait: Corpus alteri magnitudinis eximium, uersicolori ueste, pictisq; & auro calatis refulgēs armis. Profecto de uarij coloris ueste locutus est. Et iterum: Tunica auratis militibus uersicolores: argentatis, linteæ candidæ. Nam illud Vergilij: Versicoloribus armis. exponit Servius Aeneid. 101
 uis depictis, per quod bellicosus ostenditur.

In eisdem, de Penes, & Apud. CAP. LIIII.

Penes te, ut Vlpianus ait, amplius est, quàm apud te. Nam apud te est, qualitercunq; à te tenetur. Penes te est, quod quodammodo possidetur. Et ante hunc Festus Pompeius: Apud, Fest. lib. i.
 & penes in hoc differunt, quòd alterum personā cum loco significat: alterū personā, & dominium, ac potestatē: quod tribuitur à penitus. Personā cum loco Festus accepit pro personā & locū: ut, apud Platonē: & apud forū: id est, in Platone, & in foro: quorum utriusq; definitionem probo, illudq; addo, penes dum tantum ad personam refertur, non modò dominium adesse signi

Oedam.9.

significare, uerum etiam laudem, ac uituperationem. De laude, ut Cic. in Bruto: Cuius penes quos laus adhuc fuit, non fuit rationis, ac scientiae. De uituperatione, ut Quintil. in Gladiatore: Vereor, ne illius inexplabilis, & saepe reprehensi odij alij culpa uideatur penes patrem, qui tam facile irascitur. Illud quoque quod crebro usurpamus, fides penes autores sit, & in laudem, & in uituperationem simul accipitur, quasi laus ueritatis, aut uituperatio falsitatis penes autorem sit, ad quem spectat fidem rei, cuius autor est, facere. Ad me certe ista uel laus, uel uituperatio non spectat, qui hoc non affirmo, sed ad alterum autorem relêgo. Quod de laude, & uituperatione dico, idem accipio de commodo, & incommodo: ut Liuius, Vt penes eosdem pericula belli, penes quos praemia essent. Nonnunquam etiam loco serauit, sicut apud Cic. lib. iiii. ad Herê. Ita petulans es, atq; acer, ut ne ad solarium quidem (ut mihi uidetur) sed penes scenam, et in eiusmodi locis exercitatus sis. Penes scenam, id est, apud scenam.

In eosdem, de Patres, Maiores, Posterî, & Minores.

CAP. LV.

Patres, inquit Paulus, usque ad tritauios proprio uocabulo nuncupantur apud Romanos. Vltiores, qui non habent speciale nomen maiores appellantur. Item liberi usq; ad trinepotê: ultra hos, posteriores uocantur. Sed cum uenia Pauli neq; usus in hoc, neq; ratio cõsentit. Omnes enim, qui ante nos fuerunt, utiq; qui liberos reliquerunt, atq; id in nostra ciuitate, maiores dicuntur: qui uerò post nos, posteriores. Cicero in Sallustium: Ego meis maioribus uirtute mea praeluxi, ut si prius noti non fuerint, à me accipiant initium memoriae suae. Tu tuis uita, quam turpiter gessisti, magnas offudisti tenebras, ut etiam si fuerint egregij ciues, certè uenerint in obliuionem. Nunquid Cicero ait se praeluxisse illis tantum, qui supra tritauium fuerunt, Sallustium uerò tenebras offudisse? An potius ut quisque à Cicrone, atq; Sallustio recentissimus erat, ita illi maxime horum

utrunq;

utrunq; uel præluxisse, uel tenebras offudisse? An si quis claris maioribus ortus quæreretur, non multò magis is dicatur, qui patrem, auum, proauum, abauum, atauum, tritauum, claros, cæteros autem obscuros habuit, quàm qui ista econtrario? Hoc ne ipse quidem Paulus negaret. Insuper patres non opinor usq; ad tritauos posse deduci. Quum enim dicimus patrum memoria aliquid factum esse, de proxima ætate semper intelligimus, non de illa etiam sexta. Dixi de maioribus, & patribus. Videamus de posterioribus, siue posteris. Idem Cicero eundem locum sic prosequitur: Quare noli mihi antiquos meos obiectare. Satius enim est, me meis rebus gestis florere, quàm maiorum opinione niti: & ita uiuere, ut ego sim posteris meis nobilitatis initium, & uirtutis exemplum. Ita, opinor, non pertinebat ad filium, non ad nepotem, non ad pronepotem, non ad abnepotem, non ad trinepotem Tulliana nobilitas, & uirtutis imitatio, sed à filio trinepotis inceptura, quia ab eo posteritas Tulliana initium acceptura erat, quum potius tunc esset acceptura occasum. Idē alibi: Nec uerò dubitat agricola (quamuis sit senex) quærenti In Cato. Maic cui serat, respondere, dijs immortalibus, qui me non accipere modò hæc à maioribus uoluerunt, sed etiam posteris prodere. Tacco quòd Caius Caligula uolebat solos posteros filios esse, nec iura concessa posteris ad nepotes peruenire. Sed ne causari Suet. in Cali. cap. 38. queat, non positum exemplum posteriorum, sed posterorum esse, Quintilianus in x i i. Maluit enim uir sapientissimus, quod superesset ex uita sibi perire, quàm quod præterisset: & quando ab hominibus sui temporis parum intelligebatur, posteriorum sese iudicijs reseruauit. Nescio tamen an potius legendum sit posterorum, ut intelligamus, hoc quàm illud nomen esse usitatus, & non modo ad eos, qui ex nobis geniti sunt, sed ad uniuersos qui post nos erunt pertinere. In eundem opinionis errorem incidit Seruius, qui in octauo Aeneidos ait: In illud, Ex illo celebratus hō. nos, lætiq; minores Seruauit re diem, &c. Minores non dicimus, nisi quoties graduum deficit nomen, ut pa-

ter, filius, nepos, pronepos, abnepos, atnepos. Vbi isti gradus defecerunt, merito iam dicimus minores: sicut etiam dicimus maiores post patris, aui, proau, atauiq; uocabulum. De maioribus satis modo disputauimus. Alterius nominis ratio eadem uno exemplo satis probabitur, eoq; (quia cum Seruio expositore Vergilij agimus) Vergiliano ex primo Aencid.

Hunc letum Tyrijsq; diem, Troiaq; profectis.

Esse uelus, nostrosq; huius meminisse minores.

quis non uidet Didonem locuta de parentibus, qui tunc erant, eorumq; filijs, natisq; natorum, & qui nascerentur ab illis, non autem de filijs atnepotum, & deinceps, qui illius dici meminisse non poterant, nisi id à parentibus acceperant?

In eisdem, de Victus, & Penus. CAP. LVI.

Victus uerbo (Vlpianus inquit) continentur quæ esui, potui, cultuiq; corporis, quæq; ad uiuendū homini necessaria sunt. Vestem quoq; uictus habere uicem Labeo ait. Cetera quibus uiuendi, curandiq; corporis nostri gratia utimur, ea appellatione significantur. Ne hoc quidem aut ratio, aut usus probauit. Victus à uiuendo uenit. At uiuere sine uestitu, cultuq; corporis licet, ut in Aethiopia: sine esu, potuq; non licet. Ideoq; semper distincta hæc duo reperimus, & semper addi alterum (de uestitu loquor) quia alterum, quod est uictus, hoc etiam significatum nō complectitur: alioqui nō diceretur uictus, & uestitus. Significat etiam uictus genus uitæ, quantum ad mores, ut quibuscum quis uiuat, & à quibus instituatur, & quibus moribus. At neq; de penu Iuriconsultis assentior, multa quæ ad uictum non pertinent penui cedere uolentibus. Potior apud me breuis
Lib. 2. illa Ciceronis definitio ualebit in libris de Natura deorum: Est enim omne, quo uestuntur homines, penus.

In eisdem, de Pignus, & Hypotheca. CAP. LVII.

Inter pignus, & hypothecam tantum nominis sonus differt. Hæc Martianus. Vlpianus uero: Proprie pignus dicimus, quod

quod ad creditorē transit: hypothecā autē, cum nō trāsit posses-
sio ad creditorē. Ego magis cū Martiano sentio: Iustinianus cū
Vlpiano in Institutionibus, dicens, Nā pignoris appellatiōe eā
propriē rem cōtineri dicimus, quæ simul etiā traditur creditori,
maxime si mobilis sit. At ea quæ sine traditiōe, nuda cōuentione
tenetur, propriē hypothecæ appellatiōe cōtineri dicimus. Sed
nō esse hanc diffcretiā, ex eo argumentū est, quod alterū Latinū,
alterū Græcū, suæ utrunq; deseruiens linguæ. Pignus autem non
tantum creditori datur, sed inter paratos secū decertare mutuū
offertur, & apud sequestrū deponitur. Vergilius in Bucolicis, Ecl. 3.
-Ego hanc uitulam (ne fortē recuses,

Bis uenit ad mulctram, binos alit ubere factus)

Depono: tu dic, mecum quo pignore certas.

Qui tamen sensus rarissimus est. Nam illo figurato crebrius uti-
mur, ut apud eundem:

Ipse pater dextram Anchises haud multa moratus

Aen. 3.

Dat iuueni, atq; animum præsenti pignore firmat.

Quasi dicat, securum fecit, ut qui dat pignus. A priore signifi-
cato dicimus pignero, & oppignero: hoc est, do aliquid arrabo=
ni quā quidam arram appellant. Et repignero, quod est recipio
pignus soluto debito. Propter hæc uerba quidā (quorum est Pri-
scianus) existimant pignus in hunc sensum, & in aliū proximū,
habere genitium pigneris: in illum quo significamus filium, &
per abusione[m] coniunctissimas sanguine personas, habere ge-
nitium pignoris. Vnde enim oppignero, & repignero, in-
quiūt haberemus, nisi pignus pigneris faceret? Nō inepta quidē
ratio, sed quid respondebunt, quod quū habeamus, scēnus scēno-
ris, facit tamē scēnero, & scēneror? Idē Priscianus ait, antiquos Lib. 6.
dixisse etiam scēneris. Nec tamen, ut ei credamus, exemplo pro-
bavit. Quid quod ex frigus frigoris fit refrigero? quid quod ex
tempus temporis fit tempero? ex littus littoris fit oblittero? ex
penus penoris (ut sentio) fit penetro? addita t, quasi ad locum

penoris intro. Tam enim penus, quàm penetro breui prima syllaba est. Aut mihi quidē propria, & uera pignoris significatio esse ea uidetur, unde uerba deriuantur. Nihil enim illi alij significato cum his uerbis: & filij (ut sentio) non alia ratione appellati sunt pignora, nisi quòd pignus quoddam inter coniuges sunt, tum uinculi, ne aliter forte diuortium fieret, tum charitatis. Cuius rei argumentum est, quòd legimus saepe pignora

Cap. 7. filiorū, ut apud Suetoniū in Tyberij uita: Cōmunis filij pigno-

In August. c. 11 ra. Et iterum: Tam marium, quàm fœminarum pignora.

In eisdem, de Ferrumino.

CAP. LVIII.

Ferruminatio, Caius apud Paulum ait, per eandem materiā facit confusionem: plumbatura non efficit. Idē sentire uidetur Pomponius, dicens: Si tuum scyphum alieno plumbo plumbaueris, alieno uē argento ferruminaueris, non dubitatur scyphū tuum esse, & à te rectē uēdicari. Scyphū enim argenteū intellexit. Cum ijs pleriq; nō sentiunt, quorū est Plinius, qui libro decimo ait: Nāq; surculo super bina oua imposito, ac ferruminato alui glutino, subdita ceruice medio, æqua utrinq; libra, deperant aliō. Ferruminato dixit, quasi agglutinato materia illa. Idē

Cap. 37. x i. Et medulla ex eodem uidetur in iuuenta rubens, in senectute albescēs: non nisi cauis hæc osibus, nec cruribus iumentorū, aut canum: quare fracta non ferruminatur. Quasi non glutinatur,

Cap. 7. nec coalescit, & colligatur. Idem x x x i. Carrhis Arabiæ opido, muros, domosq; massis salis faciunt aqua ferruminantes.

Cap. 15. quasi glutinātes. Idē x x x v. Calcis quoq; usum bitumē præ-

Cap. 13. buit, ita ferruminatis Babylonis muris. Idē x x x v i. Ea maxime causa, quòd fulto calcis sine ferrumine suo cāmēta cōponun-

Cap. 16. tur. Quasi dicat glutino. & in eodē: Vitrum sulphuri concoctū ferruminatur in lapides. quasi conglutinatur in formā lapidis.

Cap. 1. Idē x x x v i i. Infestantur plurimis uitijis, scabro ferrumine, maculosa nube, occulta aliqua uomica, præduro, fragiliq; cetro. quasi glutino, & cōmissura, siue iunctura, siue ligatura. Ergo

ferruminatio

ferruminatio non ubiq; per eandē materiam facit confusionem, sed interdū quoque per aliā. Plumbatura per solū plumbū efficit confusiōē, ut ipsum indicat nomē, si hæc cōfusio dicēda est.

In eodē, de Veterator, & Nouitijs. CAP. LIX.

Seruus, ut est apud Venuleium, tam ueterator, quā nouitijs dici potest: sed ueteratorem nō spatio seruiēdi, sed genere, & causa esse æstimandum Cælius ait. Nam quicunq; ex uenaliitio nouitijs emptus, alicui ministerio præpositus sit, statim eum ueteratorū numero esse. Nouitiū autem nō tyrocinio animi, sed conditione seruitutis intelligi: nec ad rem pertinere, Latine sciat loqui, nec ne. Nec ob id ueteratorē esse quòd liberalibus studijs eruditus sit. Apud Vlpianū sic scribitur: Præcipiunt ædiles, ne ueterator pro nouitio ueneat. Et hoc edictum fallacijs uenditorum occurrit. Vbiq; enim curant ædiles, ne emptores à uenditoribus circumueniantur: ut ecce pleriq; solent mancipia, quæ nouitia non sunt, quasi nouitia distrahere, ad hoc scilicet, ut pluris uendant. Præsumptum est enim ea mancipia, quæ rudia sunt, & simpliciora esse, & ad ministeria aptiora, & dociliora, & ad omne ministerium habiliora. Tria uerò mancipia, & ueterana difficile est reformare, & ad suos mores formare. Quia igitur uenaliitij sciunt facile decurri ad nouitijs emptiōnem, idcirco interponunt ueteratores, ut pro nouitijs uendant. Quid tam contrarium, quā hæc due iurisconsultorum sententia? Quid magis absurdum, quā non dico inter eas non iudicasse, sed eas, aut ambas scripsisse, aut contrarias esse non uidisse? Et quantò plura in rebus (ut coniectura ducimur) esse debent, quum in uerbis tot sint, & tam manifestè contraria? Ego ut instituto officio fungar, & inter hos duos sententiam feram, quando alterius definitio à me tolli non potest, potior mihi uidetur Vlpiani opinio, & cum cæteris scriptoribus conuenire. Venaliitij, mangones dicuntur uenaliū hominum. Martial. Lib. 1. epist. 21. Milia pro puero centum me mango poposcit.

In eodẽm, de In annos, Quotannis, ac
similibus. C A P. L X.

Nihil interesse, Pomponius apud Vlpianũ scribit, utrum in annos singulos, uel quotannis, an in singulos menses, uel quot mēſibus, an in singulos dies, uel quot diebus legatur. ipse quoq; huic ſententiæ accedo: proinde etiſi quot anni legẽtur, tot anni idẽ erit dicendum. Corrumpere eſt illud Vlpiane, atq; Pomponi, Latinam linguam, non iuuare. Quis unquam dixit, quot diebus, & non potius quotidie? quis etiam quot mēſibus, & non ſingulis mēſibus? Cur etiã non addimus quot horis, quot noctibus, quot luſtris? Quod ſi quis hoc modo loquatur, intelligemus quidem ex ipſa uerborũ ſerie, quid uelit: tamẽ ut barbarẽ locutum reprehendamus, & ne deinceps ita loquatur, admonẽ binus. Non autẽ formulam alijs loquendi trademus, ut uos faciatis. Iabolenus melius: Vini, inquit, Falerni, quod domi naſcetur, quotãnis, uel in ſingulos annos binos culcos hæres meus Titio dato. Quidã aduerbiũ hinc ducũt, quod eſt annuatim: ut Pl. lib.

Cap. 17.

x i i. dicẽs: Herodoto teſte, q̃ tradit, ſingula milia talẽtũ annuatim thuris pẽſitaſſe Arabes regibus Perſarũ. ſi codex uerus eſt.

In eodẽm, de Turba, & Rixa.

C A P. L X I.

Inter turbã, & rixam, teſtimonio Vlpiani, rectiſſimẽ Labeo ait multũ interesse. Nanq; turbam multitudinis hominũ eſſe perturbationẽ, & cõtũ: Rixam etiam duorũ. Videntur Vlpianus, & Labeo ſentire turbã ſuapte natura ſignificare multitudinẽ: ideoq; turbã in altero ſenſu eſſe perturbationẽ multitudinis. Ego uerò primũ, & naturalem ſenſum eſſe pro perturbatione, quod docet uerbũ ex ea ſignificatione ductũ, turbo, perturbo, diſturbo, deturbo, cõturbo, quæ nequaquã ad ſolam multitudinẽ referũtur. Et turbo turbinis, & homo turbidus, qui eſt iracundus. Contraq; uinum, & multa alia turbida dicũtur. Ipſaq; Græco origo τὴν βίαν approbat hunc eundẽ ſenſum. Ceterũ quia multitudo non ferẽ uacat perturbatione, & ipſam appellamus

turbam

In emendatis
Plinij codici-
bus annua legi-
tur, non annua
tim.

turbam: ut colluuiem, homines uiles, & contemptos, dicimus, & fecem & sentinam: non quòd homines sint sordes, fex, sentina, sed quòd sordidā, & abiectam uitam agant. Terent. in Andria: Act. 2. Scet. 3.
Sed si tu negaris ducere, ibi culpam in te transferet:

Tum ille turbæ fient.

Inter quos hæ turbæ fient? nempe inter Simonem, & Pamphilū, in quē omnis culpa transferetur. Ergo turba erit inter duos. Act. 4. Scet. 4.

At idem in eodē ait: —Dij uostram fidem, Quid turbæ est apud forum? quid illic hominum litigat? Ego non nego aliquando turbam inter multos, quemadmodum rixam non semper inter duos, cuius multa exempla sunt, sed etiam inter plures: ut apud Liuium, Eo anno Romæ quum per ludos à Sabinorum iuuentute per lasciuiam scorta raperentur, concursu hominum rixa, ac propè prælium fuit. Et non longè post: Quum conuersus in patres impetus esset, consulum interkursu rixa sedata est. Sed Terentius fortasse ideo adiecit, quid hominum illic litigat? quia per uerbum turbæ non satis significatum erat perturbationem esse multorum: quanquam & illud turbæ non minus pro multitudine hominū accipi potest, quàm pro perturbatione: quū præsertim de perturbatione adijciat, quid illic hominum litigat? Sed de uno loco nō attinet disputare, ubi infinita suppeditant. Dixi à turba fieri turbo, cuius genitiuū grammatici quidam uolunt esse pro ludicro illo instrumento, turbonis, quod uel ex hoc falsum esse, documentum est, quòd formam acumine fastigiato uocamus turbinatam, ad similitudinem ligni illius. Falluntur igitur grāmatici in turbo turbonis, quomodo in cardo cardonis, quod nec ipsum inuenitur.

In eodē, de Exautoro.

CAP. LXII.

Ignominiosa autem missio (si Iuliano credimus) toties est, quoties is qui mittit, adijcit nominatim ignominie se causa mittere. semper enim debet imperator addere, cur miles mittatur. Sed si eum exautoraucrit, inter infames efficit, licet non addi-

diffet ignominiae causa cum exautorasse. Pace tamen Iuliani, ex-
 autorare, est ducem ab imperio suo dimittere, uel missum militē
 Dedam. 3. facere, illumq; donare missione militie plerunq;: ut apud Quin-
 tilianū in Milite Mariano, Pater huic emeritis bello stipendijs,
 tum, cum tota subnixum Numidia freginus Iugurtham, exau-
 toratus armis manus, agresti labori subegit. Titus Liuius ab ur-
 be condita lib. x x x v. Volonum quoq; exercitus, qui uiuo
 Graccho summa fide stipēdia fecerat, uelut exautoratus morte
 ducis à signis discessit. Et in x x i x. Vbi hoc modo exautoratū
 equitē cū gratia Imperatoris uiderūt, se quisq; excusare, & ui-
 cariū accipere. Et in L x i i. Vbi is uenisset, omnes milites ex-
 autorati domum dimitterentur, prāter quinq; milia sociū his,
 quos obtineri circa Ariminum prouinciam satis esse. Idem lib.
 x x x v. Postero die cōcione aduocata de rebus a se gestis, &
 de iniuria Tribuni bcilo alieno se illigātis, ut suae uictoriae fru-
 ctu se fraudaret, quum deseruisset milites, exautoratos dimisit.

In eodē, de Depectus.

CAP. LXIII.

DEpectus (si Vlpiano credimus) dicitur turpiter pactus. Mi-
 hi autē pro simplici potius accipi uidetur id, quod in mul-
 tis fit, ut, demuror, deambulo, desumo, demonstro, deosculor, de-
 pingo, deposco, deuoto, degusto, demoror, deprecor, demulceo.
 Quod si quando reperiatur pro turpiter pactus (quod non me-
 mini legisse me) id fit nō magis ui prae-positionis, qua hoc uerbū
 cōponitur, quā ui ipsius uerbi, quod citra compositionem nō-
 nunquam turpem pactionē significat. Cic. in Paradoxis: Si quo-
 tidie fraudas, decipis, poscis, pacisceris, auferis, eripis, si socios
 spoliās, arariū expilas, si testamēta amicorū expectas, ac ne ex-
 pectas quidē, atq; ipse supponis: haec utrū abūdantis, an egētis
 signa sunt? Exemplū uerō, quod depectus nō significat turpiter
 pactus, sed tantum pactus, apud Teren. in Phormione: Ita me dii
 bene amēt, ut mihi liceat tandiu, quod amo, frui, Iam depecisci
 morte cupio. — Tale est hoc Terentianū, quale est illud Vergilij,

AA. 1. scilicet

Vi

-Vitamq; uolunt pro laude pacisci.

Illud quoq; apud M. Tullium, secundo Rhetoricorum: Quidam cum circumfunderetur, neq; effugere ullo modo posset, depectus est cum hostibus, ut arma, & impedimenta relinqueret, milites educeret. Itaq; fecit: armis, & impedimentis amissis, præter spem milites conseruauit. Non est accipiendū pro turpiter pactus ab auctore esse positū. Quippe qui causam narrat, de qua controuersia est, an ille turpiter pactus sit: non autem factum hominis damnat: & aliquoties factum hoc, paulò post pactiōem uocat. Et in libris ad Herennium hanc eandem rem gestam ita exponit: ut quod erat sui officij neq; accuset, neq; excuset, sed tantummodo pactum inter Pompilium, & Gallos ita fuisse significet: hancq; controuersia ab accusatore, atq; ab reo declamadam proponat.

In eisdem, de Gemma, & Lapillus. CAP. LXIII.

GEMMAS, lapillosq; Vlpianus sic distinguit, dicens: Gemmae sunt perlucide materiae: quas (ut refert Sabinus ad Vitellium) Seruius à lapillis sic distinguebat, eò quòd gemmae essent perlucide materiae, ueluti Smaragdi, Chrysoliti, Amethysti: lapilli contrariae superioribus natura, ut Absiani, Neuētani. Margaritas autem nec gemmis, nec lapillis contineri satis constituisse idem Sabinus ait: quia concha apud rubrum mare & crescit, & coalescit. Murrhina autem uasa in gemmis non esse Cassius scribit. Hoc falsum esse, pace horum quatuor Iuriconsultorum, cum omnes auctores probant, quorū titulum Plinius de gemmis non translucētibus fecit, & murrhina in gemmis numerat, & omnes lapides preciosos, præter Margaritam (cui unio nomen, quod tantum lingua Latina habet) gemmas appellat: tum ipsa ratio. Nam quis non uidet, lapillus, quod generale nomen est omnium paruorum lapidū, sed subintellectione pretiosus, idem esse quod gemmula? Nam gemmas etiam accipimus multorum cubitorum inueniri: quas ut uerè lapides, non lapillos appellare possumus, ita quum minutæ fuerint, lapillos appellare debemus. Quòd si

Lib. 37.

Plin. li. 9. c. 35.

lapides tam grandes translucidi non fuerint, siue perlucidi, quales sunt imperfecti, nunquid uocabimus eos lapillos? Quid hoc magis ridiculum? Quod si etiam omnis lapis perlucidus gemma est, etiam Parium marmor, quod in modum uitri translucidum est, gemma erit. Postremo reperimus eiusdem coloris lapides quosdam permixtim constare ex perlucidis, & non perlucidis, & ita permixtos natura, ut non possis partem appellare gemmam, partem lapillum. Curtius libro octauo quum dixisset, Gemmas, margaritasq; mare littoribus infundit: paulò post de eisdem Indis ait: Lapilli ex auribus pendentes. profectò perlucidi intelligendi sunt. Et iterum libro decimo de rege Indo: Pendebant ex auribus insignes candore, ac magnitudine lapilli. Margaritam uerò, siue Margaritum quis negare lapillum possit, qui semper est pusillus lapis? Ego quidē candidos illos lapillos ex India regis auribus pedētes, Margaritas interpretor. Horatius, quū inquit: Nec magis huic inter niueos, uiridesq; lapillos: de Margaritis, & Smaragdis intelligit. Margaritā autem, sicut lapillis forsitan nego, ita gemmis fateor contineri, quod ferè omnes concedunt. Seruius tamen grammaticus, quasi multi aliter sentiant, inquit: Sanè multi separant gemmam à margarita, ut Cicero: Nego ullam gemmam, aut margaritam fuisse, &c. Et gemmas uolunt dici diuersi coloris, margaritas uerò albas: uel gemmas integras, margaritas pertusas. Hæc Seruij opinio ab omnibus, & ab ipsa ueritate dissentit. Est enim margarita, quæ in concha nascitur, unde conchyliū dicitur, quam uulgò perlam appellant. Hæc etiam uocatur unio (ut idem Plinius ait) quia nunquam nisi distincta reperiatur, estq; generis masculini. Nam foeminini illud, quo nunc quidā pro unanimitate utūtur, nec auctoritate nititur (nescio enim apud quē reperiatur) nec arte, quū deberet esse masculini potius generis, ut talio, stellio, curgulio.

FINIS LIBRI VI. ELEGAN-

TIARVM VALLAE.

Baty. 1. lib. 1.
Ser.

Ser. in illud
1. Aen. Colloq;
monile Bacca-
tum, & dupli-
cē gemmis, au-
roq; coronam.
In Verr. act. 6.
Plin. li. 9. c. 35.
unionem dictū
ait. quod nulli
duo reperian-
tur indidcreti.

L A V R E N T I I V A L

L A E A D I O A N N E M T O R

telliū Aretinū, cubiculariū Apostolicū,

De reciprocatione Sui & Suus,

libellus plurimū

utilis.



INGVLARIS tua, Ioannes Tortelli, tum erga me beneuolentia, tum de meis, quantumcunque sunt, literis opinio, ijsq; præcipue quæ ad eloquentiam spectant, facit ut quicquid de elegantia linguæ Latinæ, qui primus ad eloquentiam gradus est, adnoto, id omne ad te potissimum scribam. Cum præsertim nihil eius generis tam exiguum proficiatur à me, quod non tuo, nescio iudicio dicam, an amor, magnum esse uideatur. Non repudiabis igitur hoc tanquam exiguum, quod de pronomine Sui cum eius deriuatiuo adnotui, uelut appendicem quæstionis illius, ubi quæ sunt huic cum genitiuis primæ & secundæ personæ communia (quemadmodum scis) differuimus. Nam illic, quæ trium omnium, hic uerò quæ unius tantum propria sunt explicantur, eatenus prorsus, quatenus pertinet ad reciprocationem. Hui, dicet aliquis, perexigua, perexilisq; materia, nec satis scribi digna. Isti ego (uitandus est enim in principio maxime contemptus operis) affirmo, non talem sibi introgresso eam uisum iri, sed magnam, profundam, sinuosam, similemque Labyrintho cuidam, etiam si Minotaurus non inesset: ut uerè liceat Vergiliano uersu dicere,

Aeneid. 6.

Hic labor ille domus, & inextricabilis error.

Vbi utinam non pleriq; falleremur, non modò plebei, sed etiam principes in dicendo, ac Thæseo pares, qui filo illo Ariadnes, aut non utimur, aut abutimur. Neque de nostra tantum memoria, uerum de aliquot iam proxinis seculis loquor, in quibus uix quispiam

quissiam uitio hoc non laborauit, uel utendi isto pronomine, quum non oportet, uel non utendi, quum oportet. At quàm usitato, quàm necessario, quantæ etiam dignitatis uocabulo? Etenim (ut supersedeam de genere hoc toto dicere) quantum grammaticis, dialecticis, philosophis, utiq; in ijs, quæ metaphysica uocant, quantum theologis, iurisperitis, oratoribus, quatum deniq; omnibus sermone utëtibus conducit rerum, uerborumq; interpretatio, quod proprium est eloquentiæ? Certè hoc, cuius uim, iusq; interpretamur, tanti faciendum est inter cetera uocabula, quanti Pluton inter reliqua numina trium maximorum deorum & unus, & frater tertius. Rides uicissim comparationis hyperbolen. Tu uero uel per me licet rideas, tecum etiam risum, quum (ut inquit Horatius) ridetem dicere uerum Nil uetat. Rideas inquam, non derideas. Nam & propius ad ueritatē accedet mea superlatio ridicula, quàm tua cum detractiōe derisio. Nec nihil bella, nec inconcinna, nec inepta sanè comparatio erit. Siquidem quemadmodum tres filij Saturni (si uetustati credimus) omnia inter se diuisere: ut Iupiter cælum, Neptunus maria, Pluton inferos sortiretur: ita tria pronomina & inter se germana, & inter ceteras uoces primaria, tum omnem personarum numerum complectuntur (Ego simile Ioui, cuius prima est dignitas: Tu simile Neptuno, cuius secūda: Sui simile Plutoni, cuius tertia) tum omnia deriuatiua per totidem casus singula sibi uen dicant. Nam quid est, quod non meum, aut tuum, aut suum dici queat? & licet sui non contineat tertiam omnino personam, tamen illius ueluti fons est, perq; ipsum ea tota nuncupatur, ditius nimirum ac locupletius utroq; aliorum: quoniam plures uoces possidet tertia persona, quàm reliquæ. Et hinc quoq; Plutoni cōparandum, qui Dis à diuitijs, & eadem causa Græcè Pluton appellatur. Et cō quidem magis, quòd sicut Pluton defectum lucis sentit, eiusq; imperium omne ex alieno pēdet orbe, quòd hinc illuc animæ descendunt, sine quibus non existeret illius regnum:

ita

Lib. Sermon. 1.
Saty. 1.

ita Sui, & defectum nominatiui habet, & nisi regimē eius aliunde pendeat, nequit subsistere: & (quod ad rem maxime facit) quēadmodum Plutone præsīde bene, maleq; factorū iudicia exerceantur, sic in usu dictionis, huius bene, maleq; loquentes præcipuē iudicantur: ut qui ex hoc iudicio absoluti discesserint, ij optimo iure tanquam ad Elysium eant, cumq; Vergiliano Anchisa dicant:

Quisq; suos patimur manes: exinde per amplum

Aeneid. 6.

Mittimur Elysium, & pauci læta arua tenemus.

Quare si pronomen istud tanto Deo comparari potest, cur eius tractatio perexigua, perq; exilis existimetur? Libuit iocari Ioannes, dum nostram materiam (munus uidelicet in te meum) non esse tantopere contemnendam ostendere uoluimus. Sed id ipsa tractatio planum faciet, meq; non modò potuisse illam Labyrintho cōparare, sed fortassis etiam intus Minotaurum, id est, desperationem habentē. De cuius natura, & usu cum alij ueteres grammatici nonnulla, tum Priscianus (cui inter cæteros frē tribuitur palma) permulta præcipit, & haud scio an ulla de re diligentius, ut mirer sic lapsam loquendi consuetudinem defluxisse de uia. Nos huiusmodi erroris causas (ut aberrantes reducamus in uia) quoad facultas feret, diligentius tradere conabimur.

In quo distent Sui, & Suus inter nos, &
Græcos. CAP. I.



PRINCIPIO (quoniam Priscianus pleraque ad Græcam figuram reuocat, & hoc in primis pronomen de quo agimus) indicandum est multa esse cum alibi, tum uerò hīc inter nos Græcosq; dissimilia. Primum apud illos sui, id est, οὗ, οἷ, εἰ, σφῆς, σφῆρ, σφᾶς, σφῶρ, σφῖσι, σφᾶς, non sanè frequentī in usu: & suus, id est, ἰδς, τοῦ σφῆτος, in minus frequentī esse, apud nos uerò frequentissima, & quàm usitatissima.

Itemq;

Itemq; pro his duobus apud eosdem aliud pronomen, id est, αὐτό, αὐτός, αὐτός, usurpari: quod propriè est ipsius ipsi ipsum ipso: uel ex utroq; compositum, αὐτοῦ, &c. Et licet nonnihil differant, tamen crebrò illud pro hoc poni, ut uix scias, quid inter ipsa intersit. Neq; me fugit ad signandam differentiam illud aspirare solere, quum pro hoc ponitur: sed nescio an omnes id scriptores obseruarint. Certè nec omnes editiones seruatum habent, & quæ habent, uix ubiq;: & si ubiq; haberent, non tamen in totum linguæ Latinæ responderet. Præterea hoc ipsum compositum primæ, secundæq; personæ accommodari, non solum tertie, ut πρὸς Χρῆστον αὐτοῦ, apud nos (si uerbum sit è uerbo) absurdissimum, attendite nobis sibi, siue nobis sibiipsis: cum tantundem significet nobisipsis. Postremò apud Homerum, & si qui sunt alij, sexcentis in locis reperiri αὐτός, hoc est, sui, sibi, se: pro eius, ei, eum, eo: siue pro illius, illi, illum, illo: cuius autoritatem imitatum nostrum inuenio neminem. Ita & suam naturam interdum deserit hoc pronomen, & in locum suum aliud succedere patitur. Quod nobis adeò denegatum est, ut sicuti mei & meus, tui & tuus: ita sui & suus nequeant alterum pro altero poni, quum non Latina sit, sed barbara oratio, ego amo amicum mei, uel tui, hic amat filium sui, pro meum, tuum, suum: & hic me credit omnia facere amore meo, odio tuo, inuidia sua, pro mei, tui, sui, quæ apud Græcos non est differentia. Si quidem (ut alibi probauimus) sui, ut mei, tui, nostri, & uestri, passiue semper accipitur: Suus uerò, ut meus, tuus, nostrum, uestrum, noster, uester, possessiue, uel actiue: quod Priscianum ignorasse ob Græcam forsitan imitationem quam mirum, tam uerum est. Quum ergo tot sint quibus à Græca nostra dissentit oratio, non quid illi dixerint est intuendum, ne in eundem in quem nōnulli (sicut ostendam) errorem incidamus: sed quid nostri, quorum autoritatem imitamur.

Non

Non esse tria genera constructionis prædictorum
pronominum, sed reciprocationem

sufficere. C A P . I I .

HAec præfatus, ad rem ipsam uenio, cuius Priscianus tria ge-
nera facit. Vnum, quod uocat reciprocum, quum pronom-
en in seipsum reflectitur: ut, Cato amat se. Alterum quod uo-
cat transitionem, quum per deriuatiuum eius loquimur: ut, Ca-
to amat suum filium, siue Catonem amat suus filius. Tertium,
quod uocat retransitionem, quum accedit alterum uerbum: uel
in primitiuo, sic: Cato precatur me, ut sui miserear: Vcl in deri-
uatiuo, sic: Cato precatur me, ut sui filij miserear. Sed optimum
fuerit eius ad literam subijcere uerba, eaq; aliquantò longius
repetita (quoniam non in unius tantum quæstionis usum repe-
tentur) quæ hæc sunt:

Posseßiua uerò modis construuntur tribus, quum uerba uel à
posseßore in posseßionem, uel à posseßione in posseßorem, uel
extrinsecus transferuntur. A' posseßore in posseßionē: ut, doceo
meum filium, doces tuum discipulum, docet ille suum auditorem.
A' posseßione uerò in posseßorem: ut paret mihi meus filius, pa-
ret tibi tuus cliens, paret illi suus seruus. Extrinsecus: ut doces
tu, uel ille meum filium, doceo ego, uel ille tuum filium, doceo
ego, uel tu suum, uel illius filium. Sed melius hoc per transitio-
nem: ut, rogat ille me, ut doceam suum filium. Quum enim suum
sit relatiuum, exigit, ut prius cognoscatur persona posseßoris
sui, ad quam referatur. Et sciendū quòd omnia posseßiua, posseß-
oris quidem personam secundū primitiuū significant. Posseßio
uerò ipsa tertiæ est personæ, ut meus, tuus, suus, quomodo & no-
mina quibus iunguntur: ut, meus pater, tuus filius: excepto uoca-
tiuo, qui solus in primæ personæ posseßiuis inuenitur, quum se-
cundæ copulatur personæ: ut, mi pater, ò mea Tullia, ò noster
Chremes. Omnia tamen posseßiua in genitiuos primitiuorum,
non solum nominibus, sed etiam uerbis transitiuis sociata, pos-
sunt

sunt resolui: ut, amicum meum moneo, pro amicū mei: & Euandrium filium Turnus interfecit, pro Euandri filium: & Daunius filius ab Aenea uictus est, pro Dauni filius. Hoc autem interest inter possessiuum pronomen, ut meus, tuus, suus, & primum mei, tui, sui, quod uoce possessiui genus, & casus, & numerus ipsius possessionis ostenditur, & substantiua quidē uerba possessiuis cōiuncta ad possessores referuntur: ut, tuus sum filius, & meus pater es, & suus est illius seruus. Et aliquantō posteriorius. Nos uerō primitiuis quidem, id est, sui, sibi, se, à se, uel per reciprocationem: ut, sui potitur, sibi indulget: uel per retransitionem utimur: ut, hortatur me ille, ut sui potiar: rogat te ille, ut sibi indulgeas. Possessiuis uerō quum in ea possessiuorum fiat transitio: ut, sui serui miseretur, & suo seruo prodest, & suum seruum diligit. Nec aliter tamen potest supradictum possessiuum tertiæ personæ construi cum alijs extrinsecus personis, nisi per transitionem (quomodo & primum eius) id est, nisi prius à possessore eius proficiscatur in aliam uerbi personam: & sic ab illa rursus ad possessionē tertiæ, sicut & ad se: ut, rogat me ille, ut suus seruus ministret mihi uel tibi: precatur me ut sui patris miseremur: petit te ut suo prosis filio: obsecrat Cicero Varronem, ut suum erudiat gnatum. Et notandum quod quum à tertia in tertiam fit transitio personam, in dubium uenit, possessio ad quam pertineat earum: ut, rogat iste illum ne suo noceat filio, ambiguum, cuius filio suo, istius, an illius: id est, an rogantis, an eius qui rogatur: quomodo & apud Græcos, ποταλὴ Πλάτωνος Ἀριστοῦ ἢ τῆς τῶν ἱερῶν τοῦ φίλου παιδείας. dubium fit utrum Platonis, an Aristotelis suum. Hec ille. Non uideo, quid opus fuerit hac diuisione, quum & alia genera, & aliæ species esse possint, ut posterius apparebit, neq; hæc ipsa satis inter se distincta sint. Quæ enim species hæc erit? Cato cupit me amicum sibi, uel suū: optat te coli à se, & à suis: ait domū tuam se autore exstructā, siue sua pecunia: relinqū Reipub. testimoniū meæ in se uoluntatis:

voluntatis: rex est domi suæ letus sua gloria: sua quæque delectant: terra per se stat: & alia plura: ut fortasse sicut expeditius, ita satius fuerit hæc omnia appellare reciprocationē, quod pro-
 pmodum Priscianus ipse confitetur, quum longè post inquit: Non aliter tamē hoc fit, nisi prius à tertia persona uerbum aliquod (ut diximus) proficiscatur ad aliam extrinsecus personā, & sic ab illa per retrā sitionem ad eam reciprocetur aliud uerbum: ut, rogat me ille ut ad se ueniā: petit te, ut sibi des: hortatur milites imperator, ut se largo potiātur. Quapropter hoc tāquā generali uocabulo (si modo ausim dicere) solo uti possumus.

Vnde dicta sit Reciprocatio.

CAP. III.

QUOD ex eo dictum est, quòd sicut reciprocatur spiritus, quum recipitur, & unda uicissim alluens littus, & Euripus ad pristinum subinde cursum rediēs reciprocus est: ita hæc pronomina alterum primitiuum, alterum deriuatiuum ad id unde prodierant, reuocantur. Quod Græci ἰστρονίκος & ἰστρονικάειρα uocant. Priscianusq; interpretatur sui passum, & sui passionem, tum durè, tum minus aptè: quia sui (ut diximus) tantūmodo passiue accipitur. Satis autem erat reciprocum, & reciprocationem dixisse.

Quomodo solœcismus admittatur in Sui, &

Suus. CAP. IIII.

ET hac quidem quomodo sit utendum, ex superioribus liquet. Quonam autem modo aliqui abutantur, Priscianus ostendit, inquiens: Tertiæ uerò personæ possessiuum sine uoce altera significante possessorem suum, non potest adiungi alij personæ per se. Si dicam, seruus suus ministrat mihi uel tibi, solœcismum facio. Propemodum ipse præceptor hoc pronominis abusus est. Ego dixissem ipsius, ut referatur ad possessiuum, potius quàm suus, quod referri uidetur ad uocem alteram, quod ille non sentit. De quo latius postea. Sed cur de primitiui solœcismo omisit exempla? quæ res multum faciebat ad hoc ui-

G tium

tium deuitandum: ut, ego dixi sibi, non est sibi curæ Respublica, tu fuisti secum: pro eo quod est, ego dixi ei, non est ei curæ Respublica, tu fuisti cum eo. An quod temporibus eius in hoc nunquam, aut uix unquā peccabatur? Quippe cum hac quoque tempestate minus in sui peccetur quam in suis. Sicut enim datiuo & ablatiuo postposita præpositione cum, prout exemplis docui, & nonnunquam forsitan genitiuo: ut, feci amore sui, uulgus utitur: ita nō utitur accusatiuo, ablatiuoque. Quis enim è uulgo sic loquitur? uidi se: pergo ad se: indigeo se: redeo ad se: profecto (quod sciam) nullus: ut si rectè ratiocinamur, minor sit eius pars, in qua peccatur, utpote non planè per duos casus: at uerò in suis per omnes. per nominatiuū, quale fuit Prisciani exemplum. & in apposito: ut, hoc est opus suum. per obliquos: ut, ego sum amicus patris sui: tu non places filio suo: legisti librum suum: pone hoc ad pedes suos: libris suis fruor: in hortis suis cœnaui: pro eius, siue ipsius, siue illius: quæ dici non Latine, si qua ratio est, reddi ista potest: In primitiuo quidem (quod quum inter hunc modum loquēdi quem reformidant, & illum quo utuntur, nihil intersit) palam est eos (semper enim falsitas se ipsa cōuincit) sua confessione peccare, ut nuper quædam literarum Græcarum ignarum, quem, quod negaret propter loquendi consuetudinem dicendum esse Aristoteles, ita sum percontatus, nonne Aristotelicus omnes dicunt? Quumque ille respondisset, etiam: ergo, inquam, etiam uestro testimonio dici debet Aristoteles, non Aristotiles, ut fieri possit Aristotelicus. In deriuatiuo autem quod cōsequens est, quum hoc sit eiusdem naturæ, quod illi tanquam genitori, uel domino, uel duci non licet, id huic uel filio, uel seruo, uel militi non licere.

Prima causa, cur Sui, & Suus abutamur pro Eius,
uel Ipsius, uel Illius. CAP. V.

Verū hīc quīssimam, neque hac mea ratione contentus, neque Prisciano satis fidei habens, aget nobiscum autoritatibus,
oppo

opponetq; Vergilianum illud:

Tum breuiter Barcen nutricem affata Sichæi,

Namq; suam patria antiqua cinis ater habebat.

Quod haud dubiè illi simile est, Seruus suus ministrat mihi: siue, seruū suum uidi, & cætera quæ protuli paulò antè per omnes casus exempla. Vbi, etsi abest ad quod referatur suus, id tamen subauditur: nemo enim dicit suus, nisi de eo, cuius habita sit mētio: ut si roganti, ubi est Titus? respondeas, nescio, seruus suus est hic, uel seruū suum uidi. In quo si solæcismus est, & in uersu Vergiliano sit necesse est. Sin in hoc non erit, falsò ait Priscianus in illo esse. Quid igitur ad hoc dicemus? Si Vergilium damnamus, tantū uirum, & poëtarum Latinorum longè principem, quis ferat? & non eius autoritatem qualibet ratione potiore existimet? Sin Priscianum, iam omnis huius rei ars subuerteretur, nullamq; aut superuacuā maximorum autorū fuisse dicamus obseruationem oportet. Ego etsi uideo Priscianum (si modò animaduertit) hoc dissimulasse, tamen ipse non dissimulabo, aut iam non dissimulaui potius: quippe qui superioribus exemplis simile esse confessus sum. Sed uel poëticam licentiam excusandam reor, uel operis imperfectionem. Etenim credere libet Vergilium, quum talem quendam uersum faceret,

Namq; suam patria liquerat tellure sepultam,

impeditum prima syllaba uerbi longa, mutasse formam dicēdi:

atq; ita in solæcismum (si dictu fas est) incidisse. An non illud

huic ex superiore libro, etsi non persimile, tamen non dissimile

prorsus est? Viuite felices, quibus est fortuna peracta Iam sua. Aeneid. 3.

Pro uestra, positum est sua. Quod si quis dicat positum esse pro

propria, recteq; hoc dici: ut id rectè diceretur, Viuite felices,

quibus est fortuna peracta Iam propria, hic nihil dicit, quum

suum etiam pro proprio acceptum naturam tertiæ personæ nō

mutet, nemoq; sic loquatur: est mihi, aut est tibi suus scri-

bendi mos, quum tamen dicamus, est mihi, aut est tibi pro-

prius scribendi mos. Nam in illo huius eiusdem poëte uersus:
 Aeneid. 6. Quisq; suos patimur manes : non refertur id suos ad primam
 personam, quia sic resoluenda est oratio : nos patimur manes,
 sed quisq; nostrum suos. Eiusmodi passim reperiuntur exem-
 pla: ut, quum in bibliotheca nos ad suum quisq; studium libros
 euolueremus. Non est autem huic Vergiliano, de quo disputa-
 mus, Ouidianum illud simile: Respice Laërten, ut iam sua lumi-
 na condas: Vbi nonnihil rationis est, quòd utrunq; uerbum ei-
 dem supposito seruit. Hæc igitur Vergilij autoritas (et si qua
 sunt eiusmodi apud alios loca, quorum nonnulla posterius at-
 tingam) prima extitit causa (ut iam causas enumerare inci-
 piam) uulgaris erroris.

Secunda eiusdem causa.

CAP. VI.

Altera, quòd nonnullis in locis siue hominum, siue tempo-
 rum culpa, libri corrupti sunt: ut apud Ciceronem in Salu-
 lustium, Quòd si istius uita memoriam uicerit, aliam Patres
 Conscripti, non ex oratione, sed ex moribus suis spectare de-
 betis. Quem locum (nisi emendetur) non confido me exposi-
 turum. At qui se exponere posse confidunt, ut in tota sententia,
 sic in uerbo suis, quid ratio poscat, non respiciunt. Nec solum
 communis est huiusmodi menda librorum, sed etiam priuata in
 suis cuiusq; codicibus. Nec aliunde factum est, ut q; encliticam
 quidam præponant (quorum sunt Ebrardus et Alexander)
 nisi quòd Vergilium male legunt: ut in illo uersu,

Aeneid. 7. Se satis ambobus Teucrisq; uenire Latinis. pro Latinisq;.

Tertia causa.

CAP. VII.

Atq; hæc quidem causæ citra nostram forsitan culpam sunt.
 Atotidem autem quæ sequuntur nobis utiq; assignandæ sunt,
 nonnihil ex duabus superioribus alimenti sumētes. Prior, quādo
 nō præuidemus quò refratur hoc pronomen, quadam ambi-
 guitate decepti: ut apud Vergilium,
 En Priamus, sunt hic etiam sua præmia laudi.

Aeneid. 1.

Et apud Quintilianum: Itaq; accedam in plerisque Ciceroni, atq; in ijs ero, quæ indubitata sunt, breuior, in quibusdam paulum fortasse dissentiam. Nam cum etiam iudicium meum ostendero, suum tamen legentibus relinquam. quasi id suum de Cicero dicatur, non de legentibus. Et alibi, dum idem autor cur Ciceronis exemplum contraxerit, inquit: Quæ quia erant longiora, non suis uerbis exposui. suis acciperent pleriq; pro Ciceronis, quum sit accipiendum eo modo quo illud: Exponam alterationem nostram suo ordine, ac suis uerbis. Idem quoq; in primitiuo cõtigit, ut apud eundem: Nam et de filio nihil aliud perdidit misera, nisi dies: nec iam timebat, ne ille, quo fruebatur, mori posset: plangentibus, lacrymisq; (penè improbè dixerim) parcius utebatur, nec sibi permittebat dolor lugere ueniẽtem. Nam id sibi ad dolorem refertur, non ad matrem. Per multa sunt huius generis exempla, in quibus errandi ambiguitas est causa, ex quadam rei similitudine nobis labantibus: ut quia illud bene dicitur, Adolescens assiduè à me increpatur, obiurgatur, castigatur, hoc suis non placet: uideatur et hoc bene dici, Adolescentem assiduè increpo, obiurgo, castigo, quod suis non placet: quod ipsarum statim iudicio aurium probabile est: hoc autem secus, et pèrinde est ac si dicas, me increpare adolescentem assiduè, obiurgare, castigare suis non placet: nisi quis uelit uerba hæc actiua passiue resolui posse, et huius generis locum illum esse Ciceronis: Qui autem annus ei primus ab honorum perfunctione aditum omnium consensu ad summam auctoritatem dabat, is eius omnem spem, ac omnia uitæ consilia morte peruertit. Fuit hoc luctuosum suis, acerbum patriæ, graue bonis omnibus. Illud transeo, quod in neminem nisi stultum cadat, ut hoc nõ intelligat, quale est apud Quintilianum: Tu prima docuisti sibi non parcere, potius quàm plus flere: ubi subauditur, illum, ut sit, Tu prima docuisti illum sibi non parcere, seu suis.

Quarta causa.

CAP. VIII.

Posterior (quæ eadem quarta est) causa, quòd uidemus in-
 differens esse, an quis dicat, omnes optant, quod sibi utile
 est, uel quod ipsis utile est. Ille repetit quod suum, siue quod
 ipsius est. Quisq; uult, quod sibi, uel quod ei, siue ipsi expedit,
 prodest, conducit, placet. Idq; apud summos quosq; scriptores.
 Cicero pro Marcello: Multi dubitabant, quid optimum esset,
 multi quid sibi expediret. Idem pro Ligario: Legatus in pace
 profectus, in prouincia pacatissima ita se gessit, ut ei pacem esse
 expediret. Idem in Philippicis: Dicit enim si quis eorum, qui
 prius se rogati essent, grauiorem sententiam dixisset, in eam se

Declam. 3. iturum. Quintilianus in Milite Mariano: Neque ignorauit,
 quæ manerent eum pericula. Dixi de is, dicam de ipse, addamq;
 de ille. Cicero pro Rabirio: Nec enim cuiquam eius consilium,
 uehementius, quàm ipsi displicet. Et in Officiorum tertio: Vas
 factus est alter, ut si ille non reuertisset, moriendum esset ipsi.
 Et in Offic. primo: Homo qui erranti comiti monstrat uia, quasi
 de suo lumine lumen accendat, facit, ut nihilominus ipsi luceat,
 quum illi accenderit. Idem pro Marcello: Est uerò fortunatus
 ille, cuius ex salute non minor penè ad omnes, quàm ad illum
 uetura sit, letitia peruenerit.

Declam. 1. Quintilianus in Pariete palmato:
 Quapropter nō petit, ut illum miserū putetis, nisi & innocens

Declam. 3. fuerit. Et in Milite Mariano: Affirmo tibi C. Mari, non sic nu-
 per repugnasset, si illum tribunus uoluisset occidere. Adijciam
 unum de libris ecclesiasticis exēplum, de quibus postea locutu-
 rus sum: Iusiurādum quod iurauit ad Abraham patrē nostrū da-
 turum se nobis: Ut sine timore de manu inimicorū nostrorum
 liberati, seruiamus illi, In sanctitate & iustitia coram ipso. Ali-
 quādo uidere licet, ubi desideres eū, ibi esse se, & rursus ubi se,
 ibi eum. Cicero pro Ligario: Atq; hæc propterea de me dixi, ut
 mihi Tubero, quū de se eadē dicerē, ignosceret. Et per amphibo-
 liā libro Officiorū primo: Nam negligere quid de se quisq; sen-
 tiat,

tiat, nō solum arrogātis est, sed etiam omnino dissoluti. Non ne licebat hīc dicere, quid de eo quisq; sentiat, ut in illo eiusdē pro L. Syllā? Quid est huic quod eum in hac uita teneat? E diuerso alibi: Hic igitur Titus Ligarius, qui tum nihil aliud egit (neq; enim hoc diuinabat) nisi ut tu eum studiosum, & bonum uirū iudicares, nūc à te supplex fratris salutem petit. Vbi ego citius dixissem se, quā in illo eiusdem ad Atticū: Subquerulas literas miserat, quod quaedam cōstituta à se rescinderem. Cū nō minus belle diceretur, quod quaedam ab eo siue ab ipso. Hanc eandem differētiā agnoscas interuētū prapositionis, sed magis in ipse quā in is. Quintilianus quinto Institutionum: Nec libenter exēplum, quod in se fortasse recidat, facit. Idem in sexto: Quāquam aliqui reperiūtur, qui ne id quidem, quod in ipsos recidere possit, euitent. Sape duo hęc coniūcta reperias uel nulla, uel aliqua interueniēte prapositione, & prapriū inter: ut idem in decimo, Quū sit diuersa nō earum modē inter seipsas conditio, sed in singulis etiam partibus causæ, sintq; alia leniter, alia asperē, alia cōcitātē, alia remissē, alia docēdi, alia mouēdi gratia dicēda: quorū omnium dissimilis, atq; diuersa inter se ratio est. Huius prapositionis, & illa proprietas est, quod nihil interest, an se, an ipso utaris, quū antecedit uel genitiuus (ut in proximis exēplis, & in hoc Tulliano: Nec mihi ceterorū iudicio uis detur solum, sed etiā ipsorum inter ipsos concessu ita tributum fuisse) uel datiuus, aut ablatiuus, ut apud eundem Quintilianū. Circa quem inexplicabilis & grammaticis inter ipsos, & philosophis pugna est. Et iterum: Nam in magnis quoque autoribus incidunt aliqua uitiosa, & à doctis inter ipsos etiā mutuō reprehēsa. Secus quoties antecedit nominatiuus accusatiuus: ut apud Ciceronem, Vt enim pulchritudo corporis apta compositione membrorum mouet oculos, & delectat, hoc ipso quod inter se omnes partes quodam lepōre cōsentiunt. Et iterum: Damonem, & Pythiā Pythagoreos ferunt hoc ani-

mo inter se fuisse. Vbi ego non ausim dicere inter ipsas, & inter ipsos. Nam illud ab hoc genere diuersum est, quale apud Quintilianum: Nemo igitur dubitauerit, longè esse optimum genus Atticorum, in quo, ut est aliquid inter ipsos commune (id est, iudicium acre, tersumq;) ita ingeniorum plurimæ formæ. Hætenus exempla de Sui, nunc de Suis proferam. Cicero Officiorum (unde modò protuli exempla) libro primo: In primisq; uersutum, & callidum factum Solonis, qui (quò & tutior eius uita ejjet, & plus aliquanto Reipub. prodesset) furere se simulauit. Et in eodem: Illa tamen præstare debet, quæ erunt in ipsius potestate. Rursus in tertio: Quid Agamemnon? quum deuouisset Dianæ, quod in suo regno pulcherrimum natū esset. Et in eodem: Piscatores ad se conuocauit, & ab eis petiuit, ut ante suos hortulos postera die piscaretur. Inusitatus in eodem: Quid dominus nauis, eripiet ne suum: minime: non plus quàm si nauigantem in alto eijcere de naui uelit, quia sua sit. Nec minus inusitatè pro L. Sylla, si modò sincera scriptura est: Sylla si sibi suus pudor, & dignitas non prodesset, nullum auxilium requisiiuit. Vtrunq; probatur ex altero: illic quidem licuisset dicere, quo tutior sua uita, et quæ erunt in sua potestate: hic autè, quod in ipsius regno, & ante ipsius hortulos, & quia eius illa sit, & si ei suus pudor. Cæterum in ijs testimonijs duplicia uerba fuisse: quid ubi sunt singula? Nèpe idè fieri uidetur, nec differre utrū dicas, cepi columbam cū pullis suis, an cū pullis eius. Inueni turturem in nido suo, an in nido eius. Expuli leonem ex antro eius, an ex antro suo. Necauī lupā, & catulos suos, an catulos eius, siue ipsius. Tuetur nos Deus propter suā clemētiā, an propter eius, ipsius'ue clemētiā. Ante domū suā me inclamauit, an ante domū eius, ipsius'ue, & similia. Ego uerò ita sentio, quū interuenit copula, nō licere uti suis: quia nulla tūc est reciprocatio. Ideoq; nō catulos suos dicendum, sed eius. In cæteris, si substantiuū pronominis sui respicit ad suppositū, suis utiq; dicendum:

dum: sin ad appositum, sæpius eius dici, siue ipsius, siue illius. Ad suppositum: ut, Tuetur nos Deus propter suam clementiam, non propter eius: quemadmodum dicimus, tuetur nos Deus sua bonitate, non eius bonitate. Inclamauit me ante domum suam, non ante ipsius: quemadmodum dicimus, eiecit me domo sua, non domo ipsius siue eius. Ad appositum: ut, amamus Deum propter bonitatem eius: allocutus sum hominem ante domum eius, libentius dixerim, quam suam. Item, cepi columbam cum pullis eius: inueni turturem in nido eius: expuli leonem ex antro eius: nec tamen ratio obstat, quin & suo dicatur, ac ne autoritas quidem Ciceronis de Republica libro sexto: Itaque ego illum de suo regno, ille me de nostra Republica percontatus est. Terentius in Adelphis: Sui sibi hunc gladio iugulo. Nisi si quod addatur appposito adiectiuum, uerbum uel ad quod fieri reciprocatio debeat: quod genus est: Inueni leonem iratum, ac sciuiorem ob amissam prædam suam: Video columbam tristem in periculo pullorum suorum: Nosti illum minus suo, quam suorum casu perterritum: Sentio hominem ambulante per domum suam, non per domum eius. Item, Scio illum dolere fortunam suam. Et in primitiuo quoque: ut, Opinor hunc cognoscere contemptum sui. Illud transeo, neminem posse errare, quum suus est substantiuum, ut eius, aut ipsius, aut illius utatur: ut, comperi illum cum suis, siue inter suos: quinetiam uix erratur, quum accipitur pro proprio: ut, de hac re dixi suo loco, non ipsius: &, referam hæc omnia suis locis, ac temporibus, non eorum.

Causa cur Eius, Ipsius, Illius, abutamur pro

Suus.

CAP. IX.

ATque ex ijs quidem quæ commemoravi, non modò factum est, ut multi pro eius, siue ipsius, siue illius, uterentur suis: uerum etiam ut econtrario pro hoc illis abuterentur (de quo solæcismo nullam facit Priscianus mentionem) qualia sunt mea proxima exempla: ut, uideo columbam tristem in periculo pul-

G 3 lorum

lorū eius, uel columba luget pullos eius, & quale Donati grammatici (ut grammaticos potissimū suæ artis admoneam, si modò Donati grammatici libellus est de uita Vergilij, in quo alterius quoq; generis uitia reprehendas) ait enim loquens de Vergilio: Voluit etiam eius ossa Neapolim transferri, ubi diu & suauissimè uixerat. Ac paulò post: Translata igitur iussu Augusti eius ossa (prout statuerat) Neapolim, fuere sepulta uia Puteolana intra lapidem secundum, suoq; sepulchro id distichon, quod fecerat, inscriptum est. Et iterum: Item rogauit, quo pacto quis altam, felicemq; eius fortunā seruare posset. Superius uerò: Quod quum magister stabuli Augusto recitasset, duplicari sibi in mercedem panes iussit. Et alibi aliquoties sibi, uel suo pro eius, & eius pro suo, uel sibi. Verum è Græca quoq; figura non minimum causa accessit huic errori, id quod me pollicitus sum ostendurum. Nam quum pro uno aut liceat dicere tum suus, tum eius, tum ipsius, tum illius (non tamen quodlibet semper) tardus, aut indiligens interpres quando hoc, & quādo illud competat, non difficit. Quo uitio in interpretatione quidem ecclesiasticorum librorum omneis interpretes decepit lingua peregrina. Sed nos indigni reprehensione, qui maioribus credimus: illi uerò digni, qui maioribus suis credere noluerunt. Quo magis ex ijs precipuè uitiosa à me sunt exempla proferenda, ut errorem nostrum, ubi fontem eius agnouerimus, deuitemus: quum tamen ex hoc nec contumelia ulla fiat libris ecclesiasticis, Hebræa tantum, aut Græca lingua loquentibus (nescio an honor potius habeatur) nec magna eorum traductoribus: si modò dignitatis horum ratio habenda est, qui uel incerti sunt, uel ignoti, uel inter se dissidentes. Hoc mihi dissimulandum non fuit, uel ob id, ne quis mihi istorum obijceret auctoritatem. In psalmis igitur (quos Hieronymus certè non transtulit) ubi pleraq; huiusmodi rectè translata sunt, illud non rectè: A gloria eorum expulsi sunt: pro à gloria sua. Et iterum: Qui exacerunt ut gladium lin-

guas

DE
guas eo
dimiseru
runt pr
tet, in
ego re
popul
Sicut
pheta
rum, c
autis,
ipsius
dem p
aliqu
ei, &
suor
Et it
min
pro
rum
Hui
dum
bat
num
scrip
à te
gen
quo
sup
con
leg
qu
&

guas eorum: pro linguas suas. Et iterum: Saturati sunt filijs, & dimiserunt reliquias paruulis eorum: pro suis. Et iterum: Perierunt propter iniquitatem eorum: pro suam. Neque uerò me latet, in quibusdam codicibus rectè legi, sua, suas, suis, suam. sed ego rem, non hominem noto. Nec non ibi: Et abstulit sicut oues populum eius: quod melius alibi legitur suum: sicut ibi quoque: Sicut locutus est per os sanctorum suorum, qui à seculo sunt, prophetarum eius: alibi melius, Per os sanctorum prophetarum suorum, qui à seculo sunt. In his omnibus Græcè est genitiuus αὐτῶν, αὐτῶν, ille pluralis, hic singularis. Aliquando etsi eius, seu ipsius, seu illius tolerari potest, tamen Latinius est suus: ut in eisdem psalmis, Neq; descendet cum eo gloria eius, pro sua: tametsi aliqui non legunt eius. Et iterum: Desiderium cordis eius tribuisti ei, & uoluntate labiorum eius non fraudasti eum: pro sui, & suorum. Et iterum: Brachium eorum non saluauit eos, pro suum. Et iterum: Benedicite domino omnes angeli eius, benedicite domino omnes uirtutes eius, benedicite domino omnia opera eius: pro sui, suæ, sua: quale est illud in Apocalypsi: Opera enim illorum sequuntur illos: quod ego citius dixissem, opera enim sua. Huius tamen generis non est, si interuenit uerbum, ad hunc modum: Quod pater non amarit te, siue patrē non amasse te, probat ipsius testamentum, potius quàm suum: ut est apud Quintilianum libro primo, Quomodo & ipsum & Vergilium quoque scripsisse manus eorum docent. Nam in illo apud psalm. Omnia à te expectant, ut des illis cibum in tempore, dante te illis colligent: illis pro sibi positum est: de secundo, illis, magis loquor, quod sibi quoq; translatum inuenio. Suo autem pro eius (quod superioris generis uitium est) illic: Ad nihilum deductus est in conspectu suo malignus. Et iterum: Si autem dereliquerint filij sui legem meam. quanquàm lego in quibusdam editionibus utrobique eius. Et iterum: Anima autem mea exultabit in domino, & delectabitur super salutari suo: nam id suo, ad dominum refer

refertur, non ad animam: quemadmodum Græcè αὐτῷ. At ibi ne-
 scias an uarietate gauisus interpres sit, an consilio mutauerit:
 Quoniam secundum altitudinem cœli à terra corroborauit mi-
 sericordiam suam super timentes se. Quomodo misereretur pater
 filiorum, misertus est dominus timentibus se. Et in eodem psal-
 mo paulò post: Misericordia domini ab æterno, & usq; in æter-
 num super timentes se: & iustitia illius super filios filiorum,
 his qui seruant testamentum eius. Et: Memores sunt mandato-
 rum ipsius. Pro his quinque nostris, suam, se, eius, ipsius, illius,
 unum est pronomen Græcè αὐτῷ, αὐτῶν, αὐτῆς. Idem, quod modò
 dixi, quod nunc aspires nec ne, non attinet dicere, ut taceam
 raris in codicibus psalmorum reperiri hanc diligentiam. Nam
 cæterorum ecclesiasticorum librorum in nullis adhuc reperi,
 nec eam (iudicio meo) satis exactam. Vter tamen sermo melior,
 super timentes se, an super timentes eum, lucis duntaxat gratia,
 super timentes eum, uel ipsius interpretis testimonio, qui prio-
 rem quodammodo posteriore correxit: nisi uarietatis gratia id
 facit. Huius generis ille quoq; locus est: Stabant iusti in magna
 constantia aduersus eos, qui se angustiauerunt: quòd si dixisset
 aduersus eos, qui ipsos angustiauerunt, obscuritatem deuitalset,
 ut taceam quòd magis ad uerbum etiam transtulisset.

Quomodo uidetur amphibolia in Sui, &

Suus.

CAP. X.

ENinuero euitatur obscuritas hæc amphiboliæ per aliquod
 fere trium pronominum, Is, Ipse, Ille, quæ cum alijs duobus
 Sui, & Suus modò pugnant, modò conueniunt, ritu Troianorū
 puerorum: ut est apud Vergilium,

Et nunc terga fuga nudant, nunc spicula uertunt

Insenſi, facta pariter nunc pace fruuntur.

Mutauimodò se in ipsos, mutabo alio exemplo in eos, ut fecit
 interpres superius in psalmo, si tamen mutasse dicendus sit. Cice-
 ro in Bruto: Is soceri instituto, quem (quia cooptatus in augu-

rum

rum collegium non erat) non admodum diligebat: præsertim quum ille Q. Scauolam sibi minorem natu generum prætulisset. Nam id sibi (ut Quintiliani uerbis utar, qui eum notat) & ad socerū referri, & ad Fannium potest. At si dixisset ei, de Fannio utiq; locutus intelligeretur, aut si ipsi, aut si illi, sic, præsertim quum is Q. Scauolam illi. Et ego quidē deuitare cupio amphiboliam. At Priscianus (cuius hoc erat officij) quum eam notat, non modò id non facit, uerum etiam in ipsam incidit paulò post, dum ait: Vel quum transitū facit in aliquos sibi coniunctos, ut ille miseretur eorū, qui secum uiuunt, uel sibi parentium, uel secum degentium, dat sibi fauētibus, incusat secū certantes, & inuidet se indigentibus. Nam id sibi, & id se (quū tam pluralis sit numeri, quam singularis) quò referatur, ambiguum est: sed hæc amphibolia in primitiuo est, illa quam ipse notat, in deriuatiuo, rogat iste illū ne suo noceat filio. Quasi uerò nihil ad rem faceret, illud de Cicer. & Varrone, aliud ambigui protulit exemplū.

Suus est illius seruus, & similia malè dici. CAP. XI.

IN quo etiam exponendo, quod in illo non fecisset, errauit, ut ad aliam questionem transeamus. Errauit enim, inquiens, ambiguum cuius filio suo, istius, an illius, cuiusmodi est, quod superius dixit: doceo ego, uel tu suum illius seruum. Et iterum: suus est illius seruus. Et iterum: suus illius, istius, ipsius hominis. Inq; alia longè post materia, nisi substantiuis uel uocatiuis uerbis adiungantur, sicut & nomina, meus es filius, meus uocatur seruus, tuus nominor parens, tuus est pater, suus illius sum filius: suus illius es filius, suus illius est filius. Et aliquantò post non semel, quæ uerba mox subiungam, quorum Prisciani exemplorū unum est: Suus Vergilij uersus: simile illi, Vtrum Platonis, an Aristotelis suum? Quod sermonis genus (quantum memini) nusquam inueni: eoq; mallem aliena prompsisset exempla is, qui hoc tradit, quam sua finxisset. Ad hoc probandum ea quoque facient, quæ de coniuncta huic materia disputabimus.

Suus neq; discretionis, neq; abundantiae causa posse
addi ad Ciceronis uel istius filius, sed po-
tius redundare. C A P. XII.

IAm uerba, quae modo promisi me subiuncturum, utrique, atq;
adeo multiplici quaestioni seruiant, & idcirco prolixius reci-
tentur, quae haec sunt: Discretionis quoq; causa, uel abundantiae,
solet cum genitiuo possessoris addi nominatiuus possessiui: ut,
suus est Homeri mos: intelligitur enim non alterius: & suus Ci-
ceronis filius haeres est patris constitutus: suus dicitur ad discre-
tionem illius, qui secundum leges non est suus: id est, sub pote-
state patris legitimi non est. Quod autem suus pro uniuscuiusq;
proprio accipitur, usus confirmat. Vergilius Georg. primo,
- Molles sua thura Sabaei. Terent. in Phorm.

Quot homines tot sententiae, suus cuique mos est. Sin autem in
possessione fit à possessore transitio, obliquè possessiui utimur:
ut, Cicero miseretur filij sui, praebet suo filio, aspicit suum filiū,
potitur suo filio. Sin extrinsecus fit transitio in possessionem
tertia personae, sufficit genitiuo uti ipsius possessoris: ut, misere-
or filij Ciceronis: dono filio Ciceronis: accuso filium Ciceronis.
Licet tamen etiam addere possessiui casus consequentes, uel di-
scretionis causa, uel abundantiae: ut, egeo ingenij sui Ciceronis:
benedico ingenio suo Ciceronis, & similia. Illud quoque scien-
dum, quod cum in alijs omnibus possessiuis liceat primitiui ge-
nitiuo pro omni eorum uti casu, quod ostendimus, in hoc quoq;
possessiui pronomine tertiae personae quomodo in alijs tunc uti-
mur, quum ipse possessor aliquid agat in possessionem suam, &
cum in aliam personam transitū ostendatur facere pro sua pos-
sessione: ut, amat ille suum filium, & amat sui filium: benedicit
suo filio, & benedicit sui filio: petit à me ut prosim suo filio, &
ut prosim sui filio. Si ipsa tamen possessio in possessorem faciat
transitionem, non est congruū uti primitiui genitiuo pro possesi-
uo: quia uim habet cōpositi Graeci: ut, Ciceroni redit suus filius,

non

non satis cōmodè per hoc dicitur, Ciceroni redit sui filius: nec, Cicronem laudat suus filius, pro sui filius, & similia: quia nec apud Grecos bene dicitur, κικίρωνα φίλῳ ὁ ἑαυτοῦ υἱός, nisi more Attico pro simplici compositum accipiatur. Et sciendum quòd quia primitiuū eius tam singulare, quàm plurale est, licet in possessiuo & unū, & plures possessores eius intelligere, pro significatione genitiui ad possessorē pertinentis: ut, suus illius, & suus illorum: nec mirum si per transitionē Romani utuntur his pronominibus, sui, sibi, se, à se, & eius possessiuo, ut ostendimus: nec non si ad coniunctionē sui, ad alias etiam personas aliquid agat: ut, ille uocat me ad se, ducit te secū, trahit omnia in se: uel quum transitū facit in aliquos sibi coniunctos: ut, ille miseretur eorum, qui secum uiuunt, uel sibi parentium, uel secum degentium: dat sibi fauentibus: incusat secum certantes: & inuidet se indigentibus. Et uidentur hæc omnia possessiuorū uim habere, & similia, nec incongruè huiusmodi cōstructionē habuisse, cum Attici quoq; soleant huiusmodi cōpositis uti in cōstructionibus. Xenophon ἀπομνημονεύματων primo: Ἀλλὰ Σωκράτης ἐφῆκε ὁ καταγέρων τὸς πατέρας προσηλαξίαν ἐλιδέσκει πείδων συνόντας αὐτῷ Γεωργίους ποδὶν τῶν πατέρων. Quòd autem etiam genitiuo, uel datiuo, qui loco sit genitiui possessoris, bene additur etiam possessiuum (ut supra diximus) non solū nostrorum, sed etiam antiquorum usus comprobat. Vergilius in Bucolicis:

Et me Phœbus amat, Phœbo sua semper apud me
Munera sunt lauri, & suaue rubens hyacinthus.

Eclog. 1.

Terentius in Adelph. Suo sibi hunc gladio iugulo. Plato in Timæo: Μὴτ' ἄρα ἀργύρεον μὴτε χρυσίον μὴτ' ἄλλο ποιηθῆναι κτῆμα αὐτῶν. Et (quod mirū est) hoc ipsum τὸ ἴδιον etiam primæ, & secundæ adiungitur personæ apud illos, ut Iseus ἐν τῷ πρὸς Εὐκλείδῃ: οὐκ ἄν τὰ ἴδια τὰ ἑαυτοῦ: pro quo nos dicimus, meum propriū, & tuum proprium. Dicitur tamen etiam suum proprium illius, ut non putetur abundare suum, sed indubitabilem discretio-

nem

nem significare. Illud quoque notandum, quòd tertiæ personæ possessiuum ad innumerabiles (ut dicimus) refertur personas: quippe cum ad omnia tertiæ personæ pronomina, & ad omnia nomina & participia potest referri, ut suus illius, suus istius, huius eius, suus Vergilij uersus, sua discens diligentia. Primæ autem personæ possessiua, & secundæ, non egent per se prolata adiunctione alicuius genitiui, quū uim genitiui finiti in se habeant: quomodo nec suus eget genitiuo sui primitiui, quem in se possidet, sed extrinsecus alterius uocis propter multitudinem tertiarum personarum. Præter rem fuerit hic notare tam multas, atq; adeò innumerabiles tertiæ personas, quum tantum una sit, sed huius personæ innumerabiles uoces. Primum aliud est suus illius filius, & cætera. Aliud, suus est Homeri, uel Homero mos, & suus cuiq; mos. Et apud Catullum: suus cuique innatus est error: quoniam hic accipitur suus pro proprius, illic munime. Deinde nulla illic reciprocatio, quæ hic est: quippe intercedente uerbo inter suus & genitiuū datiuū ue: sic, Homeri, uel Homero est mos suus, siue mos suus est Homero: cuiq; est mos suus, siue mos suus est cuiq;: cuiq; est innatus suus error, siue suus error est innatus cuiq;. Phœbo sunt semper lauri sua munera apud me, siue lauri sua munera sunt semper Phœbo apud me. De quo genere cōstruēdi, posterius quid sentiā apparebit. Nā illud exēplū:

Georg. 1. India mittit ebur, molles sua thura Sabæi:

inutile exemplum est, in quo non accipitur sua pro propria: sed quomodo quum dicimus: mittunt suos legatos, suos milites, suas naues, sua agmina: quo etiam modo accipitur in Terentia: no exemplo: Suo sibi hunc gladio iugulo. quod sibi nulla nisi festiuitatis cuiusdā gratia additū est, nec ita cohæret cum hoc ablatiuo datiuus sui primitiui, ut sit in illis genitiuis, suus illius, suus Aristotelis, Platonis ue, nullo pacto separabilibus. Nam si separet, iam alterum genus loquendi erit, de quo non loquitur Priscianus hoc loco, suusq; significabit quod proprius. Separes autē

inter

interiecto uerbo, ad hunc modū: Suus est illius mos, sua est istius natura, suus est Aristotelis modus, suum Platonis genus, suus est Vergilij uersus, sua est discipulis diligentia, sua docentis. Et sine uerbo substantiuo: Suus tenet dolor patrem, suus matrem. nec procul ab hoc abest Vergilianum illud:

—Fessusq; sopor suus occupat artus.

Quapropter non eadem (ut Prisciano placet) ratio dicendi, Suus est Homeri uel Homero mos, usitatissimum loquendi genus, & suus Ciceronis filius haeres est patris institutus: quod dici ratio uetat. Nam quod ait, ad discretionem illius qui secundum legem non est suus, id est, sub potestate patris legitimi non est, nulla ratio est, nisi & doceat sic locutos esse uel legum latores, uel principes, senatum uel, aut populum, uel praetores, uel iuriscōsultos: qui etiam definitum reliquerunt, qui sui dicantur uel heredes, uel serui, nunquam hoc pronomen cū genitiuis huiusmodi copulantes. Et (ut rationem quoq; addam) suus haeres, ad eum, cuius quis haeres est, refertur: sicut suus seruus ad eum, cuius quis est seruus: ut si dicam: nemo potest suum institueret heredem seruū suum: & sua tutela ad illum refertur cuius tutela est, nec aliter dicitur suus ad discretionē alterius, quā meus, tuus, alienus. Cū ergo nihil agat suus si apponatur ad Ciceronis filius, palam est redundare, non aliter quā in altero exemplo. Egeo ingenij sui Ciceronis, Benedico ingenio suo Ciceronis, ubi suus redundare non aliter quā in altero exemplo diffinitur Priscianus: sed pro redundantia dixit abundantia. Sanē abundantia interdū aliquid causae habet, redundantia nihil. Nam quod dictionē, nō dico absurdam, sed otiosam ac similem mēbro quod integro corpori (ueluti sextus in manu digitus) adnascitur? quā ipse quoque qui ait, tacitē reformidat longē post, quum de uocatiuis pronominum agit, inquiens: Itaq; quamuis ad ipsam rerum naturam rectē uideatur posse dici, o sue fili Euandri: & o sua uxor Euandri: ut si dicam Euandrie fili, & Euandria uxor,

H quum

quum in hoc duæ tertie intelligantur personæ, possessoris & possessionis, usus tamen deficit. Cur Prisciane usus deficit: nempe quia deficit ratio, atq; ipsa rerum natura: quoniam sue & redundat, & reciprocationem (quod ipsius propriū est) perdit. At tu uis addi etiam proprium, nec tamen tunc redundare siue abundare suum, sed indubitabilem significare discretionem. Harum rerum (quum ratio tecum non faceret) si nulla uspiam reperiebas exempla, tradere præcepta non debuisti. Si reperiebas, & illa debebas proferre, quod fecisses (opinor) si reperisses.

Suus non caret uocatiuo.

C A P. XIII.

Quod si usus & uitandæ redundantie, & conseruandæ reciprocationis causa respuit talem uocatiuum, ô sue fili Euandri, quid faciet neutra obstante istarum causarum? profectò uocatiuum oportet admittat, quum natura (Prisciano quoque testante) non refragetur. At quo pacto reperiemus nec redundantem, & reciprocum uocatiuum? id uerò iam superius ostendimus. Si enim illic, Benedicite domino angeli sui, id angeli uocatiui est casus, perinde ac si diceretur, ô angeli sui, Et quale esset, defendite, adiuuate, protegite Cæsarem uita periclitantem ô amici sui, ô milites sui, ô ciues sui: quidni uocatiuum suus habere dicendum est? Quod si nulla huiusmodi reperiatur exempla, nec mirum, quia rarò sit opus hoc sermone, & ratio tam ualida est, ut ipsa possimus esse contenti.

Non tantum per nominatiuum, quale est, uidet illū suus filius, licere loqui, sed etiam per alios

casus.

C A P. XIII.

Sicut in ea questione qua reliqua est ex Prisciani uerbis, sic paulò antè dicentis: Est tamen aliqua differentia in possessio tertie personæ, cuius nominatiuo tum utimur, quando ad suum possessorem possessio transitionem facit, & non ad alium: ut, indiget illius, uel Ciceronis suus filius: præstat illi, uel Ciceroni filius suus: uidet illum, uel Ciceronem suus filius: bene meretur

de illo, & de Cicerone suus filius: Similiter passiva quæ à possessore solo fiunt, nominatiuum possessionis exigunt: ut, amatur ab illo, uel à Cicerone suus filius. Nec non tam nominatiuo, quam alijs casibus possessiui licet uti, quum possessorem ostendimus extrinsecus facientem transitionem ad aliquam aliam personam pro sua possessione: ut, rogat me ille, ut suus legat apud me filius, & ut suus doceatur à me filius, & ut sui miserear filij, & ut suo donem filio, & ut suum sequar filium, & ut suo potiar filio. Nam cur ad nominatiuum coarctat hanc regulam? An non hoc per accusatiuum eiusdem generis est? Piget Cicronis suum filium, Rumor est Cesari insidiari familiares suos, Constat suum esse Homeri morem, Fugere Pompeiū sua interest, Fratris iam pigere incipit uxorem suam. Nam per accusatiuum Latinus dici, quàm per nominatiuum, sic: Fratris iam incipit uxor sua pigere, alibi docuimus. Cui simile est illud Quintiliani in Milite Mariano: Nec si sit uita cupidissimus, pœnitere cū facti sui potest.

Declam. 3.

Quædam reliquæ præceptorum, quando indifferenter, quando differenter utamur his pro-

nominibus.

CAP. XV.

HArum porro duarum Prisciani regularum, quas nunc ad litteram subieci, in posteriore licet pro suis uti eius, siue ipsius, id est, genitiuo: ut, rogat me ille, ut eius legat apud me filius, & ut ipsius doceatur à me filius: In priore non item, quod superius quoque significauimus. Etenim (ut diuersa proma claritatis gratia exempla) non ausim dicere, Pythagoram uenerabantur discipuli eius, sed sui: nec, Quenque decet ipsius defensio, sed sua, siue sui, ut apud Valerium Martialem:

Lib. 1. epig. 10.

Et sua riserunt secula Mæonidem.

Nam id quod in principio negaui sub speciem transitionis cadere, sua quenque delectant, sua cuiusque sunt, sua cuique reddantur, iam admonuimus non posse mutare pronomen, quia tunc substantiuum est. Illud autem ancipitis usus est (quod in postcrum

H 2 consulto

consultò referuavi)quoties per ablatiuum loquimur absolutum: ut, beatus ille est, tot se uel eum iuuantibus: potest iam secure uiuere tanta sibi, uel ei accedente hereditate. Quo in genere nonnunquam usu uenit, ut per se, non per eum, uel ipsum utiq; loquendum sit.

Quemadmodum in construendo resoluantur, Sui
Suiusq; in Is, Ipse, Ille. CAP. XVI.

Cap. 4. **E**T (quod mireris) ab ipso se incipiendum, ut apud Quinti-
lium Institutionum primo: Tradito sibi puero, docendi pe-
ritus ingenium eius in primis, naturamq; perspiciat. Non enim
dixerim, tradito ei puero, sibi in ei mutato, aut eius & puero
permutatis: sic, Docendi peritus in primis ingenium pueri, natu-
ramq; perspiciat tradito sibi eo. Sed magis hoc in suis permitti-
tur, quam in is, ob id quod seq uult illud in constructione. Ideoq;
resolui in quodlibet trium (de quibus differuimus) pronomini,
is, ipse, ille, tanquā affinitatis quodam, aut cōsanguinitatis gradu
propinquorum: ut apud Senecam: Sæpe in magistrum scelera
redierunt sua: quod ita construendum erit, resoluedumq;: scelera
magistri sæpe redierunt in eum, siue in ipsum, siue in illum. Nō-
nunquam resolui non potest: non modò quando est substantia-
uum: ut, sui cuiq; soluatur, sua cuiusq; sunt, nisi lōga & perinde
dura circuitiōe utamur: quod cuiusq; est ei soluatur, quæ cuiusq;
sunt, ipsius sunt: sed etiā quādo accipitur pro proprius: ut, suis
est Homeri mos, Sunt et sua dona parēti, Sunt hic etiā sua præ-
mia laudi: nisi hīc circuitiōe utamur: ut, mos Homeri est eius,
dona parentis sunt ipsi, præmia laudis sunt illi: quod mihi non
probat. Est autem & alterum per hæc ipsa tria pronomina
resolutionis genus, ut si dicas: sæpe in magistrum scelera redie-
runt ipsius, uel eius, uel illius: quale est illud superius ex Quin-
tiliano: Quomodo & ipsum, & Vergilium scripsisse manus
eorum docent. Resoluamus enim: Sæpe scelera magistri rediere
in ipsum, uel in eum, uel in illum: item, quomodo manus &
ipsius

ipsius & Vergilij docent eos scripsisse. Sed hoc transeo, & cætera, non tam natiua materiæ, quàm adoptiua. Nam gratius facere scriptorem existimo, qui nonnihil quàm qui nihil omittit, ne saltem plus magnitudini uoluminis, quàm utilitati legentium studuisse uideatur.

PERORATIO OPERIS.



HAEC habui, Ioannes, de pronominum sui, & suus reciprocatione, quæ dicerem. Cuius questionis tantum abest ut timeam, nequis tenuitatem, facilitatemq; infectetur, ut uerear, ne magnitudine potius, ac difficultate deterreatur, & quidem (sicut initio dixi) Labyrinthica. Etenim me quoque iuuat ad eius finem, uelut ad exitum Labyrinthi peruenisse illius Cretenſis (nam complures fuisse memorantur) quem Vergilius idem alibi narrat

Varictibus textum cæcis iter, anticipemq;

Mille uijs habuisse dolum, qua signa sequendi

Frangeret, indeprehensus, & irremeabilis error.

Verum non est cur ego iam uerear istam legentium (si qui modò hunc libellum legent) desperationem. Namq; omnem, quæ antea erat, difficultatem, ut illis demerem, ipse suscepi, uniuersaq; serè scrutatus cæcæ domus ambages, de Labyrintho, ut amphitheatrum facerem, elaboraui, quale in media urbe uisitur; à Vespasiano extructum, aut quale Puteolanum, Campanum uel, aut Veronense (nam eiusdem exempla sunt plurima) mille uias illud quidem habens, sed sine cæcitate, sine dolo, sine errore, aut (quò magis è uicino similitudinem sumam) quale summi pontificis palatium, quod proximè Nicolaus Quintus ex confuso, & Labyrinthicos anfractus habente augustissimum reddidit non tam aboletis eorum titulis, qui illud edificarent, exornarentq;, sed reparatis, atque magnificentius restitutis, ut non immerito ueteres summi pontifices (si quis illis harum rerum sensus est).

huic plus, quātum ad ædificationem pertinet, quā sibiipsis debere fateantur, à quo ædificante plus ornamenti acceperunt. Factum haud dubie omnium palatiorum magnificentia præclarius. Cui nonnihil nostrum fortasse conferri poterit, qui priuscorum autorū (quantū in nobis est) restituiimus, reparauimusq; dignitatem. Sed quid demens, ego qui meum cum illius opere coner ulla ratione comparare? casam cum regia, tophū cum marmore, æs cum auro, literulas cum excellenti uirtute, ac singulari sapientia: præsertim quum opusculum hoc non ausim edere, nisi prius ab eo comprobatum, optimo literarum censore, non solum literarū præside ac principe? Est enim ille, ut semper antea doctrinarum omnium cultor, censorq; ita nunc non modò Romani pontificatus, ac Romani imperij, uerum etiam Romani eloquij moderator, & princeps. Quæ tria cuiusnam post homines natos affuisse dicemus id est, ad duo priora, hoc tertium accessisse. In primis curam gerendi, ut cum omnis doctrina, tum uerò lingua Romana (quæ usitatius Latina dicitur) cunctarum doctrinarum seminarium coleretur, & cresceret: res profectò (si uerè aestimamus) maioris laudis, quā cætera. Siquidem illa ad nos aliorum iudicio, & interdū inuitos, deferuntur, hoc non nisi iudicio nostro, studioq; contingit. Illa nonnunquam parum rectè administrantur, hoc non uideo quemadmodū non rectè queat administrari. Illa huius operam, atq; opem desiderant, hoc etiam ut illa non absint, per se potest esse contentum. Itaq; ego Nicolaum Quintum, tum propter alia summum hominem iudico, tum uerò propter id, quò non tantum cultor est sapientiæ, sed plurimos etiam cultores efficit, haud iniuria comparandum censeo choro Musarum (si quæ unquam Musæ extiterūt) quæ & sapere ipse omnia, & nobis ad capeßedā omnē sapientiā autores esse credūtur. Ab hoc igitur Ioannes, cuius tu intimus es (ut ad nos reuerter) oraculum posces, nunquid hic liber tibi dedicatus editione sit dignus.

FINIS.

INDEX EORVM

QVAE HOC IN LIBRO SCITV

digna uidebantur; multis dictionibus ac sen-
tentijs, postremo locupletatus: cu-
ius primus numerus librum,
alter libri caput
indicat.

A

A	lib. 3. cap. 66	Accessio, Accessus	4.2
Ab & abs quibus cum literis		Acinus	4.28
iungantur	2.29	Accipio ignominia, &c.	3.75
Abaculi	6.53	Accipio	6.7
Abactores	6.16	Accipio excusationem	5.67
Abdico	5.104	Accipio iniuriam	6.3
Abfore	1.26	Accipio conditione	4.67. &
Abhorreo	5.101		5.67
Abiegnus	1.4	Accipio fidem	5.16
Abigo	6.16	Accola	4.54
Abigeatus, Abigeus	ibidem	Accusator	4.12
Ablatiuus	2.6	Accuso	6.13
Ablatiui & genitiui affinitas		Accusationis uerba	3.32
3.17		Accusatiuus cu infinitiui	2.14
Abstinentia	4.41	Accusatiuus temporis	3.17
Abus habentia nomina in da-		Accusatiuus p noiatiui	3.23
tino & ablatiui	1.1	Aceruus	4.49
Ac	2.58	Acus, Acicula	1.5
Accedit	3.45	Acta, Actiones	4.9
Accedo	4.2	Actio, Actus	4.2. & 32
Acceptus in conuiuium	5.7	Actio noxalis	6.35
Acceptilat	5.100	Actiui i passiui resolutio	3.39
Accerso	1.23	Actiui uerbi nitidior usus	3.49

I N D E X.

Aſtor	4.32	Adultus	1.30
Actum eſt	3.102	Aduocatus	4.12
Ad, cum uerbis	3.37	Ad uotum	3.70
Adamo	3.37	Aedes cum deriuatis	3.7. C
Addico, Addictus morti	3.28	6.40	
Adduco in inuidiam	1.21	Aedificare	3.7
Adeo	2.44	Aedificium	6.40
Ad hoc	2.5	Aediles	4.84. C 3.7
Adiectiua in bundus	1.12	Aedilitius	4.84
Adiectiuũ ubi collocandũ	3.25	Aeditui	3.7
Adiſcio	3.45	Aegreſco	1.22
Aditum munire, Aditus	3.26	Aequalis, Aequabilis	4.102.
Ad me ſpectat	3.96	C 6.26	
Admoueo manum	3.90	Acrarium	1.6
Adoleſcentia lubrica	4.101	Aes alienum conflare	3.94
Adoro	3.11	Aeſtimo	3.20
Ad ſummã, Ad ſummum	6.20	Aetas præmatura	4.107
Adſum	3.51	Aſſatim	6.20
Ad tempus	4.112	Affectatio, Affectio	4.78
Aduento	3.10	Affecto, Affectus	ibidem
Aduerbia quedã in im exeun-		Affectus ſum	3.35
tia	6.20	Afficio te iniuria	3.94
Aduerbia quedam comparati-		Affinitas genitiui et abla.	3.17
ua C ſuperlatiua, ſeruiunt		Affore	1.26
accuſatio	2.12	Africa, Afri	4.85
Aduerbium diſiunctiuum quid		Agẽ, Agitẽ, Agedum	2.16
momenti ex ſitu habeat	3.26	Agere	6.51
Aduerſor	3.80	Age uerò	2.24
Aduerſus, Aduerto	3.90	Agere delectum	3.60
Adulatio, Adulor	3.66	Ager	4.55. C 6.41
Adulterium	6.45	Ager meus C mei	2.1

Ager

I N D E X.

<i>Ager restibulus</i>	6.42	<i>Amor</i>	4.68
<i>Aggrego</i>	3.45	<i>Amorem conciliare</i>	5.53
<i>Ago gratias</i>	5.41	<i>Amoueo manum</i>	5.90
<i>Ago tibi gratum</i>	3.75	<i>An, An'ne</i>	2.17
<i>Albani, Albenses</i>	4.85	<i>Anacreon poëta</i>	1.11
<i>Aleator, Aleare, Alea ludere</i>		<i>Andromeda</i>	5.6
1.6		<i>Anguilla lubrica</i>	4.101
<i>Aliquantisper</i>	2.48	<i>Animaduerto</i>	3.69
<i>Aliquanto</i>	1.16	<i>Animosus</i>	1.21
<i>Aliquis</i>	3.6. & 3.16	<i>Anniuersarius</i>	4.108
<i>Alius</i>	1.16. & 3.59	<i>Anniculus</i>	1.5
<i>Aliter</i>	1.16	<i>Annona</i>	4.35
<i>Alleuo</i>	5.81	<i>Annuatim</i>	6.60
<i>Allocutio prematura</i>	4.107	<i>Antè uim habet comparatiui</i>	
<i>Alludere</i>	4.16	1.16	
<i>Alo</i>	5.46	<i>Antecedētis à relatiuo discor-</i>	
<i>Alter alterum accusat</i>	3.30	<i>dantia uenusta</i>	3.19
<i>Alter</i>	3.59	<i>Ante diē uenire, adesse</i>	4.80
<i>Altis</i>	1.8	<i>Antehac, ante illud</i>	2.56
<i>Aluearium</i>	1.6	<i>Antiqui</i>	4.5
<i>Alumnus</i>	6.1	<i>Aper</i>	4.42
<i>Amamus nos inuicem, mutuò,</i>		<i>Apertum, Apertile</i>	1.8
& pariter	3.74	<i>Apes non apis dicendum</i>	1.5
<i>Amator</i>	3.37	<i>Apparatus belli</i>	5.64
<i>Amatorium</i>	1.6	<i>Apparo</i>	ibidem
<i>Ambitio, Ambitus</i>	4.19	<i>Appellationis uerba</i>	3.92
<i>Ambitiosus</i>	ibidem	<i>Appendo</i>	5.82
<i>Ambulo</i>	5.79	<i>Appetitus, Appeto</i>	5.7
<i>Amicus, Amica</i>	5.37	<i>Apud te</i>	6.54
<i>Amiculum</i>	1.5	<i>Aquatilis</i>	1.8
<i>Amo</i>	5.37	<i>Aratio</i>	4.2

I N D E X.

Arbor	4.27	At uero	2.24.
Arceo	6.16	Auctio, Auctionari	4.32
Arcesso, & Accerso	1.23	Auctus	ibidem
Architriclinus	4.34	Audiens sum tibi	3.42
Arcta mulier	6.38	Audio te, & tibi	3.29
Area	4.55. & 6.41	Audiui à patre, de patre, &	
Argentarius	4.42. & 44	ex patre	3.66
Argutus	1.30	Audire habeo	3.98
Armamentarium, Armarium		Auditorium	1.6
1.6		Autor	4.32. & 3.30
Armenta, Armentarius	4.42	Autoramentum, Autorare	
Armiger	6.1	4.32	
Arra, Arrabo	6.57	Autoritas	3.88. & 4.32
Artificia	4.44	Auersor	3.80
Arum	4.55. & 6.41	Auersus, Auerto	3.90
Ascisco	3.86	Aue	6.30
Ascribo	3.45	Auis	4.45
Ascriptitius	1.11	Aula	4.34
Asectari	3.77	Auricula, Auris	1.15
Assentor	6.66	Auscullo	3.42
Assuero	3.87	Auspiciari, Auspex, Auspicium	
Asideo, Asido	3.6	6.1	
Asinus	4.42	Aut	2.17
Asylum	6.19	Autem, Autem non	2.24
Ast	2.15	Auxilium do, & fero	3.65
Aster, Astrum	6.22	B	
Assumo	6.3	Bacca	2.28
Assurgo	3.12	Barba, Barba	6.14
At, Attamen	2.27	Beatitudo, Beatus	4.24
Atq;	2.58	Bellum	4.64
Atramentarium	1.6	Bene	2.52. & 3.87
		Bene	

I N D E X.

Bene censeo, Bene precor, Bene mereor	3.87	Calumniator, Calunior	6.49.
Bene agi cum aliquo	3.102	Calumnia	6.50
Benedico, Benedicus	3.10	Camelus	4.42
Beneficentia	4.100	Campania	4.85
Bene habeo, Bene habet	3.74	Campus	4.55
Beneuolentiam conciliare	3.53	Candeo	6.11
Bergomensis, Bergomū	5.85	Caper, Capra	4.42
Biduo	2.33	Capeſſo	1.23
Bimus	1.5	Capio ſpem de te	3.81
Binoctium	2.33	Capio, Capior oculis	6.3
Binus, Bini codicilli	3.5	Capitalis	4.109
Bis centum, Bis mille	3.4	Captus	6.3
Blandior	5.66	Cardo	6.61
Bombarda	2.34	Careo	3.85
Bona corporalia, & incorpo=	4.98	Caritas, Charitas	4.42
ralia	4.98	Carnarium	1.6
Bonitas, Bonum	4.100	Carnosus, Caro	4.73
Bos	4.42	Carpo	6.6
Bractea	4.74	Carptim	620.
Breuiter	6.20	Cartilago	1.5
Bubalus	4.42	Caſtellum, Caſtrum	4.20
Bucca, bucca	4.52	Caſtrenſe peculium	6.40
Bundus finita nomina	1.9	Caſus ſeptimus	2.6
Burdo	4.42	Catellus, Catulus	4.71
C		Cateruatim	620
Aballus	4.42	Catamiti	4.110.
Calamarium, Calcearium	1.6	Cauillari, Cauillatio	6.49.
Calculi	6.53	Caupona	4.44
		Cauſa mea, & mei	2.1
		Cauſari	5.67
		Cau	

I N D E X.

Cautus	130	Civis, Ciuitas	4.83
Cædo, Cedo	3.45	Clarus	4.91
Cæsim	6.20	Cliens	4.12
Cælebs, Cælibatus	4.106	Cliuus	4.43
Celebris, Celebritas	4.96	Cœpit eum pœnitere	3.46
Cœnaculum, Cœnatio	4.22	Cogito	5.20
Censor, Censorius	1.6. &	Colybistæ	4.44
4.84		Colliberti, Collibertæ	4.1
Centum & uiginti quinq; an		Collis	4.43
nos natus	3.14	Colloco te in spem	3.81
Centeni	3.5	Collum	4.36
Centurio	6.32	Comenses	4.85
Cerasum	4.28	Comes, Comis	4.38
Cerebrosus	1.21	Comicus, Comœdus	4.32
Cernere est	3.83	Comitari	5.77
Certamen	4.64	Comitatus	4.38
Certe	2.27	Commeatus	3.10. &
Certum est	5.27	4.36	
Ceruiæ, Ceruicis duræ	4.36	Commendo	3.45
Ceu	2.36	Commentarium, Commentum	
Cicurare, Cicuris	4.42	4.21	
Cicur, Cicum	ibidem	Commigro	5.95
Cilium	4.52	Commilitones	4.83
Cimbri	5.10	Committo	3.56
Circiter	2.7	Committo ut	2.38
Circumscriptio	6.10	Commune, Comparo	3.45
Circumsisto, Circunsto	5.49	Comparatio inæqualiū	3.72
Circumspectus	1.30	Comparatiua aduerbia seræ	
Citare	6.2	uiunt accusatiuo	2.12
Citra	2.49	Cōparatiui et superlatiui dif-	
Citro	2.57	ferentia	1.33

I N D E X.

Comparatiui natura	1.12	Conciuis	4.83
Comparatiui proprietates	1.19	Conclauē	4.34
Comparatiui resolutio	1.12	Conclusio	1.30
Compareo	3.31	Condictio, Conditio	4.61
Compendium participij	1.32	Condiscipuli	4.83
Comperendinare	2.33	Conducibile est	3.49
Comperi	3.24	Conducit	3.41
Compertum est mihi ibidem		Conductitius	1.11
Complacitus	1.30	Confero	3.45
Complodo	3.9	Confector, Conficio	6.52
Complura	4.90	Confido	3.47
Compos	3.34	Conflare æs alienum	3.94
Componere sarcinas	4.49	Confluens	1.33
Composita ab ac, q, &	2.3	Confore	1.26
Composita ab en, & ecce		Congrus lubricus	4.101
2.15		Coniecturæ uerba	3.79
Composita ab olim & diu		Coniuratio, Coniuro	3.21
2.35		Coniunctio quid momenti ha-	
Composita à dudum, nuper, &		beat ex collocatione	3.26
pridem	2.43	Coniunctiui modi præteritum	
Composita à leuo	3.81	à futuro eiusdem quomodo	
Composita à quis, uel qui	3.16	differat	4.28
Composita à re	3.63	Conniueo	4.52
Composita quedā à præ, per,		& 6.7	
uel re	3.31	Conscisco	3.86
Compositorum ab esse & fore		Confessus	4.2
differentia	1.26	Consideratus	1.39
Con præpositio	6.52	Consolatio, Consolor	4.77
Concilio	3.54	Conspicius	1.30
Concipio spem de illo	3.81	Conspiro, Conspiratio	3.21
Concio	4.47	Constat ratio	3.18

Conster

I N D E X

Consternari, Cōsternere	3.91	Crepitaculū, Crepitus	4.29
Constitui, Constitutū est	3.24	Crimen	4.38. & 3.8
Consuetudo	3.5	Crudus	4.116
Consularis, Consul	4.84	Cubiculum, non à cubili, Cubi-	
Consulo te & tibi	3.40	liculum	1.5
Consulto, Consultor, Consul-		Cuius	2.3
tus	ibidem	Cuius, Cui	3.2
Contendo, Contentio	6.4	Cuiusq;	2.1
Contentus	1.30. & 6.4	Culcitra	6.46
Conterraneus	4.83	Culpa	4.6
Continens	1.33	Cum prepositio	2.6.
Continentia	4.41	22. & 39	
Continuò cū non & ne	2.30	Cumani	4.85
Contraxi es alienum	3.94	Cum pace tua	4.18
Contraxi tedium	6.3	Cum primum	1.17
Conuenio	3.76	Cupido uolucer	4.45
Conuenire habeo	3.98	Curo	1.27
Conuenit	3.76	Curia, Curiosus	1.21
Conuentus	4.2	Cursim	3.20
Conuersatio	3.5	Cursus	6.5
Conuitium	6.52	Custodia	4.76
Coopto	3.60		
Copia mea & mei	2.1	D	
Copia, Copia, arum	4.65	D Amnādi uerba quibus ca-	
Cordi est	3.22	sibus cōstruatur	3.32
Corporalis, Corporeus	4.98	Dapes	4.23
Corpulentus, Corpus	4.73	Dare facultatem	4.65
Coxa	4.57	Dare operam	4.70
Crapulari, Crapula	3.55	Dare potestatem	4.18
Cras, Crastinus	2.33	Dare ueniam	ibidem
Crebresco	1.22	De	3.66
		Debello	3.62
		Dece	

I N D E X.

Decedo	5.95	Delibcratum est mihi	ibidem
Decet	3.41	Diligo, Delectum agere	5.60
Declamator	4.81	Dementia	3.36
Declaro	5.38	Demereor	5.99
Decretum est mihi	5.24	Demigro	5.95
Δένειξ	6.32	Demum cū compositis	6.21
Decoro, Decor	4.15	Deniq;	ibidem
Decrecui, Decretum est	2.54	Deorsum	2.57
Decurie	6.32	Depectus	6.63
Decurio, Decurio municipa-		Depeculor	6.40
lis Decurio Romanus	ibide	Depositarium, Depositorium	
Decus, Decoro	4.15		1.6
Dedecus, Dedecoro	ibidem	Deprecor	6.24
Dedere noxae	6.35	De repetundis pecunijs	1.24
Dedititius	1.11	Descendo	5.36
Dedisco, Dedoceo	5.1	Descisco	5.86
Deduco	5.77	Desces, Desideo	5.65
Defatigatus, Defatigor	4.99	Desideratiua uerba	5.23
Defectio, Deficere	4.6	Desinet me tædore	3.46
Defectus	1.30	Desipio, Desipisco	5.3
Defendo	6.24	Despicio	5.56
Defero	5.44	Detulit	5.44
Defessus	4.99	Deturbo	5.89
Deficio	4.6	Deuenio, Deuoluo	5.56
Deficere	1.26	Dicax, Dicacitas	5.10
Defungor, Defunctus	5.5	Dicere oportet	3.20
Defunctus	4.4	Dicere, Dicta, Dictio	5.10
Dehisco	5.13	Dico sententiam	5.48
Deinceps	2.56	Dictio	5.10
Delabor	5.59	Dicto, Dictum	5.10
Deliberaui	5.24	Die, Dies, Diecula	4.80
		Diem	

I N D E X.

Diem obiit	3.44	Do tibi literas, & ad te	3.36
Differentia comparatiui à su-		Do auxilium	3.65
perlatiuo	1.13	Do optionem	4.67
Differentia infinitiuorum esse		Do fidem	3.16
& fore, & compositorum		Docibilis, Docilis	6.26
1.26		Docilimus	ibidem
Differentia, & numerus offi-		Doleo	3.17
ciorū apud Romanos	1.12	Dolor meus, & mei	2.1
Diligo	3.37	Domesticatim	6.20
Diluculum	4.80	Domi, Domus	3.15
Diminutiua in ulus, a, um	1.5	Donarium	1.6
Dimitto	3.45	Donec	2.48
Discedo	3.95	Dono tibi, & te	3.43
Disco	3.1	Donum	6.39
Discordia elegās relatiui cum		Dormitorium	1.6
antecedente	3.19	Duceni	3.5
Discretus, Disertus	1.30	Ductilis	1.8
Dispicio	3.56	Ducor in spem huius negotij	
Displiceo mihi	3.92	3.81	
Displicentia	3.56	Dudum	2.34
Disimulatim	6.20	Dum	2.48
Dissoluo	3.94	Duntaxat	2.41
Distributiua	3.5	E	
Disturbo	3.89	Eadem persona tanquam	
Dissuadere	3.30	E alia	3.64
Diu	2.35	Eatenus	2.42
Diuerfa & similis uerborū si-		E' & Ex, E' regione	3.19
gnificatio, & regimē	3.45	E' re mea, E' republica	ibidē
Diuerforium	4.82	Ecce	2.15
Diurnum spatium	4.108	Exordia Ecclesia	4.47
Diutinus, Diurnus	4.107	Eccos, Eccas, Eccum	2.15
		Edico	

I N D E X.

Edico, Edictum	3.68	Esse cum casibus	3.23
Edisco	3.1	Esse & fore cum compositis	
Effigies, Effingo	3.43	1.26	
Efflagito	3.58	Essendi	1.27
Eheu	2.11	Esse parem	3.74
Eiulo	3.52	Est maturus rei militari	4.107
Elabor	3.59	Esurio	1.24
Elephantus, Elephas	4.42	Et	2.58
Eleuo	3.81	Et alpes	4.38
Eligere	3.60	Et geminatum	3.92
Ellum, Ellam, Ellos, &c.	2.15	Et certè, Et sanè	2.27
Elogium	4.66	Etiam	2.50
Emereor, Emerita	3.99	Etsi	2.21
Emeriti senes, & boues	ibidè	Et hoc, & id	2.58
Emigro	3.95	Et hoc non sine, &c.	ibidem
En	2.15	Euentus	1.7
Enectus fame, & siti	6.28	Euidens passiue sumptu	1.30
Enimuero	2.24	Euoluo librum	6.43
Eò magis	1.16	Ex	1.13
Eò, & quò cū cōparatiō	1.15	& 3.66	
Epistola	3.6	Exanimatus	6.28
Epulum	4.23	Exaudio	3.29
Epule	ibidem	Ex auctore	6.62
Eques	6.32	Excandescō	6.11
E renibus	3.19	Excedo	3.95
Ergo	2.43	Excogito	3.2. & 20
Ergo'ne	2.17	Excretus	1.30
Eripio	3.83	Excubiæ	4.69
Errabundus	1.9	Excuso	3.67
Esca	4.53	Exemplar, Exemplum	6.33
Esse cordi, & in animo	3.22	Exemplarium	ibidem
		I	Exequor

I N D E X.

Exequor iussa	5.68	Ex usu, utilitate	ibidem
Ex a quo	5.19	F	
Ex heredo	5.104	Fabrica	4.44
Exhibeo negotium	5.88	Faceſſo	1.23. & 5.88
Ex horreo	5.101	Facies	4.13
Exigo	5.24	Facile	1.18
Eximius	5.35	Facio certio rem, iacturā, &c.	
Existimo	5.20	3.65	
Existimatio	3.86	Facio delectum	5.60
Existit, Exto	5.53	Facio gradum	5.25
Exitialis, Exitiabilis	6.28	Facio gratum	5.76
Exoletus	1.30	Facio copiam	4.65
Exſomnis	1.20	Facio poteſtatem	ibidem
Ex, & inter cum interroga=		Facio inuidiam	1.21
tionē	1.12	Facio paria	5.74
Exoro	5.29	Facio tibi iniuriam	3.94
Expedit	3.49	Facio iter, & uiam	5.71
Expendo	5.82	Facio negotium	5.88
Expeto	5.7	Facio poteſtatem	4.18
Explicit	3.41	Facio ſermonem	5.97
Explodo	5.9	Facio ſtipendia	4.110
Exploratum eſt mihi, Explo=		Facio ut	2.27
raui	5.24	Factio	4.63
Exploratores	ibidem	Factor	4.32
Expoſtulo	5.58	Faluſu	1.30
Exprobro	6.44	Fallit me	3.80
Expugno	5.62	Fama	4.7
Ex ſententia habere	5.70	Fama mea, & mei	2.1
Ex tempore, Extēporalis	5.19	Famoſuſ, Famoſa mulier	1.21
Exturbo	5.89	Faſceſ	4.84
Ex uinculis	5.19	Faſtidioſuſ	1.28

I N D E X.

Fastidium meum, & mei	2.1	Fiens non dicitur	1.22
Fatigatus	4.99	Filiaster	1.5
Fatuus	4.113	Filius	3.70
Febris annua, & quotidiana	4.108	Finis, et propositi uerba	3.85
Felix	4.87. & 114	Finitionis uerba	3.78
Felicitas	4.114	Fingo	5.43
Femen, Femina, Femora	4.57	Fio	1.22
Femoralia, Feminalia	ibidem	Fio tibi obuius	3.77
Fex	6.61	Fissilis	1.8
Fera	4.42	Flagella, Flagellare	6.47
Ferè	2.49	Flagitium	4.58
Fero, Fero tibi acceptum	5.100	Flagito	5.58
Fero conditionem	4.67	Fleo	5.52
Fero auxilium, & opem	3.65	Fluuiatilis	1.8
Ferox, Ferus	4.97	Fluxus	1.30
Ferre sententiam, & legem	5.48	Fœneratitius	1.11
Ferri	6.51	Fœnero, Fœneror	5.25
Ferruminatio, Ferrumino	6.58	Fœnus	4.59
Ferrumen	ibidem	Fœtificare, Fœtura	4.71
Fessus	4.99	Fœtuosus	1.21
Festa Septimontalia	4.43	Fœtus, Fœtura, Fœtificare	4.71
Festiuus, Festus	4.92	Folia	4.68
Fictitius, Fictilis	1.8	Fore, et Esse cū cōpositis	1.26
Ficus, Ficulus	1.4	Formidosus	1.21
Fides pro tormentis	1.5	Frāgo nauim, & similia	3.75
Fides	5.30	Fremitus	4.29
Fides non fidis, Fidicula	1.5	Frequens, Frequentia	4.96
		Frondes	4.68
		Fruges	4.25
		Fruor	5.5

I N D E X.

Frumenta prematura	4.107	Gesta	4.9
Frumenti copia	4.75	Gestus, Gestio	4.2
Frutex, Fruticari	4.27	Glans	4.28
Fuga	6.5	Gladiatorium munus	4.16
Fundus, Fundum	6.41	Gloriosus	1.44
Fundare, Fundamentum ibidem		Gradum facio & iacio	5.26
Fungor	5.5	Grammatici audaces & su-	
Fusigare	6.47	perciliofi	2.1
Futiles	1.8	Gratiam ago, refero, habeo,	
Futurum coniunctiui, quo di-		& reddo	5.41
scet à præterito eiusdem mo-		Gratiam in eo non dici	5.51
di	3.28	Gratificor	5.76
Futurum participij	1.33	Grator, Gratulor	5.42
G		Gratum facio	5.76
Galli	5.6	Gratus	4.89
Gaudeo, Gaudium	6.12	Granis, Grauidus	6.80
Gemma	6.64	Gregatim	6.20
Gemo	5.42	Greges	4.42
Gena	4.52	Gremium	4.37
Generatim, Generaliter	6.20	Grana	6.38
Genitiuorum significatio	2.1	H	
Genitiui & ablatiui affinitas		Habeo ad uotum	5.70
3.17		Habeo à patre manda-	
Genitor, Genitrix	3.70	tum	1.25
Genuinus dens	4.52	Habeo cum gerundijs	1.26
Genuino rodere	ibidem	Habeo copias omnium rerum	
Gerundiorum significatio &	4.65		
usus	1.65.	Habeo audire	5.98
& 67		Habeo conuenire	ibidem
Germiculum	1.5	Habeo delectum	5.60
		Habeo	

I N D E X.

Habeo fidem	3.60	Homo mansueta & bene con-	
Habeo gratiam	3.41	ditionis	4.67
Habeo in animo	1.25	Homo maturus, & prematu-	
Habeo iter	3.71	rus militie	4.107
Habeo orationem	3.97	Hortus	1.6. & 3.9
Habeo rationem	3.18	Hospes, Hospitium	4.82
Habeo polliceri	3.98	Hospitales	ibidem
Habeo sermonem	3.97	Huc	2.37
Habeo te excusatum	3.67	Huc ades, pro adsis	3.51
Habeo te loco patris, & simi-		Hypotheca	6.37
lia	3.88		
Haud auspicato	6.1	I Acere fundamenta	6.41
Hei	2.11	I acere gradum	3.25
Hem	2.15	Iaculari, Iaculum	6.3
Heri, Hesternus	2.33	Iam, Iamiam	2.47
Herba	4.27	Iamdiu	2.35
Hesterno die	4.81	Iamdudum	ibidem
Heu	2.11	Iamvero	2.24. & 47
Hic	2.5	Iamolim	2.35
Hic mihi gloriatur, &c.	3.52	Iampridem	1.34
Hic non est cum illo compa-		Iam ueniet, & iam presens	
randus	3.72	crit	3.31
Hinnulus	4.42. & 71	Ianua	4.8
Hio, Hisco	3.15	Icus finita nomina	1.10
Histrion	4.31	Idem	2.5. &
Hoc nomine	2.49	6.20	
Hoc magis	1.16	Identidem	2.50
Holitor	1.6	Id etatis	3.17
Holus	1.6. & 3.9	Idq;	2.58
Homo celebris	4.96	Id quod, cum alio antecedente	
Homo capitalis	4.109	3.62	

I N D E X.

Igitur	2.43	rantiam	ibidem
Ignominiosa missio	6.62	Impugno	5.62
Ignorans, Ignoranter	4.94	Imputo	6.44
Ignotus	1.30	In, cum uerbis	3.37
Ilus terminata nomina	1.8	In agendo, In cœna	3.92
Illaboratum	5.59	In animo est	5.22
Ille	2.4	In annos	6.60
Illuc	2.57	In auro, In æs	3.18
Imago mea & mei	2.1	Incedo	5.79
Immigro	5.95	Incesso	3.45
Immunitas	6.39	Incestus	6.45
Impendens, Impendeo	5.42	Inchoatiua uerba	1.22
Impendo	3.45. & 5.82	Incido in æs, uel in ære	3.18
Imperiosus	1.21	Incisim	6.10
Impero	5.48	Incola	4.54
Imperatino deest prima per-		Inconsideratus	1.30
sona	3.28	Inconsultus	5.40
Impersonalium quorūdam re-		Incorporeus	4.98
gimen nouum	3.46	Increpare	4.29
Impertio	5.33	Incumbo	3.44
Impertior passiuum & depo-		Incuria	1.21
nens	ibidem	Incusio	6.13
Impleo	3.33	Indico, Indictum	5.68
Imploro	5.52	In diem	3.68
Impono, Impositor	3.95	Indoles	4.46
Imprecor	5.96. & 6.24	Indulgens passiuæ sumptum	
Improbare	6.44	1.30	
Imprudens	4.94	Indulgentia, Indulgeo	4.18
Imprudenter non dici, sed per		Industrius	1.22
imprudētiam, siue per igno-		Inelaboratum	5.59
		Ineo	

I N D E X.

In eo gratiam	3.54	Insciens, Inscienter feci	4.94
Inest rei & in re	3.45	Insignis	3.35
Inensus, Infestus	4.111	Insomnis	1.20
Infestare	ibidem	Instar	6.18
Inficialis status	6.9	Instituta, Institutiones	4.11
Inficias ire, Inficiator	ibidem	Instratum	6.46
Infidus	4.103	Instructæ naues	3.64
Infinitiuorum esse & fore dif-		Instruo	3.1
ferentia	1.26	In summa	6.20
Infinitiuum interiectum, uel		Intendo, Intentio	6.4
postpositum	3.21	Inter	1.13
Infinitiuo ubi utendum	1.25	Inter actionem	3.91
Infinitiuus loco suppositi	ibid.	Inter agendum, Inter coenan-	
Infra	2.53	dum	ibidem
Ingenium præcox	4.107	Intercedit	3.73
Ingenuus	4.1	Intercludo	3.69
Ingredior	3.39	Interdico	3.39
Ingredior in spem	3.81	Interim	2.49
Ingurgito	3.55	Interest cum supposito	2.1
Inhibeo	3.4	Interrogatio & responsio in	
In horam, In horas	3.68	diuersis casibus	2.50
Initium, Iniens	3.54	Interrogo	3.61
In loco, In locum	3.88	Intersepio	3.69
In manibus	3.34	Interuerto	3.23
In mentem uenit	3.82	Intimus	1.17
In morem	4.11	Intra	2.53
Innocuus, Innoxius	6.17	Introcludo	3.69
In primis	3.71	Intueor te, & in te	3.59
Inquilinus	4.54	Inuenio	3.2
In rem præsentem	4.112	Inuerto	3.25

I N D E X.

Inuestigo	3.45	Iurisconsultus	ibidem
Inueteratus	1.30	Iurisperitus nemo nisi litera-	
Inuicem	2.59. & 3.74	rum peritus	3. in pref.
Inuidia, Inuidiosus	1.21	Iurisconsultus	3.40
Iocus, Iocari, Iocularia	4.16	Iurisperitus	4.48
Ipse	2.1	Ius naturale, Ius ciuile	ibidem
Is	2.5	Iussus	1.7
Is demum	6.21	Iustitium	3.6
Iste cum aduerb. Istic & alijs		Iuuat	3.41
2.4		Iuuenta, Iuuentus	4.40
Ita comparatum seu constitu-		L	
tum est	3.89	Abasco, Labo	3.59
Ita cum superlatiuo	1.15	Labor, eris, Labor, oris	
Ita responsium	2.50	ibidem	
Ita pro ualde	2.54	Lacertosus	1.21
Ita ne	2.17	Lacesso	2.23. & 3.14
Itaq;	2.54	Laliso	4.42
Iter facere, & habere	3.71	Lamentor	3.52
Item, Itidem	2.50	Lamina	4.74
Iterum	2.56	Lanista	4.16
Iterum consul	3.59	Lapidare	3.6
Iubeo	3.68	Lapillus	6.64
Iubendi uerba	3.28	Lapsus	4.99. & 3.59
Iucundus	4.89	Lassus	4.99
Iudicij uerba	3.92	Latebra, Latibula	4.79
Iugerum	1.7	Lauro, eiusq; deriuatiua	1.2
Iugulus, Iugulum petere	4.36	Laxus	4.99
Iugum	4.43	Legatio prematura	4.107
Iuratus	1.30	Leges	4.48
Iura, Iuris naturalis species		Legibus comparatum seu con-	
4.48		stitutum est	3.89
		L ego	

I N D E X.

Lego, & perlego	5.30	Lucrum	3.12
Lenticula	1.6	Luctuosus	1.21
Latabundus	1.9	Luctus	4.60
Lator, Latus	6.12	Lucus	4.56
Leues	6.8	Ludere	4.16
Leuo	5.81	Ludibundus	1.9
Liber, bri	6.43	Ludicrum	1.3
Liberè loqui	4.17	Ludus	4.16
Liberi	3.8	Lues	4.72
Liberi ingenui	4.110	Lupus	4.42
Liberta	4.1	Lusio, Lusus	4.16
Libertas	4.17	M	
Libertinitas	4.1	MAcellum	4.35
Libertinus, Libertus	ibidem	MAcceror, Maceſ.	1.22
Libra pro pondo	3.13	Magis	1.12
Licentia	4.17. & 18	Magister, Magistra	4.38
Liceor, Licitor	5.28	Magistratus officium	4.30
Licet	2.21	Magna autoritate uir	3.17
Lictor, Lictorius, Lintearius		Magnificens	1.30
1.6		Magni interest	3.3
Litera, Literæ, arum	3.6	Magniloquens, & sua compa	
Loco patris	3.88	ratiua, & superlatiua	1.10
Locorum quorundam nomina		Maior, Maius	1.13
4.85		Minor, Maximus	ibidem
Locus celebris et frequēs	4.96	Maiores	6.55
Lombardia	4.85	Mala	4.52
Longè	1.17. & 18	Malè	2.42. & 3.87
Lotium	1.2	Maledictum	6.52
Lubricus	4.101	Maledicentiſſimus	1.10
Luculentus	4.91	Malleolus	4.26
Luce, Luci	4.80	Malum	6.41

I N D E X.

Mando	3.68	Mensarius	4.14
Maneo te	3.93	Mentula	1.5
Mango	4.110. & 6.59	Meo dormientis	2.1
Manipulatum	6.20	Meo iure	6.3
Marinus, Maritimus	4.95	Meo nomine	2.49
Margarita	6.64	Me occupato, & similia	3.64
Mater	3.70. & 4.38	Mereor	4.110.
Materia	4.38. & 6.52	& 5.99	
Materies	4.38	Mercre	4.110
Matuta dea	4.107	Meritorius puer, Meretrix	4.40
Maturè & Præmaturè ibidè		Messis	3.24
Maturesco, Maturo ibidem		Metuo	3.27
Maturrimus, Maturus ibidem		Meum & mei differunt	2.1
Maxilla	4.52	Meum solius	ibidem
Mea	2.1. & 3.2	Migro	5.95
Me cum infinitiuo & accusa-		Mihi	3.52
tiuo	2.14	Miles	1.14. & 6.32
Meditatiua uerba	1.24	Miles frequens spectator præ-	
Mei, tui, sui, pronomina	2.1	liorum	4.96
Membrum	6.10	Miles munificus	6.39
Membratum	6.10. & 20	Millia, Mille	3.4
Membrana Pergamena	4.85	Mimus	4.13
Meme	2.2	Minimum, Minimè	1.18
Memini	3.38	Ministeria, Ministeriū	4.50
Memoria mea & mei	2.1	Minor	1.13
Memoria, Memoriter	3.93	Minores	6.55
Menda	4.6	Minoris emi	3.1
Mœnia	4.8	Minus	1.12
Meno, Mentio	3.58	Mirari se	3.92
Mens, Mentum, Mentior,		Mirificissimus	1.10
Menta	ibidem	Mis, tis, sis	2.1
		Mise	

I N D E X.

Miserere potest, Misertū est		Munimenta	4.75
3.46		Murus	2.8
Modestia	6.41	Musculus	1.5
Modi tres quibus actiuum in		Mutuò aduerbium	2.59
passiuum resoluitur	3.39	Mutuò amare	3.74
Molestia afficere, Molestare		Mutuo,as, Mutuor	5.25
4.111		Mysterium	4.50
Molestia	6.8	N	
Mollis	4.115	Nactus sum	5.2
Momenta	4.41	Nam, Nanq;	2.55
Momentum	6.41	Nam quod	ibidem
Monumenta	4.75	Nascor	3.45
Morbus capitalis	4.109	Natales, Natalia	4.10
Moratus, Morigeratus	4.104	Natalis, Natalitius	ibidem
More maiorum comparatum		Natus	3.70
est	3.89	Natura cōstitutū, cōparatum,	
Morigeror, Morigerus	4.	et prescriptum est	3.29
104		Natura comparatiui	1.12
Morosus	1.21	Natura superlatiui	1.14
Moror te	5.93	Naues instructæ et ornatæ	
Mos	4.11	5.64	
Mulier	6.38	Næ	6.39
Mulier famosa	1.21	Nc	6.29. et 2.14. et 17
Mulus	4.41	et 3.28	
Multò	1.16. et 18	Nec, Nec enim ibidē. et	2.58
Munus	6.39	Necesse est	3.49
Munerarius	1.6. et 4.16	Necubi	3.27
Municeps	4.83. et 6.39	Nec uerò	2.58
Munificus	ibidem	Necatus, Nectus	6.28
Municipatim	6.20	Ne dicam	3.20
Munire uiam	5.71	Nedum	2.18
			Ncg4

I N D E X.

Negationis usus	3.27	Nomina in io	3.66. &
Nego	6.9	4.2	
Negotium	4.61. &	Nomina in orius, & in orium	
5.88		1.6	
Nemo nostrum, nō nostri	2.1	Nomina in osus	1.21
Nempe	2.27	Nomina in rium	1.6
Neq; autem	2.24	Nomina adiectiua in tilis, filis	
Neq; id sine, Neq; enim	2.58	& xilis	1.8
Neq; hoc, Neq; illud	ibidem	Nomina quorundam locorum	
Nequaquā, Neutiquam	3.27	4.65	
Neuter neutrum accusat	3.30	Nominatim	6.20
Ne'ue	2.17	Nominatiuus pro accusatiuo	
Nihil ad te	3.90	3.23	
Nihil ad Persium	ibidem	Nominatiuus pro uocatiuo	
Nihil, & Nisi	3.54	3.22	
Nimirum	2.27	Nominum criminalium, &	
Ningit	3.40	pœnarium regimen	3.31
Nisi	2.19. & 3.	Non	2.50. &
29.54		3.28	
Nobilis	5.35	Non autem	2.24
Nocentes	6.17	Non continuo, protinus, sta-	
Nocte	4.80	tim	2.30
Nomina diminutiua	1.5	Non, & nisi, cum alijs uerbis	
Nomina in bundus	1.12	3.29	
Nomina in arius	1.6. &	Non placeo mihi	5.92
21.		Non pridem, Non ita pridem	
Nomina in aster	1.5	2.34	
Nomina in ceus, eus, itius	1.11	Non quia, Non quo, Non ut,	
Nomina in cr., uel in ellus		Non quod	2.37
1.5		Non me fugit, & similia	
Nomina in icus	1.10	3.80	
		Non	

I N D E X.

Non modò	2.18. & 31.	Nutus	6.27
& 3.27		Nux	4.28
Non scio, & non uolo barba-		O	
ra	6.39	O	2.13
Non solum, Nō tantum	2.18.		
& 31. & 3.27		Obeo	3.44
Nostras	2.3	Obiter	2.49
Notabilis	3.35	Obruo	3.55
Nouacula	1.5	Obferuantia	4.3
Noualis	6.42	Obferuatio, Obferuo	ibidem
Noui copias tuas	4.65	Obses	6.31
Nouissimè	2.50	Obuiò	3.77. & 3.107
Nouitius	6.59	Obuius tibi fio, Obuius sum	
Noxa, Noxales actiones	6.35	tibi, & similia	3.77
Nudiustertius, Nudiustertius		Occupatio, Occupatus	3.57
2.33		Occupo	ibidem
Num	2.50	Occurrit mihi	3.82
Numen, Nutus	6.27	Otium	4.61
Numeralia	1.14. & 3.5	Oculi lubrici	4.101
Numeralium usus, & ordo		Odiosus	1.21
3.5. & 14		Odor	3.9
Numerorum ordo	3.14	Odium	1.21
Nummularij	4.44	Odium capitale	4.109
Nunc	2.51	Offendo	3.2
Nunquando	2.50	Offero electionem	4.67
Nuntium, Nuntius	6.15	Officia	4.30. & 50
Nuper	2.34	Officina	4.44
Nuspian, Nusquam	2.28	Officium	4.30. & 6.39
Nutrio, Nutrix	3.46	Olim, Olimiam	2.35
Nuto	3.84	Olus	3.9
		Omni	

I N D E X.

Omniū rerū copias habeo	Ovis	4.42	
4.65			
Onager	4.42	P	
Opem fero	3.65	Abulum	4.53
Opera, rē, Operæpretiū	4.76	Pacatus sum, Pacificatus	
Operosus	1.21	sum	5.73
Oportet legere libros	3.49	Pædor	6.25
Opinio	3.86	Pallium	6.46
Opifices	4.44	Pallace, Πάλλαξ	6.48
Oppetere	5.44	Pampinarium	1.6
Oppidatim	6.20	Pannofus	1.21
Oppidum	4.20	Par	5.74
Oppidum frequens	4.96	Parasitaster	1.5
Oppignero	6.57	Parasitus	4.51
Opprobrium	6.44	Parenthesis	3.11. & 84
Oppugno	5.62	Parens	3.70
Opus	4.76	Parentalia, Parentare	4.23
Opus agere	5.99	Parem esse	5.74
Oratio	6.36	Paria facere	ibidem
Orationis copia	4.65	Paries	4.8
Orator	4.81	Pariter	2.32
Orbitas, Orbus	4.106	Parit mulier filium	5.13
Ordo	4.14	Pars mea, & mei	2.1
Ordo numerorum	3.14	Partio	5.33
Oriundus	3.57	Partior	5.33. & 3.45
Ornatus nauium	5.64	Particeps	3.45
Orphanus	4.33	Parturio	1.24
Oro	5.29	Participia perbellè infinitiuo	
Os	4.52	adiuncta	1.25
Ostēdo cum alijs uerbis	5.72	Participij compendium	1.32
		Participia in ens in substantiū	
		trans	

I N D E X.

transeuntia	1.33	Pellex	6.48
Participiorum copulatio cum		Pello	6.47
infinitiuo fore	1.26	Pellucidum	5.31
Participium futuri tēporis in		Penarium	1.6. & 4.35
nomen transiens	1.33	Pendo, & inde cōposita	5.82
Participiū präteriti actionē,		Penes	6.54
præsentis passionē signifi-		Penetrabilis, Penetralis	6.26
cat	1.30	Penetro	6.57
Participium præsentis tempo		Penarium	1.6
ris, pro präterito poni	1.31	Pensilis	1.8
Parui interest	3.3	Penuria	4.62
Parumper	2.48	Penus	4.35. & 6.56
Pasco, Pascor	4.53	Per	2.48. & 3.64
Pasim	6.19	Per, & quā cū gradibus	1.17
Pasui usus elegans	3.49	Per, cum compositis	5.30
Pastio, Pastus	4.53	Peragere reum	5.30
Pater	3.70. & 4.38	Perago iussa	5.68
Patres	6.55	Perceptibilis	6.26
Patrocinari	4.12	Percontor	5.61
Patrocinium, Patronus	ibidē	Perditus	5.31
Paucis diebus	3.53	Peregrinus	4.82
Paulisper	2.48	Perendie, Perēdinus dies	2.33
Paulo	1.16	Perfero	5.30
Peccatum capitale	4.109	Perfidus	4.103
Pecora, Pecudes	4.42	Perfluo, Perfuga	5.31
Peculatus, Pecunia	6.40	Perfunctus	5.44
Peculiaris, Peculium	ibidem	Pergamenū, Pergamū	4.85
Pecuniarum copia	4.65	Περὶ δ' αὖτε	4.23
Pediculus, uel Pedunculus	1.5	Perinde	2.50
Peius	2.52	Periodus	6.10
		Perira	

I N D E X.

Periratus, Periurus	3.31	Philosophaster	1.5
Perlego	3.30	Pigere	3.46
Perlucidum	3.31	Pignero, Pignus pigneris	6.57
Permissus, Permissu	1.7	Pigneratitius	1.11
Permaneo	3.30	Piscis, Pisciculus	1.5
Per meipsum, teipsum	3.64	Placatus sum	3.73
Permitto	3.68	Placeo mihi	3.92
Pernocto, Pernox	3.30	Plango	3.52
Peroratio, Peroro	ibidem	Plantarium, Plantæ	1.6
Perpendo	3.82	Platea frequens	4.96
Perpeffus	3.31	Plenus	3.33
Perpluo	ibidem	Pleriq; Plerunq;	4.90
Perquam	1.17	Plicatilis	1.8
Perscribo	3.30	Ploro	3.52
Persequor	3.32	Fluit	3.40
Persona	6.34	Plumbatura	6.58
Perpicuum	3.31	Pluralis, pro singulari abusio	
Persuadere, Persuasio	3.30	3.11	
Pertinax	3.31	Plura	4.90
Peruenio	3.56	Pluris	3.1
Peruersus	3.31	Plusculus	1.5
Peruigil, Peruigila	3.30	Pluuiatilis	1.8
Peruestigo	3.45	Poëta	4.32
Pessimè	2.52	Pœnitet	3.46. & 4.18
Pestilentia, Pestis	4.72	Polliceri habeo	3.98
Petere iugulum	4.36	Poma cruda	4.116
Peto	3.58	Poma præcocia, præmatura,	
Petulans	4.105	& serotina	4.107
Petulantia	ibidem	Pomarium	1.6
Φάραγγον	4.4	Pomeridianum	ibidem
Philomela	6.20	Pomum	4.28
		Pompa	

I N D E X.

Pompa	4.39	Prauum	6.40
Pondo	3.13	Præ,in compositione	3.31
Pono conditionem	4.67	Præcepta, præceptiones	4.11
Populabundus	1.9	Præcipio	3.68
Populnus	1.4	Præclarus, Præclare	4.91
Populus frequens	4.96	Præcoquus	3.11
Porcus	4.42	Præcox	4.107. & 3.31
Porro	2.24	Præditus	3.15
Porta	4.8	Prædium	6.40
Portari	6.51	Prægnans	1.33
Portitor, Portorium	1.6	Prælium	4.64
Posco	3.58	Præmaturus	4.107
Possessio	6.41	Præ me fero	3.17
Posses te pigere	3.46	Præparo	3.64
Possessiva nominum quorundā		Præpositiones accusatiuo, &	
locorum	4.85	ablatiui iunctæ	1.27
Post, uim habet comparatiui		Præripio	3.68
1.16		Præscribit ratio	8.89
Posteri	6.55	Præ se fert, Præ se ducit	3.17
Posteriorēs	ibidem	Præ fert, Præ se gerit	ibidem
Postremus	3.31	Præsens	1.33. & 4.112
Posthac, Post illud	2.56	Præsentaneum	4.112
Postridie	2.10. & 33	Præses, Præsideo	3.65
Postulatio præmatura	4.107	Præsides hoies, Præsidiū	3.66
Postulo	3.58	Præstans	4.121
Potestas mea & mei	2.1	Præstare	6.16
Potio, Potus	4.4	Præstò sum	3.51
Potiri, Potitus	3.34	Præsul, Præsum, Præsidi.	3.65
Potissimū, non potissime	6.29	Præterquàm	3.54
Poto, eiusq; deriuata	1.2	Prætor, Prætorius	1.6. et 4.84
Poterium	1.6	Præteriti distantia inter futu-	
		rum	

I N D E X.

rum coniunctiui modi	3.28	Pronomina mei,tui,sui	2.1
Præteritum pro futuro	3.48	Pronuba	6.1
Præuaricatio,Præuaricari		Pronuntio memoriter non me-	
6.30		moria	3.93
Præuaricator	ibidem	Proœmium	3.54
Precor	5.96. & 6.24	Proœmium apparatus	3.64
Pridem	2.34	Propediem,Propemodũ	3.66
Pridie aduerbium	2.10. & 33	Propius urbem	2.12
Pridianus	2.33	Properatim	6.20
Prima luce , Primis tenebris		Propono cũ alijs uerbis	3.72
4.80.		Propositiones, & rationes in-	
Primus tenebris , prima nocte		terdum confundi	3.30
4.80		Proprator,Proquestor	4.84
Prima die,ac nocte	ibidem	Proprietas comparatiui	1.19
Primipularis,Primipilus	4.84	Prosequor	3.32
Prior,Primus	1.13. & 3.31	Prosper	4.87
Princeps	1.18	Proteruia,Proteruius	4.103
Priscus,Pristinus	4.86	Protinus cũ particula nõ	2.30
Priuatim & Priuatè	6.20	Prouinciatiim	6.20
Probrum	6.44	Prouoco	3.14
Procacitas,Procax	4.103	Proxime hostem	2.12
Proconsul	4.84	Proximus	1.17
Procul	2.11	Prudens feci	4.94
Proculdubio	3.49	Pudor	4.103
Profectò	2.27	Pueri catamiti	4.110
Profluens	1.33	Pueri meritorij	ibidem
Profore	1.26	Pugillares	3.8
Profusus	1.30	Pugna	4.64
Prohibeo	3.4	Pullastra	1.5
Proinde	2.30	Pullus	4.71
Promontorium	4.43	Pulsare,Pulsatio	6.47
		Pun	

I N D E X.

Punctum	6.41	Quanti interest	3.3
Punctum	6.20	Quantum & tantum indiffe=	
Punio	3.69	renter iunguntur cum tan=	
Pupillus	4.33	to & quanto	1.16
Q			
Q Vadringeni, Quadrin=		Quare, Quapropter	2.43
genti, Quadragesi=		Quartum consul	3.39
ma	3.5	Quasi	2.36
Quadrinus	1.5	Quatenus	2.42
Quadrinoctio	2.33	Quaternus	3.5
Qualitas	6.34	Quatriduo	3.53
Quam pro quantum	1.17	Que, coniunctio enclitica	
Quam, ubi deceat	3.54	2.58	
Quam pridem, Quam dudum		Quemadmodum	2.54
2.34		Quæsitum est	5.24
Quam cum gradibus	1.17.	Quæsiui te ab ostio, ex ostio,	
& 18		de ostio	3.66
Quamvis sub dictione, tamen,		Quæstus, Quæstibus	3.12
subintelligi	2.40	Questus, Questubus	ibidem
Quam ut, quam qui, quam		Quæstor, Quæstorius	1.6.
pro	1.17	& 4.84	
Quamobrem	3.43	Quæstuosus	1.21
Quamvis	2.21	Quia	2.31
Quando, Quandoquidem		Quicquid, Quicumque	3.16
2.42		Quid	1.13. & 3.16
Quando utimur nominatiuo		Quid ad te	3.90
pro uocatiuo	3.22	Quid est nisi	3.54
Qua pietate es	3.74	Quid interest inter præteri=	
Quamquam	2.21	tum & futurum coniuncti=	
Quanti, Quanticunq;	3.1	ui modi	3.28
		Quidq;	1.15
		K 2	
		Qui	

I N D E X.

Quidam	3.16. & 63	Quorundam locorum nomi=	
Quidem	2.23	na	4.85
Quin, Quinetiam	2.45	Quotannis	6.60
Quippe	2.27	Quotidiana febris	4.108
Quippiam	3.16	Quotidianus	ibidem
Quis	1.13	Quoties	2.49
Quis & is in parenthesi		Quot modis iubemus	3.28
5.84		Quotus	1.14
Quis cui præponendum	3.30	Quum	1.39
Quisquis, Quicunq;	3.16		
Quippiam, Quisquam	3.63	R	
Quisq;	1.14	R Apio	5.83
Quisque cum uerbo, aut par=		Raptim	6.20
ticipio	3.60	Rasilis	1.8
Quod, pro quæ res	3.61	Ratio	6.36
Quo, & eò	1.15. & 2.37	Rationem habere, Ratio con=	
Quod autem, Quod uerò		stat, Rationem ducere	5.18
2.55		Rationum, & propositionum	
Quòd cõiunctio	2.20. & 39	inculcatio	3.50
Quòd scribis gaudeo, et quòd		Re	5.31
scribas gaudeo	2.20	Re composita	5.63
Quodcunq;	3.16	Recaluaster	1.5
Quodq;	1.15	Recedo	5.95
Quò minus, Quò secius	1.12	Receptor	4.82
Quomodo	2.54	Reciprocatio	fol. 471. cap. 3
Quoniam	2.27	Recludo	5.63
Quoquo	3.16	Reconcilio	5.54
Quoquo uersus	2.8	Recordationis uerba	3.82
Quoq; ablatiuus	1.14	Recrudesco	4.116
Quoq;	2.56	Reddo, pro do	2.56
		Reddo gratias	5.41
		Redeo	

I N D E X

Redeo	2.56	Reputo	6.44
Reditus parenthesis	3.11	Rescisco	6.23
Reduco	5.77	Respondeo	3.45
Refero ad Senatum	5.100	Respondeo subauditum	3.47
Refero gratis	5.41	Reses, Resideo	5.65
Refero tibi, & ad te	3.38	Respisco	5.3
Refert cum supposito	2.1	Resigno, retego, retexo	5.63
Refertio, Refertus	3.33	Reuertor	2.56
Refigo	5.63	Rheginenses, Rhegini	4.85
Refragor	4.70	Rhetor	4.81
Regimen nominum criminatum, & poenali- um	3.32	Ridiculus	1.5
Regimen uerborum cum diuersa eorum significatione	3.45	Rixa	6.61
Regionatim	6.20	Rogationes	4.48
Relatiui cum antecedente dis- cordia elegans	3.19	Rogatos uelim	1.27
Religiosus	1.21	Roma urbs Septicollis	4.43
Remaneo	5.63	Rosarium, Rosetum	1.6
Remigro	5.95	Rumor	4.7
Reperio	5.2	Ruri	4.80
Repeto	5.63	Rursus	2.56
Repetundarum, Repetundis	1.34	S	
Repignero	6.57	SAcellus, la, lum	1.5
Repo, Repto	6.5	Sacrarium	1.6
Reporto	6.51	Sacrilegium	6.4
Reposco	5.63	Salij	5.65
Repono in te spem	3.91	Salio, Saltatio, Saltus, Salto	5.103
Repositorium	1.6	Saltus	ibidem, & 4.56
Repurgo	5.31	Saluber, bris	4.83
		Salue, Saluebis	6.30
		Salucto, Saluco, Salutare ibide	4.88
		Salutifer	4.88
		K	
			Saltem

I N D E X.

Saltem, Sanè	2.27	Sedacula	1.5
Sanus	4.98	Seditio	4.63
Sarcina, Sarcinam compone-		Seges	4.25
re, uel colligere	4.49	Segetes prematuræ	4.107
Sarmentum	4.26	Semel	6.20
Satio uerbum, Saturo	5.78	Sementis	4.24
Saxatilis	1.8	Seminarium	1.6
Scala	3.13	Semifomnus	1.20
Scaturio	1.24	Senator	4.84
Sciens feci	4.94	Senatorius	1.5. &
Scilicet	2.60	4.84	
Sciscitor	5.61	Senatus frequens	4.96
Scitus	1.30	Senatusconsultum	5.100
Scomma	5.10	Senectæ, Senectus	4.40
Scribo	5.30	Senes	4.5
Sculptile	1.8	Senilis ætas matura	4.107
Scurra	4.51	Senium	4.40
Secunda uice consul	3.59	Sensibilis, Sensilis	6.26
Secius	1.12	Sentina	6.61
Sectile	1.8	Separatim	6.20
Sector	1.2	Sepulchra	4.75
Secundum præpositio	2.46	Septicollis urbs Roma	4.43
Secundus	1.18	Septingeni, Septingēteni	3.5
Secus uim habet comparatiui		Septimontalia festa	4.43
1.16		Series	4.14
Sed cum relatiuo	3.27.	Serio	4.16
& 37		Sero, Serotinus	4.107
Sed saltem, Sed certè, Sed uel		Seruitium, Seruitus, Seruitia	
3.27		4.50	
Sed cui	3.61	Sese	2.2
Sedeo	5.6	Seßilis	1.8

Sexceni

I N D E X.

Sexceni	3.5	Soluendo esse	1.27
Si subauditur	3.48	Solummodo	2.41
Sic, Sicq;	2.50. & 54	Solutilis	1.8
Sicut, Sicuti	2.36. & 54	Somnus, & eius cōposita	1.20
Sicubi, Sicunde	3.27	Sordes	6.61
Sido	5.6	Sortior	5.33
Sidus	6.22	Spargo humū floribus	4.101
Signa pro operibus sculptili-		Spatium annuum, & diurnum	
bus	4.115		4.108
Significatio, & regimen uer-		Species generi preponitur	
borum uarium	3.45		6.22
Siliqua, Siliquastrum	1.5	Spectacula	4.69. & 16
Similis tui, uel tibi	3.45	Spectat	3.96
Simonia	4.19	Spei uerba	3.31
Simul	2.32	Spero	5.47
Sin, & cōposita	1.12. & 2.26	Spem, metumq; ostēdere	5.72
Sinus	4.37	Sponte	2.57
Si non, cum uerbo	3.29	Statim, cū particula non	2.30
Singularis	1.14. & 5.35	Stator, Statum	5.6
Siquidem	2.25	Status inficialis	6.9
Sis	2.1	Stella	6.22
Sis frequens	4.96	Sterno	6.46
Sisto	5.6. & 6.31	Sterno lectum pallio	4.101
Situs	6.25	Stipendia facere	4.110
Siue	2.17	Stipendiarius	1.6
Soboles	4.27	Sto	1.6
Socius, Sodalis, Sodalitas	4.37	Stolidus	4.113
Solamen, Solatiū, Solor	4.77	Stomachofus	1.21
Solicito	5.75	Strages	4.49
Solus	3.67	Stragula	6.46
Solstitium	5.6	Stramentitius	1.11

K 4

Strep

I N D E X.

Strepitus, Stridor	4.26	Super coenam	3.91
Strictim	6.20	Superioribus diebus	3.53
Struētilis	1.8	Superficies	4.31
Strues	4.49	Superlatio	1.3
Studiosus	1.21	Superlatiui aduerbia seruiunt	
Stultē, Stultus	4.113	accusatiuo	2.12
Stuprare, Stuprum	6.45	Superlatiui resolutio	1.12
Sua	3.2	Superlatiui nois natura	1.14
Suadeo, Suasor	5.30	Supersum	5.53
Subijt mihi, & me	3.82	Supini	3.44
Subinde	2.50	Supinum in tum	1.28
Subleuo	5.81	Supinum in tu	1.29
Subsido	5.6	Suppetias uenire, suppetiæ	6.9
Subsidium	5.65	Supplico	5.11
Subter	2.53	Supplicium capitale	4.109
Suburbana	4.20	Supplicium sumo	6.3
Succurrit mihi	4.82	Supplodo	5.9
Suffragia, Suffragor	4.70	Supra	2.53
Sui	2.1	Surdaster	1.5
Sulphuraria	1.6	Sursum, & Deorsum	2.57
Summatim	6.20	Suscipio curas & similia	6.3
Sum maturus audiendæ philo=		Suspicio	5.56
sophie	4.107	Sustulit pater filium	5.13
Sumo	6.3	Sutis	1.8
Sum positus in hac conditione		Sutrina	4.44
4.67		Suus	2.1
Sū præmaturus militiæ	4.107	Sum quisq;	3.60
Sumptuosus	1.21	Sylua	4.56
Sum tibi audiens	3.42	Syncerum	6.37
Sum tibi obuius	3.77	Synecdoche	3.17
Super	2.53	Σαυίτvs	4.38

Taber

I N D E X.

T		Tenebræ	4.80
Taberna , Tabernarij	4.	Teneo memoria	6.3
44		Tentorium	1.6
Taberna meritoria	4.110	Tenus	2.8. & 9
Tabellarium	1.6	Tergiuersator, Tergiuersari	
Tabulæ	4.115	6.50	
Tacitus	1.30	Ternus	3.5
Tant	1.16. & 18	Ter cōsul, Tertiu cōsul	3.59
Tamē, qua de causa ab oratio=		Terra, Territorium	4.83
ne quādoq; abijciatur	2.40	Terræ gremium	4.37
Tamen cum relatiuo	5.61	Tertia uice consul	5.59
Tamet si	2.21	Testamentum	6.36
Tandem	6.21	Tete & tutu	2.2
Tandiu	2.35	Textilis	1.8
Tanquam	2.36	Tharsis	5.6
Tanti, Quāti, cū cōpositis	3.1	Thebani, Thebæi	4.85
Tanti interest	3.3	Theca	1.6
Tantisper	2.48	Θήλυς	6.38
Tantum	2.44	Tibi uacans	3.53
Tantū abest, Tantū non	2.31	Timeo	1.25
Tantum & tantò quibus iun=		Timeo tibi, Timeo te	3.45
gantur gradibus	1.16	Tinētilis	1.8
Tantundem, Tantidem	3.1	Titubo	5.84
Tedere	3.46	Toga, Togati	6.46
Tectorium	1.6	Tollo	5.13
Temere	2.49	Tornatilis, Tortilis, Tonsi=	
Temporantia	4.41	lis	1.8
Tempus pro tempore posi=		Tractim	6.20
tum	3.48	Traicio	3.36
Tēpus cōtinuū per accusatiuū		Tragædus, Tragicus	4.32
significari falsum esse	3.53	Transfero	3.35

K 5 Trans

I N D E X.

Translucens	5.31	Tuus	2.1
Transmarinus	4.95	V	
Transmaritimum	ibidem	V Acillo	584
Transmigro	5.95	V Vaco, Vacat	5.85
Trapeza, Trapezita	4.44	Vadatus, Vas	6.31
Treceni, Triceni	3.5	Vadimonium	ibidem
Tribunus, Tribunitius	4.84	Valde	1.18
Tributarius, Tributorius	1.6	Vale, Valeo, Valeant	6.30
Triclinium	4.34	Valetudo	6.18. & 6.30
Triduo	2.33. & 3.53	Valetudinarij	6.30
Trinus	3.5. & 1.5	Væ	2.11
Trinoctio	2.33	Vbera lacte grauida	6.7
Trinus, Trinitas	3.5	Vbertim	6.20
Trinum nundinum	ibidem	Vbi collocandum adiectiuum	
Tripudium	5.103	3.25	
Triumphalis	4.84	Vbi primum	1.17
Triumphator	ibidem	Vbiq;	6.19
Triuialis scientia	4.16	Vc	2.17
Tua, Tua interest	3.2	Vectatio, Vector	3.86
Tui	2.1	Vestigal	4.59
Tum	2.22	Vel	2.17
Tum uerò	2.24	Velut, Veluti	2.36
Tuo ipsius	2.1	Venalis	4.93
Tuo nomine	2.49	Venalitarij	6.59
Tuos qui	2.1	Vendibilis	4.93
Turba	6.61	Vendico	5.8
Turbo, binis	ibidem	Veni, uenito	3.28
Turchia, Teucria	4.8	Venia	4.18
Turmatim	6.20	Veni in opinionem, suspicio=	
Tutu, & tete	2.2	nem, obliuionem, &c.	3.86
Tutus	1.30	Venire in mentē 1.25. &	3.82
		Venti	

I N D E X.

Ventito	3.10	Verba indefinita	7. 1.28
Venustè discordat relatiuum		Verba pretij cum casu	3.1
cum antecedente	3.19	Verba præteriti, pro futuro	
Verba ad auctoritatem perti-	3.46		
nentia	3.89	Verbera, Verberatio	6.47
Verba ad finem operis perti-		Verberare	ibidem
nentia	3.85	Verbo passiuo, ubi nitidius uti-	
Verba ad finitionem pertinen-		mur, ubi actiuo	3.49
tia	3.78	Verborum uarium regimè, &	
Verba ad coniecturam perti-		significatio	3.45
nentia	3.79	Verbum cui personæ, generi	
Verba ad notitiam pertinen-		& numero respondere de-	
tia	3.80	beat	3.24
Verba ad spem pertinentia		Vereor ut, & ne	3.27
3.81		Verna, uernaculus	1.5
Verba ad recordationem per-		Vero	2.24
tinentia	3.82	Versicolor	6.55
Verba ad uisionem pertinen-		Versicoloria, rie	ibidem
tia	3.83	Versilis	1.8
Verba desideratiua	1.23	Versus	2.8
Verba quâdo uenustè in ora-		Vertex	6.11
tionem aut desunt, aut redun-		Vescor	4.53
dant	3.47	Vesper	4.80
Verba motus	1.27	Vespertilio	4.45
Verbalia in atio	1.2	Vestiarium	1.6
Verba in fio	1.22	Vestigo.	5.45
Verba in rio meditatiua	1.24	Vestras, & nostras	2.3
Verba præteriti temporis, pro		Vetatio non uetitio	1.2
futuri	3.48	Veterator	6.59
Verba inchoatiua	1.22	Veto	6.9
Verba motus ad quem	1.25	Veteres	4.5
		Vid	

I N D E X.


Via	3.66	Vmbratilis	1.8
Viam facere	5.71	Vna	2.32
Viam munire	ibidem	Vnio	6.64
Vicatin	6.20	Vnus	3.67
Vicinia, Vicinitas	4.20	Vnus aut alter	4.59
Vicissim	2.59	Vnusquisque	1.14
Vicus	4.20	Vocatiui in nominatiuum mu-	
Victito	5.10	tatio	3.22
Victus	6.56	Vocare in inuidiam	1.21
Videlicet	2.60	Vocaui te à uia, è uia, de uia	
Videor uenustè usurpatum	3.66		
3.51		Vociferor	5.52
Video te accusatum, &c.	1.28	Vocor in spem	3.81
Videre licet, Videas	3.83	Volatilis	1.8
Vigiliæ	4.69	Volitare, Volatus	6.5
Villa	6.41	Volo	3.49
Vindico, Vindicta	5.8	Volucris	4.45
Vir	3.70	Volumen	6.43
Vir magnæ, paræ, mediocris		Voluptuosus	1.21
conditionis	4.67	Vrbani uici	4.20
Virgo	6.38	Vrbs Roma	ibidem
Viritim	6.20	Vrbs frequens	4.96
Virtuosus non dicitur	1.21	Vrbs Septicollis Roma	4.43
Virtutis, & uitij indoles	4.46	Vsq̃	6.19
Viso	1.23	Vsq̃	2.8. & 4.112
Vitabundus	1.9	Vsq̃ue adeo	2.44
Vitium	4.6. & 5.8	Vsq̃ue eò	ibidem
Vitium capitale	4.109	Vsurpo	5.50
Viuarium	1.6	Vsus	5.5
Vltro citroq̃	2.57	Vsus nominatiui, pro uocati-	
Vllus	3.63	uo, & contra	3.21
		Vsus	

I N D E X.

Vsus pluralis, pro singulari	3.21	Vt primum	1.17
Vsus nominatiui, pro accusa-		Vt, pro quàm, uel quantum	
tio	3.23	ibidem	
Vsus negationis	3.27	Vt, pro quippe, seu utpote	2.
Vt ceteros	3.21	28.36. & 54	
Vt ceteri	ididem	Vt quia	2.37
Vt, cum facio, & commutto		Vt quòd	ibidem
2.38		Vtroq; uersus	2.8
Vter, & Quis, cum interroga		Vtrum	1.13
tione	1.13	Vt, superlatiuo iunctum	1.15
Vter utrum accusat	1.30	Vt tamen, abijcitur ab oratio=	
Vterque cum uerbo, uel parti=		ne	2.40
cipio	3.60	Vuaceus	1.11
Vt, & Ita, cū superlatiuo	115	Vux præcoces, & serotine	
Vti	2.36	4.107	
Vtile est	3.49	Vultus	4.13
Vtiq;	2.27	Z	
Vtpote	ibidem	Zeugma	3.24
Vtor	5.5		

F I N I S.

200



SEBASTIANVS
GRYPHVS GER
MANVS EXCV=
DEBAT LV=
GDVNI,

ANN. M. D. XXXX.





